


# 閩書

第二冊

〔明〕何喬遠 編撰

福建人民出版社



〔明〕何喬遠 編撰

廈門大學 古籍整理研究所  
歷史系古籍整理研究室  
《閩書》校點組 校點

# 閩書

第二冊

福建人民出版社

(閩)新登字 01 號

MIN SHU

閩 書

(第二冊)

[明]何喬遠 編撰

\*

福建人民出版社出版發行

(福州得貴巷 59 號)

上海傑申電腦排版有限公司排版

福州七二二八分廠印刷

開本 850×1168 毫米 1/32 29.5 印張 4 插頁 703 千字

1994 年 8 月第 1 版

1994 年 8 月第 1 次印刷

印數:1—2000

ISBN 7—211—02319—8

K·173 定價:50 元

書中如有印裝質量問題,可直接向承印廠調換

## 第二冊目錄

卷之四十一	前帝志	一〇〇五
	君長志	一〇〇八
卷之四十二	文蒞志	一〇二九
卷之四十三	文蒞志	一〇五二
卷之四十四	文蒞志	一〇八七
卷之四十五	文蒞志	一一一八
卷之四十六	文蒞志	一一五一
卷之四十七	文蒞志	一一八二
卷之四十八	文蒞志	一二一〇
卷之四十九	文蒞志	一二三五
卷之五十	文蒞志	一二六三
福州府		一二六三
卷之五十一	文蒞志	
福州府閩縣	侯官縣	古田縣
		閩清縣

	長樂縣	一三〇八
卷之五十二	文蒞志	
福州府連江縣	羅源縣	永福縣
		福清縣
懷安故縣		一三四七
卷之五十三	文蒞志	
泉州府		一三七九
卷之五十四	文蒞志	
泉州府晉江縣	南安縣	惠安縣
		德化縣
安溪縣		一四二六
卷之五十五	文蒞志	
泉州府同安縣	永春縣	一四七九
卷之五十六	文蒞志	
建寧府建安縣	甌寧縣	建陽縣
		崇安縣
		一五二〇
卷之五十七	文蒞志	
建寧府浦城縣	政和縣	松溪縣
		壽寧縣
		一五六三

延平府……………一五八五

卷之五十八 文蒞志

延平府南平縣 將樂縣 大田縣 沙縣

尤溪縣……………一六〇一

卷之五十九 文蒞志

延平府順昌縣 永安縣……………一六四八

汀州府長汀縣……………一六五六

卷之六十 文蒞志

汀州府寧化縣 上杭縣 武平縣 清流縣

連城縣 歸化縣……………一六八九

卷之六十一 文蒞志

興化府莆田縣……………一七二七

卷之六十二 文蒞志

興化府仙游縣 興化故縣……………一七六八

邵武府……………一七八一

卷之六十三 文蒞志

邵武府邵武縣 光澤縣 泰寧縣 建寧縣……………一八〇六

漳州府……………一八三五

卷之六十四 文蒞志

漳州府龍溪縣 漳浦縣……………一八五三

卷之六十五 文蒞志

漳州府南靖縣 漳平縣 長泰縣 平和縣

詔安縣 海澄縣 寧洋縣……………一八九六

卷之六十六 文蒞志

福寧州福安縣 寧德縣……………一九一九



## 閩書卷之四十一

### 前帝志

宋

端宗 帝昺

端宗 姓趙名昺，度宗長子也。母楊淑妃。度宗崩，楊太后召賈似道等人官擬所立。衆請立昺。似道以帝嫡，遂立之。時方四歲。封帝爲吉王，帝昺爲信王。德祐二年正月，元兵迫臨安，進封帝益王，判福州；昺廣王，判泉州，以駙馬都尉楊鎮及楊亮節、俞如圭爲提舉。元兵至皋亭山，鎮等奉之走婺州。伯顏入臨安，以帝昺北行，遣兵召鎮偕王還。鎮曰：「吾往死之，以緩元追。」亮節等負帝及昺匿山中七日，走温州。陸秀夫、蘇劉義相繼追及於道，遂召陳宜中於清澳，張世傑於定海，奉帝爲天下兵馬都元帥，廣王副之，發兵除吏。以秀王與昺爲福建察訪使兼安撫，知西外宗正；趙吉甫知南外宗正兼福建同提刑，先入閩中，撫吏民，諭同姓。而帝遂入閩。帝自温州，從處州入松溪，宿縣北門五里外田園鄉。後人爲橋，名其橋曰一宿。

五月乙未朔，陳宜中等奉帝卽位於福州，改元景炎。升福州爲福安府。冊楊淑妃爲皇太后，同聽政。進封弟昺爲衛王。以陳宜中爲左丞相兼都督，李庭芝爲右丞相，陳文龍、劉黻參知政事，張世傑、陸秀夫僉書樞密院事，蘇劉義殿前都指揮使，王剛中知福安府。劉黻未至，卒。詔吳浚、趙潛、傅卓、李珏、翟國秀

等分道出兵。是日郊赦。文天祥自鎮江亡歸，以爲右丞相兼知樞密院事。遣呂武人江淮招豪傑，杜濟如温州募兵。是月，召揚州守將姜才爲保康軍承宣使、經略使。六月，吳浚聚兵於廣昌，復南豐、宜黃、寧都三縣，翟國秀復秀山。傅卓至衡、信，諸縣民多應者。詔右丞相文天祥同都督諸路軍馬。七月丁酉，文天祥開府南劍州，經略江西。是月，兵敗於南豐，翟國秀引還。傅卓兵敗降元。李庭芝、姜才自揚州赴召，至泰州被執，死之。八月，漳州亂，命陳文龍爲閩廣宣撫使討之。以王積翁爲福建提刑招捕使、知南劍州，備禦上三郡，黃恮爲同提刑招捕使、知漳州，備禦下三郡。張世傑遣官助吳浚與元將李恒戰，兵敗奔寧都。九月，以興化石手軍亂，復命陳文龍知興化軍。東莞人熊飛與新會令曾逢龍相繼起兵，會趙潛，遂復韶州、廣州。元呂師夔等聞之，引兵入梅嶺。十月，文天祥駐汀州。趙潛遣曾逢龍就熊飛禦元兵於南雄，逢龍戰死，飛奔韶州，守將劉自立以城降，飛率兵巷戰，兵敗赴水死。十一月，秀王與罕禦元兵於瑞安，觀察使李世達死之，與罕及其弟與慮、子盟備、監軍趙由瑞、察訪使林溫被執，皆死。元將阿剌罕兵至建寧府，執守臣趙崇鑑。知邵武軍趙時賞與王積翁並棄城遁。陳宜中、張世傑以元兵漸迫，奉帝及衛王、楊太后以下俱繇東港入海。元阿剌罕犯福安府，王剛中以城降，兵部侍郎朱浚仰藥死。帝至泉州，招撫使蒲壽庚來謁。世傑分淮兵二千五百人，命壽庚將海舟以從。壽庚閉城門拒命，與州司馬田真子上表降元。帝遂如潮州。十二月，趙潛棄廣州遁，吳浚退走瑞金。元人攻興化，不克，使二使持書招降陳文龍。文龍焚其書，斬其二使。文龍將林華、陳淵遂與通判曹澄孫開門降元。文龍被執，死之。帝舟次惠之海豐，圖復廣州。元呂師夔以軍餉不繼退走，以梁雄飛守之。經略使劉應龍導帝舟至廣州港口，轉運軍使姚良臣作行宮迎帝入州治。元兵守江者拒之，不果入。帝舟還大海，駐師秀山，尋次於惠州之甲子門。

郡人龍圖閣待制張鎮孫家居，集海上潰軍，與都統凌震集鄉兵，潛分東西二路，圖恢復。詔以鎮孫爲廣東制置使兼經略安撫使。二年正月，元兵破汀關。吳浚棄瑞金遁，尋降元。文天祥駐漳州。二月，帝舟次廣之梅蔚。三月，文天祥復梅州。陳文龍從叔瓚陰部署賓客，募丁壯，殺林華之以興化叛降者，遂復興化軍。帝命瓚以通判權守興化。四月，文天祥復興國縣，張鎮孫復廣州。帝舟次廣之官富場。五月，張世傑復潮州。文天祥提兵自梅州出江西，入會昌縣。淮民張德興亦起兵應之。六月，文天祥復零都。七月，文天祥遣兵復吉、贛諸縣。衡山人趙璠、撫州人何時皆起兵應之。張世傑自海上回兵，討蒲壽庚於泉州，圍其城。時汀、漳諸路劇盜陳弔眼及許夫人所統諸峒畚兵皆會，勢稍振。世傑遂傳檄諸路。陳瓚以家丁、民義五百人來助。福清人前監丞劉全子卽同邑林同之家置忠義局，募卒伍應世傑。朝授劉全子福建招撫使。八月，世傑攻泉州南門，不利。蒲壽庚陰賂番軍，戰不力，縣間道求救於元將唆都，自與其將堅守。壽庚子師文暴悍嗜殺，與壽庚盡殺宋淮軍宗室、大夫、士之在城中者數千人。世傑所遣將高子新攻邵武，復之。是月，文天祥諸兵皆敗。天祥尋敗於興國空坑，挺身奔循州，諸將皆爲元將所擄。元將塔出等趨廣州。九月，唆都援泉州。也的迷失陷邵武軍，入福州。劉全子拒之，大敗，亡走。林同罵賊死之。帝舟次廣之淺灣。張世傑攻泉州九十日不下，解去，援廣州。安撫使方興出禦塔出於石門，戰敗。十月，唆都陷興化軍。陳瓚死之。贈瓚兵部侍郎，賜諡昭武。張鎮孫集戰船三千艘，及塔出、呂師夔大戰於海珠寺，敗績。十一月，塔出與呂師夔圍廣州。張鎮孫及侍郎譚應斗以城降。元將劉深攻帝於淺灣。張世傑戰敗，乃奉帝退保秀山。十二月，帝至井澳。颶風大作，舟敗幾溺，驚悸成疾。三年正月，西川州郡俱陷。二月，帝舟還廣州。三月，文天祥復惠州，都統凌震及轉運判官王道夫復廣州。是時陳宜中已

之占城，帝亦欲往，不果，遂駐化之碭洲。夏四月戊辰，帝崩，年十一。衛王昺立，上尊諡「裕文昭武愍孝皇帝」，廟號端宗。

帝昺，度宗第三子也。初爲廣王，判泉州，進封衛王。端宗崩，衆欲散去，陸秀夫奉帝嗣位，時年八歲。楊太后仍同聽政，以秀夫爲左丞相兼樞密使，張世傑樞密副使，加少傅蘇劉義開府儀同三司，殿前都指揮使。是月，黃龍見海中。五月癸未朔，改元祥興。旣屢敗，徙居新會之厓山。元兵追急，陸秀夫負帝投海而宋亡。

何子曰：七閩五嶺之地，皆後天下而興，亦後天下而亡，雖以其非戰爭之地乎？閩得因此以奉宋之終，是亦忠義之一贊。而況有若陳文龍、陳瓚、林同者，褒然生其間，足與張、陸、文山諸公並垂於天地者也。

贊曰：宋祚百六，如旒斯綴。貞臣不貳，奉如一髮。閩海景從，恃不脫拔。汀州莆城，應義殞越。耿耿兆人，足補天缺。

## 君長志

漢

閩越王

閩越王無諸，其先越王句踐之後也，姓騶氏。秦并天下，廢爲君長，以其地爲閩中郡。及諸侯畔秦，

無諸與越東海王搖率越歸郡君吳芮，從諸侯滅秦。而項籍不王之。漢擊項籍，無諸與搖率越人佐漢。漢

五年，復立無諸爲閩越王，王閩中故地，都東冶，蓋是時有衆千人而已。而其西有西甌駱裸國，亦稱王。

趙陀從南越中自立爲王，因以兵威邊，財物賂遺，閩越、西甌駱役屬焉，而稱帝臨之。西甌駱而曰裸國，其地必

熱，想是漳、潮之間。孝景三年，吳王濞反，欲從閩越，閩越未肯行。而東海王搖受漢封，都東甌，獨從吳。東

甌，今浙江温州。意今福寧州、長樂縣皆其地。長樂古名吳航，謂吳王濞於此造舟也。東甌從吳，故稱吳濞於此造舟也。吳破，東甌受

漢購，殺吳王丹徒。吳王子駒亡走閩越，怨東甌殺其父，勸閩越擊東甌。武帝建元三年，閩越發兵圍東

甌，東甌食盡，困且降，使人告漢。漢武帝遣莊助以節發兵會稽，浮海救之，未至，閩越王引兵罷。建元四

年，趙陀卒，其孫胡代爲王。此時鄧爲閩越王，興兵擊南越邊邑，胡不敢應鄧，使人告漢。武帝多南越王

義，遣大行王恢出豫章，大農韓安國出會稽，皆爲將軍。淮南王安上書，言：「越，方外之地，剺髮文身，不

可冠帶之國法度理。自三代之盛，不受正朔。漢初以來七十二年，吳、越人相攻擊不可勝數，天子未嘗舉

兵入其地也。臣聞越非有城郭邑里也，處溪谷之間，篁竹之中，習於水鬪，便於用舟，地深昧而多水險，中

國之人不知其勢阻而人其地，雖百不當其一。得其地，不可郡縣也；攻之，不可暴取也。以地圖察其山

川要塞，相去不過寸數，而間獨數百千里，阻險林叢弗能盡著。視之若易，行之甚難。名爲藩臣，貢耐之

奉，不輸大納，一卒之用，不給上事。自相攻擊而陛下發兵救之，是反以中國勞蠻夷也。發兵行數千里，

資衣糧，人越地，輿輻而踰嶺，拖舟而人水，行數百千里，夾以深林叢竹，水道上下擊石，師古曰：「謂船觸石難

以行也。」林中多蝮蛇猛獸，夏月暑時，嘔泄霍亂之病相隨屬也，曾未施兵接刃，死傷者必衆矣。不習南方

地形者，多以越爲人衆兵強，能難邊城。淮南全國之時，多爲邊吏，臣竊聞之，與中國異。限以高山，人跡

所絕，車道不通，天地所以隔外內也。其入中國，必下領水，領水之山峭峻，漂石破舟，不可以大船載食糧下也。越人欲爲變，必先田餘干界中，積食糧，乃入伐材治船。邊城守候誠謹，越人有人伐材者，輒收捕，焚其積聚，雖百越，奈邊城何！且越人絛力薄材，不能陸戰，又無車騎弓弩之用，然而不可入者，以保險地，而中國之人不能其水土也。臣聞越甲卒不下數十萬，所以入之，五倍乃足，是輓車奉饌者，（一）不在其中。南方暑濕，近夏瘴熱，暴露水居，蝮蛇蠱生，疾病多作，兵未血刃而病死者十二三，雖舉越國而虜之，不足以償所亡。臣聞道路言，閩越王弟甲弑而殺之，甲以誅死，其民未有所屬。顏師古曰：「甲者，閩王弟之名。」按漢武帝誅閩越王郢，而此云甲者，意若某子甲矣。陛下若欲來內處之中國，使重臣臨存，施德垂賞以招致之，此必携幼扶老以歸聖德。若陛下無所用之，則繼其絕世，存其亡國，建其王侯，以爲畜越，此必委質爲藩臣，世共貢職。今以兵入其地，此必震恐，以有司爲欲屠戮之也，必雉兔逃入山林險阻。而去之，則復相群聚，留而守之，歷歲經年，則士卒罷倦，食糧乏絕，男子不得耕稼樹種，婦人不得紡績織紵，丁壯從軍，老弱轉餉，居者無食，行者無糧。民苦兵事，亡逃者必衆，隨而誅之，不可勝盡，盜賊必起。」書奏，漢兵已出，未踰險，郢發兵距險。其弟餘善與相宗族謀，殺郢以謝漢，使使奉郢頭致王恢，馳報漢。詔罷兩軍兵，曰：「郢等首惡，獨無諸孫繇君丑不與。」使郎中將立丑爲越繇王，奉閩先祭祀。餘善已殺郢，威行國中，國民多屬，竊自立爲王，繇王不能矯其衆持正。漢聞之，爲餘善首誅郢，因立爲東越王，與繇王並處。舊志以東越爲揭陽。今按東治既屬福州，而以東越立郢，必是自揭陽、興化以至泉州沿海一帶皆是也。知是泉州者，《舊唐書·柳冕傳》：「冕奏置萬安監牧於泉州界。」而《新唐書》言：「置牧區於東越，名萬安監。」朱買臣曰：「東越王居保泉山。」則明是一帶地。元鼎五年，南越反，東越王餘善上書，請以卒八千人從樓船將軍擊之。兵至揭陽，以海風波爲解，不行，持兩端，陰使南

越。及漢破番禺，不至。是時樓船將軍楊僕上書願便引兵擊東越。武帝以士卒勞倦，不許。罷兵，令諸校屯豫章梅嶺待命。豫章梅嶺，今贛州之大庾嶺也。元鼎六年秋，餘善聞樓船請誅之，漢兵留境，遂發兵距漢道，號將軍驪力等爲「吞漢將軍」，人白沙、武林、梅嶺，殺漢三校尉。按大行王恢出豫章，則是縣今江西人也。大農韓安國出會稽，則是縣今浙江人也。《索隱》曰：「今豫章北二百里接鄱陽界，地名白沙，有小人入湖，名曰白沙。」則是江西一帶也。武林，今杭州，則是浙江一帶也。梅嶺，則是贛州一帶也。蓋漢所入南越之道，故曰距漢道。謂驪力等，則非一人明矣。殺三校尉，則是三道之校尉也。而自退保泉山。既更徙處南行，去泉山五百里，居大澤中。而朱買臣言帝「發兵浮海，直指泉山，陳舟列兵，席捲南行，可破滅也」。顏師古曰：「泉山，即今泉州之山也。」蔡襄、真德秀皆泉州守。蔡襄《荔枝譜》曰：「書泉山之安靜堂。」真德秀爲文曰：「予守泉山。」《寰宇記》所謂「孔泉」也。今泉州東門，名泉山鋪。武帝遣橫海將軍韓說出句章，浮海從東方往，句章，今寧波也。樓船將軍僕出武林，中尉王溫舒出梅嶺，越侯爲戈船，下濊將軍出若邪、白沙，若邪，今紹興也。元封元年咸人東越。東越素發兵距險，使徇北將軍守武林，敗樓船將軍數校尉，殺長吏。樓船軍率輟終古斬徇北將軍，自兵未往。故越衍侯吳陽前在漢，漢使歸諭餘善，不聽。及橫海軍至，陽以其邑七百人反，攻越軍於漢陽。是時居股爲繇王，與故越建成侯敖殺餘善，降漢。漢封居股爲東成，萬戶；敖爲開陵侯；韋昭曰：「東成，屬九江。開陵，屬臨淮。」陽爲北石侯。東越將多軍，多軍，名也。漢兵至，棄其軍降，封爲無錫侯。於是武帝以「東越陋多阻，閩越悍，數反覆」，詔軍吏皆將其民徙處江淮間。東越地遂虛。

## 唐五代

陳元光子响，係鄭、曾孫謨，並盧、許、丁三佐附。

陳巖 王潮弟審邦，審知，審知子延翰，審邦子鐸，鐸子繼鵬，審知少子延

職、延政。

錢佐子昱附。

留從効

陳洪進弟姪，子文顯、文顯、文顯、文顯附。

陳元光 字廷炬，固始人。祖克耕，從唐太宗攻克臨汾等郡。父政，以從徵功，拜玉鈴衛翊府左郎將、歸德將軍。總章二年，泉州間蠻獠嘯亂，居民苦之，僉乞鎮帥，以靖邊方。高宗勅政統嶺南行軍總管事，出鎮綏安故地。自惟以寡伐衆，退保九龍山。及奏得援兵五十八姓，乃進屯梁山外之雲霄鎮，建宅於火田村。儀鳳二年卒。元光通儒術，習韜鈴，年十三則已領鄉薦第一。及代領父衆，會廣寇陳謙連結諸蠻苗自成、雷萬興等攻陷潮陽，守帥不能制，元光以輕騎討平之。永隆二年，盜起，攻南海邊鄙。循州司馬高琬受命專徵，令元光提兵人潮，伐山開道，潛襲寇壘，俘獲萬計，嶺表率平，還軍於漳。事聞，進正議大夫、嶺南行軍總管。嗣聖三年疏言：「《周官》七閩，宜增爲八。請建一州泉州間，註刺史領其事。」時朝議以爲「遐方僻壤，萬一建官不諳民土，民反受害。元光父子，久牧彼中，蠻畏民懷，莫如令其兼秩領州」。朝旨可之，遂給告身，俾建漳州、漳浦郡邑於綏安，仍世守刺史，自別駕以下得自辟置。元光疏：「山林無寶，而部曲子弟馬仁等多有幹略，請授爲司馬等職。」從之。元光乃率仁等剪荆棘，開邨落，收散亡，營農積粟，興販陶冶，奏立行臺四境，時巡守之。繇是東距泉、建，西踰潮、廣，南接島嶼，北抵虔、撫，桴鼓不驚，號稱平治。已苗自成、雷萬興之子復起於潮，潛抵岳山，元光復率輕騎討之，援兵後至，爲賊衆藍奉高所刃。百姓哀悼，相與制服哭之，權葬於綏安溪之大峙原。朝廷嘉悼，贈豹韜衛軍。開元四年追封額川侯，賜彤弓二，以彰有功。貞元二年徙州治龍溪，勅有司改葬於州北高坡山，春秋饗祀。宋累朝歷封「靈著順應昭烈廣濟王」。子珣。孫鄭。曾孫詠、謨、訐。詠以薦辟爲恩州錄事，訐四門博士。珣、鄭、謨見下。并附許、盧、丁三將。

珣字朝佩。自幼不群。元光通商賈、積財穀，珣悉無所與，乃從許天正受學，諷誦有得，播諸諸翰。元光曰：「此臺院秀儒也，非戈戟下士。」萬歲通天元年舉明經及第，授翰林承旨直學士。見武后稱制，上疏乞歸養。使主漳州文學。龍溪尹席宏聘主鄉校。乃闢書院於松洲，與士民論說典故。未幾，丁父憂。朝命以嶺南多故，令奪情代州事。珣懇辭終喪。開元乙卯，率武勇，御枚緣阻，夜襲巢峒，斬藍奉高首級，并俘餘黨，父仇以復。在漳二十餘年，剪除頑梗，訓誨士民，澤洽化行。十九年登王維榜進士，表辭封爵，不允。二十五年乞衰齡，允之。天寶元年卒，諡文英。

鄭字有芑。珣既卒，時安祿山叛亂，邊盜蜂起，刺史父伯梁與偏將許平國俱以貪賂在位，漳人被毒者十餘年。耆老朱興家、余拱辰等數百人詣闕陳奏：「漳本荒微，始得陳政屯戍，繼得元光輯綏，男珣代事，兵民胥慶，復舉明經，謝官歸休。朝廷遂以父伯梁、許平國管束斯土，盜賊迭起於澗壑，老羸逃竄於山林，酷害斯深，塗炭已極。今有新舉秀才、授辰州寧遠令陳鄭，乃元光之孫、珣之子，通達歷練，如蒙使居祖職，必能恢拓先業，克紹前修，慰邊土來蘇之望。」朝命可之，授鄭朝散大夫、中郎將、漳州刺史。州人歡呼，曰：「州主陳將軍孫來矣！」歷任二十九年，一州安晏。偶疾作，兵民籲天願代。大曆十四年卒，諡忠憲，命其子謨嗣。

謨任中郎將兼刺史，行事剛率，不協輿情。耆民曾拱璧、賴習英等百餘人詣制司言之。建中三年詔柳少安來刺州事，仍命謨任中郎將，檢校本州別駕。少安精天文地理，謂龍溪可建州治，興元元年請於朝，未允。貞元二年，少安內召，謨自任事，白於觀察使盧悉，以聞，制可，遂移州治於龍溪。其李澳川漳浦縣治如故。謨後以平廣寇功，授中郎將兼漳州刺史。

許天正 元光前鋒將也。陳政自固始人閩，從之者有盧如金等三十人，而天正獨博學能文，以儒飾吏，以勇鍊士。元光遂用天正領泉潮事，有所申請，待討論乃行。天正平惠、潮、虔、撫寇，置保三十六所，三年之內，嶺海輯晏。陞中奉大夫兼嶺南團練副使。裴探訪與張燕公薦於朝，欲掄掌史館，天正力辭，歷泉潮團練副使。宋時追封順應侯。

盧如金 從陳政戍閩，授府兵校尉兼領本州司倉司戶參軍。始興建屯營於雲霄修竹里，與元光開拓山林，置州漳水北，遂領州事。嗣聖三年移治漳浦，復移龍溪。元光死於潮寇，如金率兵攻下之。尋賜鐵券世襲。宋紹興二年追封輔國將軍。

丁儒 通經術，喜吟咏，練達世務。陳政引爲軍諮祭酒。元光代政，引儒佐郡，與元光驅盜賊，剪荆棘，營置漳郡，勸農重本，國用以周，負固不服者，率輕銳搗之。漳人頌元光父子，則輒稱佐郡丁承事。

陳巖 邵武建寧縣人，慷慨饒智略。黃巢入閩，閩中諸州皆被殘毀，建安刺史李乾祐棄城遁，後守李彥聖與戰死。建不能支。巖聚鄉兵數千，號九龍軍，破走之。時本縣爲黃連鎮，置義寧軍。巖被表爲鎮將，剪除餘寇，撫安鄉井。朝授團練副使。中和四年，因逐觀察使鄭鑑，自領州治。時唐室不競，卽授爲觀察使。巖爲治寬猛並行，名聞閩中諸郡。光啟二年，王潮據泉州，遣使請降。巖表潮爲泉州刺史。大順二年，疾且病，度可自代者惟潮，遣使召潮，未至，卒。子某死而爲神，閩人廟祀之。

王潮 字信臣，光州固始人。五代祖曄，爲固始令，民愛其仁，留之，因家焉。世以貨顯。僖宗入蜀，盜興江淮。壽春人王緒、劉行全合群盜據壽州，未幾，衆萬餘，自稱將軍，復取光州，劫豪傑置軍中。潮自縣史署軍正，主廩庾，士推其信。緒提二州籍附秦宗權。他日，賦不如期，宗權切責，緒懼，與行全拔衆南

走，略潯陽、贛水，取汀州，自稱刺史，入漳州，皆不能有也。初，以糧少故，兼道馳，約軍中「日以老孺從者斬」。潮與弟審邦、審知奉母以行。緒切責潮曰：「吾聞軍行有法，無不法之軍。」對曰：「人皆有母，不聞有無母之人。」緒怒，欲斬其母。三子同辭曰：「事母猶事將軍也。殺其母，焉用其子？」緒赦之。會母死，不敢哭，夜殯道左。時望氣者言軍中當有暴興者，緒潛視魁梧雄才者，皆以事誅之。衆懼。次南安，潮語行全曰：「子美須眉，才絕衆，吾不知子死所。」而行全怪瘡，亦不自安，與左右數十人伏叢翳徂，縛緒以狗。衆呼萬歲，推行全爲將軍，辭曰：「我不及潮，請以爲主。」潮苦讓不克，乃除地剗劍，祝曰：「拜而劍三動者，我以爲主。」至審知，劍躍於地，衆以爲神，皆拜之。審知讓潮，自爲副。緒歎曰：「我不能殺是子，非天乎？」潮令於軍曰：「天子蒙難，今當出交廣，入巴蜀，以獎王室。」於是悉師將行。會泉州刺史廖彥若貪暴，州人聞潮治軍有法，皆奉牛酒迎潮。潮圍城歲餘，克之，殺彥若，有其地，請降於觀察使陳巖。巖表潮爲泉州刺史。巖卒，其壻范暉擁兵自稱留後。潮遣從弟彥復將兵攻暉，審知監之。暉守彌年不下。潮令曰：「兵盡益兵，將盡益將，兵將盡，吾至矣。」於是彥復急攻，暉亡入海，追斬之。建、汀二州皆舉聽命，潮盡有五州地。昭宗假潮福建等州團練使，俄遷觀察使。乃作四門義學，還流亡，定賦斂，遣吏勸農，人皆安之。乾寧中，寵福州爲威武軍，卽拜潮節度使、檢校尚書左僕射。卒，贈司空。

審邦 字次都。唐乾寧元年權泉州事。三年，實授。四年，加工部尚書。五年，加金紫光祿大夫、檢校戶部尚書。光化二年，加兵部尚書、瑯琊郡開國男。三年，加左僕射，進封開國侯，尋授威武軍節度副使。天復二年，加司空。三年，加司徒，進封開國伯，食邑七百戶。在政十二年。爲人喜儒術，通《春秋》，善吏治，流民還者，假以牛犁，興完廬舍。中原亂，公卿多來依，審邦遣子延彬作招賢院禮之，振賦以財。

如右省常侍李洵、翰林承旨制誥兵部侍郎韓偓、中書舍人王滌、右補闕崔道融、大司農王標、吏部郎中夏侯淑、司勳員外郎王拯、刑部員外郎楊承休、弘文館直學士楊贊圖、王侔、集賢殿校理歸傳懿等，皆賴以免禍。卒，謚武肅王。子延彬、延鈞、延美、延武。延彬，唐天祐中審知墨勅權知泉州軍州事；二年，實授。梁開平三年，加金紫光祿大夫，轉右僕射，封瑯琊郡開國男，尋轉司空。四年，加雲麾將軍。梁乾化二年，授特進階，加檢校太保，進封開國伯。五年詔加檢校太傅，開國侯。貞明四年，閩王檢授管內三司發運副使。延鈞，天成元年，以節度行軍司馬、檢校太傅權泉州刺史。其冬，延彬再任。四年，延彬加檢校太尉。前後在任二十六年。延美，閩龍啟二年刺史泉州。延武，閩永和元年刺史泉州，尋加太傅，進開國伯。閩王昶通文元年移刺建州。延彬子繼崇，後唐長興元年，閩王墨勅權判泉州事。三年，加檢校司空。閩改元龍啟，加檢校太保，封瑯琊開國男。而又有繼嚴、繼業、繼勳，皆王氏群從，先後刺泉州。繼業被閩王延曦召還賜死，并殺其子於泉州。所善司徒楊沂豐至下獄，族誅。而繼勳，審邽次子之仲孫，留從効所迎立者也。

審知 字信通。唐昭宗以潮爲福建觀察使，潮以審知爲副使。爲人壯貌雄偉，隆準方口，常乘白馬，軍中望者披靡，軍中號白馬三郎。潮病，以審知權節度，讓審邽，不許。詔審知檢校刑部尚書、節度觀察使留後。始，潮未入閩時，閩人謠曰：「潮水來，巖頭沒；潮水去，矢口出。」巖謂陳巖也，矢口知也。審知既爲觀察使留後，厚事朱全忠，全忠薦爲節度使，同中書門下平章事。昭宗在鳳翔，賜審知朱詔，自三品皆得承制除授。天祐初，進封瑯琊郡王。唐亡，梁太祖加拜審知瑯琊王，尋進封閩王，升福州爲大都督府。是時楊行密據有江淮，審知歲遣使泛海自登萊朝貢於梁。審知雖起乎盜賊而儉約好禮。唐相王溥

子淡、楊涉從弟沂、唐進士徐寅有時名，皆依審知仕宦。審知建學四門以教秀士，招來海中蠻夷，商賈海上。梁亡，或勸審知自建國，不稟奉後唐。審知曰：「寧爲開門節度，不作閉門天子。」同光三年卒，年六十四，諡忠懿王。子延翰立。

延翰 字子逸，長大美哲。審知卒，其年後唐拜爲節度使。明年，莊宗遇弒，中國多故，延翰取司馬遷《史記·閩越王無諸傳》示其將吏，曰：「閩，自古王國也，不王何待？」於是軍府將吏上書勸進。十月，建國稱王，而猶稟唐正朔。然審知喪未期，延翰已徹几筵，多選良家子妾之。延翰妻崔隨淫而悍，延翰妾美者輒幽之，繫以大械，刻木爲人，手擊其頰，刺之鐵錐，一歲中死者八十餘人。崔氏見崇，卒。當延翰選良家子時，延鈞上書極諫，延翰不悅。延翰以延鈞刺史泉州。而建州刺史延稟者，審知養子，自審知時與延翰不叶，因與延鈞謀作亂。十二月，延稟、延鈞執延翰，殺之。而延鈞立，更名鱗。

鱗 審邦次子也。既自立，後唐卽拜節度使，累加檢校太師、中書令，封閩王。初，延稟與鱗之謀殺延翰也，延稟先執延翰殺之，明日，鱗兵始至。延稟自以養子，推鱗立之。延稟還建州，鱗餞之郊，臨訣，延稟謂曰：「善繼先志，毋煩老兄復來。」長興二年，延稟時爲奉國節度使，聞鱗有疾，率兵擊鱗，攻其西門，使其子繼雄轉海攻南門。鱗遣王仁達拒之。仁達伏甲舟中，僞立白幟請降。繼雄信之，登舟，伏發，刺殺之，梟其首西門。延稟見執。鱗曰：「果煩老兄。」遂殺之。延稟子繼昇守建州，聞敗，奔於錢塘。長興三年，鱗上書於後唐，請得爲尚書令，後唐不報，遂絕朝貢。鱗好鬼神道家之說，作寶皇宮以居道士陳守元。守元謂鱗曰：「寶皇命王少避其位，後當爲六十年天子。」鱗欣然，命其子繼鵬攝府。已復位，遣守元問寶皇：「六十年後將安歸也？」守元傳報曰：「當爲大羅仙人。」鱗乃卽皇帝位，受冊於寶皇，以黃龍

見，改元龍啟，國號閩。追諡審知昭武孝皇帝，廟號太祖。立五廟，置百官，以福州爲長樂府。閩地狹，用不足，以中軍使薛文傑爲國計使。文傑多察民間陰事，致富人罪，沒其資，榜捶之外，至用銅斗火熨，又爲鑄造檻車，令上下通，中以鐵芒，內嚮動，輒觸芒，又說鑄押挫諸宗室，犯者輒殺之。閩人及其宗室子，皆重足立。鑄從子繼圖不勝忿，謀反，坐誅，連坐千餘人。文傑又言於鑄：「陛下左右多奸臣，非實鬼神不能知也。」薦妖巫徐彥察之。內樞密使吳英疾，在告，文傑過之，問其僕曰：「主公何恙？」僕曰：「小苦頭痛耳。」文傑語英：「上謂公居近密，屢疾告行，罷公矣。」英曰：「爲之奈何？」文傑教英：「適公僕爲我言公小苦頭痛也，卽上遣人問公，第實言，此旦夕愈耳。」明日，諷鑄令巫視英病。巫言：「入北廟，見英爲崇順王所訊，曰：『汝何敢謀反！』以金槌擊其首。」鑄語文傑，文傑曰：「殆未可信，請使問之。」鑄使問英疾，則果頭痛，卽收英下獄，命文傑劾治。英自誣伏，并其妻子殺之。英主兵，得軍士心，軍士聞英死，皆怒。先是，建州有豪吳光，文傑利其財，將治之，光率衆萬人叛人吳。至是，光請兵於吳，吳信州刺史蕭延徽引兵攻建州。鑄遣將王延宗救之，兵在道，不肯進，曰：「必得文傑。」鑄惜文傑，不與，繼鵬請與之，乃以檻車送文傑軍中。文傑善數術，自占過三日當無患。送者故疾馳，二日至。軍士踴躍，磔文傑於市，閩人爭投以瓦石，嚮食立盡。明日，鑄使赦之，已不及。文傑所被送檻車，卽自爲鑄治者也，方成而首被其毒云。而王仁達爲鑄典親兵，他日，鑄問之曰：「昔趙高指鹿爲馬，以愚二世，寧有之邪？」仁達曰：「高非能愚二世，二世自愚耳。今陛下聰明聖智，朝官不滿百人，起居動靜，皆在耳目之下，孰敢上愚？有上愚者，族滅之矣。」鑄賜仁達金帛，退語人曰：「不可以遺後人。」卒誣仁達罪，殺之。鑄妻蚤卒，繼室金氏賢而不見答，獨嬖陳金鳳與其婢春鶯。金鳳本審知婢也。鑄嬖金鳳，立以爲后，作九龍帳居之。後有風

疾，恣嬖吏歸守明與通，而有百工院使李可殷亦因守明以通金鳳。國人歌曰：「誰謂九龍貯一歸穰？」鱗病，繼鵬因金鳳以求春薦，鱗快與之。鱗次子繼韜怒，謀殺繼鵬。繼鵬懼，與皇城使李做圖之。永和元年十月，鱗饗軍大酺，殿坐中昏然言見延稟：「李做何殺可殷也？」做懼而出，與繼鵬率衛士人。鱗聞鼓噪聲，走匿九龍帳中，衛士刺之，不死，宮人不忍其苦，死之。繼鵬及陳后、歸守明皆爲所殺。凡立十年。前立三年號龍啟，後六年號永和。謚惠皇帝，廟號太宗。

繼鵬 鱗長子也。既立，更名昶，改元通文。以李做判六軍諸衛事。做念有弑主罪，居恒自疑，多養死士爲備。昶患之，因大饗軍，伏甲殺做，梟其首於市。做部曲千人燒啟聖門，奪市中首，奔於吳越錢氏。晉天福二年，昶遣使朝貢京師。高祖遣散騎常侍盧損冊封昶閩王，賜之赭袍，拜其子繼恭臨海郡王。昶曰：「吾已襲爲帝，不受冊。」稱疾不見損，令繼恭主之。損還，昶無所答。第繼恭遣其佐鄭元弼元弼，仙游人。隨損貢方物，致書晉大臣，述昶意求以敵國禮相往來。高祖怒，詔暴其罪，歸其貢。兵部員外郎李知損上書，請籍其貢物，禁錮其使者。於是下元弼獄。獄具，引見元弼，俯伏曰：「夷貊之君，不知禮義。陛下方示大信，以來遠人，臣將命無狀，願伏斧鑕，用贖本君。」高祖乃赦之。昶亦好巫，拜道士譚紫霄爲正乙先生，又拜陳守元爲天師。而妖人林興以巫見幸，事無大小，輒以寶皇語命之。守元教昶爲三清之臺，以黃金數千觔，鑄寶皇及元始天尊太上老君像，日焚龍腦、薰陸諸香，作樂臺下，晝夜不輟，云如此可求大還。三年夏，虹見其宮中，興傳神言：「宗室將爲亂。」昶命興率壯士殺審知子延武、延望及其子五人。後興事敗，亦被殺。而昶愈惑亂，立春薦爲淑妃，繼以爲后。遣醫人陳究以空名堂牒寶官。昶弟繼嚴判六軍諸衛事，疑而罷之，代以季弟繼鏞。而募勇士爲宸衛都以自衛，其賜予給賞獨厚於他軍。控

鶴都將連重遇、拱宸都將朱文進皆以此怒激其軍。四年夏，術者言昶宮中當有災，昶徙南宮避之，俄而宮中火，昶疑重遇軍士所爲。內學士陳邲，仙游人。爲人便佞，昶親信之，語以火事，邲反以告重遇。重遇懼，夜率衛士縱火焚南宮，昶挾愛姬子弟、黃門衛士，斬關出，宿野次。重遇迎延曦，立之延。曦令其子繼業率兵襲昶，及之，射殺數人。昶擲弓於地，繼業執而殺之，及其妻子皆死。延曦立，諡昶曰康宗。

延義，審知少子也。旣立，更名曦，改元永隆，朝貢于晉。曦自昶世倔彊難馭，昶相王邲每抑折之。

新羅聘閩以寶劍，昶舉示邲曰：「此將何爲？」曦時在傍，邲曰：「不忠不孝者，斬之。」曦立，邲死。新羅復獻劍，曦念邲前言，命發邲塚，戮其屍。邲面色如生，血流被體。曦怒泉州刺史余延英矯命掠取良家子，下御史劾之，延英進「買宴錢」千萬，曦曰：「何不及皇后？」延英獻后錢千萬。曦嫁女，朝士有不賀者，笞之。御史中丞劉贊坐不糾舉，將加笞，諫議大夫鄭元弼切諫。曦謂元弼曰：「卿何如魏鄭公？」元弼曰：「陛下似唐太宗，臣爲魏鄭公可矣。」曦喜，釋贊也。曦弟延政爲建州節度使，封富沙王，自曦立，不叶，數舉兵相攻。曦繇此惡其宗室，多以事誅之。諫議大夫黃峻昇櫬極諫，曦貶峻漳州司戶參軍。校書郎陳光逸疏曦過惡五十餘事，曦命衛士鞭之百，以繩繫頸，掛木絕之。國計使陳匡範增筭商之法以獻，曦曰：「匡範，人中寶也。」己，歲人不登其數，借民足之，匡範以憂死。其後，知其借民也，剖棺斲屍，棄之水中。曦性旣淫虐，而妻李悍醜酒，賢妃尚有色而寵。李仁遇，曦甥也，以色嬖用爲相。曦常爲牛飲，群臣侍酒，醉不勝，有私棄者，輒殺之。諸子繼柔棄酒，并殺其贊者一人。連重遇殺昶，懼爲國人所討，與朱文進連姻自固。曦心疑之，常被語誚，重遇流涕自辯。李氏妬尚妃之寵，欲圖曦而立其子亞澄，使人謂重遇、文進曰：「上心不平於二公，奈何？」重遇、文進懼，六年三月，曦出游醉歸，使人拉而殺之馬上。諡景

宗。

延政 審知子也。曦立，爲淫暴，延政數以書諫。曦怒，遣杜建崇監其軍，延政逐之。曦以兵攻延政，爲所敗。延政乃卽建州建國，稱殷，改元天德。連重遇旣殺曦，集閩群臣告曰：「昔太祖武皇帝親冒矢石，遂啟有閩，及其子孫，淫虐不道，天厭王氏，百姓與能，當求有德。」群臣皆莫敢議。乃掖朱文進升殿，率百官北而臣之。文進以重遇判六軍諸衛事。王氏子弟在福州者五十餘人，皆殺之。以黃紹顏守泉州，程寶守漳州，許文縝守汀州，稱晉年號，時開運元年也。泉州軍將留從効與其黨王忠順、董思安，及所親蘇光誨圖議：「吾屬世臣王氏，王氏子孫爲文進魚肉，我等坐觀，曷云忠乎？聞富沙王盡力擊福州，以復王氏，一旦功成，我輩何面目見之？」州人皆以爲然，因共殺紹顏，迎王氏諸子繼勳爲刺史。王忠順，晉江人。其後南唐攻建州，復與思安率兵赴難，城陷，死之。漳州聞之，亦殺寶，迎王氏諸子繼成爲刺史，以歸延政。文縝懼，亦舉汀州降。而延政遂得三州。此時南唐李景聞閩亂，遣樞密副使查文徽、待詔臧循發兵擊之。延政使人詣福州曰：「唐兵來助我也。」福州信之，與重遇亦殺文進，傳首自歸。福州裨將林仁翰又殺重遇，謀迎延政來都，延政未至，遣其從子繼昌守之。而南唐兵乃急攻建州，福州將李仁達謂其徒曰：「唐攻建州，富沙王不能自保，其能有此土邪？」擒繼昌殺之。欲自立，恐衆不與，取雪峰寺僧卓儼明，被之袈裟，率將吏北面臣之，曰：「此非常人」。衆莫敢拒。已殺儼明自立，送款於景。景以爲威武軍節度使，更其名曰弘義。而文徽乘勝克建、汀、漳、泉四州，延政遂降景。景徙其族於金陵，以爲饒州節度使，進封鄱陽王。是歲，南唐保大四年也。查文徽與樞密使陳覺等皆言景可乘勝并取仁達。而覺曰：「臣能不兵而致之。」景以覺爲宣諭使，召仁達人朝。仁達不至，覺還至建州，矯發汀、建、信、撫州兵攻之。時樞密使魏岑

安撫漳泉，聞覺起兵，亦擅發兵應覺。景大怒。翰林學士馮延巳等言：「兵業行，不可止。」乃以王崇文爲招討使，王建封爲副使，益兵會之。以中書舍人馮延魯與魏岑、陳覺監其軍。仁達遂送款於吳越錢氏，吳越以兵三萬應仁達。覺等爭功，進退不相應，延魯與吳越兵先戰，大敗走。而福州入於錢氏。

錢佐（五代史、宋史作佐）。（表忠觀碑）作仁佐。字祐，錢鏐之孫，元瓘之子也。立時年十三，諸將皆少

之，稍稍不法，佐乃立黜其大將，繇是國中畏恐。李仁達既被南唐李景兵，求救於佐。佐召諸將與計。諸將皆不欲行，佐奮然曰：「吾爲元帥，不能舉兵邪？諸公皆吾家素蓄養，不以身先我，有異吾議者，吾斬之！」乃遣其統軍使張筠、趙承泰等率兵三萬，水陸赴之，遣將誓軍，號令齊整。筠等大敗景兵，俘虜萬計，獲其將楊業、蔡遇等，遂取福州而還，遣兵戍之。南唐保大之八年，查文徽爲建州節度使，福州詐言：「吳越戍兵亂，殺仁達。」遣人請文徽。文徽與劍州刺史陳誨下舟閩江，趨應之。福州以兵出迎。誨曰：「閩詐，徐圖之。」文徽曰：「乘其未定，可亟取也。」留誨屯兵江口，進至西門，伏發，文徽被擒。誨與吳越人戰，大敗之，獲其將馬先進。景送先進還吳越，吳越始亦歸景文徽。佐立七年，宋開運四年卒，年二十，贈忠獻王。（五代、宋史作忠獻）。（表忠觀碑）作忠顯。弟俶立，歸於宋。子昱附。

昱 字就之，佐卒，昱幼，國人立佐弟俶，尋被廢，立俶。俶使昱守福州。昱益治州城，城爲壯。爲人好學，多聚書，喜吟咏，工琴畫，能覆棋，善飲酒諧謔，生平交舊，終日談宴，未嘗犯一人家諱，然貪縱無名節。

留從効 永春人。幼孤，事母、兄以孝弟聞，雖出寒微，涉書知兵。朱文進既殺延曦，署黃紹頗爲泉州刺史。從効時爲泉州散指揮使，與其黨王忠順、董思安等圖議復王氏子孫。忠順、思安置酒從効家，募

死士，得陳洪進等五十二人，持白梃夜入城，劫庫兵，擒紹顥斬之，立審邽孫繼勳爲刺史，從効等三人自署爲統帥，洪進等皆爲指揮使。繼勳使洪進送紹顥首於延政，（三）奉爲主。文進來攻，從効敗走之。延政既降於南唐李景，從効亦執繼勳送款，自領漳、泉二州留後。景卽建泉州爲清源軍，授從効節度泉、漳等州觀察使。從効累被景命，授同平章事兼侍中、中書令，封鄂國公，晉江王。從効在郡，專以勤儉養民，知人疾苦，恒衣布衣，置公服中門側，出乃服之，常言：「我世貧賤，不可捐本。」郡人愛之，皆以安治。王氏有二女嫁人，從効奉之甚謹，資給豐饒。歲取進士、明經，謂之秋堂。周世宗徵淮南，李景以兵十萬保紫金山，從効累表於景，言其頓兵老師，形勢非便，既果敗，江北之地盡爲周世宗所有。因遣衙將蔡仲贊爲商人，以帛書表置革帶中，自鄂路送款於周，又遣別駕黃禹錫問道表貢。世宗賜書嘉納。從効又乞置邸京師。世宗以其素附江南，慮非便，不許。從効臣景如故。宋初，上表稱藩，貢奉不絕。會李景遷都洪州，從効疑其徙地近閩，行且圖己，遣其兄從願之子紹鎰齎厚幣往獻，又遣使假道吳越入貢宋太祖。太祖特命使者入閩賜撫之。使未至，從効疽發背，卒，景贈從効太尉、靈州大都督。從効無子。子紹鎰、紹鑑皆從願子。其疾時，從願守漳州，紹鎰在金陵，而紹鑑方幼，衙校張漢思、陳洪進等劫遷之東亭，漢思自稱留後，洪進爲副使，時宋建隆三年也。明年洪進又廢漢思而自立。從効有再從弟仁諲，爲泗州長史，以清節聞。太宗嘉之，特召赴闕，遷揚州觀察支使。

陳洪進 泉州仙游人。幼有壯節，頗讀書，習兵法。及長，以材勇隸伍符。從攻汀州，先登，補副兵馬使。從留從効殺黃紹顥。王繼勳使其麾下送紹顥首建州，以道阻賊盛，皆莫敢往，洪進獨請行。至尤溪，賊數千人遮之，洪進給賊曰：「福、泉二州已爲義師所襲，爾輩政爲何人戍守？」卽持紹顥首示之曰：

「我送此建州，迎嗣君歸國，爾輩安歸乎？」賊遂潰，渠帥數人皆聽命。洪進至建州，延政大悅，以爲本州馬步行軍都校。已遣歸泉州。李景旣以從効爲清源軍節度，以洪進爲統軍使，與副使張漢思同領兵柄，累立戰功。從効卒，紹鑑典留務。月餘，洪進誣紹鑑將召吳越人以叛，執送江南，推漢思爲留後，自爲副使。漢思年老醇謹，不能治軍，事皆決洪進。漢思亦患其專，因大饗將吏，伏甲謀殺之，酒數行，地大震，棟宇垂傾，坐立皆不自持，同謀者告洪進，洪進亟起，衆驚悸散。漢思事不成，慮洪進先發，常嚴備之。洪進子文顯，文顯皆爲指揮使，欲勒所部擊漢思，洪進不許。一日，從二子常服安步入府，叱散直府兵，袖中出巨鎗反閉之，使呼於邸門曰：「郡中軍吏皆欲陳君公當予印。」漢思猝不知所爲，出印門隙予洪進。洪進召告將校吏士曰：「張公老矣，而授我印，使我領州。」將校吏士皆賀。洪進遷漢思別墅，兵守之，請命於江南李煜。李煜以洪進爲清源軍節度、泉南等州觀察使。此時宋太祖已平澤潞，下揚州，取荊湖。洪進心懼，遣衙將魏仁濟間道奉表，自補清源節度副使，權知泉南等州軍府事，言己所以領州之故。太祖遣通事舍人王班齎詔撫諭，因其臣於李煜，又以書諭煜。煜言：「洪進首鼠兩端，詐不足聽。」太祖又詔諭之。建隆四年，遣使兩人朝貢。煜復請寢洪進恩命。太祖又以諭煜。乾德二年，改清源軍爲平海軍，授洪進節度泉漳等州觀察使、檢校太傅，賜號「推誠順化功臣」。以文顯爲節度副使，文顯爲漳州刺史。洪進歲以修貢朝廷厚斂於民，第民貲百萬以上者，令差入錢以爲試協律奏禮郎，蠲其丁役。及江南平，吳越王入朝，洪進不自安，遣文顯入貢。太祖因詔召之，遂赴觀，至南劍州，聞太祖崩，歸鎮，發哀。太宗卽位，加檢校太師。明年四月，入朝。朝廷遣翰林使德玄迎勞力之宿州。旣至，賜錢千萬、白金萬兩、絹萬疋，增其食邑。以文顯爲團練使，文顯、文頊並爲刺史。洪進遂以所管漳泉二州表獻太宗。太宗優詔嘉納，

以洪進爲武寧軍節度、同平章事，留京師奉朝請。諸子皆授近郡，賜白金萬兩，各令市宅。六年，封杞國公。雍熙元年，進封岐國公。洪進年老，富貴且極，上言求致仕。優詔免其朝請。二年，以疾卒，廢朝二日，贈中書令，諡曰忠順，中使護喪，葬事官給。

銛 初爲泉州都指揮使。開寶四年授漳州刺史，入貢，至宿卒。銛子文璉，供奉官，閤門祗候。

文顯 字仲達。洪進領漳泉節制，署左神機指揮使，遷泉州馬步軍都軍使、右軍押衙。乾德初，朝命平海軍節度副使，累加檢校太保。洪進歸朝，授文顯通州團練使、知泉州，未幾代還。時太宗徵太原，朝行在，久之，出爲青齊盧壽西京川南北陝州四州郡巡檢使。文顯與諸弟不睦，私藏列訟，真宗咸平初，爲御史中丞李惟清所論劾。詔念洪進忠勳，令御史臺誡諭之。尋以疾改通許鎮都監。六年，卒。子宗憲歷虞部員外郎，爲西京作坊使、宗元殿中丞。

文顯 初爲泉州右軍散兵馬使、衙內都指揮使，俄權知漳州，朝命漳州刺史，凡七年，求還泉州，署行軍司馬。宋太祖開寶末，江南平，洪進遣之人貢，至京師，自陳願留，俟父入覲。太祖嘉之。及洪進歸朝，授房州刺史，會升房州爲節鎮，換康州。太宗端拱初，出知同州。錢若水爲從事，文顯深禮之，委以郡政。真宗咸平初，知耀州，徙徐州，坐失人，責授左武衛大將軍，知漣水軍。真宗念洪進納土効順，復以爲康州刺史，留京師。大中祥符初，議東封，以濮州馳道所出，命知州事，須置供擬頗勤，駕至，召見勞問。改衡州刺史，特給內地刺史奉料，未幾代還。以老疾，累表致仕，詔免朝謁，歲給公費及月廩並如故。六年卒。

文顯 始爲泉州衙內都指揮使、知漳州。洪進歸朝，授滁州刺史，仍舊知州，俄召歸，奉朝請。真宗

景德中，換光州。以久次領和州團練使，歷知海、濮、濰、沂、黃五州，信陽軍。所至無稱。卒，錄子宗綬爲大理評事，孫永弼、永昇爲三班借職，次子宗續太子中舍。

文頊，本文顯子，有相者言於洪進：「公一門受祿當至萬石。」時洪進與三子皆領州郡，而文頊始生，遂自子之，以應其言。初補泉州衙內都校，又爲衙內都監使，朝命領順州刺史。歸朝，爲登州刺史。滄棣有寇盜，命爲巡檢使，再改舒州。淳化三年卒。文頊頗知書，亦工畫。子宗絳爲殿中丞。

元

陳友定子宗海附。

陳友定 先世福清人，自其父流寓汀州明溪市大焦。幼病頭瘡，家貧無依，傭於倉盈里富室羅姓者。羅奇之，妻以女，羅妻不悅，乃資以財，令經營產業，蕩覆無餘者數，因爲明溪寨兵卒。其爲人沈勇，喜游俠擊斷，要以借驅狗急行其志。衆憚服之，又樂也爭願爲役。至正壬辰，盜起海上，寧化曹柳順據曹坊寨，擁衆數萬，蠶食諸縣。一日，遣先鋒八十人來明溪取馬。衆莫拒。友定諭衆計給之，收其兵器，盡斬於市。柳順怒，將親率步騎數千盡屠明溪。友定以鄉里弟子見汀判蔡公安，緩頰談軍事，公安以爲能，授以兵。友定率士千餘下山麓，直抵柳順營，出其不意，順驚潰，馳擊之，斬獲大半，擒柳順以歸。時隣壤巨寇數十，各據寨堡，互相爭奪。友定以次削平。事聞，授明溪寨巡檢，尋陞清流尉，遷簿，尋爲令。己亥歲，陳友諒遣其將康泰取邵武，鄧克明攻汀，轉掠延平、將樂諸處。元授友定汀州路總管禦之，戰黃土，盡獲其部衆，克明獨身遁，所陷郡縣皆復，遷行省參政。辛丑，克明復來寇，復敗之，遂開省汀州，遷左丞。友定旣復汀，有據閩之志，威迫行省平章燕只不花，所收復郡縣倉庫盡取之，臣妾其官僚，不從者竄戮。

焉。太祖既滅友諒，圍熊天瑞贛州，使朱亮祖取元浦城、建陽、崇安諸縣。友定因數寇浙東邊。胡深爲浙東行省郎中，伐其建寧，友定約建寧守將阮德柔擊敗深，殺之。是爲甲辰歲。明年，元諭友定功，遷行省平章，悉有八郡地。友定有勝兵萬人，益發取諸郡縣，遠近瓦解，無敢角。而長汀人羅良者，故亦以散資募士，爲元捕殺漳州山寇，提兵解福州圍，爲閩將第一，貽友定書，責其心背元。友定大怒，發兵攻漳，良堅守旬月，死之。友定遂據漳，使人鑿山道，縮城守自固。戊申，太祖遣將胡廷美取元建寧，亡何，遣徵南將軍湯和自明州取海道入福州。友定使其將賴正孫、謝英輔、鄧益等，將二萬衆守福州，自率精銳守延平。和舟師乘風抵五虎門，擊敗平章曲出。參政袁仁夜約款，我兵明入城。鄧益拒戰水部門，擊殺之。正孫、英輔、曲出皆出走。參政尹克仁赴水死。行宣正院使朵耳麻不屈下獄死。僉樞密院柏鐵木兒焚其妻、妾、兩女而自剄。和轉迫延平，兵垂發。會太祖使使諭降友定，友定殺使者，取血和酒甕中，盟諸將飲之。亡何，我兵至夾水，陳友定戰不利，歸謂諸將曰：「明人遠鬪甚銳，毋戰也，徒多殺將吏。吾壙山壑，蓄犀器，飽士而久之。」皆曰：「善。」因乘城勒吏士，日夜不得番休，皆怨。諸將請出戰，不許，數請不已；友定更疑其部將蕭院判、劉守仁，奪其兵，執院判殺之。守仁懼，來降，士卒多夜遁者。圍十日，會軍器局火炮發，我兵疑有內應，急擊之。友定出省堂，召英輔及參政文殊海牙，與訣曰：「公等善爲計，吾自死元耳。」按劍仰藥。英輔與達魯花赤白哈麻亦具服，北面自經。文殊海牙及正孫皆降。我兵昇友定屍出，值大雷雨，復蘇，其子宗海來將樂就死，并俘京師。和置延平衛，使部將蔡玉守之。俘既至，太祖問曰：「元亡，若爲誰守？殺我胡將軍，甕使者血，何陸梁也！」友定曰：「死已矣，能加乎？」遂并海棄市。友定死，其故將金子隆尚不降，復寇延平，蔡玉擊敗之，追至沙，時沐英爲建寧衛指揮使，夾攻破之，面閩

平。

宗海 多機謀，有勇力，善騎射，討亦思巴奚，擒阿巫那等，使閩人脫十餘年兵戈之苦者，海功居多。及聞父被執，自將樂來就死，并執送京師俱棄市。

何子曰：太史公曰：「句踐稱伯，至餘善國滅衆遷，其先苗裔、繇王、居股等尚猶封萬戶。」繇此知越世世爲公侯矣，蓋禹之餘烈也。陳元光鎮漳，先輩惜其不列於唐史。予讀《太平廣記》：「宰夫膺肴饌不佳好，尋蒸而出於元光之前。」豈其用虐邪？所表請立漳郡治，云「誅之不可勝誅」，或近是哉。王審知爲德於閩，詳在於競之碑。若夫留從効之不忘起家，陳洪進之順天歸命，有足述矣。陳友定臨決自謂「死元」，故併及之。

贊曰：一方一域而能爲君，必其材智足以撫群。無諸聖裔，光啟海濱，王、留與陳，撫乇治軍。雖其後代，殞絕崩分，溯厥本原，仁義實聞。閩山海嶠，霽景晴曛。偏霸互雄，遐想英芬。

〔校記〕

〔一〕「奉」，各本原作「奏」，據《漢書·嚴助傳》改。

〔二〕「五代」下，當脫「史」字。

〔三〕「延政」，各本原作「洪進」，據本卷《陳洪進傳》改。

## 閩書卷之四十二

### 文蒞志

唐宋梁克家淳熙《三山志》：「閩自周季立國以王，秦雖置郡，猶棄不屬，獨降號君長而已。漢興，既詔復國，綿及三世，順亡城郭，巴里可廢郡縣。一經廢徙，曾有子遺。二百餘年，生聚日蕃，自相臣僕。孫氏崛起，謀有江表，乃拓平內地，剪莠鋤荒，然猶六十餘年，僅克開郡。又至於晉，始建治此州。渡江之後，壤地既狹，分部益多。更宋齊至陳，此州始爲刺史。唐初改郡爲州，太守並爲刺史，小大莫辯，此州又始爲都督。開元分道，置使採訪。惟在邊鎮，首謹兵防，此州又始爲經略。乾元內外，悉治軍戎，大府要藩，許專節制，此州又始爲防禦、節度。大曆以後，寇難略平，思弭甲兵，鄉意風俗，此州又始爲觀察。」

#### 節度使

中和四年，觀察使鄭鑑，爲陳巖所逐。

葉一源 字九江，瑞安人。幼有志操，膂力絕人，善詩翰，習騎射。侍父公奎游宦廣南，見隋政日紊，聚兵千餘趨太原。唐高祖與語大悅，及卽位，授福建節度使。後從太宗征高麗，單騎入虜，斬首二十餘級，身中流矢卒。事聞，立祠，追謚武義侯。按唐初未有節度使，必唐高祖以其名封之，其之官與否不可知，姑依史書首此。

都督府 都督一員，別駕、長史、司馬各一員，錄事參軍事一員，錄事二員，功曹參軍事、倉曹參軍事、戶曹參軍事、田曹參軍事、兵曹參軍事、法曹參軍事、工曹參軍事各一員，參軍事四員，市令、市丞各

一員，文學、醫學博士、助教各一員。

都督

王義童 義童以朝官兼福州刺史、福建都團練觀察使，有下泉、睦、建三州功，故來作鎮。

右武德中任。

張承慶

右景雲中任。

梁惟忠 辛子言 李亞丘

右開元中任。

別駕

衛總持 任弘毅

右貞觀中任。

長史

王孝敬

右永徽中任。

唐循中

右開元中任。

李偕

右廣德中任。

司馬

蕭嗣德

右咸寧中任。

經略使

唐循中是時改都督加經略，仍令長史循中知經略事。

右開元中任。

吉渾是時加爲經略寧海軍使。

右至德中任。

都防禦使一員，副使、判官、推官各一員，巡官一員。

都防禦使

董玠

右乾元中任。

副使

暨克華

右乾元中任。

節度使一員，副大使、知節度事、行軍司馬副使、判官、掌書記、推官、巡官各一員，同節度副使十

員，館驛巡官四員，府院法直官、要籍、逐要親事各一員，隨軍四員。

節度使

李承昭

右上官中任。

都團練觀察處置使一員，副使、判官、推官、巡官、衙推、副使、支使、判官、掌書記、推官、巡官、衙推、隨軍各一員，要籍、進奏官各一員。

都團練觀察處置使

李承昭

李錡一作倚。唐宗室。治《王氏易》、《左氏春秋》，酌其精義，以補儒行。大曆七年，自華州刺史

加御史大夫，持節都督福、建、泉、汀、漳五州軍事，領觀察處置、都防禦等使。考禮正刑，節用愛人，頒賦遣役，齊其勞逸。視年豐耗，量入制用，削去煩苛，培剋之政。吏不奉職，民不帥教，懲以薄刑，俾浸遷善。禮於先聖先師，退而嘆堂室湫狹，教學荒墜，懼鼓篋之道寢，子衿之詩作，易其地，大其制，新其棟宇，盛其俎豆。每歲二月上旬，習舞釋菜，先三日齋戒肄禮，命博士率胄子修祝嘏，陳祭典。釋菜之日，美器用幣，饌豆在堂，罇壘在阼，玄端赤舄，正詞陳信。是日舉學士之版，視其藝之上下，審問愼思，使知不足。教之導之，講論最之。八月上下如初禮。歲終，博士以遜業之勤惰，覃思之精麤，告於錡。錡歛其才者進其等，而貢之於宗伯。將進，必以鄉飲酒之禮禮之。賓主三揖，受爵兩壺之間，堂下樂作，歌以《發德》、《鹿鳴》、《南陔》、《由庚》、《嘉魚》、《南山有臺》，以將其厚意。繇是海濱榮之，以不學爲耻。大曆十年薨於位，

群吏、庶民、耆儒、諸生雨泣廟門外。判官繕部員外郎兼侍御史皇甫政、殿中侍御史韓贊、監察御史長孫繪、率門人、部從事、州佐、縣尹相與舉錡盛德善政，刻於金石。十二年，太常議謚，以錡尊教勸學，德治荒服，奏謚曰成，詔贈禮部尚書。

李行穆以泉州刺史兼。

鮑防 防，襄州人。自京畿觀察使任。好學，善屬文，歷福建、江西觀察使，皆有政聲，仕終禮部侍郎。防文學舊人，歷職中外，不因罪戾而爲宰相，實參所擯，竟以憤終。

右大曆中任。

常袞 袞，京兆人。爲中書舍人，文辭瞻蔚，譽重一時。相代宗，用人非文詞者擯不叙，世謂之黠伯。輔，無賢不肖之辭。再起爲福建觀察。始，閩人自樂其土，雖有長材秀民通文書吏事，不肯出仕。袞以文辭有名於時，又作大官，出典方州，鄉郡小民有能誦書作文辭者，親與爲客主之禮，觀游宴饗，必召之偕。莫不矜耀勸化，歲貢士與內縣等。卒於官，贈尚書左僕射。

孟皞以左散騎任。

右建中中任。

盧瑟以福州刺史兼。幽州范陽人，爲政苛躁。

吳誨以鳳翔龐右元帥副兵馬使任。

吳湊 湊，濮陽人。以太子賓客任。貞元四年，福建兵亂，吳誨被逐，湊繼之。蒞政勤清，美譽四騰。以與宰相實參不合，召還。

鄭叔則以信州刺史任。王翊以大理卿任刺史，兼御史中丞。

李若初 若初，趙郡人。以衢州刺史任。性嚴強力，束斂下吏，人畏服之。

柳冕 冕，河東人。博學富文辭，長吏職。貞元初，爲太常博士，以議論勁切，執政不善，出爲婺州刺史。十三年兼御史中丞、福建觀察使。貽書權德輿，謂唐之取士，但承隋法，進士以詩賦取人，不先理道；明經以墨義考試，不本儒意，選人以書判殿最，不尊人物。宜從容啟主上，稍革其弊，分爲二等。有明六經之義，合先王之道者，以爲上等；有精誦疏者，以爲次等；不登此二科者，以爲下等。以求清識之士，以興廉恥之風。居閩中十有一年，上言：「唐虞之制，群后四朝，以明黜陟；商周之盛，五歲一見，以考制度；漢法，三載上計，以會課最。聖唐稽古，天下朝集，三考一見，皆以十月上計京師，十一月禮見，會尚書省應考績事，元日陳貢朞，集於考堂，唱其考第，進賢以興善，檢不肖以黜惡。自安史亂常，始有專地；四方多故，始有不朝；戎臣恃險，或不悔過。臣忝牧圉之寄，憤不朝之臣，思一人觀，率先天下，使君臣之義，親而不疏，朝覲之禮，廢而復舉。」德宗許之。冕生長河東，徒見其地多馬，謂閩中羊馬不息，奏置牧區於東越，名萬安監，又置五區泉州，悉索部內馬驢牛羊之合萬餘游畜之。不經時，死耗略盡，復調充之。民間怨苦。坐無狀，代還。卒，贈工部尚書。

閻濟美 濟美，貞元十年進士。有長者名，繇婺州刺史爲觀察使。簡澹爲理，常賦之外，不知其他。奏罷柳冕所置牧馬監。仕至工部尚書。

右貞元中任。

陸庶

裴次元 次元於莆田縣界紅泉築堰瀦水，墾開荒地，爲田三百二十二頃，歲收數萬斛，以贍軍儲。莆人廟祀之。

蔡僖

裴又 又爲觀察使，獎振儒風。

右元和中任。

徐晦 晦在官，作池通海潮，以振人文。其初，舉進士不第，四門助教歐陽詹數稱之。後登高第，來爲觀察使，語及詹，必流涕。仕宦所歷，皆楊憑薦引。憑貶臨賀尉，知交莫敢送者，晦獨送至藍田言別，繇此見重。爲人強直，當官守正。仕至禮部尚書。

右寶曆中任。

張仲方 仲方字靖之。貞元中進士，擢宏辭科，釋褐集賢校理。敬宗卽位，徵爲諫議大夫，論事激切。太和初，出爲福州刺史兼御史中丞、福建觀察使。三年，入爲太子賓客。累加銀青光祿大夫、上柱國、曲江伯，食邑七戶。卒，贈禮部尚書，謚曰成。

桂仲武 段伯倫

人金吾大將軍檢校工部尚書任。

右太和中任。

唐扶以中書舍人任。

李記

盧正以大理卿任。

李元宗以泉州刺史兼。

右開成中任。

裴煒以泉州刺史兼。

羅讓 讓字景宣。少以文學知名。舉進士，應詔對策高等，爲咸陽尉。丁父憂，服除，尚麻茹菜，不從四方之辟者，十餘年。（二）李獻爲淮南節度使，就其所居，請爲從事。累遷至福建觀察使，兼御史中丞。甚著仁惠，有以女奴遺者，問其所因，曰：「本某家人，兄姊九人，皆爲官所賣，留者惟老母耳。」讓慘然焚券，歸女於其母。仕終江西都團練觀察使兼御史大夫。

李貽孫 貽孫。未詳其所起。其序歐陽詹，稱詹爲外舅。其文亦蔚然可觀。

楊發 發字至之，馮翊人。以大中大夫、福州刺史、中丞、上柱國，賜紫金魚袋任。下車首立社稷，風雨壇於州之坤方，用錢十萬，不徭一丁，不斂一戶，甌閩之人美其能政。以善績聞，遷嶺南節度使。

王鎮 一作錫。以朝請大夫、檢校左散騎常侍、右金吾大將軍充右衛使、上柱國，襲太原郡開國公，食邑二千戶，賜紫金魚袋。十一年，陞檢校左散騎常侍，使持節都督福州諸軍事，兼福州刺史，御史大夫，充福建等州都團練觀察使，處置等使任。

右大中中任。

李瓚

李景溫 景溫字德已，并州文水人。歷諫議大夫、福建觀察使，徙華州刺史。以美政聞。累遷尚書

右丞，繩正舉職。

右咸通中任。

李晦 以河南尹、檢校左散騎常侍兼。

李播

右乾符中任。

鄭鑑

右廣明中任。

陳巖 王潮並見君長。

右景福中任。

威武軍節度觀察使乾寧四年，陞團練爲威武。

王鴻一作達，固始人。貧不能歸，因家於閩南石室山。

右乾寧至天祐中任。

王審知見君長。

右光化至天復中任。

團練副使

薛戎 戎字元夫，河中寶鼎人。少有學術，不求聞達，年四十餘，隱居毗陵陽羨山。江西觀察使李衡、故相齊映，前後辟薦，罷歸。福建觀察使柳冕，表爲從事，累月，轉殿中侍御史。會泉州闕刺史，冕署戎權領州事。是時，姚南仲節制鄭、滑，從事馬總以其道直爲監軍使，薛盈珍誣奏，貶泉州別駕。冕附會權勢，欲構總罪，使戎按問。戎別白無辜，不從冕意。及還自泉州，冕盛氣據衙見賓客。戎歷東廂從容人。冕度勢未可屈，徐起見。戎一揖而退。又構總罪，以狀聞。置戎佛寺，環之武卒，恣其侵辱。如是累月，誘成總罪。戎心不動。杜佑鎮淮南，知其冤，上表發書諭冕，戎難方解。遂辭職，寓居江湖間。後閩濟美爲福建觀察使，備聞其事，奏克副使。累遷、湖、常三州刺史、觀察使，所蒞皆以政績聞。卒，贈左散騎常侍。

右貞元中任。

沈亞之 亞之字下賢，長安人。任團練副使，徐晦經度空隙地爲池，以通海浪潮汐，亞之有勞焉。累遷殿中丞、御史，後貶南京尉，終鄆州掾。亞之以文詞得名，嘗游韓文公之門，第狂躁貪冒，故及於貶。

右長慶中任。

李貽孫見上。

右大和中任。

陳巖見君長。

右中和中任。

判官

皇甫政 以繕部員外郎兼御史任。

韓贊 以殿中侍御史任。

長孫繪 以監察御史任。

並大曆中任。

武自和

右元和中任。

李敬彝

右大和中任。

巡官

權幼公

右元和中任。

觀察支使

廬昂

右元和中任。

判官

楊邵伯

右元和中任。

侯勣

右大和中任。

推官

馮審

右元和中任。

以後係闕越，已見君長志。其他不知名者不載。

宋

威武軍節度使，宋初兼三司發運使、大都督府長史。承宣使。

舊名節度觀察留後。政和七年詔「觀察留後乃五季藩鎮

官，以所親信留充後務之稱，不可循用，可冠以軍名，改爲承宣使。」

節度使

沈承禮

右開寶中任。政和中，童貫來鎮，宦者也，姑附名。

鄭居中

右宣和中任。

李顯中

右乾道中任。

鄒琪

右年任無考。

節度觀察留後

高繼勳 高化

右景祐中任。

承宣使

姚平仲

右靖康中任。

觀察使

王德用

右慶曆中任。

萬文勝 文勝字彬叔，寧國人。少倜儻有大志，長身戟鬚。從軍不十年，以功累官福州觀察使，總殿前諸軍。理宗嘗飛白「忠實」二字賜之。卒，贈開府儀同三司、武安節度使。

丁勝起

右理宗中任。

福建路安撫司 雍熙初，改威武軍爲福建路。景德間置安撫司，而威武軍之名猶在，但節度使不常置。安撫使，掌一路

兵民之事，皆帥其屬而聽其獄訟，頒其禁令，定其賞罰，稽其錢穀甲械出納之名籍，而行以法。以知州兼充，大中大夫以上，或曾歷侍從，乃得之。品卑者止稱主管某路安撫司公事。中興以後，職名稍高者出守，皆可兼使。如係二品以上，卽稱安撫大使。參議官一

員，添差參議官一員，紹興間置，釐務。隆興間省，乾道間復置，不釐務。主管機宜文字一員，幹辦公事一員，主管

書寫機宜文字一員，建炎三年置，後省。準備差遣五員，紹興初置，八年改一員，作幹辦公事，後盡省。準備差使五員，

紹興初置，後盡省。措置招捉盜賊一員。紹興十五年置，後省。

安撫使

袁逢吉以知州兼。

右景德中任。

林適見福清縉紳。

右建炎中任。

張浚 浚字德遠，綿竹人。高宗南渡初，浚以樞密院使定苗傅、劉正彥亂。傅、正彥走入閩，縛而誅之。銳意中興恢復之計，高宗深所倚仗。坐與宰相呂頤浩不合。紹興四年以本官提舉洞霄宮，知福州。

時朝廷已與金人講解，而浚尚恐其來窺江南，臨行上疏極言。未幾，劉豫子麟果引金人入攻。高宗思浚前疏，召復其官。浚受命，即日視師江上。鄆瓊叛歸劉豫，秦檜憾浚，復坐落職。以紹興九年除資政殿大學士，知福州，兼福建安撫大使。時金人遣使以招諭爲名，浚雖去國，五疏力爭。其明年，金敗盟，復取河南。浚奏願因權制變，以集大勳，因請大治海舟千艘，爲直擣山東之計。高宗封浚和國公。浚力主恢復，前後爲秦檜、湯思退所陷，而檜幾於殺之。孝宗卽位，除江淮東西路宣撫使，進封魏國公。復爲湯思退所陷，其明年，復除保信軍節度，判福州。行至餘干卒，贈太保，復加贈太師，謚忠獻。浚治福州，飭守令誠意民事，時引秀才與講論經史，命鄉里長老勸率後生，以止其訟鬪之習。事無巨細，悉關理決。山河之寇，招捕無餘。每車騎出入，民聚屋登木觀者如堵，去而咨嗟，號送相屬於道。

葉夢得 夢得字少蘊，吳人。嗜學蚤成，多識前往。紹聖四年進士。紹興八年爲江東安撫制置大使，兼總四路漕計。精曉財賦，饋餉張浚，軍用不乏。加觀文殿學士，移知福州，兼福建安撫使。海寇朱明猖獗，詔挾御前將士便道之鎮，或招或捕，或誘之相戕。夢得三策並用，遂平寇五十餘群。然頗與監司異議，上章請老，特遷一官，提舉臨安府洞霄宮。尋拜崇信軍節度使，致仕。

張凝

右紹興中任。

辛次膺 次膺字起季，萊州人。政和二年進士，歷官爲單父丞。值山東亂，舉室南渡，屬閩。寇范汝爲陷建州，宰相呂頤浩以次膺宰浦城，遏賊衝。比至，寇黨熙志寧已焚城邑。次膺披荆棘，坐瓦礫中，安輯吏民，料丁壯，治器械，阨險阻，號令不煩，邑民便之。數月，韓世忠破賊，復建州。除審計司。賊餘黨

范黑龍復攻陷隣邑，閩帥張守檄次膺俟賊平乃行。乃募鄉兵，習強弩。賊至，與夾水陣，矢齊發，賊奔潰，坐致首領五人，餘悉宥之。累官湖南提刑。以素不附秦檜，罷，奉祠。檜死，起知婺州，擢權給事中。以論劾權戶部侍郎蔣璨，璨坐出知平江。御史中丞湯鵬舉劾次膺假權報怨，除待制官觀。起，知泉州。移中丞，移福建帥。丁母憂，乞納祿。孝宗即位，手詔趣召，除御史。隆興改元，同知樞密院事，拜參知政事。不屑與湯思退同列，力祈免，卒。次膺孝友清介，立朝奮諤，爲政貴清靜，先德化。善屬文，尤工詩。

王之望 之望字瞻叔，穀城人。紹興八年進士，以參知政事奉祠。乾道元年起知福州、福建路安撫使。捕海賊王大老，捷聞，加資政殿大學士，移知溫州。尋罷，卒。之望有文藝幹略，當秦檜時，落落不合。紹興末，力附和議，與思退相表裏，竟坐廢。

汪徹 徹字明遠，其先新安人，徙居饒州浮梁。乾道間，自寧國移知福州，兼福建安撫使。自言身起褻遠，所以報國惟有不欺無私。自奉清約，雖貴猶布衣時。

陳俊卿

鄭僑 並見莆田縣志。

辛棄疾 棄疾字幼安，歷城人。乾道四年歷通判建康府。時孝宗銳意恢復，棄疾因論南北形勢，及三國、晉漢人才，持論勁直。累遷隆興府、江西安撫。落職。久之，主管沖祐觀。紹熙二年，起福建提點刑獄。召見，遷大理少卿，加集英殿修撰，知福州，兼福建安撫使。棄疾爲憲時，嘗攝帥，每嘆曰：「福州前枕大海，爲賊之淵，上四郡民頑曠易亂，帥臣空竭，緩急奈何？」乃務爲鎮靜，未期歲積餘至五十萬緡，榜曰備安庫。謂閩中土狹民稠，歲儉則糴於廣，今幸連稔，宗室及軍人人倉請米，出卽糴之，候秋價賤，以備安錢糴二萬石，則有備無患矣。又欲造萬鎧，招強壯補軍額，嚴訓練，以防盜賊。事未行，臺臣王簡劾

其用錢如泥沙，殺人如草芥，遂乞祠歸。慶元元年，落職。四年，復主管冲佑觀，終樞密都承旨。棄疾豪爽尚氣節，識拔英俊，所交多海內知名士。與朱文公游好，文公歿，偽學禁嚴，門生故舊至無送葬者，棄疾爲文往哭之。有《稼軒集》行世。紹定六年贈光祿大夫。德祐初加贈少師，謚忠敏。

蔡幼學 幼學字行之，瑞安人。年十八試禮部第一。孝宗策士，聞其才，將首置，爲時宰所惡，遂得下第，爲廣德軍教授。光宗朝，人爲校書郎。寧宗將進用之，數論列時政，爲韓侂冑所黜，除提舉福建常平。時朱文公居建陽，幼學每事咨訪，遂爲御史劉德秀劾罷，奉祠者八年。召爲吏部員外郎，歷知建寧府、福建安撫使。福建下州例抑民買鹽，有產鹽、浮鹽名色，皆出常賦之外，幼學力請蠲，不報。提舉司令民以田高下藏新會子，不如令者籍其貲。幼學曰：「罔民而可，吾忍之乎？惟有去而已。」因言錢弊未均，秤提無術，力求罷。幼學早以文鳴，中年述作，益窮根本。終兵部尚書少師，謚文懿。

楊長孺 長孺字伯子，一名壽仁，吉水人。以忠節公蔭，補守湖州，兼使節。與秀邸相持，譖之寧宗。寧宗曰：「賄乎？」曰：「不也。」寧宗曰：「可矣。」安撫福建，強宗有久逋賦者，法繩之。真德秀人對，寧宗問廉吏，德秀舉長孺。端平間去任，累召不起。景定初，起判江西憲臺。

程瑒 瑒字懷古，休寧人。紹熙四年進士，以煥章閣學士知建寧府，授福建路招撫使。不赴，進封新安郡侯，加寶文閣學士，知福州，兼福建安撫使。再奉祠。瑒立朝剛直，文章名一時，惟附史彌遠以進。

右嘉定中任。

楊棟 棟字元極，青城人。紹定二年進士，累遷樞密院編修，官奉祠。起知興化軍。闕里之裔，唐時有孔仲良者，爲莆令，其子孫卽家於莆。棟爲建夫子廟，闢祭田，設書院，以訓子弟。遷福建提點刑獄，尋

加直秘閣，兼權知福州，兼本路安撫使。累遷太常少卿，予祠。起直龍圖閣，知建寧府，不拜。累參知政事，再知建寧，不拜。終資政殿大學士。棟學本周程，嘗進對理宗，理宗曰：「堇堇正心修身之說乎？」棟對曰：「臣學止此，用之事親、取友、治澗郡、察冤獄，至爲簡易。」

何琮

右端平中任。

魏了翁 了翁字華甫，蒲江人。嘉熙初，自紹興改知福州，兼福建安撫使。累章乞骸，不允。疾革，門人問疾，衣冠酬答，曰授遺奏，少焉拱手而逝。

李鳴復 鳴復字成叔，瀘州人。嘉定二年進士。以鄭獯薦知名。淳祐四年，以參知政事出知福州、福建安撫使。尋與祠。

趙必愿見宗正。 徐清叟見浦城縉紳。

吳潛 潛字毅夫，寧國人。淳祐間知福州，兼安撫使。徙知紹興，後拜右丞相。以忠亮剛直著聞。賈似道嫉言官劾之，安置循州，授意循守劉宗中毒之。空中爲之宵震。

李伯曾 伯曾字長孺，單懷人，後居嘉興。儒而知兵，有雅量。淳祐間賜同進士出身，以大學士知福州，兼福建安撫使，仕至觀文殿學士。伯曾初與似道俱爲閫帥，邊境之事，知無不言，似道嫉之，不竟其用。

徐經孫 經孫字仲立，豐城人。寶慶二年進士，授瀏陽主簿，辟永興令，改修武縣，通判潭州。進直寶章閣，福建提點刑獄，遷安撫使。初，經孫判潭時，爲州帥陳韓所知，凡事必諮而後行。及來爲安撫，韓正家居，門人故吏有撓法者，不得遂，相與搖撼。至是，韓起家判本郡，劾奏通判，語侵經孫。通判坐削

秩，經孫造朝具於政府。理宗大怒，且罷韓。經孫再詣政府，書：「某門生也。前日之白，公事也，苟陳公以是得罪，人謂我何。」請之不置，求自乞閑，明通判無罪。遷宗正少卿、起居郎。人奏君人當守理欲之界。終端明殿大學士。卒，謚文惠。

趙葵 葵有時名，爲世所重。

右淳祐中任。

吳淵 淵字道父，潛兄也。寶祐間知福州，兼本路安撫使。興學養士，迄有材略，然政尚嚴酷。以功拜參知政事。

馬天驥 天驥字德夫，衢州人。紹定二年進士。其爲著作郎時，條上時弊，詞旨切直。累官簽書樞密，封信安郡侯，予祠。景定初，知福州，兼福建安撫使。以職事修舉，升大學士，改知平江府。

湯漢 漢字伯紀，安仁人。與其兄於巾中皆知名。初爲上饒簿。江東轉運使趙希堅言：「漢，海內名士也，豈得吏之州縣？」詔循兩資，差信州教授，兼象山書院長。提舉福建常平，劾福州守史嵩之、泉州守謝堦。召爲禮部郎官，兼太子侍讀。尋以直華文閣，福建運判。久之，以秘閣修撰知福州、福建安撫使。又久之，召爲刑部侍郎，兼侍讀。復以龍圖閣待制知福州、福建安撫使。改知太平州，權工部尚書，兼侍讀。以顯文閣直學士提舉玉隆宮，進華文閣學士。以端明殿學士致仕。卒，贈正奉大夫，謚文清。漢介潔有守，恬於仕進。有文集六十卷。

趙順孫 順孫字和仲，縉雲人。淳祐十年進士。度宗朝爲侍御史，累疏直言，乞召洪天錫、陳宗禮、陳宜中還。居言職及他，所薦湯漢、李伯玉、何基、徐宗仁、呂圻、歐陽守道、呂大圭等數十人，多朝廷宿望。

及當世知名士，度宗皆嘉納焉。久之，欲拜爲右揆兼元樞，順孫聞之，嘆曰：「不早用吾言，國將亡而吾相，吾其爲張悌矣。」比降麻，適中末疾，乃除資政殿大學士，提舉臨安府洞霄宮。十年，依舊職知福州、福建安撫使。爲州民代輸夏秋二稅錢以緡計者四十餘萬，而寬催、特放、蠲減禮士犒軍之數不與焉。代還之日，士人爭以詩文頌遺愛，軍民焚香夾道持綵旗擁車者數千人。順孫歸，知時事不可爲，憂慙成疾卒。自朱文公合四書而爲注說，其微辭奧旨散出於一人，所紀錄者莫克互言。順孫始采集以爲纂疏。一時四方學者，家有其言。

江萬里 萬里字子遠，都昌人。景定四年知建寧府，兼權福建轉運使。明年，移知福州，兼福建安撫使。度宗卽位，遷參知政事。咸淳末，元兵渡江，赴公署後浦止水池死。「止水」，萬里所自匾也。

右景定中任。

洪天錫 見晉江續紳。

雷宜中

右咸淳中任。

趙希澣 見宗正。

右景炎中任。

#### 參議官

高穎 穎參安撫，坐從岳飛，謫象州。固窮守節，剛直之性，始終不渝。

右紹興中任。

劉朔 見莆田諸紳。

右乾道中任。

主管機宜文字

鄭耕老見莆田縉紳。

右乾道中任。

幹辦公事

王晞亮見莆田縉紳。

李誠之 誠之字茂欽，東陽人。受學呂祖謙。慶元間幹辦公事。嘉定十四年守蘄州，金人來攻蘄，盡室死之。封正節侯。

右慶元中任。

石整 整字子重，臨海人。年十八擢進士，授桂陽簿。秩滿，調同安丞。天旱民饑，縣白府，請得蠲歲租如故事。太守怒，檄整杖其主吏。整移太守書：「杖吏細事耳。然而，係民不能救民，忍箠吏口。」守怒未已，遣莫府官按驗。至，希守意，謂不當蠲。整爭益力，部使聞之，因以其事委整。整行視歸，即揭榜諭民，蠲之什九，然後言府。且亟召鄉吏閉廳中，使鄉爲一榜，戶列所蠲與其當輸之數。既成，立授里胥，使走揭於其所，使上官不得變令，而鄉吏無所逞奸。改宣教郎，知武進縣事。以不能媚奉郡守，調尤溪縣官。吏以財賈，請借民租。整不答。但日治稅籍，凡民逃絕而田人見戶者，與鬻產而不能更籍者，皆正之。又謹視其出納之際，要爲簡易以便民。至於關市之徵，亦損其數。於是，農商得職，租入以時，力役有序。縣故窮僻，學校久廢，整至，即命其友古田林用中來掌教事，而選邑子願學者充弟子員。始教之。

日，親率佐史肅賓客往臨之，因爲陳說聖賢教學所以爲修己治人之資。自是五日一往，伐鼓升堂，問進業次第，相與反覆以求理義至當之歸。員外諸生數十，或異邦之人，皆裹糧求學。故學宮不稱，新而廣之，市書萬卷，買田數百畝充人。既成，舉鄉飲禮落之。又撫其舊俗之不美者數事，爲文訓飭，民皆傳寫誦習。遠鄉有據險自豪，不輸租賦數十年，日與比鄉爲仇敵者，爲榜諭之，輸賦解仇，復與齊民齒。民王某者，有刑罪，具獄上府，吏以邀求不厭，欲致之死。整爭不聽，則請自對獄，與吏辯，代民死。民乃得免。歲大疫，多治藥劑，遣醫分散村落，自爲詩勸之，活者甚衆。監察御史陳舉善聞其賢，薦之朝，而整自從吏部選，授福建安撫司幹辦公事以去。終知南康軍。

徐鹿卿 鹿卿字德夫，豐城人。博通經史，以文學名，鄉後進爭師宗之。嘉定十六年廷試進士，有司第其對，居二，詳定官以其直，抑置第十。調南安軍學教授，辟福建安撫司幹辦公事。會汀邵寇作，贊畫備禦，動中機會。避寇入城者，多方賑濟。郡多火，救護有方。會都城火，應詔上封事。真德秀稱其氣平論正，有憂愛之誠。改知尤溪縣。德秀守泉，辟宰南安，以不便養辭。德秀曰：「道同志合，可以拯民，何憚不來？」鹿卿人白其母，欣然許之。既至，首罷無名科歛者，明版籍，革預借，決壅滯，達冤抑。德秀尋帥閩，疏其政以勸列邑。歲饑，處之有法，富者樂分，民無死徙。最聞，令赴都堂審察，以母喪去。起，知泉州，改贛州，皆辭。淳祐中，累官遷禮部侍郎。告老，卒。遺表聞，贈四官。鹿卿居家孝友，廉約清峻，一廬僅庇風雨。所著有《泉谷文集》、《奏議》、《講義》、《鹽楮議政稿》、《歷官對越集》，手編《漢唐文類文苑菁華》。謚清正。

趙希樸見宗正。

右年任無考。

措置招提盜賊官

方應發見莆田縣紳。

右景炎中任。

福建制置司 制置使一員，掌經畫邊鄙軍政之事。參謀官一員。

制置使

陳德剛 德剛，鄞人。歷官戶部侍郎。理宗立，遷工部尚書。論濟王之寃，忤史彌遠，奉祠。紹定六年，召除福建制置使，兼知福州。人對，理宗慰勞甚至。因問夾攻蔡州以復讎何如？德剛曰：「在國家不可一日忘此舉。恐此舉之後，方煩聖慮耳。」理宗曰：「朕與廷臣深計，時不可失也。」德剛曰：「所謂時者，人財無匱之謂。陛下有之乎？」上默然。端平元年，簽書樞密院事。請復濟王官爵，從之。

右紹定中任。

王積翁宋末以全閩團練獻元。

參謀官

卓德慶見莆田縣紳。

右景炎中任。

〔校記〕

〔一〕「十餘年」，各本原作「士餘年」，據《舊唐書》本傳改。

## 閩書卷之四十三

### 文蒞志

宋

福建轉運司(一)初置於建寧府，建炎二年，以建寇故移司。紹興二年復還。三年又移福州，尋復舊。轉運使一員，宋

初，諸路置轉運使掌經度、路財賦，而察其登耗有無，以足上供及郡縣之費。歲行所部檢察儲積，稽考帳籍，凡吏蠹民瘼及專舉刺官吏之事。遇有軍旅，則別置隨軍轉運使一員，或諸路事體當合一，則置都轉運使以總之。閩自太平興國三年錢氏納土之後，爲兩浙西南路，置使副。尋省直使一員。五年，始命太子左贊善大夫賈昭明爲本路轉運判官。雍熙改福建路將輪舉刺。自端拱明道之際，詔所屬郡不輟巡按，以是逐州皆有行司。副使一員，判官一員，主管文字一員，幹辦官一員，文官準備差遣，武臣準備差使。上二職員數多寡不一。

### 轉運使

楊克讓 克讓字慶孫，馮翊人。太平興國初，以兩浙西南路轉運使權知州事。泉州民嘯聚爲盜，衆十餘萬，克讓率其屯兵至泉，與王明、王文寶共討平之。初，克讓嘗奏十事於太祖，太祖嘉之，詔升殿慰勞，面賜金紫，將大用之。偶問侯陟寧識之否？對曰：「臣與甚善，知其才識佳士也。近聞其自言上許以大用，多市白金作飲器自奉，臣頗怪焉。」太祖怒，亟出克讓典郡。時謂陟險陂妬賢。

崔榮

右雍熙中任。

任維則

牛冕 冕字君儀，彭城人。議廢邵武軍歸化金坑，土人便之。

右端拱中任。

趙中和 周渭

右淳化中任。

丁謂 長洲人。事見《宋史》。

右至道中任。

趙賀 劉炤

右咸平中任。

陳世卿 見沙縣縉紳。 袁煒

右景德中任。

彭惟節

右大中祥符中任。

方仲荀 韓庶

唐肅 肅字叔元，錢塘人。七歲能誦五經，後與孫何、丁謂、曹商游，學者慕之。舉進士，調郿縣主

簿，徙泰州司理參軍。辯冤獄有名，累官監察御史，爲真宗所知。久之，遷侍御史，爲福建路轉運使，判三司開折司。終龍圖閣待制，登聞檢院，知審刑院。

右天禧中任。

呂言 苗稹 王奇 張方 俞獻卿 王嘉言 李應言 王耿

右天聖中任。

趙湘 湘字巨源，華州人。廉問疾苦，按吏核其不稱職者。

龐籍 籍字淳之，武城人。初爲殿中侍御史，數劾范諷罪，諷貶，籍亦降知臨江軍。景祐中，尋復官，

徙福建轉運使。長於吏事，惠愛在民。後爲相。

邊調 陸軫

右景祐中任。

呂紹寧 劉立德

右寶元中任。

劉適 張徙華 王建中 安積 高易簡 邵歸 蔡襄見仙游縉紳。 張去惑

右慶曆中任。

陳榮古 唐詢 楊紘 盛中甫

右皇祐中任。

盧革 革字仲辛，德清人。神宗時爲福建轉運使，請外，神宗謂宰相曰：「革廉退如是，宜與嘉郡。」

遂與宣州。

右治平中任。

羅拯 拯字道濟，祥符人。提點福建刑獄，泉州、興化軍水壞廬舍，拯請勿徵海運竹木，經一年，民居復舊。遷轉運使。邵武之光澤，不榷酒以課賦，民號「黃麴錢」，拯均之他三邑。泉商黃謹往高麗，銷之禮賓省，其王云：「自天聖後職貢絕，欲命使與謹俱來。」拯以聞，神宗許之。高麗通中國自拯始。終知青、潁、陳三州。

張徽

許抗 抗字損之，南城人。皇祐元年進上。宣和中任沙縣尉，挺身入山壘，說降彭孫嘯聚之盜。轉運使陳榮言於朝曰：「若抗者，可謂能減九重之焦勞，救一方之塗炭。」後知柳州，擢大理評事，改知仙游縣，有聲，累至是官。

蹇周輔 周輔字蟠翁，成都清流人。福建盜廖恩聚黨害兵吏，朝命以轉運使護諸將討之，恩遂降。周輔彊學，善爲文，訊獄用智得情，神宗稱之。第刻深過當，老而護戾。

右熙寧中任。

賈青

右元豐中任。

孫奕 見閩縣縉紳。

謝卿材

右元祐中任。

毛奎爲建州亂卒所殺。

右靖康中任。

柯暘

右政和中任。

祖秀實見浦城縉紳。

右建炎中任。

溫革見惠安縉紳。

右紹興中任。

鄭如岡 如岡字山甫。以蔭歷任，所至簡靜爲理。官吏部侍郎。

右紹定中任。

朱宗見仙游縉紳。

馬天驥以知福州兼。見按撫使。

江萬里以知建寧兼。見安撫使。

陳郭見建陽縉紳。

右景定中任。

吳堅 劉震孫

李伯玉 伯玉字純甫，初名誠，餘干人。端平二年進士第二。理宗朝爲尚書右司員外郎。引故事彈

臺臣蕭泰來，遷著作郎。帝怒，降兩官，罷叙，復知邵武軍。改湖北提點刑獄，移福建。遷尚右郎官，奉祠。遷福建提舉常平，淮西轉運判官。度宗中擢權禮部尚書，兼侍讀，欲用以參大政，爲賈似道所忌，亦尋卒。趙汝騰嘗薦八士，各有品目，於伯玉曰：「銅山鐵壁，立朝風節。」

黃萬石 馮夢得 雷宜中 曹元發俱知建寧兼。

右咸淳中任。

趙崇機以知建寧兼。

右德祐中任。

轉運副使

張吉甫 蘇澥 徐億 李竦

右熙寧中任。

王子京 陳紘

右元豐中任。

呂溫卿 張詢

右元祐中任。

陳建 趙岍

右宣和中任。

張穆 程邁

右建炎中任。

陳郭遂 李承造 劉棗 鄭士彥

陳桷 桷字季任，平陽人。宣和七年提點福建刑獄。福州調發防秋兵，以資糧不滿望，群殺帥臣，闔

城吏民倉卒奔潰。桷入亂兵中諭之，皆氣沮，因邀桷曰：「公爲我奏，帥臣自斃，非我等殺之也。」桷曰：「卽如汝言。」遂馳奏，而使人從間道馳實以聞。叛兵旣調行，乃追殺首惡二十餘人。朝廷與其知變，兼知泉州。其冬除浙西提刑。八年，遷福建路轉運副使。十年，普安郡王出閣，爲太常少卿，權禮部侍郎。坐議禮，與吏部尚書吳表臣、禮部尚書蘇符俱罷。除授京西帥，殄均房叛卒，加秘閣修撰。徙廣東帥，未至，卒。桷寬洪蘊藉，以誠待物，恬於營利。當秦檜用事，以永嘉爲寓里，士之夤緣攀附者無不躋躡。桷以立螭之舊爲人主所知，出入頓挫，其節有足稱者。自號無相居士，又號不繫舟漁者。

賀允中 余應求 陳敏識 王浚明 趙伯牛 張宇 馬純 鈞光祖 曹戢 趙令詒見宗正 王時升

右紹興中任。

陳良佑 良佑字天與，金華人。爲轉運副使，累遷吏部尚書。朝廷議遣汎使請地於金，良佑懼開募端，力止之，忤旨，竄斥。淳熙間起知徽州，尋知建寧府，卒。

右隆興中任。

陳良翰 良翰字邦彥，臨海人。隆興中知建寧府。乾道初徙福建轉運副使。良翰在臺府時，歷詆奸倖，直言無隱，事上忠而自信篤，士論重之。

沈度 任文薦 趙子英 沈樞 傅自得見晉江續紳  
右乾道中任。

鄭丙 紫璫 錢佃 謝師稷 趙公碩 顏度 蘇峴 趙彥操

右淳熙中任。

周頡 陳公亮

右紹熙中任。

王恬 張孝曾 曾炎

右慶元中任。

權安節

右嘉泰中任。

何琮 劉克莊見莆田縉紳。

右端平中任。

饒堯臣以知建寧兼。

右淳祐中任。

袁立儒 高斯得斯得，蒲江人。爲福建計度轉運副使。朝廷行自實田，斯得言：「按《史記》，秦始皇三十一年令民自實田。主上臨御逾三十一年，而異日書之史冊，自實之名正與素同。」丞相謝方叔大愧，卽爲之罷。後以顯文閣待制知建寧府，官至參知政事。以論賈似道誤國，留夢炎乘間罷之。寶祐六年七月詔：「前福建漕臣高斯得已奪職鑄官，其贓百餘萬，嚴限徵償，以懲貪吏。」二事未詳孰是，並載之。

右寶祐中任。

洪勳 趙孟傳

右景定中任。

家鉉翁，鉉翁，眉州人。以樞密都承旨出知建寧府，兼福建轉運副使，累簽書樞密院。元兵至，丞相吳堅、盧餘慶檄天下守令以城降，鉉翁獨不署。堅奉表祈請於元，以鉉翁介之，禮成不得命。留館中，聞宋亡，旦夕哭泣，不食飲者累月。元人欲官之，不屈。宋三宮北還，鉉翁率故臣迎謁，伏地流涕，見者無不歎息。元成宗即位，放還，賜號處士。

右宋末任。

轉運判官

賈昭明

右太平興國中任。

馬遵 劉文炳

右慶曆中任。

張翥 陳宗占 甯瞻 曹元舉 蔡延慶

右嘉祐中任。

黃照 郭宏

右治平中任。

湛俞見閩縣續紳。

蔣之奇，之奇字穎叔，宜興人。嘉祐二年進士。爲福建轉運判官時，新法方起，諸道免役，推行失

平。之奇約僦庸費，隨算錢高下均取之。嘗薦處士陳烈，每行部必造焉。仕終觀文殿學士，知杭州。卒，封魏國公。之奇善經學，工詩文，真文忠稱其經術爲當世所宗。

謝仲規 曾默 董鉞 石廣 王子京 周沃

張嶠 嶠字巨山，襄陽人。紹興初爲著作郎。何掄以刊改《神宗實錄》得罪，語連嶠，出爲福建路轉運判官。疏言：「古之人君，其患有二，不在於拒諫，在納諫而不能用；不在於不知天下利害，在知而不以爲意。陛下渡江十年矣，外有勍敵之國，內有驕悍之兵，下有窮困無聊之民。進言者多矣，今皆以爲陳腐，而別取新奇之說；任事者衆矣，今皆習是以爲當然，而更爲迂闊之事。此近於納諫而不知用，知利害而不知恤。又有國所惡者，莫大朋黨。今一宰相，用凡其所與者，不擇賢否而盡用之；一宰相去，凡其所與者，不擇賢否而盡逐之。宜其朋黨之浸成也。」終知衢州，除敷文閣待制。第其爲政，頗尚嚴酷。

右熙寧中任。

蔣續 鄧甯見沙縣縉紳。

右元豐中任。

孫奕 劉士彥

曹輔 輔與蘇文忠軾善，赴漕時，文忠送之詩：「曹子本儒俠，筆勢翻濤瀾。往來戎馬間，邊風裂儒冠。詩成橫槊裡，楮墨何曾乾。」按沙縣曹輔則政和中人，非此曹輔也。

韋驤 驤字子駿，錢塘人。年十七，以文謁王安石，甚稱與之。每一賦成，學者傳誦。既登進士，累官利州路運判，移福建路。年飢，議請賑貸，驤以去京師遠，不及上書待報，乃檄州縣發廩，而請速違法之

罪於朝。閩盜阻險，爲州縣患，吏畏怯，爭言招納。驥曰：「此稔患也。」悉擒捕之。召爲主客郎中，出爲夔州路司憲，知明州，提舉洞霄宮，卒。驥樂易靜退，孝友廉平，文章藻麗，政事有聞。

李孝廣 王得臣 陳郭兄建陽縉紳。

右元祐中任。

秦定 黃思 文勛 黃誥

右紹聖中任。

張康國 檀宗旦

右元符中任。

孫藝 藝字叔靜，錢塘人，徽宗時徙江都。爲福建轉運判官，召爲屯田員外，道遇蔡京，京逆謂曰：「我若用於天子，願公助我。」藝正言拒之。

鄭可簡

唐續 續字公懋，零陵人。敏學忘寢食，范祖禹謫永，續從之學。中元符三年甲科。天姿修潔，蒞事有方，接人以義，士論多之。

陳覺民 見仙游縉紳。 徐常見建安縉紳。 翁彥國 見建陽縉紳。

右宣和中任。

謝如意 魯詹

右建炎中任。

張翬見惠安縉紳。侯懋 徐字 宇文師瑗 薛昌 宋錢被 鄭士彦 晁謙之 范同 黃積厚 徐

琛 范寅秩 蘇策 趙令諤見宗室。〔三〕 鮑延祖 袁復一 丘礪 陳起 姚沆 趙不溢 黃輶 陳彌

作 王淪

右紹興中任。

邵及之 芮燁 趙不敵 呂企中 陳峴 楊由義

右乾道中任。

王佐 劉祖禮 王師愈 王回 林枏見莆田縉紳。 沈作礪 陳公亮

陳孺 孺字漢卿，臨川人。紹興進士，授明州推官，除秘書省正字。秦檜之黨問正得幾字，孺正色答

曰：「政惟小官，不能正也。今位鈞軸者吞聲議和，處風憲者緘嘿媚上，使虜鴟張至此，尚可正與？」劾，

知建州。頑黠無敢犯。歲飢，捐俸贍民，置倉。遷福建運判，卒於官。

右淳熙中任。

薛叔似 叔似字象先，永嘉人。光宗時爲福建轉運判官，後爲端明殿學士。言者謂其迎合韓侂胄，

以開兵端，又謫福州。叔似雅慕朱熹，窮道德性命之旨，談天文地理鐘律象數之學。

係紹遠

盧彥德 彥德字國華，麗水人。厲志恬退，喜怒不形，所至有蹟。官終朝請大夫。

右紹熙中任。

權安節 蘇林 趙充夫

右嘉泰中任。

趙善闔 趙善防 李浹

袁燮 燮字永叔，鄞人。師陸九淵，每言人心與天地一本，精思以得之，兢業以守之，則與天地相似。學者稱潔齋先生。

右開禧中任。

趙善宣 章良肱 蔡奎 費培 俞建 魏大中 趙彥倓 趙伉夫 王松

譙令憲 令憲刻厲清白，所至以寬直得民。舉進士，調仙游尉。獲盜，如律當論賞，不自言。運判始至，蠲浮鹽等錢十四萬。建寧府、三山、延平諸郡飢疫並作，振恤備至。及民病少紓，令憲已屬疾，猶自力治事。

右嘉定中任。

陳汶 鄭如岡

兼知建寧府職事。

右紹定中任。

袁甫 甫字廣微，鄞人。端平初知建寧府，尋兼福建轉運判官。閩鹽，曹司例運兩綱供費，後增至十有二，吏卒並緣爲奸，且抑州縣變賣，公私苦之。甫奏復舊例。丁米錢久爲泉、漳、興化民患，會知漳州趙以夫請以廢寺租爲民代輸，甫併捐三郡歲斛本司錢二萬七千貫助之。

姚瑤

見順昌縣志。

右端平中任。

陳垺 垺字仲和，鄞人。嘉定十年進士，調黃、處二州教授，累樞密院編修。官以直聲著聞。被劾，出知常、衢二州。改提點都大杭治。徙福建轉運判官，仕終國子司業。輕財急義，明白洞達，一言之出，終身可復。雖爲史彌遠之甥，然不以私親而廢天下公論。

王伯大見福寧縉紳。

方大琮見莆田縉紳。

右嘉熙中任。

項寅孫

謝公旦 公旦字清父，一字景周，崇仁人。性孝友簡淡。嘉定中進士，官至福建□□，三復鹽課，民便之。尋改直煥章閣福建運判。有故人欲饋之，患其清不受，乃獻燭百炬。及取照，則燭心隱隱皆黃金，亟封還而不顯其事。卒於官。自號野航。

康植

包恢 恢字宏父，建昌人。嘉定十三年舉進士，調金溪主簿。邵武守王遂辟光澤主簿，平寇亂，建寧府守袁甫薦爲府學教授，監虎翼軍。募土豪討唐石之寇。授掌故，改沿海制置司幹官。會歲飢，盜起金壇、溧陽間，恢部諸將誅夷之。改知吉州永豐縣。未行，差發運幹官，福建安撫使陳壇檄平寇。遷武學諭宗正寺主簿，添差通判台州。累湖北提點刑獄，移福建，兼知建寧。閩俗以九月祠五王生日，靡金帛，傾市奉之。恢曰：「彼非犬豕，安得一日而五子同生，非不祥者乎？而尊畏之若是！」衆感悟，爲衰止。兼轉運判官，仕終簽書樞密院事，封南城侯。卒，贈少保，謚文肅。

鄭次申 史季溫俱兼知建寧府職事。

右淳祐中任。

楊漢見安撫使。

右景定中任。

主管文字

余祖奭見莆田縉紳。

趙崇候見宗室。

王灌

右年任無考。

幹辦官

宋藻見莆田縉紳。

右紹興中任。

趙彥櫟見宗正。

龔孟夔 孟夔字龍友，臨川人。咸淳進士上第，除龍興觀察推政、福建運幹。妙悟文法，決斷如流，守帥皆驚服倚賴。賈似道欲見，不往，左授閩幕。歸而講學山中，爲一時矜式。

右年任無考。

方天若 柳廷俊 黃願 柯賜 毛金 曾仔 諸葛安節 章鑄 何處任已上舊志不載何官，姑附於此。

提點刑獄司 淳化二年，詔諸路轉運司以常參官一人糾察刑獄事，於是，以司門員外郎董循等分充諸路轉運司提點刑獄。四年罷之，獨委轉運使。始，蓋隸漕臺也，景德四年乃命與轉運使分路提點，選朝臣及諸司使副至閤門祇候，明幹者充太子中允，直集賢院。丁遜爲本路提刑供奉官，丁守元爲同提刑。提刑兩員自是始。天聖六年並罷。明道初復置。嘉祐五年罷同提刑，熙寧元年復

置。尋罷。宣和二年權置同提刑，靖康元年罷。乾道六年如舊。

文臣提刑，武臣提刑，幹辦公事，紹興二十二年添差一

員。檢法官。

### 文臣提刑

馬亮合肥人。覆訊冤獄，全活者多，遷知福州。蘇易簡薦亮才，任劇召還。後以太子少保致仕。呂夷簡少從其父蒙亨爲縣福州，

亮見而奇之，妻以女。世謂亮知人，但所至無廉稱。

丁遜

右淳化中任。

劉文濟

右大中祥符中任。

王文震 耿克從

右天禧中任。

王耿

周嘉正 嘉正字幹之，蜀人。以進士起家來任提點。辯冤貸疑，全活爲多，而遇奸吏獨急。仕終刑

部郎中。

右乾興中任。

林宥

右天聖中任。

劉立之 韓琚 樂源

右景祐中任。

李敷

右寶元中任。

丘倚 王罕 高易簡 盧咸

蘇舜元 舜元字才翁，蜀人。任提點刑獄時，汀州民王甯殿士先至死，以賕蓋覆得不敗。舜元至，捕按之，付汀守王程窮治。程猶以屍傷歲久爲請，舜元特奏殺之。舜元年少，思與天下英豪角逐，筆研間不得如意。逮邊隅兵興，夙夜講畫謀策，要以術數剪屈夷虜，其書屢上，不省用。平居談辯，唐數百年間，喜稱魏鄭公諫諍，裴晉公德業，李臨淮將兵，衛公處邊事，劉忠州通財利，韓退之文章，類此數人而已。

右慶曆中任。

章君陳 呂公孺

右皇祐中任。

張肅 施元長

王陶陶，萬年人，絲毫澤物，聲譽大著。但深詆陳烈爲貪詐，極攻韓琦如仇讐，又忘姜愚布衣之義，君子少

之。

羅拯見轉運使。

陳益

右治平中任。

阮紳 宋道 李景亮 葉溫叟 沈叔通 徐摠

右熙寧中任。

閻丘孝直 李茂直 喻陟

右元豐中任。

彭寂 錢喚 祖無顏 曹振

右元祐中任。

王祖道 張琬

右紹聖中任。

程遵彥

右元符中任。

周誼

右建中靖國中任。

張向 畢漸 喬世材

右崇寧中任。

勾仲甫 陳覺民兄仙游縉紳。

邵璫

右大觀中任。

陳建 鄭南

右政和中任。

王仲閔 俞向 耿南金

右宣和中任。

陳桷見轉運使。

李芑見岡縣縉紳。

林杞 梁澤民 王綰 陳桷再任。

右建炎中任。

廖剛見順昌縉紳。

徐庚 劉嵩 吳聰問 施炯 宋孝先 李維 方廷實見莆田縉紳。

李公懋

沈大廉（四） 大廉字元簡，瑞安人。登紹興第，後爲監察御史。遇事敢言，給事中周葵、中書舍人凌景夏相繼去，大廉先後疏爭，俱不報。自以不得其言，力求外補，除直秘閣、福建提刑。一時公論翕然歸重。及卒，王龜齡挽之曰：「能將一誠字，了却百年身。」

李執 王元鼎 吳序賓 孫汝翼 趙令諤見宗正。 吳達見崇安縉紳。

樊光遠 光遠字茂實，錢塘人。紹興五年南省奏名第一，除秘書省正字。疏言：「請勿罪忠讜，以養敢言；勿喜迎合，以開濫進；愛惜民力，以固根本；聳動士氣，以備緩急。」請補外，知興化軍，除福建路提點刑獄，徙知嚴州。

王大寶 大寶字元龜，海陽人。建炎二年進士。其先由溫陵徙潮州。紹興中來任提點。道臨漳，有峻嶺曰葵岡，藁薄蔽翳，山石犖确，盜乘間剽劫。大寶出囊金募民挾戴，甃道十餘里。仕終禮部尚書。邃於易學，著有《周易釋義》六卷，表進於朝，高、孝二宗皆稱之。

梁仲敏 李莫 沈樞 何侗

右紹興中任。

任盡言

右隆興中任。

李君樸 何逢原 吳龜年 趙子英 呂企中

右乾道中任。

鄭良嗣 謝師稷見邵武縣志 孫憲文 陳孺見連判

程卓 卓字從元，休寧人。淳熙中廷對首乙科，歷官尚書刑部員外郎。充賀金國正旦使，不辱命。

嘗爲福建提刑，知泉州。請李方子輯《清源文集》，凡名卿鉅儒之論述，騷人詞伯之賦詠，散見於國史、家集，與夫碑碣所志，楹壁所題，可以驗賢才之衆多，風物之盛麗，而郡志不能具者，悉載之。

陳希點 希點字子與，福州教授汝錫之孫。由軍器營出任。襟度坦夷，舉止凝重，有德於民。

右淳熙中任。

辛棄疾見安撫使

周必大 必大字子充，廬陵人。孝宗時權給事中。曾覲、龍大淵並遷知閣門事，必大力阻之，不書黃。不得命，遂請祠。差知南劍州，改提點福建刑獄。人對，願詔中外舉文武才，區別所長爲一籍，藏禁中，備緩急之用。後爲中書舍人。張說再除簽書樞密院，給事中莫濟封還錄黃，必大亦不具草。孝宗予濟及必大宮觀，而說露章薦濟、必大。於是，濟除温州，必大除建寧府。濟被命卽出，必大行至豐城，引疾歸，三請祠，以此名益重。後拜左丞相，封益國公。卒，贈太師，謚文忠。

陳公亮

右紹熙中任。

宋之端

右慶元中任。

楊潛

宣繒 繒，慶元府人。繒太學兩優釋褐。自知吉州爲福建提點刑獄，累官參知政事。卒，以嘗預定策，用王堯臣故事，贈太師，謚忠靖。

右嘉泰中任。

李孟傳 孟傳字文授，上虞人。寧宗朝爲太府丞，兼考功郎。以不附韓侂胄，出提舉江東常平，移福建。人對，首論用人宜先氣節，後才能，益招徠忠讜，以扶正論。故人有在政府者，折簡問勞動甚。孟傳逆知其意，卽謝曰：「孤蹤久不造朝，獲一望清光而去幸矣。」對畢，卽出關。至閩，大飢，發廩勸分，民無流殍。嘉定初，就遷提點刑獄，移江東，又辭。丞相史彌遠，其親故也，人謂進用其時矣。卒歸使節，角巾還第，屢起屢辭。終直寶謨閣，致仕。卒年八十四。

陳彭壽 劉應祖 朱端常 見知南劍州。

右嘉定中任。

鄭如岡

右紹定中任。

徐愿 楊棟 見安撫使。

右端平中任。

頂寅孫 趙綸

王燦 燦字仲潛，新昌人。淳祐中任提點。爲人清修剛勁。賈似道歸天台葬母，過新昌，燦獨不見之。後以元老人相位，值國勢危亡之際，天下所屬望也，而卒與陳宜中不協去。

包恢見轉運判。

徐經孫見安撫使。

史季溫

劉克莊見莆田縉紳。

右淳祐中任。

李伯玉見轉運使。

劉震孫

徐明叔

游汶 汶字魯望，德清人。爲提點刑獄，有能聲。賈似道當國，時事大非，汶與商論忠誠，懇側至於流涕，遂罷官家居，泯跡草野。入元，參政蒲大年以遺老奏召爲福州總管，堅辭不就。書其布袍之背曰：「前宋遺民，大元百姓。」不問燕居叙會，晴雨寒暑，未嘗脫解。

陳壽孫 壽孫，瑞安人。登寶祐第，授台州教授。會新郡守初視篆，守丞相丁大全黨也。謁廟日，壽孫揚言曰：「冉求聚斂，孔聖鼓攻。守黨丞相，可升夫子之堂哉？」守聞，爲解印。後直龍圖閣，歷福建提刑，貪吏聞風引去。入覲，與賈似道爭鹽法，被劾歸里。元兵至，率市人禦之，被執，不屈死。

劉揚祖 揚祖字弘宗，慈谿人。少崇伊洛之學。景定三年進士。以忤賈似道斥。復起，宰將樂。建言時政利病，似道不悅，復斥之。後復起，自守吉州遷福建提點刑獄。其不附似道益堅。宋亡，徙家其邑西茅山，建介白樓，墾田給食，自號介白散人，示不臣元之意。

右咸淳中任。

武臣提刑附

王守元

右景德中任。

韓(五)

右大中祥符中任。

張□(六) 丁諫

右天禧中任。

寇用和

右乾興中任。

趙易簡

右天聖中任。

張知雄 劉達

右景祐中任。

王翼 李傳

右寶元中任。

張□(七) 郭承規 張顯普 曾經

右慶曆中任。

翟承恭 柴肅 李宗孟

右嘉祐中任。

杜該

右熙寧中任。

鄭興裔 興裔一作宗。字光錫，開封人。乾道中爲福建路兵馬鈐轄，過關人見，孝宗詢守令臧否，興裔條析對。孝宗曰：「卿識時務，習吏事，行當用卿。」會復置武臣提刑，就命爲之。郡縣積玩，檢驗法廢，興裔創爲格目，分界屬縣，吏不得行奸，因著爲令。建、劍、汀、邵，鹽筴屢更，漕臣請易綱運爲鈔法，興裔極言不可。海寇倏去忽來，調兵常無及，興裔請置澳長，寇至，徑率民禦之。

葉南仲 鄭槐

右淳熙中任。

檢法官

余武弼見莆田縣志。

徐子寅 字協恭。父立之，登州人。南渡扈駕，官至朝散大夫。寅以父任補官中法科，爲福建路檢法。當審覆囚牘，駁正死罪七十餘人。歷官廣東提刑。

右紹興中任。

趙若恣見宗室。

右咸淳中任。

提舉常平茶司 掌常平義倉，免役之政令，凡官田產及坊場河渡之人，按額拘納收糶儲積，時其歛散以便民，視產高下以平其役。崇寧、大觀間，以轉運司兼領奉行茶事。政和三年，專置提舉茶事官，置司建州。二年，建兵叛，權移福州。紹興五年，併以提舉常

平司爲名，置司泉州。九年，經制使司總領諸路常平。尋罷經制司，常平令提刑兼領，福州置司。十二年歸建州。主管，提刑司委通判或幕職官充。提舉常平茶鹽公事，紹興十五年，詔諸路提舉茶鹽官改充提舉常平茶鹽公事。幹辦官。

提舉常平茶鹽公事

謝仲規

右熙寧中任。

蹇周輔見轉運使。

蔣續

右元豐中任。

黃誥

右紹興中任。

鮑由 由字欽止，龍泉人。徽宗朝繇進士歷提舉福建常平。常從王安石學，又親炙蘇軾，以詩文名世。

江公著

右元符中任。

王仲閔

右政和中任。

詹時升見建陽縉紳。

右宣和中任。

陸祐見侯官縉紳。

李承遇 徐琛

杜圯見邵武縉紳。

洪昕

袁復一

丘礪

王矩

王瀾

張元禮

張汝楫

劉嶸

周操

沈樞

鍾世明

黃章

姚宗之見莆田縉紳。

楊公度

見浦城縉紳。

右紹興中任。

姜詵

右隆興中任。

吳龜 王次山

李元老 元老字景芳，河內人。邦彥後也。守清湘，移邵州。以最聞召見，陳便宜稱上意，目送之

曰：「稱監司材也。」除福建提舉。

鄭伯熊 周自強 王速 薛居實

右乾道中任。

胡儔 姚宗之見莆田縉紳。

何稱 陳蒼舒

陸游 游字務觀，山陰人。以父蔭補登仕郎。鎖廳薦送第一，秦檜孫埴適居其次，檜怒，至罪主司。

明年，試禮部，復置游前列，檜顯黜之。檜死，始簿寧德，以薦者除勅令所刪定官。官至寶章閣待制。游

才氣超邁，尤長於詩，人譏其頹放，因自號放翁。年九十餘。

吳飛英 周頡 陳仲謬

宋若水 若水字子淵，雙流入。歷官吏部，爲時相所怒，出提舉江東常平等事。移福建。閩俗多不

舉子，若水禁防之。汀盜後疫作，煮藥自隨，飲其病者。發建陽常平米以賑民飢。除湖南提點刑獄公事，

建人老稚扳轅久之。

孫紹遠

應孟明 孟明字行實，永康人。爲福建提舉常平，陸辭，孝宗曰：「朕知卿愛百姓，惡賊吏，事有不便，宜悉以聞。」孟明至部，具遵隨遣之意。孝宗一日論監司按察曰：「朕近得數人，應孟明其最也。」尋除江東提點刑獄。

吳珽

右淳熙中任。

陳杞 李沐 張濤 宋之端

右紹熙中任。

蔡幼學見安撫使 林思齊 陳揀 張經 楊潛

右慶元中任。

蘇林 趙公升

右嘉泰中任。

盛庶 魏夢熊 李孟傳見文提刑

右開禧中任。

陳鑄 胡察 陳紀 陳彭壽 潘友文 劉允濟 宣鑑見文提刑 劉應祖 朱端常 趙彥紆  
羅仲舒 仲舒字宗之，慈谿人。以進士授安慶教授，累福建提舉常平茶鹽。會大水，編筏救溺，發粟

賑飢。終宗正少卿，以直顯謨閣致仕。

右嘉定中任。

王夢 沈謐

右寶慶中任。

史彌忠 彌忠字良叔，鄭人，彌遠之兄。來提舉常平茶鹽，值閩寇大作，彌忠薦陳韓爲招捕。事定，功賞一不受。彌遠久在相位，數勸之歸，年未七十，首乞致仕。

鄭如岡 方備

右紹定中任。

徐愿

右端平中任。

彭方 葉奭

李昉英 昉英字俊明，番禺人。寶慶丙戌進士第三人，授汀州推官。郡守陳孝嚴驚悍暴虐，部卒擄亂，昉英討平之。累除直秘閣、福建提舉。甫下車，貪吏望風解印。歲大侵，捐俸賑貸，所活萬計。累擢龍圖閣待制、吏部侍郎，封番禺開國男。卒，謚忠簡。

趙綸

右嘉熙中任。

蔡籥 王寓 趙師耕 樓治 袁立 范午之

右淳祐中任。

謝子強 趙嘉慶 楊漢見安撫使。

右寶祐中任。

李伯玉見轉運使。

趙逢龍 逢龍字應甫，鄭人。嘉定十六年進士。歷知興國、信、衢、衡、袁五州，提舉廣東、湖南、福建茶鹽常平。居官常俸外，一介不取。日具蔬飯坐公署中，事至即決。民有逋賦，悉爲代輸。其撫諭惻怛，一以天理民彝爲言。尤究心荒政，以羨餘爲平糴之本。遷將作監，拜宗正少卿，兼侍講。年八十八終於家。

留夢炎見宋史。 胡式之

右景定中任。

劉震孫 徐明叔 陳緯 林畔

右咸淳中任。

幹辦官

林郁見莆田縣志。

右宣和中任。

陸祐見侯官縣志。

右建炎中任。

林彬之見莆田縣志。

趙師善見宗室。

右端平中任。

提舉市舶司元祐初，詔福建路於泉州置司，掌番貨海舶徵權貿易之事，以通遠物，仍委逐處知州、通判、知縣、監官同視，轉運司總之。 提舉、幹辦公事各一員。

提舉

徐確見莆田縣志。 陳汝錫

右崇寧中任。

上官厚 錢景邈 樂昭衍 章煥文 周需

右年任無考。

施述 蔡櫺見仙游縣志。

右政和中任。

許大年 張祐

右宣和中任。

魯詹

右靖康中任。

邵邦達

右建炎中任。

徐與可 李承遇 王權 趙奇 呂用中 鮑仔 章壽成 樓璠 曹泳 趙士鳴 李莊 張子華

鄭宗 傅自修見晉江續紳 張汝楫 陳之淵 黃績

何備 備字德輔，龍泉人。紹興進士。調德清簿，時和好初成，袁少康、宣王、光武、元帝事可施行者爲《中興龜鑑》上之。歷任是官，約束奸吏甚嚴。終知寧國府。

林之奇見侯官續紳

右紹興中任。

郭知訓

何偁 偁字德揚。紹興甲科，爲吏部郎官。金人再犯淮，主議之臣欲弃唐、鄧、海、泗四州，偁上封事，請上方劍斷奸臣頭，朝論以比朱雲。除福建提舉。

右隆興中任。

程祐之 馬希言 陸沅 張堅

右乾道中任。

虞似良 蘇峴 韓康卿 彭椿年 嚴煥 林劭 潘冠英 胡長卿 張遜

右淳熙中任。

王渙 趙汝彧

右紹熙中任。

許知新 詹徽之 黃纘

右慶元中任。

余茂實 曹格 郭晞宗

右嘉泰中任。

趙盛 趙亮夫

右開禧中任。

朱輔 王樞 趙不熄

傅庸

葉元潸

趙崇度

施榘

魏峴

趙汝适

陳可大見仙游縣志。

右嘉定中任。

謝采伯 李韶俱知州兼。

右紹定中任。

葉宰 黃朴俱知州兼。

右端平中任。

劉煒叔 趙涯

王會龍俱知州兼。

右嘉熙中任。

劉克遜見莆田縣志。

趙希楙

陳大猷

趙師耕上二人並知州兼。

楊瑾

張理 理字仲純，清江人。嘗從杜本於武夷，盡得其學，以其所得於《易》者，演爲十有五圖，以發明天道自然之象，名《易象圖說》。

右淳祐中任。

開府文丞相以宋末開府汀漳，此時宋官守不備，因附於此。

文天祥 字宋瑞，又字履吉，吉州廬陵人。年二十舉進士第一。三十七而致仕。咸淳九年起爲湖南提刑，居一年而難作，其年改知贛州。明年，爲宋幼主德祐元年，元人渡江，詔天下起兵勤王。天祥拜詔涕泣，使人發郡中豪傑，并結溪峒蠻，號召吉州，兵皆響應，有衆萬人。事聞，以江西提刑安撫使召人衛。其友止之曰：「今虜兵三道鼓行，破郊畿，薄內地，君以烏合赴之，何異驅群羊當猛虎也？」天祥曰：「吾亦知之。國家養育臣庶三百餘年矣，一旦有急，徵勤王兵，無一人一騎人關者，吾深恨於此。過不自量，以身殉之，庶天下忠臣義士有聞而起者乎。」天祥平生自奉豪華，聲伎滿前，至是，痛自貶損，出家貲爲軍費。每與賓佐語及時事，輒撫几流涕。八月，提兵至臨安，除知平江府。請分天下爲四鎮，建都督統御其中。以廣西益湖南，建閩長沙；以廣東益江西，建閩隆興；以福建益江東，建閩番陽；以淮西益淮東，建閩揚州。責長沙取鄂，責隆興取蘄黃，責番陽取江東，責揚州取兩淮，約日齊奮，有進無退，圖之日夜，使元人備多而力分。時不能用。天祥入平江，遣將拒元，不利。明年，除知臨安府。未幾，宋人上表降元，除天祥右丞相兼樞密使，使如元軍請和。爲元伯顏所拘，夜亡入真州，自通州汎海至溫州。聞益王未立，上表勸進，以觀文殿學士、侍讀召至福建，拜右丞相。七月，以同都督出江西，遂至南劍聚兵，其冬入汀州。南安人陳龍復、閩士林琦，皆就辟幕下。使參贊吳浚取零都諸縣。景炎二年，元人人汀州，天祥欲據城拒敵，汀州黃去疾聞車駕下海，擁郡兵有異志，遂移次漳州龍巖縣。吳浚叛降元，爲元來說，天祥縛浚縊殺之。二月，遣使復梅州。四月，斬二大將之跋扈者，都統錢漢英、王福。以鼙鼓，尋復黃州，臨洪袁瑞

豪傑響應，號令通於江淮。遂遣兵攻贛城，與元將李恒戰空坑，敗績，失其妻子女。天祥收撫餘衆，奉老母入汀，轉移諸州。將請命行朝，益兵再舉。會元師水陸交至，道路梗塞，天祥駐循之南嶺，柵險自全。景炎三年，進兵惠州。端宗崩，帝昺立，加天祥少保、信國公，進屯潮陽縣。其冬移屯趨海豐。虜騎迫及於五坡嶺，諸軍不及戰，天祥被執，服腦子不死。見元將張弘範，不屈，待以客禮。明年，爲帝昺之元年，而宋亡矣。弘範遣人護送天祥之燕都。天祥在道，八日不食，不死，卽復食。至燕，元人囚之三年，屢欲全之，天祥屢不屈。會有閩僧妙曦言土星犯帝座，疑有變。未幾，中山有狂人薛寶住自稱宋主，有兵千人，欲取文丞相。燕中又有匿名書，言某日燒蓑城葦，率兩翼兵爲亂者。元世祖召天祥入殿中，長揖不拜。左右強之拜跪，或以金撾撻其膝。天祥竝立不動。世祖使人諭之：「汝居此久能以事宋者，事我當令汝中書省一處坐者。」天祥曰：「非所願也。」世祖曰：「則何願？」天祥曰：「死足矣。」臨刑，天祥從容南嚮拜而死，年四十七。

〔校記〕

〔一〕「司」，各本原作「使」，據文義改。

〔二〕「官至福建」下，各本原闕一字。

〔三〕「宗室」，應作「宗正」。下同。

〔四〕「沈大廉」，各本原置於下文「吳達」名下，據本書體例移。

〔五〕「韓」下，各本原闕名字。

〔六〕〔七〕「張」下，各本原闕一字。

## 閩書卷之四十四

### 文蒞志

宋

西外宗正司崇寧三年置南外宗正司於南京，西外宗正司於西京，各置敦宗院，仍詔各擇宗室之賢者一人爲知宗，掌外居宗室，而置教授以課其行藝。又詔敦宗院宗子有文藝行實衆所共知者，許外宗正官考察以聞。南渡後，南外移鎮江，西外移揚州。其後屢徙。紹興二年，西外置於福州，南外置於泉州，蓋隨其所寓而分轄之。

知宗正司事一員，丞一員，以福州通判兼。簿一員，以福州簽判兼。主管敦宗院一員，文武各一員，後省武臣一員。宗學教授一員。

知宗正司事

士樽 子澹 士濂 士衍 七初

右紹興中任。

子瀟 子瀟字清卿。孝宗初以龍圖閣直學士知福州。歲饑告糴旁郡，平價濟民。進龍圖閣學士，移知泉州，吏有掠民女爲妾者，其妻妬悍，殺而磔之。妻之兄爲興化椽，以所磔肉置缶中，寄兄廨，吏無從得屍，獄久不決。子瀟訪知，密遣人取歸，獄遂決。

右隆興中任。

子英 士秀 士程

不敵 不敵，商王元份之後，居閩縣。隆興中判漳州，采漳文編爲《清漳集》，凡三十卷。

右乾道中任。

子濤 公廩

公迴 公迴字仲和。紹興二十年進士，調汀州戶曹。隆興御極郡卒忿支賞緩，群譟譙門，繫錄曹某，群牽之。公迴諭衆曰：「貨與命孰重輕，叛則誅耳，於貨何有。姑歸營，出知錄，錢於我乎取。」衆始定。乃白守將，梟首亂者十餘。知邵武軍。以留正薦，召對。知西外宗正事，改南外，攝州事。爲政簡潔，人不敢干。移西外，陞直秘閣，復轉南外。貴不治第，托居盤龍僧舍，晏如也。年八十餘卒。

伯邊 伯邊字致遠，太祖七世孫，居晉江。舉進士，知瑞金縣。以薦知南恩州，蠲積逋，乞減額丁米。改德慶府，立貢闈，修郡庠。提點廣西刑獄，移廣東轉運，知漳州。蠲鬻鹽宿負，出羨錢造浮橋。知西外，卒。

右淳熙中任。

不應 不應字子容，居晉江。補率府率，積階刺史，知南外宗正事。訓淑宗黨，寬嚴中劑，檢扼自其子弟始。復知西外，奉祠終。

右開禧中任。

師耕

右淳祐中任。

教授賢者附後

徐子石 字勁仲，臨川人。簡易力學，嘗聽象山講集義義襲之說，忽有省發。登慶元五年第，主閩縣簿。再調鄂州錄參。講究邊防，著《外治論》十三篇。滿秩，上之，授西外宗教授，歷幹辦諸司審計。乞外，得澧州，卒。子石生長貧困中，視貨利將浼焉，所居室壁間無非前輩訓誡之辭。

南外宗正司 知宗正司事一員，丞一員，以泉州通判兼。簿一員，以泉州簽判兼。主管睦宗院一員，宗學教授一員。

士儂

士儂 士儂字立之，郇康孝王仲御第四子，居建安。累遷權同知大宗正事。康王卽位，除光山軍節度使。論黃潛善誤國，出知南外宗正。苗劉之變，易服入杭，以蠟書遺張浚，趣其勤王。復遣書呂頤浩，勉其同濟國難。事平，加檢校少保，除同知大宗正事。歷加少師、開府階，判大宗正事。金人既歸河南、陝西地，命士儂謁陵寢，特封齊安郡王，以旌其勞。尋權王奉濮王祠事。岳飛被誣，士儂以百口保無他。檜諷言者論士儂交通，蹤跡詭秘，遂奪官。萬俟卨復希旨連擊之。謫居於建凡十二年，卒年七十，贈太傅，追封循王，進六子官。長子不凡刲股納蠟書告張浚，以功轉兩官，易文資，從趙哲收復建州，殺葉儂，賜爵二級。又太宗後有士嶠者，亦知名，累遷右監門衛大將軍、惠州防禦使。卒，贈建寧軍承宣使，追封建安郡王。

右建炎中任。

令憲 仲弼 士儂 仲弼再任。 七諫

士瑀 士瑀字公美，濮安懿王曾孫也。弱冠爲右監門衛大將軍、貴州團練使。從上皇北遷，次洛州東，與諸宗室議，欲遁還據城。謀未就，而金人圍合，皆散走。士瑀乘驢西亡，夜半盜斂驢去，徒步疾趨，遲明抵武安酒家，語人曰：「我皇叔也。」因招募義兵，以解洛圍，旬日間得勝兵五千人，歸附者數萬。夜半薄城下，力戰破圍，勦將士死守，敵解圍去。遷知洛州，仍兼防禦使。紹興五年遷泉州觀察使，再遷平海軍承宣使，知南外宗正事。時泉州新建，向學者少，士瑀奏宗子善軫學藝卓絕，乞免文解，由是人知激勸。遷節度使，未拜，卒。贈少師，追封和義郡王，淳熙中謚忠靖。子不應，見西外；不慢，見宗室。

士剴

子游 子游，令應子也。士剴以事去，言官請擇廉正文臣代之，遂以命子游。南外宗官用文臣自子游始。

右紹興中任。

不猷

右隆興中任。

士豢 士豢善詩，王十朋守泉，與相好。

士穆

右乾道中任。

士歆 士石

不敵見西外。

不流

子濤

公迴見西外。

右淳熙中任。

不邊 公迥再任。

右紹熙中任。

不艱 不戒

右慶元中任。

彥提 不慮見西外。

右嘉泰中任。

伯櫛

右開禧中任。

善踐 不措

右嘉定中任。

善駢 鼓夫

右寶慶中任。

汝固

彥候 彥候，嘉定間知安溪縣，儒術飾，治事妥，民安。

右紹定中任。

師蹇 崇岳

右端平中任。

汝恭 師賑

汝騰 汝騰字茂實，不敵之孫。寶慶二年進士，歷官禮部尚書，兼給事中，兼修國史實錄院修撰。人奏，言：「前後奸諛之臣，傷害善賢，自取穹官要職，何益陛下而深損聖德。興利之臣，移東就西，自遂溪壑，何益陛下而深戕國派，則陛下私惠群小之心可以息矣。」兼直學士院，拜翰林學士，兼知制誥，兼侍讀。辭歸故里，累召力辭，以龍圖閣學士知紹興府、浙東安撫使。召至闕，以端明殿學士提舉佑神觀，兼翰林學士承旨，知泉州。後知建州，兼南外宗正，復提舉佑神觀，兼侍讀，兼翰林學士承旨。汝騰平生一言不妄發，一錢不妄取，朝廷嘗賜田宅以旌廉。景定二年卒，遺表上，特贈四官，謚忠清，世號庸齋先生。

右嘉熙中任。

師恕 師恕字季仁，居長樂。端平初以朝請大夫直煥章閣，知靖江。與桂帥幕羅大經善，嘗與大經游栖霞洞，賦詩，謂大經曰：「觀山水如讀書，隨其見趣之高下。」又曰：「平生有三願：一願識盡世間好人，二願讀盡世間好書，三願看盡世間好山水。」楊東山帥五羊，病且死，無衣衾，適師恕餽絹數端，東山曰：「賢者賜也。」遂受之。

師珂

希循 希循字良叔，臨江人。從止堂彭公游，慶元中舉進士。嘗以《漢書七論》受知於真西山。知南外宗正事兩月，即召除直秘閣奉祠。所著有《會心錄》。

希衮 希衮，知宗正。建清源書院於新睦宗院，長諭以宗姓充之，教導以庶姓充之。宗人皆從其教。

與份

鞏之 鞏之字子固。知閩清縣，有善政，召爲軍器監丞，僉大理寺丞，知南外宗正。

右淳祐中任。

吉甫

右宋末任。

主管

張洵 黃祖舜見福清縉紳。

右建炎中任。

李訖見晉江僑寓。 張洵 梁季瑛

右乾道淳熙中任。

林行知

右嘉定中任。

諸葛直清見南安縉紳。 年任無考。

教授賢者附後

陳俊卿 鄭汝諧 李次辰，紹興中任。見莆田縉紳。 傅伯成，嘉定中任。見晉江縉紳。 王邁，端平中

任。見仙游縉紳。

自趙宋徙南外、西外宗正二司於閩中，趙之諸宗分籍閩中郡縣，郡縣志悉載之。顧其人既不可謂之

鄉賢，亦不得謂之僑寓，今依諸志所載，綴其世次附於二司之後，而併紹興以前有游宦閩中者皆列焉，夫皆趙之宗室也。

令諲 令衿 師楷 師璉 師忠 師善 希懌 希館 希俊弟希佚 希滯 希颺 希濤 與琇 與權 與泌 與迥已上宋太祖之後。

令諲 字君序。繇永豐丞累遷福州運判，兼提點刑獄公事。練達吏事，有「南閩十好」之謠。

令衿 字表之。博學能文，號超然居士。靖康初爲軍器少監，言事忤旨，奪官。紹興中以都官員外郎召。張浚罷，令衿請留浚，言官論其阿大臣，復罷。久之，除德安府通判，遷知泉州。建堂合祀姜公輔、秦系於九日山下，郡民感其風化。官至明州觀察使。因觀秦檜家廟記文，口誦「君子之澤，五世而斬」之句，檜聞，怒責，居汀州。檜死放還。

師楷 字清之，居龍溪。紹熙四年進士，（二）授南安簿。陞淮安丞，授浙漕幹官。有誣屬邑令者，出身爲白洗。改知湘潭。以尚書徐應龍薦，有旨召對，論邊防、募兵二事，寧宗善之，除提舉左帑。改倅惠陽，多異政。守撫州，秩滿，除廣東市舶。革無名和買之需，遂爲計度轉運使，攝帥事。被召，首陳正心之說。除大府丞，未幾，除直秘閣，知建寧府。進秩直寶章閣，出帥廣。卒於官。

師璉 字德玉，居晉江。宋太祖八世孫。舉進士，知古田縣通判。汀州上杭峒酋結連他峒爲變，剋日發，師璉廉知，伏卒峒口，俟其出，一戰擒之。知德慶府，卒。孫與綱亦舉進士，知揭陽縣。

師忠 秦王德芬之後，居龍溪。淳熙中爲漳州府錄事參軍。朱文公守郡，美其履行深醇，持仁明恕，首舉之。

師善 字元之。薄政和縣，有梗化者，數喻以大義，衆咸悅服，轉幹辦官。

希憐 字伯和，系出燕懿王。淳熙中第進士。汝愚帥福建，希憐爲幹辦公事。嘗言治人始修身，治政如理家，愛民如處昆弟，取古人官著惠愛者緝爲一編，曰：「是吾師矣。」汝愚嘉薦於憲帥辛棄疾。棄疾尚氣，僚吏不敢與可否，希憐獨盡言無避。屬邑侯官苦稅重，每不登額，希憐稽核公帑羨錢足之。棄疾亦薦其能。歷昭信軍節度使、開府儀同三司。致仕，卒，贈少保。

希鎔 字君錫，舊名希詰。登慶元二年進士，改賜今名。少負父喪，歸道遇寇，左右駭散，希鎔拊棺慟哭，寇義而去。既舉進士，調汀州司戶。峒寇李元礪方起，汀人震懼，郡會僚佐議守城策，希鎔下坐無一語，守口：「司戶不言，別有見乎？」希鎔口：「守城非策也。莫若悉精銳拒之古城關。」守便付之。古城關去城三十里，希鎔至，分畫粗定，得賊諜知其情，縱之令其舉火相示，而誤之以羸師。夜半，賊數百舉火脚枚至。希鎔矢石俱下，無一免者。引師還，老稚羅拜相屬，希鎔繇他邑避之。事聞，詔升州推官。治疑獄，決滯訟，攝下邑，弭亂卒。去日，軍民遮道泣送數十里。仕終節度，封信安郡公。希鎔學於陳傅良、徐誼，風姿凝重，胸抱魁壘，揚人善不記人過，急人難不忘人恩。居官，祁寒盛暑未嘗謁告，衣食取足而已。追封信安郡王。

希佺 字安道，居龍溪。開禧元年進士，調古田尉。獲盜，懲其尤者，餘多全活。調丞沙縣，以廉稱。所至崇學禮賢，爲時推重。子與併，登進士。弟希佚。

希佚 字佚道。寶慶二年進士，調歸善尉。謹儉廉恪，卒官，邑人感涕。

希澣 字無垢。嘉定十三年進士，遷至九卿。景炎中任福建安撫使。閩旱，累得詔航京粟二十萬，

全活一路。

希譚，居閩縣。紹定中令廣昌，德訟理財，談笑整辦，百廢俱舉，民不知役。

希濤，字清甫，居龍溪。少名詞賦，兼通周禮。薦膺監人宗庠，縣內舍試上舍，皆入優等。紹定己丑廷對乙科，調容州教授。卒於官。弟希統，取應登第。

與琇，字器道，永嘉人。任建寧司理，盡心推鞠，多所平反。時馬光祖以閩兼守，號一代吏師，僚幕擬筆，一不當意，輒斥置塗竄，獨以與琇爲能。

與權，字悅道。嘉定七年進士，調建寧司戶參軍。中明法科，攝浦城縣。仕至少傅。嘉熙間，嘗月賜內帑，辭不取。理宗畫安貧樂道，直節秉心「八字賜之。卒，追封奉化郡王，累贈太師，謚清敏。與權嘗謂：「士大夫有貪聲剋務，奇才與學徒以蠹國害民爾。」卒，將治殮，金帶猶質錢民家。

與泌，秀於公族，宛若韋布。寶祐間知仙游縣，作勸孝歌教民。民有母子相競者，出孝經涕授之，皆改悔。

與迥，字景舉。淳祐中任建陽知縣。廓大學舍，崇嚴禮殿，費不足，益以月俸。開設濂、洛、關、閩及前賢祠，以溯道章化。於是，講明《師說》，廣淑邑士，至其治邑，究利病，施劑砭，抑豪右，扶鰥寡。爲之二年，岸有鱣舟，水無租瘢，凋瘵復甦，廢墜畢舉。

不泯 不慢 侄善嵩 善俊 弟善恭 善佐 善悉 善沛 子汝邦 善謚 善謚 善謚 善郎 善綽 善  
弟善封 善珏 汝倣 從弟汝俊 汝愚 孫必愿 汝褒 汝述 汝造 汝謙 汝謙 崇萃 崇候 崇  
祉 崇祥 必暉 必諱 必暉 必漣 已上宋太宗之後。

不泯，濮安懿王四世孫。紹興中尉惠安，以捕盜功知仙游縣。時縣凋弊不可爲，不泯思所更張之。每去一弊，籌之終夕，或至累夕乃已，坐是得疾。疾甚，欲求去，民走郡乞留之。不泯爲縣，不事追呼，不費鞭撻，縣事就治，如蹶復張，竟以至死。或得其文移一篇，不泯曰：「此直空言，要之，寬猛先後，惟所用耳。」

不慢 父士瑀，見南外。兄不應，見西外。不慢居晉江，授率府率。姿範魁岸，進退有常，孝宗目爲宗表。嘗副諸葛廷瑞使金，同其不屈。還，遷榮州刺史。嘉泰辛酉京城災，逼其居，不顧，亟與兄弟奔衛太廟。火幾半都城，而不慢居獨免。進眉州奉御使，奉祠，卒。不慢能詩，尤長樂府。侄善書，終守英德府。善嵩見下。善嵩終通判潮州，善芷終通判吉州。皆佳公子也。

善嵩 嘉定中舉進士，任連江知縣。開南壇水利以溉田，縣人德之。

善俊 居邵武。登紹興丁丑進士第，知廬州。上言：「分兵屯田不可者三，罷之則有三利焉。習熟戰陣，得歸行伍，從事教閱，一利也；無張官置吏坐糜稍食，無買牛散種以費官物，二利也；屯田之田悉皆膏腴，牛具屋廬無不具，以資歸正人，使之安居，三利也。」詔頗從之。弟善榜、善儀、善侃、善護、善恭，俱登科。

善恭 字作肅。乾道八年進士。歷知潯、邵二州，人爲大理司直，遷寺丞、倉部郎中、右司郎中，除直煥章閣，知靖江府，經略廣西，改知潭州，安撫湖南，移江陵府，拜司農少卿，總領湖廣錢糧，兼知鄂州，權宣府司事，加司農卿。其初在朝，適開禧用兵，力陳不可輕動。至任帥守，惟以安邊靜民爲務。

善佐 字佐卿，居邵武。學於張南軒、朱文公，尤究《易》理。始以宗室子試有司，連中其科，補承節

郎，改左承務郎，將樂縣丞，簽書武安庫判官廳公事。差判鎮江府，未赴，改知泰州，徙知常德府，後知贛州。爲郡奉法愛民，不妄費公家一錢，于請無所應。遇旱，禱祠賑貸必盡力。節游宴，罷土木，勸民藝麥，澌水，寬諸逋負，捐市人酒課，人甚便之。常時，州郡別以使臣掌牙兵，善佐罷之，歸其職於兵官，責以嚴紀律，謹訓練。未幾，營部肅然。舉吏必先寒畯，權貴諸囑皆置不問。州人相率言其治行於使者。善佐聞，亟止之曰：「太守何德，父老不見罪幸已。」其亟歸，教子弟孝親弟長，忍忿敦信，以善比屋，則賜太守甚厚。」其始至贛州，時以書問朱文公爲政，至官一。如文公言罷行之，而猶舉其所未及至者。文公聞甚喜。踰年竟卒。贛老稚扶携走哭府下，退相與畫像祠之。

善悉 字壽卿。淳熙二年令寧德。律已廉而待人寬，勸課農桑，作興學校，擢嘉禾太守。

善沛 字濟世。父不稿，擢進士，官至朝奉郎。善沛居崇安，淳熙二年進士。歷仕廉勤，閑居杜門，人罕識面。終南康守。子汝郭。

汝郭 字大防。開禧二年進士，調廣州法曹，遷淮西檢法。虜入寇，汝郭奉檄餉軍，足用。薦改知臨武縣，創倉修學，授金陵酒所司書。秩滿，倅贛州。峒賊擾亂，司憲引汝郭參謀招捕之，及任轉餉，役迄底平定。除知韶州，遇寇，道卒。事聞，贈朝議大夫，官一子。

善謐 字寧甫，居晉江。淳熙中進上，知仁和縣。治辦有聲，除軍器監簿。有厄之者，改提轄權貨務，得祠，卒。弟善謐。

善謐（廣東志）作謐 以文稱，與善謐俱省試第一。嘉泰中知循、永二州。勤恤民隱，具有惠政。

善卽 居信州。寶慶中知崇安縣事，政體嚴明，人號鐵面。紹定初，汀寇亂，善卽應給軍需，不擾而

集。

善綽 不敵子也。慶元中任漳州府司理參軍。屬邑饑商殺人，內有同名異姓者，吏受賂，故出入。善綽訊反之，力爭於郡，不聽，投印去，守改從焉。在漳三年，惟與陳北溪淳往返。遷武平令。

善昉 字文彬，居龍溪。慶元五年進士，以連江丞攝邑事。修常平，興水利，賑貧民。調保昌。有劫盜，疑其非辜，物色得真盜賊。警設伏浚濠，賊知有備，退。倅潮，攝郡，捐官田贍學。秩滿，以朝散郎致仕。弟善封。

善封 字德可。慶元二年進士，宰寧德縣。課農桑，崇學校，延靜退無華之士，矜式諸生。吏以催科引呈押，輒斥去，曰：「押一花字，公家所入幾何，民不勝擾矣。」乃具通數，立定限，揭市門。民感恩信，課人以登。邑鬻鹽計戶抑配，亟罷之。山中民煮竹爲楮，苦於需索，樽節爲代輸。一時名卿交薦，謂古循吏也。尋倅端州，正民業，去產存之患。及守容州，尤嘉意撫字，校產籍以定役，立保伍以戢盜。廣右帥臣嘉其風力，檄率藤、梧等六郡兵討賊。方就道，已敗散。大帥楊長孺嘗贈以詩，有「清如玉壺冰，澹若朱絃瑟」之句。

善珏 嘉定中知光澤縣，以風化爲先。

汝倣 字唐卿，居晉江。紹熙初與父善新、弟汝偁同第進士，郡守表其里曰「三秀」。善新爲封州倅。汝倣通判德慶府，築隄障晉康江亘三十里。先是，潞江田素苦澇，至是爲上腴。知賓州，築城屋覆之，繫七井，城中以免江汲。提舉廣東市舶，遷提舉常平茶鹽。弟汝偁，從弟汝佟，子崇譜，俱登第。

汝佟 字臺卿。先以父任遜其季，季夭，復與其兄子登。嘉定四年登進士。端平初除鬱林州，陞辭，

言：「國家頻年多厄，乞謹德修政以弭災。」召和，將行，改韶州。以平易爲政，卒。平生志尚清曠，托居僧廬。子崇輿、崇彪、崇龜，皆聯第。

汝愚 字子直，居饒之餘干。淳熙中知福州。仁厚愷悌，持身潔白。州西舊有湖，溉民田數萬畝，豪湮爲田，遇旱則西北一帶低田淪爲巨浸，汝愚請復行開濬。越四載，移四川制置。紹熙初以敷文閣學士再知州事，踰年召知樞密院事。孫必愿。

必愿 字立夫。未弱冠丁人母憂，哀毀骨立。服闋，以汝愚遺表補承務郎。開禧元年銓監平江府糧料院，調常熟丞。嘉定七年舉進士，知崇安縣。剖決如流，吏不能困。修學政，立催科法，以三等列戶名，約以三期，足者旌之，未足者徐趣之，踰期者付里胥程督。民感悅輸將。歲饑，發光化社倉活之。帥怒，逮吏。必愿曰：「芻牧，我也，吏何罪？」東擔俟譴，帥無以詰。舊有均惠倉，儲空，捐緡錢增糴至二千石。力主義役法，鄉選善士，任以推排，入資買田助役，則免有產之家。有感化者，出己田以倡，遂編行一邑。臺府以聞，下其式八郡四十八縣。秩滿，民立祠刻石。歷度支郎中，兼右司郎中。屢上封事，皆中機宜。乞祠，不許，乃以華文閣直學士知泉州。罷白上課，免差吏權鐵，行義役，講荒政。淳祐五年知福州，兼福建按撫使。行鄉飲酒禮，旌廉退，獎高年，裁僧寺實封，數申明左翼軍節制事宜，措置海道，修水戰，教士卒。居官四年，累乞歸。及命召，又三辭，皆不許。卒，贈光祿大夫。必愿才周器博，心平量廣，聞家庭之訓，而又得黃幹之學，所立卓然可稱。

汝褒 字德華，居晉江。少有雋聲，游郡庠，與里上較月書，率占上游。登進士第，仕以材稱。終知施州。從弟汝音，開禧元年鎖換進士，通判靜江，知鬱林，卒。

汝述 字明可。淳熙十一年進士，調尉順昌。應詔上封事，論議懇惻。後爲刑部尚書。立朝薦引，多知名士。

汝造 通敏博學，遇事剖決如流。知沙縣，有地曰巖前，山僻民獷，盜時竊發。汝造據險立寨，置帑庾養兵防禦之。

汝讜 字蹈中。少儼儻有軼材，智略出人上。葉適嘗過其家，汝讜年少，衣短後衣，不得避。適勸之曰：「名門子，安可不學？」汝讜自是折節讀書，與兄汝談齊名，天下稱爲二趙。以祖遺恩補承務郎，歷泉州市舶務，監行在右藏西庫。韓侂胄謀逐趙汝愚，汝讜兄弟昌言非是，且上言訟汝愚冤。侂胄懼其詞直，使其黨胡紘再攻汝愚，斥汝讜兄弟，惑亂天聽，坐廢十年。後登嘉定元年進士，爲大社令，遷將作監簿，大理司農丞。與史彌遠不合，請外，改湖南提舉常平，易江西。尋提點刑獄，徙湖南，遷知温州，卒。汝讜常言：「宗子不忘君，孝子不辱身，臨難則功業當如朱虛，立身當如子政。」

汝域 字□卿，(二)居縉雲縣。以進士歷福州推官、興化通判。宦績可紀，治家雍睦，昆弟同居，共財無間。

汝謐 嘉定中知漳州。負詩律，無對壘，獨與教授敖陶孫俱酬。待陶孫賓禮，辟戶通學宮，便其往來。闢學舍，復侵租以振士。屬司理參軍方杰重修郡志。漳浦縣俗厚訟稀，賦入饒羨，舊有金，名焉經總制錢，元額歲止萬緡。乾道庚寅，令薛世清巧倍斂，頓增至二萬二千緡，以資二郡者論賞，比三歲不敢虧，則以聞之朝，麗於籍。來者病之，旣力屈，遂日之爲虧下錢。於是剥皮及膚，民力重困，金價同土矣。汝謐至側，奏革之，歲得減錢五千七百餘緡。邑士民翕然以爲合浦還珠，僅見前史，漳金如舊，乃在今日。

恩雖聖朝，賜實趙公。除湖廣提舉。

崇萃 居閩縣。嘉定元年進士，知崇安。愛民禮士，專意學校，捐俸買廢寺田以充學廩。

崇候 字信之，居南豐。嘉定四年進士，爲福建轉運主管文字。臺有疑訟，崇候行道中得其情，詣部使者言冤，狀三進三否，卒從吏議。崇候大恨。未幾，檄擢南劍郡事，還，不復仕，清介竟晚節。

崇祉 嘉定中知延平。寬平公直，勤恤民隱，興學勸上，親爲講說，儒風振於東南。

崇珪 淳祐中爲漳州教授。修《清漳志》，申撥州學及書院田。

必暉 字伯暉，太宗十世孫，居晉江。補承務郎。悵望中原，懷古賦詩，慨然有祖述之志。從益王至永嘉，轉承議郎，貳趙吉甫南外宗正。益王卽位於福州，蒲壽庚叛泉，與州司馬田真子謀降元，必暉逃邑之甌窰村，真子遣兵勒還草降表。必暉持匕首自刺，吉甫抱持以免。張世傑還兵圍城，壽庚盡殺宗室，縛必暉至。錄曹參軍吳伯厚計出之，遂居泉之東陵，日與漁樵方外班荆燕坐，不復問人間事。諸生請講解經傳，疊疊不厭，尤長於《典禮》。以壽終。有《茹芝東陵》等集傳世。又有必諱者，長樂縣主簿。宋亡不仕，易名文孫，不接流俗，專事訓誨。有必暉者，與傅定保爲友，文章議論，淵懿浩博，爲閩南碩儒。

必漣 字仲連，居崇安。少刻苦讀書，開慶間以父澤當補官，辭不受。晚築室黃栢里，自號山泉翁，植梅數百株，名其里曰梅莊，與族弟若樸徜徉觴咏其中。尤精岐黃學，病者多所全活。有《倚梅吟稿》。

公遠 公峴 公綱 彥體 彥繩 彥勵 彥櫛 彥挺 彥彌 克夫 庚夫 以夫 偕夫 紡夫

遵夫 繹夫 時通 時煥 時鉞弟時鎔 時賞 若禪 若恭 若愷已上廣平郡王之後

公遠 字仲及。登隆興九年第。善樂府。

公峴 字唐卿。紹興中知順昌縣，廉平寬明，廷無留訟。歲饑，發粟賑貸。有辛大者，竊發爲寇，訴者踵至。公峴陽叱訴妄，密遣人擒捕，盡獲其黨。又禁民不得停喪，貧者助之殯葬。修學養士，文風大起。

公綱 淳熙中以承議郎知漳州。革弊安民，州鹽故繇官鬻，民不苦官鬻，而苦戶均口率之苛。公綱下令蠲去，民得市錢挈榼就官市。瀕海有戍，始爲盜設，盜平尚戍，檄罷之。郡卒往諸邑督歲供，率倚郡命，患苦邑民。公綱郵木示信，自是民不見卒。象人巖谷中蹂躪稼穡，有捕得象者方喜害去，而官又責象齒。公綱令斃象者齒自有之，卽有以象齒獻者悉還焉。州學門庫隘，廣以櫺星。又作新儀門。新十日，有槐三莖生門墜，莖各七，蒼翠經月。郡士每歲與計偕率二十有一，擢第春官者不過三四。自公綱廣學門之後，父兄誨子弟，必重以毋愧趙公櫺星爲囑。曉窗夜螢，四達境內，遂釋褐以十人。復聘郡教授李綸、莆田翁元、三山許懋修纂郡志，以成汝謫之舊。

彥黼 居龍溪。淳熙二年進士，歷知臨江軍。好賢樂善，晚年小築湖亭，自娛詩酒，鄉貢士許葆光美之，詩有「有官千里再分竹，無地半畦堪種瓜」之句。子雋夫，龍川令；奐夫，登仕郎。孫時，以遺澤任廣州司理。

彥繩 淳熙七年以宣教郎宰崇安。葺治學宮，未嘗費民，得廢寺田二百餘畝，盡畀學士之貧者。朱文公稱之曰：「趙侯才高。」德訟理財，舉得其當。官至江西廉憲。

彥勵 紹熙中知興化軍。雨水傷稼，樽節之錢，代民輸稅。又奏蠲僧道免丁錢。修郡學，充學庫，創橋梁，立陡門，建坊表，築衢路巷陌，始若煩碎，後皆便安。又禮致寓公，編摩郡志，自序綴首簡。

彥櫛 字文長。乾道二年進士。嘉泰間監登聞鼓，時韓侂胄方柄用，朝士悉趨其門，彥櫛獨切嘆惋。累官福建路運幹。屬邑負振鹽本錢數十萬，累歲不能償，彥櫛白其長，蠲焉。出知汀州，民葉姓者嘯聚汀贛間，遣將捕戮之。

彥挺 嘉定中知上杭縣。重新學舍，增置學田。

彥彌 字仲高，居龍溪。寶慶二年進士，調番禺尉，歷古康法曹、翁源令。嘉熙四年鄉郡大饑，富人貴糴，彥彌捐私廩千餘斛，日爲二粥以食餓者，不足，則糴繼之。自是富室競勸，民免殍餒。

克夫 紹興中通判汀州，撥田及寧化房賃贍州學創貢院。減長汀月解，奏省冗官，取兩年州郡剩米補常平之缺。

庚夫 字仲白，居莆田。舉進士不第，以宗子取應得右選，不得志而歿。其平生志業無所洩，一寓於詩。遇廣座稠賓，張宴命題，諸人方嘖呻營度，庚夫飛筆滿軸，神色自得也。其詩既多，自刪取五百首裒藏之，既歿，劉克莊擇百篇爲《山中集》，屬以夫序而傳焉。今其可見者如「鶴食從妻給，花窠課子鋤。絕糧緣買研，止酒爲耽書。」佳句也。子時願，擢甲科，仕至工部侍郎。

以夫 字用甫，居長樂。嘉定中正奏名，歷知邵武軍。端平元年以朝請知漳州。始下車，鄰寇猝至，諸道兵咸會，調度繁夥，以夫應之裕如也，生擒渠魁以獻。時賞勞吏士，費以千萬，民不加歛。漳民苦丁錢，以夫奏以廢寺租代輸。真德秀深嘉歎之，上事於朝，謂可爲分符守土者法。罷粥鹽議，行募役法，却報恩塔會，凡所施行，各有理道。嘉熙初爲樞密副都承旨，會日食，以夫奏：「曆家預言季冬朔日日食將既。夫日食自古有之，然日與金木水火四星俱纏於斗，日食將既則四星俱見，日中見斗，此自古所無之

異。斗分屬吳，禍福有歸，伏惟陛下側身修行，亟消弭之。」理宗爲減膳避朝。二年，拜同知樞密院事。淳祐初罷，尋加資政殿學士。時國本未立，以夫編類仁宗、高宗兩朝定儲本末及諸臣諫疏上之。進吏部尚書，兼侍讀，詔與劉克莊同纂修國史。志傳有趙虛齋者，以夫號也。

猶夫 魏王德隆之後，居晉江。嘉定中以進士任漳州司法參軍。營建廳署，清源留元剛爲記，稱其「知識才力，明決敏給」。

紡夫 居閩縣。初尉建寧縣，有才名。後中法科，歷大理評事。紹定己丑之變，建寧爲盜區，諸司復辟知縣事。節制往來兵馬，單車入境，撫摩制馭，並得其宜。繼合諸路兵直入筋竹洞，掃蕩賊巢。邑境肅清，勞來流離，重創公宇學校。尋陞判邵武軍。

遵夫 紹定中知南劍州。政專恤民，以寬馭屬，蠲逋租，興學校，節縮他費入學養士。縉紳頌焉。

繹夫 字中任。建寧縣尉，嚴明愛民。

時通 字宜伯。慶元二年進士。嘉定間知邵武軍。至郡，首諭民毋縱酒尚氣，毋挾兵刃，令民五家一甲相覺察，設藥局，立濟貧庫，置學田，時按閱以勵兵士。下車三月，小大之政無不舉行。卒於官。

時煥 字元晦，居晉江。舉進士，授侯官尉。有能聲，再調長溪，奸惡奔他境。辟湖湘帥幕官。一夕，訛傳北兵至，官民怙怙，時煥處之如常。除太常令，累太常寺簿。輪對，首論崇公道，次極君子小人之狀。改禮部郎。以攻史嵩之，爲其黨所忌，淳祐八年以朝散郎知撫州。州馬步三軍甚悍，煥準省劄節制，迄去無譁者。寶祐二年復以朝奉大夫提舉江西常平義倉茶鹽司，命下，軍民相慶。除廣東運判官，罷潮州覆稅之害，戒飭汚吏，聞者悚息。卒於官。

時鉞 一名時洪，字子禮，居崇安。少有文名。嘉定十六年進士，以長汀丞攝上杭令。適汀寇千餘黨出沒，有關麻胡者，復誘賊首江汝雲等爲亂。時鉞出奇捕獲，遂拜爲真。葺完城壘，復新治廨。徐清叟帥廣右，辟倅賓州。賊黎夢符寇海道，兇焰甚熾，時鉞奉檄往攻。捷聞，就除權發遣南寧軍事。未幾，卒，特轉朝請郎，仍官其子。弟時鎔。

時鎔 紹定中知泰寧，撫治有方。繼知寧化，寇亂後修學築城，創縣治及諸廨舍，悉復舊觀。歷知邵武軍。

時賞 字宗白。景炎初知邵武軍。議論慷慨，善謀畫。文天祥開府南劍，奏辟參議軍事。空坑之敗，天祥遁去，獨其妻及二男二女見執。時賞坐肩輿，後追騎見其風姿俊偉，問爲誰，曰：「我姓文。」騎以爲天祥，執以見帥。帥問之，曰：「我姓文。」問輿人，不知也。問俘虜，曰：「此趙通判。」問再三，稍移時，而天祥去益遠。及至隆興帥府，罵不絕口，遂遇害。

若櫬 景定中知古田縣。忠厚精密，賞罰必信。卒官，士民哀思之。

若恣 字安行，居樂清。以門功歷武進丞、浙西提刑司幹，有異政。後舉進士，復舉刑法銓，當大理，賈似道嫉之，出爲福建提刑檢法，多平反。趙崇機言於朝，以大理評事通判泉州。元兵至臨安，秀王辟主管機宜文字，守台州。台城陷，陰懷興復。未幾，卒。

若櫬 字自水，居崇安。咸淳末登第。人元不仕，酷好吟咏，有晚唐風致。常徜徉武夷山水間，遇會心，輒留數日，人以擬陶、阮。

元

福建行中書省初稱行省，後嫌外重，改某處行中書省。凡錢糧、兵甲、屯種、漕運、軍國重事無不領之。或置福州，或置泉州，或併入江西，或併入江浙，廢置不一。又嘗改爲行尚書省，設官與行中書省同。

平章政事二員，右丞、左丞各一員，參知政事二員，簽省二員，幕官郎中、員外郎各二員，都事、管勾、照磨各一員，隨省官屬檢校所檢校一員，理問所理問、副理問各一員，知事一員，提控案牘一員，都鎮撫司都鎮撫一員，副都鎮撫一員。元以胡人主中國，多用蒙古人，既非族類，其中國人仕元而無表見者皆可略也。舊志併元將之攻陷我國者，悉列之宦蹟，今俱削去，第存其官制，而錄其仕之有表見者，而不得同唐宋之列名，亦以嚴夷夏之辯云。州縣皆倣此。

### 平章政事

燕只吉臺徹理 至正二十四年任平章政事。令行禁止，民便安之。汀漳處盜積歲未平，徹理身將戍兵，申明約束，毋蹂禾稼，毋入民舍，過柵不攻，示以整暇。晝則合圍山中，夜則稅野偃旗仆鼓。賊或偽降，覘其何爲。乃具酒肉飲食，曉口：「汝昔蹂汙吏侵暴，潛逃居此，能棄險還耕桑，則平民矣，吾安忍被汝反名，便加誅夷？」悉縱歸之。他柵聞者，相率以出。其渠歐狗日浸南奔，大兵隨之，偷生隲中，其黨縛致於軍，血鋒刃者纔是一賊。自是方三千枹鼓不鳴。卒，贈徐國公，謚忠肅。

史弼 字君佐，一名塔刺渾，博野人。通國語，膂力絕人。至元二十一年，黃華反建寧，又值霖雨，米價踊貴。弼時任浙西宣慰使，即發米十萬石以平價糶之，而後聞於省。省臣欲增其價，弼曰：「不可失信，寧輟俸足之。」益出十萬石，建民賴不饑。二十九年拜福建行中書省平章政事。

### 右丞

廉惠山海牙 字光亮，畏吾人。至治初進士。至正間以福建行省右丞鎮延平、邵武，境內謐寧。歲

餘，奉詔還治，總備禦事，且督賦稅從海道供京師，元人賴焉。

忙兀台 蒙古達達兒氏。宋二王航海，世祖命兀台爲閩廣大都督，行都元帥府事，與江西左丞塔出會兵收降。尋拜參知政事。元帥唆都在福建雖有平閩功，賴其麾下擾民，致南劍等路往往殺長吏叛。詔忙兀台代之。忙兀台至，招來七十二寨，建寧、漳、汀稍獲安樂。有旨仍鎮閩。未幾，轉右丞，拜江淮行省平章政事。

左丞

董文炳 字彥明，棗城人。宋既亡，文炳以中書左丞奉詔討未下郡縣。師既踰嶺，漳、泉、建、邵皆送款，文炳悉慰撫之。惟興化、汀未下，方議招之，或曰：「何以招爲，偏師壓之，振落抑墜耳。」文炳曰：「興化不服，獨陳參政耳。民則何辜？不忍須臾耶。」未幾，汀來歸，興化又不至，乃發兵討之。閩人室家相保，井里如故，德之最深，建生祠祀焉。陳參政，文龍也。

李士瞻 東安人，爲福建行省左丞。海酋據福州城，攻不下，士瞻諭以禍福，酋遂出降。官至翰林承旨。

參知政事

焦德裕 字寬父，雄州人。通左氏《春秋》，驍勇善射。世祖時累立戰功，而宅心仁恕，不尚苛刻。拜福建行省參知政事。

郎中

虎都鐵木祿 好讀書，與學士大夫游。至元末爲福建行省郎中。延祐中，大臣以浙東倭奴商舶貿易

致亂，奏遣宣慰閩浙，撫戢兵民，海陸靜謐。

栢帖穆爾 蒙古人。居官所至，廉能著稱。至正中累遷福建行省左、右司郎中。皇朝兵至福州，栢帖穆爾嘆曰：「戰守非我得爲！」引妻妾坐樓端，慷慨謂曰：「丈夫死國，婦人死夫，義也。城且陷，吾必死，若等從乎？」皆泣曰：「敢不從！」縊而死者六人，餘一女十歲，一男三歲。女度其不能自死，則給之曰：「可稽顙拜佛，保我無恙。」拜下，挈囊米壓之。出其金珠畀男乳媪，曰：「宗不可絕也。爲我抱匿之旁近民舍。有急，用金珠贖之。」有頃，兵入城，舉燈自燃，四圍窗火大發，遂焚死。

王翰 字用文。先世靈武人，其先以軍功授千戶，鎮廬州。翰習父官，省憲共言其才，除廬州路治中，改福州路。適三魁賊起，地險猝難用兵，翰自造壘，諭降之。陞同知，又陞理問官，綜理永福、羅源二縣。泉州土帥柳奔跋扈，連結旁郡，邑民洵懼。翰諭之，悉解散。擢福建、江西行省郎中。陳友定以翰威望素著，表受潮州總管，兼督循、梅、惠州。元亡，屏居永福山中十年。皇朝洪武中，有上書薦之者，命下，翰嘆：「女可更適人哉？」爲詩別友曰：「昔在潮陽我欲死，宗祀如綫我無子。彼時我死作忠臣，覆宗絕嗣良可恥。今日徵書忽到門，丁男屋下三人存。寸刃在手固不惜，一死了却君親恩。」遂自引決。翰工詩，善書篆畫筆。子偶，見永福縉紳。

#### 員外郎

張庸 字存中，溫州人。性豪爽，精太乙，數以策干經略使李國鳳。授福建行省員外郎，治兵於閩。後擢秘書少監、刑部尚書，以不降賊被殺。

#### 都事

藍光 字仲晦，臨川人。受業吳澄，以辟薦累轉閩省照磨，尋陞檢校，綜理閩清邑事。邑民懷之。改行省都事。時八郡騷擾，陳參政方事興復，光總藩幕，獨奮奮持正，偶一言不合，遂拂衣退。省憲交章薦其賢。會明兵下閩，光歸隱居教授，年九十九卒。爲人清淡寡欲，延接士類，善詩文，尤精考古制度。

理問

吳公祖 字景莊，孟州人。仕福建行省理問。沉毅有才諳，累遷建、興、汀、福四路總管，所至厚重見稱。卒，贈兵部尚書，追封渤海郡侯，謚正肅。

福建平海行中書省大德元年立，徙治泉州。

平章政事二員，右丞、左丞各一員，參知政事一員，簽省一員，郎中二員，員外郎二員，都事、管勾、照磨各一員，隨省官屬檢校所檢校一員，理問所理問一員，都鎮撫司都鎮撫一員。

平章政事

高興 字功起，蔡州人。慷慨多大節。元初置福建行省，命興立行都元帥府於建寧鎮之，平黃華、高日新等叛亂。遷浙東道宣慰使，平處州、福建及溫、合海洋群盜。尋爲紹興、福建等處徵蠻右副都元帥，平漳州高安寨及陳吊眼諸盜。改浙西宣慰使。黃華復叛，疾趨與福建軍合平之。後以參知政事行福建宣慰使事。降漳州盜歐狗，遷福建行省右丞。以徵爪哇功，拜福建行省平章政事，後拜左丞相。卒，謚武宣，加封南陽王。

福建道宣慰使司掌軍民之務，分道以總郡縣。行省有政令，則布於下；郡縣有請，則達於省。後與行中書省迭爲廢置。

宣慰使二員，同知一員，副使二員，幕官經歷一員，都事二員，照磨兼架閣管勾一員。

### 宣慰使

李恒 字德卿。元初爲福建宣慰使，尋轉江西。文天祥復取汀州，圍贛州尤急，或言天祥墳墓在吉州者，遣兵發之必下。恒曰：「不名王師。」遂止。

塔里赤 康里人。好讀書，善射騎。從丞相伯顏渡江，領軍至福建，所過秋毫無犯，降者如歸。以功遷福建招討使。時諸郡盜起，而陳吊眼最盛，陷漳州。行省承制命塔里赤爲閩廣大都督，徵南都元帥，總四省軍復漳州，生擒吊眼誅之。後改福建宣慰使。

福建道宣慰使司都元帥府宣慰司有邊陲軍旅之事，則兼都元帥府。大德三年始置。宣慰使都元帥二員，副

都元帥二員，僉都元帥事二員，同知副都元帥一員，副使二員，幕官經歷二員，知事二員，照磨兼架閣管勾一員。

### 宣慰使都元帥

搠思監 元統初任。鹽法久壞，思監廉利病罷行之。

百家奴 父曰唆都，有平閩功。百家奴亦以平閩廣功爲海外諸番宣慰使，兼福建道市舶提舉，守福建。俄兼福建道長司宣慰使都元帥。是時，福建多水災，百家奴出私錢市米以賑貧民，全活甚衆。

王都中見福寧續紳。陳端孫兄長溪弁翰。

### 同知副都元帥

彭廷堅 字元誠，一作舜臣。瑞安人。至正四年進士。初授沂州同知，以忤上官棄去。十年，起爲崇安尹。屬鉛山寇周良犯閩關，扞禦有法。暇日重新縣學，立胡文定公書院。嘗有蝦蟆仰鳴廳事前，廷堅

祝之出，使人蹤之，便見死屍，罪人斯得。陞同知建寧路，總管府事。江西寇熾，率民兵克復建陽，進平浦城。攝都元帥府事，與邵武路總管吳按攤不花夾攻邵武寇，追斬渠魁董元帥、鐵和尚。董昌寇建寧，墮建寧縣，廷堅統建陽、浦城、崇安三縣民兵往擊，復之。江浙行省檄節制建寧、邵武二郡諸軍事。盜侵政和、松溪，江南行臺御史中丞吳鐸督軍建寧，檄廷堅至。萬戶岳煥隸麾下，縱卒爲暴，廷堅繩以法。煥懼，使部卒詐爲賊兵突入交鋒，衆皆潰，廷堅獨留不去，遂遇害。故吏張栗等奉柩歸崇安，崇安民哀泣如喪父母，立祠祭饗，傍邑亦祠之。後行臺御史余觀行部，獲害廷堅者，斬其首，上事於朝，贈中奉大夫、福建宣慰使司都元帥，封忠愍侯。

陳君用見漳浦弁翰。

福建閩海道肅政廉訪司，職掌與臺察相表裏，詢民瘼，察冤滯，糾劾諸不職者，與未提點刑獄略同。至元十四年設福建、廣東道。二十年改福建提刑按察司閩海道。二十八年改按察司爲肅政廉訪司，轄八路，按治帥府曹司、軍民司屬，兼照刷諸司文卷運銷，責違慢官吏。廉訪使二員。長曰監司，次曰大使。監司守司，次官每年九月分司，次年四月還司。本路司闕，則次官代之。副使二員，僉事四員，副使、僉事分按興、泉、漳、建、延、汀、邵七路。夏六月，冬十二月二次審囚，就刷所按路分司屬上下半年文卷，餘不係分按審囚時月，完坐視事。幕官經歷一員，知事一員，照磨兼管勾一員。

### 廉訪使

王惲 字仲謀，汲人。爲閩海道提刑按察使，黜貪污不法官吏，察冤滯繫囚決遣之。戍兵舊寓民家，創營屋居焉。每謂閩郡縣連山距海，治在得人，請擇清望素著、有文武才者爲行省官，以鎮靜之焉。

烏占孫澤 字潤甫，臨潢人。唆都下福建，奇澤，辟爲元帥府提控案牘。宋幼主人海，張世傑攻泉

州，文天祥開府南劍，閩中郡縣復從宋。唆都拔興化，怒其從陳瓚反覆，下令屠城，澤屢諫不聽，乃說唆都曰：「張世傑方攻泉州，自固其植，待我定興化乃往圖之，彼植日固。莫若開其遺民，使走泉南，煽動之，世傑且走，是我不戰而完泉州，捷於吾兵之馳救也。」唆都喜，開南門縱民去，得脫死者甚衆。世傑亦解泉州圍去。福建既平，詔以唆都爲行中書省參知政事，澤爲行省都事，從朝京師。元世祖嘉澤善謀，命知興化軍。繼改軍爲路，授澤行總管府事。民歌舞迎道曰：「吾復生父母也。」澤至，下掩骸之令，衣食流離民，置慈幼曹撫育道傍棄兒子，討惡少年之喜爲不義，尤無良者。郡民應陳瓚戰死者，吏援例籍其產，澤曰：「國家至仁，誅止陳瓚。鬪死及無後者，田廬貲產並給其族姻，有司無所與。」澤又興學校，召長老及諸生講肄經義，行鄉飲酒禮，旁郡聞而慕之。興化人以澤與常袞、方儀並肖像祠學宮。至大元年，復來爲廉訪使，閩人安其宿德。卒，謚正憲。子良楨，見延平判官。

趙宏偉 字子英，甘陵人，後徙潁州。延祐三年任廉訪。未幾，以疾辭。宏偉用戰功致通顯。居官，所至發官廩以活饑民，延名儒以教後學，他善政尤多。卒，謚貞獻。

答里麻一名馬。高昌人。泰定元年任廉訪。朝廷遣宦官伯顏催督綉緞，橫取民財，宣政院判官朮鄰亦取賂於富僧，答里麻皆劾之。遷廣西廉訪使。

拜降 字子謙。至順元年任廉訪。初，閩有巨跖，志在專欲，以計盡去同列，民罹其害。文宗聞之，亟遣拜降蒞閩以拯塗炭。時拜降任平江府尹，篆視甫旬日，聞命卽行。比至，廉得巨跖狀，聞於朝，殛之。擢別奸穢，撫摩瘡痍，閩人大悅。尋遷使浙西。

貢師泰 字泰甫，宣城人。蚤歲游京師，人曹監、吳草廬、趙松雪及虞揭諸公皆與游。至正十五年爲

福建廉訪，未幾除禮部尚書。二十年又除戶部尚書。俾部閩中以閩鹽易糧，從海道轉運給京師，凡得糧十萬石，朝廷賴焉。師泰文學知名，優於政事。嘗爲監察御史，元人斥南人不得居臺省，居臺省自師泰始。

莊嘉 字子敬。至正中爲閩海道廉訪使。閩方多警，嘉歷勦之。歲饑，殍死載路，救荒有法。閩人家置香几，每出羅拜以祝。既擢去，像祀之。

程鉅夫 建昌人。至元三十年繇侍御史授福建廉訪使。(四)興學明教，士有才行者與爲禮。至於正風俗，恤民隱，獎廉勤，察貪殘，表貞節，尤加之意。

副使

寶哥 畏吾人。至正初任。廉潔有風力，官吏畏威修職，士民安樂。

僉事

張孝思 僉福建廉訪司事。至元三十年按郡至興化，廉直守法，摧擊奸貪，發庾活饑，築堤遏海，寬徵均徭，戢兵弭盜，置養濟院望京門外，官給廩餼，以居養疲癯殘疾顛連無告之民。

安禮護世 字正卿，汝南人。以監察御史僉福建廉訪司事，按尤溪。時邑告訐盈庭，案牒多偽。護世入境，頓更弊政，勵學校，訪耆英，問民疾苦，去害興利，威惠所加，民畏愛之。

揭泮 豐城人，揭傒斯之子。元末以廉訪僉事治建寧。陳友諒兵寇杉關，下邵武，據延平，建寧受圍，大軍退保福州，城中吏民相繼出奔，惟經略使普顏不花尚在。泮詣與謀，經略聞泮至，迎曰：「僉事猶未行耶？」泮曰：「經略何爲發此言？今吾與經略致死時也。獨走安之乎？」經略起問計，泮爲畫策。經

略曰：「當如君言，吾志決矣。」部散卒得千人，命建寧總管阮德柔將之。出戰，不利，泫集衆告以禍，語甚切至，民感泣，請各自效，無老少悉乘城。泫往來撫勞之，分壯者千人助德柔戰，屢捷，勢稍張。城外有山曰黃華，高出城上，泫恐寇見其虛實，作層樓蔽之，鍛鐵爲長鉤，廣儲水樓下，衆不知所爲。及寇據山，以火攻樓，卽曳以長鉤水沃之，復預濕薪，枯藋城下。寇穿隧入，燎煙於隧，熏死甚衆。寇揚言攻城西，泫察其旗亂而氣怠，命備城東，已果攻城東，知有備，驚駭退。是時，內外相持逾十旬，樵蘇道絕，民撤居爲炊，經略以問泫，泫曰：「士氣在，作且直壯，曲老我王師也。其曲在彼，何憂不克？」乃植牛醢酒，鼓勞將士，皆踴躍請戰，空一城，鼓譟助之，寇數萬逆戰，泫戎服出陣，後督將士盡力。俄矢石亂下，或請少避，叱曰：「破賊在今日，敢言退者斬。」於是士卒殊死，自寅至午，焚其三柵，乘勝奔之，是日，福州援兵繼至，寇敗走，復延平等三州，獲勝兵千餘人，咸欲繫獄，論其叛逆罪。泫曰：「大盜未殄，可勝誅耶？」誅桀黠者數人，餘縱之耕。及諸將上功於朝，泫不及叙，或爲泫冤，泫曰：「職耳。」仕至刑部侍郎。人皇朝，以例召，稱疾不仕。

#### 知事

范梈 字亨父，一字德機，清江人。繇翰林供奉改擢福建閩海道知事。閩故有文繡局，取良家子爲繡工，混雜無別，梈作歌詩一篇，述其弊，廉訪使取以上聞，遂得罷遣梈精古學，砥名節，與揭傒斯、虞集、楊載齊名。所至興學教民，雪理冤滯。吳澄志其墓，以東漢諸君子擬之。

行御史臺至正二十五年置。先是，置江南行御史臺於揚州，尋徙杭州，又徙江州，又徙建康，以監臨東南諸省，統制各道憲司，而總諸內臺。至是，御史大夫完者帖木兒奉福建文書北至南臺，風信不便，徑申內臺，未委事情虛實，宜於福建置分臺，以達內臺爲

便。從之。御史大夫、御史中丞、侍御史、治書侍御史各一員，幕官經歷、都事、照磨、架閣庫管勾、承發管勾兼獄丞各一員，察院監察御史十員。

治書侍御史

韓準 字公衡，沛人。登進士，歷江西湖南道廉訪副使、江西行省參知政事、〔五〕行臺治書侍御史、江浙行省左丞，改福建廉訪使，復爲侍御史。請老未報。皇朝兵下閩，準籍橐堂下，以喪禮自處。吏來追其宣勅，準取而枕之，厲刃，向吏曰：「此吾所受於君者，必欲取之，并取吾首去。」吏不敢迫。朝制更新，乃着帽終日，及病，不服藥而卒。準性端嚴，在江西時，陳友諒攻破隆興，來見準，準疾面壁卧，不答。既去，使人致糗，亦却不受。平居端坐寡言笑，然對賓客談論亹亹，爲文簡古，不尚華構。

使臣

野訥 畏吾氏。武宗時，以侍御史兼將作院使。閩有繡工，官大集民間子女，居肆督責，吏因爲奸利。野訥奏罷之，閩人感悅。尋兼大醫院使。

齊履謙 字伯恒。泰定二年以太史院使奉使宣撫江西、福建，黜罷貪污官吏四百餘人，蠲免括地虛糧數萬石。州縣有以先賢子孫充房夫諸役者，悉罷遣之。福建憲司職田每畝歲輸米三石，民不勝苦，履謙命准令輸之，繇是召怨。及還京，憲司果誣以他事。未幾，誣履謙者皆坐事免，履謙得直，仍復官。

漕使

郭朵兒 皇慶中爲興化總管。創萬金斗門，引木蘭水北注南洋田，人謂非便，朵兒曰：「南水直注，其力大，北水橫注，其力小。且水道回遠，餘波有限，如遇橫溢，亦可爲壑，不爲病也。」後攬本路漕使。

〔校記〕

〔一〕「紹熙四年」，各本原作「紹興四年」，據師楷行事改。

〔二〕「字」下，各本原闕一字。

〔三〕「運判官」上，當脫「轉」字。

〔四〕「至元三十年」，各本原作「至正三十年」，據《元史》本傳改。

〔五〕「江西行省參知」下，當脫「政」字。

## 閩書卷之四十五

### 文蒞志

#### 皇朝

鎮守撫臣 洪武二年設。

王恭 濠州人。尚太祖公主。洪武二年以爲福建行省參政，臨行，諭之曰：「福建從昔富庶，元末困於弊政，剝削尤甚，民病未蘇。汝往綏之，毋恃親故，國家政令一本至公，不能守法，朕不敢縱，汝其欽哉。」恭既爲福州築城守，先造一城於城北，今名樣樓。

周德興 濠州人。從一太祖定天下有功，封江夏侯。洪武十三年承制理福建軍務。沿海邊城，相風上形勢，修築創建。凡海上城池墩寨，及衛所軍士調配，與孤嶼人民之當內徙者，皆德興經畫之。

右洪武中任。

夏原吉 字維禔，湘陰人。建文中以戶部侍郎充採訪使，巡撫福建。公明寬大，楊文敏榮爲諸生，原吉一見，奇以解首。郡有明月樓多妖，宿者頻死，原吉徑往居之，其妖遂息。因修元達魯花赤迭里彌實之墓於漳，祀王伯顏與其子相子婦於福寧，以表忠孝。仕至戶部尚書，贈太師，謚忠靖。

右建文中任。

楊勉 江寧人。永樂甲申進士，改庶吉士，授刑部主事。以博洽能文，修編《五經四書大全》及《性理全書》，累陞刑部右侍郎。十九年，巡視福建，考案官吏，安撫軍民。事竣還京，終廣東右參政。

右永樂中任。

焦宏 字克明，葉人。正統六年以戶部右侍郎鎮守福建、浙江、蘇、松。政令一新，寇不爲害。九年，閩中復開銀場，命宏來視，宏視課重者請減之，民以稍舒。

薛希璉 字廷器，麗水人。正統十二年以刑部侍郎受命鎮守。時當鄧茂七作亂之後，希璉撫輯人民，以蘇凋敝。既，殘寇羅丕復起，請調兵討之，親總軍務，晝夜籌度，遣人抵壘諭之恩威，降者萬計。有逃入海者，聞之亦自縛來詣，悉縱舍之，其負固不服者，擒斬殆盡。以功陞本部尚書。

右正統中任。

費釗 正統十四年以崇信伯奉命討賊。景泰元年勅留鎮守。

范雄 正統十四年以都督僉事奉命討賊。景泰元年勅留鎮守。

孫原貞 德興人。景泰間以兵部右侍郎鎮守。寬而有制，廉而有爲。陞兵部尚書。

劉廣衡 萬安人。坦厚通敏，有能詩稱。自永樂甲辰進士，歷官副都御史。景泰六年，福浙鄭懷冒、王孝心等作亂，奉勅捕之。至則賊已就擒，廣衡察其嘯聚之故，以山有銀場，連亘深僻，賊得潛伏其中，卽伐木通道，奏設壽寧縣治，以便巡視。已，所獲賊屬，守臣俱論其叛逆，報功。廣衡覈首惡十餘人，餘悉縱之。事還，賜白金綵幣甚厚，官終刑部尚書。子喬，喬子玉，並見副使。

右景泰中任。

滕昭 字子明，汝州人。正統中鄉舉，授監察御史，巡視福建。上杭、清流境有地曰紫雲臺，鄧茂七之黨嘗據爲亂，昭相其要害，奏立歸化縣治。成化初以都御史巡撫，風裁益峻，吏民畏服，一時山賊海寇悉賴勦平。遷兵部左侍郎，鎮守福建如舊。

張瑄 字廷璽，江浦人。成化壬辰以右副都御史巡撫下郡縣，建倉廩，勸富民出粟備荒。沿海官軍先因事減支俸糧三十餘年，遂以爲例。瑄仍舊支給。閩安鎮出海有二港，勝國時用鐵索橫絕港口以禦寇，歲久廢沒，請復之。又令小港如大港之制。山海寇林壽六、魏懷三等攻劫鎮城，歲久不獲，瑄盡擒之。福安、壽寧等縣地鄰江浙，強賊群聚，瑄擒其首葉旺、葉春，餘黨盡散。鎮守太監盧勝暴橫，瑄以聞，勝坐革去。南京刑部尚書終官。

高明 字上達，貴溪人。累官南京右僉都御史，以親老致仕。成化十四年，汀上杭草寇竊發，廷議卽家起之，明聞命，幡然就道。未至，寇已平，乃躬詣其地，招流亡，撫瘡痍，奏立永定縣控制之。事竣，復賜勅留巡撫，遂引疾，不俟命歸，賜致仕。

王繼 字述之，祥符人。成化丙辰進士。以山西按察使改除福建，振肅憲度。後進山西右方伯，抵任甫三日，卽拜都察院右副都御史，翦汀漳巨寇。寇平，黜貪去暴，獎賢愛士。人爲戶部尚書。

右成化中任。

鎮守太監附 太監鎮守始於正統，嘉靖初悉召還。萬曆二十七年，礦稅初興，神廟慮有司不承明旨，特遣太監四出。其後率暴橫害民，或召還，或罷，而獨太監高宗在閩中最久。宗素抑勒行戶，不予價直，福州民圍宗府，火其外門。宗射火箭自府中出，焚民居無算，所殺傷百十人。請救，都御史袁一驥不應。遂策馬挾奴刀直入都御史臺，鈴閣方靜，人馬退散，宗手劫都御史步行市中，窘之。會

諸公救解。事聞，罷索召還，繫治之。礦稅太監遂革。是爲萬曆四十二年。

廖秀 正統十四年以太監奉命監軍討賊。景泰元年勅留鎮守，復征沙縣。

戴細保 景泰初以尚寶監丞鎮守。

來住 正統末以內使提督市舶，陞長隨奉御。景泰四年協同監丞戴細保鎮守，五年細保還朝，就留鎮守。

馮襲 天順二年以都知監少監鎮守。

吳昱 成化二年以都知監太監鎮守。

盧勝 成化五年以御用監太監鎮守，爲副都御史張瑄劾罷。

陳道 成化十六年以御用監太監鎮守。

鄧原 弘治中以太監鎮守江西。愛恤小民，勸率州縣長吏，小吏有非法酷虐者，輒以其刑刑之。嘗過郡邑，學官諸生請謁文廟，辭不往，曰：「我等名教罪人，何面目見先聖哉！」久之，移任福建，民遮道乞留。河南、宣府撫按各奏，鎮守太監藍忠、鎮守宣府太監劉清，潔己愛民，宜賜勅獎勵。下兵部議，可。并言：「福建太監鄧原、浙江太監麥秀，一人爲輿論所與，請亦勅旌，仍遍諭他鎮，使知感發。」從之。上有所遣內官，亦時時問曰：「得如鄧原、麥秀者否？」正德初，疏求謝事，福建軍民群赴巡按御史懇，乞奏留。御史以聞。時群小用事，夤求出鎮，竟擠而代之。既至，需求四出，民益思原焉。

梁裕 正德元年鎮守。

崔安 正德八年以太監鎮守。

尚春 正德八年以太監督船。

提督南贛汀漳撫臣弘治十一年，閩、廣、湖、湘間多盜，設巡撫轄江西南安、贛州、建昌、福建汀州、廣東潮州、南雄、湖廣郴州

四省，駐劄贛州。尋除建昌，增隸韶州、漳州二府。正德十一年改巡撫爲提督軍務。嘉靖四十五年以福建、廣東並有專設巡撫，令惠、

潮二府還隸廣東，漳州一府還隸福建，南贛巡撫但轄南安、贛州、南雄、韶州、汀州并郴州地方。既非專轄地，紀其著者。

周南 南字文化，縉雲人。成化戊戌進士，歷都察院右副都御史，巡撫大同。忤劉瑾歸。正德辛未，

江閩廣三省交界山谷大帽山等寨賊首張番壇、李四仔、鍾聰、劉隆、黃鏞等，聚徒數千，流劫鄉村，攻陷建寧、寧化、石城、萬安諸縣，支解平民，捉虜官吏，僭號稱王。福建鎮巡等官奏乞征勦，勅南以原職來撫四省邊徼，相機勦捕。正德壬申正月甲子，合江西兵從安遠人攻，破其寨穴七，擒斬賊首何積欽、羅得清、黃璘并其從若干人。廣東兵從程鄉入攻，破其巢穴九，擒賊首李四仔、張番壇、黃鏞、張玉璣、黃樞保并其從若干人。福建兵從武平入攻，破其巢穴八，擒斬賊首謝得珠、劉隆、鍾章并其從若干人。凡擒斬首從七千有奇，俘獲賊屬千八百有奇，奪回良善百四十有奇，贓仗千一百有奇。奏上，各頒賞有差。九年甲戌，擢總督兩廣軍務。

王守仁 守仁字伯安，餘姚人。弘治己未進士，授刑部主事，改兵部。正德初，給事中戴銑等坐論劉瑾下獄，守仁上疏乞宥，瑾怒，矯詔廷杖五十，謫貴州龍場驛丞。後歷陞南京鴻臚寺卿，尋陞都察院左僉都御史，撫鎮南贛汀漳等處。賊首詹師富等峙居可塘洞山寨，聚糧守險，勢甚強固，守仁分兵五路攻擊追襲，與賊連戰。又令兵備僉事顧應祥等委官統領軍兵，會同福建，剋期追勦，揚言班師，出其不意，從牛皮石嶺脚隘等處分爲三哨，鼓噪並進。賊膽顧不暇，望風瓦解，俘獲四千餘人。時寧庶人宸濠將爲變，中外

海懼。兵部尚書王瓊知守仁可任，爲請改督南贛汀漳等處軍務，賜勅書旗牌，便宜行事。而語人曰：「我置王某於南贛，與之便宜行事，不但爲溪洞諸賊而已，固將以待他變。」會福建有軍人進貴等惑衆謀叛，瓊復爲守仁請人閩處置參奏。守仁至中途，宸濠難發，遂取道擒之。論功，兼南兵部尚書，參贊機務，封新建伯。卒，謚文成。守仁倡明道學，以良知立說，從祀孔子廟庭。

潘希曾 希曾字仲魯，金華人。弘治壬戌進士，改庶吉士，擢兵科給事中。嘉靖四年陞都察院右副都御史，提督南贛汀漳等處軍務。以威信馭招撫，親民有功者賞之，以示之信。勦惠州寇賴貴洲頭，遺賊曾蛇仔，皆有功。報功者多以歸人俘獲，希曾於稍涉疑似者，卽不以報。

陶諧 諧字世和，會稽人。弘治丙辰進士，自翰林庶吉士歷右副都御史，提督南贛汀漳等處軍務，兼理巡撫。條上數事曰：「重守令，專分守，寬農民，懲貪吏。」行之及期，厥有成績。進兵部侍郎，兼原職。

朱紱見巡視。

張紳 紳字子儀，柳州人。嘉靖癸丑進士，授刑部主事。與給事中吳時來、同官董傳策論劾分宜相嵩，下獄，謫戍。隆慶初召復銓部，累轉右僉都御史，巡撫南贛汀韶。督軍事，撫流民，遏峒寇，功在兩廣間。終刑部侍郎。

巡視撫臣 嘉靖二十六年以海警，命都御史巡撫浙江，兼管福建福、興、建寧、漳、泉海道地方，提督軍務。二十七年改巡撫爲巡視。三十一年復遣僉都御史提督軍務，巡視浙江，兼管福、興、泉、漳地方。三十三年倭亂，特命尚書提督浙江、福建、南直隸軍務，又專設都御史提督軍務，巡撫浙江兼福、興、泉、漳地方，其提督三省者改總督。三十五年復以閩浙道遠，專設提督軍務兼巡撫福建地方都察院都御史，駐福州，統轄全漳、福寧海道都御史，仍聽總督節制。三十六年以倭連歲寇東南，置鎮守，設提督軍務兼巡撫福建地方都察院都御史，駐福州，統轄全

省，遂爲定員。

朱紉 紉字子純，長洲人。正德辛巳進士。嘉靖二十五年以都察院右副都御史奉勅巡撫南贛汀漳。時海寇猖獗，巡按浙江御史陳九德請置大臣，兼巡撫浙福海道，改紉充其官。紉至，嚴禁泛海通番勾連主藏之徒，凡雙橋餘皇一切毀之。及入漳州，平同安山寇，以忌者陰中嫉御史周寬，給事中葉鏜奏請改爲巡視。既而，漳囚逸，入於海，大擔嶼與步門、大江諸警驛騷。紉規畫無敗績，督兵追賊下溫、盤、南鹿諸洋，大破之。後又從溫州進駐福寧，擒佛郎名王及黑白諸番喇囉諸賊甚衆，閩浙悉定，先後以聞。其後陳九德疏論紉專殺，濫及無辜。法司覆請遣官會勘。世宗從之，遂革紉職，命兵科給事中杜汝楨按問。汝楨及御史陳宗夔勘上：「前賊乃滿喇伽國番人，每歲私招沿海無賴之徒往來販鬻，未嘗有僭逆流劫之事。二十七年復至漳州月港、浯澳等處。各地方官當其入港，既不能羈留入貨，疏聞廟堂，反受其私賂，縱容停泊，使內國奸徒交通無忌。及事機彰露，乃始狼狽追逐，以致各番拒捕殺人，有傷國體。及諸賊已擒，又不分番民首從，擅自行誅，誠有如九德所言者。紉既身負大罪，反騰疏告捷。而海道副使柯喬、都指揮僉事盧鏜，復相與佐成之，法當首論。」兵部三法司再覆，如汝楨言，紉、鏜、喬遂得罪。紉爲人精廉勇任，開府閩浙，有攝定功，雖張皇太過，然勘官務入其罪。功過未明，竟憂恐仰藥，公論惜之。

王忬 忬字民應。嘉靖二十年進士，以僉都御史經略通州，復巡撫山東。值倭寇大入浙之台郡，而閩中時亦有警，廷推忬以原官提督軍務，巡視浙江，兼管福、興、泉、漳地方。亡何，改巡視爲巡撫，忬請得用便宜行事，南會二廣，北會江左，諸鎮犄角應援。而是時俞參將大猷，湯參將克寬，俱武勇饒材略，忬虛已任之。都指揮盧鏜，坐前都御史尹鳳事，以贓累俱繫獄，忬並奏釋爲別將。忬在浙閩可二歲，凡十餘

捷，所得沿海大猾爲倭內主者，擊之，覆其家，城海上縣曰長樂，曰福清，曰惠安。後仕總督薊遼保定都御史，以虜人邊，下獄論死。

胡宗憲 宗憲字汝貞，績溪人。嘉靖戊戌進士。甲寅歲以御史按浙，用武略見推，超拜僉都御史，提督軍務，兼巡撫浙福。晉總督，與巡撫阮鶚諸道兵勦徐海於平湖之沈家庄。又遣辯士說王直來降，斬於市。閩浙悉定。累進少保兼太子太保、兵部尚書、右都御史，官一子錦衣千戶。壬戌，被逮京師，世宗念其功，有歸不問。尋坐分宜相客事，復就繫，竟死獄中。宗憲有膽勇機智，善因人器使，其行賞咎刻千金不吝，能折節遇謀勇士，以故將佐皆樂爲盡力。敢任危疑，不以文法自困，卒成戡定。隆慶六年訟復原官，賜祭葬。

提督軍務兼巡撫福建地方都察院御史一員。嘉靖二十六年置，見巡視撫臣下。

阮鶚 鶚桐城人。嘉靖甲辰進士。倭寇東南無寧歲，侍郎趙文華奏請置撫臣於閩，從之。於是，鶚以邊才得名，自浙江巡撫都御史改福建。福建有巡撫自鶚始。其時，軍府草創，兵食俱誦，倭以數萬衆攻會城，勢且岌岌。鶚且戰且守，卒以却倭。未幾，爲流言所中，去。

王詢

劉燾 燾字仁甫，天津衛人。嘉靖二十九年代王詢爲巡撫。時倭寇頻歲焚掠，其年三月，鳩衆數萬繇南臺寇福州。燾素有威名，善騎射，走及奔馬。下令大開城門，往來不禁，親率死士千餘，邀賊閩安鎮，身發三矢，中其三酋，應弦而斃。賊大奔潰，赴水死者無算。凱旋之日，士民歡迎馬首。無何，復出軍禦倭長樂之北鄉，遇賊壺井山下，手射二酋，賊駭潰遁去。以病免，倭復至，閩人思之。

游震得倭之入寇也，興化府、政和、壽寧、福安、寧德等縣皆被陷沒，論者咎震得懦縮不支。

譚綸 綸字子理，宜黃人。嘉靖甲辰進士，以浙江參政丁艱家居。廣賊流劫江西，起復勦平之。改福建參政，乞終制。亡何，倭陷興化，又起復，綸以僉都御史巡撫本省。綸至，以精兵千人自隨，斬倡亂衛卒，責諸將必滅賊。先後與都督戚繼光破倭境上，復遣偏帥擊古田諸山寇，悉平之，凡俘斬二千二百有奇，獲被虜三千餘人，衛所印一十五章，悉以功歸前督府王詢。是時，詢方獲罪，得藉以釋。晉副都御史。復擒滅神前澳、玻璃嶺諸孽，及龍巖楊一、蘇阿普、藍松山等，閩中賊悉平。得請補制。後以薊遼功陞右都御史、兵部尚書。卒，贈太子太保，謚襄敏。

汪道昆 道昆字伯玉，歙人。嘉靖二十六年進士。束髮修古文辭，登嘉靖丁未進士。初試令，歷兵部郎，爲閩藩臬使。以兵事乘間當司馬指出佐中丞視閩師。復上差，功次踰中丞，旋進中丞。道昆人閩，汙衣蓐食，五年於外。其畫軍事，首議餉，次議兵，三議賞成，四議事任，宿將如俞大猷、戚繼光、湯克寬輩皆專倚而推轂之。轅門士伍，待以殊恩，咸感激爭奮，遂破吳平，夷龍頭寨，殲楊一、蘇阿普餘黨，而倭酋以次授首。官終兵部左侍郎。

塗澤民

右嘉靖中任。

何寬 寬字汝肅，臨海人。嘉靖庚戌進士，授南刑曹。鑽究律例，決曹事先自盟其心，不使有偏重。歷成都守、廣右督學，以副都御史撫閩。舊例，賦人之外，丁取錢四，糧取錢八，以供軍。至寬，始蠲其十之六。營寨兵士將領，必用丁壯。叙勞，乃遷。屬吏以贓濫聞者，劾去之。風裁清嚴，聲望焯著。爲大理

卿，累南吏部尚書。

殷從儉 從儉字汝中，臨桂人。嘉靖甲辰進士。陳乞學職，領廣州教授，累陞廣東僉事。引疾歸。用薦起福建僉事，歷參議副使、參政、南太僕少卿，提督南贛，轉巡撫閩中。在閩歲餘，值倭寇初殄之後，一以休息爲事。方倭至時，籍民丁出爲戍餉，名曰丁四糧六，每易一撫臣，輒增分數，卽歲稔必取盈。從儉悉復原制，省冗費，汰虛兵，肅吏治，居官不以孳自隨，衣不文采，食不兼肉。甫以內臺簡召，疾三日卒。有司省其橐，月俸數十而已。士民里號巷哭，卽樵夫賈豎，爭獻一楮致轅門下，復像祠之西湖之上。

右隆慶中任。

劉堯誨 堯誨字君納，衡州人。嘉靖癸丑進士，授新喻令，擢南給事中，累僉都御史，巡撫閩中，寇林鳳劫掠濱海郡邑，堯誨設方略合番漢兵攻之，遂有東番翹港、呂宋國玳瑁港二捷。策南澳一島介漳潮間，賊往往憑之爲患，奏設總兵居守。復奏留鹽策銀數萬備軍前之需。於是，庫有餘錢，倉有餘貯。晉副都御史，致仕歸。後歷南兵部尚書。堯誨神情凝默，語不當機不輕出。與人交，貌疎意真，久而益篤。其言曰：「學貴純一，一累情欲，便墮陰界。」

龐尚鵬 尚鵬字少南，南海人。嘉靖癸丑進士，以僉都御史起督福建軍務。始，殷從儉撫閩，卒而閩人歌且思，顧第能減騶從，節宴樂而已。至尚鵬，則孜孜求民利便而張弛之，雖吏民軍師士卒之長，莫不得告言而色受虛察。罷不急，省無經，軍儲旣節，民財旣均，乃請於朝，蠲八郡五十邑通徵凡二十餘萬計。舟航之費，商賈之征，鑄冶之利，寺觀之科，舊供軍旅，悉哀予民，歲亦不下萬計。其所行一條鞭法，賦額易知，雖下戶里民曉然輸納之數。踰年，擢左副都御史，協理院事。去之日，深山窮谷，扶老携幼，願

一見顏色。臨發，問閩編戶設几焚香，拜送不絕。坐江陵相奪情起復，論相者俱得罪，尚鵬移書申救，相不憚。亡何，報最，科臣迎合相意，以簿書年月小誤參之，回籍聽用。居四年卒。尚鵬忠介慷慨，足當大事。立朝知有法紀，不顧利害，當官知恤民艱，不避讒疑。海內縉紳倚重焉。

劉思問 思問字汝知，河南人。嘉靖三十五年進士。先是，承平日久，田畝坍塌，里胥飛洒，諸縣浮糧，難以數計。思問奏請行清丈法，雖縣令被奸猾舞弊文者有之，然浮糧之弊亦蘇。歷南戶部尚書。

耿定向 定向字在倫，麻城人。嘉靖三十五年進士，以講學名於時。既來撫閩，以教先政，哀然名一時。官終戶部尚書。

勞堪 德化人。嘉靖三十五年進士。希附納臣，繇本省布政使陞巡撫都御史。泉州洪朝選以戶部侍郎忤柄臣意，坐廢家居。柄臣尚未釋憾，堪羅織朝選罪，詒致於獄，擠而殺之。柄臣死，朝選子競訟冤，堪坐謫戍。

趙可懷 沈人种

賈待問 待問字學叔，威縣人。隆慶二年進士，歷本省巡撫。保釐鎮壓，綽有威名。終兵部尚書。

周察 察，安福人。嘉靖四十一年進士。鎮閩清正，有長者稱。終吏部侍郎。

趙參魯 參魯字宗傳，鄞人。隆慶五年進士，自庶吉士改給事中。以言事謫高安典史。後稍遷僉事，督閩學。時學使阿執政意，操士如束濕，務在汰多而錄少，參魯一切寬行之，其甲乙多奇中。後來爲巡撫，行鄉約保甲法，閩境少盜。寧德之支提寺，故盜藪也，僧大千請內降藏經，將聚徒其間。過三山，參魯留勿遣。奸商黃錦輩闌通諸夷，開島興界，參魯捕置重辟。躬行海上，蒐軍實，嚴海禁，疆事大飭。終南刑部尚書。

張汝濟

許孚遠 孚遠字古中，德清人。嘉靖四十一年進士。文章氣節，屹立一時。緯武經文，常有餘暇，時與縉紳人士講明聖賢道學之旨，一以真修實地爲宗。酌明儒之寬而祛其通，師宋儒之嚴而化其拘。閩人士聽其教言，灑然有不安舊習而興起前修之意。兵部侍郎終官。

沈桐 金學曾

朱運昌 運昌，滇人。萬曆五年進士。自本省布政陞任。鎮重方正，方銳意任事，而遽卒官。

王恩民

徐學聚 學聚，蘭谿人。萬曆八年進士，自給事中歷任。時連年饑旱，學聚給引招商，聽其興販。於是，商賈轉運，鱗集於江，雖饑不害，民大受賜。

陳子貞 子貞，南昌人。以進士歷監察御史，按閩有聲，歷巡撫福建。視師海上，修明前撫趙參魯之政。卒於官。

丁繼嗣 繼嗣，鄞人。萬曆進士，爲左布使。給士卒餉，皆郡邑所上，故封未嘗發。比開府選用材官，不私一人。倭踰中山，欲藉窺聞。一日，中山使以貢至，繼嗣曰：「中山新破，何暇修歲事，且非期，人倍數，所挾多異物，受之將墮計。」拒却之。亡何，其使繼至，蓋三歲三貢矣。繼嗣諭使：「歸俟貢期人進，不必再齎物。」倭謀遂寢。其後以大計不糾監司，被言。繼嗣曰：「監司自賢，又何糾也？」致政歸。

袁一驥 一驥，江陰人。萬曆進士。先爲左轄，稅使高宗不戢，力制之矣。及建節，捕治其爪牙，置之法。會粵璫死，神廟使宗兼粵稅。宗徵集百貨，將人粵與諸商市。其所徵貨，又不與市直，以有三山之鬧。語在鎮守太監中。宗直來窘一驥，一驥聲色俱厲。會諸公至，以大義責宗，而一驥歸署，急走足聞。

天子召宗歸，使一驥復撫閩。一驥竟歸。閩頌撤璫之功，建祠焉。

黃承玄 王士昌

右萬曆中任。

巡撫監察御史 洪武六年遣監察御史及按察司分巡官巡歷各府州縣，十四年設福建監察御史，賜印，篆文曰「總憲糾謬」。正

統四年，定御史專行巡歷，按察司官聽其舉劾。

陳述

蔡得正 得正以通經秀才任。冰蘖自厲，摘伏鋤奸，常曰：「張綱埋輪，彼何人也。」

陳智 智字孟機，咸寧人。永樂進士。擢監察御史，歷巡京畿，復巡福建。御下嚴刻，而所守無議。終左都御史。

周新 新字志新，南海人，舊名志新。洪武三十二年舉人。初授大理寺評事，擢監察御史。彈劾敢言，貴近畏之，目爲冷面寒鐵公。永樂元年，巡按福建，興利除害，雪冤如神。國初，武將驕橫，侵凌府縣。新奏朝廷，設立軍民諸司，兩非統屬。請自今府衛相見等禮，途遇則分道而行，卽有公事，不許徑下府縣，毋得責辱有司官吏。詔書一至，雖邊衛亦從藩司遣齎，都司無與焉。上悉從之。其後，以浙江按察使進表京師，捕錦衣千戶於涿，爲錦衣指揮紀綱所誅，論死。新清德不但冠絕嶺南，可表當代。

蔣彥祿 魏清 何器 況必安 歐彥貴 李素 李仲芳 周宗範 李彬 李旭隸人。以國子生釋褐按閩，歷湖廣布政使。貪婪無厭，積至鉅富，屢以厚賂獲高擢，上論鄙之。黃員相 賈旭 陸和 孟亨 張敬 屈伸 趙昇

自永樂年任至十七年。

邵玘 玘字以先，蘭谿人。永樂十六年進士，授監察御史，巡按江西、廣東、福建，克振風裁。時仁宗監國，尤所簡知，刑部、都察院、大理寺間闕堂上官，恒命玘署。有重獄，數付玘。玘感知遇，夙夜盡心，一時老成多推讓之。陞江西按察使。在官五載，政用肅然。丁內艱去。服闋，改福建。治職如江西，而稍濟以寬大。宣德三年召爲南京都察院左副都御史。

趙文 劉愷 張顯 鄭璘 周遠 陳恕 劉璉

王綱 綱字存紀，上高人。永樂七年進士，以御史巡按福建、廣西、河南，官終山西左布政使。端方剛介，所至有聲。

饒禮 楊淵 張敬 王昌

鄭辰 辰字文樞，西安人。永樂四年進士，授監察御史。一力自隨，室中蕭然無長物。二十一年秋，諸蕃寓福建，有暴悍殺人者。事聞，上意其叵測，命出按之，給衛卒五百備使令。及至，察無他，坐首惡而釋其餘。終兵部侍郎。

曹習古 鄒傑 姚堅 陳紹夔

右永樂中任。

王璉 璉字仲瓚，新建人。永樂十六年進士，巡按福建。密奏中使取花鳥者恣肆貪虐。宣廟嘉之，命卽誅中使，閩部悚然。

王寶

張鐸 鐸字振文，清江人。永樂十九年進士，巡按閩中。宣德初督銀場於寧德，時年方二十有四。

作新學校，禮重師儒，凡齋廡祭器之屬，無不修治。考試諸生，優其獎賞，政暇與士大夫觴咏往來。年少有爲，閩人頌之。

范宗淵 方端 楊政

陳祚 祚字永錫，吳縣人。永樂九年進士，改庶吉士，擢河南右參議。以數言事，謫田均州。宣德初擢御史。勸上讀《大學衍義》，上大怒，曰：「嗤蠻子，朕不讀《大學衍義》，堪作皇帝耶？」復下獄，闔門十六口皆逮繫。英宗卽位，得復官。激厲言路，貴幸爲之斂跡。出巡福建，糾貪黜庸，自方岳而下不少假借。福建上縣苦上官和買，破產不足供。祚廉知，禁止，民大稱快。後用薦擢福建按察僉事。閩人稔祚，相戒毋犯乃公法。祚痛絕諸軍衛之厲民者，分巡興化、漳州諸郡。郡多神祠，爲考其建置之繇，除毀其不合祀典與非古節義繫名教者。民室違制，亦盡廢撤。廟學壇宇載秩有文，則出官帑爲之一新。閩人至稱爲都料匠。寇起沙尤，諸郡騷然，祚時移疾不出，刑部侍郎薛希璉巡撫閩中，強起之。祚爲力疾平寇。寇平，辭曰：「祚蚤涉仕途，雖庸陋無補，苟有所見，不敢不盡。今老矣，無能爲。」遂乞致仕。

包懷德 懷德名珣，以字行，蘭谿人。永樂丁酉舉人，授監察御史。直言正色，巡按福建，廉公明恕，吏畏民懷。後爲河南按察使。以吏部會舉天下官員，獨懷德與會事薛瑄二人被召，乘傳詣京，歷刑部侍郎，後謫戍。按：懷德與薛文清並召，《實錄》所載。而《實錄》又載：懷德爲侍郎時，聞其妾及義女數人於一室，累杖之。一夕，自縊死者三。爲偵事者所發，收同閉諸婦下錦衣衛鞠之，言懷德初任河南按察使時，數與諸王通饋遺，諸婦時時竊議其非。懷德恐語泄，拘閉之。三人者怨忿，故縊死。於是，六科十二道交劾之，獄具，當爲民。英宗怒，命充威遠衛軍夫。一懷德也，始何錚錚，終何沒沒也。

黃振 金敬

鄭顥 顥字仕昂，錢塘人。宣德四年鄉薦，教諭樂安。有拒賊功，用楊文貞薦，擢御史，按部京畿，聲譽欽起。迨按福建諸郡，風紀尤振。歷左僉都御史，著績滇中。天順改元，調本省按察副使，銳意有爲，按部建寧，卒。

右宣德中任。

趙奎 奎，按歷諸郡，刑政詳明，吏民畏服。嘗提督官兵，擒獲強盜五百餘人。

周銓 郝敬

計澄 澄字本清，浮梁人。永樂二十二年進士，歷永康、商河二縣。用薦爲監察御史，巡按福建，復巡浙江、山東等處。剛方有爲，所至著聲績。終湖廣按察使。

軒輓 輓字惟行，鹿邑人。永樂二十二年進士。正統中巡按福建，摘發如神，所至山岳動搖，豪猾屏息。陞浙江按察使，居九年。著一青布袍，蔬食糲飯，或日啖燒餅一枚，以清德聞天下。

丁俊 俊字秉存，豐城人。宣德二年進士，巡按福建。食惟豆腐，人稱豆腐御史。以剛直忤權貴，謫嚴州、河南二府推官。

姚璧 巡按時，奏福建濱海衛所倉廩舊隸武職，恃其豪橫，欺弊多端，乞改隸州縣有司，仍於各府縣置通判縣丞一員提收支支。朝廷從其議，至今行之。

柳華 華，吳人。宣德五年進士。以御史奉旨捕閩中礦賊。多方立法，稍有成績。及來巡按，編鄉民保甲之法，復令都總甲家置兵器自衛。鄧茂七頗驍勇，爲衆所推，遂以都總甲鼓衆倡亂，攻破茶巖幾二十縣。都指揮僉事鄧安奏正其罪。時華憲山東，已死矣。都察院奏聞，朝廷命官籍其家。或曰，華死出自鴆。

柴文顯文顯，建德人。正統十年進士，巡按福建御史。鄧茂七既誅，福建二司奏文顯當賊勢微時，匿以不奏，養成今患。遂下獄，論失機罪，籍其家，磔之。時中官王振用事，肆虐縉紳，文顯之誅，蓋振取中旨殺之。

張驥驥字仲德，安化人。繇鄉薦授御史。正統辛酉，命廷臣四出錄獄，驥得福建，大出冤誣。以薦署大理寺事官，終大理少卿。爲人剛方廉慎。

汪澄澄巡按時，值鄧茂七倡亂，移文江浙方面進兵會剿。既以賊方議降，止其勿進。越數日，偵知賊無降意，乃馳總師浙江。御史黃英以聞，兵部劾澄止軍縱賊，與文顯並下獄論死。丁瑄沙尤盜起，瑄奉命同都督劉聚、都御史張楷撫捕賊寇，頗有成績。會沙縣民羅汝先誘致茂七來攻延平，瑄督官軍擊破之，指揮劉福追斬茂七。瑄將上功狀，而張楷自建寧馳至，以誘賊擄爲己有。奏聞，朝廷降勅詰責。瑄以實報，得宥罪。

右正統中任。

丁澄

陳員輅員輅，臨海人。宣德五年進士。巡按閩中，活沙寇脇從者數萬。陞廣東參政。未幾，擢福建右布政使，遇寇賊發，輒往捕。卒於官。子選爲時名臣。

許仕達仕達字廷佐，歙人。正統十年進士。巡按福建，值兵荒之餘，欲裁省郡縣冗費，以紓民力，乃置籍識印，分給縣里，凡供應多寡，皆令里長自錄於籍，所至郡縣，輒取籍勾稽。自是，科徵斂戢。居一年，與巡撫大臣可否事，交章爭辯。有旨命仕達還朝，耆老詣闕乞留，因命復巡按一年。仕達按閩，風采大振。後陞本省參政，聲望稍減。

邢宥宥字克寬，文昌人。正統十三年進士，授監察御史。廉介不少假借。景泰初，治宦官王振黨

獄，督通州糧實宣府，甚有能聲。出按福建，力排督臣薛希璉延平、鎮東二衛互易之議，緩犯禁人海數十人疑獄，奏留八郡赴部匠役，築永安等四城。後按遼東，風裁振一時。天順庚辰遷知台州。居四年，兩以按歷舊事就逮，台民數千詣闕奏留。調晉江丞，踰月擢知蘇州。終左僉都御史。

倪敬 敬字汝敬，無錫人。正統十三年進士。景泰壬申，勅御史公正者十人協同總戎覈占數兵伍，敬首預焉。事竣按閩。有言閩地銀坑，計其寶貨，足潤國用。下戶部議，敬按節未行，即疏引唐德宗故事，且言：「閩地殘於寇盜，其僅完者，疲敝供億，不宜重困之。」事遂寢。鎮守中官戴細保畜蒼頭挾勢圍民財，藩臬諸公莫奈禦，敬再上章，卒召戴還，且命治其疏橫者。閩民相慶，形諸謠歌。景泰末，言事忤旨，出爲宜山典史。天順初量移祥符知縣。從安遠侯柳溥徵西戎，改右軍都督府都事。

練綱 綱字從道，長洲人。宣德乙卯鄉薦。英廟北狩，景帝即位，上中興要務八事，即日授監察御史。其後屢上疏，院中語曰：「歐寧手，練綱口。」奉巡按福建，時官臺山民聚爲盜，渠魁未獲，而脇從逮繫。綱至，趣師進剿，出逮繫衆。激揚過峻，人咸忌之。按察使楊珏素與綱有卻，因相訐奏，遂皆左遷。綱得甘州前衛經歷。無復仕進意，構思庵，塑范文正、文忠烈二賢像祀之，曰：「使吾遇時，當學范公，否則爲文公死耳。今皆不可得，是以敬而奉之。」嘗誦解學士縉「寧爲有瑕玉，莫作無瑕石」之語，（二）喟然曰：「士當如此矣！」

康麟 麟字文瑞，順德人。景泰五年進士。按閩中，發摘如神。出爲僉事，剛直見忤，人皆惜之。

右景泰中任。

盛顯 顯字時望，無錫人。景泰二年進士。巡按福建，適當大比，拔賢振滯，號稱得人。復人爲御

史。天順初，廷劾武安侯石亨，英宗怒，召人面詰，與張鵬同時謫爲束鹿知縣。擢守邵武，廉勤敏達，專以除奸弊、崇教化爲務。郡中惡少，久爲朋比，傾害良善，願廉其尤者尸諸市，繇是軍民帖服，盜賊屏息。先是，郡中徭役多從里書推舉，驛傳亦隨本驛料派，糧戶支應。願通舉一縣丁田數，定爲十甲，以一年丁糧應一年徭役，週而復始。驛傳則因糧起科，收貯於官，有事計費給直，待歲終會計之，緣是無得爲奸者。復禮延旁郡名儒以教諸生，建光澤縣學，復邵武學地，置射圃，造濟川、杭川二橋，懋績甚多。改知延平。撤新郡學，節縮浮費，市民地構號舍，以棲學士。巡按御史錄願兩郡政績，請旌於朝，進一階，官至副都御史。

夏垣 垣字宗成，天台人。景泰二年進士，起家御史。出按廣西，除奸貪，息盜賊，通錢幣。尋按福建，治如其按廣西。嘗奉命考察方面大臣，黜陟公正，爲人剛直介潔，未嘗詘意于人，而人亦不敢干之。歷副都御史。

莊歛 歛字尚源，歙人。景泰二年進士，授河南道御史。風裁振肅，考察賢否，多符輿論。歷按浙江、廣東、福建三藩。奏罷征輸，禁銀礦，省冗費。累河南右布政使。

唐彬 彬字質夫，山陰人。景泰五年進士，授御史。與同列抗疏論石亨、曹吉祥，得外謫。亨敗，復官。歷按福建，風望凜然。累官本省按察使，貴州右布政。卒，家無餘貲，惟書數十篋而已。

劉鈺 鈺字仗和，安福人。父球，仕學士，謚忠愍，爲名臣。鈺景泰五年進士，改庶吉士，擢御史，出按閩中。時多務擊搏以時聲威，鈺獨慎憲度，理冤獄，察吏治，巡歷所至，求利病而興除之。都指揮僉事錢輅與其長劉姓者有郤，劉密白鎮守中官，誣以罪，乘夜以兵圍其第。輅覺，而中官遽以輅反聞。廷議遣

官會紆覈其事。紆奏解得釋，輅曰：「微劉御史，吾族矣。」汀州豪欲奪鄰墳以葬其親，不與，則訴於朝，言其地當產天子。英宗遣中貴人會紆驗之。紆曰：「七閩遐僻，寧有帝王地耶？」置豪理。陞山西按察副使。

滕昭見鎮守。

伍驥 驥字體馴，一字德良，安福人。景泰五年進士。天順六年按閩，時上杭賊起，驥入境馳入汀察賊狀，調兵策應，單車往諭。賊出不意，駭甚，及聞驥諭，感泣至誠，旬日間脅從來歸者千七百餘，惟賊首李宗政等負險不服。命都指揮丁泉領奇兵出賊後焚其寨。泉乘勝深入奮戰，被害。驥吊死恤傷，激揚義氣，與賊戰十餘合，破犂壁等一十八寨，擒斬八百餘人，賊平。奏設上杭千戶所，置軍千餘爲守禦。未幾，卒。民傷痛出私財肖像城樓祀之。成化十年，上杭令蕭宏上事於朝，乞載祀典，有司春秋致祭。下禮部覆奏，賜祠額曰褒忠。驥莊重寡言，果決敢任，居風憲持大體，見同類掇拾大臣以沽名者，恒心非之。

魏瀚 瀚，餘姚人。景泰五年進士。初授御史，巡按雲南，復歷福建。才名藉甚，旋按遼東。中忌者左遷知州。陞知府。所至爲民興利。終江西右布政使。

右天順中任。

朱賢 賢字從善，六安州人。天順四年進士，擢御史按閩。操履端方，號令簡要，凡有罷黜，不避權勢，幽枉畢達。

任璽，焦顯

涂棐 棐字伯輔，豐城人。天順四年進士，巡按廣東漕河，法繩貴近。復按閩中，奏宋儒胡安國、蔡沉、真德秀從祀廟庭，未有封爵。詔可之，各封伯。陞廣東副使。風采凜然，海外冠裳爲之一新。

左鈺 鈺字廷珍，阜城人。景泰中鄉薦。成化中選授監察御史，督理兩淮，豪強斂跡。旋按福建。風紀丕振，閩人頌爲真御史。終右僉都御史。

吳璘

洪性 性字萬善，攸縣人。天順八年進士。按閩中，理戎興士，民懷之。

李釗 鄭昱 葉稠 戴用 閩佐

徐鏞 鏞字用和，興國人。成化五年進士。巡按福建，譽望大著，臧否無私。後官至都御史。

張稷 稷字世用，高郵州人。成化八年進士。富經術，有器識。以御史按本省，鋤惡植善，聽獄明決，審錄重刑，多所平反。閩帥有不職者，奏黜之。尤重學校，敦風化。憲節所至，訪求先賢遺蹟，存問其子若孫。暇則登覽山川，懷古感今，時見吟咏。

汪奎 奎字文燦，婺源人。成化二年進士，除秀水令。授御史，出按福建。應變陳言十事，切中時弊。用事者惡之，出爲夔州府通判。後累擢廣西布政使，用劉忠宣薦，巡撫貴州，討平苗賊。

劉信 信字朋節，南溪人。成化十一年進士。執法不徇，獎善疾惡。時各驛遞輕重不均，信與知府唐珣處置得宜。

董復 呂炯

右成化中任。

劉纓 纓字與清，新淦人。成化十四年進士。知武陵、滕二縣，以辦治稱，入爲御史，出按福建。沙縣民陳富謀妻侄劉釗產，爲匿名書誣釗父，并及釗所親，獄已成。纓密訊諸里人，則釗父實以負債自刎，

論富如法。莆田民有隨母出嫁而刲股療其繼父者，有司以孝聞，纓曰：「虧父體以濟父讐，孝如是乎？」琉球人貢，挾賈貨與閩人通，輒構隙。下令禁之。仕終南刑部尚書。

### 向榮

吳一貫 一貫字道夫，海陽人。成化十七年進士。以上高令擢御史，巡按閩中。黜貪墨，均徭役，平漳寇。海濱漁戶，故有折色本色，歲額一定，間有死絕逃亡，官輒敷派同甲，責令分償。一貫因災陳言，通徵折色。又乞令通省十年一次攢造漁課冊，如庶民黃冊例，死絕逃亡無徵者得以開除。新造漏船之未及報與舊有漏報者，皆得舉收而補之。國課民力通融無虧。蔡文莊爲作《吳御史利民一事記》。後累陞大理少卿。以忤劉瑾，謫高明州同知。累遷江西按察使，有平賊功。

陸完 長洲人。任御史頗有擊賊功，歷官吏部尚書。坐交通寧庶人，謫戍泉州。

曾祿

朱文 文字天昭，崑山人。成化二十年進士。巡按兩廣，復按閩中。風裁整肅，魏都御史富、林副使俊，咸重之。時公私彈屈，會鎮守中官陳道物故，貨貨鉅萬，文請籍其數以佐公帑之乏。詔雖不從，時論隲之。有吳甲治海舟，商乙以市外番，咸坐死。文曰：「甲造舟而未嘗番市，乙番市而舟非所製。」得減死。其他冤獄平反尤多。改雲南，致仕。

張敏 敏字志學，祁門人。成化十七年進士。自桐栢令擢御史，時稱爲張鐵面。出按閩，風裁振肅。陞四川參議，致仕歸。

胡華 華字惟峻，武進人。嚴以馭吏，惠以恤民。歲大侵，督所屬覈勘災傷，奏蠲其稅。瀕海衛所糧，有舟楫難通者，命收折價，一時便之。

陸偁 偁字君美，鄞人。弘治六年進士。巡按福建，銳於經略，陞本省按察副使，巡視海道。時海寇充斥，編戶焚蕩，偁演水戰火攻法，拒擊之。設畫樹防，什伍海艘程出入時往來。立賞格，嚴哨探，定保甲，邊徼肅然。汀漳民嘯聚爲盜，當路者屬以兵事。偁增築三堡，據險守要，謀賊半至，麾伏卒突之，張奇夾擣，俘馘無算。子鉅、銓，俱宦閩藩臬使。

陳玉 宗彝

李鉞 鉞字虔之，祥符人。弘治九年進士，授御史，巡視中城，權貴無假貸。出按福建，董試事，得人爲多。終兵部尚書。卒，贈太子太保，謚康簡。

饒塘

右弘治中任。

何天衢 天衢字道亨，道州人。弘治九年進士。自嘉興令擢御史。馬端肅文升時司宰衡，稍有弗可，天衢首劾之。出按福建，以法繩豪右。逆璫時被中，家居。瑾敗，起知河南，累陞河南巡撫都御史。有平寇功，進工部侍郎。卒官。

韓廉 廉，餘姚人。弘治九年進士。以御史按閩。坐忤逆瑾，謫萬安。尋逮繫詔獄。瑾誅，遷山東按察副使。

王注 賀泰

李如圭 如圭字國寶，澧州人。弘治十二年進士，授安福令，調建安。時華林盜賊充斥，陰設間，殲其渠魁，居民安堵。擢御史，巡按福建。貪酷吏皆望風解綬。歷官至戶部尚書。

張景陽 胡文靜

程昌 昌字時言，祁門人。正德三年授蘄水令，舉最，爲御史。與同官伏闕諫南巡。巡按福建，會南靖群醜猖獗，率兵討平之。詔書慰勞，陞級。繼巡廣東，有勦賊功。

周鶴

沈灼 灼，嘉定人。正德三年進士。閩人賦稅，輕重不偏，灼下令行八分法。按興化，進諸上曰：「莆文獻舊矣，而士趣日異，鄉先生如黃仁峰者，無亦視爲東家丘歟。」爲建立誠書院，聚生徒講習焉。

汪珊 珊字德聲，貴池人。正德六年進士。按閩得憲體，歷官南戶侍郎。

毛伯溫 伯溫字汝厲，吉水人。蔡文莊督學江右，伯溫以文字見知，登正德三年進士，授紹興推官，擢御史，出按閩中。左布政某用賄人爲大理卿，伯溫論劾不貸。郡縣徵民賦率廣額外羨日，舟車耗息，幾將正算。籌校釐革，必復故常。歷按河南、湖廣，皆有聲。其後以兵部尚書兼右都御史徵安南，降之，加太子太保。坐邊警，罷爲民。隆慶初復官。伯溫宏博明朗，臨大事斷處不疑，入仕三十餘年，始爲名御史，老爲名卿，而安南之師，其功尤偉。

右正德中任。

王以旂 以旂字仕招，江寧人。正德六年進士。明敏英毅，留心當世。擢御史巡按，獨著風裁。後歷兵部尚書，總督三邊陝西軍務。前後禦虜有功，營寨堅壯，西人賴之。卒，謚襄敏。

簡霄 新喻人。正德六年進士。以監察御史按閩。奏革泉州茶稅，綽有才名，而染指賄貨。歷兵部右侍郎，綜理操務。坐誠意伯劉瑜與魏國公徐鵬舉爭，坐同被劾，閑住。景仲光 劉廷璽

聶豹 豹字文蔚，永豐人。正德十二年進士。以華亭知縣擢御史巡按。至官，奏罷鎮守太監及中官之司市舶者，追論延平守賊濫，黜之，擒寇鄭新。行部所至，乘驄入境，奸民猾吏先得其主名，悉捕治之。建養心書院，刻王文成《傳習錄》、《二業合一論》以示學者。觀風校士，有生徒頭巾欹側，懲以榷楚，誦《小學》、《禮記》諸書面訓之。人謂真御史。權貴見忌，出爲寧波知府，改蘇州。丁艱，歸。起知平陽府。諭富民出金釋疑罪使自贖，得二萬餘，以修城池關隘。虜至平陽，不敢犯。世宗亦聞其名，忌者誣其於罰金有所乾沒，坐逮繫，落職。嘉靖庚戌，虜犯都城，世宗切責兵部及邊臣不任事，慨然有良將相之想。徐文貞公時爲禮部尚書，以豹名聞，遂召拜右僉都御史，巡撫順天。尋遷兵部右侍郎、兵部尚書。卒，贈少保，謚貞襄。

施山 虞守愚 蘇信 方涯 白賁

李元陽 元陽字仁甫，雲南太和人。嘉靖五年進士。從楊用修、何仲默游，有時名。出按閩，疏請於均徭之外，酌量輕省。詔下其議。

李鳳翔 鳳翔字伯端，成都人。嘉靖二年進士。條議先任李元陽所奏僉編上中二等，定撥均徭作銀力二差。戶部覆可，詔從之。

王英 徐宗魯

高崧 崧字仲龍，大理人。嘉靖十四年進士。初爲諸生時，嘗罹冤獄，及按閩，讞訊平反，釋諸註誤，爰書兩造，無有冤辭。有富室居還珠門左，暴橫害民，崧擒其父子，二本囊頭戍徒有差。時有「高風吹倒還珠門」之謠。監試閩場，供給生徒美饌，鮮溫無有敗餽。一時稱辦治。

何維栢 維栢字喬仲，南海人。嘉靖十四年進士。自庶吉士授御史，出按八閩。值歲大侵，福、興、泉、漳四郡爲甚，維栢發倉賑恤，多方存活，手條八政甚悉，惻隱應時施行，而明罰飭法以待軼德之吏，民困方蘇。會上書劾分宜相，有旨被逮。所過士民闌道雨泣，維栢拱謝曰：「此予慮定而後發，人臣之義，自當如是。」民間矢爲歌謠數十百章，有《誠徵錄》以傳。逮至，廷杖下獄，既免歸。隆慶改元，起爲大理少卿，終禮部尚書。閩中百餘年稱名御史，必高崙、維栢。崙以嚴，維栢以恩。

趙應祥

金城 城字邦衛，歷城人。嘉靖十七年進士。按閩，值佛郎機夷人人漳州，檄海道副使柯喬禦之，遂効浯嶼把總丁桐及去任副使姚翔鳳受夷人金，縱之人境，乞正其罪。同安覆鼎山賊猖獗，掠漳、泉諸縣城，與巡視浙福都御史朱統督官俘獲。因條上便宜四事：其一，白葉坂、雲嶺地方跨龍、安二縣百餘里，山林險阻，實爲盜藪。請卽其地創建二堡，并立官舍，歲令漳、泉二衛守之。而白葉坂尤險遠孤危，宜移源口渡巡檢司官兵與之協守。其二，覆鼎、白葉坂賊既殄滅，其中山田可籍人官，給軍耕種。其三，武平、永定等處乃守備俞大猷汛地，前者爲漳州所調，以致覆鼎賊起，倉卒失防，今宜行鄰省無輕調遣，俾守土官各盡其職。其四，地方遇警，因損軍令嚴輒不敢動調一軍，而募鄉兵拒敵，所養非所用。今宜通行領兵官，凡有警，俱依北邊例，動調官軍征勦，其鼓壯行間，雖殺傷軍士，仍上功幕府。若引避觀望，卽令軍無失，亦治其罪。下兵部覆議，報可。

楊九澤 陳宗夔 曾佩 趙孔昭 胡志夔 吉澄

樊獻科 獻科字文叔，縉雲人。嘉靖二十六年進士。以行人擢南臺，改巡京畿，又改閩。往使者行

部，有司具驕從，供帳甚都，守令越境送迎，動費不貲。獻科先戒罷之，單車行部，從書史數人而已。島夷寇瀕海諸郡，汀、邵赤子阻山爲潢池，大中丞與諸將擁兵錠城門。獻科慨然曰：「人臣奉璽書境外，苟利社稷，猶可專也。」山海寇方螫毒，在事者錠城自守，如元元何！」大中丞聞，投袂起視師，諸將始厲氣決戰，島夷就殲。獻科爲政，精敏發摘，專抑豪強兼并。所至，墨吏輒令對簿，沒贓褫職。如延、邵二守者，以當路肺腑，橫恣甚，每人謁，輒不爲禮，皆先後解綬。而王僉憲時槐、盧晉江佃二人，清疆吏也，以中忌者，南臺糾疏濫及之。獻科發憤執奏，二人皆得釋然。見嫌當事，以常序遷，僅用參知，罷歸。

徐仲楫 李廷龍 李邦珍 陳萬言 胡維新

右嘉靖中任。

王宗載 萬曆中任，巡撫江西，杖劉臺死之，謫戍。

蒙詔 蔣璣 杜化中

右隆慶中任。

劉良弼

係綜 綜，餘姚人。忠烈公燧之孫，與其昆鋌、弟鏞並有時譽。登隆慶二年進士，以風幹擢御史巡按。用法飭治，吏有望風解去者。歷太僕寺卿。

朱光宇

晏仕翹 仕翹字應望，清江人。嘉靖四十四年進士。以刑部郎改秩，出巡福建。會當監試，精心受事，對諸司曰：「校文，大典也，當得士以報朝廷。雖以死自累，亦所不辭。」後出爲紹興知府，左遷州判。

商爲正 爲正字尚德，會稽人。隆慶五年進士，選刑部主事，改御史，巡按山東。齊俗夸健，治主嚴辯。及按福建，乃弛解繩約，曠然爲簡易。行部所至，延問風俗，勞來農桑，小民日人訴事，無所圍阻。因參伍詢問，盡知閭閻便苦，吏賢奸狀，持以陰重，不妄發，發輒中窾。會與巡撫龐尚鵬協策，行一條鞭法，罷商稅，禁舖行，學宮橋梁，百廢具興。民有「龐父商母」之謠。福寧衛軍亂，縛指揮，懸旗閉門。變告，總兵某亟謁問計，爲正曰：「衛將暴衆，衆不勝患，犯上凌長，設至於斃，弗可赦已。衆知必死，而果於叛，嬰城四掠，窮且入海。今乘其初起，遣急卒持牒數指揮罪，而逮繫之，若就戮者。衆快忿泄，而怠於無辭，因開其告愬，必駢首赴訟。然後求首亂者誅之，事卽解矣。」總兵從其計，已果定。舟師戍海，獲倭百餘，械以獻，將騰疏告捷，爲正駭曰：「倭非木人，朝遇敵晡而擒之，格鬪移時，我卒無一創者，何也？」引至庭下問之，皆手擊地，具言本閩人商海，所給文引爲將卒所奪。一囚解行纜，則片紙名籍具焉，移檄驗之，果信，皆得釋。有工斧石於山，得古像室而奉之，遠近禮敬，衆滿千百。時白蓮禁方厲，他省有以捕妖見賞錄者，有司盡繫治以聞。爲正以妖言律坐一人而已，其餘數十人悉縱遣之。念緣海兵寡，而民間有戍籍者勾補，賁送展轉數千里，勞苦通逃，疏言：「遠方軍絕，應解補者請改戍近郡，備海上，以便私家，實符伍。」朝旨是之。爲緊令使滿，報命，父老持香爐羅道跪送千餘人。所解囚辯而呼：「吾小人，非值公，肉飼狗豕矣。」爲正歷二省，所疏議皆諧達大體，文詞宏練，執政嘆服。

敖鯤 鯤字化甫，新喻人。隆慶二年進士，授松江府推官。丁艱，補懷慶。召入爲御史，出按閩。時江陵柄國，鯤故其所取士，不爲激異，而自無所干涉。司理習孔教，運判蔡文範，故江陵所嫌，鯤輒登之薦，剡不少却。顧當己卯歲大比，士百凡惑慎，榜號得人。終南光祿卿。

安九域 吳之彥 沈涵 龔一清 楊四知 祥符人。丰稜甚盛，第以嚴酷爲愉快，非閩中所宜。

連格

鄧鍊 鍊，南城人。寬仁明簡，吏民安之。

馬象乾 喻文偉 張天德 陳子貞 劉芳譽 周維翰 徐兆魁 何熊祥 劉應龍 張應揚 何淳

之 方元彥

湯兆京 兆京，桐城人。萬曆壬辰進士。好善愛民，方人閩，按治不法，風裁凜然。

陸夢祖 徐鑒 李凌雲

右萬曆中任。

欽差刷卷及清理軍政監察御史 國初，監察御史，按察司官巡歷所至，皆許刷卷。後專命御史，五年一次，照刷清理軍政。宣德中差給事中、御史。正統五年，定差御史，三年一更。正德十三年，刷卷御史暫取消，令巡按帶管。嘉靖二十九年，定清理軍伍兼照刷文卷御史。又國初有督餉練御史。

### 欽差刷卷監察御史

邵宗 宗按閩時，錢糧刑名積案年久，俱遵祖宗成法照刷，案牘肅清，屬吏知戒。

右宣德中任。

張海 海爲刷卷御史。鄧茂七亂，巡按御史汪澄按延平，聞賊勢已熾，卽還會府。海至延平，被圍。

海撫諭之，賊且降。海以實聞，而澄忌之。適朝命御史丁瑄按賊事，澄則附瑄妄奏，以抑海。然澄竟坐擅止浙軍下獄。

右正統中任。

馬震

右天順中任。

方誌

右弘治中任。

毛伯溫見巡按

右正德中任。

欽差清理軍政監察御史

楊義

右永樂中任。

張宗璉以大理丞清軍附

宗璉字重器，吉水人。永樂二年進士，自翰林庶吉士修《永樂大典》，授刑部

主事。嘗奉命錄囚廣東，人稱長厚。仁宗皇帝臨御，簡朝臣賢者爲東宮官，擢左春坊左中允。宣宗嗣位，陞大理寺丞，清理福建軍政，時稱廉公。還，改常州府同知，專督農事。視民如子，民甚愛之。再奉部檄，與御史李立共事，清理常州軍政。立專得軍爲功，不念民枉，宗璉執簡與爭。立怒異己，盛氣詬詈，宗璉終不爲變。積忿不平，竟以忿卒。常民走哭，累日不絕。喪歸，服素送者數千人。

卅崇高

右宣德中任。

陳永一作詠

彭某

姚璧

侯爵

王珉見巡按

畢某

丁澄

右正統中任。

應灝 陶復

右景泰中任。

顧儼

顧瞻 瞻字德明，長洲人。正統元年進士，改庶吉士，授行人。擢監察御史，巡按福建，最有才名。陞本省副使，爲奸民誣奏，調知贛州。瞻饒治職，從容裁決，不動聲氣，事無難易，無弗辦者。

右天順中任。

邵智 白鳳 沃類 尹仁 易居仁 姜昂

張昂 昂，慈谿人。成化八年進士。初知鉛山縣，辟妖捕虎，數數與鬼神通。其後以劾威寧伯陳鉞、保國公朱永、太監汪立，坐爲內閣劉吉所忌，謫官。仕終四川副使。

右成化中任。

韓明 明字惟遠，餘姚人。成化十一年進士，爲清軍御史。先，府縣進冊者，貼解有紙價，誣誤者有罪，吏胥乘間，科擾萬端。明悉清其弊。

賈宗錫 郭維

王哲 哲，吳江人。弘治三年進士，授御史，清軍福建，兼理鹽法。時以同姓被誣爲戍卒者百餘家，淹禁累年，辯枉出之。軍籍隱漏，設法清理，歲以千計。所領法課最於他御史。出按廣東、江西，江西人謠曰：「江西有一哲，六月飛霜雪。天下有十哲，太平無休歇。」累南京都察院右僉都御史，再加巡撫江

西。忤宸濠，中毒歸。哲喜讀書，尤熟於史，嘗言：「說好話，行好事，做好人。」題其所居曰好齋。

莫立之 陶煦

右弘治中任。

羅善 高賓 汪正 王介 王應鵬 周震

程材 材字良用，歙人。弘治九年進士。初授汀州府推官，方嚴明察，一時獄訟不之守，而之推。守卿之。巡按御史胡華人守言，每含怒以待。有因事當流，胡欲置之死，材據法諍。胡怒曰：「我不知法耶？」材辯解不已。良久，胡忽自悟：「推官言是也。幾誤殺一人。」後有大獄，必召材議，巡郡必挾材往。舉爲八閩循吏冠。召授試御史，卽上疏劾大臣貪老者二人。長憲者謂試御史不得遽言事，不與實授。材亦不顧。及實授，奉命福建清軍。薦林俊、陳茂烈及海內諸公，皆爲當世名人。

右正德中任。

黎貫 貫字一卿，從化人。嘉靖二十六年進士，選庶吉士，授御史，奉命福建清伍閩絡。時鎮守內臣同藩司乾沒帑金以萬計，貫按劾令償。前此命使未有也。其後以論孔廟祀典，罷爲民。

徐州 楊瑞 蔣韶 沈一定

包節 節字元達，華亭人。嘉靖壬辰進士。以闖豎誣構，謫戍遼中。有《遼中集》。幽憂困苦，窮而反達，有餘悲焉。

沈寵 寵字思畏，宣城人。繇舉人清戎福建。治尚威嚴，鋤奸遏惡。終廣西參議。右嘉靖中任。

侯堯封

右萬曆中任。

欽差督理銀課御史

張鵬 鵬字騰霄，西安人。永樂中鄉薦。宣德六年以御史監寶豐場。場每歲四進課，鵬奏減其二，民大受賜。先是，奸猾民構造無情，赴京陳訴報復私怨者比比，吏不勝煩擾，請一切訴訟自下達上，越訴者發戍邊。自是，誣訟雖省，而奸猾彌肆。鵬奏：「伸冤理枉，按察之職。今閩中臬司每聽民訟，輒援越訴例，發遣戍邊，致民冤苦。」宣宗遂命訟得實者，毋究越訴罪，自是官有信度，民得法守。

右宣德中任。

馬傑 傑巡按福建。閩中銀課二萬八千二百五十兩，故侍郎焦宏所定。採取年遠，礦脉細微，額數難充。傑爲奏減。下戶部，定額一萬三千四百兩，民困少甦。

王珉 珉，錢塘人。永樂二十二年進士，擢御史按閩，奉勅巡視銀場。先是，御史馬傑爲銀場請減額，已行解矣，戶部復令追補焦宏舊定之額。珉復爲請命，雖朝命不從，坑冶之民德之。

右正統中任。

〔校記〕

〔一〕「從」下，各本原衍「一」字，據文義刪。

〔二〕「解學士」下，各本原衍「紳」字，據文義刪。

## 閩書卷之四十六

### 文蒞志

#### 皇朝

布政使司 左布政使，右布政使，左參政，右參政，左參議，右參議，經歷，都事，照磨，檢校各一員，俱幕職。洪武十三年罷照磨檢校。理問正，副各一員，俱屬官。提控案牘一員，理問幕官。廣積庫大使，司獄一員。司惟左右二布政守藩，參政而下悉有分鎮，沿革見福建省方域。萬曆二十年以來，藩臬堂上官無定員，多兼銜。

#### 左布政使

葉茂 茂，江寧人。爲儀鸞司使，事太祖二十餘年，精意小心。太祖御極之九年，始置天下承宣布政使司，皆妙擇廷臣充職。而茂首膺福建之任。敦本務實，治民事神，咸極誠敬。

鄭思先 思先學通經史，爲政寬猛適中，同民好惡。洪武十年降主事。

姚肇 肇，富陽人。洪武中舉孝廉，試太常丞，改職方主事。以勤慎稱，陞雲南右參政。論楮幣，塞鹽井，皆切時弊。陞本省布政使。

吳昭 昭，孟縣人。穎悟通博，初授中書省郎中，陞福建左布政使。興利除害，民翕然便之。會大變求直言，中外寂無應者，昭條陳國事，切中時宜，詔書褒美。

薛大昉別見。張機

右洪武中任。

張拱辰

麻冕 冕，全椒人。繇國子生授刑部主事，累本省左布政使。雖寬和寡斷，而知民疾苦。

右永樂中任。

侯軌 方正正統十年，吏部言：正誘取福州已故指揮單剛妻馬氏爲妾，又與按察使謝莊俱在福州右衛百戶陳亮家挾妓飲酒，下

法司逮治，黜爲民。

右宣德中任。

宋璋 黃興一作興。黃懋

周頤 頤字養浩，會稽人。永樂初徙巨室丁壯實京師，頤以兄當行，而母老，遂慨然上疏請行，許之。已，入太學，拜監察御史，歷官有聲。英廟改元，遷本省左布政使。至則建侯官、懷安二縣學，開江山、浦城道，至今稱便。

徐璟 宋彰彰，交趾人。爲本省參政，與中官多親舊，其醜王振至以鉅萬，遂得陞左布政。計營所費，驗戶斂之。於是，鄧茂七因民怨譟乘勢而起，不兩月天下震動，群盜開風，若火燎原，實彰首禍。詔繫獄，論死。遇赦獲免。

陳員輅見巡按。李文定

右正統中任。

姚龍

張琛 琛，東平州人。正統中舉人，爲衡州同知。父卒，廬墓不覩家室。服闋，擢吏部文選郎中。銓選公明，爲時所稱。任至本省左布政使。

右景泰中任。

秦敬 敬字克恭，涿人。正統三年進士，授刑部主事，歷本省左布政使。爲人雖粗豪自矜，而清白精敏，通曉法比，待士厚，御史嚴，出納錙銖不苟，下人不敢爲私。擢右副都御史，巡撫貴州。以病乞歸。

右天順中任。

張斌 斌字質中，祥符人。宣德己酉舉人，歷監察御史。整理密雲邊務，累立戰功。英宗念其久勞於外，召還朝，尋擢本省左參政。成化初，以各省方面多缺，令九卿各舉所知，會同銓部內閣酌用。於是，李文達賢薦斌，擢本省右布政使，旋補左。乞骸骨歸。斌宅心仁恕，行政寬簡，數歷中外，綽有時名。

劉敷 敷字叔榮，永新人。景泰二年進士，授監察御史，歷湖廣按察使，改福建。盜起海濱，與憲副何喬新搗巢擒之。遷左布政使。會人覲，值彗星見，疏奏十二條皆切時事。敷坦夷闊達，不詭不激，事至刃解，雖在倉卒，酬應綽裕。終副都御史。

路璧 璧，安福人。正統七年進士。繇給事中歷雲南右布政，陞任。先是，閩中貢獻供億，均取於八郡，不計郡大小。璧視民數爲等差，而均其役於郡。稅舊各輸於近海旁郡，民憚海運之艱，多鬻產往羅之列官，穀價騰踊。璧第令各輸於其郡。又閩中歲徵稅價輸京師，吏胥因緣，悉以私意上下，當道莫之省。璧悉釐革之。以病引去。

李田 田，嘉魚人。景泰五年進士。總轄閩藩，紀綱振肅，以才敏稱，陞都察院右副都御史，巡撫順

天。中官汪直用事，怒出不私謁，遂歸。子承勛，爲時名臣。

李嗣 嗣字克承，南海人。景泰五年進士，授南戶部主事。成化中累陞福建右布政。漳州有狂生善幻術，醉後能使人役草木。邑吏上變，藩臬議舉兵，嗣曰：「激其反矣。」單車往生家，縛以歸。尋轉左。終戶部右侍郎。卒，以清介聞。

溫琮 琮，華陽人。歷官本省按察使，轉右布政使，尋轉左。卒官，無以爲斂，御史劉信以公帑贈賻，歸其喪。

章格 格字韶鳳，常熟人。景泰二年進士。以雲南按察使陞本省布政使。節財用，公出納，恤民愛士，擒上杭盜魁，減漳泉賦役之繁重者。轉南大理卿。格清謹坦夷，望之知爲仁人君子也。

右成化中任。

戴珊 珊字廷珍，浮梁人。天順八年進士。以浙江按察使遷本省右布政使，復轉左。勤教養，通財賦，情法兩當，論治體者必歸之。自奉儉約，無他嗜好，退食惟焚香讀書，終任不持閩中一物。仕終左都御史。被孝宗知眷，爲弘治中名臣。卒，贈太子太保，謚恭簡。

陳賓

蔣雲漢 雲漢字天章，巴人。天順元年進士，授戶部主事。陞興化知府，擢貴州左參政，改廣東，遷福建右布政，尋轉左。上疏乞歸。雲漢在興化，政尚寬簡，獨馭吏如束薪。其總閩藩，妻病革，移外寢，盜盜其金，及捕獲，皆廣東與隸之資，名識具存。人以此信其廉。比致仕，同官者贖之。辭。又使人出境強之，曰：「若可受，何必踰境也。」莆田陳郎中某謂：「蔣公清節，宜加寵異，以示勸懲。」言雖未行，識者隴

之。

洪鍾 鍾字宣之，錢塘人。成化十一年進士，授刑部主事。諳習憲典，大司寇林聰器重之。轉郎中。江西、福建流賊甫定，鍾承命審處，歸言：「福建之武平、上杭、清流、永定，江西之安遠、龍南、廣東之程鄉，皆流移混雜，武力相尚，是以易鬪而生亂。宜令有司多立社學，訓誨弟子，銷其兵器，易以詩書。」歷江西右布政使，著績兩省。歷陞左都御史，加太子少保，賜玉帶，特命出總川、陝、湖、河四省軍務。平沔陽、洞庭之寇，破藍五、鄆老之亂，定土官楊友、楊愛之變。朝廷降七勅獎勵，賜白金、麒麟服，進太子太保。卒，贈少保，謚襄惠。

李琮 琮字義方，景寧人。以山西按察使擢本省按察使。爲人恬簡無疾遽，而當官有斷，廉冤辯抑。其總閩藩，值歲飢，極力拯救。資序四十餘年，僅至牧伯。物論歎其滯才。

#### 葉仲賢

陶琰 琰字廷信，絳州人。舉成化辛卯省試第一，登辛丑進士，授刑部主事，累本省按察使。後由浙江右布政使陞本省左布政。正德元年調山東，陞都察院右副都御史，巡撫河南。以擊逆瑾黨徐謙，坐下詔獄。瑾誅，復起，累南京兵部尚書，加太子太保。琰自登第以及膺仕，埋繁劇，禦寇盜，屢試盤錯，而守官轟然。才足濟行，自奉清刻，飯惟一蔬。朝鄉交譽爲世名臣。卒，謚恭介。

#### 常麟 陳良器

右弘治中任。

蘇葵 葵字伯誠，順德人。成化二十三年進士，選庶吉士，授編修。弘治丙辰，當次同考會試，柄臣

屬其私人，遂謝試事，出爲江西僉事，督學。鎮守內臣董讓作威福害縉紳，誣奏葵，遣法司盛洪等問治之。洪閉門欲刑葵，諸生數百排闥入，擁葵去。事得白。改四川，裝不能就，其兄從建寧資之，乃行。後歷本省參政、左布政使卒。

### 馬懋

王績 績字文哲，東莞人。爲人敦重寡言笑。弘治六年進士，選庶吉士，授兵科給事中。正德初爲雲南參政。劉瑾擅權，牽咎罰米五百石，俸不足，鬻產以償。瑾誅，起爲右布政使。俄轉福建布政使，進副都御史，巡撫應天。

陳珂 珂字希白，嵎人。弘治三年進士。自刑部郎出守河間，有神明稱。擢福建參政，遷按察使。時內使陶錦怙勢張皇，珂正直無諱，陶亦自戢。逆瑾用事，遣御史捕鹽徒盜賊，株連泛濫。珂屢與抗。陞右布政使。武平大帽山鯨賊猖獗，珂便宜發帑中錢，具糗糧芻茭給官軍，賊就駢戮。轉左布政使。設賑貸法，定縣役之條，寬舶商椒票之徵，建通濟橋七十餘，民咸利之。陞都察院右副都御史，巡撫河南。入爲大理卿。珂敷歷中外三十年，章疏無慮數十餘，大約皆經世大猷，發先賢遺意。時未及用，識者韙之。

### 胡韶

伍符 符字朝信，安福人。成化癸卯舉春秋第一，丁未成進士，選人翰林，改郎刑部。冢宰寧波屠瀟銓爲其本郡守。人覲，爲海內守最。歷福建左布政使。人覲，銓部復考爲天下方面官最。累遷副都御史，巡撫應天。符外嚴重，而中平厚，未嘗輕假人辭色。在閩時，嘗以裁省月糧，致閩卒脫巾之變，然亦尋定。

席書 書字文同，遂寧人。弘治三年進士。知剡城，有聲。歷戶工二部主事。時雲南晝晦五日，南京刑部左侍郎樊榮巡視雲貴，奏黜貴州官三百餘員以應災變。書上疏極論，孝宗欣覽，帖置座右。擢河南僉事，累轉本省左布政使。宸濠反，王守仁傳檄諸省，獨書與按察使周期雍即日赴援。宸濠敗，道歸。嘉靖改元，陞右副都御史，巡撫湖廣。大禮議起，人持異見，書私擬疏草，與張孚敬指合。桂萼助孚敬，倡言時正寡助，錄上書草，召爲禮部尚書。累加武英殿大學士。卒，贈太傅，謚文襄。

右正德中任。

夏從壽 從壽字如山，江陰人。弘治六年進士，授工部主事，歷戶部郎中。爲劉瑾所構，落職。瑾誅，復官，累遷福建布政使。嘉靖改元，轉左。海舶踰制，巡海者欲没人之，從壽曰：「海鄉以舡爲業，奪之是驅爲盜爾。」已失舡者果皆人海暴亂，從壽榜招之，乃首服。時詔赦民田租之半，計閩中當缺軍餉數月。從壽請留歲解銀拾萬以充，懇疏至再，乃得請。時有沙姓者爲廉憲，閩人謠曰：「地暑偏宜夏布，風寒共怨沙廉。」臺諫遂據爲舉劾焉。累加都察院右副都御史，撫治鄖陽，致仕。

陳錫 錫字佑卿，南海人。弘治十八年進士，授戶部主事。嘗司廐牧，時逆瑾用事，群璫布列，雖東芻出納，亦混主計，錫法繩之。累福建參政，歷左布政使。綏定叛軍，鈎稽乾沒，樹立風紀，綽有令聞。擢應天府尹。

陳祥 祥字應和，高安人。弘治十五年進士。自縣令召爲御史，以直見忌，出知惠州。累福建右參政，未半載，遷左布政使。冰蘖自持，絲毫無染。終右副都御史。

查約 約字原博，海寧人。弘治十五年進士。以南刑部郎出爲福建僉事。恭勤畏慎，所至問民疾

苦，旌義烈，辯冤獄，馴妬悍，治有異等。屬郡旱，疫癘大行，躬勤禳禱，給藥療之，清汛狴犴，開釋無辜，天大雨，疫亦良已。延平、邵武暨福州軍相繼煽亂，約以單車申諭，衆咸戢服。擢山東副使，以憂去。補江西，進福建參政。治學舍，廩孤貧，惠養士民。徙左布政使。歲海饑，下令諸司椽，上納者悉出穀分貯諸倉備賑。建議躋馬端肅、劉忠宣於祀典，以訓官常，合羅文節、章文懿祀之專祠，以勵士節。會有旨命尹應天，繼命撫山東，報皆未至。侯官人林汝美以殺妻論死獄中。車小二，郡劇盜也，與汝美同繫。侯官令黎文會甘酒廢事，二囚私賂守獄卒，解免之，遂得藏兵瓜中，以囊餽誣人。嘉靖九年正月晦前一日，二囚率衆破狴犴，出殺令。又破府中獄，出之，相與趨南門將入海。約自以故有施閩中，且前三郡兵亂悉其單身諭降，銳身前化誨之。言未脫口，刃已陷胸，遂與參議楊瑀、都指揮王翺、按察司經歷周煥同時遇害。經歷之僕以身翼經歷，輒亦遇害。賊遂由井樓門斬關直趨連江，航海遁去。官軍追之，竟無所獲。閩人皆痛約草草死，慟哭甚哀，立祠祀之。

宋冕 冕字孔瞻，餘姚人。弘治十五年進士，授刑部主事。逆瑾竊柄，以謝文正遷故，欲盡傾姚人之仕於京者。會有一軍士犯法，瑾欲罹以重罪，冕出之，瑾怒，降冕金谿知縣。歷陞福建左參政。興化有朱姓者，倚兄勢橫行，累被奏訴，多賄寢免。冕執論如律。永春等處流賊猖獗，劫去捕盜通判，分巡不能禦，坐失機。鎮巡謂滅賊非冕不可，越按境借冕行。冕選精騎百人，跳而誘之出險，擒其長渠數人。賊懼，請易以所執通判。冕知賊必遁，料地按伏，擒其首從數千，惟百餘人逸海上。盡推功於失機分巡，使贖罪。嘉靖改元，陞河南右轄，尋陞浙江左轄。查約遇害，當道擇人繼之，仍補冕。冕受事底定，安集臺司久不決者，多屬平允。陞右副都御史，提督撫治鄖陽。

張峨

屠僑 僑字安卿，鄞人。正德六年進士。嘉靖初以監察御史出知保定，尋調延平府。僑在延平，飭厲吏治，事上不阿亢，精明嚴毅，人莫敢干。累福建左布政使。入覲，不一持土物，八閩計吏戰戰奉範。遷光祿，累都察院左都御史。僑正己率下，風采凝峻，而潔情恕物，有容受之量。

范輅 輅字以載，桂陽人。正德六年進士，授行人，拜監察御史，清戎江西。疏論寧庶人奸狀，坐誣繫獄，謫四川宣撫司經歷。擢福建僉事，備兵漳南。累陞福建按察使，丁艱未赴。後歷遷福建布政使，卒官。輅和厚精確，遇事勇不可奪，臺諫風烈，藩臬績樹，卓然時冠。

陸鈞 鈞字容之。父偶，見巡按。鈞登正德九年進士，授南京車駕主事。武宗駕幸留都，尚書喬宇參贊機務，凡事引鈞共籌。陞職方員外郎。隨駕旗牌官輩例分守城門，怙勢騷擾。鈞日爲點視錯綜，中官有不服者，正色折之。累轉福建左布政使。以飛詭新增田補浮糧額賦，僉解戶革貼解費。復十年，出辦料額之法。述職京師，冢宰許進以地方弊政詢諸方岳，鈞條陳數事，曰鹽法，曰積弊，曰寺田，曰盜賊。許亟采上聞，著爲令甲。陞都察院左副都御史，巡撫保定。鈞偉姿山立，氣度豁如，不爲深刻崖岸，而確然有不可搖奪者。敷歷中外，所至有聲。宦成之後，田廬故業不長尺寸。

周忠

陳卿 卿，宜賓人。弘治乙丑進士。有才名，以廣西左布政使調福建右布政使，仍補左。累都察院右副都御史，巡撫甘肅。以軍功陞兵部右侍郎，兼僉都御史。

馮時雍

車純 純字秉文，上虞人。正德十二年進士，歷福建右布政使。未幾，轉左。蒞閩三載，操執潔清，民有「車布不車金」之謠。陞右副都御史，巡撫湖廣。純莊凝夷曠，爲政持大體，衷典憲，每言事率稱引天下長者。

章僑

婁志德 志德字存仁，項城人。正德十二年進士。初知趙州，陞戶部郎，出守杭州，轉福建鹽運使，以廉謹著稱。先是商人引領下場支鹽，船無定式，引無定數，夾帶餘鹽，數難稽覈。志德議溪船長闊限以定式，約裝子母鹽五百餘引，海船三之，革去打包，置鐵索四條以爲掣摯。又建議設黃崎鎮分司東路，官鹽始通。累福建布政使，終副都御史。

姜儀 儀字君肅，南昌人。正德九年進士。以廣西按察使陞福建左、右布政使。海寇大掠，儀奮身整旅，嚴賞罰，賞士卒殲其渠魁，遂底平之。居官自常俸外，雖紙米凌雜一一登記。歲近一週，積羨餘以數萬。建寧諸路大歉，出庫金粟粟及所積羨援拯之。陞都察院右副都御史，巡撫湖廣。以疾乞休。

蕭晚 晚，吉水人。正德十六年進士。以刑部郎持法出爲瓊州守，定黎佛二之變。遷廣西按察副使，定綠里賊，撫盧蘇與沈希儀，擒岑濬子金。轉廣東參政、按察使、福建右布政使，尋轉左。議加賦，決疑獄，爲人恂謹篤茂，而當官行法，不尺寸徇人。

屠大山 大山字國望，鄞人。嘉靖二年進士。前方伯僑之侄。自山東右轄轉左轄閩中，其後以南兵部右侍郎巡撫南畿。坐不能創倭，下獄，黜爲民。隆慶初復官。大山沈毅健決，外峭內祥，精法比，平不妄人，堅不輕徇。

王積

岑萬 萬字體仁，順德人。嘉靖五年進士，授戶部主事，歷福建左布政使。遇萬壽節，御史曾佩拜於上，萬引却之，曰：「拜下之禮，按臣何獨不然？」御史啣之，論謫廣西參政。遷河南右布政，致仕。卒，祀蜀名宦。

劉采 采字汝質，麻城人。嘉靖八年進士。起家知宿州，累遷左布政使。蒞任期年，疏乞致仕，會家宰知采，與九卿力言於時相，擢巡撫山東右副都御史、南兵部尚書。采自爲州時，種蔬官署，與妻孥共饘粥，不發私書，不寄耳目，左右歷仕，外服未嘗致要津一帛一金。皆秩部院，凡有章奏，口占立就，剴切正直，朝廷多所稱允。卒，謚端簡。

姜恩 恩，廣安州人。嘉靖二年進士，歷福建運使。省城官鹽不通，私販盛行，至乘機爲盜。恩議開南港，報商行鹽，化販徒爲水客，反私鹽爲官鹽。累本省左布政使。

楊應奇

趙維垣 維垣，永寧人。嘉靖十年進士，少有才名。

王國楨

曾于拱 于拱字思極，泰和人。嘉靖二十年進士。受業歐陽文莊德，文莊一見喜曰：「吾益友也。」以學術爲事功，他日必有補益。」累福建左布政使。時當倭訐，諸道兵雲集，餉稍弗給，輒脫巾譁。于拱百計取盈，假刺俸，括羨緩，上各宿飽。倭平，以疾乞休。後擢太僕寺卿，終副都御史。

王遵

陳大賓 大賓，江陵人。嘉靖甲辰進士。自上虞令爲南御史，歷本省左布政使，官終工部侍郎。大賓豁達清介，直節自負，講於學問，能談時事，若魏尚、班超可並與而游。

右嘉靖中任。

劉光濟 陳典

朱綱 綱字振甫，曹縣人。嘉靖二十六年進士，授晉江知縣。廉慎仁恕，櫛垢爬痒，人覲不持一物。擢監察御史，累本省左布政使。

右隆慶中任。

萬思謙 思謙字益父，南昌人。由進士授嘉定令。矢身禦倭，捐俸築城。淹滯郎署，轉光祿丞。以長揖冢宰外補，官至閩左轄。盈縮中糴，出納惟允，庭無私謁，帑有餘羨。陞太常卿。致書張江陵相，勸復言官，切直相忤，致政。思謙雅負才智經術，而篤志學問，因應成務，根本性情。

劉侃 沈人种 張天馭

舒應龍 應龍字時見，全州人。嘉靖四十年進士，累福建布政使。精敏廉介，帑藏嚴密，諸郡縣所上餉，往往解役與吏通，陽入而陰出之，或洗補文書，令無所稽覈。應龍見，輒發其奸。終其官，吏不敢提調秋試，綜理詳盡，宿弊悉釐。官終工部尚書。

劉漢儒

陶大順 大順字景熙。嘉靖四十四年進士。初郎工部，歷陞福建按察使，轉右布政。閩藩司庫藏弗飭，大順語左使治之，不聽。已果大亡庫銀，悉逮官吏邏卒五十人於獄，令各償亡，三日輒比，流丹浹墀。

大順曰：「盜多不過三人，而繫五十人，卽盜在，是亦四十七人冤矣。」請代治獄。左使喜，屬大順。大順悉遣之，戒曰：「第往跡盜，旬日來言。」福寧人與鐵工鄰居，夜聞銷聲，窺之，所銷銀元寶也。以詣官，工曰：「貸諸某家。」某家證之曰：「然。」首者以誣坐矣。大順曰：「鐵工貧人游食，誰有以五十金貸者。此是盜也。」令索得之，一訊輒輸口：「盜者，吏舍奴也，使某開庫鑄，酬我耳。」搜捕奴，具得贓，五十人皆釋。御史將決囚，請大順擇當殺者若而人。大順第十人進。御史置名筒中，沐浴，辰起再拜，禱曰：「此民命，某不敢專，惟神告之。」禱畢探鬮，鬮先後視，大順甲乙序皆符。御史喜謝曰：「公可謂上合天心矣。」轉左布政使，終廣西都御史。

帥蘭 宋應昌 張明正

管大勳 大勳，鄞人。先選翰苑，再入諫垣。耽枕墳籍，尚氣誼。爲延平太守，重風化，節冗費，均差役，一洗驛傳坊里積弊。時方丈出，大勳恐開弊竇，但令七邑均派浮苗，民使其不擾。歲旱，素衣步禱，竟致豐登。至扶弱鋤強，摘奸揭伏，優優如庖刃。後以布政參議分鎮延平，崇陞福建左布政使。

李永式

郭子章 子章，泰和人。隆慶五年進士。好學著書，善鑒別文章，有才略。兵部尚書終官。

朱運昌 見巡撫 王恩民 徐學聚見巡撫

范涑 涑，徽州人。講於學問，其子來官舍省視，衣布而已。

丁繼嗣 袁一驥 見巡撫

賓子偶 子偶字可揚，合肥人。萬曆壬辰進士，守泉州。守法不苛，廉如水。仕終左伯。

陳道亨

右萬曆中任。

右布政使

范謙 謙，澠池人。聰明重厚，博通經史，累官本省右布政使。

右洪武中任。

劉瑾 瑾，澠池人。姿貌魁偉，孝友力學。永樂初以貢授本省右布政使。

鄒昱 昱，華陽人。永樂初由國子生授漢中府同知，擢本省右布政使。雖無可否事，而寬簡著稱。

右永樂中任。

係昇

吳福 福字好德，鄞人。建文庚辰進士，授禮科給事，中歷本省右參政，陞右布政使。謹厚有執，治行甚著。其爲給事中時，使琉球，遇颶風，中貴人以下皆謀禱海神，福惟戒舟師謹艣舵而已。

右宣德中任。

范理 理字道濟，天台人。踰冠中宣德四年鄉試第一，明年會試第三。宣宗召諸進士親試齋宮，置理第二，賜白金楮幣，選知江陵縣。少保楊溥薦知德安府。滿去，以最超陞福建布政使。均徭役，平權科，黜貪獎廉。大兵剿賊鄧茂七，理司饋餉，善調度，朝廷加其功，賜綵幣表裏。仕終南吏部侍郎。

石瑄 瑄字信之，應州人。宣德八年進士，擢禮科給事中。正統九年以金華知府超陞福建右布政使。謹飾不務奇節，而樸實愷幅，與民相宜。進南吏部侍郎，禮部尚書。嘗承旨周章，爲英宗所不喜，上

章求退。英宗復以其篤實留之。

右正統中任。

劉讓

右景泰中任。

朱英 英字時傑，桂陽人。正統十年進士，授監察御史。十四年奉命撫綏閩浙，計獲首賊周明松，諸黨悉平。成化五年陞福建右布政。福建八郡歲輸大青大綠，然實非土產，直備價走鬻他省，吏胥爲奸，青綠一觔至料銀十餘兩。英減其值三分之二，擇屬官廉能者先期鬻貯之。提督市舶中官死，鎮守太監分其貲遺藩臬諸公，英不能却，受而輸之庫。累左都御史，掌院事。卒，贈太子少保，謚恭簡。

王高 高，安福人。正統中進士。高父芳孫，爲山東河南布政使，清慎自持，璽書褒美。高歷本省右布政，居官四十餘年，人咸重其有父風。

鍾清

右天順中任。

錢璉 陳渤 徐貫 劉瑀 葉宣

張玉 玉，吳橋人。成化中進士，任監察御史，有直節。歷福建副使，轉本司按察使，布政司右布政使。在閩十餘年，凡盜賊隱伏，人民誣罔，不軌之謀，不均之賦，悉知根底，摘發裁革，俱得其宜。進順天府尹。終右副都御史，巡撫遼陽。

祁順 順字致和，東莞人。天順庚辰進士。以江西左參政坐累左遷石阡知府，累福建右布政使，終

江西左布政使。雅尚恬退，雖中遭挫抑，而志操益勵。歷官四十年，家業不益於初仕。

張斌 溫琮 戴珊並見左布政。

右成化中任。

陳瑗 瑗字大玉，祥符人。成化八年進士，授戶部主事，歷福建右布政使。事有利弊，與同官以漸興除，不肯專主。嘗病文移亂真，廉察之，果得偽印十餘，皆出老軍吏手。悉擒治置法。閩城中故有渠通潮汐，縱橫如井形，湮塞六十餘年，瑗浚治之。後轉江西。瑗爲人和厚，居官不以威嚴臨下，所至自理。都察院右副都御史終官。

李雲 雲字時望，宜興人。篤孝友。舉進士，歷官有聲，累福建參政，轉右轄。

李韶

夏祚 祚，當塗人。成化十四年進士，爲兵科給事中，歷參政，終本省右轄。有平易之政。致仕歸。

郭紳 車璽

白圻 圻字輔之，武進人。成化二十年進士，授戶部主事，歷福建左參政。勦汀、漳賊有功，陞右布政使。累擢右副都御史，總督儲南京。圻生長貴游，溫恭謙抑，禮交天下賢者。究心痛隱，屑於猥瑣繁劇之務。

右弘治中任。

鄒文盛 文盛字時鳴，公安人。弘治六年進士，被簡爲吏科給事中，陞兵科左給事中，以忤權貴，出守保定。歷福建右布政使，累南京戶部尚書。文盛體貌端凝，襟度洞豁，歷官三十餘年，恭謹廉飾，據法

守正。卒，贈太子少保，謚莊簡。

### 龔弘

姚鏌 鏌字英之，慈谿人。弘治六年進士。自禮部郎出爲廣西提學僉事，轉福建副使。值山寇焚掠邵武之建寧，鎮巡使往視之，鏌籍被兵者萬餘家，瘡痍之民賴以甦息。事竣，署臬司篆。汀州大帽山賊七千餘人攻武平，承檄往禦，下興泉，集鄉兵赴救。賊聞風遁，乃參審形勢，集諸軍討之。賊餒甚，問道走江西，入南豐、新淦、樂安。永定民有賴師智者，部五百人出身禦賊，所部多戰死，賊又陰襲其家，有司不能恤。由是，師智擁兵自保而已。鏌曰：「壯士也。」撫而用之。師智請効死，諸軍倚爲重。改督學使者。

敏閱精記，閱後皆能舉其文，被品題，輒以次登賢書。興、泉寡通《春秋》，建、汀鮮《易》學，爲延名經分教之，閩士通經始全。復講求右禮，召諸生肄習。修閩中諸大儒書院，增其祀田，恤其後裔。而以林栗、顏敏與朱子爲冰炭，斥其學宮之與祀。中官廖堂，永定人也。其侄鵬以子囑鎮守太監崔安營人試場，峻拒不許。正德九年，吏部旌天下方面官十有五人，鏌與焉。陞貴州按察使，轉福建右布政。凡輸錢穀，不責羨餘，農民承差失班者，故聽罰金，鏌笞遣之而已。陞山東左布政使，終兵部尚書，總制陝西三邊。

杭濟 濟字世卿，宜興人。弘治六年進士，歷福建提學副使。崇雅黜浮，士習丕變。轉右參政，提調秋試，多拔名士。漳中盜起，督餉進徵，往來彌歲，豫遏其謀。分守邵武，民大和會。其後自河南左參轉本省，尋轉右轄。簡省徭賦，致仕。與仲弟都憲淮並負才名，家居友愛。壽八十餘。

葉泉 泉字文光，無錫人。弘治九年進士，改庶吉士，擢戶科給事中。疏劾會試主者罪，被逮。既免，遷南京太僕寺簿，累遷福建右布政使。軍士以食缺唱譁，群情洶洶，泉至，曰：「餐不折，食不缺，議請

於朝而更之。」復梓行八郡，均徵之籍，以杜後弊。清戎之政，故屬藩右，率以官重弗躬，泉歷八郡悉周遍。賊彬竊柄，要賂諸藩，脇以奇禍，泉不爲動，彬校入境遽去。

右正德中任。

夏從壽 陳錫並見左布政。

何詔 詔字廷綸，山陰人。弘治九年進士。爲南工部郎，以忤逆瑾，坐累下獄。歷福建右布政，終南京工部尚書。平生直諒，而未嘗以氣加人。守官奉公務本體，不求赫赫聲，嘗語僚屬曰：「事求稱，食天未有弗報者。」卒，贈太子少保。

丁沂 沂字宗魯，溧水人。弘治十五年進士。郎南刑部，門無私謁，獄無怨辭。累本省右轄，吏畏民懷。都御史終官。

陳祥見左布政。

馮馴 馴字行健，岳池人。正德二年進士，歷興化知府。政尚威嚴，閭里輕俠姓氏，悉誦跡籍記之。時有惡少十餘輩，蒲博胙篋，睚眦之恨，輒目爲仇家而中之。仲猾以下，又相與竊竊効尤。馴以計束治，諸惡少業窘，乃悉按之法，無一縱舍。嘗著《虎枕銘》，其序曰：「太守抵方壺，適多警虎，三日兩授首，鼠狗足評乎，太守徵其方之將，靜裁體作枕，而寢其輶。銘曰：『非爾體吾何枕，非爾輶吾何寢，起視海岱，吾安吾朕。』」視郡七年，里不得有豪，民不知有吏。後擢本省右轄，轉江西左使。

錢宏 宏字可容，錢塘人。正德二年進士。以廣西按察使轉福建右布政。爬剔蠹劇，刁猾斂避。轉湖廣左布政使，進右副都御史，提督南贛。宏爽剴博碩，臨事存大體，而凝峻方毅，有不可奪者。

吳昂 昂字德翼，海鹽人。弘治十八年進士。以雲南僉事改福建。福寧有訟妻殺夫者，詞證不相佐，輒坐妻死。昂閱獄疑之，禱於神，夢一小兒據人腹，昂不能解，百方踪跡。或告曰：「鄉有杜福子者，嘗與其夫合資行賈，其夫死，福子家乃驟饒。」昂曰：「小兒據人腹，（一）非杜福子耶？」密遣邏卒縛至，一訊而服。閩人呼吳青天。陞山東按察副使，備兵徐州。當是時，桂文襄公初人吏部，諮訪人才，魏莊渠、歐陽恭簡力薦昂。昂至徐，僅逾十旬，遂擢福建參政。閩人聞之，喜吳青天復來也。進右布政使。出納清允，吏莫敢奸。雷震譙樓，昂曰：「罪在官長，備位方伯，敢不引咎！」即日上疏請老。歸，携圖書數包。士民攀援車枳，所過父老扶携進茶果泣送之。

王學夔 學夔，安福人。正德九年進士，郎文選。守正庇善，爲時相所惡，出爲南太僕少卿。改太常，復中他事，調外任，爲本省布政使。歷南禮二部尚書，（三）乞歸。學夔文學深淳，操履廉潔，中有才略，不屑自露，人不知也。

何鰲 鰲字子魚，順德人。正德二年進士。知慶元，治聲藉甚。召爲御史，歷本省布政，改湖廣，所至頌德。

張欽。王浚

徐乾 乾字健夫，臨桂人。正德六年進士。自廣東參政陞福建按察使。以忤直指意，不列薦書。朝議紛然，即擢乾福建右轄，隨擢湖廣左轄，用快公議。乾性行直亮，多與世忤。又坐王親格令甲，不得內遷。屢以疾乞歸。（四）湖廣巡撫顧璘獨期其可大用，請改授卿佐職名，在外巡撫。不報。屬車駕南狩，以迂從駕貴人，逮至京，獄具，罷歸。

周忠

傅鏞 鏞字希準，廣陵人。正德六年進士，授禮科給事中。屢言時事，論備邊一疏，兵部尚書王公瓊曰：「吾不能言也。」其後以江西參政遷福建右布政使，終巡撫河南都御史。鏞寬大廉醇，斷獄輕文，待下掩惡而揚善。至於利誘勢怵，則屹然山立。居外二十年，不以書干中朝貴人，頽然自守而已。

詹瀚

車純見左布政。

歐陽席

姜儀

晁晚儀晚，並見左布政。

喻智

侯緘

張鏊

鏊字濟甫，南昌人。

嘉靖五年進士，簡庶吉士，陟部郎。

奏毀寶玉佛像，力拒徽藩田租。督浙

學政，得人最盛。以祝辭忤時相，改苑馬卿，轉閩憲，復轉右轄，至南兵部尚書。先時，相度留都險要，分水陸兵首尾聯絡，俾江南北免倭寇荼毒，皆鏊力也。

曾鈞

鈞字廷和，進賢人。

嘉靖十一年進士。

始仕大行，擢南垣，歷本省右布政，終刑部侍郎。別歷

中外三十年，遺愛遐思，所至若一，而奇氣峻節，海宇仰之。卒，贈刑部尚書，謚恭肅。

談愷

愷字守教，無錫人。

嘉靖五年進士，授戶部主事。

以山東按察使陞福建右布政。所在職舉，

累兵部右侍郎，兼僉都御史，移鎮兩廣，蕩平閩寇。都察院右都御史終官。愷閱爽敏練，久官戶部，版圖錢穀之數，灑灑如指掌。曉暢兵事，臨敵遣將，親授成算，羽書雲布，悉自手出。

朱鴻漸

汪宗元

宗元，崇陽人。

嘉靖己丑進士。

仕爲副都御史矣。柄臣嵩嫌其不附己，謫爲福建參政。尋

轉右布政使。外禦倭寇，內察民瘼，復三運、八運法，歲省民金萬餘。釐其賦爲正辦、雜辦。檄汀、建諸鹽商，使畫疆而粥。又檄南臺、洪塘，去其互稅。鹽利以興，商不告病。轉江西左布政，終通政使。致仕。

姜恩見左布政。 楊應奇 趙維垣見左布政。 萬虞愷 楊伊志 王國禎 游震得 盧夢陽 陳大賓

見左布政。 塗澤民 劉光濟

右嘉靖中任。

劉佃

劉子興 子興字賓之，海陽人。嘉靖二十年進士。起家臨海令，歷閩泉藩。端介慎事，倖人外不他多一錢。轉粵西左轄。致政歸，行李蕭然。

周賢宣 賢宣，萬安人。知延平。山寇蘇傳等，倭亂流劫，督兵敗之。浙兵經延，偶爲變，衝入府，闔城驚擾，宣獨坐宴然，呼頭目嬰撫之，頃時卽息。擢副使漳南道。勅滅山海巨寇，創建海澄、寧洋二縣，及移南靖城，以貽安利。陞本省右布政使。與縉紳、諸生爲講學之會。

右隆慶中任。

熊琦 劉侃 劉繼文 朱奎 吳文佳 舒應龍見左布政。 吳一瀾 張楚城 蔡汝賢 陶大順見左

布政。

陳文燭 文燭字玉叔，沔陽人。嘉靖四十四年進士。弱冠修古，與吳國倫、王世懋相善。嘗治淮陽，有聲。歷閩泉藩，皆稱，以文飭治。仕終大理卿。

帥蘭

張惲 惲，新建人。隆慶二年進士。歷官有清節，仕至都御史，巡撫貴州。

費堯年 張係繩

王之屏 之屏字汝憲，潁州人。嘉靖中進士。起家永嘉縣，累官福建布政使。正大嚴明，廉介自勵。

劉孟雷 朱運昌見巡撫。

陳性學 性學字所養，諸暨人。歷官福建按察使，晉右布政。為人寬和，撫下有恩，延接士大夫以禮。時值稅使入境，人心洶洶，性學多方調停，民既不擾，稅使又蒙其成，遂薦之，為時議所短。其實，閩陰受其賜，臺省莫知也。

徐學聚見巡撫。徐應奎 袁一驥見巡撫。

陳邦瞻 瞻字□□，〔五〕高安人。博瞻文詞，好善如不及。在官，民藉寧一。兵部侍郎終官。

寶子偶見左右政使。

右萬曆中任。

左參政

瞿莊 莊有文學，仕參政。時當設官之初，以刑部尚書與唐俊出任。〔六〕此時尚以右為尊，俊為先，莊次之。

魏鑑 鑑，洪武九年與瞿莊同時為左右參政。有吏犯法，寘之極刑，太祖特賜璽書曰：「朕觀上古天下之治亂，在於君臣能馭不能馭爾。若君能，則馭臣下以禮法；臣能，則馭吏卒以體上。治繇此矣。若君罔知所以馭臣下，臣下亦無知以繩吏卒，亂繇此矣。或云，吏卒小人，何預治亂？雖小人也，施小詐偽，動傷國政，所以始亂。若吏卒守分，民無枉擾，則民悉安。所以朕嘗下令於條章，若吏卒背理違法，

繩之死地，正欲使上官馭之以禮，次嚴以法。令布久矣，人皆貪官，動爲下持，所以國政無施，下民受枉，朕竊恨焉。九年秋，丞相奏福建兩參政致極刑於一老吏，朕聞當哉。若不如律者，數加箠死，有何他論。故往諭之，今後勿令欺侮，方稱是官。」後守制家居，太祖廉其居官廉潔，復賜米六十石，鈔二十五錠，爲守服之用。

蔡哲 哲字思賢，武昌人。仕陳友諒，來歸，授江西行省理問。陞右司郎中，命往贛州招諭熊天瑞，遂遣子人朝。擢哲中書省參政，命往蜀報仇夏明昇聘。哲因挾畫史同往，圖其山川險要，因言昇可伐，卒用其策。改四川僉事，尋進福建參政。瀕行，太祖諭之曰：「君子立身行己，辯義利。夫義者，保身之本；利者，敗名之源。福建地瀕大海，民物富庶，番舶往來，私市者衆。往時官吏多計利陷罪，今命卿往，必堅所守。」哲對曰：「臣以菲薄叨承恩命，（七）敢不盡公圖報！」太祖曰：「公，卽無私義之謂也；私，卽無公利之謂也。胸中如止水明鏡，毫無意累，然後揆事度物，廓然無滯，微有芥蒂，卽不得公。卿宜勉哉。」哲至官，廉明自持，以正風俗合人心爲要。未幾，復召還，爲御史。

王鈍 鈍字士魯，太康人。洪武十年舉秀才，授主客主事。後復舉明經，授大名通判。屢遷福建參議、參政。寬慎廉介，民懷其惠。坐轉漕不給，當罷，特宥。召遣持節諭撫麓川，平緬，却其贈金。或曰：「夷且疑貳，奈何？」鈍受之，悉輸雲南省藏。還，陞浙江左布政使。建文初陞戶部尚書。靖難兵至，鈍踰城走。成祖召見，曰：「爾向輔建文，間朕骨肉，今何顏耶？」鈍頓首謝命，致仕，月給尚書半俸。

阮崇禮 高暉 呂崇藝 呂一作吳。

右洪武中任。

房安 安，汝陽人。洪武中繇國子生擢北平僉事，歷江西按察使。永樂初謫戍興州，召爲監察御史，陞本省左參政。其後以上部侍郎出參山東藩。坐爲同官魏英所誣，謫戍交趾。得白，改四川參政。安嚴爲治，撫良善，糾貪墨，郡縣肅然。

張貫 貫，靈璧人。洪武中由太學生擢北平左參政，歷江西、四川、福建。所至寬簡爲治。坐事左遷真定知府，尋陞順天府尹。

楊景衡 景衡，永嘉人。永樂中鄉薦，以吏部郎出爲福建左參政。成祖北征，用輔臣薦，命總督糧餉。既班師，復任，臨軒慰諭之曰：「聞閩人望汝如渴，急往無怠。」後以老乞致仕，年八十餘卒。景衡寬厚平恕，識達治體。居官八考，在閩中垂三十年。

蕭禮

王平 平，新繁人。洪武中以御史遷河南僉事。行部孟津、宜陽，屬吏有謀以貨撓法者，平以狀聞，特勅褒獎，陞本省參政。累官右都御史。

祖述 錢祖

彭森 森字伯森，南海人。有文藝，援筆輒萬言。中永樂甲午鄉試第一，明年登進士，授監察御史，陟福建參政。始未第時，聘同里女，微矣。及得解，其家以襄辭，且曰：「弱息貌寢，不可事官人。」森竟成婚。黃佐謂其居官無間，而以盡倫方劉廷式。

右永樂中任。

彭育

顏澤 澤，江陰人。爲福建參政，以母喪去官，民二百餘乞留於按察司。按察司以聞，宣宗曰：「方面非親民之官，而民不忍其去，必有惠政及人。可令還職，以副所望。」

張璘 璘字文玉，黃岡人。永樂中進士。歷官山東參政，改山西，調福建。所至恤民，以考最，陞應天府尹。廉潔幹濟，不屈中官，雖讒說殄行，終不能阻。

胡廩 廩，德州人。由國子生歷事內庭，擢工科給事中。爲仁宗所知，擢右副都御史。宣德初採木巴蜀，以貪虐安置遼東。已，會恩赦，復職。宣宗曰：「都御史受賄，罪當加常人，但恩例不欲失信，姑降之外任。」改授本省右參政。廩至，遂能自新，奉法嚴謹，而蒞事寬大。

右宣德中任。

楊盛 宋彰別見。

吳高 高字志高，歸善人。宣德八年進士。以刑部郎出爲福建參政，好學能文。

陳瑛 周禮 王士華

右正統中任。

許仕達見巡按。

李顥 顥字思誠，博羅人。正統元年進士。景泰間僉福建按察司事。公明有斷，陞參政，提督海道。興化有豪家隸戎籍，連姻衛帥，怙勢武斷，顥部置之法。遷山東布政。天順四年，歲當朝覲，詔簡天下官政行超卓者得十人，顥與焉。賜金織襲衣，宴於禮部。仕終工部右侍郎。

張斌見左布政。劉讓 葉萱

右景泰中任。

徐敬

杜寧 寧，天台人。宣德二年會試第二人，授編修。正統中典會闈，得岳正黜落中，驚嘆曰：「此前輩中人。」遂擢第一。人服其鑒。歷南兵部侍郎。天順初坐與于謙厚，調福建左參。

李昂 昂字文舉，仁和人。景泰三年進士。以兵部郎出知青州府，年始三十有一。將滿去，民狀政績三十四事上於巡撫大臣，願留終惠。俄陞福建右參政，旋補左。民刻像表海亭，列邑皆置祠。或有冤不得伸者，輒走祠下塑之。累都察院右副都御史。

右天順中任。

趙最 鍾清 陳賓 徐貫

應顥 顥字文明，淳安人。正統十年進士，授監察御史。己巳之變，閩礦寇亂，命顥捕治之。復調湖廣按察僉事。征蠻，撫捕具著勞勩。轉福建副使、參政。顥敦厚廉謹，謙退弗炫，數歷中外四十年，所至軍民悅服，縉紳推重。

陳穢 穢字仲方，番禺人。天順八年進士，授南戶部主事。以介持爲王恕所稱。歷福建參政。巡歷所至，吏不容奸。晉廣西右布政。

俞俊 劉孟

熊達 達字達章，南昌人。成化十四年進士，爲溧陽令。尋擢御史。劾道士崔志，薦名儒章懋、張元楨、陳獻章。還本省參政，坐忤逆瑾，致仕。值逆濠構亂，以死自守，卒免於禍。

王子言 李雲見右布政。

右成化中任。

羅列 列，南海人。弘治進士。以南御史出守漳州。老成靜重，不察而斷。南沼豐黃四、羅大師納亡命，時出抄掠雲霄間。列率兵臨，六擒其魁，獲黨二百五十，脇從者撫治之。遂以功陞參政。

陳策 策字嘉言，無錫人。弘治六年進士，授戶部主事，歷本省左參政。汀、漳寇熾，鎮巡舉策往徵。道經同安，巨寇蘇世浩勢尤猖獗，策首降之，携至汀、漳。汀、漳寇氣奪，榜到爭先降附。策因撫諭之曰：「吾欲返爾田宅，予爾親戚，爾願欲肉狼鴟乎？」衆稽首曰：「昔人禦詐，今公推赤，知當命盡，敢以死籲？」策皆遣之。汀、漳按堵如故。省城軍士有因前政給糧踰期而唱譁如叛狀者，達官里居三人沮之，未信，曰：「必得陳參政榜文。」策虞反側，未即給也。惟以利啗其黨而喚之，渠魁既得，餘悉弗問，城中無恙。策念民苦急徵，軍樂蚤支，亂是之繇，復疏請歲留餘銀九萬以備軍，自是糧給弗缺。遷江西右布政。

宋冕 見左布政。

魏榮 榮字喬□，（八）新建人。父默，爲光澤令。榮弘治十八年進士，以吏部郎中參政閩藩。時占田盜周馬良等巢穴巖谷，縱掠旁近，或獻議臺使曰：「杉洋盜藪也，屠之使無所舍。」榮曰：「杉洋千家，豈有盜耶？渠魁未獲，可毒無辜？」臺使感其言，屬榮經略。榮至，勒兵守要害，徐遣父老諭盜曰：「首亂者周馬良也。能擒馬良，餘悉罔治。」盜大喜，縛馬良詣軍，遂許解散。御史上榮功，進俸一級，遂留鎮古田。頃之，流賊入界，榮適自古田行旁小縣，縣令暮出不還，召簿尉責之曰：「縣小無城，賊奄至曷禦之？」簿

尉頓首。榮乃勒市民健者二百人，銜枚夜伏，約鼓爲號。夜半，賊果來，鼓作伏起，擊殺數十人，餘皆奔潰。生捕一人，訊其黨與姓名，連夜躡捕，了無遺者。自是，終榮任流賊無敢入界。吏民繪像祠之。皆左參政。其後，榮子良貴以大理評慮囚閩中，古田民間乃公無恙？則知榮捐館久矣，相與哀哭於祠下。

查約見左布政。

徐問 問字用中，嘉定人。弘治十五年進士。以廣平推官歷知登州、臨江二府，累轉本省參政。論事侃直，出身任利害，講求禮樂，以挽頹風，人推先進之遺。仕終南戶部尚書，贈太子少保。

右弘治中任。

吳昂見右布政。

崔桐 桐，海門人。正德十二年進士。史聲甚著，累遷禮部右侍郎。

何鰲見右布政。

右正德中任。

黃宗明 宗明字誠甫，鄞人。正德九年進士，授南兵部郎。上防寧庶人策，諫南巡。嘉靖初，與議大禮，多所建明。歷福建鹽運使。召修《明倫大典》，陞光祿卿。應詔言四事，世宗爲之齋威。仍出參閩政，終禮部侍郎。宗明邃於文詞，與霍文敏講王化成學。

陳子貞

張時徹 時徹字惟靜，鄞人。嘉靖二年進士，授南曹郎。與呂柟、鄒守益、顧夢圭相，調。改督學副使江西。中忌者罷歸。未幾，起備兵臨清，轉福建參政。福建郵更無準，豪者虎而瞰其鄉，爲度嘗算，出

徭作，定費出，一登諸籍，歲按行之。汀民胡賤仔孩而孤，宗人利其貲，誣賤仔尺籍子也，賄主者，名攝賤仔。賤仔積不白。時徹偵賤仔有母，詰之。母初悲其主母奪嫁，已匿不吐。覆用左語旋折之，乃得其實。聞人大服。終南兵部尚書。時徹爲人端重，驟見嚴駟難近，少選坦俞款洽。遇事敏而密於理，用健決爲快。所歷官盡吏事，而更畢驚墳雅，垂老不休。

顧望圭見按察使。

李香 香字汝蘭，分宜人。正德十五年進士，授工、刑二部郎，出僉事廣東，備兵高、肇。奇績甚多，擢山西、雲南副使，本省參政。勵廉正，嚴關防，清吏胥，慎出納，風望崇茂。仕終大理卿。

馬坤 終南戶部尚書。劉富

李遂 遂字邦良，豐城人。嘉靖五年進士。以行人禮部歷本省參政。才猷霍赫，綽有令聞。後以忤權遭擯落，仕終南兵部尚書。徐文貞稱遂：「藏蓄如深山巨川，不可測識；變化如蛟龍，不可指擬；舉而措之，如和風甘雨，疾雷迅電，交發而至。」

汪大受

張臬 臬字正野，進賢人。嘉靖五年進士，授刑部主事，歷山東參政。解送試錄犯諱，謫靈川典史。後歷陞本省參政，終兵部侍郎，總督閩廣右都御史。綽有時名。

王璣 璣字在叔，西安人。嘉靖八年進士。從王文成學。以兵科給事中歷陞福建左參政。所至道誼見推。終右僉都御史。璣容貌魁偉，言動詳慎，望之如崇山巨嶽。嘗言：「平生無過人，惟出處自覺分明，未嘗少有降屈。」

汪宗元見右布政。

熊洛 洛字景之，南昌人。嘉靖十一年進士。歷佐閩藩臬，有政聲。官終府尹。平生不附權倖，不謁政府，操持足尚也。

朱徵 萬衣 許應元 翁時器 塗澤民 楊準  
右嘉靖中任。

熊琦

陰武卿 武卿字達夫，內江人。舉省試第一，嘉靖三十五年進士。以南部起家，累本省左參政。政行超卓，與參將俞大猷有平倭功。終南兵部尚書。數陳邊事，悉當廟謨。武卿詳整嚴密，動止有尺寸，至遇大事，決大疑，取裁一心，不少凝滯。

右隆慶中任。

宋豫卿 楊芷 馬顯澤 王元敬 郭孝 顧褒

王世懋 世懋字敬美，太倉人。尚書忬之子，而尚書世貞弟也。嘉靖三十八年進士。自南禮曹郎歷閩臬，提督學政。大試期逼，星馳校士，數月畢事，座主、同年子一無所私。鄉舊有仕閩中者爲人求請，並不徇從。其所評隲，文品確核精當，甚至肖其平生，見者駭以服。作《習說》示新舉子，使破習俗習氣之陋，以幾聖賢德業，追前輩事功。俄進左參政，分守福、興。盈庭之訟，決於片言，有所譏駁，卽老吏莫敢措手。若素習吏事，而不但以文學名。仕終太常少卿，卒。

費堯年 馮孜 鄒墀 胡心得

徐卽登 卽登字獻和，豐城人。萬曆十一年進士。先以副使提督學政。內和外嚴，不戒而肅。講學於李豐城之門，爲高弟。

楊德政 王道增 石崑玉 金忠士

洪世俊 世俊字□□，歙縣人。萬曆進士。初爲同安令，淳龐若赤子，以慈愛爲治，而禮法教人，寬然長者也。太常寺卿終官。

右萬曆中任。

〔校記〕

〔一〕「張江陵相」，各本原作「張江寧相」，據《明史》本傳改。

〔二〕「腹」，各本原作「褶」，據上文改。

〔三〕「歷南禮二部尚書」中，當有脫文。

〔四〕「以」，各本原作「遷」，據文義改。

〔五〕「邦」字，各本原脫，據本傳例補。「字」下，各本原闕二字，《明史》本傳作「德九」。

〔六〕「刑部尚書」，疑誤。

〔七〕「叨」，各本原作「叱」，據文義改。

〔八〕「字喬」下，各本原闕一字。

〔九〕「字」下，各本原闕二字。

## 閩書卷之四十七

### 文蒞志

#### 皇朝

#### 右參政

唐俊 俊，南陽人。時參政初設，自刑部尚書出任。爲人誠信廉介，終始不渝。洪武初授兵馬指揮使，〔一〕拜監察御史。以政事著稱。

宋亮 亮字均禮，魚臺人。爲人魁梧英發。初名克剛，慕諸葛武侯之爲人，遂更名亮。辟儒學訓導，未幾，復有經明行修之詔，擢本省右參政。撫綏有聲，民懷其德。值回祿，引咎罷歸。

#### 右洪武中任。

任勉 勉字近思，寧波人。洪武二十七年進士。以番禺令最，陞知瀘州。番民詣闕請留，移饒州。用薦爲福建右參政。勉長身玉立，言動不苟。初令番禺，欲盡剷舊俗，有不便者，或黏匿名文於縣門，勉命守之，曰：「足教我也。」俾勿壞，後潛自毀去。

#### 葉春

#### 右永樂中任。

吳福

右宣德中任。

徐陞 朱昂 甘敬修 段實 許振

張瑛 瑛，建德人。以刑部郎陞建寧知府，嘗被檄署按察司事，有聲。鄧茂七賊黨二千餘逼郡城結寨，時出剽掠，瑛及典史鄭烈帥民夫吳保等，會都指揮徐信分三路暗襲之，斬首五百餘，拔其寨。陞右參政，仍掌府事。復與其季父敬提兵與茂七黨林拾得、陳保戰，不利，死之。事聞，贈按察使，錄一子主簿。弘治四年，建守劉璵奏請立祠祀之。

右正統中任。

陳慈

趙昌 昌，涇人。景泰五年進士。歷戶部郎，以忤中貴謫長沙同知，有平寇功。成化初復爲郎，奉使檢閱蘇、松災旱，奏減秋糧三十萬。歷本省參政，遷山東右布政。

陸泉 泉字明昭，常熟人。景泰二年進士。歷刑部郎，出參福建，奉勅巡海道。先是，有商率辟舶通諸夷，遇他舶，無間官民皆掠之，殺人浮海上，數歲莫能捕。泉鍊兵，發艦跡所至，擊擒之，併其酋皆伏法。剽倉庾宿蠹，修玄鐘營壘，治其兵器。漳、泉二郡水囓郭堤，捍之。閩人服其威惠。俄以讒罷歸。

右天順中任。

劉觀

馮遵 遵字宗轍，南海人。天順四年進士。筮吏部郎，清謹有名。出爲福建右參政，盡心所職，民懷

其惠。

劉大夏 大夏字時雍，華容人。天順三年舉鄉試第一，明年成進士，歷職方郎中。所奏覆多當上意，大司馬倚之若左右手。太宰能其才，欲以爲少司馬，大夏亟請外，得福建右參政。已，遷廣東左、右布政，三任藩。宣講求民瘼，吏弊所創革，必經久不爲目前計。其在閩中，職專督糧，催科無擾，倉廩有十餘年蓄聚。後歷兵部尚書，爲孝廟時名臣。卒，贈太保，謚忠宣。

秦夔 夔字廷韶，無錫人。天順四年進士。以建昌知府擢本省右參政。素性剛直，發奸平枉，有治行名。進江西右布政使。

沈暉 暉，宜興人。天順四年進士，授南戶主事，歷本省右參政。時所司有銀礦額外之賦，暉按之。落職御史欲翻案，出所司罪，暉執不可。御史怏怏不自得，卒如所治。終南工部右侍郎。

王範 魏瀚

魏元 元字景善，朝城人。天順七年進士。成化中授給事中。抗論萬貴妃家兄弟章數上，不報，詣殿庭免冠泣諫。復與給事中徐恪論辯慈懿皇后當祔廟，卒得成禮。後忤輔臣，出爲本省右參政。母喪歸葬，廬墓三年，事聞，旌表。

楊禮 禮字時叙，易州人。少端厚誠確，有遠志，刻苦嗜學，無間寒暑。天順元年第進士，授工部郎，以忠敏稱。九載，陞南京繕司郎中。尚書吳公遴其才堪繁劇，奏留北部。禮居職勤能益勵，二十年如一日。憲宗特念賢勞久任，超擢爲福建參政。比至，倭寇竊發，奉命專巡海道。設方略，禦要害。尋以事謫，謫遷，公論惜之。

右成化中任。

陸淵 淵，餘姚人。成化八年進士。初宰合肥，擢監察御史，終福建參政，卒於官。筭無餘帛。子三人：相、棟、幹，並舉進士。

劉道

龐泮 泮字元化，天台人。成化二十年進士。歷工、刑給事中。上二十疏，中官怨詆，出參本省藩政，分守漳、泉、興、福四郡。福安庫被掠，縣官利在得盜，雜捕平民拷掠。泮至，權其罪，活十餘人，盡絀知縣、丞、簿。會布政使當人覲，臨行病故，泮以次往檢。布政所治裝有金千餘，悉置不取，曰：「覲後問遺，一部書足矣。」宋儒黃勉齋有故宅爲中，貴香火院，泮訪得毀之，以祀勉齋。士論快焉。

夏昂 昂字景德，宛平人。成化二十年進士，被簡爲工科給事，遷禮，左擢湖廣參議。久之，遷福建右參政。每至公邸，食簞服筭，必露檢乃入。諏訪民瘼，動存儉節。終工部左侍郎。

蘇葵見左布政。

杭濟見右布政。

臧麟

右弘治中任。

孫燧 燧字德成，餘姚人。弘治六年進士。以刑部郎出福建參政，總督儲糧。清修絕俗，果敢有爲。詢民情，察利病緩急而興革之。一時藩臬臨事多資於燧。後歷陞江西巡撫都御史。死哀濠之難，贈禮部尚書，謚忠烈。

艾洪 陳錫見左布政。

蔡潮 潮，臨海人。弘治十八年進士，改庶吉士，授兵科給事。中貴柄用，建議遣言官閱驗天下府

庫，務在擊搏漁利。潮推擇當詣閩，保惜元氣，以存大體，閩人頌之。轉右給事中，歷本省右參政，奉璽書督儲。至則躬冒水災，徧歷諸郡，運方略以靖海寇，嚴徵令以給軍輸，相地險隘輒置關梁，荆棘薈蔚化爲康莊。擢河南布政使，道出建郡。郡故有橋名朝天，跨交谿，捍流，適燬於火，舟濟艱危。民因攀留遮訴。潮爲留數月，解衣爲倡，聞者子來。無何畢工，人擬蔡端明萬安橋焉。

侯位 郭持平見按察使。

張琦 琦字君玉，鄞人。弘治十二年進士。以大理寺正出守興化。簡易清靜。訟質成者，輒風諭使講解。簿領煩科，一切不省視。守郡六年，毋論鞭笞，且不色聲。琦善爲詩，務極立遠，雖一草一木，妙成象外。在興郡與林貞肅諸公往來廣和，有「詠海棠」一絕，莆人傳之。陞本省參政，乞歸。人比之賀監云。

右正德中任。

王學夔見右布政。

張鉞 鉞字文輔，安仁人。正德三年進士，授遂昌令，擢監察御史。發廷臣附宸濠奸狀。武宗欲南巡，率同官伏闕疏諫。累遷福建參政，貪墨吏聞風解綬。終南工部侍郎。

王浚 張儉

胡宗明 宗明字汝誠，績溪人。高祖彥申，成化中督通於閩。會歲大饑，欲全民命，而難慢上旨，乃自矐其目，以廢疾聞，閩人得緩督責。群聚籲天而救之。嘗自詫曰：「吾必有後。」及宗明登進士，累遷參閩政，念先人遺愛之鄉，下車首問疾苦，則知閩多山澤利稅，率遷徙不常，而通播滋衆，官司莫誰何，率委

其徵於囊橐，而豪右坐業其利。乃盡括見產而則之賦，且均其不根無歸者，積困頓蘇。豪右不利，嘖有謗言。會遷長蜀臬去，而某御史按閩者，素不懂於宗明，人豪右言，遂疏宗明治閩無狀，宜罷。相臣雅才宗明，下吏部，疏其治行，卒得調。終巡撫都御史。

田秋 吳龍 詹瑩 梁廷振見按察使 韓楷 劉寅 吳鵬秀水人。終吏部尚書 王積

朱憲章 憲章字良範，進賢人。嘉靖進士。爲給事中，敢言事。歷福建參政，居官清約。歸，與羅洪先、唐順之相聚講學。

秦鰲 鰲字子元，崑山人。嘉靖五年進士，授兵科給事中。閩臣張孚敬以星變爲吏科都給事魏良弼所劾，不自引咎，抗疏辯抵。鰲力陳其罪，世宗以忠譴嘉之。歷本省副使，左、右參政。

丁以忠 以忠字崇義，新建人。嘉靖十七年進士，筮仕刑曹。諸疑難大獄，多所裁決。出守河間，發粟賑饑，却賄明法。歷閩藩參政，所在尸祝。終南兵部侍郎。有定噪卒功。

余勉學 勉學字行甫，孝感人。嘉靖二年進士，授錢塘令，擢監察御史。言汪太宰秉銓不法狀，世宗震怒，(二)下詔獄。尋以汪取得釋，竟用浮躁左遷，回翔州郡凡十餘歲。久之，陞福建參政，晉按察使，遂致政歸。勉學歷宦三十餘年，田宅靡增於舊。

陳紹儒 紹儒字師孔，南海人。嘉靖十七年進士，授戶部主事，晉爲郎。詰內豎混竊之奸，革倉庫積年之弊。遷湖廣按察副使。以權貴人指摘，文致其罪，謫泉州府同知。未赴，改南昌。久之，歷轉福建參政。丁艱，補四川，尋轉按察使。肅政明刑，憲度惟嚴。終南工部尚書。

周相 曾於拱見左布政 張翰仁和人。終吏部尚書 劉佃 周賢宣見右布政

右嘉靖中任。

顧問 秦塗

右隆慶中任。

宋儀望 顧言 徐中行見按察使。 方邦慶 李臺 余立

王懋德 懋德，文昌人。隆慶二年進士。繇南刑部郎出爲金華守。以廉察舉，累擢福建右參政。會有疾，度不可起，遂請歸。同官以懋德家海外，病不可涉遠，因留之。懋德曰：「某父母年各八十餘，違定省十有六年矣。微福諸君，萬一生見父母，死且瞑。」於是，同官爭致懋德贖。懋德固推不受，皆曰：「君不有父若弟乎？」懋德曰：「丹墀故魚米鄉，家粗自足。而吾以十六年所餘月俸，佐仲產爲二親養安。所事諸公，且吾不留而亟行，懼以歸觀累閩人也。」懋德至延平，不能前，竟卒。臨盡爲書謝寮友，誓不受裝。藩長費堯年聞於使者，使者循故事括六白金遣使傳護之。至則授金於其父，其父曰：「吾子業有成言，吾卽耄，奈何沒六白金，傷吾子義。」吏固請，固益却，僅收其奠金，曰：「爲我謝諸大夫。老夫老且死，海外無能報也。」

楊標 呂鳴珂 張封 侯堯封 王民順 趙焞 史繼宸 錢拱宸 詹思虞

沈季文 季文字少卿，吳江人。萬曆五年進士高第，來爲督糧參政。收兌有法，出納惟謹。攝布政篆，一以仁恕爲本，而祛弊不遺餘力。終河南巡撫都御史。

蕭良譽 良譽字以孚，漢陽人。萬曆八年進士，歷福建參政。清苦介特，謙厚慈仁，接引名士若饑渴，人謁之不知其爲上官監司也。閩省當荒歉之後，良譽爲政，什九從寬。時郡屬諸生忤內使，平民乘釁

幾亂，良譽詣撫臺調停，其間進諸生，陽抑而陰護之，事得冰釋。尋以邊才調任，卒於家。

高從禮見按察使。 孫光啟 沈傲煥

俞士章 士章字汝成，宜興人。萬曆十一年進士。歷本省參議副使、參政，分部漳、泉、福寧。整防戎政，勤恤民隱，斤斤法守，不失尺寸。

沈一中見按察使。 寶子偶見左布政。 程達 吳思學 饒景暉 潘陽春 張鳴鶚 崔思訓 戴王言

程朝京 朝京字元直，新安人。萬曆癸未進士。自南部郎擢守泉州。輯《清源文獻》。韓魏公故產郡廨，有祠在郡中，郡堂名忠獻，朝京悉復其舊。其治主簡靜和平，分毫不擾。居二載，念母，力乞歸養。最後以副使備兵漳南，建牙上杭。上杭在萬山中，奸宄所伏。朝京力飭戎備，課士習騎射，壁壘旌旗，煥然一新。民有張寶者，蓄金蠶毒，所殺已三十餘人。朝京捕治，論如律，積害遂除。以薦轉參政，仍舊轄。亡何，引年歸。朝京才情疏暢，好善如不及，爲文口占下筆如流。尤精藻鑑，在泉州識拔士，後皆知名。

右萬曆中任。

左參議

鄭湜 湜字仲持，浦江人。洪武中有誣其家交通賊臣者，禍且不測，湜與其兄濂爭下獄。太祖問之，召見，慰諭甚至，授湜爲本司左參議。吏民稔聞其家聲，相戒勿犯。豪將病民，湜與爭可否，亦自帖服。南靖縣民爲亂，誣誤者數千人，部曲多掠其婦女爲婢。湜言於諸將，悉縱遣之。有商爲盜所殺，盜既獲，以無屍可檢驗，不服。湜夜取盜鞠訊，縛囚置庭，而匿吏案下，俾聽其私語，果得其藏屍處。閩人以爲

神。

郭璉 璉，洪武中爲福建參議。咨詢民瘼，興學勸士，立政事，處官僚，不同而和。嘗遇祭祀，猪羊已備，御史嫌其小，輒退之。民訴璉，璉硃書牲頭角曰：「驗中」，卒用之。

江壽祖 壽祖，歙人。太學生。擢福建參議，清謹自持，四載卒官，民爲涕泣。

右洪武中任。

楊成 成，成都人。建文中以刑部郎中謫知新喻。介直無留事，民吏慕仰之。終福建參議。

吳祥 祥，花平人。學識出衆，繇監生歷仕，有聲，累官福建布政參議。卒，祀鄉賢。

李文華 劉隆見副使。

孫恪 恪，鄒平人。洪武末爲懷柔簿，邑民頌德，陞知縣，累遷福建參議。律身廉謹，家無蓄積，惟收

書以遺子孫。

楊鼎 苗賢

右永樂中任。

李珏 樊翰 陳羽

右宣德中任。

金敬 劉萃 荆璞 趙象

右正統中任。

劉琛 趙慶 李迪 鄧履純

右景泰中任。

李春 春，無爲州人。正統元年進士。任兵科給事中，有直聲。擢福建參議。汀有群盜，親抵巢穴諭降之。陞江西左參政。時洞酋作亂，亦諭使馴伏。歷任三藩，聲蹟茂著。

盧雍 雍，江寧人。天順元年進士。自武庫主事歷參閩藩，終湖廣布政使，皆有政績。居父喪，廬墓三年，有產芝之異，詔書旌表。

趙昌 見右參政。

右天順中任。

丁本

裴衷 衷字秉彝，石康人。景泰五年進士，歷福建左參議。剛介不附權勢，歸日圖書數卷。

陳渤 黃澄 馬孔惠 沈暉 見右參政。 葉萱

右成化中任。

程廷拱 廷拱字獻之，浮梁人。成化十一年進士，歷本省參議。榜禁不法三十餘事，並切時弊。開渠建陽，以利灌溉。福寧諸路凶札，設法賑濟。累官右布政使。

熊祿 徐貢 冒鸞

右弘治中任。

彭夔 陳炫湯 一作揚。 繼文

周廷用 廷用字子賢，華容人。正德六年進士，令宜黃。入爲監察御史，巡按貴州。中當事者忌，出

爲僉事。既參議福建，與尚書林俊論詩文於壺山之陽。歷掌江臬都御史。汪鉉以私憾摘黜之。廷用僞儼豪岸，闊視放言，論人長短，不作遷合。而文人騷客，則忘勢與交，推讓延譽。且廉介之節，始終一轍。

右正德中任。

謝顯

程旦 旦字孟明，歙人。嘉靖二年進士，授戶部主事。裁抑權倖，不附時相。歷本省參議，終布政使。制行修整，事不畏難，孝廉方正，鄉里著稱。

歐陽必進 安福人，終吏部尚書。

方紀達 紀達字行可，歙人。正德十二年進士。宰南豐、襄陽，皆以廉著。擢南給事中，抗章力詆張、桂。居常曰：「諫官遇事，如障狂瀾，冒弩矢，衝波駭，機寧暇避耶？」調廣西僉事，轉福建參議。人賀，道卒。無資以斂，婚友合贈稅收之。

焦煜 徐樾 係雲 夏寶 戴鯨

吳源 源字宗乾，錢塘人。嘉靖十七年進士。以江西僉事遷本省參議。閩道里因遠阻京師，令歲出其所徵，易輕齋市諸物以輸，而所市物利害相去或倍蓰，掌輸者偶值其害，卽破家不足償。源至，三分其等爲上、中、下，以極利兼極害者，中則自爲一等，無所兼輸者趨便而役。益集久之，御史某以清軍至，檄源厚聚將以貽所趨附。源却之，竟被撫，改遷江西副使。

熊洛 見左參政。

劉子興 見右布政。

姚梧 惲紹芳 宗臣 金立敬 宗臣、立敬，並見副使。

黃肱 陳一

松 見按察使。

右嘉靖中任。

劉志伊 楊芷

右隆慶中任。

張尚大 戢汝止 歐陽栢

鄭汝璧 汝璧，縉雲人。隆慶二年進士。爲郎刑、禮、吏三部，以才名著稱。歷本省參議，終副都御史。

范謙 謙，豐城人。隆慶二年進士，改翰林。以得罪江陵相出爲本省參議，後仕至禮部尚書。爲人坦夷和厚。

駱問禮 甘來學 徐秉正 朱熙洽 劉弘道 吳之望 余懋中 陳良材

吳之鵬 之鵬，武進人。萬曆五年進士。以僉事分部福寧，撫愛善良，抑遏刁惡。時警報頻傳，兵食多事，處之裕如。以參議鎮漳南。

俞上章見左參政。 陳治本 楊廷槐

右萬曆中任。

右參議

王鈍見左參政。

右洪武中任。

李華 葉仲英英一作賢。

辛彥博 彥博，汾州人，初名彥德。洪武中人太學，以明經篤行著名，高皇帝重之，授監察御史，賜名彥博，擢浙江按察使。其後以論事忤旨，遷調不一。永樂初被繫編戎。召還，御史補福建參議。伴送爪哇使貢至行在所，成祖知其名，曰：「是老實辛。」面命陞浙江左布政使。公正無私，清修苦節。

楊鼎 李珏 樊翰

右水樂中任。

耿定 唐世良 徐傑 牛肆

右宣德中任。

周銓 懷遠人，歷南臺都御史。 陳浩

陳琰 琰，江都人，爲御史巡按雲南。臺院東有煙縷若鬼，狀向訴者。琰使人詣其家云：「有人謂汝有藏書，可連篋付閱？」遂得江西商引於其篋中，推訊所繇，得屍室下。人以爲神。陞本省參議，後官至布政使。

竺淵 淵，奉化人。宣德八年進士，來參閩藩。時礦徒流劫，淵董巡坑之役，誅擒殺過當，礦盜怨之，被害於福安縣之劉澤坑。事聞，封鎮山護國侯，祠祀之。

右正統中任。

陳雲鵬 劉彰

右景泰中任。

劉益 張雄 尹淳 袁芳

李澄 澄字希范，上海人。天順元年進士，歷福建參議。恬靜不競，有古人風。右天順中任。

黃霖 崔儀 孔宗顯 葉祚

史琳 琳字大瑞，初姓張，復姓史，餘姚人。成化二年進士，授工科給事中。抗章歷論，無所避撓。出爲福建參議，奉勅督理銀課。同官納賄將啟礦，琳堅阻之。後歷右副都御史，巡撫直隸，兼提督三關。入爲工部侍郎，轉右都御史。破虜榆林，有璽書之褒。卒，贈太子太保。琳寬厚喜談兵，習太乙、六壬遁甲等術，卒用邊功顯。

梁芳 孔舉

右成化中任。

任穀 穀字生之，橫州人。成化八年進士，爲戶部郎中，擢福建參議。先是，治中歲採銀，參議顯督所入，久之，脉耗採絕，民至攤償，流亡者衆。穀行視得其狀，慨然曰：「民困至此，所司不言，豈朝廷設官意哉！」獨上章請罷之。得報如請。坐爲同官所忌，調參廣東。直氣益厲，見事敢往，竟爲忌者交毀，罷。

王琳 蔚春

黃華 華字實夫，歙人。少受業商文毅輅，輅器重之。登成化十七年進士。起家金谿、平江二縣，歷本省參議。汀、漳流賊作亂，討平之。見逆瑾招權，上印綬歸。

右弘治中任。

史學 學字文鑑，溧陽人。成化進士，授戶部主事，歷本省參議。以清慎勤能稱。後陞山東左參政，築河擒賊有功。同官與憲臣交惡，見波及，遂忻然賦歸。

徐文溥 文溥字可大，開化人。正德六年進士，授南禮科給事中，彈劾不避權勢。參議福建，廉介，人不敢下以私。仕終廣東按察副使。

裘壤 壤字本原，慈谿人。弘治六年進士，授行人，歷本省參議。總理糧儲，見倉困空虛，軍士或數年不受粒米，廉其故，在糧長私歲賦，有司受賂不問。乃糾貪懦，懲奸猾，擇謹慎吏董其事，而躬親照刷，賞罰必信。復檄郡縣糴穀人便民倉，經畫周密，可久遠。上杭流賊攻陷縣治，聲搖數郡，壤職兼分守，召兵募民截守要害，設法擒渠魁，諭撫餘黨，悉歸之農。

茹鑾

鄭毅 毅，上饒人。弘治十二年進士，授南北兵曹郎，歷福建參議，終右副都御史。以才能稱。

右正德中任。

李際可

魏榮見左參政。

蕭瑞

張拱宸 拱宸字仰德，順德人。正德十二年進士，郎戶部，監太倉。尚書侯觀欲私概人，拱宸不少徇。成化以來，鹽法改折。先所給引有數世候支者，（三）黠商潛賄計漕，通於內閣中貴人，祈四朝鹽引偕發。拱宸抗言：「四朝偕發則成私鹽，且擁不行，鹽擁不行則利入微，商人不懷。失信商人，虧折國賦，非細故也。拱宸一日去位，則惟諸公。」衆不能奪。陞福建參議，罷歸。拱宸剛直，喜急人難，見不善叱咤之。家居，身自耘瓜，妻子不給。

蕭廷傑 楊瑀，崇明人。正德十二年進士，歷本省參議。侯宮逸囚變，與布政查約同遇害。吳章 王學夔見布

政。  
胡松 松字茂卿，績溪人。正德九年進士。爲嘉興司理，召入爲御史。出按山東，引疾歸。再起，論王瓊忤內閣意，謫理廉州。量移至福建僉事，分部泉州。庫亡金，繩守藏急。松廉得攝者通吏奸狀，出守藏釋之。永春民聚族追捕寇，歷山鄉，鄉民以爲寇也，縱擊之，獲四十人，皆誣服。松得其狀，賴以不寃。尋進布政司參議。泉中城有院以居癘者，豪睨其地，欲得之，聞部使者，部使者下議，徙癘海島上。松曰：「縣官閤焉，以先無告如之。何徙棄之以中豪家？」卒格之。終工部尚書。

#### 吳大本

陳束 束字約之，鄞人。倜儻有大志，穎慧絕倫，泛濫百家言。登嘉靖八年進士，授翰林庶吉。與王慎中、唐順之、田汝成諸子相友善，日夜陳說藝文，侈論宏議。時當道被縣官眷遇，朝士奔走其門，束歲時望門投刺而已，當道卿之，坐出爲湖廣僉事。乞骸骨，秉銓者念之，擬注提學山東，乃稍徙而閩。怛怛侘傺，左右圖史，置酒一壺，且誦且飲，時時仰屋嘆。然每出治檢括案牘，窮日夜不少休廢，與學上先生接，周旋款語，無不人人滿意者。改督學河南，亡何卒。

曾存仁 存仁字懋遠，吉水人。嘉靖二年進士，授禮部主事。排光祿丞何淵請廟街事。與修《明倫大典》。丁艱，起浙江右參議。痛抑中官崔成，坐逮繫獄。踰月，調福建。數視司篆，剔蠹剷奸。巡按御史某候代延平，存仁不往謁。北行，遣吏持空緘送之境上，御史嫌之，不列於薦書。吏部知之，出御史爲知府，而遷存仁廣西參政。存仁持身廉，待下恕。時與鄒文莊、羅文恭講學龍華雪浪間。

黃福 柯喬並見副使。 秦鰲見右布政。

何鰲 鰲字巨卿，山陰人。正德十二年進士。初授刑部主事，諫武皇南巡，被杖。後累遷刑部尚書。

楊大章

陳如綸 如綸字德宣，常熟人。嘉靖十一年進士。初爲侯官知縣，始至，不見鋒鏑，曹史易之。一日，悉至堂下，以次摘發，如對案籍，皆膽落伏地謝，自是不敢售欺。至於辯冤獄，獨擒劇盜，密察寡婦訟子之情，一縣神明之。然未嘗以子子盡人事，必持大體，先教化。訟有關倫理者，使謹實鄉老誨諭之，動其良心，有涕泣罷者，名能知文。所品題士如王應鍾、舒汀、楊一謨、葉廷萃、鄺元紛輩，多至顯達。諸生林樹舉、羅一鸞、魏文煊以會文觸夜禁，時持之人見，索其袖中文，大奇之，二人因而受業，後皆舉進士。他日與科場畢，以宴中銀卮歸，其妻驚曰：「君故清白，何爲此染？」蓋如綸素絕苞苴，妻不習見耳。爲參議數月，卒。

徐文通

吳天壽 天壽，宛平人。嘉靖二十年進士，駐節福寧，鎮靜不擾。

顧翀 翀，慈谿人。嘉靖十一年進士，參閩藩，出鎮福寧州。時當多事，議取協濟銀於福、邵、延、建，藩司鹽運得四萬九千七百有奇，廣募軍民兵爲備，州以無事。

陳綬 綬，西安人。革舊時折乾之弊，士民安之。

萬民英 民英，易州人。嘉靖二十九年進士，以御史出爲僉事，作鎮泉州。倭寇方盛，常出身先將

士，<sup>（四）</sup>勦滅之。復時時召致謀勇，入軍撫諭。陞本省參議。

秦宗道 金澗見副使。

黃希憲 希憲，金谿人。嘉靖三十二年進士，以參議轄福寧。却二屬縣供具，曰：「州足矣。」去日，出州供之餘與贖鍰若干，悉籍之庫。

右嘉靖中任。

李紀 紀，泗州人。嘉靖進士。先爲南戶曹，以創犢卒著聲，僉憲湖湘，分守福寧道。建籌邊樓，留意學校，課士禮賢。擢饒州兵備。去之日，士民擁送，有垂涕者。

徐作

右隆慶中任。

徐時可 時可，黃崗人。嘉靖進士，有長者稱。

喬懋敬 聶廷璧 鄭秉厚 張崧 謝師啟 喬木 楊德政 吳嶙 陳應芳 張鼎思 馬邦良 王

志 劉毅 吳中偉

右萬曆中任。

寮屬賢者附後

劉廷蘭 武陵人。洪武中鄉薦，授本司理問，陞工部郎中。歷官清慎，終惠州知府。

梅芳 黃陂人。正統間歲薦。朴實多大節，任本司理問，平寇千餘。居鄉，力行古禮，冠婚喪祭，鄉人則之。

謝瑩 字懷玉，餘姚人。正統中以資授本司都事，廉謹有守。鄧茂七作亂，欲脇從漳州民，號於衆曰：「不從，早晚屠城。」漳州民畏死，欲應之。兩司重臣以罷卒士兵委瑩徇定，且命之討賊，意以事敗，則罪歸瑩，功成，則已有之。瑩至漳，惟以忠義感激人心。漳人皆喜，樂爲用，不數日，賊盡就擒，而出漳於難。後以孫遷貴，贈少傅。

按察司 按察使一員，副使二員，僉事四員，已上俱舊制。後又添註督學、兵備、海道、屯田、諸部分巡道各一員，或副使、或僉事，皆奉勅專理。經歷、知事、照磨檢校各一員，司獄一員。

陶鑄 鑄字堉仲，鄞人。少孤貧，懷奇負氣。洪武十五年以國子聘授監察御史。劾奏刑部尚書開濟、韓國公李善長等，朝中肅然。未幾，陞福建按察使。下車，進耆老，諮民瘼，禁豪強，戒侵漁。與諸生講經習射，執賓主禮。時左布政薛大昉貪婪無厭，鑄人京疏劾之，大昉亦誣堉仲，并逮去。民冀其復來，爲之祝曰：「陶使再來天有眼，薛公不去地無皮。」後得直復任，民人忻躍，相迎於郊。

阮友彰 友彰，廬陵人。爲按察使，以廉幹稱。左遷河南副使，以事謫戍。復起，爲交趾副使。

張盟

右洪武中任。

李觀 朱應祖 邵玘見巡按

右永樂中任。

李素 素，平谷人。繇國子生，以副都御史調。剛方簡重，憲度肅然。秩滿，民遮留之，進二品祿。右宣德中任。

謝莊 正統十年，吏部言莊誘取福州左衛指揮張欽女爲妾，又與左布政使方正挾妓飲酒，事見正下。遂與正並謫戍。

方冊

陳璞

右正統中任。

楊珏 珏，臨海人。正統元年進士。公勤直諒，因遠奸佞，卒罹讒謗，左遷知黃州。

胡新

右景泰中任。

馬文升 文升字負圖，禹州人。景泰二年進士，授御史，按山西湖廣有聲，來爲按察使。憤鎮守中官擾民，輒繩以法，民戴其德，歌謠載路。仕終吏部尚書，爲弘治中名臣。卒，贈太師，謚端肅。

右天順中任。

張鵬 鵬字騰霄，涑水人。景泰二年進士。天順初，石亨恃寵干預，鵬爲御史，率同列極詆其罪，謫戍鐵嶺。尋改南丹。成化間起福建按察使，歷兵部尚書。

劉敷 見左布政。

洪弼 唐彬見巡按。

溫宗 見左布政。

劉城 城字廷高，鄱陽人。景泰七年領天順鄉薦，以御史陞福建副使。剷弊發伏，上杭盜劇，城梟渠魁，散其脅從。陞本司使，風紀益勵，勢家海販屏跡。歷右副都御史。

王繼 兄鎮守巡撫。

謝綬 綬字維章，樂安人。景泰五年進士。自陝西參政陞本省按察使。忠厚仁恕，民陰受惠。終南禮部尚書。

右成化中任。

高崧 崧字鍾秀，襄城人。成化二年進士，授南大理評事，累本省僉事、副使、按察使。在閩最久，觀風問俗，悉人情偽，刑簡不苟，輿臺門隸之役，視尋常省半。遷右僉都御史。

張玉見右布政。朱瓚

吳洪 洪字禹錫，吳江人。成化十二年進士。起家南刑部郎，歷福建按察使。明恕清白，斷獄無枉。城北常有虎患，洪爲文禱告，虎遂去。建、延大水，民貧且互劫，輒便宜拯濟。江、漳軍餉缺，盜賊蜂起，取徵商之羨賑之。徭戍者有所索，守臣集三司議，洪曰：「不與則致叛，與之則爲例，不若以賞爲名而姑與之。」群僚嘆服，皆從其議。洪爲人和而不侈，莊而不倨，在官聽訟，以情數辯疑獄。布政司吏有微罪，鎮守中官啣其使，欲重罪吏以爲使累，洪厲聲曰：「殺人媚人，吾不爲也。」仕終刑部尚書。

陶琰見左布政。荆茂

汪舜民 舜民字從仁，婺源人。成化十四年進士，除行人，擢御史，歷本省按察使。福清盜竊官鎗，當道蹤跡捕賊，有怨家誣三十衆抵罪。舜民察其枉，召捕真盜，竟坐誣者。夏久旱不雨，舜民聞州縣用法刻深，獄蔓疫起，卽躬治福州獄，出其冤抑，非當大辟悉流遣之，雨下三日如注。武夷宮藏仙人顱骨，惑其惑衆，且以暴骨有傷天和，檄埋之。舜民重風節，發言舉事，必本於仁義忠孝。歷南都察院副都御史。

右弘治中任。

李貢 貢字惟正，蕪湖人。成化二十年進士。爲本省按察使，器識宏遠，讞獄明慎。仕終兵部侍郎。

夏景和 陳珂見左布政。

劉遜 遜，安福人。成化十四年進士，授南京監察御史。上疏論中官蔣琮，謫知武崗州。以事逮繫詔獄，謫四川。後按察本省。

王恩

周季鳳 季鳳字公儀，寧州人。弘治六年進士，來爲按察使。鎮守中官縱諸牙卒摧攘商稅，所在騷然，季鳳禁戢杜絕之。歷右都御史。

王金

盧宅仁 宅仁字伯居，四會人。弘治十二年進士。自雲南副使陞任，以能決冤獄稱。仕終雲南右布政。粵人稱宅仁爲博雅君子。

右正德中任。

舒晟

周廣 廣字克之，太倉人。弘治十八年進士，授莆田知縣。道出會城，例謁鎮守中官，時率行重賄，廣徒手不爲具。至官，日禮耆俊，詢利病，諸所興革，咸飫人心。甫期月，母卒，官貧不能殮，粥釵釧襄事。後擢監察御史，以發錢寧僭擬皇儲奸狀，謫懷遠驛丞。嘉靖初視學江西，璽書褒嘉卓異，遂移總閩憲。閩故多盜，廣分部所屬伐其渠魁，申勅憲章，釐革蠹弊。凡會讞獄，齋戒禱神，開釋冤抑，參伍之下，咸得其情。鎮守中官以廣初至，啗之以金，廣不省，真諸府藏。比鎮守告寤，取金還之，因以綱條解諭，鎮守憚服。其後有中官督織造者橫索民財，有司莫能抗，廣移檄禁遏，繩其奴從。居三年，擢右僉都御史，

巡撫江西，歷南刑部侍郎。

周用 用字行之，吳江人。弘治十五年進士，授行人，遷南兵科給事中，歷本省按察使。推鞠平恕，獄無冤民。中貴人鎮守市舶，日責館人供具，苦於劇費。用例削其數，公私稱便。仕終吏部尚書。卒，贈太子太保，謚恭肅。用有文學，詩畫俱美。爲人肅括，不落時態。

吳山 山字靜之，吳江人，洪之子。正德三年進士，授刑部主事，陞員外郎。諫武廟南巡，罰廷跪五日。歷本省按察使。山以聞其先人芟棠治所，聽斷公明，法中行恩，吏民思洪美山，爲之歌曰：「鳳之棲兮雛來儀，民之瞻兮具是依。」仕終刑部尚書。

朱裳 裳字公垂，沙河人。少勵清節，正德九年進士。擢監察御史，按山東、西，阻撓權貴。還朝，諫止南巡，數變人熒惑之禍。嘉靖中歷轉閩憲，仕終副都御史。裳敷歷中外，官至九卿，寒約如一日，自號安貧子。

胡岳 岳字仲申，華亭人。正德九年進士。起家刑部主事，歷官楚蜀粵三省，遂總閩憲。數據法直民死罪，按贓吏，不以御史意假貸，或時正議御史前，御史爲面赤流汗。闕故贖得未報事，晨夕徹下諸郡縣，日以八九至，吏傳寫不能給，而岳聽讞綽如。暇手校四書五經及《朱晦庵集》以傳。仕終大理寺卿。

徐乾 見右布政。

郭持平 持平字守衡，萬安人。正德十二年進士。官本省按察使，仕終南刑部侍郎。以講學名於時。

曹嘉 嘉字仲禮，陝西寧州人，空峒李夢陽甥也。正德十二年進士，擢侍御史。慷慨有意氣，嘗劾奏

吏部尚書喬宇，品列廷臣五十人爲四等，坐連貶茂州判官。後歷陞閩憲使。

喻茂堅 茂堅字汝礪，榮昌人。正德六年進士。筮仕黃岡，治行卓異。擢御史，守正忤時。後歷兩郡，所至遺棠。陞本省按察使，敦崇大體。終刑部尚書。

嚴時泰 時泰字應階，餘姚人。正德六年進士。以鎮江同知轉福建鹽司。同安縣涪州場在島嶼中，不輸課賦者三十餘年，前吏畏風濤莫敢往，時泰泛海抵場，旬餘輸稅萬計。後歷本省按察使。尋巡轄四川，以俘斬都蠻功陞南工部侍郎。

顧夢圭 夢圭字武祥，崑山人。嘉靖二年進士。自河南副使陞本省左參政，分守延郡。汀、建山寇竊發，冒暑雨，涉鳥道，捕獲賊首五十餘，群黨解散。擢本省按察使。屬吏有席權要貪濫者，覆按置之。又豪富人主使殺人，行路抵從者罪。夢圭盡發其奸，翻易成案，人稱神明。遷江西右布政使。夢圭宦轍所至，清苦一跡，又不規規仕進，竟以強年解組。

梁廷振 廷振字伯綱，南海人。嘉靖二年進士。自兵部郎中出爲廣西副使。同參政翁萬達監督諸軍，勦斷藤峽，平府江諸瑤。遷福建右參政，督理糧儲。公餘講學，閩士嚮風。進按察使，憲度貞肅。比人覲，不持一物。遷浙江左布政使。

王汝孝 周延

李義壯 義壯字維人，番禺人。嘉靖二年進士。起家仁和令，歷本省按察使。革冗弊，清吏蠹，杜請托。仕終僉都御史。義壯讀書能文章，砥礪名節，上論歸重。

張鰲見右布政。

周采 采字子亮，寧鄉人。嘉靖十年進士。從羅文恭、徐文貞游，養深守定，臨事不撓。自陝西參政遷本省按察使，累副都御史。

王昺 范欽 楊應奇 趙維垣見左布政。 李磐 唐禹 袁襲裳 姜良翰

劉天授 天授字子全，萬安人。嘉靖十年進士。初知龍溪縣，興學舉廢，修纂志書，歷本省按察使。

杜拯 萬衣 汪道昆見巡撫。 張子弘

陶承學 承學字子述，會稽人。嘉靖二十五年進士，授中書舍人，擢侍御史。在臺六年，甚著風裁。後歷官閩憲。丁內艱，歸。承學廉能卓異，所至誠信，蒞事部內，衣冠無敢私干請，問遺宴會，不相往來。或謂宜少假借以通士大夫之情，承學口：「彼自無求安用拒，自無饋安用辭。」然風貌藹藹，襟度汪盎，見者敬而愛焉。終南禮部尚書。子望齡，會試第一，及第第二。

塗澤民 劉佃

右嘉靖中任。

劉子興見右布政。 黃華 李遇元 周賢宣見右布政。

陳一松 一松字宗巖，海陽人。少孤貧，事母至孝。嘉靖二十五年進士，選翰林庶吉士，除兵部郎。遷湖廣僉事，乞終養。免服，補廣西僉事，遷福建糧儲參議。催科撫字，公私兩給。歷福建按察使，仕終工部左侍郎。生平儻有大節，脂韋剋核，皆所不事，所至民祠祀之。

熊琦 莫如善

鄒善 善字繼甫，安福人，福建僉事賢之孫，文莊守益之子。嘉靖三十四年進士。自刑部郎歷本省按察使。克承家學，潛心研究，居官擔負，屹然特立。

右隆慶中任。

李鳳

徐中行 中行字子與，長興人。嘉靖二十九年進士，授刑部郎。從李攀龍、王世貞爲古文辭。出知汀州，至官，廣寇蕭五擁萬衆猝來寇郭外，男女爭避入城，門者闔之，有相蹈藉死者。中行戒令遠斥堠，亟開闔，身坐闔前，引繩分途，別男女以次入。諸縣令各受教，飭兵登陴。賊不能破，轉圍指揮董瑤壘，係累男女數百中行。以旅解之，盡奪其俘。又策賊且走，走必繇高吳道，俾武平令徐甫宰伏兵徽破之，擒其酋，又念山海寇無已時。而三圍當要衝，議城之，以一通判控治。得報，可。自是，寇盜解散。丁艱，歸。服闕，補汝寧。中忌者左遷。尋參議雲南，歷福建按察副使，晉布政司參政，治糧儲。市猾憑城，杜者七十餘家，卒據公廩，以病閭伍，悉真之法。逾年晉按察使。監文武試，所得多名士。人覲，遷江西右布政。

朱金 蔡汝賢 吳一瀾 張楚城 陶大順見左布政。陳文燭見右布政。

胡直 直字正甫，泰和人。嘉靖三十四年進士。歷廣東按察使，丁艱杜門。用薦起閩憲，力辭不得，強赴任，竟卒閩中。直才豪好奇，喜談孔文學，郭元振、李太白、蘇子瞻文、宋瑞之爲人，既又慕效李夢陽、何景明之文章。繼自省忿躁，輒著格物論駁王文成之說爲未然。既又自覺其非，就正歐文莊、羅文恭而學焉。所著書多行於世。

顧褒 張惲見右布政。 費堯年

陸萬垓 萬垓字天溥，平湖人。隆慶二年進士，初授福寧州。聰敏絕人，剖決如流，胥吏不能得訟者一錢。兵興賦增，極力節縮。當道文移有不便者，輒反覆辯折。海產鹽，而鮓酋與巡徼者通，每魚肉之，厥價踊貴。萬垓捕治一二奸人，鹽以大通。歷本省按察使，終都御史。

劉尚志 王橋 陳性學見右布政。 徐應奎 楊德政

沈一中 一中字長孺，鄞人。萬曆八年進士。起家禮部，仕至山東參政。力乞終養。親終，起本省右參政，分鎮漳南。紅毛番夷乘巨舸，備戰具，挾我一片地爲市易區。礦稅中貴人人其賄，許之。一中力爭曰：「此廣東香山故事也，尚可許乎？」遣裨帥沈有容津諭之，紅毛番夷降心回舸。陞按察使，終貴州布政司。一中溫栗文雅，內廓然有容，而執正不阿。有兄爲時相，斂退不見形跡，棲遲外服，泊如也。

高從禮 從禮字質甫，仁和人。萬曆十四年進士。以刑部郎歷福建按察副使，主屯鹽。尋以藩參治閩粟，遂擢憲使，治兵漳南。奸人妄奏言，福建鹽使司多滯引，粥之得十五萬金，乘傳廩來，商寵憂擾。從禮時主鹽法，挺身疾辯，爲輸餒四千有奇而止。朝遣中使出榷稅，爲暴橫，從禮輒持關鍵送機牙以制之，自是嚴憚不敢發。爲人耿介端莊，精吏事，無留牘。爲境內興利除害，蚤作夜思，至達旦不交睫，遂有陰陽之患。以齋捧便道抵家，卒。未究所施，海內惜之。

沈儼灼 吳之鵬

饒景暉 景暉，南昌人。萬曆中進士。先爲本省提學，精心校閱，率得名士。

沈麟祥 陳邦瞻見右布政。 葉其蕃 蕭近高 程達

右萬曆中任。

〔校記〕

〔一〕「指」字，各本原脫，據明朝官制補。

〔二〕「世宗」，各本原作「肅宗」，據《明史·世宗本紀》改。

〔三〕「引」，各本原作「行」，據文義改。

〔四〕「出」字，當衍。

閩書卷之四十八

文蒞志

皇朝

副使

莫禮 禮，吳江人。以歲貢入太學，授本省按察副使，能聲卓著。召陞戶部右侍郎。

王璉 璉，孟縣人。以秀才任。激濁揚清，精審法律，聽訟由理探情，不恃鞭撻。

李惟益 賀弼 聞人善慶 陸仲英

右洪武中任。

李溫 盧文達 陳思聰

樊彧 彧，聞喜人。以歲貢入太學，除瑞州通判，歷本省市舶提舉，陞副使。文行爲時推重，終太僕

少卿。

高永康 童銓 李公正 張翥 鍾永用 許昇

衛浩 浩字季洪，常熟人。以太學生與修《高廟實錄》。擢御史，出理幽薊諸郡文卷。時仁廟爲太子，出守北平，浩入見，言事稱旨，賜經書食物。後歷本省副使，擢江西，以老乞歸。居官讜論，風節勁挺，

存心忠厚，平反多獄。

李琳

劉隆 隆，彭澤人。自太學生擢廣州同知，勤於政事。尋陞福建參議、副使，轉廣西。所至有聲。

謝孚 孚字以誠，當塗人。永樂四年進士。以督餉口北，事竟愆從回還。陛見，陞本省按察副使。

伉直自將，嘗言：「方岳之官，所以表式下寮，不得行其志則已矣，可自屈哉？」後改陝西，以忤中貴著聲。

劉翔 翔，剡城人。入太學，疏陳時政得失，成祖嘉納，除刑部主事，累福建副使。嚴舉劾，合輿論。

胥必彰 必彰字德顯，龍陽人。以國子生擢御史。嘗奉命鎮守甘肅，邊務振舉。陞本省副使，坐累降御史，巡按廣東，歷河南參議。雖傷嚴刻，而所至有守有爲。

右永樂中任。

成寧司

右洪熙中任。

祝戒 劉棻

王增 增，南城人。洪武末以監生任御史，剛毅直亮，風節凜然。嘗居母喪，鄰舍火將及，增慮母棺不免，朝服望拜，欲赴火死，天遂反風。官至本省副使。

胡智 智字宗愚，會稽人。永樂十九年進士，授監察御史。中貴人某怙寵觸法，連引齊魯楚蜀數郡，智奉詔訊鞫，盡得其情。擢福建副使，墨吏望風解綬。遷廣西按察使。

姚震

右宣德中任。

王讓 高敏 曹祥 丘俊 胡新

周瑄 瑄字弘璧，淳安人。正統元年進士。以刑部郎陞副使，鎮建寧。摩撫傷殘，招集新衆，增城浚濠，寇退民安。朝廷齎賜織金文綺二表裏，鈔百錠，進食三品祿三載，進階中憲大夫，以嘉其功。

右正統中任。

徐朝宗 顧隆見巡按。

右景泰中任。

吳中 中，賓州人。正統十年進士，歷本省副使。嚴不傷猛，行部所至，官吏敬憚。時未設提學，諸生中考較，咸服公明。

鄭顥見巡按。

沈訥 訥字文敏，崑山人。正統七年進士。歷福建僉事，督松溪銀冶。洞蠻鄭懷冒擁衆嘯聚於臺山，朝命都御史劉廣衡發兵討勦之。廣衡拔訥爲前部，訥從間道深入其阻，躬自持戰，身被二矢。銃奮鬪益急。賊不能支，遂悉殲焉。訥後與廣衡言奏於朝，請置縣曰壽寧鎮之。遷副使，卒。

郎勝

邵宏譽 宏譽字德昭，餘姚人。永樂二十二年進士，官監察御史，用薦擢翰林修撰。尋陞本省副使，領兵徵鄧茂七，失機，太監曹吉祥欲殺之。監軍者尚書金濂，宏譽同年也，方人謁，求免。吉祥忽至，急索

宏譽，宏譽竄入後幕。幕客周鼎視其貌，曰：「公殺氣定矣。」啜之茶，匿之。曹竟去。後以寇平錄功，復湖廣副使。宏譽天性孝友，親廬墓。居官清白，犯而不校，寬然長者也。

#### 王凱

鄭佑，常山人。景泰二年進士。持憲有體，寬猛不苟縱。時有旨命按史會藩臬考察郡縣官，憲司推佑，所至黜陟甚當。以公事過家，卒，閩人惜之。

錢璉一作連 浦清

右天順中任。

余洵，洵字允清，鄞人。以鄉薦累福建副使。丁艱，改湖廣，復改陝西，皆其省布政。徽歷三省，大著賢聲。

牟倬，倬，巴人。由進士擢監察御史，陞本省按察僉事、副使。政尚嚴刻，行部所至，郡縣肅然。進江西按察使，終應天巡撫、都御史。坐爲陳鉞、汪直所構，下詔獄，謫戍。

何喬新，喬新字廷秀，廣昌人。景泰五年進士，累福建按察副使。浙寇千餘人盜採壽寧等縣銀礦，所過剽掠，喬新募鄉兵擊斬之。福寧有豪暴殺人，出人隨兵甲拒捕者三十年，喬新設方略生致其父子。其地連歲被寇，加以水災，廬舍蕩然，水後疫氣大作，死者十三四，往往暴露。喬新行部至，延問父老，悉心荒政，民若更生。仕終刑部尚書。卒，贈太子少保，諡文肅。爲弘治間名臣。喬新在閩，有跋余應詩云：「余應，閩儒也，有詩叙元順帝爲宋帝顯之子。」其詩曰：「皇宋第十六飛龍，元朝降封瀛國公。元君詔公尚公主，時蒙賜宴明光宮。酒酣舒指爬金柱，化爲龍爪驚天容。元君含笑語群臣，鳳雛寧與凡禽

同。侍臣謀獻將見除，公主夜泣沾酥胸。瀛公晨馳見帝師，大雄門下參禪宗。幸脫虎口走外方，易名合尊沙漠中。是時明宗在沙漠，締交合尊情頗濃。合尊之妻夜生子，明宗隔帳聞笙鏞。乞歸行營養爲嗣，皇考崩時年甫童。文宗降詔移南海，五年乃歸居九重。壬癸枯乾丙丁發，西江月下生涯終。至今兒孫主沙漠，吁嗟趙氏何其雄！惟昔皇祖受周禪，仁厚綽有三王風。雖因浪子失中國，世爲君長傳無窮。」喬新跋而釋之，以明天報宋太祖之厚，其跋曰：「詩叙元順帝爲瀛國公之子也。『壬癸枯乾丙丁發』之句，蓋壬癸爲水，丙丁爲火，元以水德王，而宋以火德王也。云『西江月下生涯終』者，故老相傳：順帝北遁，殂於應昌，倉卒取江西寺梁以供梓宮之用。梁間隱隱有字，亟視之，乃『西江月』一調，有『龍蛇跨馬亂如麻，可汗却在江西寺下』之句。或云，太保劉秉忠所作，故應云爾。考之於史，瀛國公以德祐丙子降元，時年六歲。後十有二年爲至元戊子，瀛國公學佛法於吐蕃。又二十八年爲延祐丙辰，仁宗遣明宗出鎮雲南，明宗不受命，逃之漠北。其與瀛國公締交，蓋在此時矣。妥懽帖睦爾以元統癸酉卽位，是爲順帝，時年十四，其生當在延祐庚申，（一）上距丙子凡四十四年，而瀛國公年始五十矣。余應之詩或有徵也。史又云，文宗以乳母失言明宗在日，素謂上非其子，黜之江南，召奎章閣學士虞集書詔播中外，而不言順帝爲何人之子，蓋諱之也。予年二十時，赴江西鄉試，從館人家見古樂府一帙，內有《沙漠主》一篇，云楊廉夫所作。予方從事科舉，不暇錄也。但記其篇末句云：『吁嗟乎！鳳爲鳩，龍爲魚，三百年來龍鳳裔，竟墮左衽稱單于！』又識其後云：『宋太祖之德至矣，肇造帝業，不傳諸子，而傳諸弟。太宗負約，金人之禍，舉族北遷。太祖末孫復紹大統，有江南者百餘年，爲元所滅。而瀛國公之子陰篡元緒，世爲漠北主。天之報太祖一何厚哉。』其言頗與應合。近考《鐵崖樂府》，無此篇，豈出於假托邪？抑有所遺邪？因具疏以廣

異聞。」何公此跋無與宦蹟，以其出於閩僑所作而公跋之，又因以廣異聞。且余應不詳何縣人，又因以見應，故附此。

潘積 潘積字景徵，廬州人。天順庚辰進士，授監察御史。亮節直聲，擢福建副使。明慎果斷，獄無冤滯。福寧產銀礦，先是，輸課者加耗息至千，因發其奸，而以補他課之逋。擢四川按察使。

辛訪 訪字啟道，襄城人。景泰二年進士。擢監察御史，歷轉閩臬，奉勅巡視海道。湖海大姓私造海艦，歲出諸番市易，因相剽殺。訪捕其巨黨，置諸法，而没人其艦。事連達官，窮治甚急。其家誣訪激變良民，訟於御史。或勸少緩其獄，訪奮曰：「寧執法死，不忍市生！」自是，奸民屏息，海道肅清。

游明 明字太昇，豐城人。景泰二年進士，除刑部主事，兩持中貴獄。天順末陞本省按察僉事，提督學政。待諸生有恩義，而尤以公廉著稱。滿九載，進副使，仍督學校。成化間卒，八郡諸生皆爲位僧寺而哭之。

應顯見左參政。

馮俊 俊字士彥，宜山人。天順四年進士。以刑部郎出爲福建按察副使。時建寧指揮楊暉者，文貞公係也，恣橫害人，閩之上官以文貞公故庇之。俊至，民復訴暉。俊自臨訊，旬日獄具，疏上其事。暉逃入京，竟被逮以死。以外艱去。復除湖廣兵備，累遷廣東布政、副都御史、巡撫四川，卒。俊剛毅廉節，至老不移。在廣東時，夫人吳氏念俊無姬侍，欲爲置之，憚於發言，偶俊他往，以厚禮娶廣西張某女，爲治齋飾。比俊歸，將入寢，見一姝侍側，驚問故。夫人從容答曰：「吾老矣，不能事公，置此侍巾櫛。」俊曰：「夫人意甚善，第今吾方有事，請少待。」遂出宿於庫。明召其父母還之，并與其粧奩財禮，令擇婿改嫁。巡撫四川，有知州故人子也，獻徽墨數笏。俊怪其重，試之，乃黃金塗，卽擲還之，而亦不以語人。

梁觀

林榮 榮字孟仁，番禺人。天順八年進士，授南京監察御史。成化中擢按察副使，巡視海道，俘海寇

四百餘人。解官家居。

劉珂 珂字本佩，安福人。景泰五年進士，授麻城知縣。嘗悟五蛇人庭，而伸五人橫死之冤。擢御史，歷本省副使，署督學政，章縫景仰。終廣東布政使。

劉喬 喬字述憲，萬安人，尚書廣衡子。舉成化二年進士，授歸安縣。擢監察御史，按畿內，獨持風裁。轉閩臬副，廉明益著。有大俠私通番射利，上下盤詰莫能制，喬斷遣之。(二)歷湖廣右布政。

溫琮見左布政。

李冕 冕字文中，劍州人。天順四年進士，歷湖廣按察僉事。振起廢墜，政譽赫然。遷福建副使。

周鼎

胡榮 榮字希仁，新喻人。自少游心理學，登景泰五年進士。歷給事中，遷閩憲職，官終參政。

劉城

汪進 進字希顏，婺源人。天順八年進士，授刑部主事。峭直執法，歷福建副使。遲夷數千人乘大艦，假以人貢，迫境。進職巡海，率官軍聯舟鼓譟往，夷遁去。仕終陝西左布政。居官三十餘年，家無餘貲。

高崧見按察使。

張玉見右布政。

右成化中任。

郝志義 志義字宜之，清澗人。成化五年進士。歷本省鹽運司同知，轉按察副使，終刑部侍郎。爲人嚴毅狷介，循蹈矩矱。卒，其子舉人序爲請祭葬，劉瑾以義雅不附己，寢其奏，仍革序舉人，矯詔下獄，杖之。

羅璟 璟字明仲，泰和人。天順八年進士及第第三人。歷司經局洗馬，爲李孜省所中，調南部屬，轉福建提學副使。政尚寬簡，程試外，恒以義理爲教。冢宰王恕特薦爲國子祭酒。以疾乞歸。

蕭謙

司馬堃 堃字通伯，山陰人。天分超絕，年十五作《廬山賦》，出語驚人。成化八年進士，授御史，提督南畿學政。敏閱粹論，多士矜服。陞福建副使，尋致仕歸。襟度清灑，大節磊落，君子也。

楊澤 澤，天台人。成化八年進士。以憲副行部福寧，拓修學宮，與諸生講究如師友。卽舊般若庵設朱文公主祀其中，取所手墨刻列四壁。

韓紹宗 紹宗字裕後，朝邑人。成化十四年進士。歷刑部郎，遷福建副使。有魏參政某，子撻人於市，卽追攝之，參政操其子亡。已而，鎮守陳中官，其舍人群奪屠者肉，匿中官所，吏捕之急。中官呼諸舍人出，數之曰：「此新韓副使也。若等何如魏參政子？」遂送抵罪。後又有鎮守鄧某，無故笞一吏死。吏舍人訴之御史，按察使悉付不問。紹宗獨鞠之。鄧方盛具，殷勤窺紹宗旨。紹宗於他事則答，於死吏則或答或默，雜諸劇笑，因以困鄧。旣出，召衛指揮責數之曰：「太監非能笞死吏，藉虎而毒，皆若卒矣。急捕來，不者勿復見我。」及捕而治，而爲鄧謀者令卒赴訴御史臺，言未嘗笞吏死。又令鄧多予吏舍人金，教言吏實病死，非死杖下。於是，御史下按察使，而鄧遂無事，然終以此嫌紹宗。其後，紹宗代管海道，捕海

寇急。寇王某覬知鄧隙，漫爲書與捕者，因誤遺鄧，而云：「韓副使生我，受我金矣。」鄧卽以奏聞。是時，戴珊爲都御史，直紹宗，竟報罷。知州白某馮社受賕，事覺，無敢問，紹宗決遣之。通判湯珍嘗爲吏部，其人辨有口，而與知縣高廷相訐奏，詞連兩臺及二司官。朝命給事中、郎中勘治，獄久不決。紹宗片言立剖，湯、許皆免官。（三）紹宗在福建數月，郡縣吏以法問罷及所聽斷平反者甚多，然竟坐鄧事爲忌者所中，歸。子邦彥、邦奇、邦靖，皆登進士，而邦奇至大官。

韋斌 斌，山陽人。成化十四年進士，本省副使，提督學校。嚴課程，重行檢，奉例沙汰，不無過當，公足諒也。竟以耿直不徇，致仕去。

陳振 振字時起，鄞人。成化十七年進士，授吳縣令，陞御史。風采踔發，而謀猷弢密。轉福建按察副使。連遭大艱，服闋，除雲南。時逆瑾竊柄，門多贊謁，振起家艱，赴部獨不見瑾，瑾心啣之。然閩、滇先後受事，皆索癥不得，名且益顯。終山東右布政。

馮玘 邵莊

賈錠 錠字良金，安陽人。成化十四年進士，授汶水縣。以賢能擢御史，歷福建僉事。建寧礦賊寇溫、處、福寧等州，撫按請以錠爲備兵使者，數郡遂寧。進憲副，終右副都御史。

劉丙 丙字文煥，安福人。成化二十三年進士，改庶吉士，進監察御史。按歷所至，風采壁立。陞副使，提督閩學，道尊教立。終工部侍郎。

曾昂

丁養浩 養浩，仁和人。成化二十三年進士。歷本省副使，累官雲南左布政，致仕。平生剛介不阿，

有譽賽之譽。事母至孝，宦游三十載，妻子恒留事母，而以一僕自隨。

呂璋 杭濟見右布政。 余本實 張壘 王欽

右弘治中任。

陸偶見巡按。

王懋中 懋中字與時，安福人。成化二十年進士，宰南樂，歷本省副使。操履清介，不避權貴。終南右都御史。安福有宦譜之名，懋中爲稱首。

龔嵩 蕭淵 薛英

陳玉 玉字德卿，高郵人。弘治六年進士，改庶吉士，歷福建副使，累陞南右都御史，致仕。世宗稱其才行老成。卒，贈太子少保。

楊子器 子器字名父，慈谿人。成化二十三年進士，授崑山令。最績，陞吏部主事、員外郎、郎中，出爲湖廣參議，轉福建提學副使。程督嚴明，人稱精鑒。終江西左布政使。子器天性剛介沉厚，矯亢持廉，人不敢干以私，亦未嘗以私於人。

姚鏐見右布政。

王泰 泰，翼城人。成化十七年進士。起家縣令，陞南刑部主事，遷員外郎。劉瑾擅權，例索饋謝，泰曰：「介人之寵，其識不遠。」遂乞致仕。瑾敗，起福建副使，歷山東布政使，尋病歸。林貞肅俊嘗薦泰於冢宰楊一清，稱其溫粹類韓貫道，孤特類張公實，而量過之，中和兼備，庶乎篤行君子也。

楊璋

陸健 健字文順，鄞人。弘治十五年進士，官刑曹，陞貴州僉事。棘棘持憲，率先戎行，討定乖西叛苗。刷卷御史盛氣凌兩司，兩司氣沮，健獨與抗，執其奸人堂上，爲他御史所啣，沒其戰功。已，轉福建副使，至官憤恚，卒。囊無留貲，鄉人姚鏌與同官爲經紀。

何光龍 光龍，大庾人。繇進士，初授刑科給事中，陞湖廣僉事，復陞福建副使，所至有聲。

湯沐 沐字新之，江陰人。弘治九年進士，令崇德。擢御史，舉彈無避畏。陞湖廣按察僉事，遷福建副使。楊文襄一清柄銓，舉天下方面治績超最者，沐與故大司馬李承勛、少司馬劉玉首被旌異。仕終大理卿。

陶煦 陳懷涇

唐澤 澤字霈之，歙人。弘治十二年進士。任平鄉知縣，築河堤百八十里。自刑部郎擢本省副使，勦賊蘇世浩等，加俸二級。官至戶部右侍郎，謚襄敏。

劉玉 玉字咸栗，萬安人。祖廣衡，見鎮撫。父喬，見副使。玉弘治九年進士，除知輝縣。召爲監察御史，極論太監劉瑾罪惡，忤旨，下吏罷歸。瑾敗，起河南僉事，陞福建提學副使。先德行，崇名檢，閩人祀之三山。歷南院左僉都，提督江防。有與平宸濠功，改刑部右侍郎。

李志剛 志剛字近仁，涇陽人。弘治十八年進士，歷本省副使。初，官軍月餉八斗，時給之價，布政使伍符索節財力，以糴賤稍裁其數。衆譁，訴御史，議未定。有進貴葉元保者，富而黠，鳩黨盟誓鼓譟，以殺伍布政爲名，執而辱之。鄉紳都御史林廷玉、副使高文達出諭，乃定。至八月，貴等復亂，相與屯聚，大索城中金帛。廷玉、文達再往諭，則不聽矣。於是，志剛默計勦獲。貴黨有姚景通者，恚分金少，請爲內

應。志剛遂與鎮守謀，令北門軍攻貴。貴走，追斬之，盡殫其黨。

胡鐸 鐸字時振，餘姚人。弘治十八年進士，選庶吉士，改給事中。忤逆瑾，出爲河東運副，轉本省僉事，駐劄建寧。獎儒雅，雪冤獄。按使疏其二十事聞於朝，遷本省督學副使。教士先理學，而嚴朱陸之辨，人稱胡道學，又謂小夫子。歷太僕寺卿，卒。

黃昭 陳良珊

潘珍 珍字玉卿，婺源人。弘治十五年進士，授諸暨令，歷陞山東僉事、副使，備兵遼東。改福建，捕斬海南劇盜三百餘級，括刷海船之爲奸利者。陞湖廣布政使，歷兵部侍郎。世宗議征安南莫夷，珍抗言其不便，坐落職。尋詔致仕。

右正德中任。

顧棠 汪英

沈霽 霽字子公，華亭人。正德六年進士，授行人，擢御史，按視江北。有冤鬼號哭十年餘，霽至雪之，鬼遂不號。陞本省副使。肅清海道，擒獲叛賊吳三、黃福等衆。有觸萑苻者，捕既得，呼使前：「能改，寬若罪。」盜叩首請。未幾，復獲，曰：「何面目見沈公！」遂自刎死。江西巡撫聶賢特薦之，將內轉，會閩有海商王勝欲通夷爲市，以貨賂巡按簡某，受而許之。霽力持不可，遂爲所忌，慨然曰：「姜桂之性，違恤其他。」竟以是改貴州，而內轉之命寢。

邵銳 銳字思仰，仁和人。正德三年舉禮部第一，改翰林院庶吉士。值逆瑾擅政，焦芳、劉宇深相結，芳子黃中，字子仁，皆爲吉士。未幾，傳旨俱授編修。銳以甲第居仁上，亦併授焉。耻與爲列，方具疏

辭免，會其兄至，以危言沮之，亦尋守制。瑾敗，改寧國推官。尋擢南京文選主事，轉祠祭員外郎，請給歸。起爲江西督學僉事，進福建副使，仍董學政。以變上習重風教爲先，其於孝子節婦多所表揚，士翕然化之。歷太僕寺卿。卒，贈都察院右副都御史，謚康僖。銳醇和儉朴，內行醇備，造詣精渾，耻於近名，天下以爲真學問。

張邦奇 邦奇字常甫，鄞人。弘治十八年進士，改庶吉士，授檢討。憤逆瑾恣橫，著《張璠乘槎賦》見志。已，乞告歸省。出爲湖廣提學副使，至則出教曰：「當職所貴，非徒文也。學不師孔、顏，行不希曾、閔，卽翰雄藻褒，且見斥罷。」乞終養歸。嘉靖初起提學福建，其教如湖廣。累南兵部尚書，贈太子太保，謚文定。

祝鑾 鑾字鳴和，當塗人。正德三年進士。歷浙江右參議，遷本省巡海副使。翩翩文雅，儒學飾治，持重端凝，政無素廢。

### 范永鑾

鄭佐 佐字時夫，歙人。正德九年進士，授南刑部主事，改祠部郎。嘉靖初，抗疏議禮，出爲福建僉事、副使。前後誅宿寇，機發輒舉。尋備兵饒州，陞其省左參政。執政以前在禮曹持議，心固欲黜之。冢宰擬擢佐，上副封執政，執政愕曰：「宦籍中尚有某耶！」冢宰遂徙佐參政貴州。乞解職歸。佐裁正耿介，推誠近人。究心濂洛，從弟子講論不輟。懸車二十年，掃軌絕賓客。

吳仕 仕字克學，宜興人。正德二年發解南畿，登九年進士。初授戶部主事，累遷山西、福建提學。聶文貞公爲御史，病足，一襪一鞞而見之，仕嫌其慢，遂棄歸。歸時，人問今歲解元當是何人，曰：「同安。」

人也。」及放榜，則劉汝楠果同安人矣。四川參政終官。

王俊民 俊民字用章，石首人。正德九年進士。以大名同知遷福建僉事，備兵汀、漳。汀漳道連三省，多盜，每訟必牽引數十人，坐淹歲月。俊民理滯平冤，庭無留案。閩中叛卒糾平民爲漳南巨患，設策分布民兵往捕，并其黨擒之。擢廣東參議，轉山西副使，改福建。丁艱，歸。終雲南左布政。俊民亮直，練習文法，蒞政詳謹，條弊應猝，皆中款會。卒，無他贏，人稱廉介。

郭持平 見按察使。

方豪 豪字思道，開化人。正德三年進士，知崑山，調沙河，陞刑部主事。諫武宗南巡，廷杖。累陞福建副使。奉表南旋，以制居，卒。豪英俊奇特，援筆成文，新麗宏肆，與何景明、黃河清、鄭性之諸名輩相頡頏，才名友誼卓然一時。

金賁亨 賁亨字汝白，臨海人。少卽知學，長潛心伊洛。正德九年進士，歷佐閩臬，督閩學。閩道南書院崇祀延平、豫章、龜山、明道及晦庵五先生，復記其說於書院之碑，刻五先生行述語錄載《道南錄》中。復疏於朝，請豫章、延平羅、李二先生從祀，以爲朱熹學於李侗，侗學於羅從彥，從彥學於楊時，時學於程灝，是時所傳，以授從彥者卽濂洛諸儒，所以繼孔孟之統者也。又擇志向尤異之士，聚之養正書院，相與推明洛閩微旨，人士多所嚮風。與部使者忤，解綬歸。三子俱登第，立敬嘉靖季復督閩學。

曾鵬 鵬字元翰，瓊山人。嘉靖二年進士，知龍溪。兵荒相仍，乃緩徵斂，捐俸修學，築八都諸堤，民立石頌像祠之。擢刑部主事，歷福建副使。善辨冤獄。改貴州，備兵都勻。旬月平土酋蒙鉞之亂，招降凱口賊阿向，晉參政。入覲，時武定侯郭勛得幸，外官多所饋遺，鵬曰：「素乏阿奉，今老矣，能改節？」會

有啣之者，遂歸。海忠介稱鵬爲先輩師云。

謝汝儀 汝儀字國正，鄞人。正德九年進士，授餘干知縣，擢監察御史。上疏乞寬假議禮諸臣，請誅巨璫谷大用等。陞按察僉事，備兵嶺東，轉兵備漳南。設防海四策，時流賊李良武輩聞風解散，海道肅清。尋進巡海副使。奏設詔安縣，安邊館，立墩臺，蓄番兵，爲一方保障。視臬篆。晉江縣巡檢張隆爲海賊劫殺，捕之未獲。捕盜者誣執漳民販海者陳大淵等二十六人，獄成，淹禁死者六人。莆田縣民彭僧亨等誣奸人命。汝儀悉廉實出之。巡按御史以聞，世宗嘉汝儀能辦理冤獄，詔吏部擢用。仕終江西按察使。汝儀平生峻整，終日斬斬，未嘗輕語笑，至道義孚契，卽膠結不解。衆中默若無感否，及遇大事，臨大患，壁立不可犯。

### 張大輪

潘潢 潢字薦叔，婺源人。舉正德十六年進士。疏請行郊禮，授樂清令。徵人禮部，改吏部。以選事件冢宰，復左遷禮部。尋督學閩中。嚴規條，賑貧斥競，搜焚市肆中壞教書。招下縣童子聚學，立輔仁、紀業二籍，請徐階、章袞爲諸士師，一時士爭矜勵。累南兵部尚書。潢貌不踰中人，居常逡逡不出口，至其守道守官，萬夫莫抗，矢讓慷慨，必盡所懷。

### 羅英

陸銓 銓字選之，御史偁之子，而都御史鉅弟也。舉嘉靖二年進士第二人，除刑部主事。爭議大禮，被廷杖。改兵部，出典福建鄉試，得僞爲多。轉禮部。世宗方銳意制作，議四郊、九嬪、親蠶、親籍諸禮，內降旁午，宗伯大臣盡倚辦銓。會輔臣以圖上祭器，不先關白，出爲本省添註副使，益自策勵。嘗攝海

道，嚴通夷禁，奸商射利無所得闌出。累廣東右布政。

沈教 教字敬敷，慈谿人。正德九年進士。起家縣令，擢御史，巡按雲南，有底安土酋安銓功。歷本省臬副，終副都御史。

陳良謨 朱觀

顧遂 遂字德伸，餘姚人。正德十二年進士，授刑部主事。諫南巡，被杖。嘉靖初歷本司曹郎，出知惠州，遷廣西副使。丁艱，起本省副使，分巡建寧。值交代不常，案牘山積，遂至，旬日裁決殆盡。御史李元陽稱其有經濟才，檄兼海防事。時議造戰艦禦賊，遂謂海濱居民處舟若家，寄跡於商，乘間爲盜，莫若籍駕舟者姓名，卽以巡捕事付之，可省費數萬。陞廣西右參政，終南刑部侍郎。

劉應授 應授字以中，泰和人。嘉靖五年進士，歷刑、工曹郎，晉副閩臬。閩臬長頻缺，應授代受事。飭律令，約束，警奸墨，嚴局鑰，增防範，修廢墜，接屬以禮，馭吏以則，與民以信，出無謬程，人無沈案，御史特刻以薦諸朝。

方升 升字世猷，婺源人。嘉靖二年進士。宰永嘉，有鐵漢名。累官本省副使，以直忤當路，致仕。自題其室曰：「一官如洗人應笑，四壁皆空盜不窺。」

屠應坤

余鋁 鋁，遂安人。正德進士。先爲浦城知縣，雅尚循良，興學教士。調閩縣，人稱其寬裕才辦。歷布政使。

沈一定 沈思賢

馬津 津字宗孔，徐州人。進士。從王守仁講良知之學。爲御史，抗疏直言。歷提學副使，端己帥物，秉經貞教，校閱文藝，不爽錙銖，閩士服焉。

田汝成 汝成字叔禾，錢塘人。嘉靖五年進士，以督學使者來閩。穎敏博學，流覽百家，覃心著作。爲文沈涵濃郁，有齊梁風，尤善記述，叙事理纚纚多雅致。

傅鳳翔 劉伯躍 伯躍，南昌人。嘉靖八年進士，歷本省副使，終工部左侍郎。以女妻分宜相之甥。尚敗，爲給事中趙灼所劾，革職閒住。

周汝員 姚翔鳳 翔鳳，上虞人。嘉靖進士，海道副使。巡視浙福都御史朱紘嚴海禁，後副使何喬殺滿刺加夷之在漳互市者，謬云佛郎機夷行劫，官軍追擊得其首級。御史金城劾先喬任者，實翔鳳，故與治嶼把總指揮丁桐受金贖貨，縱夷入境。詔令械送翔鳳及桐至京師。

夏俊 何贊 熊汲 汲字引之，南昌人。嘉靖五年進士，三歷二千石，始陟本省。與其兄洛先後受事於閩，並有惠政，而閩人並祠之。汲終廣東參政，家無餘貲。

黃福 福字子謙，休寧人。嘉靖八年進士。爲武選郎，裁罷正德中黃緣得錦衣者，拒司禮中涓請。遷福建參議、副使，掌司事，不人一錢。以部註誤謫判饒州，尋陞至湖廣參議。

汪大受 張謙 熊楫 周琬 柯喬喬，青陽人。嘉靖八年進士，繼姚翔鳳後爲海道副使。佐都御史朱紘嚴海禁，殺漳州互市夷。巡按御史金城論喬功，下兵部覆實。御史陳九德劾紘專殺冒功，并及喬與都指揮盧鑑。（四）命科道官往勘，喬、鑑並下獄，論死。秦鰲見右布政。汪倅

朱衡 衡字士南，萬安人。嘉靖十一年進士。初授尤溪知縣，介然自守，風采峻拔，好惡興革，悉當民心，以最調婺源。後爲提學副使，誘進諸生甚篤。有杖策求進取者，進而試之，可則錄上，無賢不肖，盡

厭其意。閩士稍異者，皆得自見，向用不絕。終工部尚書，有治河功。

馮璋萬 虞愷

卜大同 大同字吉夫，秀水人。嘉靖十七年進士，授刑部主事，歷湖廣參議。有平苗功，再遷福建巡海副使。輯《備倭圖說》，畫戰守計，終任無倭患。

劉大誥 夏俊 盧夢陽 姚一元 杜拯 楊金

陶大年 大年字長卿，會稽人。嘉靖二十年進士。以南兵部郎出守吉安，轉山東海道副使。倭寇躡閩，閩督臣請增設憲使，員專海事，疏下吏部，部請移大年閩中。時軍府草創，賊船出沒，大年守福寧，寇逼壘，相拒累月，去攻連江。後發兵援擊，多有斬捕。

蔣懷德

邵梗 梗字良用，仁和人。嘉靖十七年進士，任福建巡海道，駐漳州。時海禁廢弛，奸民闌出入，賈禍召寇，處置失宜，或激而愈亂。梗下令曰：「凡賊臨陣捕虜與奸民爲賊間，及違禁出物，有狀者，殺無赦；羅織相告言者，勿詰。」於是，反側帖然。益濬陞增陴，選卒厲兵，徙四郊積蓄入城中，使賊無所掠。己未，倭寇合兵萬人犯長泰，選火藥手百人躡擊之，賊宵遁。又遣舟師攻海寇於月港、銅山、清浦諸處，凡七克，捕斬六百餘。寇自月港掠舟入海將遁，遣義士沈講率所部兵與官兵犄角，邀賊舟於束磴，以巨艦衝沉之，擒斬二百餘，溺死者無算，寇盜悉平。梗當師旅倥偬之時，持以恬靜，緩刑薄徵，節力省費，大功竟集，民不知擾。

劉天授 方祥

宗臣 臣字子相，興化人。嘉靖二十九年進士，授刑部主事。太宰李默見臣文，奇之，調爲其屬，得考功。故事，吏部自稱貴絕，不復通他曹郎，而臣與其舊曹李攀龍、徐中行、梁有譽及王世貞游，從無間，益相酬爲古文。遷稽勳員外郎，以忤嚴相出爲福建參議。至官，有倭難，當守西門，鄉民襁負求人者幾萬人，臣開門入之。入甫畢，賊奄至，衆驚惧。臣令善火具者百人置要害門，手白金入爲勞，且約曰：「候吾鼓而發。」賊輕城無人，凌睥睨上，魚貫其後。臣度賊已集，鼓之，火具累百，齊發中賊。賊遁去。督府檄臣護狼兵歸，兵出省欲縱，臣令語之曰：「吾日一酒食犒若，不歸伍宿，吾不止寢也。犯法不貸矣。」狼兵竟度嶺，無譁者。遷本省提學副使。按部較士之日，自取試題爲程義，既進退士，徐出示之，則士皆服。諸公以臣名重，交造請，文事填委。臣又以其間劇意騷雅，嘯吟人內夜，遂寢療。日亟疾革，衣冠坐廳事，手書三詩於帙，飄飄然有御風凌虛意。已，擲筆逝。訃聞，兩使者、諸司道大夫，下及士民，莫不悲悼之。

張情 張情，崑山人。嘉靖二十六年進士，歷官本省備兵副使，致仕。生平有志聖學，廉退自持，仕宦二十年，無寸襁之積聚。後起溫台守道，則捐館挾旬矣。孫振德，以貢令興文。天啟中，奢酋掩至，督鄉民三戰，援絕，闔門二十七人自焚死。

### 余應舉

金立敬 立敬字中夫。嘉靖二十九年進士，與其父賁亨先後爲閩督學使者。以講學風士，闢書院，遴秀士課董其中。又疏羅李從祀於朝，雖未俞請，而人謂能繼父之志。官至少司寇。

楊豫孫 豫孫字幼殷，華亭人。嘉靖三十五年進士。以禮部郎陞本省監軍道副使，改湖廣提學，終僉都御史。練達政務，諳識人情，所至以坐鎮雅俗稱。

汪道昆見巡撫。

姜寶 寶字廷善，丹陽人。嘉靖三十二年進士，起家中秘。沉毅梗直，雅爲士論所歸，而時相弗善也。出督閩學，每諸士上謁，或退食賜坐，則亹亹諭之，勗以生考亭之鄉，宜師考亭。初至，考校嚴甚，及一經物色，便如親弟子，召之款業講舍，資給甚厚。時與環衆講德談文，或值炎蒸，聽者汗雨，寶益雍容閒定，灑灑不休。更闢崇正書院，請泉州蔡元偉、建州楊應詔爲士師，砥仕以正學。仕至南禮部尚書，卒，贈太子少保。

周賢宜

見右布政使

劉以節 劉玠

金澍 澍字汝東，東陽人。嘉靖二十二年進士，歷閩藩臬。嚴毅英斷，善談兵，精吏事。守巡漳南，時撫臺徵備倭餉於八郡，澍不應，曰：「漳邇大帽山，寇亦足慮，不獨倭也，不則疏聞耳。」撫臺無以詰。然鄉紳陳謹被軍變之毒，則澍措置失宜，不能無議云。

羅一道

蔡國珍 國珍字汝聘，奉新人。嘉靖三十五年進士。督學閩中，申飭文體，變舊時浩冗以應功令。至所收錄，不私一人，經其品藻，後多奮出。時時舉部內先正諸君子祠之學宮，錄孝子貞婦以聞於朝。官終吏部尚書。

張鳳來 鳳來字瑞虞，秀水人。嘉靖三十五年進士。以巡海道駐漳南，時瘡痍甫平，加意休息，緩刑止訟，儉簡自持。臨遷去，署內帷帳器用悉籍縣還之，下至匕箸細物位置如新。

右嘉靖中任。

易道談 道談字進明，巴陵人。嘉靖三十二年進士。先，自戶部郎出爲興化郡守。興化城被賊破陷，道談出守，蓋主爵選才。既至，下令招徠安集，其有以翼寇圍奪相告言者，一切置弗問。兵燹郡城，治署皆廢，道談撤廢刹巨棟或市民間故宅繕治之，更創築羅城，民漸有樂生之心。尋以平海寇捷，受寶纒賜。踰年，寇再至，群情洶洶。道談日增金鼓旗幟，夜張黥旌以待之。寇知有備，去而攻仙游。道談令射書城中，諭吏民自固，大兵且踵至。於是，仙游守益堅，而寇亦徐爲大兵所敗。道談弔死問疾，救民之困，築堤濬木蘭陂，變磽确爲膏腴。又夫保、館夫二繇役，敝法也，而墨吏錢神不及倚賴，橫施酒漿，傾產不給者間自裁。道談條狀白按使，得裁罷。且署牘尾曰：「後復以故事請者，當爲天譴。」而郡人交口稱便矣。三年，擢本省憲副。嘗以監軍行縣，至，父老擁趄者數百人，遮道交語曰：「吾故使君也。吾屬苦游兵投宿轅釜，今無患矣。」亡何，下艱歸，父老痛哭奔送之。

宋儀望 柴涑

唐九德 九德字伯懋，湘潭人。嘉靖三十五年進士，爲戶部郎，有聲。會郡盜起閩廣間，而吳平爲之首，勢最劇，朝議擢九德爲漳守。至官，廉諸附賊者，悉擒捕之，因密請中丞汪道昆出兵勦賊。中丞疑，問狀，則又言：「賊陽抑就撫名，而陰聚黨，不大創，則民皆利從賊，禍不獨漳。」中丞意始決，命戚將軍繼光提兵來。時賊據南澳，聚糧堅壁。九德度海上便宜諸要害，先爲備。嗣戚將軍兵至，調遣如策，旬日賊縛其梟黨陳晉卿獻於帥，諸軍夜從間道夾進，大破之。吳平潛遁。山賊蘇阿普據巢旁掠，因請乘勝長驅，山寨悉平。事聞，賜金幣。月港故稱盜藪，議創邑海澄，遂爲望縣。擢本省監軍副使，歷廣東按察使，卒於家。子斯盛，萬曆丙戌進士。

周弘祖 宋豫卿

右隆慶中任。

徐中行 見按察使。

陶幼學 宋儀望

胡定 定字明仲，一字正叔，崇陽人。嘉靖三十五進士，歷閩學憲。嚶嚶嗜古，用以興士去士，雖廓庸陋，翕然變，皆爲雄深雅健之文章。官至布政使。

陸相儒 相儒字大行，嘉興秀水人。嘉靖三十八年進士，知延平府。值兵燹之餘，瘡痍未起，首省坊里供輸，懲庫役病民破產，條改銀募，全閩以爲繫令。又清郵傳，立鄉約，創義倉，勸士爲文，郡中大治。北山賴中潭爲亂，時議勦之，相儒力持撫。已，中潭面縛，餘黨解散。尋擢本省監軍副使，兼攝驛傳，綜核靡密，多所減省。於時閩海上尚未弭，相儒督餉，擇將領，飭邊防，而粵盜林鳳不敢闖港。萬曆乙亥夏，島夷將人犯，遣材官逆於海，有斬獲。尋卒。相儒慎刑恤下，不妄笞一人，自處苦潔。疾亟時，手蓮花一枝，顧其妻吳曰：「我平生無愉人者。清修幾是乎？」櫬歸經延，士民巷哭野祭，立祠劍溪東。

張庸 沈淮 喬懋敬 歐希稷 姚體信 吳孔性 聶廷璧 徐汝翼 王希元 張惲 見右布政使。

吳肇東 盧整

譚啟 啟字繼之，大寧人。嘉靖四十一年進士，知晉江縣。節用愛民，聽訟公平，定催徵爲十限，使民得寬其力。郡人洪司寇朝選曾督四川學，啟試劣等，及至，修弟子禮甚恭。後朝選爲巡撫勞堪誣害，執送按察獄，啟時正爲副使，嘆曰：「吾師被構，吾不能救，而尚仕哉？」卽解組歸。

徐秋鶚 錢拱宸 鄒迪光 王世懋 見左參政。

徐用檢 用檢字魯源，蘭谿人。嘉靖四十一年進士，歷本省副使。無所徵怨於民，以賢能稱。

鄒墀 顧大典 沈應科

李盛春 盛春字淑元，蕪州人。隆慶五年進士。視閩學，按所部，至必多具月餼，以詳校閱殿最。進退人士，意得，即被殿黜者，無不自憾。仕終兵部侍郎。

徐汝陽 劉孟雷 柴祥 李得陽

耿定力 定力，麻城人。萬曆二年進士。視閩學，較文不執一指，嘗曰：「文之不同，有如其面。吾面澤，欲人盡澤；吾面癯，欲人盡癯，可乎？夫不離耳目口鼻，而手神在氣骨間，此吾所以相士也。」故所賞識多掇科。仕終南兵部侍郎。

楊德政

汪應蛟 應蛟，（四）萬曆二年進士。婺源人。講聖賢之學，究明中道之蘊奧，見諸躬行。官終戶部尚

書。

張斗 郭子直

鄭邦福 邦福字鴻疇，一字羽夫，上饒人。隆慶五年進士，有詩名。由刑部郎歷本省屯鹽副使。廉能持重，為同官所推譽。終太僕少卿。

黃正色 鄭一麟 彭而珩 徐即登見參政。 楊際會 徐師張 盛春年 汪道亨 張鼎思 馬邦

良

方應選 應選字衆甫，華亭人。萬曆十一年進士高第。自曹郎典福建試，得人甚盛。旋晉副使，視

聞學。驅歷校閱，不廢日月，試日則自呼諸生名，不以委吏，曰：「吏也，而可名士子也？」以勞瘁卒。

金節 高從禮見按察使 俞上章見右參政 沈徽煥 包應登

李元實 元實字上員，監利人。萬曆十四年進士，歷本省臬副。冰壺之摻，剗割之才，人鮮其儷。去，而縉紳民有尸祝稷社之感。

陳良材 良材字養之，高安人。萬曆十七年進士。以副使轄福寧，下車輒建籌海之策，移鎮海防，增設船寨，百姓安堵。

饒景暉 朱汝器 程達 吳思學 熊宇奇 沈茂榮 程朝京 方學龍 董其昌

甘雨 甘雨字子開，永新人。與鄒元標同舉進士。元標建言被杖謫，雨左右百方，坐忤權貴人，自翰林出爲御史。復不容，出憲閩，致仕歸。久之，起浙僉憲，復以忤權謫。又久之，再副閩臬。雨胸懷灑然，聞人毀譽，若飄風過耳。備歷世情，一無所變，晚志玄修，謝絕諸好。

馮燧 張廷相 閔夢得 李忠誠 韓仲雍 詹士龍  
右萬曆中任。

#### 〔校記〕

〔一〕「延祐」，各本原作「元祐」，據元順帝行年改。

〔二〕「喬」，各本原作「丞」，據文義改。

〔三〕「許」，疑作「高」。

〔四〕「并及」，各本原作「及并」，據文義改。

〔九〕「應蛟」二字，各本原脫，據本書體例補。

# 閩書卷之四十九

## 文蒞志

### 皇朝

#### 僉事

周儀 陳善道

謝肅 肅，會稽人。學問該博，以明經舉，授福建僉事。與陶垕仲協扶風紀，聞望烜赫，人稱仰之。

陸惟彰 丁琳 張敏 俞居善 方顯

陳汝器 汝器字用之，容縣人。以人材授梧州訓導，知州王清薦其賢能，擢福建僉事。

張翥

周梅 梅，孝感人。以卓行薦任僉事。冰蘖之操，始終如一。

顧憲 憲，杭州人。洪武初爲臨安丞。清介勤慎，撫下多從寬恤。擢本省僉事。

陳灝 灝，歸善人。本名魯生，以鄉薦至京，因奏對，高廟奇之，賜今名，授工科給事中。歷福建按察

僉事，坐累謫戍興州。永樂初以赦復官。用廷臣薦，召爲御史，終左春坊中允。樸茂淳潔，夷險不二。

右洪武中任。

趙次進 次進，臨海人。自學官陞無錫縣丞。以捕寇功，陞知縣，擢本省僉事，終太僕卿。素有上行，所至寬厚惠民。

武信 高勉 袁方 秦俊 沈全 黃彬 姚宣 龔巖 陳擴 胡恪 蔡完

楊傑 傑字子英。通敏卓異，蒞官九載，風紀整肅，法令明信。

夏儒 張翼

沈鑑 鑑，嘉興人。洪武中繇僉事左遷閩縣典史。勤敬慎恤，興學愛民。永樂中復陞福建僉事，持守如一日。

孫完

馮本清 本清，餘姚人。洪武中鄉貢，授御史。永樂初，出按蘇、松諸郡，擊斷豪猾。遷福建僉事，分巡漳、泉。訟牒填委，決遣驟盡。漳例納番錢，歲計百萬，民以地無所出，有鬻子女破家產償官者。本清特爲減免。興化民盜蘇木事，連坐應死者三百人。本清止戮首犯，餘釋不問。建寧大水，溺死者爭附槎木，蔽川而下。本清率屬集公私三百餘艘爲浮梁，廣濟之。改任江西，卒官。

丁寧 寧宜興人。博學能文，洪武三十五年貢士，累官本省僉事。

嚴梅 徐則寧 陳鑑 劉選

陶璋 璋字德溫，星子人。繇監生授吏科給事中，陞本省僉事。端方整肅，廉謹自持。按巡郡邑，去貪暴，旌善良，興學勸農，敦厲風俗。

呂升 升字升章，山陰人。洪武中鄉貢，典教溧陽。以薦擢江西僉事，永樂初改山西。風采蹕著，後

復改本省僉事。按部至建寧，螟害稼，仰天祝之，雷雨驟作，螟盡死。宣德初，遷大理少卿。升篤學勵操，僕從之類亦訓以《論語》、《孝經》。兩與會試，所薦拔多知名士。

劉昌 錢遂志 周常 徐學 徐隆

任永樂中任。

王生

魯穆 穆字希文，天台人。永樂四年進士，授監察御史。洪熙改元，陞福建僉事。瘞露骸，毀淫祠。

漳民許某家富無子，後其侄，既而姜生子，乃以子託侄，更與侄貲三之一。許死，侄言叔實無子，子非叔出者，逐之而奄有其貲。穆至漳，妾携孤馬前言狀。穆取孤別置之，召父老問嘗識許某者得數人，問曰：「汝識其子否？」皆曰：「未也。」乃多集市兒雜孤子中，令諸父老別之，皆指曰：「此甚類矣。」遂罪其侄，而悉歸其貲。晉江縣有陡閘四，所以蓄洩水，溉田數千頃，民賴之甚衆，爲豪勢所專。穆執豪罪之，械以徇，民大悅。穆寡嗜慾，薄滋味，儉約如寒士。至其理冤滯，繩貪墨，摧豪右，無所顧避，閩人目之曰「魯鐵面」。楊文敏家人有犯，穆執而懲之，然反爲文敏所知，薦爲僉都御史。其卒也，爲志其墓，人稱文敏厚德焉。

薛景安 楊勳 周英 沈敬

右宣德中任。

廖謨 謨字文績，泰和人。永樂十二年進士，官至河間知府，所至多惠政。爲福建僉事，以明刑著稱。

王璣 高超 張崇

張居彥 居彥，上虞人。繇舉人歷按察僉事，和平恭慎，清白有聞。

李實 李在修 況真 董應軫 王迪 陳祚見巡按 馬嵩 王驥 陳烈

蔡雲翰 雲翰，初名蒲，大庾人。宣德五年進士，授工部主事，以誣誤謫判樂平，簡靜平恕。後陞福建僉事，持憲得體，文學著稱。

呂昌 昌字好隆，新昌人。正統七年進士，授御史，屢言時政得失。監收京倉糧，剔剝蠹耗。遷福建僉事。事有切軍民者，銳志勇爲。大盜嘯聚山谷間，率兵深入，反覆開諭，皆感服散去。遷江西副使、陝西按察使。貴戚勢豪，一繩以法。卒官，同官將賻，其子議忽夢昌呼曰：「若父爲吏三十年，未嘗私人一錢，今乃欲以遺骨爲利耶？」議遂泣辭不受。

張彥 楊珏 李顯見左參政

右正統中任。

曾蒙簡 蒙簡名廉，以字行，鶴齡子。正統十年進士。歷任御史、福建僉事、浙江按察使，剖決如流，政聲赫然。以家學擅名，詩文書法，士林所重。

孫振望 振望初名儼，以字行，豐城人。正統七年進士，任刑部主事，陞本省僉事。毀淫祠與寺觀之私創者，權貴莫能撓其法。左遷臨海知縣。

趙訪 宋洵 馬垓 宋欽  
右景泰中任。

徐彬 牟俸 沈訥傳、訥俱見副使。 曹景 包瑛 陳全 康麟見巡按。 游明見副使。

蕭鑾 鑾字景和，潮陽人。宣德二年進士。以御史擢廣西提學僉事，躬率諸生，先行後藝。歷湖廣、福建僉事，擢山西副使。三疏乞歸，士民泣送遮道。抵家，囊無長物。

齊昭

黃隆 隆字自立，鄞人。景泰五年進士，授南刑部主事。有貪夜驀投之囊金者，旦持白尚書楊寧，發之，以是見重。陞廣東僉事，改本省。悉心經畫，多所興建。陞四川按察副使。丁艱，終隱。梗概標高，以詩文自娛。

劉子肅 子肅字敬之，南昌人。景泰二年進士，除刑部主事。精悍嚴重，不附權勢。陞福建按察司僉事，卒。

朱毅

馬榮宗 榮宗，平樂人。景泰元年舉人，授寶慶通判。廉幹有聲，擢福建僉事。

右天順中任。

顧作康 周謨 李英 楊德

鍾城 城，當塗人。景泰五年進士，歷官大理寺正。明允著聲，門舍蕭然。擢福建僉事，江西副使。兩督學政，士經品題，多爲令器。晚歸鄉里，執經門下者踵相接。卒年八十餘。

余諒

章懋 懋字德懋，蘭谿人。成化二年舉禮部第一，登進士，入翰林爲庶吉士，授編修。會元夕舉張燈

故事，命下製詞，懋與同官莊昶、黃仲昭上疏論諫，俱謫外。憲宗悟，命懋昶與仲昭仍改京職，懋改南大理評事，遷福建按察僉事。懋學古人之學，體仁藏用，與道張弛。沙、尤、秦寧、閩、漳山海寇，俘魁離黨，具有計畫。而古道難諧，不得盡所志。行部積勞，觸瘴成疾，考績赴部，遂乞謝事，時僅四十有一。弘治中，特起爲南子祭酒。正德初，三疏歸，陞禮部右侍郎，致仕。嘉靖初進尚書。卒，謚文懿。學者稱楓山先生。

陳輕 輕，青陽人。繇雲南曲靖衛發解，登天順八年進士。任刑部主事，陞福建按察僉事，廷憲清明。討賊，道卒。櫬歸，圖書數卷而已。

高崧 見按察使。

林克賢 克賢名壘，以字行，浙太平人。意氣廣博，好讀書，最喜治亂興衰。思盡友一世豪傑，隨事立功名。以成化二年進士，自刑部郎中出爲僉事。力振風紀，抑強扶弱，御史尹仁行事不經，卽面質規諍。丁憂。服闋，再任。巡輯海賊，按治不法武夫。竟以伉直，坐十年不調。

周孟中 孟中字時可，廬陵人。成化五年進士，歷本省僉事，提督學校。教人首性理，次風節，最後及詞章。訂文公冠婚喪祭四禮，令諸生家先行之，以爲齊民倡。歷廣東左布政使。人覲，舉旌異第一。以疾乞歸，進副都御史，致仕。

任英 談俊 戴佑 任彥常

張鑾 鑾，吉水人。天順八年進士，授南京監察御史，陞本省僉事。廉介有爲，轉四川副使。

楊峻 峻字惟高，進賢人。成化二年進士，授知丹徒縣。擢監察御史，改福建兵備僉事。嚴毅剛介，憲度修明。汀、杭嘯呼，民恃無恐。歷南光祿卿。

李紀 楊廷貴 王弼 李萼

胡富 富字永平，(一)績谿人。〔一〕〔二〕進士，(二)歷福建僉事。分巡至福寧州，閱獄囚二百餘人，有五六六年不釋者，身至獄中訊決，不數載，囹圄爲空。改山東，陞廣東副使。擒盜賊，平黎寇。歷大理卿。逆瑾招權，因事擯之，致仕。瑾誅，復拜尚書。富歷官中外幾四十年，正氣苦節，始終一致。卒，贈太子少保，謚康惠。

伍希閔 希閔字仲安，安福人。父驥，按閩中，以平賊祠於上杭，語具巡按。希閔成化十一年進士，歷本省備兵僉事，再平上杭漳寇，民德之，配饗父祠。

右成化中任。

楊澤見副使。

蕭顯 顯字文明，龍泉人。成化八年進士。擢兵科給事中，批駁武臣中官之怙勢求功賞者。涿州有巫，(一)矯邪神自東方來，京城男女爭負土爲築祠宇。顯抗劾剗切，上召至左順門，令中官諭遣之。後數日，則巫已逐矣。然權幸人嫉之不置，遷鎮寧州同知。稍遷衢州，悉焚非法刑具。擢福建按察僉事，承勅領屯田，勸督交至，民相率輸納，歲無留逋。以入賀萬壽，上疏徑歸。

賈錠見副使。 張佐

王寅 寅字敬夫，容城人。成化十七年進士，授大理寺副。出爲按察僉事，運籌策勦海洋群寇，申嚴號令，鯨鯢肅清。仕終刑部侍郎。

周鵬 富弦

陳壯 壯字直夫，山陰人。天順八年進士，授監察御史，歷江西僉事。致仕家居十餘年，薦起爲福建僉事。督理屯田，最有成績。又乞致仕，倪文毅爲冢宰，特擢副使河南，竟抗疏去。壯鯁介寡合，遇節義廉潔士，傾心嚮慕，稍不合，輒蹙頰起。

劉愷 彭誠 夏易 張豐 董豫 范淇 杜啟 阮賓 王肅 汪獲麟

陶懌 懌字習之，會稽人。弘治三年進士，授刑部主事。戚里殺人，同官欲釋之，懌持曰：「法者，公器，可爲勢利也？」有獄卒年十九犯法，以「積奸」論戍，懌爭曰：「豈有年十九，名爲積奸者？」出爲福建僉事，遷廣東參議，所至多惠愛。

右弘治中任。

潘珏 珏字玉汝，婺源人。父嘗爲珏兄弟異財，父沒，珏復合之。舉成化二十年進士，宰薊水。以不奉上官，久不調。作《歲寒亭記》見志。轉金華同知，陞福建僉事。一日見報囚，歸嘆曰：「戮人非罪，力不能救，何以官爲？」遂解綬歸。孫漢、滋，俱登進士。漢督閩學。

陳大 紀如鑾

張輝 輝，石埭人。弘治三年進士，歷本省僉事。時逆瑾顯擢，以不禮緝事校尉革任。嘉靖初，御史王完奏：「正德中，守正被害諸臣，存沒宜均恤典。」時輝已老矣，加從四品服。

宗璽 璽，荏平人。弘治十二年進士，歷本省僉事。時與參政孫燧經理縣治，百姓鼓從。

段敏 敏字惟勤，金壇人。弘治三年進士，任福建僉事，署建寧道。有學有守，吏畏民懷。屬聯於廳事曰：「眼前皆赤子，頭上是青天。」

## 羅善

鄒賢 賢字恢才，安福人。以《春秋》經術著。嘗受學劉忠愍孫纘，遂代主師席，屢滿戶外。莆田黃仲昭視學江右，雅知賢，一日與諸弟子講學，顧賢曰：「孔子與顏子語終日，而《論語》止載二章，惜也。」賢對曰：「問仁，天德也；問為邦，王道也；內聖外王，聖人之蘊盡是矣。」仲昭瞿然稱善。弘治九年舉進士，奉命修大臣禮於閩，授南大理評事。丁艱，起授本省僉事，專理汀漳兵務。減里甲供應之費，重官軍擾民之法。舊有土巡檢豪官，以捕盜有功，為上官所任。後或倚眾害民，甚則覬官府之謀私於賊。官府欲更置之，慮其煽變，輒已。賢令屬邑各立千夫長，選壯有力者為千夫長，咸聽令於官，有事則更召率其屬，分隸追捕。於是其權始分，奸不得逞。武平縣北連安遠，西接程鄉，其間大帽山最險阻，為賊巢穴，標掠不時。賢撫以恩信，招脅從者三百餘人。又率知縣陳思誠擒斬僧秉琫、黃友勝、賴德華等三百餘人。其後協同憲副姚鏌、少參鄭毅，擒獲鍾惟興等一百一十餘人。以病乞致仕。厥後李御史如圭上其功，有白金彩幣之賜。子守益，理學名臣。孫善，總閩藩有聲。

## 謝湖

胡鐸見副使。

蔡天佑 天佑，睢州人。弘治十八年進士，改庶吉士，授吏科給事中。陞本省僉事，歷山西按察使。時大同伍堡兵變，陞都察院右僉都御史，巡撫其地。天佑宣布恩威，勦除元惡，地方以寧。陞兵部左侍郎。歷仕中外，素有頌聲。

查約見左布政。

胡璉 璉字重器，沐陽人。弘治十八年進士。以南刑部郎中出為閩廣二藩兵憲，職勦賊。以不殺為

功。烏寇佛郎機牙肆海上，璉選鋒猝人奪其火器，俘之。其器猛烈，蓋夷所常恃者，得之，遂爲中國利，因號佛郎機。遷藩臬長，晉中丞巡撫，遍歷兩京，戶部右侍郎致仕。遇徵安南，薦起督餉，卒。

殷鑒 趙官

潘鑑 鑑字希古，婺源人。正德三年進士，授南大理寺評事。陞福建僉事，討大哪噠蘇秉有功，賜鑑帛。南安盜起，攻仙游城，時鑑在泉州，卷甲趨赴，時斬獲殆盡。福州衛卒跳梁，捕其魁，置之法。仕終兵部尚書，賜諡襄毅。鑑性夷易，而耿介壁削，不可干以私。

蕭乾元 乾元字必充，萬安人。弘治十二年進士，繇監察御史陞僉事，作鎮建寧。嚴毅恪恭，摘奸貞度。秩滿，軍民遮留。遷雲南副使。

葉廷會

周期雍 期雍字汝和，寧州人。正德三年進士，選授御史。疏薦李夢陽、朱廷聲等二十三人，指摘大學士焦芳、劉宇，中書尚書劉大夏、韓文、林瀚，首進，都御史張敷華諸大臣，復劾兵部尚書王敞，悉報可。丁艱歸。起復，因武廟南巡，期雍首言宗子遠游，家相難辭其責，以規諷執政，坐補南京河南道。未抵臺，巡福建僉事，飭兵汀、漳。其時，閩中漳寇尚未解構，期雍以盜迫饑寒，滋於激變，乃設奇間離其黨。至則整衆厚陣，親詣其處以懾之，察勢可諭服，先一日退師一舍，單騎詣壘，諭以禍福。酋長以下皆感泣就撫，於是，數年梗孽以平。因奏立巡司盤詰，溪洞晏然。念往歲苦軍餉不繼，穀價騰踊，出帑贖發有司，做古平糴法，貯米武平諸倉。俗尚浮屠，建立社學訓子弟，導以四禮。宸濠久蓄異志，王成密與期雍計，期雍謂水戰兵間所備，海上可用也，遂沿海蒐閱，得驍勇數千，整練俟報。比己卯變作，即日董師兼程而進，

至豐城，濠已就擒。文成留期，維視南昌篆者三月。後歷刑部尚書。

秦禮 吳昂見右布政。

右正德中任。

范輅見左布政。

陶麟

王俊民見副使。

聶拱

鄭佐見副使。

周文熙

伍希周

曾鵬見副使。

儲洵 洵字平甫，泰州人，嶠之猶子也。正德六年進士，官兵部郎。左遷守沔陽，遷台州同知，陞福建按察僉事，巡漳南。漳舊多盜，洵設條約督捕，撲滅殆盡。以守正不能附時，遂致仕。編輯《革除錄》，

博采靖難諸臣，題其首曰江河伏流。及卒，門人私謚爲貞文子。

沈弘道 弘道字伯元，會稽人。正德十二年進士，授刑部主事。以諫南巡被譴。嘉靖初，首陳治道

八事。會丁艱，去。服闋，進員外郎，繼遷福建僉事，卒於官。弘道好學，耽述作，其清操不愧屋漏。

屈儒

謝汝儀見副使。

姜儀見左布政。

張儉

司馬相 相，會稽人。正德十六年進士，初授刑部主事。有戚里犯法，執問不少貸。稍遷福建僉事，

以太獄被譴歸。子初，祉，並舉進士。

劉案

梁世標

胡松見右參議。

楊麒

諸偁

偁字楊伯，秀水人。正德十二年進士。以刑部郎擢本省僉事，總理屯政。覈故剔奸，明疆理，

綜子粒，周慎詳密，屯政以舉。歷貴州按察使。爲人坦夷，不設城府，至非禮相干，則艴然見辭色。其辭

受取與尤嚴，歷官二十五年，蕭然歸橐。

陳逅 逅字良會，常熟人。正德十二年進士，授惠安知縣。剛嚴裁猾，精明剔蠹。縣官支費，舊責里

甲，供應無藝。迨止今日辦錢十文，若日費有餘，則積以備他日。盡乃再科，至有累日不科一錢者。以才調福清。凡賦役無敢匿戶，健訟之習，爲之肅然。行取監察御史，言事落職。稍遷至福建僉事，分巡福寧。惠邑大饑，迨發粟三百石賑之，復禁鄰邑閉糴，惠賴以活。

王庭庭，吳人。自刑部郎遷。廉毅有守，逐盜，按摘其首惡，令自取以獻，而赦其餘。其在幽僻，素患苦縣道者，聲威被之，皆出就吏，境內以安。尋以江西參議謝歸。模楷鄉人，有仲弓之風。

錢世英一作賢 孫翥

江以達 以達字于順，貴溪人。嘉靖五年進士。居六年，以刑曹郎典試閩中，後歷本省僉憲，督學。以達文章氣節，望重一時。泚臺擗管，非先秦兩漢不道也。初典試時，所錄皆知名士，及督學再至，閩士之文一變而古。陞湖廣副使，仍督學政。世宗幸承天，楚藩欲出城朝謁，以達繩之祖制，爲所奏，被逮，放歸。始，潘潢督學以寬，達振之以嚴，士並思仰。

汪佃 佃字有之，弋陽人。父鳳，漳州守，見文蒞。佃與兄俊、偉並有時文，俊、偉皆至大官。佃正德丁丑進士，以翰林侍讀謫判寧國，稍遷至僉憲。明敏誠恕，簡以繁煩，廉於當官，而恬於仕進。致仕歸。

曾世昌 應廷育 劉仕賢 陳洙 侯廷訓

郝維嶽 維嶽，四川叙南衛人。嘉靖八年進士。以御史出任，駐節建州。當官廉敏，抑豪右，屏吏奸。礦徒竊發，茶毒屬縣，會歲除，維嶽度其必回巢穴，躬率士旅出不意擒之，渠魁悉得。終雲南巡撫，都御史。

鄭有周 胡賓 利賓 鄭炯 戴鯨 徐緯一作緯 韓柱

張合 合字懋觀，永昌衛人，侍郎志淳之子。十歲能屬文賦詩。嘉靖初，年十六舉鄉試第一。往，侍郎鄉舉亦首舉，滇中以爲盛事。合後舉十年進士，授戶部主事，改兵部、吏部。資望隆重，稍遷卽至卿次，顧當道多忌者，竟外補福建僉事，歷湖廣副使，罷歸。合博極載籍，究古豪傑之業，位不配望，士論惜之。

#### 翁學淵

余曠 曠字德明，樂平人。嘉靖十四年進士，授行人。擢兵科給事中，歷禮、吏二科。連章劾銓選部臣及邊方巡撫，更薦宿望名臣可計安邊境者。尋謫浙江布政司都事。亡何，擢閩建陽尹。治功卓異，累遷按察司僉事。爲人丰神俊爽，氣節瑰奇。會安溪白葉坂劇盜嘯聚，劫戮滋蔓，曠調度官民兵進逼諸險，出奇掎擊，賊魁陳日輝就擒，空其巢洞。閩人爲勒平寇碑頌之。官至憲副。丁艱，卒家。所學務得大意，祀名宦建陽。

項喬 喬字遷之，永嘉人。嘉靖八年進士，授南工部主事，調兵部武選，轉湖廣副使。以前武部註誤，謫福寧州同知。至官，公宴，進賞優人錢，知爲里役辦需，卽席抗言曰：「官宴唱戲已不宜，況復索民膏以賞乎！」遂罷宴。徙松江同知，轉福建僉事，經畫屯政，攝巡漳南。省上杭饋給歲千金，使查盤者至，橫誣其邑長，喬直焉。嘗五平口獄，不以徇監臨可否。殲白葉諸洞宿寇，籍其地。事聞，賜金綺，陞廣東參議，終左參政。喬摩志聖賢之學，嘗曰：「豪傑不在溫飽。」其臨政治民，至於燕獨，未嘗釋卷。

楊大章 桂榮 鄭炯 張恕 顧紳見右參議

汪珪 珪字仲弘，休寧人。以僉事分部福寧。時倭寇起，議徵海上兵爲備，珪謂夷舟順風而來，所至

皆戰地，徒備福寧亡益也，不若移戍沿海要害。寇迫同安，埧聞獄囚陳嘉任等七人黠勇可將，召論討賊贖罪，咸感泣思奮。明日，用爲先鋒，遂獲全勝，城因得免。

熊維見左參政。

黎澄 澄字本靜，樂平人。甘貧嗜學，博涉群書。登嘉靖二十六年進士，選翰林庶吉士，與修《武廟實錄》。改禮科給事中，擢福建僉事，肅風紀，飭吏治。以內艱服闋，補廣東兵備，有勦平徭賊功。

梁佐 徐光啟

袁洪愈 洪愈字抑之，長洲人。嘉靖二十六年進士，歷本省僉憲，分鎮建寧。時綢繆陰雨，練兵選將，而愛民造上，尤所惓惓。時李肅愍家居，與洪愈談兵甚悉，亟稱其才略。在官有清操，家居食貧，資詞翰自給。後至大官。

吳朝鳳 朝鳳，樂清人。章恭毅綸曾孫也，復姓吳。嘉靖甲辰進士。表章龜山、延平諸儒，新李中定祠。庫有羨金，籍之公，不自人焉。

王宗聖

王時槐 時槐字子植，安福人。嘉靖二十六年進士。以講學聞於時，靜澹無欲，立不易方。歷本省僉事，後仕至大理卿。

盛唐

舒春芳 春芳字景仁，鄱陽人。嘉靖二十三年進士，歷本省僉事，分巡建寧。揭白鹿洞規於晦庵之堂，拳拳義利之辨，以古君子聲色貨利之戒爲戒，且以勸勉人。建有孝廉楊應詔，志聖賢之學，實而禮

之。建奸民黠盜雄豪，皆帖帖入把束。倭亂海上，建州告警，春芳策馬登陴。出輒載金帛自隨，用以犒賞材勇，激厲士氣。鳩工聚鐵爲鳥銃，懸金錢訓練之，中卽與金。民競習之，無不技命中者。及倭數萬攻城，多死於銃，城得不破。一日，單騎督兵與倭戰赤岸橋，兵潰，僅以身免。陞湖廣參議。

黃趾 楊以誠 彭一作頤 嘉會 金瀚見副使 萬民英見右參議 秦宗道 李儒烈 曹司賢 曾

一經 黎元 黃可大 何全 金定 徐梓 俞咨益 史嗣元 袁大誠

右嘉靖中任。

蘇愚 趙時齊 徐作見右參議 張啟元 王錫命

顧養謙 養謙字益卿，通州人。嘉靖四十四年進上，歷本省僉事。有謀略，每抵掌論時事，輒有鳴劍伊吾，勒銘燕然之想。仕終兵部左侍郎。

王圻

梁士楚 士楚，番禺人。以舉人知詔安縣。居官清勤，才猷練達。時值倭饒，山海寇盜並起，悉心經理，調度兵馬糧餉船隻，相機勦撫。前後督調鄉兵擒斬倭賊千餘名，撫散山賊鍾旺、雷晚香等六千餘人，又擒斬吳平海賊一千八百餘名，撫散餘黨五千餘衆。又以縣治窄狹，請拓北關城一千二百餘丈，西關城三百餘丈，親自程築。撫按交章論薦，推陞僉事。以憂去。起復，補任福建練兵僉事，駐劄詔安，漳民以爲保障。

喬懋敬 凌瑄 王喬桂 孫裔興 周守愚

右隆慶中任。

漆彬 毛爲光 尹較 文作 王廷簡 趙參魯見巡撫。

李樂 樂字彥和，烏程人。隆慶二年進士，以僉憲分部福寧。廉毅精敏，纖悉手冒裁，尤崇獎上類，風教肅穆。時總兵臨州厲民，樂隨事陰折之，民恃以安。

彭應時 鄭宗學

張崧 崧字汝登，餘姚人。嘉靖進士，以僉事分鎮建南。英明博大，紀綱保障，條布井井，墨吏猾胥望風屏息。

王乾章 張正道 趙參魯再任。 丁元復 劉朝暉 王豫武 尚耕 徐金星 宋存德 須用賓

張文耀 李楨 金學曾

李琯 琯字邦和，豐城人。萬曆五年進士，以僉憲鎮福寧州。時兵務久弛，徒空名糜餼，琯至，試閱訓練，授以火器。築羅源城，浚久湮河隍，引海潮至城下。游僧雲集支提寺，移文驅之。百務精明，吏民懷服。上書論時宰，觸忌落職。

俞道生 熊敦朴 章邦翰 朱熙洽 李琯再任。 陳汴 余懋中 吳之鵬見參議。

莫睿 睿字思卿，錢塘人。萬曆元年浙省解元，登二年進士，歷福建僉憲。外若閤然，而勇於任事，以治行著。

邵夢弼 張喬松 王建中 王志 鄧美政 王在晉 劉毅 係光啟 陳治本 熊宇奇 熊尚文  
張鳴鶚 潘陽春 楊廷槐

管楠 楠字「二」，「四」南陵人。萬曆二十三年進士，授長泰知縣。百凡張舉，惠政在民。召人爲御

史，出爲本省僉事。

戴王言 石崑玉 呂純如 崔師訓

右萬曆中任。

僚屬賢者附後

張禎遜 字友讓，會稽人。性剛直嫉惡，讀書嚴義利之辨，嘗曰：「我私淑孟軻氏。」人稱爲張孟子。

永樂中舉賢良方正，授福建按察司照磨。持己慎密，而數與上官辨時政得失，上官嫉之，遂還初服。一時名公競爲詩文高之。

福建都轉運鹽使司 運使一員，同知一員，副使一員，判官一員，萬曆八年裁革。經歷司經歷、知事各

一員，廣盈庫大使一員，鹽課司大使、副使各一員，竹崎批驗所大使、副使、閩安鎮批驗所大使、副使、鹽

倉大使、副使各一員，自鹽課而下副使，俱萬曆八年裁革。上里場大使、副使、海口場大使、副使、牛田場大使、

副使、惠安場大使、潯溪場大使、浯洲場大使、涵洲場大使各一員。

都轉運鹽運使

劉德

右洪武中任。

朱勤 勤字思勉，仁和人。胸次高朗，洞無凝滯，安成李時勉嘗語人曰：「杭人若柴叔輿、朱思勉，不多得。」

右永樂中任。

史潛

右正統中任。

嚴貞 貞字宗正，奉化人。繇進士任刑部郎，有聲，用薦陞兩淮運使，調本司。民苦綱運，議假招募之舟以代之。

右景泰中任。

劉璣

右天順中任。

康驥 驥字德良，泰和人。景泰五年進士，授監察御史。天順初，抗章論石亨、曹吉祥，下獄拷掠。既得釋，巡按山東、北直隸，所至風紀肅然。後陞福建轉運使，卒於家。

周鳳 楊益

金迪 迪與朱穩，先後以良吏稱。

右成化中任。

高輔 輔以舉人歷官知縣、御史、太平知府，謫福建鹽運同知，尋轉運使。出納平允，人不敢干以私，時鹽商服其公正。

吳泰 泰以御史出爲福建運使，政尚威嚴，吏皆斂手。

蔡餘慶

李紀 紀字朝振，潞州人。成化乙酉省試，歷官長蘆運司同知。遷本省運使。紀爲長蘆時，或勸之

曰：「運司財藪，終無有全身名得美遷者。公又貧，不念子女耶？」弗聽，益自峻潔。嘗道之京，諸大商賈人供具於路，遮馬留食，紀躍馬過之。及擢本省，未幾乞致仕，曰：「吾何以弗已哉！」所著有《默庵集》。

右弘治中任。

王禾

張愷 愷字元之，無錫人。成化二十年進士，授兵部主事，歷黎平知府，落職家居。用薦，起知太原，未任，轉本省運使。爲人狷介自植，所至公廉執法。其主鹺政，鈐束貴勢，人不得爲奸狀，然竟爲忌者所中，致仕歸。諸賈人力致羨餘九百金，峻却之。

黃衷 衷字子和，南海人。弱冠登進士，歷兩京郎署。在留都時，與朱應登、顧璘、陳沂、王韋輩以詩文擅名。後知湖州府，稍遷福建都轉運使。鹽筴叢弊，一切奏革。仕至兵部右侍郎。

黃閱古

右正德中任。

陳大中

歐陽恂 恂字忱之，安福人。弘治十五年進士，任南銓部郎，歷常德守，擢本司運使。覈故實，稽輿謀，一循黃衷之法。卽有興革，多裕國便商。時權璫肆橫，恂抗直不少屈，商人蒙其惠利。竟以常德時忤觀風使者，被論去。

何文邦 黃宗明見左參政。 李彥 上祿 俞文曦

趙可與 可與字會中，安福人。正德八年舉人。教諭蓬萊，以經明行修，擢兵部主事，歷三衢守，治

有異政。尋轉本司運使，抗直守高，不媚貴人，都御史啣之，中以陰事。事白，當復任，而遂懸車。可與以文章政事知名，有所引拔，皆頌望名士，士論歸之。

婁志德見左布政。

王鈞 鈞字子宣，奉化人。嘉靖十一年進士，歷兩京郎署。嚙檠茹荼，一介靡染。出知邵武府，每晨起視事，洞開重門，竟日坐堂上，庭宇寂然，無一人敢左右睨。有訴娶婦而失其實粧一簍者，鈞曰：「此非外盜，必同居而異心者，首則可以贖罪。」明一人持奩陳庭稽顙乞罪，果其同母異父弟也。有行人以使事道郡，橫有需索，郡民苦之，鈞取真西山《心政經》遺之，行人慚去。臺使者行部，望鈞過禮，而鈞約禮自將。臺使者心啣之，下車立索庫藏、刑名諸案牘，欲有所摘發，終不得其隙。及調治狀，稱曰：「若是，其兢兢也。」上書薦之。考滿當陟，有嫌者，竟轉爲福建都轉運使。勾稽宿蠹，條畫甚精。福州缺守，臺使者檄鈞署。鈞夙著簡肅，不嚴而治。有異母兄弟爭產，訟不息，鈞諭之曰：「若等皆若父所生耶？若父之心忍使有一不足哉？爭而一勝，則一不足，若父慊乎？若子也，而以貲傷父心，若父寧復爲若輩血食？」訟者感泣，讓爭而退，肖像祀鈞。歷官南工部尚書。

陶珪 珪，黃岡人。嘉靖五年進士。爲桂林知府。陞本司運使。性度寬大，商人宜之。官至廣西按察使。

姜恩見左布政。

童蒙正 顧霖 吳江

何思贊 思贊字紹襄，順德人。初下車，禁常例，祛宿蠹，商人供應，悉却不受，衙齋泊如也。質直耻脂韋，政不近名，而人亦弗知。滿三載，辭歸。

右嘉靖中任。

曹光 彭宗 李廷觀

周浩 浩字毅夫，錢塘人。嘉靖十四年進士。一塵不染，卓有清名。商有常例錢，歲計可千餘緡，輒進而輒却之，曰：「爾無逋課足矣。」

右隆慶中任。

陳楠 杜思 王三錫 李大吉 陳夢庚

鍾昌 昌字繼文，東莞人。視閩鹺政，清修自將，羨金贖鍰，不假脂潤。至於疏法祛蠹，尤不爲豪家所阻。遷雲南參政。

周保 保字子翼，鄞人。隆慶五年進士，授刑部主事。嘗奉詔諭八閩，以南雄府知府陞福建都轉運鹽使，乞骸骨歸。平生無他嗜好，獨耽墳典，嗜嚼淵懿，纂取自輔。居官廉靖著名。

周裔先 盧大順 徐震 江大鯤

右萬曆中任。

同知

黃賢相 賢相，藤縣人。入太學，任監察御史，累言時政，稱上意，累加褒賞，陞福建鹽運同知。

右永樂中任。

胡傑

右正統中任。

魏安

右天順中任。

張睿

徐福 福有學有守，刺兗州府及福州都運鹽同知。所至公勤忠慎，歷除弊政。致仕。貧約終身，士論高之。

郝志義

見副使。

高輔

胡溫

張盛 盛字克謙，宜興人。天順四年進士，授工部主事。佐理河道有功，累陞山東參政。爲人廉直，負氣，遇事少容，僚佐忌之。左遷福建鹽運司同知，時年已老矣，或勸其稍營歸計，輒面斥之。未幾，謝病免。

右成化中任。

胡贊 吳嵩 金信 劉琰

右弘治中任。

錢承德 黃節 盛龍

姚汀 汀，慈谿人。弘治十二年進士，自南吏部郎出知袁州。才思明敏，政聲丕著。以忤權貴，謫運司同知。

王顯道 嚴時泰

見按察使。

右正德中任。

葉鈇 查仲道見汀州知府。 陸隆恩 王翰臣 尹袞 蔡紹科 王守儉 鄭道 姚汲 蔣子岳 林

大有

李人龍 人龍，華亭人。嘉靖十四年進士，以御史出貳鹺司。條通商之令，嚴私販之防。使者欲於常賦外益贏餘以資經費，人龍持不可。擢守廣東，去。

張準 劉汝順

林烈 烈字孔承，東莞人。嘉靖十三年舉人。師事魏莊簡，潛心理學。以戶部郎出爲福建鹽運同知，分司水口。革常例，祛積蠹，嚴關出，商至如歸，鹽政大舉。於是，毀淫祠，興社學，創書院，日與諸生講習。又聯什伍，恤孤貧，置義阡，立鄉厲壇，修養濟院。民始患盜，已，復患虎，悉力驅除之。偶夢歸章綬，心異焉，適世宗遺詔至，遂卒。百姓巷哭，商罷市，立祠水口尸祝之。子培，萬曆中謫本司知事。

右嘉靖中任。

鄧士元見漳州知府。

吳淞 伍典 李時漸

右隆慶中任。

王澤 張廷臣 盧致 傅性敏

蕭敏道 敏道，南昌人。嘉靖四十四年進士，令新昌。歷尚書郎，出守徽郡，左遷貳鹺司。下車懲宿弊，杜常例，裁冗費，汰牙行，絕請託，秤掣開賣，諸務必躬，公餘不廢吟咏。轉福郡守。

李正春 吳仲芳

陳懋昭 懋昭字建中，泰和人。嘉靖甲子鄉貢，歷同守，遷鹺司貳。卓犖廉靜，時議開大田新港，懋

昭謂新港開則西路塞，課且滯，竟報罷。

屠本峻 本峻字田叔，鄞人。以任子爲郎，出貳鹺司。先是，負海之引，大府以時給發，率貴勢家請之。轉而售之商人，每數鍰易一紙，商人病之。會有東夷警，金中丞屬本峻開引佐軍興。本峻亟下令，商以次受引，引輸三鍰，不旬日而輸畢，贏可萬金，今爲鹺司率令。政暇創祠烏石山，祠先賢詞人之有聲者，立社水口關，教弟子之習詩禮者，咸捐俸人爲之。居三年，擢守辰州。

顧應龍 傅國才 蔡宗憲 趙文煒 郭繼芳 支如璋

右萬曆中任。

副使

周時中 時中，龍泉人。元季從徐壽輝，後來降，爲太祖所信重，自中書斷事出知延平、邵武二府。撫輯流離，俾遂生養。官至吏部尚書，出知鎮江。犯罪，太祖赦之，復轉鹽運副使。坐罪當棄市，復赦，除名爲民。

右洪武中任。

胡縉

右天順中任。

田昭 姜倫 石旻 蕭崧 徐燦

右成化中任。

王珍

右弘治中任。

陸冒 林誠通

右正德中任。

任廣 徐璿

蔡芳 芳字茂之，平陽人。少穎異，十歲能詩。弘治戊午舉於鄉，歷福建運副。居官清苦。閩囚反獄，害查布政、楊參議等，至芳，則去之，曰：「仁人也。」時張永嘉當國，與芳同年，未嘗有所通謁。一日，遇於漕河，潛過之。張追，道故甚歡，微諷以美遷，芳詠詩答曰：「一官到底終須去，百歲無多可念吾。」遂致仕歸。有校《十三經註疏》，及著《春秋訓義》、《折衷諸傳》、《喪禮酌宜》、《大祀志》等書。

毛煥

郭鼎 鼎，崇德人。繇監生就選人高等，得臨安府推官，遷鹽運副使。有巨商緣舊引爲奸私，鼎至，悉發之，凡十餘輩，當坐遣。乃求貴人緩頰，弗聽。齎千金亡，所人則以移賄監司，改牒而曲貸之。鼎即日解官去。臺爲下檄強留，乃已。時先後御史徐宗魯、高崧皆能知鼎，本司與提舉司、閩縣三篆俱缺，宗魯悉以委鼎。崧後委署水口分司。在事十八月，國課踰先後。崧每舉以勸屬曰：「安得盡若郭運副者，御史安枕矣。」鼎恒謂：「刑猶火也，不戢則焚人；利猶水也，不遏則溺己。」竟以材見嫉，罷歸。

江以朝 戴維師 林冕 龍興 費懋良 荀文奎 曹梁  
右嘉靖中任。

郭瑀 周召 江埏

右隆慶中任。

陳良珍 陸穗 余端一作瑞 陳汶 費懋謙 包應科 梁符 秦懋德 陳九功 易可訓 張仕

可 朱益光 李逢雷 王亮 熊維膏 張好仁 王允升

右萬曆中任。

判官

葉汝梅

右宣德中任。

張昱 蘇瑛

右正統中任。

伍璣 璣字子玉，容縣人。景泰七年舉人，判福建鹽運司，尋知靖州。剛直持廉，以不獲當道去，民甚惜之。

符芳 曹琛 陳明

右成化中任。

麥秀 鄭忠 楊瑞

右弘治中任。

章延年 毛翺

右正德中任。

戎來賓 蔡文範

右萬曆中任。

寮屬賢者附後

林培 字培之，本司同知烈之子。萬曆中爲南御史，多所建白，慷慨激切。後忤旨謫本司知事。尋卒。培剛毅孝友，與諸弟同居共爨，一錢尺布無所私，人咸惜其未究於用。

諸葛伯衡 蘭谿人。洪武初以秀才擢舉北平寶泉局大使，改雜造局，遷本司廣盈庫大使。凡典錢幣十餘年，守法奉職，人稱其廉。改雲南大理府肇州吏目，操守益勵。以大學士董倫薦，召至京師，擢陝西布政司右參議、廣東參議，尤以能官聞。

市舶提舉司 提舉、副提舉、吏目各一員。俱萬曆八年裁革，事統運司。

樊堧見副使。

右洪武中任。

倪鼎

右正德中任。

副提舉

羅倫 倫字彝正，吉永豐人。成化二年進士及第第一，授翰林修撰。居數月，以論李文達賢奪情起復，謫泉州市舶司提舉。文達沒，復召還修撰，改南京。尋辭疾歸。倫自少力學，非聖賢之說不講，與人子言依孝，與人臣言依忠，與居官者言民所疾苦，如其身見。陳獻章稱其「洞徹不欺之心，炳中天之杲

日；轟勁出群之氣，發百蟄之春雷」。嘉靖中贈左春坊左諭德，謚文毅。

右成化中任。

舒芬 芬字國裳，進賢人。爲諸生時，蔡文莊爲江西學使，閱其文，奇以大魁。正德二年進士及第第一，授翰林修撰。以諫南巡被杖，謫福建市舶提舉。嘉靖初復官，復以諫大禮被杖。以母喪歸。尋卒，謚文簡。芬風神玉立，負氣峻厲，銳然聖賢之道。兼知天文，曉音律，其出處與羅文毅相似。

右正德中任。

江汝璧 字懋穀，貴溪人。嘉靖辛巳進士。以左諭德出主應天鄉試，道中上疏，謂安南不宜徵。迨發策試士，復以爲言。又論勛臣配享歲祫宜與，郊祀皆不宜從。試錄進覽，世宗讀之震怒，逮赴詔獄，謫提舶副提舉。後仕學士。

右嘉靖中任。

〔校記〕

〔一〕「字永平」，《明史》本傳作「字永年」。

〔二〕「進士」上，各本原闕四字。《明史》本傳作「成化十四年進士」。

〔三〕「涿州有巫」，各本原作「涿州有誣」，據文義改。

〔四〕「字」下，各本原闕二字。

# 閩書卷之五十

## 文蒞志

福州府

後漢

侯官長

商升 升爲侯官長，建安元年孫策渡浙江，會稽太守王朗奔東冶，升爲朗起兵禦策。  
右建安中任。

晉安郡

太守

嚴高 高守晉安，寬惠得人，有改築州城之功。

劉琨 琨字越石，中山魏昌人。爲晉安守，後以戰功顯。  
右太康中任。

趙理 鄭逸 楊岱

右永安中任。

卓宏

右永興中任。

東晉

太守

郭粹 賀喬 楊羨 謝櫨 陳熙 師暢 陳雲 謝永 顧颺 薄舊 朱真 祖曾

右永興至太寧中任。

林祿 呈朝林俊遠祖。

右年任無考。

魏隨 王昭

右升平中任。

陶宏 李崇

右興寧中任。

江諒

右咸安中任。

戴固

右寧康中任。

賀期 王祐 載眇 王楚之 陶夔 孔粲

右太元中任。

謝景興 劉延壽

右隆安中任。

劉玄

右元興中任。

張須元 殷隱 張裕一作祐 胡昶 胡方生

張茂度 茂度，吳郡人，漢張良七世孫。盧循爲寇，覆沒江州，茂度及建安太守受其符書，供其調役。循走，俱坐免官。後仕宋爲會稽太守。素有吏能，職事甚理。

右義熙中任。

劉宋

太守

顏胡 樂探之

右永初中任。

張先頃 阮彌之 沈雲子 阮仁之 丘祚 阮永之 顏仲文 劉隱 范璩 王粹

右元嘉中任。

何恢

右孝建中任。

殷瑤 王環之

孔靈產 靈產，山陰人，孔珪之父。解星文，好術數。齊高帝餉之白羽扇，余隱几，曰：「君有古人之風，故贈君古人之服。」當世榮之。

江輝 劉瞻據郡爲逆，沈思千等討斬之。

右大明中任。

周景 袁倅晉平郡太守。謝颺

虞愿 愿字士恭，餘姚人。立學堂教授生徒。郡舊出蚺蛇，膽可藥。有遺愿蛇者，愿不忍殺，去之二十里外山中放之。一夜，蛇還床下，復送之四十里外。經宿復歸。論者謂愿仁心所感。海邊有越王石，恒隱雲霧，相傳太守清廉乃得見之。愿往就觀，了無蔽隱。

右泰始中任。

王秀之 秀之字伯奮，琅琊人。爲晉平太守，遣書朝七日：「此郡承虞公之後，善政猶存，遺風易遵，差得無事，期年求還。」或問其故，答曰：「郡沃壤也，珍阜日至。人所昧者財，財生則禍逐。吾山資已足，豈可久留？」上表請代。時人謂王晉平恐富求歸。

劉正

右元徽中任。

內史

劉德愿兼太守。

右元嘉中任。

齊

晉安郡太守

丘仲趨 孔景之 蕭世軌

右建元中任。

王昉 袁利 孔徹

王德元 德元與謝朓相善，在晉安有贈朓詩，而朓答之。

王道實 道實，晉陽人。仕齊爲郡守。與子璋、孫元規，並世有時譽。

右永明中任。

陳休尚

右建武中任。

謝璟

右永泰中任。

劉景超

右永元中任。

內史

劉常兼太守。

右永明中任。

王僧孺見侯官文滌。

右建武中任。

### 梁

晉安郡太守

范縝 縝字子真，南鄉舞陰人。在郡清約，資公祿而已。遷尚書左丞。及還，雖親戚無所遺贈。

劉業 彭永年 崔遠珍 劉融 謝茂

劉駿 駿字仲翔，相人。博識強正，名行自居。仕梁爲左戶侍郎。時武帝每選長吏，務簡廉平，皆召於前，親勗政道。始擢尚書殿中郎到溉爲建安內史，駿與同日出爲晉安太守，並以廉潔著名。

王暕 柳津 徐崧 蕭機

右天監中任。

崔仁

右普通中任。

徐愷

右大通中任。

袁士俊

臧厥 厥字獻卿。以幹局稱，爲晉安太守。郡中結聚逋逃，前二千石討捕不能止。厥下車宣化，凶黨皆懾負自出，（二）居人復業。然政嚴甚，百姓謂之「臧彪」。前後再兼中書通事舍人，卒於兼司農卿。

右中大通中任。

蕭永以觀寧侯知。

蕭正表以封山侯知。

蕭推以南浦侯知。

右大同中任。

蕭基以長樂侯知。

右中大同中任。

蕭雲以賓化侯知。

右太清中任。

陳羽侯官人，世爲閩中四姓。羽有幹材，爲郡豪雄。梁代晉安數反，累殺郡將，羽合翕惑成事。後復爲官軍鄉導，破之。繇是，一

郡最懼皆白羽出。

右大寶中任。

陳寶應羽之子。性反覆，多變詐。蕭雲以郡讓羽，羽年老，但治郡事而已。是時，東境饑饉，會稽大甚，死者十七八，平民男女並

皆自賣，而晉安獨豐沃。寶應自海道寇臨安，永嘉及會稽、餘姚、諸暨，又載米粟與之貿易，多致下帛子女。其有能致舟乘者，亦並奔歸之。繇是，大致貨產，士衆彊盛。陳高祖輔元帝時，羽請歸老，求傳郡於寶應。高祖許之。紹泰元年，授壯武將軍、晉安太守，尋加員外散

騎常侍。二年，封侯官縣侯，邑五百戶。時東西嶺路，寇賊擁隔，寶應自海道趨於會稽貢獻。高祖受禪，授持節散騎常侍、信武將軍、閩州刺史，領會稽太守。世祖嗣位，進號宣毅將軍。又加其父光祿大夫，仍命宗正錄其本系，編爲宗室。并遣使錄其子女，無大小並加封爵。

寶應監，州刺史留異女，（二）異與江州刺史周迪數懷反側，世祖遣徵北將軍侯安都討之。寶應遣兵助異，又資周迪兵糧，出寇臨川。及都督章昭達既破迪，世祖因命昭達軍破留異於桃枝岸。（三）迪亦脫身遁，衆軍繇建安南道渡嶺。又命益州刺史余孝頃督會稽、東陽、臨海、永嘉諸軍自東道會之，以討寶應。昭達踰東興嶺，頓於建安，孝頃又自臨海道襲於晉安。寶應據建安之胡際，水陸爲柵。昭達深溝高壘，不與戰，但命軍士伐木爲柵，俄而水盛，乘流放之，突其水柵，仍水步薄之。寶應衆潰，身奔山草間，窘而就執，并其子弟二十人送都，斬於建康市。

右紹泰中任。

內史

江彥標

徐悱 悱字敬業，東海郟人。幼聰敏能屬文，位太子舍人，出入官坊者歷稔，以足疾出爲湘東王友。俄遷晉安內史。

右天監中任。

監郡

羊侃 侃字祖忻，泰山人。治績著聞。

袁狎

右大同中任。

陳

晉安郡太守

譚瑱 瑱，始興人。初直桂陽郡，外兵留異以晉州叛，瑱從侯安都破之於桃枝嶺，以功拜假節雲旗將軍。會陳寶應復以閩叛，異往歸之，瑱率舟師討之。天嘉五年俘寶應於晉安，并擒異送都。以功擢本郡太守。

王質 曹仕明

右天嘉中任。

豐州刺史

樊毅 毅字智烈，湖陽人。習武善騎射，自梁歸陳，陳武帝以爲豐州刺史。

右光大中任。

晉安郡太守

蕭紀以宜黃侯知。 舉文奏

豐州刺史

駱文牙

右太建中任。

章大寶 昭達之子。至德二年，朝廷以李暈代之，大寶叛，伏誅。 李暈 吳惠覺

右至德中任。

隋

泉州刺史

劉弘 弘字仲遠，彭城人。少好學，有行檢，重節概，志立功。平陳之役，以齊州長史表請從軍，以行軍長史從總管叶萬緒渡江。以功加上儀同，封濩澤縣公，拜泉州刺史。會高智慧作亂，以兵攻州，弘城守百餘日，救兵不至，前後出戰，死亡大半，糧盡無所食，與士卒數百人煮犀甲腰帶及剝樹皮食之，無離叛。賊知其饑餓，欲降之，弘抗節彌厲。賊悉來攻，城陷，爲所害。文帝聞而嘉嘆者久之，賜物二千段，使子長信襲其官。

鄭萬頃 萊桂國 護韋冲

來護兒 護兒字崇善，江都人也。幼卓詭，好立奇節。初讀《詩》，「四」至「擊鼓其鏜，踊躍用兵」，「羔裘豹飾，孔武有力」，捨書嘆曰：「大丈夫在世當如是！」隋平陳，護兒有功，進位上開府，從楊素擊高智慧於浙江。賊據岸爲營，周亘百餘里，舡艦被江。素令護兒率數百輕艤直掩其營，破之。時賊前與素戰，不勝，歸無所據，因而潰散。智慧將逃於海，護兒追至泉州，智慧窮蹙，遁走閩越。進位大將軍，除泉州刺史。時有盛道延擁兵作亂，侵擾州境，護兒進擊，破之。進位柱國。仁壽三年，除瀛州刺史，賜爵黃縣公，邑三千戶。尋加上柱國，除右禦衛將軍。煬帝即位，遷右驍衛大將軍。大業六年，從駕江都，賜物千段，令上先人塚，宴其父老。數歲，轉右翊大將軍。擊高麗，破楊玄感，皆有，<sup>(五)</sup>轉左翊衛大將軍，進位開府儀同三司。江都之難，宇文化及忌而害之。

右開皇中任。

宇文弼 文弼字公輔，<sup>(六)</sup>洛陽人。開皇初以功封平昌縣公，人爲尚書右丞，歷翔、代、吳三州總管。煬帝即位，徵拜刑部尚書，持節巡省河北。還，除泉州刺史。歲餘，復拜刑部尚書，尋轉禮部尚書。

敬慷慨有大節，博學多通，歷職顯要，聲望甚重，物議時談，多見推許，帝頗忌之。時帝漸好聲色，尤勤遠略，敬謂高潁曰：「昔周天元好聲色而國亡，以今方之，不亦甚乎？」又言：「長城之役，幸非急務。」有人奏之，竟坐誅死。天下冤之。

#### 建安郡太守

陳昇 楊許

鄭韶，昭，煬帝時爲左散騎常侍，大業中授閩中太守。愛養一犬。有從者薛元周，伏事最久，略無恩恤。元周忿恨，以刀久伺其便。值煬帝有使到，韶當遠迎，犬唧拽衣襟不令出館。吏馳告云：「使人郭。」韶出，又爲犬拽衣不放。令人縛於柱，犬掣繩斷，仍前拽衣。韶撫犬曰：「汝知吾有不測事乎？」犬乃嚙呌跳隊內，咬殺薛元周，衣下果藏斷劍。

#### 通守 煬帝罷州爲郡，置通守。

閻弘吉

右大業中任。

章世超章一作楊。

右義寧中任。

唐

閩州刺史皆都督及節度、觀察等使兼領之。今列其名，其詳則載都督、節度、觀察中。

王義童以都督府兼領，見都督。

右武德中任。

薛登 方叔述

柳邊以都督府別駕兼衛總持。

關長信

劉伯瑛

元韶

任弘毅以都督府別駕兼。

右貞觀中任。

薛士通

王孝敬以都督府長史兼。

右永徽中任。

王大禮

右龍朔中任。

張承慶以都督兼。

袁德仁

右景雲中任。

任乾英乾一作朝。

右先天中任。

梁惟忠以都督兼。

傅黃中

謝光庭

王崎一作琦。

田義昌

福州刺史

辛子言以都督兼。

唐循中以長史兼。

許融

李亞丘以都督兼。

徐嶠

右開元中任。

長樂郡太守

盧昇明 李晃

裴悟

高璠

許炅

劉寡悔

楊知古

邵某

右天寶中任。

吉潁以經略寧海軍使兼。

右至德中任。

福州刺史

董玠以都防禦使兼。新志乾元中任。

李承昭以節度使兼。

右上元中任。

李錡以都團練使兼。見本使。

皇甫政

鮑防以都團練使兼。見本使。

右大曆中任。

常袞 孟皞並都團練使兼。袞、見本使。

右建中中任。

盧杞 吳誨 吳湊 鄭叔則 王翊 李若初 柳冕 閻濟美自吳誨而下，並都團練使兼。若初、冕、濟美，俱見

本使。

右貞元中任。

陸庶以都團練兼。元義方 裴次元以都團練兼。見本使。 薛翥 元錫 裴乂以都團練兼。見本使。

右元和中任。

徐晦以都團練使兼。見本使。 衛中行

右寶曆中任。

獨孤朗 張仲方以都團練兼。見本使。 桂仲武以觀察使兼。 段伯倫以觀察使兼。

右太和中任。

唐扶以觀察使兼。

盧正以觀察使兼。

右開成中任。

崔干 裴煒

羅讓以都團練兼。見本使。

李貽孫以都團練兼。見本使。

黎植

楊發以都團練兼。見本使。

王鎮以都團練兼。

右大中中任。

杜宣猷 孟彪

李瓚以觀察使兼。

李景溫以都團練兼。見本使。

右咸通中任。

李晦以都團練兼。

李播以都團練兼。

韋岫

右乾符中任。

鄭鑑以都團練兼。

右廣明中任。

陳巖以都團練兼。見昌黎。

右中和中任。

范暉

右景福中任。

王審知兄潮。命知。

右乾寧中任。

王延翰 王繼鵬 王繼昌 自延翰至此，皆閩王氏所授刺史。

李孺贇 吳程 錢弘僊 錢元璜 錢偁 錢俊

鮑修遜 遜一作讓。

修遜寡言語，總軍整肅，累官上直指揮使、衢州刺史。開運四年，爲成將護李孺贇於福州。孺贇叛，修遜殺之，傳首錢塘。周顯德三年，從吳程攻常州，以應世宗之師至。宋建隆元年，知福州彰武軍事。後爲上直諸軍都鈐轄使，同參丞相府事。

孫贊明 孫承祐 沈承禮 錢昱 自李孺贇至此，皆吳越錢氏所授。

宋

福州大都督府長樂郡威武軍舊領福建路鈐轄，建炎三年升帥府。按《宋史》，初革五季之患，召諸鎮節度會於京師，賜第留之。分命朝臣出外列郡，號權知軍州事。軍謂兵，州謂民也。其後，文武官參爲知州軍事，二品以上及帶中書、樞密院、宣徽使職事稱判。其府州軍監，諸府置知府事一人。〔七〕州軍監亦如之。

知州事一員，總掌理郡政，宣布教條，導民以善，糾其奸慝，歲時勸課農桑，旌別孝弟，其賦役、錢穀、獄訟之事，兵民之政，皆總焉。自景德以後，知州多兼安撫使。通判軍州事二員，初一員，紹

興五年增。掌梓貳郡政，與長吏均禮。凡兵民、錢穀、戶口、賦役、獄訟聽斷之事，可否裁決，與守通簽。所部官有善否及職事修廢，得

刺舉以聞。簽書判官廳公事一員，節度推官一員，節度判官一員，觀察推官一員，觀察判官一員，節度掌

書記一員，觀察支使一員，自簽判而下，俱掌梓貳郡政，總理諸案文移，斟酌可否，以白於其長而罷行之。皆幕官也。錄事參

軍一員，掌州院庶務，糾諸曹稽違。司戶參軍一員，掌戶籍、賦稅、倉庫受納。司法參軍一員，掌議法斷刑。司理參軍

一員，掌訟獄勘鞠之事。州學教授一員。以經術行義訓導諸生，掌其課試之事，而糾正不如規者。選州士有文學，兼居鄉有德

行者允之。

知州事

楊克讓見轉運使。

侯資 資，太原人。開寶中歷知建安軍、揚、徐二州，具有善政。太宗卽位，移知福州。

何允昭 商夷簡

右太平興國中任。

孫逢吉 逢吉，先是以駕部出守泉州，以精忠厚德見稱。真德秀守泉，舉與程大昌、顏師魯、林枏、韓

國華、陳偶、趙鼎並祀。

魏咸熙

右雍熙中任。

源護

右端拱中任。

李偉 張昭允 張從式 馬亮兄提刑。

右淳化中任。

馮礪 陳象與

右至道中任。

馮伉 伉新安人。馮延魯之子。文辭清麗，累遷殿中侍御史。歷典藩郡，皆有治蹟。知本州，卒。

官。特賜錢十萬，錄其子玄應同學究出身。

右威平中任。

謝泌 泌字宗源，歙人。知州事，代遷，卒，民縞素祠祀之。繼守嚴辟疆問民口：「謝公治郡，何道見思？」民曰：「謝公吾天地也，不權不威，訓其不率，而責其無良，訟幾息矣。」辟疆尚嚴，聞言而寬。

袁逢吉 逢吉字延之，鄆陵人。初知夔州，會遣使川陝採訪循吏，逢吉用治跡聞，賜詔諭還知福州。

右景德中任。

嚴辟疆 李欣 王平欣，平，俱見莆田縉紳。

任曉

右大中祥符中任。

王世昌 康孝基

王臻 臻字及之，汝陰人。閩人欲報仇，或先食野葛，後趨仇家求鬪，即死其處，以誣仇人。臻辨察格鬪狀，被誣者往往釋去。又民間惡少利掠人，數以火訛相驚。悉捕首惡，杖流之，敝俗變焉。

右天禧中任。

陳絳 絳，莆田人。知福州，賊污狼藉。明肅太后以問宰相，且曰：「速選有風力更事一人爲福建路轉運使。」一相退至中書，王沂公曰：「陳絳猾吏也，非王耿不足擒之。」呂許公俛首曰：「耿亦可惜也。」沂公不諭。時耿爲侍御史，遂拜轉運。次日，有福建路衙校押進奉荔枝到京，拜耿馬首，偶問其道路山川風候，校應對詳明，遂密訪絳。校泣曰：「福州之人，以爲終世不見天日也，豈料端公賜問。」遂條陳數十事，皆不法之極。耿大喜，留校行臺。耿子不肖，私納校玳瑁、器皿。泊至閩中，耿盡發校所言，置詔獄，事皆不實。而校遽首嘗納禁器於耿子。事聞，太后大怒，詔書切責，下耿吏獄，具論淮南副使。皆如許公所料。

胡則 則字子正，永康人。乾興初坐丁謂黨，自太常少卿降知信州，徙福州。雖無廉名，顧果敢有才。張希顏奏請福州官莊田納二稅外，仍令輸租米，則奏止之。前守陳絳嘗延蜀龍昌期爲衆講《易》，得錢十萬。絳既坐罪，遂械昌期至。則破械，館以賓禮，出俸錢償之。昌期嘗註書，詭誕穿鑿，嘉祐中詔取其書，時年八十，野服詣京師，賜緋魚絹帛。歐陽修言異端害道，奪賜服，罷歸。

章頻 兄浦城緝紳。 尹錫 係□（八）

鄭載 載知州事。先是，知州謝泌、王臻、章頻皆賢，而載亦以循良稱。民爲歌曰：「前有謝、王，後有鄭、章。」

右天聖中任。

高觀 觀字會之，宿州蘄人。初爲京西轉運使，徙益州。奏罷彭州採金之役。王蒙正恃章獻太后親，多占田嘉州，詔勿收賦。又極論其不可。坐失察嘉州守張約受賕，貶通判杭州，徙知福州。

右明道中任。

張沔 梁逸 謝微 范亢

右景祐中任。

許宗壽

右寶元中任。

沈邈 邈字子山，弋陽人。進士及第。起家補大理評事，知侯官，累遷都官員外郎，歷知福州。疏爽有治才，增學田，延舊儒講經術，立課程要束，以示學者。仕終刑部郎中，知延州。蔡襄贈邈詩有「荷葉新

詞天下知」之句。

王達 蔡襄見仙游縉紳。 成戩

右康定慶曆中任。

李上交

曹穎叔 穎叔字秀之，譙人。皇祐中，儂智高寇嶺南，朝議以閩中兵備久弛，擢天章閣待制、知福州。推恩行利，剷煩去蠹，治不下古人。

右皇祐中任。

劉忠順 燕度見兵馬鈴轄。

范師道 師道字貫之，長洲人。進士及第，爲撫州判官，累遷兵部員外郎兼侍御史，知雜事，判都水監。與諫官御史數奏樞密副使陳升之不當用，升之罷，師道亦出知福州。夙厲風操，有聞於時。

劉夔見崇安縉紳。

元絳 絳字厚之，錢塘人。奏罷閩中錢氏時無名徵，以文學爲吏民師範，治蹟所蒞，皆有異政。

右嘉祐中任。

張伯玉見建安縉紳。 章岷

右治平中任。

程師孟 師孟字公闢，吳人。累領劇鎮，簡嚴爲治，擿伏發隱，所部肅然。來知州事，修築子城，拓舊基西南隅，濬隄造橋，半載訖上，第用錢二十萬耳。一時治行爲東南最。歷洪、福、廣、越，皆有生祠。

丁竦 元積中

曾鞏 鞏字子固，南豐人。來知州。時劍州將樂盜廖思既降，餘衆復合，陰相結附，旁連數州。鞏用計散之，或歸或擒，遂奏增並海巡檢員徹察之，境內盜自是盡息。福多佛刹，且富饒，僧爭爲主守，昧請公行。鞏俾相推擇，籍次補之。舊無職田，歲粥園蔬，收其直，直以三四十萬。鞏悉罷焉。自不遣人至縣，令縣亦不得遣人至田里。政行禁止，囹圄屢空。吏民初憚其嚴，已而安之。

右熙寧中任。

孫覺 覺字莘老，高郵人。閩俗厚於婚喪，用財無藝，覺裁爲中法，資裝無得過百千，葬埋之費率減十五。民有欠市易錢者，繫獄甚衆，適富人出錢五百萬以葺佛殿，請於莘老，莘老曰：「佛無露坐，而民囚拘。脫民之囚，何如壯佛之居，代輸市易，福利不更倍邪？」富人曰：「諾。」繫一日空矣。

劉瑾 瑾字元忠，吉州人。素有操尚，所蒞見能，然苛嚴少縱舍。

謝卿材

右元豐中任。

許懋 見仙游縣志。

林積 見尤溪縣志。

柯述 見南安縣志。

范岫 王祖道

右元祐中任。

葉伸 溫益

右紹聖中任。

程之邵 柯述再任。

右元符中任。

陳軒見建陽縉紳。

陳覺民見仙游縉紳。

王祖道再任。

葉隶見浦城縉紳。

鄧甯見沙縣縉紳。

右崇寧中任。

檀宗旦 羅畸見沙縣縉紳。

右大觀中任。

孫琦 張勵 黃裳 蘇曄見莆田縉紳。

陸蘊見侯官縉紳。

右政和中任。

孫埃 余深見古田縣方域。

劉幹見崇安縉紳。

柳廷俊宣和七年爲亂軍所殺。

陸藻見侯官縉紳。

右宣和中任。

李友聞 江常見惠安縉紳。

右靖康中任。

林安上 林適見福清縉紳。

程邁 邁，黟人。知州事，時建寇猖獗，邁乞師於朝，合孟庾、韓世忠討平之。邑人立祠，以邁與孟、

韓合祀。紹興間再知州事。

右建炎中任。

張守 守字子固，晉陵人。登崇寧進士，累監察御史。建炎四年除參知政事，以資政殿學士提舉洞霄宮。未幾，知紹興府，尋以內祠兼侍讀，守力辭，改知福州。初，偽閩以八州之產分三等之制，膏腴者給

僧寺道觀，中下者給土著、流寓。自劉夔守福，始貿易以取貲。守至官，正當范汝爲寇擾之後，公私赤立，因與士大夫謀爲實封之說，存留上等四十餘剎，以待高僧，餘悉爲實封，金多者得之，歲人不下七八萬緡，以助軍衣食，寬百姓雜科，時實便之。在鎮四年，請蠲除福州所貸常平緡錢十五萬。仕終建康謀帥。卒，謚文靖。

曾楙

張致遠見沙縣縉紳。

折彥質

張浚

葉夢得浚、夢得，並見安撫使。

莫將

薛弼

弼字直老，永嘉人。

紹興間，福州大盜有號管天下、伍黑龍、滿山紅之屬，其衆甚盛。詔陞弼

集英殿修撰、知福州。弼薦章貢武士周虎臣、陳敏可用。朝命授二人官，付以丁壯千人，凡四年而賊滅。

張宗元

王綸

綸字德音，建康人。

爲監察御史，以忤秦檜罷。檜死，召爲起居舍人，累遷資政殿大學士、知

福州。高宗解所御犀帶賜之。

張澄

方滋

李如岡

沈調

辛次膺見安撫使。

王師心

汪應辰

應辰字聖錫，玉山人。

爲秘書省正字，以忤秦檜，出判建州，有政聲。及知州事，寬厚待民，

奏蠲一切苛政。

右紹興中任。

趙子瀟

見宗正。

王之望

汪澈並見安撫使。

薛良朋

良朋字季益，瑞安人。

始治麗水，有聲。

後累遷吏部侍郎，以學士出守福州。扈蹕金陵，佐

成淮甸，天子召見無虛歲。及歸故廬，深與人絕，往還樵牧間。

陳俊卿 見莆田縉紳。

史浩 浩字直翁，鄞人。以前宰相知福州，宅心平恕。淳熙五年再入相。

右乾道中任。

陳俊卿 再任。

沈復 復字德之，德清人。紹興中進士，累官端明殿學士、同知樞密院事。時大臣專政，同列媚承，復中立不少貶。後以資政殿大學士知荆南、四川、鎮江，歷知福州，風采聳然。卒謚簡肅。

梁克家 見晉江縉紳。

趙汝愚 見宗正。

賈選 馬大同

右淳熙中任。

林研 鄭僑 並見莆田縉紳。

辛棄疾 見安撫使。

詹體仁 見崇安縉紳。

右紹熙中任。

木待問 陳居仁 見興化裔派。

葉翥 張抑

右慶元中任。

何澹 澹字自然，龍泉人。乾道二年進士，累官諫議大夫兼侍講，除煥章閣學士，知泉州，移明州。寧宗卽位，遷爲中丞，除同知樞密院事，參知政事。遷知樞密院，以資政殿大學士提舉洞霄宮，起知福州。居外怏怏失意，以書祈韓侂胄進觀文殿學士，尋知隆興府，後知建康、江陵二府，奉祠。卒贈少師。澹美姿容，善論議。少年取功名，急榮進，阿附權奸，主偽學禁，賢士爲一空。其後更化，兇黨俱逐，澹以早退幸免。

右嘉泰中任。

蕭遼

李大性 大性字伯和，四會人。累官戶部尚書。朝論將用兵，大性獨言不宜輕舉，忤韓侂冑意，出知平江，移知福州。後以端明殿學士再知平江。卒，謚文惠。

右開禧中任。

倪思 思字正甫，歸安人。歷知泉州、建寧，後爲禮部尚書。因論事忤史彌遠，力求去，遂以寶謨閣直學士知鎮江府，移知福州。彌遠拜右丞相，陳晦草制用「昆命元龜」語，思歎曰：「此舜禹揖遜也。」乃上省牘，請貼改麻制。詔下分析。彌遠遂除晦殿中侍御史，即劾思藩臣僭論麻制，鐫職罷之。思之治泉也，新學政，修城郭，繕器械，訓士卒，浚河渠，造橋梁，葺候館，立養濟院，百廢俱興，民不告擾。真德秀將守泉，思告老家居，貽書問政，告以「毋崇宴饗，毋豔琛貨，靜以安民，儉以化俗」。思歿有年，德秀爲祠而記之曰：「泉守多矣，不求祠而民祠之有三人焉，曰蔡襄，曰王十朋，其一思也。」

黃度 度字文叔，新昌人。知福州。始至，訟牒日千餘，度隨事裁決，未午而畢。史稱其守正不阿，進退裕如，粹然君子也。

葉時 蔡幼學見安撫使。

衛涇

程卓見文提刑。

楊長儒見安撫使。

任希夷

曾彥約 彥約字簡甫，都昌人。嘗從朱文公講學。嘉定末以寶謨閣待制知成都，改知福州。史稱其可與建立事功。

右嘉定中任。

王居安 居安字資道，黃巖人。淳熙中進士。宅心公明，待物不二。開禧中以司農丞知興化軍。乞

行經界法，兼言番舶交易所得象、犀、翡翠諸物，誨淫敝侈，敝所恃，以貿無益，犯者定按治之。通商賈以損米價，〔九〕撥廢田以充學廬，逐捕盜賊，隄葦肅清。端平初，以敷文閣待制知福州，尋提舉崇福宮。將行，鹽寇起寧化，居安以書諭汀守曰：「土瘠民貧，於鹽可盡禁耶？且彼執首惡自贖，他可勿治。」部使者遣左翼軍將鄧起提兵往，起貪夜冒險，與寇角以死，軍遂潰。事聞，命居安專任招捕。既留，募軍校劉華、丘銳等，授以計畫。至江，而賊已至郡矣，知帥有撫納意，即引退。華、銳出人賊中，指期約降。有以右班攝汀者，自詡知兵，欲出不意爲己功。賊知之，降約遂敗，建、劍諸郡并江西嘯聚蜂起。居安歎曰：「吾可復求焦頭爛額功耶？」即拜疏歸。

楊棟見安撫使。

真德秀見浦城縉紳。

陳昉見建寧知府。

右端平中任。

魏了翁見安撫使。

余天錫 天錫字純父，慶元之昌國人。來知福州，當事謹愼。其家居，與弟天任友愛備至。

曹幽 幽字西士，瑞安人。初爲左司諫，與王萬、郭磊卿、徐清叟俱負直聲，時號「嘉熙四諫」。因論余天錫、李鳴復忤旨，遷起居郎，進禮部侍郎，不拜，疏七上。久之，起知福州，再以侍郎召，爲臺臣所沮，遂以寶章閣待制致仕。

趙葵 葵字南仲。以大學士知潭州，改福州。史稱葵自端平以來，朝廷倚之如長河之勢。及其筋力既老，衛國之志不衰。

右淳祐中任。

陳德剛以制置使。見本使。

右紹寧中任。

李鳴復見安撫使。

趙必愿見宗正。

徐清叟見浦城縉紳。

吳潛

吳淵

程瑒

湯漢並見安撫使。

史崑

陸德輿 史宇之

陳韓見侯官縉紳。

董槐

馬天驥見安撫使。

陳宜中官中、永嘉人。在官得民心，歲餘人爲

刑部尚書，後拜右丞相。元兵入臨安，宜中隨二王航海，自逃之占城。元兵伐占城，宜中走還羅，卒。

江萬里見安撫使。

王鎔 鎔知州事，撤廟學舊燬而新之。

右景定中任。

洪天錫見晉江縉紳。

吳革 革知州事，雅重風化，嘗創道立堂，祠濂溪以下諸賢，而附以賢牧。又創經史閣。官至戶部尚

書。

右咸淳中任。

馮熙載 熙載字彥爲。舉進士。宣和中，繇尚書左丞遷中書侍郎，知亳州。再知福州，引疾領祠。

卒，謚文節。

鄧文饒 雷宜中 趙順孫見安撫使。

趙與懌 王剛中

右年任無考。

謝徽見晉江縉紳。

右皇祐中任。

通判軍州事

劉滋見崇安縉紳。

許景衡 景衡字少伊，瑞安人。聞程氏講學洛中，特往師之。舉紹聖進士，通判福州，除監察御史。王黼惡其多言，以他事逐之。欽宗初，召試中書舍人。高宗卽位，除給事中，遷御史中丞，拜尚書右丞。金兵逼京師，時相請降，景衡申請幸建康，言者希旨沮之，遂乞罷政，以資政殿學士提舉洞霄宮。學者稱橫塘先生。

右紹聖中任。

陳鏞 林雱並見莆田縉紳。

鄧三鳳 三鳳字鳴陽，東安人。博學，名詞賦，舉賢良方正。紹興壬戌進士，判福州。以薦躬閱御書，參訂《儀禮》，復上書追論王安石父子。進禮部尚書。乞歸，道卒。所修《宋儀禮制》，議論方正，有古史風。

右紹興中任。

柯知彰 傅天驥並見南安縉紳。

右嘉寧中任。

陳傅良 傅良字君舉，瑞安人。師事永嘉鄭伯熊、薛季宣。及入太學，與張栻、呂祖謙友善。既登進士，爲泰州教授，改太學錄，出判福州。梁克家領帥事，委成傅良。傅良爲精畫，凡一路若郡所當興廢，及訟獄之曲直，一裁以義，無所回屈。強禦者不得售私，始忌且怨，右正言黃洽以專擅論罷之。傅良嘗爲中

書舍人，會光宗疾作，久闕南內定省，中外切諫。一日，得旨過宮，百僚班候，光宗已出御屏後。后叱之，傅良哭於廷。后遣人問之曰：「此何理也？」對以「子諫父不聽，則號泣而隨之」。后益怒。傅良下殿，不返舍，徑出國門。寧宗即位，復召爲中書舍人，會黨論起，遂奉祠。久之，起知泉州，以疾辭。除寶謨閣待制，卒謚文節。

右淳熙中任。

姚希得 希得字逢源，一字叔剛，潼川人。嘉定十六年進士。以薦爲福州通判。之官，徒步至侯官，吏不知也。累參知政事，咸淳五年卒，贈少保。希得忠亮平實，清儉自持。其爲相時，好引善類，有論薦於上，而人莫之知者。

許伯翹 見同安縣志。

鍾元鼎 葉偉 江濤

右年任無考。

黃巖縣 見惠安縣志。

右咸淳中任。

簽書判官廳公事

陳公琰

右治平中任。

胡銓 銓字邦衡，廬陵人。紹興中爲樞密院編修。上疏痛排和議，乞斬秦檜、孫近、王倫。檜怒，黜銓監廣州鹽倉。尋改簽書威武軍判官。乾道中以集英修撰起廢，知漳州。尋改泉州，尋趣奏事，留爲工

部侍郎，漳、泉二郡並未嘗至。仕終資政殿學士，謚忠簡。

右紹興中任。

觀察推官

李思義

右治平中任。

林深之見莆田續紳。

羅必元見汀州知州事。

趙汝域見宗室。

右嘉定中任。

毛蘭 蘭字君玉，松陽人。有孝行，以進士任。時宰相趙汝謀親黨曰林冤者，有罪下獄，使人夜懷金私之，正色不受。復賄當道怵之，不爲動，卒正法。汝謀聞之，曰：「毛公執法如此，何有廷尉乎？」

右淳祐中任。

節度判官

王珪

右天聖中任。

董汶

右嘉祐中任。

觀察判官

沈唐

右治平中任。

參軍、學職賢者附後

司理參軍方峻景祐中任。見莆田縉紳。

羅畸熙寧中任。見沙縣縉紳。

方僑見興化縉紳。

張次夔見建寧縉紳。

余武揚見莆田縉紳。

司戶參軍練幹譽見建安縉紳。

羅博文見沙縣縉紳。

教授陳烈景祐中任。見侯官縉紳。

周希孟嘉祐中任。見侯官縉紳。

陳汝錫 汝錫字師子，莆田人。紹聖中任教授。穎悟善屬文，或以其詩示黃庭堅，有「閑愁莫浪迷，

留爲痛飲資」之句，黃孝節嘆賞曰：「我輩人也。」

張讀崇寧中任。見侯官縉紳。劉翔見浦城縉紳。

常濬 濬，臨邛人。紹熙中任。建經史閣，廣置書史，以教生徒，請朱文公爲記。

洪邁紹興中任。見建寧太守。

朱獯孫 任教授，有時名。

鄭樸翁 樸翁字宗仁，平陽人。咸淳十年賜上舍，釋褐。歷福州教授，尋除國子正。宋亡，元發宋諸

陵，取其顱骨築塔，餘委棄榛莽中。樸翁與友人林德賜等痛憤不已，相率爲採藥者，至陵上，以草囊拾收

之。事既，歸隱鄉山澤下。其卒也，德賜志其墓，稱樸翁：「沉毅直方，自許致君澤民，志不獲遂，猶以言

語文字扶植剛常。精衛填海，憑霄啣土，重可悲也。」

元

達魯花赤一員，以蒙古人任。總管一員，以漢人、南人任。上二職皆路長，並兼勸農事。同知、治中、判官各一員，並佐府政。推官二員，理刑。經歷司經歷、知事各一員，提控案牒、司獄司各一員，儒學教授、學正、學錄各一員，蒙古學教授、學正各一員，三山書院山長、醫學教授、學正、陰陽學教授、學正各一員，永豐倉監支納大使、副使，平準行用庫提領、大使、副使，鹽倉大使、副使，宣慰司崇盈庫、本路常盈庫官兼。廉訪司贓罰庫、本路常盈庫副使兼。本路常盈庫監支納一員，副使二員，運司廣盈庫監支納大使、副使，在城稅務提領、大使、副使，在城站正提領、副提領，脫脫禾孫、副脫脫禾孫，各一員，掌辦使臣真偽。錄事司達魯花赤，以蒙古人任。錄事、上二職皆司長，專管在城坊廂鬭爭、詞訟、盜賊之事。判官、兼捕盜事，以漢人、南人任。典史各一員。司幕官也。

王翰 任同知。見行省郎中。

林以順 元末任福州路同知。見莆田縉紳。

項棣孫 天曆中任福州路推官。見延平路總管、同知。

熊朋來 字與可，豫章人。宋咸淳中第進士。元初隱處州里，江西省臣列薦爲閩海提舉儒學。朝廷以東南儒學之士，惟福建廬陵最盛，特起朋來連爲兩郡教授。所至考古篆籀文字，調律呂，協歌詩，以興雅樂，制器定辭則必古式。既滿考，以常格調建安簿，不赴。晚以福清判州致仕。

雷德潤 任福州路教授。見建安縉紳。

劉直內 東武人。大德中爲府學教授，改創尊道堂以祀先賢，而列祀鄉賢，賢牧於兩廡。卒，祠學宮。

潘從善 字擇可，台州人。至正中進士，累官承直郎、同知制誥兼國史編修，終福建儒學提舉。著有《松溪集》。

皇朝

知府一員，同知一員，管清軍海防。通判三員，舊一員督屬縣稅糧，一員捕盜，後增設一員駐古田杉洋，今改福寧防海。推官一員，經歷司經歷、知事、照磨所照磨、檢校各一員，司獄司司獄一員，儒學教授一員，訓導四員，織染局大使、副使、常豐倉大使、副使、三山驛驛丞、三山遞運所大使、陰陽學正術、醫學正科、僧綱司都綱、副都綱、道紀司都紀、副都紀各一員。

知府

楊士英 士英爲政，廉潔嚴明，興禮讓，厚風俗，凡百建置，俱有條理，清譽大振，鄰郡則焉。

董彥哲 李庸 廖崇德 劉鑑

朱季用 季用，仙居人。洪武十八年以薦知福州。視事五月，有詔盡革今歲以上天下有司積年爲民害者。例起入京，以法論罪作城輪役嚴重，季用又病滯下，被楚且死。時以役告枉者多見誅謫，季用子煦度告枉不得，乃走訴通政。太祖覽得其情，遂赦季用，復其官。同時獲免復官十四人，皆拜季用，謝曰：「微君有子，吾儕骨肉城下土矣。」已，煦感疾死，季用亦卒。

右洪武中任。

唐循中 宋珉 王榮

右永樂中任。

張輝 王泰

右宣德中任。

張徽 吳信

右正統中任。

雷礪

右景泰中任。

畢亨 亨，單縣人。清而能恕，吏弊去太甚，加意學政，縉紳愛悅。官至都御史。

右天順中任。

吳淵 周鈍

鄭時 時字宗良，舒城人。景泰辛未進士，授監察御史，出知延平。蒞官嚴明，濟以慈惠，事無不集，

吏罔售奸。改知福州，南刑部尚書終官。

唐珣 珣字廷貴，華亭人。天順丁丑進士，以刑部郎中出知。正統後，郡守見臺省大吏，傳誚過當，

海內皆然。珣始至，或言宜先謁藩省，而後上任。珣曰：「未成婦，先見姑嫜乎？」謁御史一揖而已。有

奸人假中官名號，在外行事，直擒之。爲政以興學勸農爲先，新學宮，增築書院，延師以教郡子弟。設叢，

置義倉，創迎春亭於東郊。時省畊斂，江洲可田者，令民墾藝。五虎山下海潮害稼，堤障之。先時，會省

諸監司徭役，本郡獨當，珣請均勞於諸郡。水口、三山二驛費儉不足，爲哀小箬、白沙之贏，斟酌損益，無

不悉中。旣孑然頽頽上官前，上官嗟嗟也。一日，御史突至府中，簡閱庫獄文簿，無毫髮可摘責，御史亦

服之。後官至都御史。郡人祀之西郊，百餘年稱賢守者，必曰「唐公，唐公」。

陸珩

右成化中任。

陳勉

張遜 遜字時敏，無錫人。起家舉人。知縣同安，興學愛民，刑清政舉，大書縣堂曰：「民不畏吾嚴而畏吾廉，不服吾能而服吾公。」擢知福寧州。去之日，百姓攀號，間有十數父老，齎金數斤爲贐，不受。送至三山，情極懇款，而辭愈力。父老歸，作亭榕溪之上，名曰却金，立碑其下。福寧、同安稱賢守令以遜爲第一，其守郡可知也。

蔣潑 潑字子川，上饒人。撫字勤勞，而峭直不屈，鎮守中官橫恣，潑守法無所徇。靈濟宮舊遣中使掛袍，歲費公帑萬計，潑請罷之。詔命六年一遣，鴻臚官一至，其說自潑發也。以不合上官，自免去。

右弘治中任。

尹顯 王子言

余祐 祐字子積，鄱陽人。受學胡居仁，居仁女妻之。起家南刑部，忤劉瑾，落職。瑾誅，大臣以廉直執法薦，起知本郡。愛人恤物，治獄先大體。鎮守強買市物不予直，市民來訴，祐涕泣遣之，將以狀聞於朝，鎮守爲稍戢。會天旱請禱，而鎮守曰：「余知府自謂愛民，必能感動天地，可使獨禱。」祐齋戒禱，雨隨應。鎮守慙，復思傾祐，遣人陰搆於廠衛曰：「不去余知府，鎮守不得伸手也。」既媒孽無所得，則謾爲好言曰：「余知府好官，我豈不敬之。但好官亦無容慢我，我欲遷矣。」後兵備徐州，竟以忤內官被逮。官

終吏部侍郎。

葉溥 溥字時用，龍泉人。少從學閩中，人情土俗備知之矣。及來爲郡，每聽訟，片言而決，無敢欺者。蒐舉祀典，崇獎節義，教化大興。

歐陽鐸 鐸字崇德，泰和人。自南兵部出知延平。延俗尚鬼，祠祀不經，葬親率飯僧事佛，連三五晝夜，作無遮會。又盛酒饌，集賓朋，謂之姻葬，費不貲，以故喪不易舉，至一家停數柩。鐸首禁之，悉撤淫祠，以其材葺黌舍社學。作延平先生書院，買贍學田，進諸生講禮。蕭司禮敬，郡人也，其家有省郎，有錦衣使，家人憑藉暴橫莫誰何，周廬列肆，侵官衢半。鐸因行救火，令民十室輒斃爲火牆，廓官衢，務舊桷相遠。而蕭氏廬肆多所毀者。至諸所法豪右，往往涉蕭氏。蕭氏奴殺人，異時率置不理，鐸立捕坐之，百方說不得脫。家人沒其事實，譏之司禮。司禮大怒，與其黨謀，以刺事械逮鐸京師。陸冢宰微聞，因徐救解之。尋舉劇奏調福州。鐸以爲此蕭司禮欲困我於會城，使我日與鎮守太監忤，將藉手甘心焉。遂上疏引疾，部議不可。而鎮守尚太監果盛氣待矣。至則裁供饋，禁橫索。鎮守府不得肆，門客數噉尚欲有所泄怒。會頒胙，鐸謂神惠取盡，散祭品不當益以市肉。於是，諸司胙損舊十之九，又不及鎮守諸客。尚怒曰：「往昨，我特豕特羊，今何得不如故耶？」令隸委胙府庭去。鐸陽爲不諭意，謂相禮諸生，尚公無乃以相勞，持去割分之，詣鎮守謝。及迎春，又不設雜劇會鎮守府，尚益怒。鐸以爲時當布德施惠，若傷財殘民，何春之爲迎。尚不能屈，則借他事爲名，肆詬罵，欲因激發相毆擊。鐸第瞪視尚，尚至低迴迫塞，出語悖謬。鐸徐拱手言曰：「此非臣子所宜言。上聞之，無不可耶？」徑趨出。鐸守兩郡，率約已裕民，正法督奸。尚偵伺數月，絲毫無點染，乃因三司官謝過焉。於時客過府城，至不能張宴，而上官所索辦不復

下。福州府皆公相獎譽，內心殊不喜。會又審編里甲，鐸謂福州海六山三，出賦僅十一，里長正役不得優，仕宦盡免，偏累齊民。於是闕然議起，謂方稜乖戾，非人情，不可近。獨御史汪珊益敬鐸，不爲搖。嘉靖初入覲，舉治行第一，賜羊酒綵緞。後仕至吏部右侍郎，謚恭簡。

右正德中任。

汪文盛 文盛字希周，崇陽人。正德辛未進士，授饒州推官。以法繩強家，被誣構逮繫，從狴犴中誦《春秋》三傳，著爲說。誣釋還治，人爲武選主事。以諫止南巡，械獄。文盛有吏才，足智多略，初至，值大侵，疏乞蠲租發廩，復四鄉倉，倣朱文公備荒法行之。中貴奉命掛袍靈濟宮，鎮守、市舶三臨虐餓，民間洶洶。文盛令耆民率老稚羸痺，自言歲歉，號呼乞賑，即人言曰：「荒年民困，救死不贍，請戒下人無騷擾，聽知府約束，不則恐變。」皆許之。乃裁供饋，申禁令，附郭三縣里甲無糜費，鄉市按堵。他若興水利，減丁錢，省傳費，議處琉球私舶，法施於後。政暇則課諸生，教之爲文復古。其操下嚴，一錢不得妄冒。官終大理寺卿。

朱豹 豹字子文，上海人。歷官有廉聲。解中有鷓鴣，豹幼子察卿玩弄之，臨行欲持歸，豹妻急止之，曰：「爾父未嘗持官物，二鳥亦官物也，可持歸？」

汪堅

胡有恒 有恒字貞甫，山陽人。嘉靖癸未進士。勤敏練達，治敦禮讓。議僱役法，不復任富人，以蘇驛傳之困，列郡倣行之。建寧有陳咸者被誣，坐大辟十九年，有恒白而釋之。永春盜流劫，所司誤獲五十餘人，謂其盜也，拷掠瀕死，猶不得狀，下有恒鞠治。有恒見穉子一人，嘆曰：「焉有盜劫而繫其子乎？」

反覆詳讞，皆得不死。博學好文，官暇引諸生，與講解經義。論謂：其善教，可匹常袞。官終廣西布政使。始，有恒政尚糾猛，榜笞禁人，聲時頗病之。繼者用寬，狎翫偷竊，思有恒矣。萬曆中，巡撫龐尚鵬以有恒與葉溥、歐陽鐸、汪文盛並祀，曰：「福郡四賢守。」

沈大楠 陳大綸 鄒紳

鍾允謙 允謙父芳，嘗同知漳州，仕至戶部侍郎。允謙嘉靖己丑進士，任官有惠政。

吳應奎 翁伍倫 祁清 吳崧 伍典 胡帛

右嘉靖中任。

邊維垣 維垣字師甫，彭縣人。簡靜敦慎，有清介之守。

右隆慶中任。

陳楠 楠，奉化人。治郡以廉聞，孫御史綜嘗過邑人林文恪，問福郡吏孰賢者。楠曰：「莫賢陳郡守。」曰：「何賢？」曰：「廉吏也。」曰：「賢止廉乎？」楠曰：「某少也，從家君游京師，聞有戶曹梁尚書者，金陵人也。豫章夏少師有寵貴倨，獨梁尚書不屈。邊臣請內帑，重人得賂爲之地，梁尚書每節不與也。」御史變然曰：「公稱是語也何故？」曰：「固也。嫌請言之，夫梁尚書者，國家賴之者也。尚書惟持廉，故能自立。夫士必有守，而後可有爲。」孫御史乃知嫌爲楠發之也，屢稱善也。

李應蘭

潘頤龍 頤龍字躍卿，錢塘人。居官凜有風裁，斷獄精敏，士民左右皆以嚴見憚。

宋堯武 顧顯仁 蕭敏道見鹽運同知。

江鐸 鐸，仁和人，故世家也。有揮霍之才，而持廉不渝。仕終兵部侍郎。

王士琦 車大任

彭應捷 應捷字讓甫，光山人。清約勤慎，平易近民。

黃似華 孫大壯 喻政

右萬曆中任。

同知

宋貴濱 一作實。

右洪武中任。

周孟初 孟初字仁長，象山人。繇舉人授鎮江府同知，改福州府八年。公廉方介，鋤抑豪右，閩人號爲鐵面。陞泉州知府，未至卒。

右宣德中任。

郭琰

右正統中任。

古永昌

右天順中任。

丘晟

韋濟 濟字子舟，海陽人。以舉人任龍巖知縣。正通敏，〔二〇〕措置經營，悉中程度。時汀寇發，鄰

境皆受害，龍巖賴濟以全。陞同知本州，縣人久而思之。

右成化中任。

陳睿 黎璟 張疊 周澤

右弘治中任。

徐滋 王銓 葉鐵 陳鏞

右正德中任。

夏玄 朱世忠

胡瑞 瑞，新喻人。短於才而廉，疾惡太過，常不見其喜色，人目爲胡悶官。終長史。世惜其不究。

劉瑗 顏參 張魯 徐北 張仲孝 章美 陳邦治 梁符

右嘉靖中任。

張敏德

右隆慶中任。

周鐸 鐸，太倉人。端方明允，庭無留獄。

盧中 鄧於藩 溫景明 嚴昌世 陳贊生

鍾大咸 大咸字元聲，高要人。寬厚慈祥，每決訟，輒令近案細語，反覆曉譬，全貸爲多。其守亦

最於郡丞。

郭立言 許在廷 閔有功 鄧全悌

右萬曆中任。

通判

陸鑑 鑑先承建陽，處事明敏有方略。嘗與知縣郭伯泰同奏害民軍旗，同被嘉獎，陞本府通判。

右洪武中任。

朱瑛 唐忠

右永樂中任。

劉澈

右正統中任。

鄭祺

右天順中任。

張珽 汪瀚

毛祚

羅鐸

周仁廣

陸璘

右成化中任。

吳鑾 陳英

劉璽

陳釗

程海

右弘治中任。

黃溥 陳九經

田惟立一作丘

楊卓

葉元暉

莫懼

右正德中任。

黃瀾 鄧朴

劉瓚

姜芳

朱時通

劉子明

何徹

劉貞

魏頌

姚一和

王正中

楊嘉慶 嘉慶，寧國人。通敏和厚。

朱綸 陳璫 何音 徐訪 陳憫 談文惠 劉賢 王製 謝仲賢 劉廷表 譚秉清 邢宗旦 張  
偉 萬象 譚用諫 孫大慶 彭登瀛 張思獻 文濟武 陶弼 周召 崔吉 任良翰

右嘉靖中任。

易信 陸夢斗 劉守禮

右隆慶中任。

孔人龍 張霆 王守恒 鄭敦復 趙道隆 陳祈 董金 黎紹詵 朱與交 王銓 戚肇元 熊文  
燧 閻恒悟 林有聲 丘大成 萬廷寅 沈有嚴見漳州同知。 翁遜得 黃可清 羅應辰 王賢卿 樊

維价 王希穰 莫遜仕 李奇英 汪學海 傅弘祖 薛思紹 沈如霖 吳汝器 古時學 文尚賓

右萬曆中任。

推官

管思義

右永樂中任。

張斌 傅允中

右正統中任。

江祖 祖字崇善，歙人。廉謹而明，郡無冤獄。

右天順中任。

馮瑒 陳新民 黎璟

右成化中任。

曹文 徐紹方 李鏜

右弘治中任。

張芹 何文華 錢應福 周楫

右正德中任。

張濬 陳大咸

葉經 經，上虞人。矜容勵節，遇事屹然有立。人爲御史，數言事，分宜相深忌之，以試錄語涉謗訕，廷杖死。

桂榮 榮，上饒人。才識敏達，遇士大夫有禮。入爲御史，著聲臺中。

王尚學 尚學，馬平人。貌寢，有志操。浦城巨姓以計殺三人，獄具，郡不能決，監司移訊尚學。有當事者得賄，欲釋其罪，尚學固持之。後人爲職方郎。

俞柔

黃正色 正色，光山人。才守見稱。

馮成能 成能，慈谿人。公廉明恕，召爲給事中。

徐必進

右嘉靖中任。

李貞元 貞元字亨甫，應山人。貌若弱植，中心耿介，人爲給舍，時聞譙論。

李一中

右隆慶中任。

楊茂先 謝廷宗

劉日升 日升字扶生，廬陵人。萬曆庚辰進士。師王時槐講學，面與鄒元標相善。來爲司理，素習閱爰書，必竟其首尾，而摘發如神。大姓殺人賄代，與其人約，婦其女而壻其子。日升語代者：「彼詐汝耳。汝身死而盟寒，安能控之泉下。」代者悔泣，乃坐大姓。惡少調人婦，卒遇其夫，扼吭斃之，沈諸井，而教婦誣其叔，曰：「是故與吾夫仇者。」獄久不決。日升呼婦前，從容好語，生計何如，兒女何狀，得無饑寒否？婦感動。日升愴然曰：「死者不復生，償之何益。但屍糜爛可傷耳。」婦忽失口：「屍在井中，未毀也。」遣人出之，面如生，遂伏法。又有殺夫面焚其廬，以火爲解者。日升謂火死者口有灰，取二簋，一死一活，焚之驗。婦遂語塞。黠僧利其師財，潛殺之，訟於官，曰：「吾師嘗飲他僧所。」他僧不能辨。日升視其刀有匠名，呼問之，則其徒刀也。竟論其徒。鄉紳子爲中表所毒，實假手於其婢，而反誣其婦。日升偶假寐，夢三毒蟲在案，傍若有人大呼楊六者，詰之，則藥果市之楊祿，遂抵罪。嘗視篆占田，路逢負篋僞者，遂命縛之，曰：「而盜魁也。」訊之果然。人以問日升，日升曰：「吾貌得之耳。」藩司失藏金，捕盜不獲。日升視藏中有題壁，以問藏吏，吏曰：「此老背某手跡。」逮而索其家，金皆在無恙。其所爲神明多此類。日升清恬廉敏，而好慷慨譚時事，嘗謂誤人一蔬一菓，見輿隸必三日作。至其臨事，人或規之，曰：「吾亦有口，可泥丸封耶？」仕終應天府尹。

李叔春 施浚明 宋之禎 阮自華 卜履吉 周之夫

右萬曆中任。

首領、教官賢者附後

陳景著 永樂中任教授。見閩縣縉紳。

王鐸 祥符人。行恭學勤，鄉曲有譽。洪武中繇貢士授鳳翔教諭。訓士有功，陞府教授，以最擢刑科給事中。未幾，超遷貴州按察副使。

孔慶 孔聖之後。正德間教授，爲人和介。遷官去，諸生送至江潯者數百人，咸依依不忍別。

顧承芳 懷遠人。嘉靖間舉進士，願就教職。却諸生餽謝，士服其廉，奉教令無敢違者。

潘松 字惟喬，宜興人。篤孝友，不欺屋漏，爲鄉論所重。嘉靖中以舉人教任丘，有聲，擢新城令。

以不便承迎，復乞改教，得教授。數與督學爭是非，項喬、何維柏甚重之，有所諮問，移手書不下檄，稱先生而不名其官。

宋文清 字大之，和州人。萬曆中教授。爲人溫雅樂易，不爲矯矯之行。勅貧士毋以贅見，課藝按月爲程，被賞識者後先脫穎。擢藩傅，不就。門徒立石以紀去思。

〔校記〕

〔一〕「白出」，各本原作「出白」，據《梁書》本傳改。

〔二〕「州刺史」上，各本原闕一字。本卷《譚瑱傳》作「晉州刺史」。

〔三〕「因」、「枝」，各本原作「冊」、「支」，據《陳書·留異傳》改。

〔四〕「《詩》」，各本原作「時」，據《隋書》本傳改。

〔五〕「皆有」下，當脫「功」字。

〔六〕「文攷」，據本書體例，「文」字衍。

〔七〕「知」，各本原作「州」，據文義改。

〔八〕「孫」下，各本原闕名諱，八閩通志·秩官作「孫溉」。

〔九〕「商」，各本原作「問」，據《宋史》本傳改。

〔一〇〕「正通敏」上，當脫一字。

# 閩書卷之五十一

## 文蒞志

福州府 閩縣 侯官縣 古田縣 閩清縣 長樂縣(二)

## 閩縣(二)

### 唐

令一人，掌導風化，察冤滯，聽獄訟，凡民田收授，縣令給之。每歲季冬行鄉飲酒禮，籍帳、傳驛、倉庫、盜賊、隄道，雖有專官，皆通知縣。丞一人，爲令貳。主簿一人，掌付事，勾稽省署抄日，糾正縣內非違。尉一人，掌分判衆曹，收率課調。衆曹爲司功佐、司倉佐、司戶佐、司兵佐、司法佐、司土佐、典獄、問事也。經學博士一人，助教一人。

### 令

李茸 茸令，有隄海功。《唐書》云：「縣東五里有海隄，茸奉命所築。」先是，每六月潮水鹹鹵，禾苗多死，自茸爲堤，蓄溪水，其地三百戶皆成良田。又長樂縣本亦縣地，其東十里有海隄，有斗門以禦潮，旱則瀦水，雨則洩之，亦爲良田。並茸所築。

右太和中任。

宋

太平興國中，邑始置令，其初以簿，尉攝令事，後數年乃以京朝官或參用幕職爲之。慶曆以後，令選漸重。舊制，縣及萬戶以上，置丞專掌常平、農田、水利；其千戶以上，止有令、簿、尉，不及千戶者，又省簿，以尉兼之。本縣知縣事一員，丞一員，簿一員，尉一員，劉崎巡檢一員。銜帶長樂、連江、本縣沿海巡檢私鹽、賊盜公事。

知縣事

江文秉

右建隆中任。

孔延世 賈大冲

右慶曆中任。

陳清

右治平中任。

呂百能 方叔完見莆田緒紳。

右熙寧中任。

黃德裕見邵武緒紳。 葉默

右紹聖中任。

莊誼

右崇寧中任。

陳麟見沙縣縉紳。

右政和中任。

蘇績方擴見莆田縉紳。

李公彥

丘鐸

蘇欽見德化縉紳。

右紹興中任。

丁長卿

右乾道中任。

趙彥佩劉燾見建陽縉紳。

胡巖起巖起，嘉定中進士。卓行危論，奇文瑰句，一時士大夫皆自謂莫及。

師輿師一作胡。

右淳祐中任。

丞、簿、尉、教職賢者附後

華延年字慶長，遂昌人。淳熙進士。磊落有志操，丞閩縣，當道交薦之。

張式天聖中任簿。見建安縉紳。

林枏紹興中任簿。見莆田縉紳。

項公悅紹興中任簿。見侯官知縣。

徐子石嘉定中任簿。見西外教授。

元

縣尹以漢人、南人爲之，然不專任。而命蒙古人爲達魯花赤以監之，與縣尹俱正七品。章印掌於達魯花赤，而尹署封其上。其繫銜俱帶管內勸農事。戶不及一萬者爲下縣，不置丞、尉。本縣達魯花赤一員，縣尹一員，主簿一員，尉一員，典史一員，儒學教諭一員，大義巡檢一員，閩安鎮巡檢一員，閩安鎮務提領一員，大使、副使各一員，江南州務大使、副使各一員，大田站正提領、副提領各一員。

蔡嗣宗 任簿。見閩清尹。

### 皇朝

宣德以前，縣令雖縣吏部選授，亦令朝京監司舉其堪任者，嚴保任之法。至正統元年，始悉歸吏部，而舉任法廢。其丞、簿則視縣大小，或設或省。儒學教諭、訓導，洪武初儒士有學者充，其後乃縣吏部選授乙榜舉人及內廷試中貢士爲之。本縣知縣一員，縣丞一員，主簿一員，典史一員，儒學教諭一員，訓導二員，五虎門官母嶼巡檢一員，閩安鎮巡檢一員，稅課局大使一員，大田驛驛丞一員，河泊所官一員。

知縣

路圓玉

右洪武中任。

魏谷才 谷才平易近民，愛好士類，遇事詳審，民得輸情焉。

王孚

右永樂中任。

吳謙 陳敏政見僑寓。

右宣德中任。

謝某 李福

右正統中任。

邵珪 陸潤 歐陽麟

沈立 立字卓立，臨海人。繇監生任，自松溪調繁。立爲松溪，剛正足以矯邪，明斷足以攝奸。浦城山寇聚集，寇首既獲，餘黨尚遁。當道廉立才，移署之。立自載行糧往，絲毫不取於下，松、浦二邑並頌立能。立居官自奉至薄，旦夕食惟糜粥。二子隨侍，歲或命一還鄉，與童僕同行，不敢騎乘。來縣亡何，致政歸。

何濬 周天民

右成化中任。

葉清襲 木金振

右弘治中任。

劉槐

李顯 顯字崇綱，樂清人。正德戊辰進上，知閩縣，以鎮靜擢御史，仕終大理卿。爲人凝重，望之可其長者。

汪淳

舒詔 詔，餘干人。有清操，踰年卒，行李蕭然，官歸其櫬。

史麟

右正德中任。

柴鑣 見汀州通判。

楊太古 太古，零陵人。以舉人知永春。有能聲，調繁來任。

余鋟 見副使。

萬夔 夔，新建人。嘉靖二年以進士知惠安縣。興學飭文，宣通幽滯，振惠困弱。以才調本縣，後擢御史。

鄧直卿

黃鵬 鵬，潮陽人。誠實治官，時論謂其歲計有餘。

顧霑 霑，海鹽人。雖短於才，介操足尚。

歐陽興 唐守勳 見興化知府。

戴愬 愬，天長人。明敏過人，吏民一見，輒記其姓名，而頗傷嚴察。

秦淦 淦字懋清，慈谿人。時倭寇初訐，富室多閉糴逃亂，民流移不能自存。淦日望門勸貸，得積粟如千石，爲糜粥於衝衢以飼餒，全活甚衆。

周舜岳 鮑宗所

王原相 原相，番禺人。勅授建安知縣。卓有遠志，拳拳崇名紀，重禮教，興學校。政暇造學宮，與諸生論治體，或至夜分。調繁是邑。

向程 程字宗洛，慈谿人。政平訟理。

右嘉靖中任。

許子良 子良字直卿，仁和人。嘉靖四十四年進士。和平簡易，催科不擾。仕至都御史。

右隆慶中任。

黃門 門字道登，常熟人。萬曆二年進士。政簡民安，操守皎然。仕至鹽運使。

葉隆光 隆光，懷寧人。萬曆八年進士。嚴以集事，胥吏畏之。仕終吏部郎。

陳惇臨 惇臨字彥莊，潮陽人。萬曆十四年進士。寬以因事，民循而理。終廣西副使。卒於王事，

奉旨從優議恤。

王仰 蘇兆民 洪都 尹遂祈 王世德 徐鳳翔

右萬曆中任。

佐貳、教官賢者附後

林遜 潮陽人。師事蔡希仁，傳《古文尚書》。洪武乙丑進士，授閩縣丞。歲饑請賑，多所全活。人覲，賜勅。還，疏請厲禁沿海捕魚，上優詔答焉。在事四年卒。

凌朗 揚州人。嘉靖中任丞。性嗜酒，令頗不悅，朗乘醉謂曰：「朗但有酒過，此外直飲閩水耳。」

陳邦靖 夷陵人。隆慶中任丞。以廉平稱。

郁良金 華亭人。嘉靖中任簿。守官端謹，民思之。

沈鑑 洪武中任典史。見僉事。

管嘉思 豐城人。萬曆中任典史。蒞官未旬日，與令不合，遂拂衣歸。

袁某 清江人。國初任教諭。經學文辭，粹然成家。而制行端確，以身先教，出其門者，皆勵行而飭物。

劉某 永嘉人。繼袁後。隱然古君子之風，其所以教，與袁相伯仲。二先生既去，閩膏馥所及，學者傳誦之。

馮喬 字遷之，德安人。嘉靖中任教諭。性溫雅，絕口言利，諸生親之。初爲侯官，後轉閩縣，侯官士子歲時修謁問遺如其在學時，而喬亦教之如初。

曾守諒 博羅人。嘉靖間任訓導。有去思祠。

陳克侯 隆慶中司教閩庠。見永福知縣。

### 侯官縣

#### 齊

#### 令

王僧孺 僧孺，東海鄉人。爲晉安丞，除侯官令。建武初，始安王蕭遙光爲揚州刺史，有詔舉士，任昉代遙光作表薦王暕及僧孺二人。其薦僧孺之辭曰：「前晉安郡侯官令東海王僧孺，年三十五，字僧

孺。理尚棲約，思致恬敏。既筆耕爲養，亦傭書成學，至乃集雪映螢，編蒲緝柳。先言往行，人物雅俗，甘泉遺儀，南宮故事，畫地成圖，抵掌可述，豈特鼯鼠有必對之辯，竹書無落簡之謬？陳坐鎮雅俗，弘益已多，僧孺訪對不休，質疑斯在，並東序之秘寶，瑚璉之茂器。」後爲南海太守，囊無越裝，視事二載，聲績有聞。終成安王參軍、軍鎮右中記室參軍。

右永明中任。

唐

令、丞、簿各一人，尉二人，經學博士、助教各一人。

令

薛逢別見侯官縣烏石山中。

右咸通中任。

五代閩

令

謝文節侯官人，見子德權傳。

宋

知縣事、丞、主簿、尉、甘蔗洲巡檢各一員。元豐七年，差使臣一員充巡檢於湖，捕捉盜販私鹽。

知縣事

沈邈見本州知州事。

右寶元中任。

莊誼

右熙寧中任。

方价見莆田縉紳。

右大觀中任。

方叔完見莆田縉紳。

陳南復

右宣和中任。

詹庇

項公悅 公悅字無欲，永嘉人。初調閩縣簿，再調福清簿。邑有七賢之謠，公悅居首。知侯官，縣治加恢拓，庭無朴聲。會歲旱，禱雨端澤潭，潭在萬山頂，披棘徒行烈日中數十里，下山雨注兩晝夜，歲以稔，而公悅病暈死矣。

吳容見建陽縉紳。

黃洧見甌寧縉紳。

右紹興中任。

陳上楚見莆田縉紳。

右淳熙中任。

林翺 翺字伯和，黃巖人。從朱文公學，登乾道八年進士。守己愛民，不以聲色徇上。

右紹熙中任。

林思誠 思誠以左宣教郎爲饒州教官。嘗攝郡幕，贊畫居多。後調侯官，耿介有守，不附權貴。右任年無考。

丞、簿、尉賢者附後

吳必明 元豐中丞。見崇安縉紳。

余授 熙寧中尉。見仙游縉紳。

郭得麟 隆興中尉。見浦城縉紳。

趙希衡 淳熙中簿。見宗室。

吳及 字幾道，靖海人。年十七進士起家，元符中爲侯官尉。閩俗多自毒死，以誣仇家，及悉爲讞正，前後活五十三人。帥司美之，移其法於一路。

方伯壽 元符中尉。見莆田縉紳。

翁挺 政和中尉。見崇安縉紳。

余克濟 慶元中尉。見安溪縉紳。

### 皇朝

知縣、縣丞、主簿、典史各一員，儒學教諭一員，訓導二員，竹崎所巡檢、稅課局大使、白沙驛驛丞、小箬驛驛丞各一員。小箬今革。

知縣

張繼

右洪武中任。

毛原輝

右永樂中任。

周冕

右宣德中任。

梁叔蒙

右正統中任。

單宇 張恒

右景泰中任。

莫泰

右天順中任。

葉寬 樂宗茂 熊達 吳奎

右成化中任。

陳庠 陳輻 周相

右弘治中任。

劉綱 張濬 呂弼 胡大化

右正德中任。

唐儒 李軾 黎文曾臨川人，爲獄囚所殺。

張烜 烜，宜山人。有幹略，後至達官。

陳如綸見參議。

錢泮 黃巽 傅良才 黃龍 丘緯 尹士龍 陳節 任春元 曹慎

右嘉靖中任。

詹世用

右隆慶中任。

周裔先

董子行 子行字明卿，嶧縣人。萬曆五年進士。邊幅不修，驕御不飭，見民輒問桑麻稼穡，長幼疾苦。清逋賦，出宿獄。奉詔文田，經畫得體，所汰浮米無算。縣西有石門峽，江水爲患，塞之以肥衍數都之瘠田。徵人爲御史。

徐良選

任禧 禧字上安，鄞人。萬曆十四年進士，任浦城令。慈祥愷悌，有蒲鞭之化，訟獄明允，加意學校，至於祠廟、壇壝，多所建豎。以薦調繁本縣。

周兆聖 宋煉 王孫熙 劉嘉猷 高金體 金元嘉

右萬曆中任。

佐貳、教官賢者附後

嚴毅 洪武中簿。以清謹著稱。邑旱禱雨輒應。有盜標掠，徒黨甚衆，毅遣捕之。其魁乃詐爲武官之任，置酒款。毅知有謀，就席擒魁，而盜遂息。

劉子敏 洪武中繇御史調尉。署其廨曰：「祿薄儉足，官卑廉高。」永樂初賜環。

陳建 東莞人。嘉靖中教諭。博學強記，所著《節學辯》，發明程、朱之旨。第其遇諸生嚴，諸生不謂親已。及罷歸，又恨當時不及就正也。建又有《皇明通紀》行世。

陸夢雷 武緣人。嘉靖中教諭。待士有恩。

沈夢熊 萬曆中任教諭。見莆田縉紳。

## 古田縣

唐中縣

令、丞、主簿各一人，尉二人，經學博士、助教各一人。

令

劉疆 見本縣職祀。

朱璣 字仲齊，本中原人。擢咸通進士，閩帥鄭鑑辟爲團練使。黃巢寇福州，璣招集知勇，分屯要害，寇莫敢近。遷古田令。徙居莆田，子孫因家焉。

宋望縣

知縣事兼兵馬監押一員，太平興國以後，率用武臣。景德中兼兵符，天禧初始授文吏。丞一員，主簿一員，尉二

員，初置一員，元豐二年增置西尉一員。監商稅務二員，監水口鎮一員，水口巡檢一員，銜帶水口鎮巡捕私茶。杉洋巡檢一員，嵩溪驛驛丞一員，華亭驛驛丞一員。（三）

知縣事

方廷範

右宋初任。

薛琪 琪在官以清操著名。後廿餘年，李堪來知縣，延問父老：「是邑之令，前此孰賢？」有蘇紹者，年八十餘，告堪曰：「從臣妾於聖宋，邑官連引如綫，稍自負立，贓賂不可市者，惟先朝卽位之始有薛琪焉。」

李堪 堪字仲任，常州人。繇進士授維陽郡傅，秩滿，調古田。務本抑末，愛民重士，建學立社，尊高年，行鄉飲，毀淫祠，黜異教，以禮經變俗，暇集諸生耆民討論政理。邑人比之薛琪，琪聞，自謂不及也。沒而古田廟之，廟名靈應，稱曰道愛孚惠侯。

右景德中任。

張式

見建安縉紳。

右景祐中任。

許當

見晉江縉紳。

楊恕

右慶曆中任。

陳昌期 昌期字世卿。有治聲，古田人稱先後循良必曰薛、李、許、陳。許謂許當也。

右嘉祐中任。

熊俊民

右元豐中任。

周彥耀

一作雄。

鄧觀

楊選楊

一作湯。

劉如愚

見崇安縉紳。

呂晉夫

晉夫，河南人。

有仁聲。

饒某 饒有惠政。時漳人顏晞哲被檄行經界，官吏服其公平，邑人立饒生祠，以哲與並祀，作碑曰饒

顏。

右紹興中任。

楊汝南

見龍溪縉紳。

右乾道中任。

趙師璫

廖天覺

見順昌縉紳。

陳諒

見仙游縉紳。

傅康

見會江縉紳。

右嘉泰中任。

徐憲

右開禧中任。

薛舜庸

見同安縉紳。

蘇文本

文本以通直郎任。

在官年六十矣，而勤政不懈，平易近民，不聽吏言，不受請託。

劉克遜

見莆田縉紳。

林有之

見仙游縉紳。

洪天賦

見仙游縉紳。

鄭申秀

見海澄縉紳。

右嘉定中任。

劉成見莆田縉紳。

右紹定中任。

宗炳

右端平中任。

徐憲 留元亮 洪大錫元亮、大錫並見晉江縉紳。

許鑒 鑒，温州人。抑強扶弱，以風力聞。

右淳祐中任。

黃時中 時中踐履誠篤，文學著名，號竹坡先生。

丘雙薦見晉江縉紳。 趙若樾見宗正。

右嘉定中任。

丞、簿、尉、教官賢者附後

郭能 乾道三年任丞。見晉江縉紳。

鮑友龍 寶祐中丞。捐俸置田，贍學養上。

何佾 字德獻，龍泉人。志學通經史。詩文作黃庭堅體。調本邑簿，方弱冠，遇事通解。攝縣事，取

滯獄決之，輕重得情，吏民大驚。仕至經略安撫廣西路，兼提舉兵馬事。

縣尉蕭韓，大觀中任。見龍溪縉紳。 吳公誠，政和中任。見莆田縉紳。 游九言、吳居仁，並乾道中任。俱見

建陽縉紳。趙希倭、見宗室。楊士訓，並開禧中任。見漳浦縉紳。

盧特 咸淳中尉。嘗禱雨於藍田溪源龍井，龍躍出露一爪，須臾潛去，雨亦隨至，人稱誠感。

林仲國 咸淳中尉。見莆田縉紳。

鄭光敏 乾道中教官。見龍溪縉紳。

#### 元中縣

達魯花赤、縣尹、主簿、縣尉、典史各一員，谷口寨巡檢、杉洋寨巡檢、西溪寨巡檢、青窰寨巡檢各一員，縣務提領、大使、副使、水口務都監、同監各一員，水口站提領、副提領、黃田站提領、副提領各一員，際留倉大使、副使各一員。

馬合麻 延祐中爲達魯花赤。在縣三年，民不見吏，聽訟明察，苞苴不入，權勢不行。

胡希仁 字時中，吉水人。繇茂材爲尹。有餽金數百兩於薦者，却不受。平章燕支不花聞而美之，曰：「子何減楊震。」

王免 至元末尹。多善政，得吏民心。

陳均 延祐中尹縣。興學校，理農桑，省刑罰，薄稅斂，士民頌歌。

劉健 連江巡檢濬之子。至正中尹，見濬傳。

張寧 元貞元年尉。愛撫百姓，歲饑施粥。文學操守見稱一時。

#### 皇朝

知縣、縣丞、主簿、典史各一員，儒學教諭一員，訓導二員，杉洋巡檢一員，嘉靖十年革。水口遞運所

大使一員，隆慶元年革。黃田驛驛丞、水口驛驛丞各一員，陰陽學訓術、醫學訓科各一員，僧會司僧會、道會司道會各一員。

知縣

韓秉吉一作嘉。

陳韶 韶，寧波人。清約自守，推所學以誨人，諸生受益甚衆。

毛秀 章思溫 鄧恭 王安

王友俊 友俊，上虞人。以試僉事來任。崇學校，得士民心，政繇已出，吏弊悉除，流逋盡歸。

右洪武中任。

馬陶 花潤生見邵武續紳。林鰥林一作張，鰥一作泉。

右永樂中任。

陶衍

張昱 昱字以暹，賀人。永樂戊戌進士。疏渠闢路，建橋梁，葺祠宇，功蹟甚多。卒，官民祀之。

右宣德中任。

丁思廣 陳復

右正統中任。

杜永濟 永濟字善振，新建人。廉慎慈愛。

右景泰中任。

尹古 古字如古，秦和人。正直服民。

徐忭 忭字汝實，常熟人。行政寬裕。

右天順中任。

黃玠 余敏

汪璫 璫字石中，開化人。以貢士任。爲人和易介直，下車輒廉公誓神，口無違心。當道有橫徵，執不從，托疾歸。

茅和 和字伯經，上虞人。善執紀綱。

右成化中任。

侯景 景字允高，曲江人。祈雨有感，民頌其德。

屠容 容，崇寧人。以舉人任。惠政及民，留心學校。

陳秉哲 蕭謙

右弘治中任。

包傑 周達 錢益 劉綸

右正德中任。

陳獻

周誥 誥，吉水人。以舉人任。工文學，善吏治。邑西郊多閑曠地，令民治之，爲傳種桂之種於江右，并示播種法。暇則巡行阡陌，察有土荒苗莠者，必行誠罰。卒，官民哀之。

何章

蔡德進 德進字士抑，東莞人。愛民好士，苞苴不入，有古廉吏風。改黔陽令。

何世綸 世綸字伯起，興業人。嘉靖己卯舉人。嘗從吳清惠、湛文簡游。自英德知縣改古田，調度銀礦，民甚德之。以疾歸。

徐建 建字日中，餘姚人。繇鄉貢，初令福清。嘗力抗中使采辦薰灼之勢，騰牘巡察諸司，中使搖手戒莫敢犯。改知古田。捐金拓學，改狹爲寬。縣歲賦故輸米福清倉，後議改折，民方稱便，而衛官薄其價，倡危言求益。建力白當道，得從前議。縣坑場之守有三，曰龍嶺，曰游家，皆設官軍百餘員名，附以民兵守之。去之二百餘里有曰寶興，近於三峰禹溪，當建安、壽寧、政和、松溪之衝，視諸坑最要害，永樂年間守以官軍五十員名。至嘉靖七年，龍嶺、游家適有礦賊構禍，巡按御史謂寶興礦絕，移官軍以益游家之守。至十七年，遂致流賊越境，鄉民死者八十餘人。二十三年，復哨聚劫掠，乘奔水口，延燒數百餘家。巡按御史復議設機兵百名守之，建以邑小軍餉無所出，白當道曰：「寶興要害處也。其地官軍既復，則水口民兵可無設；三峰禹溪有備，則龍嶺、游家、水口亦可無患。請改龍嶺、游家民兵五十名護衛水口，而抽龍嶺、莞洋官軍百餘員名住割三峰禹溪之兩隘。」當道從之。繇是，水口無失所之民，丁苗無加編之擾。其去也，民祀之五保，曰徐公祠。

郭維藩 吳立 向縞 張棟

王所 所字敬作，東莞人。繇鄉貢任。時倭寇流毒，所至官，延諮父老，皆謂城庫垣薄，賊至不足爲備，顧時誅舉羸，或懼不逮。所曰：「太平之盜，所志金帛，與攻城略地之雄殊科。使邑無富民，盜不至

矣。是富者，盜媒也。城廓溝池之固，所以爲富者守也。」於是，籍富民爲三等，計役分任之，卑者高，壞者固。未幾，倭薄城下，親矢石，明賞格，夜遣驍勇縱焚賊巢，日勵鼓鑿攻譟以禦，外防叵測，內定忿爭，倭旋遁去。

張廷儀 楊存禮 黃繼儒

右嘉靖中任。

鄧於藩 陳謙 周炎

右隆慶中任。

俞香 鄭之馴

黎民敬 民敬，順德人。有詩名。

譚汝璜 王鯤 沈志文 方之綱

劉曰暘 曰暘字應卿，南昌人。政尚嚴肅，綜理精密。修城堡，備戎具，積穀多羨，徵收有法，興學振士，文雅飭吏。陞全州守。

王繼祀 黃鳳翔

右萬曆中任。

佐貳、教官賢者附後

呂泰 洛陽人。洪武初承縣。以廉聞，後擢僉事。

陳端 山陰人。國初承。有詩名。

魏斌 潮陽人。弘治中以吏員任丞。平易有守，禮士恤民。歲旱步禱天平山龍井，井龍晝見，須臾微雨，步回霖雨隨至，人謂誠感。

徐鸞 餘姚人。正德中丞縣。嚴慎清謹。

葉春芳 歸善人。嘉靖中以歲貢任丞。仁慈撫字，作孝順歌以教民。

姚孟瑛 洪武中爲簿。時邑多逃亡，戶絕賦存，孟瑛招徠撫摩，爲覈荒田千頃，請於朝蠲之。

楊誥 蘇州人。景泰中任簿。弼政愛民。

張貴 臨淄人。弘治末任簿。白水洞寇發，監司調兵勦捕之，貴與其子思仁戮力平之。

黃惟發 南康人。景泰中任典史。能愛民。

何仕俊 廣東人。嘉靖中任典史。儉樸清守，民爲之謠曰河邊鴈，言其但飲水也。遷主簿去。

周真 字淑誠，山陰人。成化中教諭。規矩整飭，別去，諸生涕泣。

林昇 字廷拱，潮陽人。弘治中教諭。不受貧士贄，署縣能廉。

蔡元用 字勉行，無錫人。正德中以乙榜任教諭。處己端方，振作士氣。

胡紹 壽州人。嘉靖中任教諭。行履端亮，每書性理格言於署壁，以訓諸生。

陳胤 字孝元，錢塘人。以徐州訓導召入文淵閣纂修《永樂大典》，書成，陞諭古田。秩滿，諸生疏

留，再任。二十年間，勤於訓迪科目，得人爲盛。卒官，遂家焉。子敏政，見僑寓。

李一軒 字公冕，潮陽人。萬曆中以陸川令左遷教諭。廉介和易。鄉教授有黃中者，能詩，一軒與訓導方慶之延中結社，引後學鄭鐸、胡道緒、丁元燈、張洪、曾尚義、陳芹、陳暉、張泗、魏堞、郭世佐、鄭重、

楊應鵬與相倡和，名紫陽詩社。

沈元素 洪武初任訓導。見本縣縉紳。

張瑄 字大璧，餘干人。成化中司訓。輕財重義，拓建學宮。

馮貴 山陰人。嘉靖九年以歲貢任訓導。志篤行方，諄諄躬行之誨。

蔡宗瑚 揭陽人。任訓導。篤實和厚，不獵聲名，上愛敬之。

熊彥迪 南昌人。洪武初爲谷口巡檢。始至，相縣簿姚孟嶼覈荒田，蠲稅額，建虎溪寨，以保障一方。永福寇朱明叔蟠據桃花洞，全閩爲震。彥迪領官兵數千夜擣其巢，生擒之，餘黨悉平。擢兵馬，未及去，卒，民祠之。閩參政洛、督學汲，皆其後也。

### 閩清縣

宋

知縣事、主簿、尉各一人，監商稅務一人。

知縣事

李念

右咸平中任。

史溫 溫爲令，去宿弊，興滯利。徵口之耗登，戶輸之損益，金穀之逋負，辭牒之稽留，胥吏之侵漁，兼并之驕僭，寇攘之聚集，覘巫之淫祀，淄流之偽濫，契券之欺詐，封洫之交爭，稱貸之倍息，俾自陳改

張，責伍保督察之，列爲簿領，制以關防。彊則抑之，弱則舉之，懲之頑惡，誨之孝弟，戒之游惰，勸之播種，養生送死，節用知方。未踰期月，一境咸格，旣爲建學立社，設市井，置射場，表分閭巷，界定村落，陸除則布石，水渡則造舟，民大悅之。大姓者四十四人，鳩財爲葺公宇。溫廓開公庭，徹視通路，民有訟訴，罔有不達。來赴訟者，令相追究，未嘗遣一吏，攝一民，而自窮理，至則遣之。招携疲瘵，給以曠土，寬以租賦，樹以室廬，因其登穀，誨其儲蓄，不急之用，無或爲者。秩滿去官，所有惟琴書，所得惟民謠而已。溫自爲記如此也。

右大中祥符中任。

徐絳

右熙寧中任。

蒲遠猷

右元祐中任。

祝聖

右紹聖中任。

黃琮

見莆田縉紳。

趙甫璫

蘇欽

見德化縉紳。

右紹興中任。

傅伯成

見晉江縉紳。

朱榮

胡特

右淳熙中任。

趙鞏之見南外宗正。

右淳祐中任。

陳伋

右寶祐中任。

丞、簿、尉賢者附後

李虛舟 咸平中尉。兄建安縉紳。

元

達魯花赤、縣尹、主簿、尉、典史各一員，安仁里巡檢、稅務提領、大使、副使各一員，儒學教諭一員。

董禎 至順中尹。和易清簡，恩威兼盡。在官六年，逋流回歸，學有新宮，野有新畬。及歿，民廟祀之，歲時奉膏，孝敬如孫子。

蔡嗣宗 先尉晉江，遷閩縣簿，陞閩清尹。時邑有外寇，嗣宗募民兵卻之，百姓歌曰：「寇來仇兮，得吾侯寇遠遁兮，吾侯予我之無憂。」

皇朝

知縣、典史各一員，儒學教諭一員，訓導二員，陰陽學訓術、醫學訓科、僧會司僧會、道會司道會各一員。

知縣

趙起居 葉宗

沈源 源字文淵，湖州人。繇御史謫至。治狀上聞，復予舊官。陞知韶州府。

右洪武中任。

王珩 朱毅

右永樂中任。

龔瑾

右宣德中任。

吳清 楊克勤 辛節

右正統中任。

余珍 珍知縣事，沙尤寇犯境，率民兵捍禦之。滿秩去，父老遮留弗獲。

徐昌

右景泰中任。

解文

左輔 輔字良弼，永豐人。繇御史改任。政尚簡易，民懷之。

章度 方定 袁明 楊麒

黃滄 滄，貴溪人。任縣九載，士民頌歌。

右成化中任。

王億 閔謙 張縉 許崇仁 程貴昌

楊珣 珣，潮陽人。政平用節，民有去思。

齊榮

劉爲 爲，安福人。時有詔清戎，使者督郡邑嚴甚，里胥畏罪，輒以虛名補伍，當遣者皆非隸尺籍，有司復累歲徵發，民苦之。爲至，白解，閭里始安。聽訟或怒，必退思之，待心氣平和而後判決。

右正德中任。

彭珥 珥，龍泉人。先是，邑歲漕軍餉於定海衛，民病遠涉。珥爲請監司輸銀代之。建學宮，備祭器，拓公署，創門樓，工役並興，擾不及民。

聶義 趙時勉 王珊 羅才 唐廷相 何梁 李植 張家傳 趙元良 陳藝

右嘉靖中任。

王鼎 姚文炳

右隆慶中任。

沈効 楊應曉 孫良學 黃可教 周夢斗 王廷望 包大智 徐日光 俞咨龍 謝天衢 田龍光

右萬曆中任。

佐貳、教職賢者附後

鄧煒 新會人。萬曆中任典史。廉潔愛民，縣爲特立生祠。

王朝端 萬年人。萬曆中任典史。築壩爲民，民德之。

魯璵 會稽人。天順中任教諭。捐俸建兩廡。

俞河 勝人。正德中教諭。有師範，周助遍及貧弟子。

葉春及 隆慶初署教諭。見惠安知縣。

### 長樂縣

#### 唐

令、丞、主簿各一人，尉二人，經學博士、助教各一人。

#### 令

殷堯藩 堯藩，秀州人。元和九年進士。令長樂，有治績，擢侍御史，官江南，風采甚著。

王想 審知之弟。隨兄入閩，以銀青光祿大夫上柱國攝縣政。

#### 宋

知縣事、丞、主簿、尉各一員，監嶺口鹽倉兼催煎、鹽商稅務各一員。

#### 知縣事

#### 方廷範

李葦 葦爲縣，時時言：「守令，民師帥也。脫有秕政，令和氣未洽，災眚不銷，咎將誰委。」遂晝夜精勤，兢業不懈。瀕海沙京嶼頭田患鹵，葦教民築堤防禦，遂成沃壤。

右太平興國中任。

董淵

右慶曆中任。

吳仲舉 仲舉賑貧乏，杜私謁，作亭絃歌，以學道愛人自勵。

徐倪一作余儵

閔希聲閔一作關，希一作有。 希聲爲令，鋤強植弱，催科不擾。

方次彭見莆田縣紳。 楊味道

右皇祐中任。

王企 胡昱 陳公言 丁掌

右嘉祐中任。

蕭竑 竑知縣事，一新庶政。展拓東西南北四湖，溉田若下畝。作求誨堂而記之，以爲古之君子，莫不克己以求天下之善，納之以寬，思之以靜，擇之以正，然後行之以果，未嘗用明以忽人之是，作氣以拒人之忠，而願有學焉。

徐世英一作美。 世英不尚威嚴，清慎聞著。

右熙寧中任。

施文一作聞。

右元豐中任。

伍擇之見寧化縣紳。

袁正規 正規字道輔，陵陽人。約己裕民，修弊舉廢，興利除害，惟恐不及。鑿泉以濟行旅，開港以灌民田。民名其泉曰義泉，而請名港爲袁公港，正規曰：「毋天子之力也。」遂名港曰元祐。邑未有志，屬邑人林通爲圖經以載之。暇輒賦詩論文，綽有風雅。

右元祐中任。

謝嘉一作詰。

右政和中任。

陳可大見仙游縉紳。

右紹興中任。

王奉議 吳一鳴見南平縉紳。

右隆興中任。

徐蕃 王遇見龍溪縉紳。

右乾道中任。

方翥 陳昭度並見莆田縉紳。

林福 陳齊賢。

右淳熙中任。

佐貳、教職賢者附後

陳師韓 皇祐中丞。與令閔希聲同時，有善政。

葉雍 元祐中丞。與令袁正規同時，有善政。

陳之邵 紹聖中簿。見侯官續編。

諸葛悅 淳熙中任簿。時前丞相史浩帥閩部，不輕以獄訟畀屬吏，雅聞悅賢，輒委事。悅以理平決，不規大府意爲是非，丞相滋相知，延幕中。幕中故盛賓游，惟悅自一話一言無裨補不出口。相自喜晚得士，禮與已敵，且率當路薦之朝，而悅死矣。所著有《易論語》若干卷。

趙文孫 咸淳中簿。見晉江續編。

陳維德 天禧中尉。見莆田續編。

## 元

達魯花赤、縣尹、主簿、尉、典史各一員，北鄉巡檢、稅務提領、大使、副使各一員，儒學教諭一員。

丁德孫 至正中任尹。見羅源縣志。

呂復 初爲江西行省左右司都事，與廣東廉訪司僉事獲獨步丁皆閑居寓福州。至正末，復以行省命攝縣事。國朝兵下福州，復曰：「吾世食君祿，今雖攝官，當死報國。」引繩自經。獲獨步丁亦投井死。

## 皇朝

知縣、縣丞、主簿、典史各一員，儒學教諭一員，訓導二員，松下巡檢、石梁焦山巡檢、小社山巡檢各一員，稅課局大使、嘉靖中集、長樂倉大使、河泊所官、陰陽學訓術、醫學訓科、僧會司僧會、道會司道會各一員。

## 知縣

丘宗亮 宗亮，江陰人。勤政阜民，衆廢俱舉。

楊以忠 劉文炳

陳堅 堅，臨湘人。知縣事。遭兵燹民饑，堅請賑之。奏立千戶所，創築城池，邑藉扞禦。

李鳳 兄連江縣。

右洪武中任。

詹奎璋 奎璋，江西人。繇監生任。爲政廉平，吏民畏愛。

王遵道 遵道，蘇州人。博學謹禮，尊賢下士，省刑薄斂，興弊舉廢，一時稱賢令。

張季綸 蔡光親 盛敬 陶融

右永樂中任。

齊普 普，山東人。以選人任。內行修，事親至孝，躬行率民。不嚴而治。

右宣德中任。

龍韜 韜，曲江人。平易得民。嘗建退思齋，政暇靜念其中，以省失政。

應茂和 張佑

右正統中任。

高琪 江顯 陳播

右景泰中任。

係叔倫 任衡

右天順中任。

黃琬一作瑜。琬，香山人。景泰丙子舉於鄉，人成均，以經行爲一時冠，授縣長樂。首捐俸遷建學

校，日與諸生講論。有兄弟構訟者，開導之，皆涕泣相讓退。以勁直忤當道，浩然求去。曰琬豐城人，謹嚴爲政，任四年，卒官。

汪正，歙人。有惠政，能操下，以杜絕請謁爲權貴人所啣，阻其遷秩。至再考，始遷南部郎，終辰州知府。

吳福

羅叙，吉水人。治邑七年，政平役均。

張鳳

右成化中任。

潘府，府字孔修，上虞人。自其爲進士時，憲宗賓天，上疏孝廟，請行三年喪。梓宮發引，府獨衰經哭送，繇是知名。出知長樂，作訓民辭，立三事堂，以清慎勤自砥。邑多浮屠之宮，取爲書院，聚上講學，教民遵行朱文公約束。每巡行田野，勞問疾苦。田夫野老謂令寬綽親己，至求府筆札，府欣然付之。歷太常少卿，致仕。有書二十餘種，皆發明聖學，士類傳誦之。

劉舉

王渙，渙字時霖，象山人。修學校，輯邑志，縣治中百廢具舉。吳航渡一百二十里抵郡城，舟工率夜乘潮往，晝則各事其事，夜復乘潮歸，坐是頻遭盜劫，遇颶風覆溺往往，癸亥冬被賊死者十餘人，明年春大風覆舟死溺無慮百人。渙懸賞覓屍爲葬瘞，諭舵工禁夜行，刊潮候圖於渡亭右，使人知行舟時刻，遂免前

患。

右弘治中任。

鍾紹 紹字大韶，東莞人。弘治十六年以進士知崇安。撫字縣裏，明信孚下，持廉有終，去惡務盡。九夫里民俗稱頑悍，紹與約曰：「吾無下鄉之遺，但符下汝等即宜赴縣。」符有火字，宜寅夜而至，民無爽者。或詢民故，民曰：「人衙門不費錢而情得，又何爽焉！」邑中多盜，紹出示曉諭，令其改行，而盜不息，乃下令嚴捕之，得贓証者必死於獄。行未三月，外戶不閉。紹每巡廛市間，細民多潔器獻茶，止輿取啜，不問姓名去，若家人父子然。正德初以才改繁，時海內吏治尚簿書，務筐篋，紹獨持廉重風教。民有善行，惟恐不知，知或以告，急覈而表之。遷刑部主事。

梁輅 楊樛

龍琰 琰，常德人。繇進士任。寬平不擾，鎮守檄郡行邑，屢有需採，輒峻拒之。

曹鑑

右正德中任。

楊麒 麒字仁甫，上饒人。以進士任。救疾苦，恤饑寒，民有弗類，諭使改悔，以長者稱。未期，憂歸。越十年餘，其弟麟作判閩州，道經縣，百姓遮留問安否，至有泣下者。仕至工部尚書。

汪瑄 瑄，婺源人。以進士任。恤役緩刑，值饑饉，控監司發賑。時福郡盡饑，太守汪文盛與瑄疏聞，詔下蠲租，邑民稱二汪焉。

曾銑 銑，江都人。有機略，自喜負，蒞官嚴明，夙弊多所釐革。後爲總督陝西三邊都御史，以建議

復河套，與大學士夏言並伏誅。

### 劉士達

何應和 應和字景陽，東莞人。以舉人任。在官一力自隨，署中隙地，課僕蔬種。民有以重刑相訐者，款款歷論，令其熟思，然後逮鞠。久而幾無訟焉。仕終知州。

### 俞介

吳遵 遵字公路，海寧人。以進士任。修文廟祭器，置學田。縣輸軍餉，舊病遠涉，請改之近倉。邑有坑田、河南、龍門三渡，渡悉有稅。三渡人赴奏京師，乞加課除稅，下按察弗得免，且重罰金，禁繫累三年。御史下縣蠲之，遵爲盡除焉，禁繫人並得出，哽咽流涕曰：「生我世世者，吳公也。」遵爲縣，門無燥交，囊無私錢，與民同甘苦，事從減殺。鄉大夫束修問遺，一切疏簡。日督家人理機杆，諸童奴灌藝蔬圃，計歲時聊可供衣食而已。累太僕寺少卿。

詹萊 萊字時殷，常山人。以進士任。博學雄文，灑然不俗。築邑城，城賴不中倭。官至湖廣僉事。

楊汝輔 戴時望 劉禹龍

右嘉靖中任。

### 周冕

蔣以忠 以忠字伯孝，常熟人。以進士任。長樂役法，舊制：十年之內，里胥一年應役，夫兵屬之，一年設催鹽米丁料，官民折屬之。始相拖負，因而扣除，每及役，則通圖之賦，大半皆一人供辦，及其通

也，黠者敢侵漁相推諉，良者不免破產以充之。以忠至，立墾干法，一以見役應辦諸種額賦，分爲十甲均催，絕戶虛苗，卽令勾納，民咸稱便。其曰墾干者，書其應納之數若干，墾而揭之也。他諸學舍、橋道之屬，百廢具興，而寬稅緩徵，無所煩民。

右隆慶中任。

韓紹 紹，歸安人。以進上任寧德，調繁是縣。紹令寧德，精勤釐弊，里甲不煩。除陷海虛糧，輕省站銀，寧德思之。

孫廉 陳奇謀 薛繼茂 鍾萬祿 彭哲與

郁文周 文周字文叔，江陰人。存心愛人，操履耿介，緩徵恤寡，詰盜懲奸，修水利，興學校，士民愛戴。以疾去。

盧龍雲 李奇珍 李芳馨

右萬曆中任。

佐貳、教官賢者附後

趙尹一作允 字執中，潮陽人。通經幹濟，洪武中用薦授丞。汰奸去苛，奏請堤築久壞海塘，親董其

役。繇是長樂田無斥鹵，歲獲其利。

張文可 永樂中丞，與令王遵道同時。遵道每曰：「是善佐我。」

朱褒 青田人。成化中以國子生任丞。廉潔有聲。

何儒 廣昌人。嘉靖中丞縣。蒞事圓敏，擢知縣。

黃文弼 保昌人。繇歲貢。隆慶中丞，署篆廉靜，陞副兵馬使。

劉有源 永樂中簿。温和好士，人雅慕之。翰林典籍高棟贈以詩，有云：「此邦訟少自無爲，惟侯之德能撫綏。臨民不忍鞭笞苦，判筆無容人吏欺。公餘時復開仙館，坐對白雲心共遠。首石泉聲送酒涼，南山秋色當窗晚。落日琴臺聽奏絃，清風松下唱酬篇。諸公且以同坐嘯，百里何妨枉大賢。」其才韻可見也。

黃本 吳川人。永樂中典史。築堤捍潮有功，高棟、王恭皆作詩美之。

熊廷用 豐城人。嘉靖中典史。約已下士，利愛在民。

孫大雅 江陰人。永樂中教諭。學先實踐，不屑章句。

廖正 潮州人。成化中教諭。薄聲利，重名檢。

潘援 景寧人。弘治中教諭。精經學，充養完粹，於諸生無所厚薄，弟子益親。

郭岱 番禺人。嘉靖中教諭。溫厚恂恂，不見喜怒，而取予有節。

林慈 洪武中訓導。見本縣志紳。

應瓊 西安人。成化中訓導。厲行績學，所在著休風。

余珙 饒平人。弘治初訓導。以冠婚喪祭四禮與諸生講明社學中。

何良弼 東鄉人。嘉靖中訓導。雍容儒雅。

胡大韶 永康人，一作永寧人。嘉靖中訓導。以禮自防，不干縣令。助貧生，却脯贄。

郭翰 順德人。嘉靖中司訓。勵操無失色，士親仰之。

〔校記〕

- 〔一〕「侯官縣 古田縣 閩清縣 長樂縣」十二字，各本原脫，據本書體例補。
- 〔二〕「閩縣」二字，各本原脫，據本書體例補。
- 〔三〕「華亭驛丞」上，各本原有「使」字，據文義刪。

## 閩書卷之五十二

### 文蒞志

福州府 連江縣 羅源縣 永福縣 福清縣 懷安故縣(二)

#### 連江縣(二)

#### 唐

令、丞、主簿各一人，尉二人，經學博士、助教各一人。

劉逵 逵嘗奏復東湖水利，民廟祀之。

右咸通中任。

李宸

#### 宋

知縣事、丞、主簿、尉各一員，監商稅務、荻蘆寨水軍統領兼福州興化軍都巡檢使各一員。

知縣事

吳舉 舉字太冲，永興人。舉《春秋》，通三傳。五代時仕李煜，爲彭澤簿。曹彬下江南時，彭澤令以城降，舉責令曰：「吾能爲李氏死耳。」乃共殺使者，爲煜守。煜已降，舉被執送軍中，主將責以殺使者，舉曰：「固當如是。」此時仕煜者皆隨煜入朝，舉棄去不顧。太平興國二年，詔求李氏故吏，所在始敦遣至京，歷官是邑，終廬陵令。

鞠仲謀 仲謀知縣，大興水利，邑民以與唐劉達並祀。

右端拱中任。

黃昱 王應同 洪中 孔正己 陳宗瀚 張鑑 蔡仲偃 閔昌言 黃彝 陳珏 汪胡量

右慶曆中任。

梁宋臣 鄭伯英 唐猗 郭衍 趙炎

右治平中任。

鄭事道

右元祐中任。

母允臧 毛國華 陶公問 黃僎 徐大諒 鄭前 陳華 林阜 石固 毛勉 郭師厚 鄭永中

劉叙

右建中靖國中任。

陳律 許安稚

右崇寧中任。

張鑑

右大觀中任。

謝燾 許紹 方來 黃泳見建寧縉紳。

陳師立見莆田縉紳。

右政和中任。

洪壯 江定國 鄭壽 姚真 葉武

右建炎中任。

林覺 阮圭 林煥 楊璟 何志應 方侯 唐宗之 方賜 林茂 陳彥才見泉州太守。 高倬 陳

夢符 王習 上官端 葉柯 陳巖 晁子闔 曹綺

右紹興中任。

傅伯成見晉江縉紳。 方耒見莆田縉紳。 曾模

丘何 何，字漢規，瑞安人。登乾道中第，知本縣，有聲。仕終知袁州。何當譏詆道學之時，世以性命爲諱，獨奏疏論中庸及皇極偏黨之義，語意懇切。

右乾道中任。

趙伯炎 祝松年 蘇懋 趙不憊 許錫

右淳熙中任。

王仲卿 趙善謐見宗室。

右慶元中任。

何澈 洪相一作侶。

右嘉泰中任。

蕭仲微

右開禧中任。

趙汝訓 趙善昞 趙善嵩俱見宗室。 李子清 王渭老 劉世均 惠棐 木洙

朱定 定，縉雲人。疏東湖水利，新劉、鞠二令祠。決淹獄，正役版，威以肅奸，惠以恤窮，吏服其明，民樂其政。

游義肅兄建陽縉紳。

陶武 武字克之，豫章人。所著《連川志》十卷。

右嘉定中任。

何處得

右寶慶中任。

王仲虎 曹欽

右紹定中任。

趙宗魯

右端平中任。

王煒 趙希譽

右嘉禧中任。

潘鑒 陳龍用 洪天賦見仙游縉紳。

趙士遜

右淳祐中任。

趙與併 趙用卿 曾擬 陳遇龍

右景定中任。

鄭沆 趙與芬

宋日隆 日隆字道夫，眉山人。宋室將危，虜患孔棘，所在郡邑困徵求，獨連江家給人足，夜柝不驚。受賢令之賜。

劉淙

右咸淳中任。

佐貳、教職賢者附後

郭忠順 任簿。見浦城縉紳。

傅伯成 任尉。見晉江縉紳。

元

達魯花赤、縣尹、主簿、縣尉、典史、寧善等鄉巡檢、名聞等鄉巡檢、稅務提領、大使、副使、際留倉大使、副使各一員，儒學教諭。

劉溶 字濟川，河南人。至正中爲寧善鄉巡檢。江西賊帥王善寇閩，溶妻史氏有才識，謀溶，盡出倉物募兵捍之。賊尋破羅源，分道攻福州。溶拒戰屢捷，俄復與賊遇，突其陣，斬前鋒五人。賊兵大至，鏖戰三時，溶中箭墜馬，其仲子健卽下馬掖之，俱被獲。溶忿戟大罵，賊漸次斫其手指且盡，復斫兩腕及兩足。溶色不變，罵賊彌厲，遂被割喉舌死。健亦以死拒賊，善義而舍之，使歸瘞父屍。健歸，請兵帥府復讐，弗聽。乃盡散家貲，結死士百人，詐爲工商流丐，入賊中，夜半發火大譟，賊驚擾自相屠戮，健手斬殺其父者，并擒善等來獻，磔之。事聞，贈溶福建行省官，授健古田尹。立溶祠福州北門外，有司歲時致祭。

### 皇朝

知縣、縣丞、主簿、典史各一員，儒學教諭一員，訓導二員，北茭巡檢、定海倉副使、蛤沙河泊所河泊、陰陽學訓術、醫學訓科、僧會司僧會、道會司道會各一員。

### 知縣

王得欽得一作德 李添賜 張奉宗 濮陽榮 張益

范希節 希節，鄞人。視篆之初，歲歉訟夥，政務繁劇，希節奮興其治，廉敏見稱。

李鳳 鳳字符昌，海陽人。辟行人，持正不阿。調長樂令，蒞政公勤，先務安養，立觀稼亭於明德堂後，以勸力農。再調連江，革除事起，憤惋棄官去。

林伯錫 梁璧 李元順

侯炯 炯，南豐人。溶九井，修道路，惠能著稱。擢陝西按察僉事。

右洪武中任。

慈善 胡昂 羅敏學 王真

楊廷芳 廷芳，衡州人。以進士知縣事。恤民興學，綽有政聲，以三省四知題門。

董庸 伍昇

右永樂中任。

劉仲戢

右宣德中任。

周弁 吳琳

右正統中任。

歐陽瀚 瀚，泰和人。獄無冤滯，門無干謁。秩滿去，民像祀之。

右景泰中任。

李俊 孫珏 李紀 章武 林鴻 凌玉璣

右成化中任。

陳昱

黃蔭 蔭字景福，歸善人。以舉人知縣。不求赫赫聲，去官歸，橐蕭然。

郭軒 軒字文載，景陵人。成化庚子鄉薦。蒞官剛正，教孚士類，訓及童蒙。卒官，祀學宮。

葉清 胡泉

右弘治中任。

張鎮 杜煥

吳笈 笈，青陽人。以鄉貢知。居家孝友，爲政愷悌。

右正德中任。

陳賢

顏德倫 德倫，安福人。省刑輕罰，民不忍舍。

李蘭 區燦 何天衢 沈謨

袁鑑 鑑，揭陽人。在邑六年，便民約己。

向鎬 金國襄 史元功 朱思忠 熊尹臣 林思貞

右嘉靖中任。

曾以學 朱應辰

張聘夫 聘夫字仕可，婺源人。先教後刑，諭改小胥，矜憐大辟。邑當倭後，賦役煩苛，聘夫從公科派，毫不苛擾。其守官清苦，不異寒士，慈祥愷悌，出於天性，訓迪士類，咨詢民瘼，若家人父子然。久之，忘其爲縣官也。

右隆慶中任。

張賢 劉燧 朱應奎 盧學易 張初旦 錢九思 洪信 蕭穀 方以知

右萬曆中任。

佐貳、教官賢者附後

商準 蘇州人。洪武中丞。勤於民事，不辭勞勩。

蔣永昇 宜興人。洪武末丞。徵糧以時，結民以信。

鮑近人 上虞人。洪武末以秀才任簿。行事恭恕，愷悌近民，卒官。

趙真 開封人。永樂中任典史。才而有守。

唐相 灌陽人。正德中任典史。明於折獄，嘗築湖閘有勞，民無所與，百姓歌之，以比劉、鞠。

郭春渠 字以受，萬安人。隆慶中以歲貢任教諭，擢國子助教。從學鄒守益、羅洪先，刻苦習靜，教士有蘇湖之風。

羅源縣

宋

知縣事、主簿、尉各一員，監商稅務、南灣巡檢各一員。南灣巡檢銜帶連江、羅源兩縣，兼催綱，管沿海陸路私鹽

賊盜，巡攔市舶物貨，本澳避火。

知縣事

陳偶 見沙縣縉紳。

右慶曆中任。

袁符

右元祐中任。

吳賢 陳球 黃彥輝 見莆田縉紳。

右建炎中任。

張溥 一作博。 陳文 葉薦 見建安縉紳。

右紹興中任。

林介卿 見晉江縉紳。 林僖子 趙彥琰 程成 趙師 黎儀 林確 戚公策 林變 劉成 見莆田縉紳。

紳。

右任年無考。

丞、簿、尉、教官賢者附後

曾奉先 字紹宗，寧都人。狷介力學，登進士，授羅源簿。歐陽修極推重之。

林穎叔 字正仲，瑞安人。登乾道第，任本縣簿。羅源俗，親死火其骨，和以衆薰，當風揚之，曰升天。穎叔導以瘞塚。有大辟坐持刃殺人，乃辯其艾瘡，仍出溺死，解釋之。遷建康戶部贍軍酒庫。丁外艱，哀毀卒。

曾躍麟 淳熙中任簿。 見汀州通判。

元

達魯花赤、縣尹、主簿、尉、典史、南灣寨巡檢、稅務提領、大使、副使各一員，儒學教諭一員。 丁德孫 字惟一，鄞人。寬惠明信，詞訟清簡，興起斯文，作新後學。秩滿，士民繪像學宮祀之。

皇朝

知縣、典史各一員，儒學教諭、訓導各一員，河泊所河泊、陰陽學訓術、醫學訓科、僧會司僧會、道會司道會各一員。

知縣

劉鑑

鄭復初 復初，開封人。仁厚愛人。山寇剽掠，大軍勦之，復初慮民爲賊擄者或遭妄殺，數詣軍中辯釋無辜。亂定後，懷徠頑梗，悉使復業。一時諸邑鮮有及其勤瘁。

楊清卿

郭宗文 宗文教民以孝悌、忠信、禮義、廉耻，民漸其化。及卒，泣慕如父母。

李悌 悌，金華人。請薄荒田之徵，邑民受賜。

右洪武中任。

傅希悅 希悅，南城人。催科拙，撫字勞，民思之。

唐慶 范全 沈翽

王鼎 鼎，華亭人。嘗奏免弓兵五十餘名，人感其惠。

右宣德中任。

孫昱

黃寬 寬字汝和，江陰人。時沙、尤寇攻掠郡邑，寬度力不能禦，諭民避之軍旅後。寬政蠲租，邑有

孔邇之懷。

右正統中任。

何器 邵褒

湯文端 文端，安仁人。初，三山驛防步夫歲差役羅源若干人，民苦之，文端爲奏免。

右景泰中任。

趙升

陳潔 潔，臨川人。斟酌賦役，催徵聽民自限。卒於官。

右天順中任。

余昇

施弘 弘，黃巖人。在任八年，有惠政。

陳璦 一作璦 麥謹

右成化中任。

馮鑑 陸嵩

李南 南，臨川人。爲政公勤，孜孜興利。

徐珪 珪字良璧，開化人。前以唐縣教諭聘典福建文衡，擢令羅源。仁施義濟，治理靜專，有疑獄必詢諸人。司郡政有病民者，力爭之。陞欽州守。欽民業漁而賦重，魚盡去欽。至，輕之，魚復還欽，人以爲異政。

右弘治中任。

鄧公善 黃相 趙績 汪雲鸞

右正德中任。

吳周 陳鶚 何經

陳嘉猷 嘉猷，番禺人。愛民待士，不事鞭朴。

程洪政 馬進 謝晏 王有南 羅世華 高相 龔廷霄 李策 章秉中 韓夙儉 林子俊 崔梧

何所聞 羅祺

右嘉靖中任。

蕭蔚

右隆慶中任。

楊瑞 陳奎 劉仕松 陳應鳳 黃杏 徐德奎 吳文英 李應裕 陳良諫

右萬曆中任。

佐貳、教官賢者附後

孔思敬 衢州人，宣聖五十四代孫。洪武中主簿。爲人長者，又以教官擢。邑弟子員多從之游，講解勸課，孜孜不倦。

胡璉 貴溪人。弘治中尉。明聽斷，有善歸令，時論賢之。

蔡洲 溧水人。萬曆中典史。勤其官，憂去，民思之。

汪時俊 洪武中教諭。見連江縉紳。

黃縵 番禺人。正統中教諭。能得上心。

李昱 景泰中教諭。見安溪縉紳。

蕭夔 字舜臣，泰和人。成化中教諭。表率諸士，勤課誦讀，給之夜膏。

鮑麟 松陽人。弘治中任教諭，有善教名。

楊日采 萬曆間署教諭。見晉江縉紳。

葉援 金華人。弘治間訓導。諸生脛脯，一切不問，諄諄以行誼篤厚爲教。

### 永福縣

宋

知縣事、丞、主簿、尉各一員，辜嶺巡檢一員。銜帶永福、興化兩縣地分，兼催綱，巡捉私鹽賊盜公事，以小使臣充。

知縣事

鄭慈

右慶曆中任。

沈亞夫

右熙寧中任。

顧沂·翁縝 吳拭 蕭嶠 曾繹 魏謬 蕭彥 林深之見莆田縉紳 鄭仁達

右大觀中任。

劉永懷 方轄 阮符

右宣和中任。

陳炎

右建炎中任。

王禹同

黃勳 勳字有功，南海人。紹興二年進士。初授永福丞，適縣令久病廢事，勳爲辯決獄囚，滌滯除弊。民貧積逋，爲代還之，皆歡呼稱父母。終朝散大夫，致仕。

葉秉彝

右紹興中任。

楊泳 董鴻道 葉秉仁 黃叙 楊充 朱憲明 林萱 張暄 黃允 鍾安老 陳大年 周因 楊

琳見晉江縉紳。

湯選 林光朝見莆田縉紳 楊琳琮

右乾道中任。

顏澈見龍溪縉紳

楊士訓見詔安縉紳

宋恭甫 許衍 侯至果 舒復宗 方大琮見莆田縉紳

右理宗中任。

陳武祐 鄧剛 施常 滕定 卓雄 李教 盧希載 游時升 鄧覲 江安止 謝芑 林士宗 王

禹固一作國。戴自修 黃熙 劉大成 洪崙 黃雲翼 謝銑 徐居誼 謝鏡 徐師仁 黃萬石 楊子成

右任年無考。

佐貳、教官賢者附後

儲敦叙 大觀中丞。見晉江縉紳。

黃勳 紹興中丞。見本縣知縣。

徐確 元豐中尉。見莆田縉紳。

吳達 宣和中尉。見崇安縉紳。

皇朝

知縣一員，縣丞一員，革。典史一員，儒學教諭、訓導各一員，深門巡檢、陰陽學訓術、醫學訓科、僧會司僧會、道會司道會各一員。

知縣

胡克恭 克恭，南昌人。先丞仙游，以嚴馭吏，吏不敢漁民。及爲縣，惠小弱，嚴豪右，閭閻之下晏如也。

王矩 矩字志方，陽曲人。以給事中外補，知本縣。剛毅廉謹，不避豪勢，期年，政平訟理。

右洪熙中任。

璩駿 張性 鄭復

趙博 博，河南人。疏蠲荒田之稅，民生祠之。

右正統中任。

何義 胡奎 陳忠 黃諒 林俊 劉暹 李綱 施謙 愈旭愈一作俞 劉伯翼 高第 覃奎 譚

顯 朱成 梁德宏 劉清 張良佐 姚禎

右任年無考。

傅義 鄭信 何謙

宋大章 大章，南京人。崇廟學，修禮文，煥然改舊。

右正德中任。

龍宣和 黃金

韋綸 綸，宜山人。剖斷無滯，勤於民政，卒官。

胡易

翁鉅 鉅，壽昌人。留心學校，政暇勸課諸生。

林舜民

羅瓊 瓊，賓州人。歲荒賑粟，多所全活。

劉應時 安欽文 惠謀輔 周煥 林校

右嘉靖中任。

李煒 吳道立

右隆慶中任。

陳克侯 克侯字士鵠，順德人。廉介自持，尤精吏事，增城拓址，焦心調度，於民無擾也。初，司教閩庠，有恩諸生間。

林宗教 宗教字希導，永嘉人。嘉靖戊午鄉薦。醇謹方潔，士類推重，爲令以廉介著稱。稍遷貴陽府判，投牒歸。

李思成 施倖 張朝陽

陳思謨 思謨，河源人。嘗從湛甘泉學，以恩貢授龍溪簿。醇謹清正，蔬布自給。職捕賊曹，而好禮士，嘗執經相講勸。所居廨產靈芝一本九莖，邑人瑞之。署長泰縣事，慈惠如真尹，兩臺交薦，陞本縣知縣。後官至辰州判。

張侃 李南疆 錢正志

徐嘉言 嘉言，嘉定人。恬淡恤民。

唐學仁

右萬曆中任。

佐貳、教官賢者附後

嚴德峻 東陽人。建文初爲丞。恤民禮士，公務無大小不勞而辯，上下宜之。擢夔州知府。

梁宏 高要人。嘉靖中典史。警敏辦治，廉靜无求。

黃永泰 黃岡人。嘉靖中典史。雅有經略，民有犯私鑄及假印自異縣來者，悉擒捕之。

李逢 字邦吉，豐城人。嘉靖進士，擢給事中。伏闕諫幸承天，逮繫謫典史。終德安知府，有聲。

張志學 崇德人。永樂中教諭。博通經史，終日危坐爲諸生講學，一時人物多所造就。

程世鵬 揭陽人。嘉靖中任教諭。矩度嚴飭，朔望與諸生講習禮儀，一時風俗爲之丕變。

龔烈 清江人。弘治中訓導。教人以躬行爲要。邑經沙、尤寇亂後，學宮廢壞，烈捐俸新之。

### 福清縣

#### 唐

令、丞、主簿各一人，尉二人，一判案曹，一收課調。經學博士、助教各一人。

林攢 貞元初任福唐尉。見莆田緒紳。

#### 五代閩

#### 令

賈郁見侯官緒紳。

#### 宋

知縣事、丞、主簿、尉各一員，監海口鎮、監海口鹽倉、海口巡檢、松林巡檢、南匿巡檢各一員。

知縣事

林舜

右乾道中任。

李懌

右開寶中任。

方偕見莆田縉紳。

郎簡 簡字叔廉，臨安人。知寧國，徙福清。浚築石塘舊陂，溉廢田百餘頃，邑人爲立祠。終尚書工部侍郎，致仕。簡和易喜賓客，道引服餌，尤好醫術，有集驗方行於世。

右大中祥符中任。

崔則正 李寬

右天禧中任。

劉濟 陳律

右天聖中任。

毛國華

右明道中任。

王敏師 劉適

右景祐中任。

鄭孟賓

右康定中任。

陳瓊 陳琳

右慶曆中任。

蒲達

右皇祐中任。

張平叔

右至和中任。

王居卿 丘與齡

右嘉祐中任。

司卞

右治平中任。

崔宋臣 胡景道 郭汝賢

右熙寧中任。

方叔完 見莆田縉紳。

右元祐中任。

王資深 謝履兄惠安縉紳。

右紹聖中任。

莊柔正 見莆田縉紳。 程邁

右元符中任。

張伯昌 張白 李琦

右崇寧中任。

郭賢

右重和中任。

林義 陳麟 何靜

右宣和中任。

張行己

右靖康中任。

江安止 陳大和

右建炎中任。

趙希漢 邵武人。有經略，雖頗傷嚴，人服其明。

李元吉 元吉，湖州人。仁明峭直，以師儒自任。劍、建盜起，他處置隅官練兵，盡激其變，獨福清晏然。始至縣時，訟者日數百輩，元吉爲之，期月惟三四牘而已，一時鴈鷺棄逐殆盡。易簣之際，惟以憫雨

恤刑爲念。

黃琮 見莆田縉紳。

黃洙

趙崇檉

葉廷珪

見甌寧縉紳。

王金洙

顏師魯

見龍溪縉紳。

何叔達

林世修

留俊 黃道存

右紹興中任。

楊汝南見龍溪縉紳。 曹續 傅禎 黃童 顏希哲見海澄縉紳。 葉實 林武仲 孫致 方仕端 劉

朔端朔，並見莆田縉紳。 吳竑 趙善珏

右乾道中任。

劉敦 范處義 邊應祥 史浩見福州知州事。 孟振

右淳熙中任。

任三傑 李宗思 張居易 江濤 裴叔度

徐輝 輝聰明強敏，戴星視事，聽訟立判，有乞詳省者，掩紙誦狀如流。或偽辭，久久記憶，并其時日，舉而折之，無敢欺者。

李彭年 陳經見龍溪縉紳。

右慶元中任。

林孔昭 時淇一作洪。 張大任

右嘉泰中任。

蕭尹躬 陳冕

右開禧中任。

章伯奮 伯奮，溫州人。爲人風流醞藉，建義阡以葬遺骸，捐家貲以貸國課。

朱元慶

右嘉定中任。

陳鳳 阮敷

右紹定中任。

丁植 一作埴。 江鎔 見崇安縉紳。

右端平中任。

方械 見莆田縉紳。 趙崇賈 婁演

右淳祐中任。

胡三省

右寶祐中任。

趙溥 王庚

右景定中任。

劉震孫 曹進 劉夙

右咸淳中任。

陳世榮 長樂人，陳仲完曾祖。

右年任無考。

丞、簿、尉賢者附後

蕭韓 大觀中任丞。 見龍溪縉紳。

傅楫 紹興中丞。 見仙游縉紳。

翁邵 紹興中丞。見順昌縉紳。

林孝澤 紹興中丞。見莆田縉紳。

林枏 紹興中丞。見莆田縉紳。

項公悅 紹興中簿。見侯官知縣事。

方次彭 淳熙中簿。見莆田縉紳。

傅大聲 淳熙中簿。見莆田縉紳。

劉崇之 淳熙中簿。見建陽縉紳。

黃國鎮 元符中尉。見福建提刑。

黃琮 元符中尉。見莆田縉紳。

#### 元福清州

達魯花赤、知州各一員，同知、州判、吏目各二員，南日寨巡檢、海口寨巡檢、練門寨巡檢、逕上寨巡檢、本州務提領、大使副使、逕上務提領、大使、副使、海口務提領、大使、副使、際留倉大使、副使、蒜嶺站提領、副提領、宏路提領、副提領、牛田場鹽課司丞各一員，儒學學正、蒙古學學正、龍江書院山長各一員。

馬合馬沙 字士達。繇泉州市舶提舉遷福清州達魯花赤。至官，出貲貸民給軍興費，痛屏隸卒爲民害者，治蒜嶺、宏路二驛馬政尤嚴。瀕海有兇徒竄名兵籍，構亭戶之不逞者，得私讎輒誣良民以取賄，不厭其欲，訐諸漕司。漕司拘關文法，雖知其罔，莫能爲地，民亦懼害，無敢白訴。馬合馬沙悉捕治之，痛懲

以法，境內大安。

項棣係 天曆中知州事。見延平路總管同知。

林以順 至元中知州事。見莆田縉紳。

林泉生 任知州。見永福縉紳。

林子朴 任知州。見興化縉紳。

熊朋來 元初任州判。見福州儒學教授。

曹道振 爲州判官，剛明公正，無所回撓，與知州林泉生協和政理，民俗翕然。

劉志 字國惠。至正中爲牛田場鹽課司丞。時四郊多壘，軍需百費皆出於鹽，人民流散，志招而復之。

### 皇朝

知縣、縣丞、主簿、典史各一員，儒學教諭一員，訓導二員，壁頭巡檢、牛頭巡檢、澤朗巡檢各一員，福清倉大使、萬安倉副使各一員，蒜嶺驛驛丞、宏路驛驛丞、河泊所河泊各一員，陰陽學訓術、醫學訓科僧會司僧會、道會司道會各一員。

### 知縣

江仁 仁後更名恕，漢陽人。廉潔剛果，宣布教條，示民向背，民知遷善遠罪焉。終台州知府。

右洪武中任。

余懋

劉忠 忠，宜章人。下車詢瘼，均民徭賦。

右永樂中任。

蔡光親 光親，樂清人。崇重學校，禮賢優老，以厚道化民。時採辦內臣凌逼屬邑，至縣獨無所擾。

右洪熙中任。

周玓 玓，鄞人。廉惠持政，凡折兩造，必諄諄戒諭，使之息爭。賦役刻期，民莫違者。

右正統中任。

沈禎

右景泰中任。

顏紹賢 余泰

右天順中任。

劉伯謙 郭淮 康永韶見惠安知縣。 嚴胤昌

龐璫 璫字廷佩，南海人。以舉人任。有智略，治尚精明，吏不敢奸。

吳崇嶽

右成化中任。

劉璋 龔嘉琪

鄧概 概，新淦人。廉靜寡欲，雖無赫赫聲，士論謂其歲計有餘。

況璟 高志 張朝儀 朱袞 馮安 羅鑾

右正德中任。

陳迥見僉事。方雲鶴

朱冕 冕字文中，豐城人。繇進士筮縣。廉潔自持，政有利民，殫心圖之。陞刑部主事，以執法招怨。

程途 徐建見吉田知縣。彭世潮 陸從大

張楸 楸，嘉定人。清而能愛，人懷其德。

鈕緯 葉宗文

羅向辰 向辰，馬平人。以舉人任。時邑城初陷，倭環其疆，向辰百方備禦，城壞數十丈，豎木柵補之，一夜而成，賊皆駭愕。屢攻不能破，邑人德之。前後令有功福清者，向辰爲第一。官終布政司參議。

督應元

葉夢熊 夢熊字男兆，惠州人。嘉靖乙丑進士。吏治尚嚴，人不敢犯。仕終南工部尚書。忠勁多猷略，有邊功。

右嘉靖中任。

陳大猷

許夢熊 夢熊，南陵人。以進士任。愛民好士，物色大學士葉向高童子中，爲擇婚配，助之納采，其日設宴縣堂以榮之，盡邑駭異。及葉以功名終，人名許公知人。

右隆慶中任。

徐師張

羅萬程 萬程字時騰，廣昌人。縣中訟牒山積，萬程以彊敏勝之，往往出單詞破虛罔，自辰及酉，決遣無留，吏胥負牆而已。以最徵爲刑科給事中。

歐陽勁

丁永祚 永祚，南昌人。初爲永春縣，有惠政。在福清治如水春。

張勉學 徐世仕 鄒元會 凌漢珮 汪泗論 王命卿

右萬曆中任。

佐貳、教職賢者附後

朱元律 浮梁人。洪武中任丞。周知民情，累歲逋負不勞而集。時令汪仁猷介，元律每濟以和。

周南 上元人。正德中任教諭。勤於作人。

何公溥 博羅人。繼周南之後。能得士心。

李郁 字文盛，連州人。永樂中鄉薦，授訓導，仕終開封同知。居家以孝友聞。

懷安故縣附

宋

知縣事、丞、主簿、尉各一員，鷄菜鎮巡檢一員，銜帶圖、侯官、懷安、閩清、古田五縣，兼催綱、巡提私茶鹽課。監鹽倉一員。舊主簿兼，紹興中差小使臣專監。

知縣事

黃卓

右熙寧中任。

吳評見紫安續紳。

洪子著

右紹聖中任。

吳與見漳浦續紳。

右大觀中任。

樊紀徐瑒一作豫。

許之選 之選字叔仁，臨川人。開禧元年進士，授南雄州教官。有禦寇功，魏了翁薦諸朝，授泰和令。捕治巨奸之戕民撓政者。再知懷安，有惠政，陞九江通判，卒。

右寶慶中任。

鄭申見海澄續紳。

右嘉定中任。

丞、簿、尉、教官賢者附後

范機 字純之。見延平喬寓。

王遇 乾道中丞。見龍溪續紳。

曾賀孫 淳熙中簿。見晉江續紳。

魏必昌 □□中尉。(三)見晉江縉紳。

陳中復 熙寧中尉。見莆田縉紳。

丁南一 寶祐中尉見莆田縉紳。

皇朝 萬曆八年，縣併人侯官，各職員俱廢。

知縣

崔居敬

薛武 武，龍泉人。清謹公勤。時縣治新遷，民力困弊，武留心撫字，與爲安靜。

何汝文

周禧 禧知縣。時縣有奸民九十餘人，貪緣充諸司爪牙，恣爲民害，號野牢子。禧察知，擒罪之。

蔣穩 穩，宜山人。爲人嚴介，政尚寬簡，痛懲吏弊。嘗置三等冊，立循環簿，凡有科差，量圖里高下，審業產重輕，錙銖不爽。暇留意學校，敦崇風化。

右洪武中任。

徐拱辰 永樂中任。

項祐 吳益 正統中任。

張定景 泰中任。

劉繁 何克智 天順中任。

胡節 成化中任。

節，龍游人。公謹廉勤，懲隸卒入鄉擾民，削木代之。暇則教屬吏講律。丁艱歸，耆

民相率追送，賻以白金，節爲取少許，瀕行投之水。抵家，躬負土營葬，廬於墓上，尋卒。

何恕 李亮 施昂俱成化中任。

王景祥 馮殷 吳允禎 弘治中任。

謝汝昌 謝善 王本 韋邦相

正德中任。 胡道芳 呂文彥 沈應徵 孫一理 水杞 陳守義 金潮 陳修 經彥寅 唐朝宗 羅夢

鶴 唐世淳 戎來賓嘉靖中任。鄒是訓隆慶中任。蔡雄元萬曆中任。

佐貳、教官賢者附後

夏迪 字廷簡，天台人。洪武丁卯中鄉闈，授溧陽丞。勤於撫字，調丞懷安，政如溧陽。朝廷以虧兌欽騎官員馬疋米徵民，民無措手足，迪辭所乘馬與輸官。於時理問缺人，所司知其廉能，委以署事。推轂詳密，剖決平允，薦陞大理左寺副。洪熙中以江西左參政召拜左副都御史。

馮光浙 字邦鎮，慈谿人。嘉靖中任掌教。學宗程朱，務在實踐。時方靡然於致良知之說，光浙力闢之，揭坐右示諸生曰：「聖賢無一偏之學，講良知便廢良能？」諸生敬信焉。

吳响 字良瑞，孝豐人。嘉靖中司訓。溫和雅靜，待諸生有恩，贊饋多所不受，貧者隨力助之。時諸生忤藩司，督學欲盡加黜治，响曰：「士不可辱。」事遂得止。

〔校記〕

〔一〕「羅源縣 水福縣 福清縣 懷安故縣」十三字，各本原脫，據本書體例補。

〔二〕「連江縣」三字，各本原脫，據本書體例補。

〔三〕「中尉」二字，各本原闕二字。

# 閩書卷之五十三

## 文蒞志

泉州府

隋

長史

方叔達

歐陽祐 祐，洛陽人。爲泉州守。義寧二年，官滿，西歸至邵陽，聞隋亡，挈家自澍大乾山河中。土人殮葬之，邵人祠祀焉。

唐十郡

刺史、別駕、長史、司馬各一人，錄事參軍事一人，錄事一人，司功參軍事、司倉參軍事、司田參軍事、司戶參軍事、司兵參軍事各一人，(二)司法參軍事一人，司十參軍事一人，參軍事四人，市令、丞各一人，文學、助教、醫學博士、助教各一人。

武榮州刺史

劉懷恩

右武德中任。

薛士通

許輔乾 輔乾，許州人。自括州長史拜官，任五月卒，貧不能歸，卽家於莆。  
馮仁智

泉州刺史

楊承袞

右景龍中任。

馮敬言

右先天中任。

張琮 雲盈 朱欽道 尹頊 陰儼 李元澄 雲遂 賈長源 尚獻忠

清源太守

咎慎交

右開元中任。

姚思禮 虞渙 李仙舟

薛昱 昱爲太守，以清德著，民歌之曰：「郡號清源，官有清德。」  
右天寶中任。

泉州刺史

暨克華

右乾元中任。

侯令儀

右寶應中任。

李偕

右廣德中任。

韋萬信 陸偃

右永泰中任。

蘇妙 妙字觀妙，南海人。刺泉有惠政。行春門上，白鵲來巢，妙出，鵲時時飛集車蓋，泉民頌歌之。

王仲孝 李構 李行穆

右大曆中任。

薛播 播，河中寶鼎人。開元天寶間，兄弟七人並擢進士。累授殿中侍御史，遷武功、萬年令。溫敏而裕，與人交有常，李栖筠、常袞、崔祐甫並器之。祐甫輔政，拜中書舍人，出爲汝州刺史，坐小累貶泉州。秦系客泉，播！止候，歲時致羊，以陽詹，優禮之，詹繇是知名。再遷至河南尹，以禮部侍郎卒，贈本曹尚書。

丁瓊

右建中中任。

賈系

趙昌 昌字洪祚，天水人。自檢校主客員外郎兼侍御史拜官。鑿塘水灌田三百餘頃，後人爲尚書，民名其塘曰尚書塘。

李堅

席相 相，安定人。以河中府河東令拜官，與姜公輔同時。敷政興文，建六曹都堂，造北樓，請歐陽詹爲記。詹與邑貢士八人將西上，相修鄉飲禮餞送，更選日設譙東湖亭，移已饌，出家醢，將以絲桐匏竹，削桑梓之儀，備賓主之禮。閭里之民莫不艷尚內訟，而暫遷善焉。客姜閱道、裴參和、陳詡，邑人蔡沼，皆獻雅章，侈爲盛事。

裴涇 李震 長孫湛 穆贊

右貞元中任。

王淪 李謂 韋執中 張浮

李位 位，唐宗室。爲湖南都團練判官、浙東都團練副使，刺岳、信二州。寬通簡大，治得中道。得劉向秘書，以能化黃白，日召徒試術，爲仇家上變。就鞠，無事，勅答殺告者，猶降建州司馬。陟刺泉州，會烏獠夷刺殺群吏，毆縛良民，詔以位都督邕州，兼御史中丞，賜紫金魚袋，爲經略招討使。及卒，僚宰庀事，有緹五兩，無金銀泉具，幾不克斂。

韓衢 李桔

右元和中任。

李迥 田謂

右長慶中任。

烏重儒

右寶曆中任。

趙榮 榮自康州刺史拜官。卽郡東南隅瀦洩江水，以肥沃南洋田，民食其利。

張偁 李震 賈繼宗賈一作魯

右太和中任。

崔恭伯 李元宗

韋庸 庸自郢州刺史兼檢校尚書祠部郎拜官，留心民瘼。轉温州刺史、鴻臚少卿。

右開成中任。

蘇球 鄭袞 王固

右會昌中任。

蔣沼 鄭沼 裴煒 薛凝

盧全白 全白自少府少監拜官，轉萊州刺史。其刺泉時，有僧無等居南安禪寺，四十載不出山，使人三請不至，遂造寺禮之，稽首贈詩如夙契，以此知其吏之不俗矣。

鄭孺復 寶師衮

右大中中任。

崔戡 戡自前都坊觀察判官、侍御史內供奉拜官。秩滿當遷，州人詣闕，特留一年。

邵雄 成丕 韋翹 韋簿

右咸通中任。

鄭公緯 裴宗夏 林鄩 廖彥若 彥若爲政貪暴，郡人悉下海避之。

右乾符中任。

王潮

右光啟至景福中任。

王彥復

右景福中任。

王審邽

右乾寧至天復中任。

王延彬 自王潮而下，並見君長志。

右天祐至梁貞明中任。

別駕

馬總 總字元會，系出扶風。貞元中，辟署滑州姚南仲幕府。監軍薛盈珍誣南仲不法，總坐貶泉州

別駕。盈珍入用事，福建觀察使柳冕希旨欲誅之，會刺史穆贊獲免，徙恩主簿。元和初爲泉州刺史，鑿北山下塘灌民田。後以虔州刺史，遷安南都護，累官戶部尚書。卒，贈右僕射，謚曰懿。總篤學，不妄交游，雖吏事倥傯，書冊在前。用儒飭吏，廉清不撓，有政事嘉稱。韓退之爲總作《鄆州溪堂詩序》，稱：「扶風馬公總，爲鄆、曹、溪、濮節度觀察等使，承死亡之後，掇拾之餘，剝膚椎髓，公私掃地赤立，新舊不相保持，萬目睽睽。公於時安以治之。」又曰：「公之始至，衆未熟化，以武則忿以憾，以恩則橫而肆。」以爲赤子，一以爲龍蛇，憊心罷精，磨以歲月，然後致之，難也。及教之行，衆皆戴公爲親父母。」

右貞元中任。

### 五代唐

刺史

王延鈞 王延彬

右天成中任。

王繼宗 王延美 王延武自延鈞而下，並見君長志。

余廷英 李仁遇 王繼嚴 王繼業 余廷英再

任 王繼勳繼嚴、繼業、繼勳並見君長志。以上開闢王氏所授刺史。

宋 初爲節度使，太平興國以後俱知州事。大觀元年陞爲望耶。

知州事一員，通判軍州事、簽書判官、廳公事、節度掌書記、節度推官、觀察支使、觀察推官、錄事參軍、司戶參軍、司法參軍、司理參軍各一員，州學教授一員，監在城稅務文武各一員。

清源節度使

留從効建隆中任，見君長志。

平海節度使

陳洪進乾德中任，見君長志。

知軍州事

陳文顯見君長志。

喬維岳 維岳字伯周。陳洪進納土，以其子爲泉州留後，而以維岳通判軍州事。盜起仙游，衆十餘萬來攻郡城，城中兵僅三千，維岳抗議堅守。既，轉運使楊克讓率兵至，賊圍解。事聞，下詔褒美，遂令權知軍州事。

查元芳 元芳，查文徽之子，休寧人。人宋，爲建州通判。盧絳據歙州，傳檄至建，元芳立斬其使。太祖聞之大說，擢殿中侍御史，知泉州。當月致仕。

林金吾 曾瓌 孫逢吉見福州知州事。

右太平興國中任。

商惟簡 宋惟幹

右雍熙中任。

李式

右端拱中任。

韓崇訓 董儼 張從式 張昭允

右淳化中任。

張從式再任。宿翰

右至道中任。

陳欽祚 楚明

右咸平中任。

曾致堯

韓國華 國華字光弼，安陽人。太平興國二年進士。以太常少卿出知泉州，大中祥符初遷右諫議大夫。四年代還，至建州卒傳舍。國華偉儀觀，性純直，有時譽。子琚、璩、琦、琬皆進士及第，而琦生於泉之官舍。其後琦相英宗、神宗，有定策勳，賜謚忠獻，贈魏郡王。泉人石刻國華、琦像祀府中，而名府治之堂曰忠獻。

右景德中任。

高惠連 舒賁 陳靖見莆田縉紳 秦義

右大中祥符中任。

李允元 陳靖再任。

右天禧中任。

李通 錢昆 王奇 郎簡見福清知縣 方慎言見莆田縉紳 葉賓見仙游縉紳 按賓《墓志》，蔡忠惠襄所作，載

其歷知泉州、臨印南安、永春二縣，兼載其判南安人盜割牛舌事，而泉、興二志遂以賓爲南安知縣，誤矣。

右天聖中任。

鄒覃 蘇壽 曹修睦見建安縉紳。 呂士龍

右景祐中任。

沈周 周字望之，錢塘人。自朝奉郎、尚書司封員外知潤州，移泉。廉靜慎和，而內有守。治取簡易，民有訟者，使還思之，或無可已。泉多盜，官府下令蚤閉門休市。周至，除焉，泉盜亦止。

右康定中任。

江鈞 富嚴 畢慶長

右慶曆中任。

陸廣 湯夏 張肅

右皇祐中任。

蔡襄見莆田縉紳。

右至和中任。

劉忠順 蔡襄再任。 盧革

關詠 詠，□□人，(一)自太常少卿任，改光祿卿、秘書監。泉有番舶之饒，官州者多市取其貨，十不

償一，惟詠與參軍杜絕，無私買，然竟以不察舉他官坐免。

右嘉祐中任。

翟舜中 丁竦

右治平中任。

晁宗恪 宗恪字世恭，祥符人。自朝散大夫，守光祿卿知。修弛廢，督奸強，威信盛行，盜不敢發，獄無繫囚，人安其政，去而思之。

劉襲禮 襲禮自朝散大夫守光祿卿知。始行鄉飲酒禮。

李從周 陳偁兄沙縣縉紳。

陳樞 樞字慎之，湖州長興人。自宣德郎，守尚書屯田員外郎權發遣。爲使去觚角，絀雕琢，敦樸平易，刑寧失罪，惟恐傷人。賦役度所不可蠲除者，然後調發，與民爲期會，未嘗取疾爭先。泉歲凶，樞築室止窮民，饑者給食，病者給醫。使者蒐兵於閩，益廣西戍，樞言：「兵當蒐者，父母老或疾，至無他子，皆可聽免。」詔爲令。元豐元年，曾鞏爲福州充福建路兵馬鈐轄，奏疏曰：「臣所領內，知泉州事、尚書屯田員外郎陳樞，質性純篤，治民爲循吏，積十有五年不上課，故爲郎久不遷。方朝廷抑浮競、尚廉素之時，宜蒙特詔。」有司奏樞課優，進其官以獎恬退。於是，特遷樞尚書都官員外郎，誥曰：「吾寵樞也，以戒奔競。」

右熙寧中任。

陳偁再任。黃伸兄邵武縉紳。 王祖道

右元豐中任。

翟思 朱服 胡宗師 陳康民 陳慎夫 沈邁一作沈

林頤 權知泉州。蘇轍作《告詞》：「祿廩之給，官有常日，俯奉於外，而取逾於法，以致人言，將何以率勸群吏，責之廉節乎？宜罷所領，假守方州，祗服寬憲，修省無怠。」

右元祐中任。

唐炯

蔣長生 長生以朝請大夫知郡。時鄭俠爲錄事參軍，上之書曰：「閣下以不世之才知，加之學問之光明，足歷仕途，名滿天下。二十年間，繁要備更，關陝之雄，湖湘之重，皆按部廉蒞之。在人之賢必舉，在事之重必先。西漢夷羌，南荆蛋獠，嚮服威德，延頸稽首，詠歌頌願，靡不愛戴。是以邸報方傳，人知嚮服。」則長生之爲政可知也。

方天若

右紹聖中任。

江公著

右元符中任。

潘珏

右建中靖國中任。

江穀 郭時亮 陳覺民 兄仙游縉紳。

林伯顯

右崇寧中任。

黃輔國 見浦城縉紳。

邵璫

余清

蔡櫛 見仙游縉紳。

右大觀中任。

陳建 鄭南 蘇燁 見莆田縉紳。

余清

右政和中任。

陸藻見侯官縉紳。

蔡亘 鄭南

右宣和中任。

陳元老

張闡 闡字大猷，永嘉人。有治聲，累官工部尚書，贈端明學士，謚忠簡。

右靖康中任。

梁巖老見永福縉紳。

章思永 方廷賓 謝克家 葉份

右建炎中任。

王辟章陽曲人，王宣中之子。

謝克家再任。

林平之見莆田縉紳。 李芑見閩縣縉紳。

陳戩見松溪縉紳。

連南夫 南夫，湖北安州人。〔三〕後累官按察使，知循州，循人繪像祀之。和議初成，金人歸河南、陝

西故地，南夫賀表曰：「不信亦信，其然豈然？雖虞舜之十二州，皆皆吾有，然商於之六百里，當念爾欺。」

由是得罪。

陳桷兄轉運使。

劉子羽兄崇安縉紳。

趙思誠 思誠字道夫，其先高密人。父挺之，崇寧宰相。思誠與兄存誠相繼登第，俱博雅有遠識。

南渡後，存誠帥東廣，與思誠俱行。秩滿，謀所向，以泉南俗淳，即家焉。後思誠歷中書舍人，以寶文閣待

制守泉。諸子竟居於泉。子棕，係誼，見縉紳。

趙鼎 鼎字元鎮，聞喜人。崇寧五年進士，歷司勳郎官。嘗上言罷王安石配享，後以忤旨出奉祠，歷

知洪州。召拜參知政事，爲給事中勾濤所詆，出知紹興。秦檜往餞，鼎不爲禮，檜憾之。有旨召鼎，鼎至越丐祠，檜惡其逼己，徙知泉州。年餘，安撫泉民。檜諷謝祖信論鼎嘗受張邦昌偽命，坐奪節。又諷御史中丞王次翁論鼎治郡廢弛，命提舉洞霄宮。鼎自泉歸，復上書言時政。檜再諷次翁論其嘗受偽命，乾沒府錢十七萬緡，謫居興化軍。論者猶不已，移漳州，又責清遠軍節度副使，潮州安置。久之，移武陽軍。慮爲秦檜所陷，不食而死。孝宗卽位，謚忠簡，贈太傅，追封豐國公。

林季仲 季仲字懿成，永嘉人。登宣和進士。調婺州兵曹，遷仁和令。建炎初，改官教郎。高宗幸永嘉，趙鼎薦爲臺官。及鼎輔政，累遷吏部郎，尋除太常少卿。秦檜主和議，季仲引夫差勾踐事爭之。鼎罷相，季仲亦出知泉州。

陳彥才 彥才字用中，平陽人。宣和進士。秦檜寓永嘉，彥才與鄰，不謁也。後檜再相，竟以年勞註邑連江。彥才與檜生辰偶同，戲作詩曰：「命賤安能比鉅公，偶然年月與時同。只因日上差些子，甘向連江作釣翁。」後歷徙知泉州。朱文公跋其《述懷詩》，稱彥才「廉靖自守，不肯屈意權門，有省身知足之美。」

#### 富直柔

汪藻 藻字彥章，德興人。父穀，丞晉江，生藻丞舍。藻來守郡，年六十餘矣。陳俊卿爲觀察推官，與藻同時。郡中失火，藻急往視，諸橡屬方出飲，俊卿雖不同飲，顧其興卒實假之行。旣，與諸僚屬皆以後至被詰。俊卿同諸橡屬唯謝而已。後藻知俊卿服勤職事，居恒不赴宴會，怪而問故。俊卿曰：「某不能止僚友之行，忍自解以重其罪乎？」藻深歎服，不可及也。藻博聞強記，寤寐千載，心慕手追，穿貫網羅，推原夫人道德之旨，古今興壞之跡。金華勸講，石室紬書，典冊施之朝廷，樂歌薦之祀廟。領學鴻文，

暴曜一世。

呂用中 用中以右通直郎、直秘閣權發遣。命教授曾繹與鄉士大夫講款鄉飲酒禮。

吳序賓

陳康伯 康伯字仲卿，弋陽人。宣和三年中上舍丙科。嘗與秦檜太學有舊，及檜當國，康伯汨然無求。在郎省五年，始遷軍器監，出知泉州。時海寇間作，朝廷遣劉寶、成閔逐捕，康伯以上意招懷之，盜多出降，籍爲兵。久之，不逞者陰倡亂，康伯訊得，論殺之，州以無事。秩滿，奉祠。檜死，起知漢州，歷官尚書左僕射、同中書門下平章事。高宗嘗謂康伯靜重明敏，一語不妄，真宰相也。孝宗稱其器量比謝安。

葉廷珪 見甌寧縉紳。

趙令衿 見宗室。

林大鼎

李如岡

陳誠之

宋之才

辛次膺

見安撫使。

范如

圭 范如璋 俱見建安縉紳。

鄧柞 見沙縣縉紳。

李澗

右紹興中任。

徐嘉 嘉字古卿。嘗以權吏部尚書使虜，復爲館伴使，虜使不肯以書授中使，嘉徑前敘之以進，虜大沮。高宗嘉之。孝宗卽位，以舊職守泉。最聞，再任。泉人生祠之。進直學士。

劉珙 見崇安縉紳。

陳俊卿 見莆田縉紳。

右隆興中任。

韓仲通 趙子瀟 見宗正。

周葵 葵字立義，宜興人。以參政樞密奉祠，出知泉州。葵立朝時，孝宗銳意恢復，而葵不以亟戰爲是，孝宗獎其直。

王十朋 十朋字龜齡，樂清人。居恒以諸葛亮、顏真卿、寇準、范仲淹、韓琦、唐介自許。繇太學，試策大廷，高宗親擢第一。學士誦傳，擬諸晁、董。與馮方等五人相繼論事，太學生爲《五賢詩》述之。歷官吏部侍郎，力辭。出知饒州，移知夔州，繼知湖州。請祠，起知泉州。割俸錢以創貢闈，朔望見諸生學宮，從容誨誘，詢之政教。賓禮賢士大夫，於知宗趙士葵、郡人陳知柔弟兄，深加敬愛。修姜公輔之墓，立秦系之祠，復韓琦忠獻、蔡襄安靜二堂，皆有裨風教。其爲政，抑強扶弱，公廉率下。吏有不善，反覆告戒，誠意篤摯，人生其耻。爲文勸民，導以遷遠之意。爭訟者，曉之義理，事至立斷，不得已，乃令權鞠，亦不淹繫。未嘗遣官吏至縣，捐利予民，輪租使自概。十朋在泉四月而已，<sup>(四)</sup>去日，老稚越境攀送。後以龍圖直學士致仕。<sup>(五)</sup>泉人建梅溪祠祀之。朱文公稱十朋「疎曠洞達，如青天白日，磊落君子也」。

洪邁見連寧知郡。

施師點

薛良朋

見福州知郡。

周操

汪大猷 大猷字仲嘉，鄞人。以敷文閣待制提舉太平興國宮。起知泉州。海蠻毗舍邪嘗掠海濱居民，歲遣使防之，勞費不貲。大猷作屋二百區，遣將屯留。久之，戍兵以真臘大賈爲毗舍邪犯境，執之，大猷曰：「毗舍邪面目漆黑，語言不通，此豈是耶？」遂遣之。故事，番商與人爭斗，非折傷皆以牛贖。大猷曰：「安有中國用島夷俗者？苟在吾境，當用吾法。」三佛齊請鑄銅瓦三萬，詔守臣督造付之，大猷奏：「法：銅不下海。中國方禁銷銅，奈何爲夷所役？」卒不與。進敷文閣直學士，留知泉州，終龍圖閣待制。落職，南康軍居住。大猷與丞相史浩同里，又同年進士，未嘗輕褻衣裾，浩深嘆美之。

右乾道中任。

蕭國梁見永福縉紳。

張堅

姚憲 憲以參政任。易學宮廟門，修御書閣及諸齋。

莫濟 陳彌作

韓彥直 彥直治泉，始置小學以教民，擇有學行之士二員，職訓導講說。

程大昌 見建寧郡志 趙必愿 見安撫使

司馬伋 伋以寶文閣待制知。居二年，除龍圖閣待制，再任。增飾禮殿，設殿簾，兩廡揭御贊，鉅諸板。修城中坊表百餘，命郡文學陳讜書匾，法曹祝繪爲圖記。

林枏 見莆田縉紳 傅淇 見仙游縉紳

曾逮 鄭丙 顏師魯 見龍溪縉紳

何澹 見攝州知郡 林榮 見福清

縉紳。

右淳熙中任。

劉褒 見崇安縉紳

朱佺 佺奏罷榷鹽，以舒泉困。

右紹熙中任。

謝諤 諤字昌國，新喻人。紹興間舉進士，自分宜縣擢監察御史。光宗登極，獻十箴，累遷御史中丞。尋以煥章閣學士知本州。所著《聖學淵源》五卷，孝宗每對廷臣誦之。又嘗進《孝史》五十卷，詔付秘書省。

書省。

鄧驛 見沙縣縉紳 林思齊

劉穎 穎以中奉大夫、集英殿修撰知郡。以錢米界十五禪寺，使募工開濬東湖，助以壯城卒，因以爲

放生池，凡萬九千餘丈。求石於延平，訪太湖石於故家。取唐以來刺史題名，加刪潤，去繁蕪，屬善士書刻之。

右慶元中任。

倪思見福州知州事。

葉適 適字正則，永嘉人。淳熙五年進士。歷太學博士，除太常博士。朱熹爲林栗所劾，適疏爭，不報。出知蘄州，入爲尚書左選郎官。孝宗升遐，光宗以疾不能執喪，適贊趙汝愚請熹王參決。遷國子司業，力求補外，除太府卿，總領淮東軍馬錢糧。汝愚坐貶，適降兩官，罷，主管沖祐觀。差知衢州，辭。起爲湖南轉運判官，遷知泉州。寧宗朝召入對，見嘉納，進寶文閣待制，兼江淮制置使，累寶文閣學士、通議大夫。卒謚文定。(八)適平生喜讀書，考論古今，品藻人物，不以世務繁懷。名重當世，學者稱水心先生。

章良能 良能以朝散郎知郡。覽學宮十五齋地，增置官書三千五百餘卷。

陳武

右嘉定中任。

陳子冲 子冲以中奉大夫、右文殿修撰知郡。奏除秋糧重稅。

方銓 梁丙

右開禧中任。

章穎 鄒應龍見蔡事始末。

黃中 中字仲庸，平陽人。登紹興第。歷館閣，屢遷起居舍人，兼侍講。出知袁州、泉州，歲餘，罷。以右文殿修撰卒。中學宗廟洛，與朱文公往復辯論，欲實地用工，不徒託之空言。既入，在經筵，前後三十餘疏，傾心忠鯁。魏了翁稱爲古之遺直。

程卓見文提刑。

真德秀見浦城縉紳。

宋鈞見莆田縉紳。

章棟

王棟 棟字子東，文正公淮之子。繇司農少卿出守袁州，秩滿，改知泉州。政尚簡靜，馭吏以嚴。劉希仁

呂午 午，歙人。嘉定四年登第，累官監察御史。言鄭清之喪師挑敵，趙葵不救西淮之急，出知泉州，尋起監察御史，兼崇正殿說書。爲史嵩之所忌，改右正言。議論愈不合，遷起居郎，官至中奉大夫。右嘉定中任。

游九功見建陽縉紳。

王遂見邵武知軍。

右寶慶中任。

方淙 真德秀再任。

吳泳

孫夢觀見建寧知軍州事。

右紹定中任。

葉宰 黃樸

李韶見連江裔派。

右端平中任。

劉偉叔 偉叔以奉直大夫知，兼權福建路市舶。嘗捐公帑錢二百一十萬治廟門、殿廡、講堂。

趙汝騰見宗正。

趙涯 涯字伯泳，臨川人。嘉定七年進士。端平中除監察御史。首論邊防，破王機請和譎詐之謀。歷右正言、起居舍人、權工部侍郎。以集英殿修撰知郡，兼權福建路市舶。尋知寧國府，辭不赴。所著有《春秋集說》、《博約集》。

王會龍 會龍以朝奉郎知郡。與典宗趙師恕率僚屬，偕寓公郡士詣學，行鄉飲禮。除太府少卿。右嘉熙中任。

顏頤仲 見龍溪縉紳。

濮斗南

劉克遜 見莆田縉紳。

陳大猷

趙師耕

韓識 識治泉有聲。

楊瑾 汪應元

右淳祐中任。

趙隆孫 謝享 吳昉

右寶祐中任。

湯舉 吳潔 趙孟傳

趙希憲

李務觀 自安溪知縣陞任。

徐清叟 見蒲城縉紳。

劉師仁 見莆田縉紳。

右景定中任。

常挺 見連江縉紳。

右咸淳中任。

通判軍州事

黃彥臣 見龍溪縉紳。

喬維岳

右太平興國中任。

許當見晉江續紳。

右慶曆中任。

仲安常

杜孝淵 孝淵字全一，□□人。(八)材術疏通，吏事訓練。泉州亂卒屢無禮於郡守，孝淵至，遂不敢驚。提舉市舶，接收舶貨，吏上瑠一匣，曰：「例也。」孝淵厲聲曰：「公則在官，(八)私則在商，何例之有？」

右建炎中任。

吳序實 石令問 朱舜元 陳炎 時升 王易 向湏 林茂

韓習 習字勝非，潁昌人。忠獻公億之孫。判泉，攝郡，會密院起禁卒之戍，卒憚遠行，既出城，謀倒戈。習預知其謀，會劉寶提偏師赴臨漳捕寇，遂假寶兵設伏以待。卒果爲亂，皆就擒，復遣往戍，郡以安。秩滿，寓居於泉。

黃匪躬 鄧杲見沙縣續紳。 趙不系 鄒及 呂一作吳。 大興 徐僎 田昕

右紹興中任。

陳大亨見仙游續紳。 王鞏

右隆興中任。

李端彥 陸濬 馬青年 李榕 黃廷瑞

右乾道中任。

王瑤 顏曾孫 錢從之 林淳

陸世良 世良自旌德尉五遷通判泉州。周必大薦除德安知府，陛辭，言時事者三。官至湖南提刑，尋直秘書，請祠，家居。藏書萬卷，手自校讐。

江文叔 陳實 折知剛 黃瓚

右淳熙中任。

江伯虎 蕭覲

右紹熙中任。

周擢 陳子冲 朱曾

右慶元中任。

陳永叔 周廷藻

右嘉泰中任。

李煥

右開禧中任。

洪杞 陳士表 李楠 石範 何松 康丕祖 施誠一 潘顯伯 林力行 黃孟永 陳實 孫叔謹

見龍溪縉紳。

右嘉定中任。

謝彙伯 許經

右寶慶中任。

徐起宗 陳允協 林公忠

右紹定中任。

孫叔諧 謝溥

右端平中任。

李挺芳 江師心

右嘉熙中任。

張晉之 葉槃 沈愿 任鄧 劉垕

方蒙仲見莆田縉紳。

林公珣見福清縉紳。

方澄孫見莆田縉紳。

右淳祐中任。

趙若恭見宗室。

右咸淳中任。

添差通判軍州事

吳棫兄建安縉紳。

傅自符

李友直

張闡兄知州事。

右紹興中任。

戴溪 溪字肖望，永嘉人。倅郡有名，與太守信安劉穎撰《清源志》七卷，歷官太子詹事。溪立朝雖

乏骨鯁，而爲人純明平易。

右慶元中任。

陳士廉

右嘉泰中任。

趙不撫

右開禧中任。

朱在見建陽縉紳。

李韶見連江縉紳。

右嘉定中任。

林良顯

右寶慶中任。

陳夢庚

右端平中任。

蔡公申 盧同父

右嘉熙中任。

孔萬春 劉如淵 鄭侶 呂潔

右淳祐中任。

簽書判官

劉昂 王化基

右紹興中任。

游酢見建陽縉紳。

傅知柔見仙游縉紳。

黃公度見莆田縉紳。

右慶元中任。

董元龍 陳希黯

敖陶孫見福清縉紳。

方阜鳴見莆田縉紳。

右嘉定中任。

高子昇見古田縉紳。

胡大正見泰安縉紳。

右開禧中任。

節度推官

元規

右建炎中任。

鄭丙

右紹興中任。

鄧驛見沙縣縉紳。

趙必莘

林興宗見莆田縉紳。

林希逸見福清縉紳。

右淳熙中任。

觀察推官

鄭厚見莆田縉紳。

黃學阜

陳俊卿

龔茂良

俊卿、茂良、並見莆田縉紳。

右紹興中任。

李方子見光澤縉紳。 趙宗弁

右嘉定中任。

僚幕、教官賢者附後

陳仁璧 建隆中任錄事參軍。見莆田《陳靖傳》。

陳簡能 大中祥符中任錄事參軍。見閩縣縉紳。

劉克剛 皇祐中任錄事參軍。見莆田縉紳。

徐師仁 大觀中任司法參軍。見莆田縉紳。

李亢 字君超，南昌人。皇祐中爲泉州司戶參軍。郡將貪墨，僚屬皆曲媚厚獻，亢與州帥曹獨無所私奉。將怒且憾。憲使羅承按部至郡，曰：「掾不從衆，爲人可知。」卽拜薦之。

杜純 字孝錫，濮州甄城人。元祐中以蔭任司法參軍。與知州關詠不染蕃舶市物，人亦莫知。後私市者先後敗，獄治多牽繫，獨純與詠無與，而詠猶坐不察免，且檄參對。純憤懣陳書部使者，訟詠冤，詠得不坐。任至權兵部侍郎。

柯述 皇祐間任教授。

錢襄 治平中任教授。俱見南安縉紳。

劉康夫 □□□任教授。（九）見閩縣縉紳。

鄭俠 元祐中兩爲教授，一爲錄事參軍。見福清縉紳。

陳豐 陳謙 蔣離 淳熙中並教授。謙，見仙游縉紳。

許搏 建炎中任教授。見莆田緒紳。

陳覺伯 咸淳中任教授。見長樂緒紳。

林德暘 字景熙，平陽人。以上舍釋褐，歷泉州教授、禮部架閣。宋亡，諸陵被發，德暘痛憤不已，與同舍生鄭樸翁等行拾而收之，語在福州教授《鄭樸翁傳》。又聞理宗顙骨被投湖水，出錢購漁人求之，網遂得，盛以二函，葬於越山，植冬青樹識之，爲之詩，聞者悲焉。

#### 元泉州路總管府

達魯花赤、總管、同知、治中、判官各一員，推官二員，經歷、知事、提控案牘各一員，儒學教授、學正、學錄各一員，訓導六員，石井書院山長一員，蒙古學教授、學正、陰陽學教授、學正各一員，廣平倉監納、大使、副使、平準行用庫提領、大使、副使、豐衍庫大使、副使、雜造局大使、副使、都稅務提領、大使、副使、清源站正提領、副提領、脫脫禾孫、副脫脫禾孫、錄事司達魯花赤、錄事、判官、典史各一員。

#### 總管

朱文選 任本路總管。見莆田緒紳。

倪玉立 字世玉，畏吾人。至正中監泉州。築城浚河，興學校，修橋梁，賑貧乏。考求圖誌，搜訪舊聞，聘寓公三山吳鑒成《清源續志》二十卷，以補一郡故事。郡人蔡玄，年十四，有冲童稱，玉立優禮之，驛置京師，朝授翰林編修。郡人皆勸於文學。

迺穆泰 至正間任同知。見延平路總管。

馬哈謀沙 阿魯溫人。至元十五年任同安達魯花赤。安溪寇攻縣，馬哈謀沙設法捍衛，民賴以安。

復增築學舍，教育生徒。陞本府判官。

烏古孫良楨 至治間任推官。見延平判官。

聞人夢吉 金華人。究心經傳，悉通奧旨，學者爭趨之。泰定中取鄉貢，用薦爲教官，累遷泉州教授。至正中調慶元總管府知事，不出。尋卒。門人宋濂、吳履仁輩私謚曰凝熙。

林泉生 元統間任經歷。

王吉才 至正間任泉州路學正。見龍溪縉紳。

馬合馬沙 任市舶提舉。見福清達魯花赤。

### 皇朝

知府一員，同知、通判、推官各一員，經歷司經歷、知事、照磨所照磨、檢校、司獄司司獄各一員，儒學教授一員，訓導四員，稅課司大使、副使各一員，今革。織染局大使、副使各一員，今革。廣平倉大使、副使、永寧倉大使、副使、晉安驛驛丞各一員，陰陽學正術、醫學正科、(一〇)僧綱司都綱、道紀司道紀各一員。

### 知府

常性 張灝

李鳳 鳳，大同人。在職公清，民信服之。徵輸期會，不督而辦。

胡器 器字士璉，新喻人。以貢授普安軍民府通判。練子寧薦其賢，擢本郡守。革蠹弊，課農桑，修橋渡，興學校。歲時召諭父老，令各教諭其子孫。每判罪，鬱鬱不樂，口：「不能化民，故致此。」倉庫火，

風猛莫遏，器向風稽首，遂滅。召修《永樂大典》，耆老號泣送之。陞貴州按察使。入覲，年七十一，乞致仕。器和厚簡重，言循禮而行有恒。

右洪武中任。

陳立 方圓 姚恕隆順天府尹。

右永樂中任。

魏文昭 曾恪 馮禎

蔡錫 錫字廷予，鄆人。永樂十五年舉人。洪熙初，選授給事中，陞知泉州。興學平賦，奏除洛陽、東山、大橋三鎮戍兵，公私便之。時洛陽橋圯，發故石，有刻文云：「石摧頽，蔡再來。」及錫至，遂捐俸修之。橋跨海中，深不可址，錫檄文海神，遣卒投之。卒曰：「此何能得答信？」醉而卧。寤，視檄，面題一「醋」字。錫曰：「酉月廿一日，是其期也。」至期，潮果不至。橋成，入立祠蔡襄祠旁祀之。國初，衛卒驕悍，城中居民放鵝郊外，卒亂其群，鬭爭入訴，錫詰曰：「汝輩放鵝皆何等時？」卒曰：「蚤食時。」民曰：「某適放耳。」錫別置，日暮而驗其矢，草穀色殊，杖卒遣之，人服其斷。歷官大理卿，出撫湖廣。

右宣德中任。

尹宏 宏字克寬，歷城人。以貢任。歷官廉公愛人，留心教養。在泉撫字益勤，早禱輒雨，歲因以豐。卒於官，泉人號慕，如失慈母，肖像祠之，仍葬其衣冠郡城東，立碑戴德，歲時致祭塚下。

楊文奎 曾弘

熊尚初 尚初，南昌人。以掾舉，授都察院都事，轉經歷。正統末，用薦知本州。鄧茂七徒黨侵掠泉

界，鎮巡檄尚初監軍，不旬日降賊數百。明年，勢轉逼境，郡將危懼。尚初請師未下，自提民兵，與晉江簿史孟常、陰陽正術楊仕洪，拒戰五陵坡，皆被執。屈之不可，逼以貲贖，又不可，大罵死之。孟常等亦死之。郡人祠祀焉。

右正統中任。

胡志和 劉靜

張巖 巖，上虞人。浚市河，通舟楫，毀僧尼廬舍爲社學。豪王大觀不法，巖諭使自新，悉聽命。會石左伯行部至，再以屬巖。大觀出不遜言，巖杖殺之，其子詣闕訟巖，朝廷命按之，人人言太守冤，得釋。移郡荊州。

右景泰中任。

舒瞳

歐陽復 復，桂陽人。景泰二年進士。以兵部郎知州。有媼告婦不孝，復曰：「不供姑耶？」媼曰：「果然，餒日餘矣。」復責婦曰：「何敢餒姑？」婦曰：「餒姑不孝，雖貧何敢！」復陽叱之，密令爲饘食媼，和以桐油少許。媼食，而哇哇有白粲。慰婦遣焉。禱雨不應，審獄囚，釋疑似，遂大雨。復疾，郡人狂走禱神。比卒，立祠與蔡錫、尹宏並祀，曰三太守祠。

右大順中任。

李宗學

徐源 源，巢縣人。大順元年進士。以戶部郎出知郡。創新闢於橋南，修金鷄橋於南安，人名其闢。

與橋曰徐公。

沈海 海，常熟人。成化中進士。敦厚周慎，富於經術。始至，摘發偽造倉印二十餘人，皆股弁。歲旱，禱天，有「願損十年壽，化爲三日霖」之語，雨遂澍應。以艱歸。

陳勉 勉，臨川人。成化中進士。以刑部郎出知郡。捕海寇，禁以水火葬者，剔爬奸蠹，庶民大悅。丁艱去。

馬岱 岱字伯瞻，江都人。成化二年進士。初任戶曹，識鑑精明。至泉，民有數世不葬者，岱諭以禮，旬月葬者千計。僧以尼爲下院，岱罪其尤者，餘以配平民。內艱，解任，行李蕭然。岱剛峭，好面折人過，不避權貴，多招怨憚，守正嫉邪，世人比於古矜。

毛埕

右成化中任。

劉傳

李哲 哲字克明，鄞人。成化十年進士。以刑部郎任。好士愛民，出於誠心，而材足克之。修郡縣學，以作諸生，葺端明祠，以表先賢。他諸橋梁、陂塘之政，次第修舉。

張濂 濂越州衛人。成化十七年進士。以郎中來守泉。廉潔雅正，果於有爲，士民服而感之。

吳晟

右弘治中任。

包溥 溥字民敬，鄞人。弘治二年進士。知泉州，公門如水，庭鮮滯訟。入覲，道卒。所遺圖書敝

衣，人稱包孝廉也。

張津 津字廣漢，博羅人。父鐸，知南安縣。津成化二十三年進士。弘治元年授建陽知縣，書銘於屏曰：「寬一分則民受賜一分，取一文則官不直一文。」里役有逋負鬻妻孥者，捐俸代輸。歲歉，出公帑乞糴他邑，徧詣鄉，聚閱贏虛多寡，量粟口賑。流賊犯境，誓衆死守。賊退，成城備之。丁艱去。後以御史出知郡。劉瑾扇焰，鎮舶人絡繹下郡邑，津用嚴重鎮之。在泉三月，瑾逐不附己者，與許進諸公名並坐奸邪朋黨，矯旨爲民，復三加罰米。後爲戶部侍郎，兼左僉都御史。

程瑄 瑄字德和，歙人。弘治九年進士，除南戶曹郎，以廉稱。出知本府，長於撫民，不尚鷹擊。擢兩浙鹽運使，卒。

葉信 信字中孚，上虞人。弘治中進士。仕大理寺副，爲逆瑾所誣陷，矯詔杖闕下，謫判濟州。再三起，至泉守。時鎮閩每行府，守以下並易章服，解組綬郊迎。閩人據館，守率佐以下人班庭，再屈膝拜，俯伏。閩從凡旁徐起答之。以次畢，守又與佐屬左右侍，得命乃退。小不謹，或拒所括，輒得禍，間至，被逮闕庭杖斃。(一二)至信爲泉守，而某閩至，信四卒肩輿馳甬不下，導呵以入。驛丞用故事唱門下曰：「泉州知府進。」信大怒，迴輿南停，榜丞以十數。丞不勝痛，號呼祈免，一館中無不洒然改色者。閩下階迎信，謝無狀。明日遂去，然猶索例輸千金於府佐。佐自信，取庫金滿千，遣吏齎記與之。閩又大恐，悉謝不受。於是，諸旁府聞之，稍稍梗閩，閩勢大衰息。始，信爲工郎時，同舍郎某以墨聞，信從之飲，醉，沃手，先同舍郎，次信，信詫奉盆者易之，曰：「是污吾手。」同舍郎故善諸閩，至是，乃竟搆信，自泉徙蠻徽，竟敗信於思南。

李銳 向一陽 葛恒

右正德中任。

高越 越，鳳陽人。以御史來守郡。靜默愷悌，有味乎柳子厚《棄駝傳》語。居郡，齋日垂簾焚香，啜菜根而已。濬泮池，通郡城河溝，修飾蔡忠惠、真文忠太守祠。延給諫史於光、行人張岳修郡志。篤禮提學陳琛，琛贈詩三十章以美之。

顧可久 可久，無錫人。好學善文章，工詩。正德九年進士。以行人疏諫南巡，與張襄惠岳同時繫獄。岳見其獄中詩，慷慨瀏灑，無淒楚聲，心服之。嘉靖初起謫籍，以戶部郎出守，問岳何以治泉，岳曰：「民心無常，惟上所感。」可久大喜，曰：「譬之作詩矣，詩因感而成聲，政因俗而成理。」可久治泉，簡而有體，明而不苛，應物無心，咸中節會。岳稱其篤於自信，有循吏風。而陳紫峰琛稱其善政善教，本仁而興理。

屠倬 倬，鄞人。嘉靖二年進士。以郎中出守泉，修飭方正，寬厚公平，吏無敢窺乘。以其兄僑任本省方伯，迴避去。民甚惜之。

王士俊 士俊，安福人。嘉靖五年進士。初下車時，詣學講書，時先子爲諸生講，末勉以王梅溪、真西山之治。士俊首許焉。既，以四事諭俗，爲詩懸之四達之衢，有「親民奚事修邊幅，待士何曾負熱涼？清素每安供具薄，辛勤思累簿書忙」之語。且曰：「而邦事，卽吾家事也。」及家居，屏跡公庭，城市莫窺，鄉人重焉。

俞咨伯 咨伯，平湖人。嘉靖八年進士。以工部郎中出守。始，爲部主事時，疏乞歸養。久之，稍遷

郎中。會建明堂大禮，工役繁興，勦賊暴恣，事多侵阻。咨伯守之確然，被中傷逮繫。事白，復官。咨伯守泉，值郡中春冬亢旱，二麥不熟，海寇警至，船粟不通，躬詣都里，審第賑給，煮粥濟饑之。招誘粟船，每粟商至，就而勞之，皆聞風蠶集，賊亦尋解散，民賴安堵全活焉。

程秀民兄建寧知府

方克 克字惟力，桐城人。嘉靖五年進士。歷知貴溪、桐鄉二縣，並有賢聲，擢南御史。在告幾十年，未嘗輕入公府，數薦乃起。其守泉也，拳拳以德教導民，虛明光大，集衆人之長。陞陝西苑馬寺少卿，致仕。克好學知道，澹於榮進，安慶士大夫稱其剛恕仁威，無愧古人。

童漢臣

熊汝達 汝達，進賢人。嘉靖二十三年進士。以刑部郎中陞任。有摘奸弭亂，保城衛民之績。累官南都御史。

孔惟德 惟德，汝陽人。嘉靖三十二年進士。始下車，每見賓客，立吏兩旁，輒呼曰：「邑子毋請太守毋徇也。」邑人蔡居陽，舊爲汝陽學官，惟德朔望會府佐往謁，（二三）執弟子禮如舊。會不久，去。

周道光 萬慶

右嘉靖中任。

朱炳如 炳如字仲南，衡陽人。爲諸生時，以學行名楚南服矣。舉嘉靖三十八年進士。縣行人擢御史，忤時相，出守本州。單騎入郡，設榻郡齋，携一蒼頭與共卧起，蕭若禪僧也。封內吏民及縉紳先生過之，無不人人推誠。與民務爲便安，其約束僚貳及諸屬縣吏，嘉才而矜不能。簿書之暇，召集父老子弟，

講解六論，躬爲諸生讐經校藝。庚午，科，得錄鄉薦而升禮部者五十八人，首解額者二人，海內稱爲異述。會前所忤相再當路，又以舊憾徙炳如兩浙都運。臨發之日，闔郡攀送，有一儒生涕泣交頤，炳如曰：「吾素無德於君，君胡見戀之甚也？」生曰：「某嘗無罪被譴於前守矣，曾不得比萌隸。我公下車，視我輩子也。感而悲耳。」炳如故慕誦真德秀、王十朋守郡芳躅，人亦謂可配而無媿。累官陝西左布政使。

任汝亮 汝亮，猗氏人。嘉靖間進士，授戶部主事。却羨不受。隆慶初，筦太倉，查盤數折，逮繫獄。抗疏廷辯，中官索賄，奮言曰：「天朝法紀，有賄免耶？」既釋，改兵部，出知郡。大暑，郡門曰：「太守要錢，聽囑者不生還。」鄉里人方仰其風裁會去。初，亮未至郡時，郡苦旱，祈夢九鯉湖，曰：「太守雨，何不悟？」亮至，乃雨。卒後，人有遇亮於武當者。

姚光洋

丘浙 浙，南城人。嘉靖四十四年進士。以刑部郎中守郡。天性樸茂，見小民嘔嘔，然恐傷之。至其執持，強直自遂。屬令墨恣，先令解綬，乃以聞上官。有妖惑民，立夷其丘墓。任滿，室人謫之曰：「何以爲家？」答曰：「久自富矣。」歷官廣西按察使，貧自如。

鄒輝 貢靖國 朱南英 汪道亨 程朝京見右參政。 寶子偶見左市政。 程達

張應泰 應泰字大來。萬曆二十年進士。以南駕部陞任。下車之初，懲民無良，嚴芟治之，邪蠹不能爲害，而善良恃無恐。任數月，會以大計謫。泉人持長旛，書太守功狀，闔郡所以當勉留意，壘石城門，城外之梁盡斷絕之。兩臺使者因爲請銓曹，得降秩，治泉如故。銓曹竟以考功法持之。應泰政事之外，兼有文章，古文詞賦，膾炙時流。

姜志禮 陽思謙 蔡善繼 趙士許

右萬曆中任。

同知

郭伯泰 伯泰，洪武間知建陽縣，廉介明審，愛民好士。東廣有軍旗，道邑上擾民，伯泰執付獄，以上聞。高皇帝嘉之，遣行人賁賜勅諭，勞之酒醴，稱其持法愛民，靡所撓息。陞爲本府同知。

童得富

右洪武中任。

張文郁 李益

右永樂中任。

董儀 儀字尚質，滁州人。愛民下士。卒，不能歸櫬，泉人共葬於郭東。

裘參

右宣德中任。

吳禎 王璣

右正統中任。

謝琛 陳禧

右景泰中任。

李志洪 孔惠

右天順中任。

高祐 祐字天錫，上海人。以鄉貢士授泉州同知。用德義訓誨梗化之民。凶歲貸民粟，山鄉遠者，召良善人總授而分給之。嘗道漳州，宿山間，有負豪家債而憤其逼者，聚千人，期旦日殺豪。豪亦號召爲敵。祐知之，俾館人往諭，片言而散。一日令所部市茶，其人密置銀二錠以進，祐笑却之。丁艱，歸。部民爭携金錢跪贐，皆不受。歷廣平、東昌二府。上海人論其鄉士大夫有「三婦」之喻，獨目祐爲「節婦」云。

胡璉 王恪 鄭亶 畢宗賢

右成化中任。

羅懋 懋，桐廬人。以舉人任。與守李哲同時，事無巨細，協諫可否，惟恐公家之需或缺，閭閻之情，有所不堪。張襄惠論泉二守稱：「五六十年間，耳目所聞見，僅得兩人，懋與李緝也。」

陳旦 梁紉 于茂

右弘治中任。

汪曉 陸坦 麥瑩

李緝 緝，餘千人。弘治辛酉舉人。自濮州知州來任。仁恕果決，以伸釋枉滯，與民省事爲先，詳練世故，人不能欺。民抱牘赴大司，輒號云：「必下吾李二府，非李二府，不如還民牘也。」嘗歎戎伍勾補之弊曰：「今天下兵弛民困。養兵之費，既竭民膏血贍之，復驅彫瘁之民，充無益之數。吾勢與位不能及遠，泉吾赤子也，敢慢視哉！」佐郡及一年，四方戎衛之符至，辨真偽，量遠近，審大家衆寡蘇瘁之數，以權

其當行與否，苟可不行，悉留不遣。民賴以全室家者甚衆。陞魯府長史。

右正德中任。

劉灌 周在 李東 尹嵩

胡文宗 文宗字在魯，廬陵人。以鄉薦授廬州通判，擢泉州同知。博學工文，不涉外事，率其性行，爲政皆絕出時輩上。凡郡務艱遽，與疑獄久不便者，上官常以屬之，文宗剖決無滯。而調浮冗，鋤豪猾，自効尤多。前後在部且十年，銜冷如僧舍。自判廬時，喪其內子，家無媵侍，至終其身。嘗爲詩曰：「自力自隨官舍足，獨衾無愧夢魂清。」泉人上有「三不要」之謠，指其於財、於色、於官也。以給繇歸，棄去不復投牒，當道移文促之，不聽。頃喬稱其「寵辱不驚之節，篤學自信之心，非俗吏所能伍」。

艾儒 周道光

譚維鼎 維鼎，新會人。以舉人知同安縣。時倭寇充斥，多方捍禦，陞本府同知。歷廣西僉事。

右嘉靖中任。

丁一中 一中，丹陽人。少受學唐順之，有名。以貢歷戶部郎，謫倅延平。已，陞本郡同知。用文飭吏，棘棘不阿徇。時朱炳如爲守，一中佐之，政簡年豐。公暇，相爲登眺吟咏，境內名山鐫題殆遍。

右隆慶中任。

陸一鳳 一鳳字子韶，常熟人。舉南畿魁選也。有文學，無俗吏氣。嘗受臺檄，偕諸將夾討海人酋林鳳於廣之惠、潮，大破之，覆其巢，諸將椎牛酒相賀。一鳳曰：「禍本猶在，是且走海南諸國，而同我解。」謀之，果走呂宋國。於是，以重兵蹙之，呂宋果迫逐鳳，有所俘獲上獻。因請得人貢，比於暹、臘諸夷，臺

下議，一鳳曰：「不聞職方氏有呂宋也。奈何以小夷効小順，穢我大鴻臚典？」臺曰：「當如何？」曰：「疆場之利，專之可也。以臺勞取羈縻而已。」諸與議者咸服。而一鳳以功薄當上格，詔賜白金一錠。孫崇禮，舉進士，令龍溪。

程有守 王一言 陳端言 舒琛 姚純臣

楊一桂 一桂，清江人。丞郡九年，宅心平恕，沿海將士或有餽送，一無所取。擢潯州知府。

郭如蘇 張仲孝 萬廷謙 舒有翼

右萬曆中任。

通判

郝中 吳祖淳 胡羽 胡釗

洪葆 葆字子厚，杭州人。廉謹謙退，折節名儒碩士。善歸長官，過則自引，扶弱恤下，如恐不及。卒，官民祠祀之。

右洪武中任。

朱旭

右宣德中任。

朱芳 張駿 王敬

右正統中任。

張軫 許剛

右景泰中任。

趙肅

右天順中任。

張潯 楊清 蕭貴路

右成化中任。

張祐 楊琰 高洪 廖佐

右弘治中任。

謝慶 王稷 余英 郭韓

李仁 仁字元，歙人。領鄉薦，除道州同知，遷本府通判。閩瑾用事，賦役繁興，仁口：「殘民奉上，不忍爲也。」坐逋貸，罰米。民間爭輦輸焉。遷知州。

右正德中任。

胡寧道 李文 柯遷 張檝 唐澤 雲霓 陳堯典 吳嶽 孫繼祿 張于岸 關于政 潘璘

右嘉靖中任。

陳嘉謨

右隆慶中任。

曾球 球，海陽人。繇鄉薦，知南靖縣。當兵燹之後，撫疲民，興學校，葺城郭，皆蒞其役。革白兌以除民害，鑿新渠以灌民田。開濬城濠，〔一四〕引溪流，而東之，墨場等二十四鄉俱沐餘潤。遷本府通

判。

蔡悉 悉字□□，〔二五〕合肥人。以進士，萬曆間任。皦然清節，累官少卿。屢薦不起。

熊煥 何克讚 克讚，龍游人。以恩貢倅郡。謙恭勤慎，雅尚廉平，不欲以功名才諳顯其職。擢益藩審理，

去，郡人惜之。

周溥

歸大賓 大賓，長洲人。以貢士任。貌雍視正，嚴於御下，精於集事。肺石之醵，供輸之羨，秋毫無染。擢濟寧知州。

陸南至 陸鰲來 汪岨 殷光彥 徐敏學

陳賓 賓字□□，〔二六〕滇南人。當官清慎，卒於任，囊橐蕭然。

胡公胄

右萬曆中任。

推官

張時諒

右洪武中任。

劉任

右永樂中任。

董敬 費謹 王溥

右正統中任。

朱賢

右天順中任。

胡傑 吳鏜 柯漢 楊埭

右成化中任。

吳珂 沈鑑 葛瓚

右弘治中任。

沈珂 熊一中 夏麟

右正德中任。

俞璋 張心 徐炤 譚鑑見興化府同知。 胡公廉 張元

葉遇春 遇春，太倉州人。以進士任。介特尚意氣。所延接孝廉諸生，每持藝文質正，則款洽不  
息。勢家干謁，卽上官授之，毋徇也。陞知州去，實左遷云。

顧鏞 郭佳賓 羅椿 袁世榮 歸大道 孫濬 金定 鍾崇文

右嘉靖中任。

李燾 羅文靖見福寧州知州。

右隆慶中任。（一七）

支大綸 大綸，嘉善人。萬曆甲戌進士。同安人刑部侍郎洪朝選者，平生錚錚爲氣節。當張居正誣遼王反時，朝選被命往勘，稍保全之。朝選已家居久矣，居正卿未已，坐朝選「淫色盜賂」，囑閩撫使飲章誣抵之。時來撫閩者爲龐尚鵬，卽以屬大綸。大綸上尚鵬書曰：「蒙發洪某不道款目，命職廉之。當職諷故老，質閑閩，無影響。而怨家姓氏，皆烏有子虛，過承重委，展轉思惟，彌日亘夜，請借箸前籌。彼獻計者類云：分宜之貴也，竟以反坐。迄無後詞，奚有於貳卿？夫分宜柄國亂政，中外側目，僕御充多，資產狼籍，故暗死無詞。今洪家不過中人，門可羅雀，性不近聲色，左右圖史，口談性命，固世之矯矯著聲者也。比淫於色，附盜以賂，爰書則然，乃倚政府，結臺司，譸張變幻，鑪錘所鍊，摧方爲竊，抵金爲礫，坐反唇以大逆，目莞笑爲謗訕。人命至重，鬼神難欺。昔武安侯以酒過殺灌夫，詞連魏其，俄而武安病，呼服謝罪以死。車呂希時宰旨，誣其帥胡舜陟死，不數日，胡白晝報呂殺之。羅汝楫附秦檜，誣武穆，未幾，楫過死，其子願亦擊死於岳祠。王士驪希蔡京旨，殺一無辜婦，士驪陡死，而京及攸、脩皆伏誅。載在汗竹，讀之凜凜矣。卽邇來路楷、趙文華，阿黨分宜，以白蓮教殺沈鍊，以謗訕殺李默，時遷事改，身伏殺人之法，而分宜亦以叛誅。此耳目睹記，安可誣也！彼蚩蚩者又妄謂：分宜事敗乃耳，今茲且有無涯之望，不次之榮，奚沾沾於陳跡爲？夫王如之隙於王敦也，敦欲殺之，無名，以意陰授王稜。稜卽酒中舞劍擊如。反命，其希榮勾遇，謂交手可得。敦乃陽驚曰：『如，吾懿戚也，而稜殺之。』因殺稜以謝。奸雄欺人，背面矛盾，彼二心者，出死力爲奸雄資，徒召禍敗名耳。故守貞蹈義，志遂命立，卽有不偶，天日可明。若前數子者，當其得志，含穢資嘯，奄奄苟全。論定禍叢，百醜群湊，喧妻孥而拙詞，對僮役而赧汗矣。彼其之子，面承風旨，力爲從臾，蓋其心不附仁義，目不知古今，逐金帛而魂迷，競朱紫而神

炫、且不識禍福，又安問名義？此宣尼所爲嘆鄙夫也！浮雲易散，駒隙易馳，膏粱文繡，終饜螻蟻，肌骨毛爪，卒歸糞壤。獨三寸簡冊，皎皎耳目，千古不磨，奈何污之？又聞諸司忿職倔強，議且移牒外郡，以竟斯獄，則又舛矣。祖宗設推官，非若近日之巡承委爾也，念黎庶非法用文，故設法司以平刑天下，設臬司以平刑一省，設推官以平刑一郡。今之推官，溺其職矣，臺司既視推官爲私役而奔走之，推官亦以身爲臺司私人，快其喜怒，罔敢牴牾，然非設官意也。身對大廷，御皇命持平一郡，辟辟有宥，三尺是繩。卽主上有令，義且以死爭之，豈臺司所能他委，外郡所敢擅行哉！天下方廣，萬世方遠，天命民彝，終當顯露，事係紀綱，不敢依違附和，以傷雅化，唯卒全之，勿致紛紛。」初，大綸爲郡，骯髒倔強，若遠於人情然。大綸死，人得大綸書，乃知方正君子也。其時，繼尚鵬撫閩者爲勞堪，不用察訪，直上疏論朝選，逮繫按察司獄。朝選不勝辱，自縊死。二三日矣，尚不出屍，曰：「洪嘗官蜀中，彼有回生藥。」屍出，腐不可斂。於是，閩人人惡堪，益思尚鵬，不知大綸實持之也。然大綸以不能俯仰，竟亦浮沉於下位。

習孔教兄邵武同知。

陳繼疇 李恒春

劉純仁 純仁字元之，武進人。萬曆壬辰進士。治獄小大以情，耻爲深刻。以疾卒官。劇時，屬邑致餽，猶手答峻卻。祀名宦祠。

卜履吉 李良棟

顧大章 大章，常熟人。丁未進士。溫厚明恕，好善如不及。天啟中爲魏璫所阮，下獄死。泉人冤之，竟得贈祀。

伍維新 沈振龍 丁明登

右萬曆中任。

首領、教官賢者附後

顏賢 同安人。洪武初以秀才舉，授府司獄。郡人翁彥立繫獄，通判胡釗以私憾授意命囊沙壓之，賢正色不應。有卓六秀者，與其黨八人皆有罪，獄未成。一夕，獄舍鄰火，郡守欲坐以因火反獄，而盡殺之，賢復力拒，守慚而止。賢於獄囚，貧餓者輒給之食，每重囚引決，必詣謝乃去。

歐陽初 字遂初，潮陽人。洪武中教授。教先德行，後文藝，一時出其門者，多矜名節。滿考，改柳州，卒。

黃結 字資友，東莞人。以鄉薦就大河教諭，轉泉州教授。肆力書史，兩預考官，權貴以厚貲爲子關節，且許薦爲御史，結斥絕之。其設教嚴立科條，士多激發。擇穎敏者，授以《春秋》，後皆得雋，泉中始有《春秋》學。九載，赴銓曹考，天下教授學行第一，擢遼府右長史。丁內艱，服除，岷府卒。

林瓚 新會人。弘治中爲漳浦教諭，歷泉、饒二府教授，人多稱之。陞國子助教。

潘援 字匡善，景寧人。正德五年教授。潔介有文譽，歷國子監丞，爲祭酒所重。陞中書舍人，以年及致仕。

紀曰舉 廣永豐人。弱冠應貢入太學，爲大司成王道所知。及道爲少宰，拔授縣令，乞爲教職，改授本州。居六年，教行道尊，當道薦剡無虛歲。

唐堯賓 華亭人。嘉靖間教授。博學好禮，善與諸生講論。覽觀禮器，周視廟堂門途，得其濫脫圯剝，與夫隳剝不全不固者，以次治之。高翔水之梁，以出痺洳，而欄其四旁，表門外之樹塞，以起人學鼓篋

之心。堂上丹黝，煥明改觀。日課月試，舊待諸生集始索几於衢路，堯賓與設坐憑之具，不移而足。闕王忠文《夫子泉詩》，以存先烈風跡，約其費不少矣，而皆出於自俸。擢上猶知縣。

殷伯固 隆慶初以南靖知縣調任。見南靖縣志。

區鶴鳴 南海人。萬曆中以舉人歷南安教諭，改浦城。雅度清修，時學政嚴切，鶴鳴獨用寬大，培植士氣。陞本府教授。

葉滋 蘭谿人。萬曆間教授。有學行。

謝薦 應城人。萬曆間教授。古行古心。

高紹孟、林文玉 國初訓導。有政聲。

黃玄 國初訓導。見將樂縣志。

葉禎 永樂中訓導。見惠安縣志。

梁秦 嘉靖中任訓導。見永春教諭。

〔校記〕

〔一〕「司兵參軍事」，各本原作「司兵錄軍事」，據明朝官制改。

〔二〕〔七〕「人」上，各本原闕二字。

〔三〕「南夫」，各本原作「連夫」，據本書體例及上下文改。

〔四〕「十朋」，各本原作「十月」，據文義改。

〔五〕「龍圖」下，當脫「閣」字。

〔六〕「謚文定」，各本原作「謚忠定」，據《宋史》本傳（中華書局一九七七年點校本）改。

〔八〕「公則在官」，各本原作「公在則官」，據文義改。

〔九〕「任教授」上，各本原闕三字。

〔一〇〕「醫學正科」，各本原作「醫科正術」，據明朝官制改。

〔一一〕「豐」，各本原作「荒」，據文義改。

〔一二〕「杖斃」，各本原作「斃斃」，據文義改。

〔一三〕「惟德」，各本原作「汝陽」，據文義改。

〔一四〕「濠」，各本原作「濠」，據文義改。

〔一五〕「字」下，各本原闕二字，《明史》本傳作「士備」。

〔一六〕「字」下，各本原闕二字。

〔一七〕「有」字，各本原脫，據本書體例補。

閩書卷之五十四

文蒞志

泉州府 晉江縣 南安縣 惠安縣 德化縣 安溪縣(二)

晉江縣

唐上縣

令、丞、主簿各一人，尉二人，經學博士、助教各一人。

令

趙頤正 頤正鑿溝，通舟楫至城下，民德之。

右乾元中任。

蕭弘時唐文宗物色母皇太后外家，弘自稱爲太后親，驗之莫實，遂還本貫。恐弘即縣人也，故《新唐書》有「泉州男子」之文。

右開成中任。

尉附

趙驊 字雲卿。玄宗朝與李華、蕭穎士、邵軫未冠游太學，苦貧共敝，後皆登科。安祿山之亂，驊與

華並陷賊，受僞署，貶晉江尉。後召拜補闕、御史。李華寄驛詩：「世路墜橫流，與君哀路窮。相顧無死節，蒙恩逐殊封。天波洗其瑕，朱衣備朝容。」

### 五代

陳洪濟 洪濟，（一）初令同安，繼令晉江，皆興學以教士。

### 宋望縣

知縣事、丞、主簿、尉、石湖四縣巡檢、（三）石井鎮巡檢、監石井鎮各一員。

### 知縣事

曾淳

右太平興國中任。

史居方 居方，故爲晉江尉，期月政成，轉運使以上聞，朝命卽令知縣事。

右雍熙中任。

韓洞 常正辭

右淳化中任。

楊士衡

右至道中任。

李旦 裴曉

右咸平中任。

鄭夷 簡成範

右景德中任。

史程 樂至 張祐之 臧制

右大中祥符中任。

丁文熙 吳世範

右天禧中任。

王植 郭周 許因其 王寶臣

右天聖中任。

張從善 童穎

右景祐中任。

宮世隆

右康定中任。

黃展 周舜卿 丘穎

右慶曆中任。

王宗士

章拱之浦城人。在任不法，守蔡襄按以贓罪，坐廢。其弟望之訟寃於朝，又造襄《乞不立厚陵爲皇子疏》，刊板印集於祖藍，中人得之，遂下乙覽。英宗大怒，襄幾陷不測，韓琦、歐陽修爲力救，襄不自安，乞補外。

右皇祐中任。

黃從政 皇甫常 王克 李恂

右嘉祐中任。

張詳

右治平中任。

危雍見邵武縉紳。 李川 方晞道

右熙寧中任。

蔡謹 方次彭見莆田縉紳。 何甫 陳毅

右元豐中任。〔四〕

吳翹 戴安仁 王昌彥

右元祐中任。

毛淥

右紹聖中任。

魏敷

右元符中任。

黃洵美 蔡圭

右崇寧中任。

何廷堅 劉廣 陳戩

右政和中任。

方彌道 李科

右宣和中任。

蔡榷 陳惟剛

右靖康中任。

孫點

右建炎中任。

閻益 張應辰 洪元英

傅佇見仙游縣志。

陳廷圭 詹好信

張嘉賓

李綸見僑寓。

葉棻 陳升

卿

廖過 方蒸 葛元隨

黃彥輝見莆田縣志。

李恂見龍溪縣志。

傅佇再任。

右紹興中任。

余善言

右隆興中任。

顧澣 黃中立 侯彥準

右乾道中任。

林湜見延平府志。

李潮 張紹 林掾 蘇邛 余唐叔 趙師碩

右淳熙中任。

方蒸再任。

右紹熙中任。

趙師諱 林偁

右慶元中任。

潘文煥 柯謙宗 鮑華 陳岷 趙公鹵 鄭閏 曾噩 陳琰 徐叔川 江公宜 姚自

右嘉泰至嘉定中任。

林子升 戴棟 黃渠 鄭鼎新見仙游給紳

右紹定中任。

陳義和

右端平中任。

林躬行 朱景彝

右嘉熙中任。

林奭 陳士謹 丘元龍

右淳祐中任。

丞、簿、尉賢者附後

詹體仁 乾道中任丞。見崇安給紳。

宋均 紹興中任尉。見莆田給紳。

林天書 咸淳中任尉。見福寧州緒綽。

元中縣

達魯花赤、縣尹、縣丞、簿、尉、典史、儒學教諭各一員，巡檢、鹽場司令、司丞、管勾。員數未詳。

陳駭 至正間任尹。

葉謹 金華人。元貞間任簿。明達恬進取，卓然有立，知交皆四方名士，所至以教養爲務。

蔡嗣宗，尉縣。見閩清縣志。

皇朝

知縣一員，縣丞、主簿、典史各一員，儒學教諭一員，訓導二員，祥芝、深滬、圍頭、烏滬四巡檢司巡檢、福全倉副使各一員，稅課局大使一員，今裁革。河泊所河泊官、潯溪、涵洲二場鹽課司大使、副使各一員。副使革。

知縣

韓居庸

右洪武中任。

董淳 宋仲祥 劉安

右永樂中任。

劉珪

右宣德中任。

陳綱

徐瑛 瑛，杭州人。汀寇作亂，寧陽侯統軍駐延平，檄調晉江民兵，瑛詣軍門陳利害，得免調。及保定伯統軍至泉，從容酬應，民無所擾。

右正統中任。

卜從吉 張迪 龍祥

右景泰中任。

胡晏 何以源 蔣濬見漳州同知。

右天順中任。

周瑛一作英。 陶慶

吳雲 雲字民望，華亭人。以監生任。爲縣三載，卒官。其治寬大平易，要在有實惠於民，而不爲一切之政。蔡文莊清銘其墓。

右成化中任。

鄭瓘 瓘，番禺人。景泰丙子舉人，授豐城縣，以憂改任。平易廉恕，推誠待物。賊溫文進來寇，府寮閉門震恐，瓘討平之。九載秩滿，民詣闕再留三年，陞杭州府通判。

鄧怡 嚴謐 宋綽 劉清

右弘治中任。

龍宣和 張熙 黃廷玉 沈松

右正德中任。

梁景行 景行任令，以艱去。既服闋家居。巡撫應天都御史吳廷舉薦其究心理學，篤行古道，居官馳良吏之譽，處鄉存儒者之風，乞不次顯擢，以勸賢者。朝旨命吏部召用之。

張文宿 文宿，泉州隆慶黃光昇志載其貪虐之跡，而萬曆杭州本賈陳善志其美，謂晉江險惡難治，姑兩存之，無令獨蒙惡聲，亦毋令漫掠虛譽云。

錢梗 梗，山陰人。以進上任。精明敏決，大造黃冊，善搜積弊。陞刑部主事。

韓岳 鮑龍 汪宗之

宋大勺 勺，餘姚人。愛身潔己，不以非禮自污。與民接，歷腹披腎，語盡而情忠。

宋綱 見布政使。

錢之選 之選，字舜臣，常熟人。嘉靖庚戌進士。聰敏善摘伏，彈毅有執。海寇報警，捐俸募死士訓練之。自奉修約，膏公出兩月餘，鎖衙，計日蓄薪米，妻子不免寒突。竟爲怨家所中，調去。士民留衣冠祠之。

盧仲佃 仲佃字汝田，東陽人。嘉靖丙辰進士。善爲民建白興除。時倭寇猖獗，有鎮曰安平，人居稠衆，故乏城守，仲佃與鄉紳柯實卿倡築。上司以軍興乏餉，議弓兵加征，置官榷稅洛陽橋，仲佃再三爲民請命。以拾遺調福安令。時縣城新陷，積骸彌野，仲佃改築城壕，與民守之。明年，倭又薄城，仲佃携三千時時登陴，民益有固志。擢南刑曹。去，泉、福之民俱生祠焉。

鄧洪震 譚啟 見副使。

右嘉靖中任。

羅名士 名士，光州人。嘉靖乙丑進士。廉明愷悌，銳意拊循，有利於民，違上不恤也。

黃金色 曾士楚

右隆慶中任。

梁必強 彭國光

鍾允復 允復字大享，南昌人。古心古行，無赫赫稱，而潔守淳政，不以歲月程功。丁艱，歸。服闋，補武進。復丁艱，恬不仕。久之，朝議起南京禮部郎，以旌亮節。竟不久辭歸。

沈天啟

應朝卿 朝卿字行叔，臨海人。萬曆己丑進士。初授建安，調繁。爲縣愷悌明敏，小民得盡其情，清節自勵，不矜詞色。間擢御史，歷官按察使。

徐兆鼎 顧士琦、王繼賢 李待問 陳之清 吳姓 張履端

右萬曆中任。

佐貳、教官賢者附後

邢宥 天順中任丞。見巡按。

王德明 蒙城人。萬曆末任丞。禮賢下士，終日無倦厭。去，官民閉城門扳留之。

史孟常 正統中任簿。從知府熊尚初勦賊，死事。

鄧季綬 南昌人。正德中任簿。前簿何讓大肆虐民，季綬至，一以慈易爲治。歲饑，承檄閱視，季綬

報云：當免全征。尋以失實坐罪，退，悒悒不樂，以語其子曰：「二月賣絲，自忍心頭之痛，宮中飛雪，誰知外邊之寒。始信高士不肯爲是官也。吾去矣。」

王敬 襄陽人。洪武初爲晉江教諭。有學行，釐正學宮，作新士習。

朱文簡 字元可，樂清人。爲諸生時，以古道自勵，其郡太守稱爲當世人物。正德六年鄉薦，掌晉江教諭。陳紫峰琛贈之序曰：「樂清墨溪朱先生，人中之賢者也。余愚且訥，不能爲過情之譽。至論及墨溪，則稱之曰：『廉潔可以激貪，仁厚可以敦薄，真素可以人誠，恬退可以止競。而又耽書若炙，好賢若渴，達有深識，洒無俗韻。』後遷增城令，名廉吏。」

李衡 吉水人。以萬曆中舉人任教諭。溫有雅文，式誨多士，多士翕然從之。終大理寺評事。

林騰鵠 萬曆中任教諭。見永安縣志。

楊曜宗 洪武中任訓導。見本縣志。

霍球 字廷獻，南海人。正德六年以舉人署晉江訓導。性度坦夷，行如其學，月按期課士，經年不倦。與泉士大夫過從，〔五〕講德之外，無他也。陞武陵知縣。

李一穢 程鄉人。萬曆末以貢士任訓導。慷慨高明，學問淹貫，卓然有志於聖賢之道。

### 南安縣

宋中縣

知縣事、主簿、尉各一員。

知縣事

姚宗古

右太平興國中任。

趙利先

右端拱中任。

段用成 李陟 舒雄

右淳化中任。

王九思 黃龜長

右至道中任。

杜明

右景德中任。

劉悅 杜惟則 李仲昱 楊吉

右大中祥符中任。

張嵩 周興讓

右天禧中任。

陳統

右乾興中任。

沈宗爽 葉賓見仙游縉紳 魏幽求

右天聖中任。

林徽

右明道中任。

張範

右景祐中任。

王演

右寶元中任。

夏化育 周備 董壽

右慶曆中任。

虞肇見邵武縉紳 陳元 張應符

右皇祐中任。

張藻

右至和中任。

陳慶 孫甯麟 王宗愿

右嘉祐中任。

劉元卿

右治平中任。

魚康伯 林昌符

龔原 原字深之，遂昌人。少與陸佃同師王安石。進上高第，仕終知亳州。淳祐志稱原先朝直臣。

右熙寧中任。

劉說 黃彥臣見龍溪縉紳 呂防

右元豐中任。

江與幾 黃中

右元祐中任。

惟官方

右紹聖中任。

朱敏修 曾昇

右崇寧中任。

陳升

右大觀中任。

黃厚智 滕蕤 朱遇 黃大名

右政和中任。

江祐之 段彥弼 丘之立 張登 余通 劉孔修 李造 張端 余武弼見興化縉紳 馬陞 李恂

曹綺

右紹興中任。

王少愷

右隆興中任。

陳滋

鹿何 何爲令，有政績。

朱端子 趙伯璟

右乾道中任。

朱文伯 柯岳 張竦 劉拯 陳大亨 施譽 趙師暄

右淳熙中任。

趙善箋 顏質

右紹熙中任。

葉元泌 林轟

右慶元中任。

楊注

右嘉泰中任。

鄭康成 陳介之 林迪一作迥

右開禧中任。

方阜周 趙汝恣 林拱之 鄧樸 紀徽 王彥廣

右嘉定中任。

毛淮

右寶慶中任。

劉琪 梁三聘 徐鹿卿見宣撫司幹辦公事。

右紹定中任。

余百祿

右端平中任。

趙時膏 薛季良見興化縉紳。

右嘉熙中任。〔六〕

林躬行 趙縝夫 葉同 趙崇璣

右淳祐中任。

余仕明

右咸淳中任。

簿、尉賢者附後

林從周 海陽人。景德二年進士，授南安簿。日持手板，與刺史侃侃辨曲直。主計者聞其材，檄蒞

劍州銀冶。累度支郎、提點浙東西刑獄。

謝履 嘉祐中任簿。見惠安縉紳。

龔茂良 紹興中任簿。見莆田縉紳。

楊翊 天聖中任尉。見浦城縉紳。

葉立志 淳熙中任尉。見仙游縉紳。

元中縣

達魯花赤、縣尹、縣丞、簿、尉、典史、儒學教諭、巡檢各一員。

張夔 □□間任尹。〔七〕下車修作治署。明年，父老造庭請曰：「是邑創始於晉，迄今千穰，治所久廢。父母我邦者，率給事郡中，官弗寧而邑遂墟，環縣之水亦失故道。公既復治署，百廢興舉，水尚汨行，惟公圖之。」夔出私俸興起其事，闢湮決室，堰抑插節，悉礮石建治，負郭之田，賴無旱潦焉。黃貞仲作記，比於西門、鄭國。

迺穆泰 見延平本路總管。

鄭杓 泰定中教諭。見莆田縉紳。

皇朝

知縣一員，縣丞、主簿、典史各一員，儒學教諭一員，訓導二員，澳頭巡檢司巡檢一員，今改石井。

康店驛驛丞一員，陰陽學訓術、醫學訓科、〔八〕僧會司僧會、道會司道會各一員。〔九〕

知縣

王罕

右洪武中任。

羅安

余慶 慶字原善，新會人。以監生任。革奸弊，均徭役，修縣治，興學校。縣有海蕩，被水衝決，懸浮糧千餘石，皆諸里胥釀私財抵賦，慶奏免之。

右永樂中任。

葉政 吳淵 尹瑤

右宣德中任。

曹盛 俞宗玉

右正統中任。

唐斌

右景泰中任。

鄒璉 璉，吉水人。以舉人任。作新學宮官舍，拓治壇社坊額，興修水利。雖坐累去，官人無浮言。

右天順中任。

吳俊

張鐸 鐸，博羅人。以監生任。省冗費，均徭賦，懲武斷名猾，吏胥無所得夤緣。致仕歸，民遮留之，重違其意，復居數月，乃去。子津，泉州知府。

馬燧

陳廷忠 廷忠，建德人。以監生任。剛方清慎，先嚴後寬，蔡文莊清引子太叔，「悔不用子產」言以美之。

右成化中任。

黃濟 濟字翊時，臨川人。以進士任。公清廉平，人莫敢干。增選生徒，訓誨造就。有冤獄，立辯之。南安爲都四十有八，而四十都則濱於海，宣德以後民適過半，圖不滿，戶不滿三十，田地日荒，鄰壤豪強乘間兼併，有輸之糧僅百，無輸之糧百三十有奇，而皆三十僅存之戶爲之代賦，民病已久。濟多方招徠，按數核實，使逋民無不復，復無不田，田無不賦，賦無不均，駸駸洪武之舊。居三年，召爲太僕丞。

沈誠 誠，常熟人。以舉人任。禮士愛民，有古循吏風。李倫九者，素作賊，爲鄉里患苦，鄉人縛赴誠。倫九曰：「我無賊也，何害。」做賊四十年，脫獄屢矣。與諸君詣沈公，自見寬耳。」誠立抵於法。鄉人大快：「我公仁也，而且有勇。」

周鶚 王冕

右弘治中任。

洗文淵 文淵字希哲，順德人。以舉人任松溪教諭。清苦方介，與邑宰陳槐同官雙美。擢知南安。每食必置苦瓜，曰：「吾敢忘此味乎！」時劉瑾之使旁午郡縣，文淵自桎項，爲民請罪，故他縣騷然，南安獨賴以免。遷南昌通判。知宸濠將反，投檄歸。南安人有言洗令之賢者，無貴賤賢愚，皆欲致之於堂，以祖考事之。

楊濂 張直 周銘

右正德中任。

顏容端 容端(一)字佐嚴，廣長樂人。以進士任。講王文成之學。邑有高士黃淑清，容端禮重之。

陳楚華 王佐 王訓 蕭珩 孫憲 梁彥錦

唐愛 愛字有德，嘉定人。以進士任。縣壤地瘠下，歲復以役戶千餘金供他縣，而他縣賦田率蔽以鹽戶，而冒獲捨。愛清理鹽籍，使他縣賦田無所蔽。縣歲供嘉禾軍將吏糧八千石，踰險而輸，每後期。有稱攬頭者，乘而寵取其價，歸以與軍，大抵民出其十，軍得五而已。愛請上官量輸米，足數月，餘俱定價，官徵之，按月給發，如倉部例。縣無田而賦者多也，歲受箠械，莫能得其升畝之人。愛履田度地，平除虛稅，跋跂阻深，芟草而舍，糴餼而餐。縣有姑婦相依陳氏、黃氏，無男女而寡，慈孝聞於人，愛躬至門，獎以禮，歲時遺米肉。樂聞已過，喜拔英俊，有非禮相干者，望其門則自止。

伍閻 蕭可教 涂光裕 夏汝礪見福寧知州 蔣自觀 甘宮

右嘉靖中任。

丘凌霄 黎派

右隆慶中任。

梁幹

尹貞度 貞度，龍游人。存心長者，既去，邑人碑之，稱其以不忍人之心，行不忍人之政。

劉良佐 係嗣興 陳秉浩

蔣如京 如京，武進人。以舉人任。邑治舊有譙樓當前，形家謂其壅蔽，官多不得美遷，如京撤新之，自是良牧輩出。邑南金鷄橋久廢，如京修治，以興文事。

袁崇友

蕭應鳳 應鳳，江陵人。有詩名，楚人稱爲才子。不久，卒官。初，以羅田教諭，爲福建同考，所得皆知名士。〔一〕

張國維 周紹祚 郭一輪 史孔吉 趙時用 吳廷諫

右萬曆中任。

佐貳、教官賢者附後

胡復 績溪人。永樂間以太學生任丞。嘗委督八都糧儲，不刑而事濟。秩滿，民請留。事聞，擢知縣。

馬一洪 仙居人，吏也。嘉靖中任丞。海巨寇曰阮共寶、四師老、林剪毛者十八種，爲患閩浙交廣間二十餘年。守程秀民廉知一洪賢，遂以尹缺使專邑政，託以討賊事。一洪親督舟師破阮賊於小礬南岸，獲三舟，俘徒數十。賊退草嶼，復爲風浪所擊，一洪悉衆攻之，阮賊授首，餘黨盡沒。未幾，晉江石湖、蚶江復報寇至，守復以命一洪。一洪夜赴其難，斬首二十餘，焚其四舸，賊始遁去。上官旌之。

包原明 臨海人。宣德元年以舉人爲本學教諭。學問淵深，誨訓不倦，捐貲勸義，修建廟學。陞吉安教授。

彭顯烈 廬陵人。天順四年以儒士任教諭。學問優長，訓迪有方。

曹環 巢縣人。正德八年以舉人署教諭。學有蘊藉，教務根本，而尤嚴義利之辨。

區鶴鳴 隆慶中任教諭。見本府教授。

劉若侗 萬曆十一年任教諭。兄壽寧知縣。

傅仁 永樂二年任訓導。見本縣縉紳。

郭器 歸善人。天順元年以舉人任訓導。文章典實，善於訓誨。

戴魁 天順二年任訓導。見莆田教諭。

陳恩 東莞人。弘治二年以舉人任訓導。學行充美，誨誘甚勤，生徒畔教者，必峻責之。

李滌 四會人。嘉靖三十六年任訓導。端軌率物，捐俸以助貧士。故善人書，有求書者，輒作「改過爲善」四字與之。

### 惠安縣

宋 望縣

知縣事、丞、主簿、尉、小兒巡檢、監稅務各一員。

知縣事

崔某

右太平興國中任。

胡緯

右端拱中任。

杜從善

右淳化中任。

王諫

右至道中任。

許載 胡克順

右咸平中任。

孔好言 周航

右景德中任。

張愈 包令儀

陳執中 執中字昭譽。以父恕廕來任。清謹無私謁。有《縣齋詠梅詩》，後人作見梅亭記之。仕終

丞相，謚曰恭。

右大中祥符中任。

鄭炎 錢喆 張仁術

右天禧中任。

李旼 旼，蜀人。張詠知益州，選旼諸生中，授以文學，遂知名。以大理寺丞來知縣。下車改作廟學，建城隍廟縣東偏，以固形氣。政尚簡靜，嘗作《縣居詩》三十首。

陳宗奭 陳鑄 楊伉

右天聖中任。

侯敏 謝忠恕 牛日新

右景祐中任。

張諤

右康定中任。

鮮于亨 曾楷

右慶曆中任。

辛終吉 賀僅

右皇祐中任。

燕叔達

右至和中任。

崔彥昇 張蓋

右嘉祐中任。

路載

右治平中任。

李民中 蕭闢 吳克 馬康侯

右熙寧中任。

周嵩 張極

右元豐中任。

袁符 宋觀

右元祐中任。

李絳

右紹聖中任。

崔登

右元符中任。

洪中 陳惟中一作仲

鄭疇

右崇寧中任。

呂深

右大觀中任。

徐楫 呂一作吳 偉明

右政和中任。

謝仲逸 呂若常

右宣和中任。

周志行

右靖康中任。

陳範

右建炎中任。

張木

李廣文見古田縉紳。

彭元達見侯官縉紳。

陳安國

胡適

陳亮

作璞。

歐陽曄

高維寧

李軫

林昌言見福清縉紳。

陳承符承一作夢。

陳荷

陳宣

右紹興中任。

朱登

丁康臣

康臣先知青田，繼來蒞縣，值王十朋爲守，每至郡，必與十朋講論民間利害。十朋甚善之，

特薦於朝。其爲政也，嚴明爲本，濟以廉平。催科不擾，辨居衆先，民無冤訴，訟牒衰止。

陸俱

陳珣

吳驥

黃邁

右乾道中任。

魏鈞

陳子昕

蔡易

鄭揆

王聰

陳匪白

丁邦友

右淳熙中任。

周震

震爲縣，有善政，嘗以春月勸農，至華林寺作詩一篇，惠人傳之。

右紹熙中任。

鄭少魏

余宋興

龔最見莆田縉紳。

右慶元中任。

趙彥越 呂敬宗

右嘉泰中任。

黃之仁 張仕炳 鄭舉之 劉衍 陳宿 陳沂 史彌忞

右嘉定中任。

鍾彌邵

右寶慶中任。

張豹變 曹南老

右紹定中任。

鄭良翰

右端平中任。

鄭清子

右嘉熙中任。

余薦鶚 趙與官 黃愷 趙時銑 陳緩 作綬。

右淳熙中任。

趙汝稟

右寶祐中任。

丞、簿賢者附後

葉湜 紹定中任丞。見甌寧縉紳。

上官端義 任簿。見邵武縣縉紳。

元下縣

達魯花赤、縣尹、主簿、尉、小兒、塗嶺巡檢、龍山驛提領、鹽場司令、司丞、管勾、儒學教諭各一員。

雷機 任尹。見建安縉紳。

陳信惠 任尹。見晉江縉紳。

雷燦 任塗嶺巡檢。見建安縉紳。

要束木 見惠安方域。

皇朝

知縣一員，縣丞、令裁革。主簿、典史各一員，儒學教諭一員，訓導二員，小岙、峰尾、獺窟、黃崎四巡檢司巡檢、崇武倉副使、錦田驛驛丞各一員，河泊所河泊官一員，令革。惠安場鹽課司大使、副使各一員，副使革。陰陽學訓術、醫學訓科、僧會司僧會、道會司道會各一員。

知縣

宋敏中 敏中，濟寧人。縣當殘暴之後，撫字得宜，民以寧靖。卒於官。

陳葵 葵，鄞人。儒學聞時，洪武初被薦，召見。太祖問以政事得失、民間利病，稱旨，授本縣知縣。能績著聲。

時汝楫 羅泰

安景賢 景賢，三河人。剛毅果斷，判決無滯，民頌之曰：「安公視民如其子，不怠不荒邑之主。」陞蘇州同知。

閻宏 宏，安邑人。以耆儒舉。崇禮尚文，田野闢而吏案清。卒官次。

吳克剛 克剛，上虞人。以賢良方正舉。寬仁明公，清操推第一。人覲，卒於途。百姓聞之，莫不感泣。

馬靖

陳永年 永年，新淦人。以給事中調邑。里螟螣爲災，禱於城隍，鵲鵲蔽空下，群啄食之，歲以有秋。太守胡器暨諸名士有文紀其事。

右洪武中任。

高顯

右宣德中任。

閉禎 禎，橫州人。以監生任主簿九載，邑人赴部使者乞留，遂陞知縣。禎既久任，習知邑事，枿楊不試，教化自行。沙寇掠郡，大兵南下，備禦備餉，綽然不勞。又九年，致仕，蓋先後十八載矣。

右正統中任。

王覽 覽，陳留人。以舉人任。至官，首詢民瘼，興學課農，愛民如子。天順二年亢旱，苗枯，覽憂形於色，潔齋精禱，秋乃大穫。次年，禾稻將熟，颶風大作，仍祝於神，其風遂息。丁艱去，民碑之。

右景泰中任。

蔣怡一作怡初。

趙鐸 方文

康永韶 永韶，祁門人。旁通百家，尤邃天文。以舉人擢御史。疏內政，劾馬尚書不法，因忤權貴，謫知福清縣，復調順昌、惠安二縣。爲人剛果嚴密，鋤強綏弱。在福清，盜賊屏息。在惠安，有賑饑功。以善天文，召爲欽天監正。奏六月當雨雪，賜幣旌異。歷禮部侍郎。

陳栗 栗，南昌人。以監生任。簡靜愛民。卒於官，民思之。

錢純 陳善

張桓 桓字德威，浮梁人。以進士任。治未及期，公私庶務了辦如響，一縣精神，燦然加新。而又興學校，表先哲，重人材。暇與二三名勝，周覽詩書俎豆，間或登高眺遠，把酒雅歌，瀟然若事外者。蔡文莊清稱其以磊落之資，兼實用之才。遷太僕丞。

右成化中任。

虞坤 程鶚 王希旦 張斯旦

右弘治中任。

梁綱

周用 用字舜中，饒平人。弘治乙丑進士，歷知建昌、惠安。懲惡徵善，興學賑饑，政事聳然。仕終浙江僉事。居家，布衣草履，吟咏自娛。

張安 陳逅見僉事。 徐倫

右正德中任。

萬夔見閩縣知縣。 林文英

莫尚簡 尚簡字敬中，封川人。以監生任。請張襄惠修邑志。

何繼之 丘民仰 許惠 何典 黃國用 高時時臨安人。爲御史有名，謫知是縣，政事損於臺中。 陳良法

仇俊卿

俞文進 文進，婺源人。有築城功。

林咸 咸，番禺人。由舉人爲尤溪教諭。博學善教，有《訓允錄》。遷知縣事。嘉靖季，倭破福清，南下悉力攻惠，咸與鄉士夫堅守。亡何，倭復由海道入，咸拜誓城隍，趨鴨山，往禦之，不克而死。贈府同知，賜祠，官一子。

符良佶 陳玉成

蕭繼美 繼美，羅田人。樸棧造士，明敏蒞官。

右嘉靖中任。

葉春及 春及字化甫，歸善人。隆慶初，授閩清教諭，未赴。詣闕上書三萬餘言，都下翕然謂劉贊復出。陞惠安知縣。匹馬入境，采聽風謠，詢民疾苦，櫛垢爬癢，家至戶見，如親父子。士子意氣投合，一言肺腑，其不合者，有勢如山，硬耳不受。發之偏性，過當往往。然清德能才，終不爲累。至其事重教化，跡復類迂，禮事上官，涉亢簡矣。在縣四年，擢守賓州，忌者匿檄令，不得赴，拂衣歸。後以薦召用，歷官戶部郎中。復上書請求日本《論語》、《孝經》，人益迂焉。所著有《綱齋集》、《惠安政書》。

右隆慶中任。

劉弘道 弘道，吳縣人。萬曆二年進士。德性溫良，式玉式金，愛民禮士，仁人君子也。

鍾化民 化民，仁和人。萬曆八年進士，授惠安縣。公服之外，布袍而已。爲諸生手校文字，民有田土之訟，必躬按視，乃自携食算器。離任之日，妻熟飯扶手中喫之，蒼頭擔麻袋以行，諸生索視，乃解中所繫餘米與剩飽一片。後歷官巡撫河南僉都御史。

蘇光漢 見漳州通判。

王大棟 大棟，嵯縣人。裕民止盜，鋤強禁奸。賑饑，蔬米自隨。

何志皋 志皋，廣西富順人。以舉人任，僅二年。雖敦篤太至，殊異未聞，而關節不到，真誠可尚。以得罪調去，老幼號送，車不得發，乃下車與百姓步行，交拜言別。

劉一陽 羅繼宗 甯維新 楊國章 陳棕 嚴自完

右萬曆中任。

佐貳、教官賢者附後

李德遂 臨海人。洪武中以進士任丞。性質純雅，文辭雄贍，以勤謹慈惠蒞官。卒，不能歸，葬縣北石鏡山之陽。

劉鐸 汶上人。以孝廉舉，洪武中任丞。公直果毅，上官敬重。卒於官。

劉玉 太平人。弘治中以掾任丞。吏事精練，人不能欺，財賦倚辦焉。

劉佩 峽江人。嘉靖中以功生任丞。俸外不人一錢，出人包飯自隨。遇貴勢，毫髮不撓。目不知

書，而立法嚴明，民吏胥戴。御史至縣，威稜特甚，縣吏囁囁御史前，佩叱吏曰：「遂砍頭耶，乃爾！」御史目攝之。陞潼川州同知。

俞正觀 嘉興人。隆慶六年以掾任丞。廉潔自持，陞王官，垂橐歸舍。

張翼 浙江人。萬曆四年任丞。廉介公勤，止於忠誠。署邑篆，興學均賦，發奸宄罪。一日登眺高士峰頂，曰：「老母垂白，嗣息又艱，何羈一丞爲！」遂棄官歸。

段好禮 洪洞人。洪武中以秀才任簿。法令剛嚴，皎然清操。卒官。

閉禎 正統中任簿。見本縣知縣。

黃志達 興寧人。正統中任簿。正直和厚，推重鄉評。

梁崑 新興人。成化中以監生任簿。好學重儒，設鄉學教民。以母憂去。

王嘉相 嵯人。萬曆四年以歲貢任簿。廉潔薄勢利，口不言文章，而興利勤政，飭經術以吏治。陞通山令。

楊榮 代州人。永樂十年以監生任典史。剛直廉清，澹然甘糗。知縣陳永年薦之朝，部檄來徵，未至而沒。

鍾琳 成化中任本學教諭。在官極重祀事，祭器莫不預飭，祭物莫不精潔。先祭，省牲視具，退而習儀於明倫堂，莫不整肅。及期，行事竣，稽其敬惰，而撻其不如儀者。故鍾教諭之嚴，至今有聞。

劉觀 寧波人。弘治中以舉人任教諭。張襄《惠邑志》：「弘治五六年間，劉觀去官，學規漸弛，所謂月書、季考、升堂、宿號諸淺末事，猶不足觀，甚幾不復聞有道德仁義之言矣。」

黃文正 樂清人。正德中以訓導陞本學教諭。善持學規。

何彥 順德人。嘉靖八年以舉人任教諭。規矩肅歸，一振廢弛之舊。後登進士。

周陽 萬曆中教諭。見海澄縣志。

楊興 正統初任訓導。見晉江縣志。

沈鑑 平湖人。嘉靖七年以訓導署學。肅規條，嚴簡閱。

王彥巡 萬曆十一年訓導。見閩縣縣志。

蔡天爵 萬曆三十四年訓導。見光澤縣志。

林騰 萬曆三十四年訓導。見詔安縣志。

王振 贛榆人。任縣巡檢，捕賊拒敵，被賊殺死。其子冒矢石入陣收父，亦被殺。事聞，蔭一子太學。

## 德化縣

五代 歸德場

場長

顏仁郁 見本縣縣志。 鄭仁寶 本縣人。

宋 下縣

知縣事、主簿、尉、巡檢各一員。

知縣事

劉文敏

右建隆中任。

吳仁辨

右開寶中任。

王愈 趙稱 陳從愿

右天聖中任。

李檢避御名。〔一二〕

右明道中任。

黃蟠 李思剛

右景祐中任。

鮑安上

右寶元中任。

李昭用

右慶曆中任。

溫宗質 劉誠

右皇祐中任。

吳知章

右至和中任。

常宗仁 鮑朝儒 吳仲謨

右嘉祐中任。

張翺

右治平中任。

陳居方 徐伯璠 楊處愿 吳居倚 蕭諤

右熙寧中任。

丘同 李處道 李顗

右元豐中任。

祖謹修 周純

右元祐中任。

陸如岡

右紹聖中任。

方安道 林天若

右元符中任。

王恂 呂深 曹三錫 吳銓

右崇寧中任。

陳與京

右大觀中任。

王交

右政和中任。

劉正 陳熊

右宣和中任。

胡禹 何若提

右建炎中任。

高預 馬陞

段彥實

吳崇年

葉揆

林及

李則見龍溪縉紳。

楊丞一作丞。

蔣離

李嵩

右紹興中任。

趙不琢

陳彭夫

陸汝

謝之任

右乾道中任。

陳阜 林叔度

劉隆

顏敏德

鄭旦之

梁京

右淳熙中任。

季元才

吳汝舟

趙彥遠

右紹熙中任。

林寅 葉益

右慶元中任。

趙彥濂 江應 李大器

右嘉泰中任。

季一作李 端誼 林季孫 陳概 卓然 林應龍 楊震孫 謝適 趙汝瑄 林倚 黃之望 葉彥

郊 胡應梅 趙崇儔

右嘉定中任。

饒應龍 應龍字翔夫。端平乙未進士。主餘干簿，改知本縣。丁大全聞其治行，欲處以要官，拒不出。後理宗擢用不附丁者，除監察御史。在臺風力甚勁，或勸其婉言，應龍曰：「言官可婉耶？」累提刑

江東，知紹興府。

黃忠叟 康淵 吳 鳴見南平縉紳。

右淳祐中任。

明山 李桂 高茂先

右任年無考。

簿、尉賢者附後

趙師慮 淳熙二年任簿。見宗室。

陳靖 開寶中任尉。見蕭田縉紳。

黃鍾 乾道中任尉。見蕭田縉紳。

元下縣

達魯花赤、縣尹、主簿、尉、儒學教諭各一員。

皇朝

知縣一員，縣丞、主簿、俱永樂中裁革。典史、儒學教諭、訓導各一員，安仁、高鎮二巡檢司巡檢一員，陰陽學訓術、醫學訓科、僧會司僧會、道會司道會各一員。

知縣

王巽 巽知縣事時，承元之後，公私彫敝，規制草創。巽興墜起廢，民不勞而財不傷，論者謂巽得安靜畫一之體。

王貞 貞，永嘉人。潔己愛民，公餘娛情山水，援琴賦詩，風化淳穆。

劉德善 石德讓

馮翼 翼，德平人。國初，邑民坐垛籍留守衛，繼坐抽充永寧衛防倭，逃亡過半，田業荒蕪，糧額虛懸，往往責賠他戶。翼嘆曰：「瘡痍不瘳，曷施梁肉！」掾曰：「軍餉莫給，無慮罪耶？」翼不聽，以狀聞。太祖嘉納，下詔蠲之。

右洪武中任。

應履華 履華，奉化人。建文二年進士。爲政廉平，勸勵學徒，文風遂盛。考績至部，試文優，而貌寢。履華私題部門，以諷當事，尋陞吏部郎，歷官按察使。《洪武實錄》稱其剛直不阿，所至祛除奸蠹，論列時政，多見采納。

右建文中任。

王仲相 孫應辰 李勉 劉謐 孔宗嗣 毛道信

右永樂中任。

何復 復，柘人。令自履華之後，代匪其人，百凡廢墜。復循序經理，條貫犁然，簡易廉平，爲當道重。

陳昱

陳宗全 宗全，廣東人。明恕廉介，先教後刑，末期，邑中大治。

右宣德中任。

王志安

右正統中任。

李青 青，石城人。以安溪縣改任。公餘，襪履巡行郊野，農惰者召諭之。朔望入學，孜孜爲諸生講論。在任九年，民稱李佛子。秩滿當去，旬留部使者，再任三年。

右天順中任。

王彤 曾昌 丘恭 蕭鏞 戴元修

右成化中任。

許或 鄭浩 王冀 黎獻 楊澄

任順 順，常熟人。果斷多才，出以德教。有鵬兒舞訟，爲民間患苦。順召詢之，良久不悛，乃置之。

法，惻然遣曰：「何不嘉禾，而甘狼莠！」自是狴獄空虛。

胡潛 潛，績溪人。廉潔平恕，鞭朴不施老幼，淹繫不及貧病。水利、橋梁、廨署之屬，當修葺者，恒割俸助民。以艱去。

右弘治中任。

王裕 倫彝 周寰 張紱 時行 胡呈章

右正德中任。

梅春 何士鳳 許仁見同安知縣 劉裳 劉晃 何瑛 熊珪 譚文采

緒東山 東山，馬平人。革弊興廢，優獎士類。邑寡人文，置學田，立駕雲亭，建丁溪書院，以振起之。

胡惟立 惟立，高安人。廉介勤慎，除健卒，懲刁訟，均賦役，恤困窮。卒官，祀名宦。

黃釜

鄧景武 景武有築城功。

張大綱 大綱，龍川人。前令鄧景武築城新就，大綱至，經營改築，令加堅厚。適永春賊呂尚四等來

攻，大綱身督戰，悉擒斬之。官暇，與永春顏廷桀、惠安黃克晦登山題詠，殊有風致。

何謙

右嘉靖中任。

黃經

右隆慶中任。

秦霑 霑，崑山人。經畫疆理，動有心計，遷學宮於城外大洋山之陽，以興人文。諸生德之，與前令緒東山並祀。

曹汝衷

黃承讚，承讚，義烏人。以進士先任武進，抗忤權勢，爲所中傷，調本縣。修駕雲亭書院，集諸生朔望會課，面評高下，一時士類興起。

鄭同寅 周洵 施汀 丁永祚見福清知縣 錢光宇 鍾夢庚 范乾 吳一麟 周佑 俞思冲 毛

翀 楊文正

右萬曆中任。

佐貳、教官賢者附後

余表 化州人。洪武二十三年丞縣。撫字有方，役均訟簡。卒於官，郡守胡器遣祭，以旌其廉。

古彥輝 廣長樂人。洪武中以歲薦授簿。敏習吏事，持大體，不苛細。會溪流暴漲，民苦蕩折，彥輝鳩僦莫居。最，擢御史，以伉直聞。

饒自成 廣昌人。正德二年任教諭。儉約方正，誨士恤貧如親父子。

張泮 東莞人。嘉靖十三年任訓導。持身廉謹，課士有方。

## 安溪縣

### 五代 小溪場

場長

廟儼

詹敦仁 敦仁字君澤，光州固始人，避永嘉之亂，（二三）來隱仙游植德山下。上閩王景書，景命決參軍事，強以袍笏，不受，居泉山，杜門不出。節度留從効復辟之，力辭，乃求監小溪場。既至，請縣之。久之，舉王直道自代，隱居佛耳山，自號清隱。既卒，士民立祠祀之。宋咸淳中，邑民禱禮靈響，請於朝，勅封靖惠侯，賜廟額曰靈惠。

王直道

右顯德中任。

宋下縣

知縣事、主簿、尉、巡檢、監稅務各一員。

知縣事

蕭仁憲 李九成 薛瑩 胡勉 趙爰 王繼明 李衡 鄭自明 邢渭 宋克協 吳在木 劉元亨  
張令宣 陳傑 楊佑賢 李宋範 許致 丁立 徐庸 郭惟清 張韻 孟逢 錢檢（避御名）（二四）  
右年任無考。

王紘

右皇祐中任。

王碩 李炳

右至和中任。

楊萃 俞士廉（一五） 王振

右嘉祐中任。

許龜權任。

右治平中任。

諸葛寘 謝履兄惠安縉紳。 李通 吳杲卿 蓋永 苗穎

右熙寧中任。

趙說 黃仁傑權任。 徐大亮 曾拱

右元豐中任。

葉沃 張古 李顥

右元祐中任。

江時權任。

右紹聖中任。

鄒子濟權任。 詹顥

右元符中任。

王澤 黃願見龍溪縉紳。 游長文權任。 吳銓

右崇寧中任。

柳襄 郭大受

右大觀中任。

劉直夫 鄭佑 陳浩然 阮駿權任 見莆田縣紳 陳安行 劉觀光 黃與靡

右政和中任。

丁民先 鄭祖德

右宣和中任。

洪範 陳秉文 王伯淮 陳能一作熊 倪晉 李茂則

楊幹 幹，廣信人。厚俗崇教，邑生祠之。陳挺卿作頌：「顯允胡公，薰陶善教。古人之心，古人之貌。心正而清，明登冰壺。民之慕公，一日無渝。貌恭而溫，璠璣炳煥。民之仰公，一日無慢。」

龔時可 黃煜 韋能惠

李著 著爲縣，葺治黌舍，作社稷壇，名亭「報美」，自爲篆額，雄健可觀。

廖兼 黃朴見龍溪縣紳 梁揚名 李鑄

右紹興中任。

方士舉 黃端

右乾道中任。

趙善竦 石如松 趙彥勛 謝映 岳震 林徹

右淳熙中任。

王孝廉 孫昭先見龍溪縉紳。

右紹熙中任。

葉有秩 趙師猷

右慶元中任。

龔晏 楊承祖見龍溪縉紳。

右嘉泰中任。

趙遵夫

右開熙中任。

陳必見龍溪縉紳。趙彥侯見宗正。

周琿 琿，弋溪人。政教兼舉，士宜民安，邑人以與陳必、趙彥侯並祀。

趙彥毛 葉宗

右嘉定中任。

顏振仲見龍溪縉紳。

右寶慶中任。

林日選 劉龐

右紹定中任。

吳丙

右端平中任。

林應辰 趙崇栗 黃堅叟

右嘉熙中任。

鄭師申 趙璣夫 汪愈 趙汝政

右淳祐中任。

潘繼伯 陳瑩翁

右寶祐中任。

李務觀 黃裳 余直夫

右景定中任。

鍾國秀 國秀，上饒人。留心教化，修建學宮。

林泳 鄭德濟 陳時可 劉濤

右咸淳中任。

簿、尉、教官賢者附後

朱牧、宋秀 簿縣。見岡縣縉紳。

宋文炳 咸平中尉，攝令，本邑始建學興教。邑人祀之。

黃穎 元祐中尉。見蒲田縉紳。

江默 乾道中尉。見崇安縉紳。

許君佑 景定中主學。正己率人，有功學教，士子立祠與鍾國秀並祀，曰二賢。

#### 元下縣

達魯花赤、縣尹、主簿、尉、儒學教諭、巡檢各一員。

#### 縣尹

錢宗顯 至大二年簿永春。先是，大德四年上司檄縣歲輸箭竹，節十握者三萬五千，縣派昇平、善化、福德、民蘇四里。地非其產，催徵峻急，四里民奔買鄰境，費直過當，愁歎久矣。宗顯適董督辦，謀縣長申於路府，轉達都督。議久未決，徵納如初。宗顯飭隣自誓，辯明愈力。延祐元年，命下俞允，四里民歡聲動地。宗顯在任八年，與此事相為終始，迄用有成，邑人頌而碑之。陞本縣尹。

呂桂 字文桂。其先金華人，曾祖呂祖謙嘗師胡憲，及與朱文公游，桂每私淑焉，遂自金華徙居武夷之星村。至元間，用薦舉任劍浦教諭，改考亭書院山長，後遷本縣尹。清苦自守，節財愛民，胥吏無所售奸，不負祖謙家學。

#### 皇朝

知縣一員，縣丞、主簿各一員，雍正統三年，典史一員，儒學教諭一員，訓導二員，今。源口渡巡檢司巡檢一員，今。陰陽學訓術、醫學訓科、僧會司僧會、道會司道會各一員。

#### 知縣

#### 侯上舉

右洪武中任。

陳善寧

戴玠 玠，潮陽人。興學教，課農桑，招復流移，一邑稱治。

右永樂中任。

鄭烈

右宣德中任。

潘靖 靖，金華人。新學校，勸耕桑，均徭役，抑豪右。邑大饑，奏免稅糧九十餘石，諭巨室出羨餘以賑貧乏，招復流民百十餘戶。事苟利民，雖難不避，雖小必爲。吏民皆不敢欺，而亦不忍，雖深山窮谷，扶杖而出，願見焉。人觀，卒京。

劉禎 邵公陽

路亨 亨，當塗人。居官廉慎，寬以御民，加意學校，士民德之。

右正統中任。

李青 見德化知縣。

饒守中

右景泰中任。

楊紀 葉暹

右天順中任。

李晟 魏榮 陳錡 谷廷怡 吳英

方汝榮 汝榮字君實，績溪人。以監生任。清勤愛民，尊嚴教士。以事忤郡長吏，中以法，當道察其

廉能，得釋。隨以憤卒，士民大悲。

右成化中任。

徐朴 吳璉 陳輔 彭安 黃澤 蔣祿

黃著 著字子誠，順德人。由進士任。正大寬平，以才調泰興。

右弘治中任。

李銳 銳，豐城人。居官清謹，興利除害。以才被擢，勾當漳州等府公務。卒於官，囊橐如洗，士民哀之。

王廷佐 彭黃 張俊

龔穎 穎字栗夫，吉水人。繇舉人任，先知寧德縣。重風教，興孝悌，恤孤貧，抑強暴，禁火葬，黜浮屠。訪林仲麟、陳石堂，韓古遺諸先墓域，躬詣致祭。繼治安溪，修縣志，改廟學，建書院以祀文公。邑有虎患，作文告城隍，一月而殺三虎，邑人神之。嘗以軍功受賞，林貞甫後爲作《平寇碑》。

右正德中任。

黃懌 懌字德和，蕭山人。繇舉人任，承劇寇殘傷之後，緩刑薄徵。令壤內富室能貸饑民，鍾粟者，熟日，官倍償之。富室感義，全活甚衆。縣產美葛，闔鎮絞索無休，下令民不得織，市不得鬻。同安驛借助不貲，持義力辨，竟罷百年無名之徵。至其事神防民，正色馭吏，備警防饑，真切條理，父老道之，有擊節需襟者。陞常州通判。

周鼎 江鏜

殷榮 榮字文範，星子人。以監生任。興廢舉墜，敏於從事。

梁栢 易廣禮 汪瑀 莫大北 王漸造 張文卿 陳綵 蔡常毓

右嘉靖中任。

張鎮 陳堯道

右隆慶中任。

方大任 高杏 馮時鳴

夏建寅 建寅，秀水人。由舉人任。廉明果斷，不受私書。或以公事行村落，自携糗糧，不食民間一飯，雖婦人童子，知其廉也。被中傷，謫去。兒孫徒步，行囊蕭然。邑人攀望，咨嗟出涕。

陸萬里

廖同春 同春字元叔，泰和人。繇舉人任。骯髒僵項，不受羈的，與人交，有意氣。民愛而畏之。

高金體 金體字立之，臨安人。繇進士任。持官廉公，造請士大夫有禮，接師士以和。嚴爲令：民自死以擠人死者，豪強納產以奪人產者，必無輕宥。師聽已畢，持斷如山，鄰封勾攝慎發，以戒枉逮。他如覈糧額，飭郵傳，治道路，葺城郭，繕學宮，百凡舉。調繁候官縣。

王賢卿 賢卿，瓊山人。繇選貢任。爲治嚴明，不受私書，不食民間飯，如前夏令然。聽斷立剖，徵輸無額外羨，歲歉，則緩徵以待歲，徒杠輿梁，如時修舉。暇與邑上講藝逾期，官無逋租，野無溝瘠，豪猾不作，獄訟無冤，而又醇醇寬大，不沾沾見奇。擢安寧知州。

任守翰 傅燦

鄭紹武 紹武，歸善人。繇舉人任。斤斤好善，見之賢豪長者，欣欣慕之，非其人言不相入。被讒去，廢而復起，人知其才矣。

周之冕

賀詳 詳字約甫，湘鄉人。修邑志，建塔興士。

王用予

右萬曆中任。

佐貳、教官賢者附後

戴玠 潮陽人。永樂三年任丞。興學教，課農桑，招復流移，一邑稱治。

姜袞 嘉靖三十八年任典史。有賊百餘自同安來依仁劫掠，袞督兵捕斬無遺。

盛鳳儀 字景瑞，饒平人。成化中以貢授仁化訓導，以賢聞，轉安溪教諭，署縣事。拓學地，新殿廡。秩滿，乞休，生徒遮留至數百里。

鄒魯 南海人。正德中以舉人任教諭。博學工文，雅重道義，表章先賢，善誘後進。著有文集，一時重之。

洪鍾 洪武中任訓導。見南安縉紳。

〔校記〕

〔一〕「泉州府 晉江縣 南安縣 惠安縣 德化縣 安溪縣」十八字，各本原脫，據本書體例補。

- 〔二〕「共」字，各本原脫，據本書體例補。
- 〔三〕「縣」字，疑作「鎮」字。
- 〔四〕「任」字，各本原脫，據本書體例補。
- 〔五〕「士大夫」，各本原作「大夫」，據文義改。
- 〔六〕「嘉熙」，各本原作「嘉禧」，誤。
- 〔七〕「問任尹」上，各本原闕二字。
- 〔八〕「醫」字，各本原脫，據明朝官制補。
- 〔九〕「員」字，各本原脫，據明朝官制補。
- 〔一〇〕「容」字，各本原脫，據本書體例補。
- 〔一一〕「所得皆知名士」，各本原作「所得知皆名士」，據文義改。
- 〔一二〕「李檢」，各本原作「李簡」，據夾注改。
- 〔一三〕「避永嘉之亂」，當作「避唐季之亂」。
- 〔一四〕「錢檢」，各本原作「錢簡」，據夾注改。
- 〔一五〕「俞士廉」，各本原作「愈士廉」，據《八閩通志·秩官》改。

# 閩書卷之五十五

## 文蒞志

泉州府 同安縣 永春縣

同安縣(一)

五代

令

陳洪濟見晉江。

宋中縣

知縣事、主簿、尉各一員。

知縣事

林滂

右建隆中任。

宋若水 張師顏

卷之五十五 文蒞志

右大中祥符中任。

葛源 見延平知州。

右天聖中任。

莫兼

右皇祐中任。

阮邈

林瀆 瀆字道源。作新廟學，大聚官書，以教學者。

右治平中任。

仲谷 李顯 劉護 靖晝 張起予 樂良 許鉉 侯居實 張識

右建中靖國中任。

李應言 李道 潘衡 方謹從 林高

右崇寧中任。

林祖義 朱湜 馬德方 郭及

右大觀中任。

劉天錫 張瑞 梁慈寶 蔡準 陳用之 上官隆 李鎬

右政和中任。

邵直溫 張鑑 韓震 黃子春 危秉父 張達權 李適

右宣和中任。

朱敏元 鮑安平 陳粹

右建炎中任。

方醇道 林敷 曹將美 陳泌 趙文仲 李泳 張天麟 陳師心 林宋卿見莆田縉紳。 王軾 劉

寬 黃琮見莆田縉紳。 翁待舉 馬冲 顏汝美 王朝俊 林宗孟 陳若冲 龔日新 林驥 余麟 王

純 陳宋霖見長樂縉紳。 吳庭表 蔡顯 王濱 趙伯琛 黃輔之 雷光胄 陳仲珪 陳彭夫 黃仲遠

杜立道 葉鏞 趙善璋 李延年 繆仲虎 余元 顧根 陳汝益 韓漳 黃彥輝見莆田縉紳。

右紹興中任。

陳彥光

右隆興中任。

余元 一見仙游縉紳。 吳玉潤 張士彥 孫格 鄭公顯見龍溪縉紳。

右淳熙中任。

毛當時 當時知縣，有惠政，修明朱子之教，專祠祀之，行事多所取法。

陳緯 顧杙 葉守 章太蒙 王楷 方杰 韓木 周大老 張豹變 洪僖 黃師鑑 張溥 謝奕

恭 郭偉 趙崇貢 林棟 沈金煥 劉同祖 趙與諫

右嘉定中任。

丞、簿、尉賢者附後

石磐 任縣丞。見幹辦公事。

朱熹 紹興中任簿。見建陽縉紳。

方士端 紹興中任簿。見莆田縉紳。(三)

羅烈 建炎中任尉。見長汀縉紳。

蕭里 慶元中任尉。見龍溪縉紳。

元下縣

達魯花赤、縣尹、主簿、尉、儒學教諭各一員，巡檢、鹽場司令、司丞、管勾。員數未詳。

孔公俊 字師道，孔子五十三世孫。至正間任尹，有政績，建大同書院於學宮東，以祠紫陽。

皇朝

知縣一員，縣丞、主簿、典史各一員，儒學教諭一員，訓導二員，峰上、塔頭、高浦、陳坑、官澳、田浦、烈嶼、芋溪八巡檢司巡檢各一員，今塔頭改於白礁，其高浦、陳坑、田浦、芋溪俱革。金門、嘉禾、高浦三副使、大輪、深青二驛驛丞各一員，河泊所河泊官一員。今革。浯洲場鹽課司大使、副使各一員，副使革。陰陽學訓術、醫學訓科、僧會司僧會、道會司道會各一員。

知縣

吳銘 庾大有 李時發 庾亮

時執亮 執亮，東平州人。繇儒士任。廉恕公勤，導民禮讓，民宜而安之。

呂復 復有政績。

右洪武中任。

王琬 琬，華亭人。以監生任。下士愛民，不避權勢。

鄭子真 楊木 方子張 王凱王二姓注。 倪士嵩 鄭宗洧

劉性同 性同，麗水人。以進士任。有政績，陞河南副使。

右永樂中任。

胡淵 韓積禮 張琦

右宣德中任。

朱徽 徽，新城人。以舉人任。有惠政。

管忠 徐覽 陳英

右正統中任。

陳昱

右景泰中任。

陳禎 劉寬

右天順中任。

張思忠 張遜見福州府文誌。

張伋 伋，諸暨人。政簡刑輕，庶務畢舉。卒於官。

右成化中任。

茅和

龍越 越，廬陵人。以進士任。政平役簡。

劉錦 程恕

右弘治中任。

李彰 戴浩 周賁 楊敦 趙汝弼

右正德中任。

邵旭 旭，仁和人。以廉明稱。

江涯 劉裳

許仁 仁字元夫，仁和人。以舉人授巢縣教諭，擢南鄭城令，調德化。毀淫祠，改社學，建公署，治橋梁。調同安，未久，罷去。仁多介少通，執義而往，坐齟齬於時。平生邃經學，諸所論著，皆折衷經傳，發前人未發。

葉允昌 彭思旦 袁杉

郭山 山，嘉定人。繇舉人任。天性篤孝，動循禮法。以不肯折腰，取嗔當道，而質任誠信，譽竟歸之。以憂去。

王仲玉 仲玉，安福人。以舉人任。廉勤忠厚，芟煩剔蠹。以疾去。

彭士卓 蔡瓊 徐宗爽 譚維鼎見本府同知 陳一敬

鄧一相 一相，豐城人。以進士任。淳厚端潔，人不得干。有訟至庭，輒理遣之。邑被倭後，財力竭

疲，極意培養。以其餘力，校輯邑乘，補文獻之遺。擢貳廬州。

右嘉靖中任。

王京 陳文

右隆慶中任。

徐待 待，鄞人。以進士任。真心剴度，養士愛民，選授御史。

金枝 倪凍 趙學仕 李在公

曾如海 如海，臨川人。端方嚴正，浹歲殞官，蕭然囊橐。易簀之時，一印猶不妄用。

洪世俊見參政。王世德 尹遂祈 鮑際明

李春開 李春開，建昌人。以儒飭吏，修邑志，刻朱文公《大同集》、《林希元集》於學宮，教化流行。

以察謝官，高卧不出。

黃文星 徐應秋

右萬曆中任。

佐貳、教官賢者附後

劉珣器 永新人。天順間以才德舉，來丞邑。時邑學久廢，珣器適有事會府，貸金市木，浮海而還，仍勸邑人義助，遂重建之。易木以石，廊隘爲敞，疊尊之屬，悉鑄以銅，竹籩木豆，飾之丹漆，以至官學解宇，諸生號舍，饌堂庖庾，藏器之所，靡不畢備。

陸信 鄞人。正德間以舉人任南京刑部司務，調同安教諭。律身以正，教導有方，同士敬慕之。

林同 洪武初訓導。見岡縣縉紳。

章文 仁和人。宣德元年以舉人任訓導。爲人持重，以身先教。累南禮部尚書。

鄧朴 德慶人。正統中訓導，有文名。

王仁 上虞人。正德間訓導。夷曠不屑勢利，對諸生，相策勵以古人。

### 永春縣

唐桃林場

場長

王顥 顥字還古。盛均《桃林場記》曰：「鶯泊未還，祿爲親屈，莫邪雖試，犀象無全。」右年任無考。

宋中縣

知縣事、主簿、尉、巡檢各一員。

知縣

劉崇敏

林滂 滂，□□人（四）縣溪可通舟楫，自卓埔溪而上，湍流駛激，盤阜紆蹙，不利裝載。滂鑿去馬甲、山門、滑石、西涵四險灘，大爲民便。

右開寶中任。

張紳

右至道中任。

孫及

右咸平中任。

文鈞

右景德中任。

龔會元 閻惟吉

右祥符中任。

曹修古見建安縉紳。

右天禧中任。

杜某

歐慶 慶字貽係，乾德人。以彭州軍事推官來知縣事。故與中書令鄧文懿同邑同時，文懿貴顯於朝，慶爲州縣吏，所至上官，多鄧故舊，絕口不道。終其去，人不知其爲鄧友也。作吏廉貧，以厚德名於里。

右年月無考。

葉賓見蒲州縉紳。

劉定基 張士明

右天聖中任。

劉介

右明道中任。

高易簡 梁惟甫

右景祐中任。

張中庸

右寶元中任。

胡世卿 張曉 鄧永世 楊禹珪

右皇祐中任。

張閭 任允 王國儀

右嘉祐中任。

衛觀

右治平中任。

楊彥國 林師中 何與京

右熙寧中任。

吳執中 任諤

右元豐中任。

劉說 朱寘見仙游縉紳。

右元祐中任。

江公望 公望字民表，睦州人。舉進士。紹聖二年知縣，數月縣治。作亭「多暇」，而爲之記曰：「泉距海隅，去京國數千里，崇山峻嶺，連屬不斷，攀援登躋，騰達便利，皆猿猴生長得勢之地。其溪流湍駛，亂石若銛刃，舟船一失利，破碎覆溺，無復救止。然海船通他國，風順，便食息行數百里，珍珠、玳瑁、犀象、齒角、丹砂、水銀、沉檀等香，希奇難得之寶，其至如委。巨商大賈，摩肩接足，相刃於道。若衣冠之士，非仕宦則未嘗游也。余得邑永春，携妻子，冒大暑，乘舟南下。舟礙石尾，旋轉如風，不至於破碎覆溺，乃僥倖萬一。始至之日，言語不通曉，租穀不以時人，誦訟刑獄，無日無之。飲食皆海物，瑣細腥鹹，餒敗不可嚮邇。人疾病不用藥物，祭鬼以祈福，其獲痊愈，乃天活之耳。既治五月，補葺罅漏，綴緝斷裂，政有條，事有目，爬梳蟻虱，毛髮簡直，鋤治根孽，枝葉不生。屋東有聚土如阜，牛羊芻牧者往焉。一日治其巔，逆立而望視之，躊躇若有得於余心者。稍增系級，已屹然高峙。得材於故廳，（五）事丹白駁蝕之餘，斲削而扶植之。大足以陳觴豆，娛賓客，仰高游神，肆目於清明杳藹之上。而下與田夫鄰父接語問勞，知旱乾水溢豐凶之詳。退食無事，頽然其間，息深寧極。邑東五十里東山之峰，有西蜀隱者居焉，危坐不寐垂二十年，思與偕游而不可得，扣牖招之，爲作歌曰：『山有木兮多風，林蹲獸兮潭蛟龍，猿猱既食人粟兮復紐而敗之，山鬼嘯寒兮鼃號饑，木多癭兮犬有聲，長蛇蔡兮吐氣成雲，胡爲乎山中兮！』歌罷，聲滿天地，東風聿來，長日斯至，天和而舒，地否亦解，予與萬物復何爲而不暇裕哉！顧小吏牒是亭曰多暇。」公望在官多善政，秩滿，民懷立祠祀之。入爲太常博士。建中靖國初爲左司諫，以數言事，出知淮陽軍。累以直龍圖閣知壽州。蔡京用事，落職，編管南安軍。遇赦，還家，卒。建炎中贈右諫議大夫。

右紹聖中任。

范湜

右元符中任。

李敦錫 留銘

右崇寧中任。

章思永 呂著一作書。

方叡 姚安仁 楊尚友

右政和中任。

江翊見建陽人物志。

右宣和中任。

陳麟

右靖康中任。

徐永

右建炎中任。

張叡 李揭一作揭。

方漸

洪旦

柳綬

林聘

林廷彥見莆田增補。

黃童

吳毅

黃瑀見閩縣志。

紳。

林聞一 管銓 宋煜

右紹興中任。

蘇鐸 杜鐸 林羔

右乾道中任。

薛珙 林叢 黃俅 陳宏規見龍溪縉紳。

林搗 李揆見莆田縉紳。 王珙

右淳熙中任。

林叔秀 楊應

右紹熙中任。

黃概 謝師孟 林敵 林百嘉見莆田縉紳。

右慶元中任。

沈紱 葉三錫 張曷 張傳霖 謝槩伯 方述 黃仲奐 施餘慶 葉濤 陳珙見仙游縉紳。

右開禧中任。

林致祥 林壽公 陳起

右嘉定中任。

徐潤 任敞

右寶慶中任。

趙汝球 林光庭 蔣有秋、林灝有秋、灝，俱見仙游縉紳。

右淳祐中任。

梁垌 垌爲縣，成縣治之未就者。社稷舊無祭器，遇祀假於學宮，垌曰：「祭器不假。」別造而儲之。

陳應奎一作應魁。 黃宜任 趙必欽 鄭至 鄒常一作慈。 吳起渥 陳豹孫 王國遇 傅輿

右寶祐中任。

丞、尉賢者附後

黃彥輝 紹興中任丞。見莆田縉紳。

陳珙 嘉定中任丞。見仙游縉紳。

劉洵直 紹興中任簿。見莆田縉紳。

元下縣

達魯花赤、縣尹、主簿、尉、儒學教諭各一員。

林純 任達魯花赤。見本縣縉紳。按達魯花赤，俱用蒙古人，豈純空銜耶？

盧琦 任縣尹。見惠安縉紳。

錢宗顯 至大二年任簿。見安溪尹。

陳文積 任簿。見福寧州縉紳。

皇朝

知縣一員，典史一員，儒學教諭、訓導各一員，陰陽學訓術、醫學訓科、僧、道會司各一員。

知縣

吳文淵 蔡暹

右洪武中任。

溫琇 琇，新會人。以國子生任。寬而愛人，勸農興學，均役平賦，嘗奏減歲造皮張，士民德之。

右永樂中任。

杜住 住，西安人。以國子生任。先學校，重教化，延碩士以教諸生。政事精敏，吏畏民懷。卒官，無長物。

李敏

右宣德中任。

鄒端 周範 畢仲安 劉濬

右正統中任。

車政 張銘 趙建 張克紹

右景泰中任。

劉綱 孫貴 羅綱 方敏

右成化中任。

葉珠 珠，上饒人。縣舊與德化縣置桃源驛供應，國初驛罷，凡送迎廩餼之需，一責辦里甲。弘治初，福州守唐珣奏請八府均勻，下藩司議，議以永、德二縣田糧幫貼水口、晉安、康店等驛，遣官督并，民幾爲變。珠嘆曰：「是邑先牧若錢宗顯、王忠、溫琇輩，皆能減民歲辦，惠此一方，予何弗能力忤當道？」上疏乞休。當道感動，除之。

周膺 周庠 王景

右弘治中任。

袁來鳳一作鳳來。

饒經 經，新城人。以監生任。有遺愛。丁艱去。

楊太古見閩縣知縣。

右正德中任。

柴鑣見汀州通判。

陳瑀 瑀，南寧人。以舉人任。守己清勤，敷政寬平，貧士窮民悉沾其惠。陞長沙通判。

陳恕 伊蕙 謝臨亨 王良俊

王淵 淵，嵎縣人。以監生任。清儉有守，不避權勢。

羅汝涇 秦琦 萬以忠 林萬春 謝裘

劉三錫 三錫，廬陵人。舉人。初署將樂教諭。性狷介，口不言利，倡鄒東廓之學，訓士不倦。陞知本縣。首詢民瘼，痛自節約，凡收頭加耗一切停革。署篆晉江，爲當道器重。以憂歸，行李蕭然，家人徒步而已。服闋，陞本府通判，水人喜躍，奔迎於家，竟高卧不起。

右嘉靖中任。

陳九儀

右隆慶中任。

梁道凝 道凝，鄖西人。才謂明敏，情偽至前，瞭然洞臆。禁戢役隸毋得下鄉。邑有鉛礦，聚衆蓄奸，親詣封閉，莫敢撓者。晉江、南安缺令，借署，多著異績。以憂去。

詹世厚 孫鉉 齊則肅

袁一陟 一陟，皖人。爲縣不取一錢，修然物外，掛冠歸。

陳見龍 見建寧同知。 張時豫 范時化 夏忠

右萬曆中任。

佐貳、教官賢者附後

王忠 上海人。洪武中以人材任丞。聰敏精勤，蠲稅糧，均徭役，嘗奏革額辦段疋，民德之。

吳夔 字學夔，衢州人。以舉人任教諭，蔡文莊知而敬之。後諭濰縣，當道交薦，耻附逆瑾，尋乞致仕。

翁爵 合浦人。嘉靖中以歲貢任教諭。迎母祿養，晨昏加謹。教人以明倫爲本，暇取朱文公《家禮》，俾諸生學習，化及民間。擢福寧學正，卒。

徐可立 德清人。歲貢，隆慶中以教諭。沉毅端楷，陞東平州學正。去，士論重之。

梁秦 字據中，高要人。以歲貢任泉州府訓導。士之貧者周之。教諭永春，辭常例米，置樂器，建櫺星門。遷柳州學正，道卒。

徐衡 常山人。嘉靖中爲邑訓導，與柴鑣同時，甚爲所重。陳琛稱其以垂白之年，孜孜進學，而時出所得以淑士。

呂嶽 興國人。嘉靖中任，以歲貢訓導。師範端方，重義輕利。邑值寇亂，捐俸給兵撲燒賊車，城賴防守。

建寧府〔六〕

後漢

南部都尉

賀齊 齊字公苗，會稽人。會稽太守王朗爲孫策所敗，奔東冶。〔七〕侯官長商升爲朗起兵。策遣水寧長韓晏領南部都尉，將兵討升，爲升所敗，遂以齊代晏，領都尉事。侯官與建安、漢興、南平復亂，齊進兵建安，立都尉府。

右建安中任。

吳

南部都尉

陸宏 宏，姑蘇人，後漢廬江太守康之孫，吳鬱林太守績之子。爲南部都尉，有惠政。卒，葬松溪之皈伏里，民廟祀之。宋隆興二年，以神遏寇之功，賜廟額曰濟美。

右年任無考。

太守

王蕃 蕃仕吳爲建安守。郡屬初創，築城立署，庶務紀綱多蕃勞計。

右永安中任。

鄭胄

右年任無考。

晉

太守

危京 京，固始人。永嘉之亂，率鄉人避兵者來，刺是州。在官十六年而卒，葬武夷石鼓村。

王彬 彬字世儒，丞相導從弟，而元帝姨弟也。與母兄廩渡江，揚州刺史劉機辟爲鎮東賊曹參軍，轉典軍參軍。預討華軼，以功得侯。愍帝召爲尚書郎，道險不就。遷建安太守。爲人樸素方直，乏風味之好，雖居顯位，布衣蔬食。仕終尚書右僕射。卒，贈特進、衛將軍，加散騎常侍，謚曰肅。

孔闓 闓，山陰人，車騎將軍愔之子。以散騎常侍仕至建安太守。

何子先 子先，廬江潁人。

右年任無考。

建安從事

張華 華，考城人。以文學推重於時。按《張華傳》，未嘗從事建安，以舊志所載，姑存。

劉宋

太守

華瑾之 瑾之爲守，自溪南覆船山徙州治於黃華山下。

右元嘉中任。

陸斌

右年任無考。

郡丞

許瑤之 瑤之，高陽人。爲建安丞。罷返，以綿一斤遺會稽孝子郭原平，原平不受，瑤之自往曰：「今歲過寒，而建安綿好，以此奉尊上耳。」原平乃拜而受之。

齊

太守

陶季直 季直，秣陵人。爲尚書比部郎，歷東莞太守，遷建安太守。爲政清靜，百姓便之。梁臺建，爲給事黃門侍郎，常稱：「任至二千石，始願畢矣，無爲久預人間事。」乃辭疾還鄉里。梁天監初，就拜太中大夫，卒。季直清苦絕倫，屏居十餘載，家徒四壁。其卒也，子孫無以爲殯。

右永明中任。

何嗣胤 嗣胤守建安，政有恩信，民不忍欺。每伏臘縱囚還家，依期而至。人爲尚書三公郎，不拜。後累遷黃門侍郎、國子祭酒、尚書。永元中徵太常、太子詹事，俱不就。

右建武中任。

王雋陽，陽夏人，侍中續之子。史載不慧。

右年任無考。

梁

太守

何敬容 敬容，潯人。尚齊武帝長城公主，拜駙馬都尉。身長八尺，白皙美鬚眉，性矜莊，衣冠鮮麗，

容止出人。梁天監中爲建安內史，清公有績。仕終太子詹事。

王環 司馬詢之 傅謀 孫北之 陸道玩 檀修黃 何通 王儉 蕭乾 陸善 陸子隆 吳惠覺

王思遠 江蒨

到溉 溉，字茂灌，彭城武原人。少與兄洽、弟洽共知名。起家王國左常侍，除尚書殿中郎、建安太守。故與樂安任昉相善，所餉昉斑竹杖而已。昉復寄詩求二彩緞，溉答詩曰：「余衣本百結，閩中徒八蠶。假令金如粟，詎使廉夫貪。」累官吏部尚書。梁武帝恩禮甚篤。溉長八尺，眉目如點，白皙美鬚，舉動風華，善於應對，傍無姬侍。冠履十年一易，朝服或至穿補，傳呼清路，衣有朝章而已。

右天監中任。

謝礪 礪字含茂，陳郡陽夏人。風神清雅，頗善屬文。仕梁爲太子中庶子。侯景之亂，之廣州依蕭勃，後依陳寶應。寶應平，方詣閩，歷侍中、中書令、都官尚書。卒，諡曰光。

蕭基

謝謁 謁梁末守建安。郡爲寇所焚，因遷治溪西。有惠政。

右年任無考。

陳

太守

蕭乾 乾，齊高帝裔孫，字思惕。容止雅正，性恬簡，善隸書。仕梁爲宣城王諮議參軍。陳武帝鎮南徐州，引爲司空從事中郎。及受命，永定元年除給事黃門郎。時熊曇朗在豫章，周迪在臨川，留異在東

陽，陳寶應在建安，共相連結，閩中豪帥立誓自保，武帝患之，令乾往諭，謂曰：「昔陸賈南征，趙佗歸順，隨何奉使，黥布來臣。追想清風，髣髴在自。卿宜勉建功名，不煩更勞師旅。」乾至，示以逆順，所在款附。其年，就除建安太守。天嘉二年，留異反，陳寶應助之，又資周迪兵糧，出寇臨川，因逼建安。乾單使臨郡，不能守，乃棄郡以避寶應。時閩中宰守並受寶應署置，乾獨不屈，徙居郊野。及寶應平，都督章昭達以聞，文帝甚嘉之，超授五兵尚書。卒，謚靜。

孫瑒 瑒字德璉，吳人。少儻，好謀略，博涉經史，尤便書翰。授吳郡太守，徵拜散騎常侍、中護軍。及留異反，詔瑒督舟師進討。異平，遷鎮右將軍。頃之，出爲建安太守。

右天嘉中任。

駱文廣

右年任無考。

唐

刺史、別駕、長史、司馬各一員，錄事參軍事一員，錄事二員，司功參軍事、司倉參軍事各一員，司戶參軍事、司田參軍事各二員，司兵參軍事一員，司法參軍事二員，司土參軍事一員，參軍事四員，市令、市丞各一員，文學、助教各一員，醫學博士、助教各一員。

刺史

葉顥 顥爲刺史，會妖賊武遇作亂，嬰城捍之。城陷，不屈死，建人立廟富沙祀焉。唐宋皆祀，以爲神，封之侯爵。國朝定號曰唐建州刺史葉公之神，令有司春秋祭。

右武德中任。

謝元治 虞韶 李德仁 陳行武 王徹 李寅義李一作季 趙環 張暉

右年任無考。

張文琮 文琮，武城人。安靖有惠政，州尚淫祀，文琮下教，俾祭春秋二社，餘悉除去。

右永徽中任。

盧廣 張隱之 李齊晏 姚仁訪 姜神翊 許威感 李克順 林祥一作洋

右年任無考。

張均

右天寶中任。

獨孤晞 裴潛 陸藏器 魏明 魯冽 李瑾 陸易 韓玘 李構 李皆

右年任無考。

陸長源 長源字泳之，吳人。諸易無威儀，而清白自將，其刺史建州，民歌之曰：「陸員外，陸員外，令我州郡泰，令我戶口裕，令我活計大。陸使君，陸使君，令我家不分，令我馬成群，令我稻滿園。」後爲汝州刺史，送車二乘，曰：「吾祖罷魏州，有車一乘，圖書半之。吾媿不及先人矣。」長源祖名餘慶，天寶中爲太子詹事。長源後爲寧武司馬，佐董晉軍。晉薨於軍，長源總留後事，以剛嚴爲軍人所殺。

右建中中任。

崔造 長孫會

右年任無考。

王淪後遷泉州刺史。

裴孝初

裴鄙

郝成隘

王溥

係裔

薛公

右元和中任。

鄭騰 殷蹇

李咸

張聿

李景儉

裴克詠

李公度

右年任無考。

嚴君貺 王同

鄭襄

崔耿

右泰和中任。

李元瑜 湯克卿

朱公敏

王翊

常克儉

吳君

一作屠。易

李坦

樊綜

李俱

陳思誨

張居緒

杜肱

右年任無考。

於延陵 延陵赴郡，宣宗問曰：「建州去京師幾何？」對曰：「八千里。」帝曰：「卿到彼，勿謂其遠，爲政，善惡，朕皆知之。陛前萬里也。」

右大中中任。

崔逢 胡竦 宋儔

爰慶

彭崇

王從初從一作崇。

袁遠

賈備

陳芬一作芳。

王諷

嚴士則 士則，本穆宗朝爲尚衣奉御。頗好真道，因午日於終南山採藥迷路，徘徊巖嶂數日，忽有茅屋數間出於松竹之下，士則連叩其門，良久，竟無出者。因窺籬隙內，見一人於石榻偃卧看書，推戶直造其前，自陳行止，因遣坐於盤石之上。士則具陳資糧已絕，請以飲饌救之。隱者曰：「自居山谷，且無煙

囊。」因自起，於棟樑間脫紙囊，開一粒煮之。良久，微有香氣，視之，已如掌大。曰：「此可療饑，渴卽取鑊中餘水飲之。」士則方啗其半，自覺豐飽。復曰：「汝得至此，當由宿分。自茲三十年間，無復饑渴。他時位至方伯，當與羅浮相近，倘能脫去塵華，兼獲長生之道。辭家日久，可以還矣。」士則既還，不喜滋味，日覺氣壯神清。時盧僕射耽味玄默，聞而致之門下。及聞方伯之說，因以處士奏官。自梓州別駕作牧建溪時，年已九十。至郡纔周歲，卽解印歸羅浮。

右年任無考。

李頻 頻字德新，睦州壽昌人。秀悟博覽，善風韻，尤長於詩。與里人方於爲友，大中八年擢進士，累都官員外郎，表求建州刺史。既至，用禮法繩下，更布條教。時政亂盜興，而建賴頻以安。卒官，父老扶柩歸葬，立廟黎山，歲時祀之。

司馬保 李乾佑佑爲建安守，會黃巢寇入閩，弃城遁。李彥堅見建安縉紳。

右乾符中任。

熊博見建陽縉紳。

右中和中任。

李仲章 高惜 王汝縉 陳任 徐歸範 魏邵

右年任無考。

孟咸 有德於民。宋開寶中，吳越錢氏請爲王審知立祠，許之，以咸與權務張睦配享。  
右天祐中任。

司馬〔九〕 李位見泉州刺史。

程斌 王延稟 王繼確 王繼嚴 王延政 王延政再任。 王延武 鄭湘 章仔鈞 查文徽 王

崇 刁彥能 朱斥業 張成傑 許文績 陳誨 陳謙 夏侯綏 陸昭符 柴克 尚全恭 梁延祥以上

俱五代閩時所授刺史。

宋初，稱知軍州事。端拱初，升爲建寧軍節度。紹興末，以孝宗舊邸升府。

知府事一員，長史、通判府事二員，簽書判官、廳公事、節度推官、觀察推官、節度判官、觀察判官、節度掌書記、觀察支使各一員，錄事參軍、司馬參軍、司法參軍、司理參軍各一員，州學教授一員。

知軍州事

駱仲舒 戚處休

右太平興國中任。

知建寧軍節度

王協 王元幹 成昂

右端拱中任。

楊璧 張曉 周奮 王亶 成肅 滕晏 李奉天

右年任無考。

陳世卿見沙縣縉紳。 高惠連

右景德中任。

周絳絳知建州。以陳羽《茶經》不載建安，作《補茶經》，并載諸名水以可烹茶者。

黃長慶 莫絃 孫誘 陳絳 盧幹 曾會見晉江續紳。

右大中祥符中任。

胡咸秩 陳靖見莆田續紳。 任布 鄭載

右天禧中任。

舒雄 查拱之 許紳 鄭爲

右天聖中任。

徐起

右明道中任。

劉有方 王碩 杜杞 許章見仙游續紳。 閩覽一作賢。 馮天錫

右年任無考。

謝衍 謝楨 周延德

右慶曆中任。

潘衢

王鼎 鼎字晰臣，館陶人。自深州知。郡俗生子多不舉，鼎爲條教禁止。時盜販鹽茶者衆，一切杖

遣之。監司數以爲言，鼎弗爲變。吏治最諸郡。

盧革 劉夔

右臯祐中任。

裴大亮 張鑄 薛綸

右至和中任。

徐仲謀 竇彤

右嘉祐中任。

吳元現吳一作呂 王秉彝

右治平中任。

江寬 韓奕

朱越 越，江寧人。王安石言於神宗，稱其廉潔有行，居官無敗事。

陳閩 元暉 李正臣

右熙寧中任。

許當見舊江續紳

石禹勤 王彭 周處厚 毛愷

右元豐中任。

陳闌見仙游續紳

右元祐中任。

劉握 黃仲見邵武續紳 胡師文 黃誥

鮑祗 祗知郡，決事如神，吏民化服。既去，圖像祀之。

右紹聖中任。

陳粹 見福州縉紳。

右元符中任。

吳亮 陳覺民 見仙游縉紳。

喬世材 一作林。

方叔完 見莆田縉紳。

右年任無考。

李絳

右大觀中任。

鄭邦彥 葉祖武

陳舉

上官公裕

陳維綱

劉震孫

穆洪中

虞芹

蘇燁 見仙游縉紳。

陸蘊 見

侯官縉紳。

右政和中任。

詹丕遠

右重和中任。

翁彥國 見崇安縉紳。

趙岍

王淮

右宣和中任。

張勳 江當 張勤

右靖康中任。

方承 李德昭見莆田縉紳。 林仲堪 韓珉

右建炎中任。

虞翔 王俊民 劉子翼見崇安縉紳。 曹樞 鄭疆見長樂縉紳。

向伯奮 伯奮字元伯，樂平人。以外蔭補官，攝開封。靖康時監在京市易務。尋聞有偽詔，棄官去。高宗召知建州，帥襄陽，皆有功。孝宗時拜戶部侍郎。尋得祠，起知靜江。後改知筠州，復秘閣修撰。喜獎拔人物，人服其識。

江少虞

魏征 征字邦達，歷陽人。唐丞相知古後也。以侍御史遷秘書少監，在職七閱月，論事凡百二十餘章。尋乞補外，除直龍圖，知泉州。以親老辭，知建州。尋召還。丐祠，不允，除權吏部侍郎。不主和議，終知宣州。

趙士諤 郭璋 郭東

張銖 銖知建州，修築城郭，留意學校。乞祠，去。

趙不群 林文 丘礪 鄭鬲 韓昂 鄧文饒 韓膺胃 宋暖

章服 服字德元。其先浦城人，宋初徙家永康。紹興二年進士，以朝請郎差知建州。州軍糧久不給，軍情洶洶，至日，爭拜馬前。時公帑緡錢不能三萬，服徐諭之曰：「第歸伍，得一月次第給矣。」立案稅籍，得豪民奸胥要領，及期，軍用沛然。於是，省教條，寬科率，偕吏民相與守法而已。後任吏部侍郎，力請罷去。孝宗怒，辭免不遜，有旨：放罷汀州居住。在汀七年，杜門觀書，世念泊如。久之，得提舉江州。

太平興國宮，卒。

程芾 黃輅 王傳

右紹興中任。

知府

陳正同 祀游酢與帥汪應龍，薦魏掞之於正同建祠學宮朝。〔一〇〕

陳良翰 見福省轉運。

右隆興中任。

陳俊卿 見莆田縉紳。 徐嘉

王淮 淮字季海，金華人。紹興十五年進士，以秘書少監兼恭王府直講。時恭王生子挺，淮白於丞相，曰：「恭王夫人李氏生皇嫡長孫，乞討論典禮。」錢端禮怒其名稱，奏淮有年鈞以長之說。上曰：「是何言也，豈不敬邪心？」出淮知建寧府。改浙西提刑。人見，陳閩中利病甚悉，帝褒嘉之，且令一至東宮，皇太子待以師儒，特施拜禮。以觀文殿大學士判衛州，改提舉洞霄宮。卒，贈少師，謚文定。

沈度 趙彥端 任文薦 見閩縣縉紳。 楊由義 梁克家 見晉江縉紳。

右乾道中任。

萬國梁 見永福縉紳。 傅自得 見晉江縉紳。

韓元吉 元吉字無咎，潁川人。初，知建安縣。自作廳壁記云：「用廣而賦賁，貿遷鹹鯁，以佐其費。折獄蔽訟之外，計量猶大商也。」至是，知本州，表率端莊，篤意學校，創修郡志。以軍興調發功，轉朝

奉大夫。赴召去，民甚懷之。官至吏部尚書。

趙善俊見邵武縣志 蘇嵩

洪邁 邁字景廬，番陽人。皓季子也。紹興十五年中第，授兩浙轉運司幹辦公事。人爲勅令所刪定官。皓忤秦檜，投閑，檜憾未已。御史汪勃論邁知其父不靖之謀，遂出添差教授福州。累遷左司員外郎。紹興中，金人來告卽位，以邁爲接伴使，奏用敵國禮。時議遣使報金，邁慨然請行。至金，閤門見國書，呼曰：「不如式。」抑令表中改「陪臣」二字。朝見之儀，必用舊禮，邁執不可，金人鎖使館，自旦及暮，水漿不通者三日，竟執不可。使還，出知泉州。久之，知建寧府。富民有睚眦殺人、哀刃寡獄者，久拒捕，邁正其罪，黥流嶺外。累官龍圖學士，以端明殿學士致仕。年八十卒，贈光祿大夫，謚文敏。邁與其兄适，遵皆用文章取盛名，躋貴顯，邁尤以博洽受知孝宗。所著有《四朝帝紀》、《野處集》、《容齋隨筆》、《夷堅志》。

鄭伯熊 周自強 趙公碩 鄭丙 趙彥操 龔茂良見莆田縣志

張大經 大經字彥文，南城人。初爲禮部尚書，屢請祠。孝宗曰：「卿公廉，必能爲朕牧民。」以徽猷閣學士知建寧府。

陳良祐見福清縣志

程大昌 大昌字太之，休寧人。淳熙五年知汀州，賊沈師作亂，戍將蕭統領討之，國部大震。漕帥

右淳熙中任。

鄭湜 鄭僑 陳居仁僑居仁并見莆田續純。

單藥

右紹熙中任。

黃適

張叔椿 叔椿，□□人。〔二〕郡之有志，創始自韓元吉，而叔椿續之。

傅伯壽

右慶元中任。

湯碩 丁常任 倪思見福州知府。

右嘉泰中任。

王蒹一作邁 張時修

右開禧中任。

李浹 謝源明 傅伯成見晉江續純。 李大異 蔡幼學見安撫使。 李訖見僑寓。 沈作賓 俞建

史彌堅 彌堅字固叔，忠定公幼子。以軍器監尹臨安。兄彌遠入相，引嫌出爲潭州湖南安撫使，來

守建寧。行義倉法，真文忠公記之。以兄久相位，數勸歸，不聽，遂乞祠。後以資政殿學士、光祿大夫卒，

謚忠宣。吳泳行誄云：「在熙寧，則不黨於熙寧，如安國之於安石，在元祐，則不趨於元祐，如大臨之於

大防。」論者以爲不誣。

洪伋 譙令憲以福建運判兼。見運判。

右嘉定中任。

葉時 時字秀發，括蒼人。以顯謨閣學士任。清心劬躬，以治以教，修廣學舍，爲國毓材，以俟舉選。

右寶慶中任。

吳珌 陳韓兄侯官縉紳。

李華 見建安縉紳。

孫夢觀 見泉州太守。

右紹定中任。

袁甫 見轉運判官。

黃埤 姚珪兄順昌縉紳。

右端平中任。

王埜 埜字子文，金華人。嘉定十二年進士。初仕潭州，帥真德秀一見異之，延致幕下，遂執弟子禮。德秀欲授以詞學，埜曰：「所以學者，求義理之奧也。」德秀益器重之。紹定初，汀、邵盜作，辟議幕參贊，攝邵武縣，後復攝軍事。盜起唐石，埜勒兵討之。初，冀其悔禍解放，屢挫賊鋒，悉遁去。賊乃復益黨來。埜直擣其巢穴，大破之，首惡自縊，餘黨俘戮殆盡，民賴以安。後知建州。開館迎致廖德明門人鄭師尹、蔡元定、孫模，使校朱、真二先生遺書。復請模典教事，文化大興。既入覲，陛辭，理宗命之曰：「游、胡、朱、真，流風未泯，表厥宅里，以率善民，則予汝懌。」埜再拜稽首。至郡，游酢、胡安國已有祠矣，乃創建安書院，祠文公，以真西山配享。卽書院傍立齋舍，用迂前修，而來後學。後還歸里，尚以蔡模屬後太

守王遂，請撥田於朝，以爲之食。復屬遂別築孔子禮殿，趺坐以爲之祀。其留心學政如此。

黃壯猷

程璵 璵字子立，休寧人。嘉熙進士。知遠寧，有善政。主管武夷冲祐觀，食邑五百戶。

右嘉熙中任。

王極 王遂見邵武知軍。

楊恢 包恢見轉運判官。

樓治 鄭次申

鄒誠 誠字惟信，固始人。以明經舉寶慶間進士，淳祐間陞建寧太守，振廢理冤，興學作人。尋以賦役繁重，閭閻苦需索督責之令，嘆曰：「吾何忍戀戀一官，急催科以困小民。」任甫四閱月，卽引疾謝政。常愛郭西天湖山水，卽其傍築精舍游憩，因卜居焉，遂世爲建州人。值歲歉，以豆二千餘石行賑，闔郡德之。子衡，克世其德，好善樂施，鎮里社至今尸祝焉。

湯中 趙性夫 饒虎臣

右淳祐中任。

趙汝騰見閩縣縉紳。 潘凱 謝暨

葉夢鼎 夢鼎字鎬之，寧海人。作橋梁，置驛舍，建大安關，決疑獄，甚有善政。

右寶祐中任。

陳昉 史宇之 江萬里

右景定中任。

吳革 吳堅 劉震孫 李伯玉 黃萬石 馮夢得 雷宜中 曹元發 趙崇鑑 家鉉翁見轉運  
右咸淳中任。

通判

李覺 覺一作寬字仲明，益都人。通判本州。秩將滿，州人借留，太宗詔褒之。  
右太宗年任。

葛源見南劍知縣 方旬 陳俊卿并見莆田縉紳 李佩 袁復一 林敏元 周端虛 鄧庚見沙縣縉紳

杜圮 方穎 徐端益 黃輅 諸葛行仁 段彥升

汪應辰 應辰字聖錫，玉山人。爲秘書省正字，以言事忤秦檜，出通判建州，有政聲。

葉仁 趙勛之 胡廷直 高鐸 李廣文見古田縉紳

右紹興中任。

梁興祖

右隆興中任。

陳峴 徐瑞 文好謙 石如璫 管鑑 范椿一作椿

右乾道中任。

陳偉節 黃公廩 王煥 湯頌 李本 王益 汪文叔 趙伯肆 趙盥一作興 李升 宋翊 趙

公若 趙彥鎧

右淳熙中任。

黃直向 趙不邈 錢聞禮 趙師傳 吳應時

右紹熙中任。

陳接 胡恭 趙善防 周震 趙善蒙

右慶元中任。

常建 趙善詠 趙伯肅

右嘉泰中任。

趙善弁 吳炎 翁韶

右開禧中任。

黃榮 謝渠伯 林至 張國均 趙伯駿 張琚 黃以寧見晉江縉紳。 周之瑞 洪侃 趙希瞿 葉

武子見邵武縉紳。

右嘉定中任。

史改之改一作攻。

右寶慶中任。

姚珪見順昌縉紳。

右紹定中任。

趙秘大 趙汝固 張國成 李德孺 黃學行 沈悉 曾默 趙與崑 任棠

右端平中任。

陳洪 見南安縉紳。

項顥 鍾霖 宗炳

右嘉熙中任。

趙汝暨 葛嗣孫 趙與諲 洪徹 黃恪 林公奕 孫度 洪天錫 見晉江縉紳。

右淳祐中任。

林震

右寶祐中任。

余師魯 趙時昂 潘公瀟 方應發 見莆田縉紳。

右景定中任。

趙汝淳 李天澤 趙良維 徐椿年 葉漢老

右咸淳中任。

陶虎 施總 趙不議 汪彭年 趙令芹 黃中 鄧作 傅自強 楊邦弼 陳大方

右年任無考。

觀察推官

施廣勤 張皞 康述祖 李謏 祝林 郭炎 汪時中 趙龍夫 王檜 龔保 趙汝掖 凌似祖

方應旗 陳濟孫 趙公折 舒若樸 曹淪 任伯鳳 趙時楫 孫自昌 陳廷震 毛樟 趙善魁 王旣

濟 丘汲古 季炳 詹文剛 趙希霽 莫天覺 人作人。

右年任無考。

陳綱見同安縉紳。

右淳化中任。

鄭格見福清縉紳。

右年任無考。

節度推官

卓先

右年任無考。

楊拙見閩縣縉紳。

右大觀中任。

慕僚、教職賢者附後

王虎 任司理。見福清縉紳。

趙與琇 任司理。見宗室。

趙與權 任司戶。見宗室。

林公遇 淳祐中戶曹。見福清縉紳。

陳中復 熙寧中監建州茶務。見莆田縉紳。

李巖起 乾道中攝教。見古田縉紳。

方會 熙寧中教授。見莆田縉紳。

徐幾 景定中添差教授。見崇安縉紳。

元

達魯花赤、總管、同知、判官、推官、經歷司經歷、知事各一員、提控案牘一員、司獄司司獄、獄丞各一員、(一)儒學教授、學正、學錄各一員、蒙古學教授一員、醫學教授、陰陽學教授各一員、府倉大使、副使、平準行用庫提領、大使、副使、織染局局使、副使各一員、雜造局大使、副使、惠民藥局提領、稅務提領、大使、副使各一員。

暗都刺 色目人。至順辛未任本路總管。廉勤愛民，修學崇祀，勸勉生徒。

彭廷堅 任同知。見上官。

陳君用 任同知。見南平縉紳。

謝珪 字西蟾，建昌人。至正間本路權茶提舉，克稱厥職。

鄒天瑞 字文祥。任建寧路教授。一時學教爲之興起。

蕭生 字彝翁，吉水人。薦爲本州學正。寇亂，家居江西，參政金子仁率師平袁州，辟彝翁爲參謀。

會偽漢陷廬陵，子仁遁去，彝翁嘆曰：「有城不守，非忠也；遇敵弗戰，非勇也。謀人軍不死，何面目見天下士乎！」遂投死學中井。

徐一夔 字大章，天台人。博學善屬文，學士危素薦爲建寧路教授。元末遜地嘉興。洪武初徵修《元史》，終杭州教授。

〔校記〕

〔一〕「同安縣」三字，各本原脫，據本書體例補。

〔二〕「危素父」，〈八閩通志·秩官〉作「危素文」。

〔三〕「見」字，各本原脫，據本書體例補。

〔四〕「人」上，各本原闕二字。

〔五〕「材」，各本原作「財」，據文義改。

〔六〕「建寧府」下，各本原衍「上」字，據本書體例刪。

〔七〕「奔東治」，各本原作「奔東治」，據文義改。

〔八〕「中」字，各本原脫，據梁朝官制補。

〔九〕「司馬」下，當有脫文。

〔一〇〕本句疑有脫訛。

〔一一〕「人」上，各本原闕二字。

〔一二〕「獄」字，各本原脫，據明朝官制補。

# 閩書卷之五十六

## 文蒞志

建寧府 建安縣 甌寧縣 建陽縣 崇安縣

## 皇朝

知府一員、同知、通判、推官各一員、經歷司經歷、知事、照磨所照磨、檢校各一員。司獄司司獄、稅課司大使、雜造局大使、副使、廣實倉大使、副使各一員、建寧遞運所大使一員、今革。陰陽學正術、醫學正科、僧綱司都綱、副都綱、道紀司都紀、副都紀各一員、儒學教授一員、訓導四員。

## 知府

胡禎 禎，襄陽人。繇人材任。正直剛方，不受私謁，部內百廢悉出鼎新。

芮麟 麟字志文，宣城人。好學，善楷書，以太學生授台州知府。寬簡有古循吏風，嘗註誤被逮，父老泣送，交遺之金，麟一不受。既謫戍，以薦授本府知府。下車首詢學校，激勵諸生，省民瘼，憫孤窮。訪求先代名賢子孫，拔其俊秀，俾入學。復之他務，各次第舉。郡有上下關衛，分兵戍守，小人倚奸利爲商旅苦。麟疏弊以聞，詔罷戍兵，置巡檢司鎮焉。秩滿，赴京，以疾卒。時麟父就養，亦卒郡舍，喪不能舉。

民爭賻之。

曾仁傑

施仁 仁，蘇州人。繇人才任。操履端莊，精於政治。

裴冕 冕，壽光人。繇監生任。廉靜公勤，愛民禮士。

右洪武中任。

劉敬 敬字思恭，陝州人。繇太學生，以兵部主事陞任。公勤敏達，政令施設，民樂趨赴。九載，擢

貴州參政。

史常 常字元亨，溧陽人。繇進士任。蒞政五月，吏畏民懷。同列之弛慢者，苦其制縛，而監司之

倨，不滿其簡禮，遂拂袖歸。楊文貞稱其政績。

徐子玉

右永樂中任。

張順 王溥

右宣德中任。

張瑛 見右參政。

右正統中任。

孫璽

右景泰中任。

賀沈

劉鉞 鉞字仗德，安福人。忠愍球之子。繇進士。以兵部郎出守。愷悌平恕，重於名節，（一）表風俗，草創郡志。重建朱文公祠，請李達賢爲記。復修胡文定祠宇，曰：「吾起家《春秋》，學所自也。」其他興學勵士，士斌斌向風焉。遷廣東參政，卒。

右天順中任。

浦鏞 鏞字廷用，上元人。繇進士，授御史，陞任。卒官。清勤節儉，民咸懷之。

曾會 張正

右成化中任。

劉璵 張宏 陸寧 凌文獻

沈瀚 瀚字東之，歸德人。仁心爲質，約己便民。有令怙其資地，不奉太守條教，瀚數而庭朴之。令自分必不容。後瀚察令有改節之効，所上監司狀，更抽揚其善，署優考，令始服瀚長者，追自訟。時奄瑾用事，瀚典郡，再上計，瑾使人謂曰：「予我千金，可參藩，卽分守建寧。」瀚笑曰：「吾無千金，獨有捐二千石耳。」遂投劾。

右弘治中任。

費愚 朱鑑

羅柔 柔字文徽，無錫人。以進士任。柔有文學，以飾吏治。所著有《弦齋集》。

張文麟

右正德中任。

區越 越字文廣，新會人。八歲喪母，哀慕切至，事繼母以孝聞。第弘治乙丑進士，授嘉善知縣，歷戶部郎。廉介著聲，出知建寧。尋憂去。終江西參政。

謝階 階，新淦人。繇進士。以御史陞任。廉介著聞。未滿，乞歸。

張大倫

詹珪 珪字朝章，鄱陽人。以進士。繇工部郎陞任。愿恪恭勤，有斷有守。創漏澤園，行古冠禮。兩衛預備倉穀，歲久坐累軍斗，珪請以易月糧抵銀在官，人甚便之。

夏玉麟 王正思 陳禎

錢峯 峯，通州人。以進士任。郡庫子，夫保差役煩重，民有千金產爲立盡。峯力調停，去冗剔蠹，闔郡德之。峯爲守，令建安者爲符驗，一時並以清苦著名。

謝上箴

張鑑 鑑，成都人。自南御史出任。秉政不阿，綜核精詳，猾胥斂手，博黨解散，民有「心清吏畏」之謠。

程秀民 秀民字天毓，衢人。嘉靖中進士。魁偉奇傑，事至迎刃觸解。初爲郎，求補泉州便養，竟以母喪明，終養去。母沒，起守建寧。倭寇方亂，秀民有捍城功。仕終雲南參政。

劉佃

王一鶚 一鶚字子薦，曲周人。以進士任。才謂穎敏，兩造立斷。篤於造士，多所識拔。時山海寇

起，調發廣兵，又復所至劫掠，鶚斷橋清野，一郡解嚴。累兵部尚書。

朱奎 奎，南昌人。以進士任。實心爲政，發奸豪影蔽濫免之弊，置社學，設義倉，通錢法，重建通都橋。時有假王子北來，人皆疑愕，奎立令收治，伏誅。咸服其斷。

右嘉靖中任。

邵廉 廉，豐城人。以進士任。有景仰先哲之意。

右隆慶中任。

曹當勉

許天贈 天贈，黟人。以進士任。坦夷澹薄，一介不取，毀淫祠，興正學，改朱文公書院，集課庠士，

親爲評摘。開濬城中故河，以疏風氣。

蔣科 科，泰州人。以進士任。廉公莊重，自奉澹薄，秋毫無取，戒屬官毋濫罰贖。興學禮士，懿政種種。以艱去。

徐秋鶚

張淳 淳，桐城人。以進士任。淳大體，捐細過，正己率屬，雅勤造士。爲人誠心直道，不名道學，而言動悉軌於正。其爲禮曹郎時，嘗斥江陵相奪情之非。及出守郡，剖析如鏡，肩荷如山。二百年來，建守咸推讓之。

陳瑄 伍士望

龔道立 道立字應身，武進人。以進士任。狷介孤高，踐履純篤。有積猾張憲，侵匿軍糧，二軍鼓

譟，變起倉卒，道立一出解之。備兵使者主勦爲首者數十人，道立曰：「此輩不過仰食而喧耳，寬之便。」浦邑有丘明者殺四命，而生員劉一貫父子誤陷於獄，廉得無辜狀，立出焉。既去，軍民構祠以祀。

朱汝器 張璇 王善繼 張儒 羅文寶

右萬曆中任。

同知

陳永 永，溧水人。繇人才任州推官，治獄平允，請謁不行。朝廷遣官旌賞，擢本府同知。

呂敏 楊志銘

右永樂中任。

王信 李越

右天順中任。

劉文 林榮 李明

余衍 衍，黟人。以舉人任崇安知縣。清閑儉約，有治聲，陞本府同知，未任卒。

右成化中任。

張時中

於珥 珥，嘉善人。繇進士任。廉慎剛斷，黜罷貪令，精禱獲霖，歲以大稔。

右弘治中任。

胡瑛 陳津 張茵 聞韶 張元秀 姜龍

右正德中任。

李文潔 趙葉

余禕 禕，鄱陽人。正德中繇舉人任清流知縣。廉愛當官，九載一致。嘗製令箴自勗曰：「先王制爵，（二）子男同位。嬴秦變法，縣邑是嗣。千室其民，百里其地。上應天星，下分王治。孔門稱能，路勇求藝。漢室傳賢，循良豈弟。卓彼先覺，猶或難之。抑予何人，而忝職斯。坐堂鳴琴，盛德無爲。德既不足，勞瘁奚辭。片言折獄，至明所推。明既不迫，詳慎是宜。撫字之實，惻怛至誠。赫赫洋洋，得非虛聲。」陞本府同知，去日，民送塞途。尋卒，清流人感泣思之，碑於東門。

李文明 程伯祥 汪玩 謝邦信 萬炯 楊朗 王會 孫濬

董燧 燧，臨川人。少學呂涇野、鄒東廓之門。倭寇海上，燧爲建人守福寧，調治備禦有方。有《平夷錄》。

龍慶雲 應鑣 吳國倫見邵武知府。 畢竟立 宋恪

右嘉靖中任。

周沂

右隆慶中任。

楊沂 沂，南充人。以進士任。清嚴持重，言笑不苟，遇事擔荷，捷於應機，士民賴其惠利。

華峰 徐一忠 王三錫 陳一夔 張私毅 施可大 梅守極 羅紳 茅一桂

陳見龍 見龍，潮陽人。初縣永春，一再還是官。（四）清苦自持，不見勉強之跡。李文節廷機深服

之。歷浙江鹽運同知。

右萬曆中任。

通判

方以正

湯盤 盤任本府推官，爲政得民。九載考績，民至京奏留，遂陞通判。

右宣德中任。

蕭環 莫震見延平同知。

右天順中任。

陳翼 翼字良輔，崇明人。繇貢士任。淳雅廉介。未幾，憂去。陞順天府治中。

楊琇

右成化中任。

龔球 徐愛 劉致中 周鳳 程寬見漳州同知。

右弘治中任。

吳昂 朱經 張鴻 詹晨

右正德中任。

蔣進業 羅春 林秉全 孫鑑 葉祺 海宇康 俞叔 潘滋 嚴時中 吳文俊 黃文明 張訓

林萬春 申錡

右嘉靖中任。

張翊 于世材 鄭元復

右隆慶中任。

盧中

時一新一新，海州人。以恩貢任。雅飭嚴毅，清白自操。每見諸倉使具報紅腐之餘，曰：「量入惟平，會計惟當，發給惟時。事畢矣，餘存官庾，毋輕動也。」

朱守魯 袁玉成 李南英

陳經 經字述之，番禺人。以舉人任本府訓導。醇謹邃學，課士有方，署篆尤著善政。陞星子知縣，擢本府通判。

刀尚義 張日升 葛懷仁 陶嵩齡 吳一鯤 於玉德

右萬曆中任。

推官

郎子貞 子貞，杭州人。繇吏員任。慎默端嚴，視事無寒暑早暮，推謙精審，決斷公明。陞大理寺評事。

陳永 見本府同知。

右洪武中任。

湯盤 見本府通判。

右宣德中任。

胡緝 齊敬

右天順中任。

戴春 李時新

右成化中任。

游成章 孫序 馬敬 嚴紘 劉綱

季本 本字明德，會稽人。正德丁丑進士，起家本郡推官。宸濠反，王文成方發兵討之，本白所司：「分水關自江人福道也。」請自往守之。會巡按御史以科場事檄建寧守與本並入，守以書促本，本曰：「守土與聞上，孰輕重？今江西勝負未可料，土寇生發，難保必無。吾兩入人心所係，非吾兩人其誰守此？」守深服之。踰年，土寇起古田諸縣間，所司檄本治之。本往來諸縣，居閱月，獲渠魁韋八等。又用間掩捕其餘黨，悉平定。召入爲御史，不踰月，疏救給事中鄧繼曾、御史馬鳴衡、朱澗，貶揭陽簿。其後，浮湛州縣間，仕止長沙知府。

右正德中任。

李儒 儒，華亭人。繇進士任。自奉儉薄。嘗郊迎，驛官以酒饌進，儒却之，左右曰：「例也。」儒曰：「令甲耶？」

陳廷華 高繼耀 施一德

章袞 袞字汝明，臨川人。嘉靖癸未進士，授御史，提督南畿學政。博洽狷介，以言事左遷建寧推

官，稍遷松江同知。諸生相從講學，傳註之外，多所發明。累進陝西提學副使。一日，偶有感觸，陳乞休致，不俟報，即行。

曹鳳翔 周琦 徐緝 戚慎 查秉彝 鍾世謙 操守經 沈淳

徐枋 枋，常熟人。繇進士仕南御史。當南倭北虜猖獗之時，極論處置防禦之法，復縱言天下事，深憂隱慮，意在言表。竟坐言奪職，來爲司李。暇時與客論天下事，或執掌蹙額，兀若默有所慮者。仕終都御史。

葉鈞 吳維京 王執禮

右嘉靖中任。

徐大任 大任，宣城人。以進士任。澹薄自將，闔衙蔬水。抵任及去，惟圖書衣衾二篋而已。所鞠刑獄，全活甚多。後官工部尚書。

郭子章 見福州文苑。

右隆慶中任。

阮子孝 王鍵

蔡承植 承植，攸縣人。有清節，後累薦不起。

武尚賓 許時謙 稽汝沐 商之相 楊炳瞻 陳世竣

右萬曆中任。

首領、教官賢者附後

徐哲 汶上人。孝子也。嘉靖中以例貢任經歷。嘗以勾稽之事詣行臬司，戴鯨移書云：「某官孝孚中外，在郡幕一味菜根。僕不佞，僭許以國士，宜勿久稽。」擢文安令以去，囊空如洗。

徐時濟 字汝霖，鉛山人。嘉靖三十三年以監生任經歷。年少才練，苦節自甘。歲荒旱，捐貲倡義，當道交薦。以艱去。

謝良翰 宣德中任照磨。居官賢能，擢御史。

李新 河南人。永樂元年以監生任檢校，溫恭勤儉。重建府學，知府芮麟檄委董役，竭心指畫，宏偉堅緻。後陞監察御史，官至侍郎。

周斌 洪武初任教授。見寧德縉紳。

何某 失其名，雷陽人。洪武中任教授。德性學問與操守之堅確，並迥出土流，毅然任師道。其時掌分教者，鄉先生趙友士、蘇伯厚、李振道，皆老成宿望，志氣同合，相與講論切磋，以訓後進。一時師儒盡職，生徒造就，八閩之中，建爲稱首。

彭勗 永豐人。宣德中繇進士任教授。優學善教，出其門者多爲顯人。嘗上書請修朱文公故宅，令有司以春秋祭其家廟，教其子孫，蠲其徭役。用薦陞監察御史，歷山東按察副使。

曹泰 字孟寅，太倉人。正德中以舉人任教授。剛直勤誨。引疾歸，囊無長物。

陳雲章 進賢人。嘉靖初繇歲貢任府學教授。因議大禮，陞太僕寺丞。復奏議孔子祀典，調黃州判。平生堅志理學，著《夜思錄》、《通鑑綱目前紀》。

李自芳 萬曆二十年教授。見汀州知府。

韓士元 字春卿，華亭人。萬曆間以歲貢任教授。秉性純朴，加意作人。貧不能婚葬者，助之。

趙友士 洪武間任訓導。見甌寧縉紳。

徐達左 字良輔，蘇州人。洪武二十二年調爲訓導。質厚氣溫，不談人過，犯之亦不留怨。好山水，

時時歷覽武夷闕里間。

張文舉 永樂中訓導。見汀州教授。

季鉞 正德中訓導。見尤溪教諭。

胡定 字子學，博羅人。私淑陳獻章之學。嘉靖五年任府學訓導，教本躬行。還教諭，不赴，卒。

陳經 萬曆十年任訓導。見本府通判。

馬化龍 字起潛，江陵人。萬曆十年任訓導。偉儀表，善譚論，擇學行士，督課資給。未幾，卒官，

士論歎惜。

余承詔 字允恭，南昌人。萬曆中以歲貢任訓導。精研理學，身體力行，與弟子講解不倦。以疾掛

冠，囊篋蕭然。

### 建安縣

唐

令一人。

令

楊齊宣 齊宣仕諫議大夫，以言事忤旨，出爲建安令。上元中召還，會劉展之亂，江淮道梗，還家浦城。皇朝楊文敏，其後也。

宋

知縣事、丞、簿、尉各一員，大挺場鹽官、籌嶺、黃孫、赤岸、黨口、埃竹五寨巡檢各一員。

知縣

王仁壽 劉領 曹洄 魏貫 范洪 何應志 方侯 李友直 方偕見莆田縉紳。 石廉 高棐 葉

蒔 陳惟孝 楊惇 陳義剛 向士偉 葉綰 陳佐堯 韓元吉見本府知府。 張棟 李億年 林思永

留元圭見永春縉紳。 夏汝翼 趙不愧 趙汝成 張翮 折允茲 章箴 范仲武 劉敏中

右年任無考。

常御孫 張棐 余南仲 羅知古見晉江縉紳。

右慶元中任。

韓經 張擢 鄭備 梁正己 劉植 陳德豫 薛叔惓 黃孟永 王元應 梁致恭 余觀國 連元

黃龔甫 趙必躬 葉邁 閻丘子

右年任無考。

丞、簿、尉賢者附後

陳鶴 至和中丞。見莆田縉紳。

上官端義 紹興中丞。見邵武縉紳。

方峻 天聖中簿。見莆田縣志。

李耆明 字子誠。父元老，爲福建提舉。耆明簿建安。平反延平獄，法當改秩，耆明曰：「豈以賞故，使前鞠者坐罪也？」秉性剛廉，自號冰壺居士。有文集。

熊剛大 嘉定中任教授。見建陽縣志。

元

縣尹

徐屬，至正間任尹。多惠政，再徙縣治。

皇朝

知縣、縣丞、主簿、典史各一員，儒學教諭一員，訓導二員，籌嶺巡檢司巡檢、稅課局大使、太平水驛驛丞各一員。

知縣

裴珏 珏，山東人。繇人材任。蒞政以勤，馭人以寬，時稱賢令。

余子恭 子恭，金谿人。繇進士任。廉潔敏勤，剪除奸弊。

右洪武中任。

張準 準字平軒，崑山人。繇人材任。方剛廉勤，達於吏事。饑歲，請以鈔折糧，蠲戶口鹽稅，免勾補軍役。郡賴以安。

右永樂中任。

戴肅

右洪熙中任。

胡欽見延平知府。

右正統中任。

葛琬

右景泰中任。

胡霖

張端 端，嘉善人。繇貢士任。興學撫民。有中貴道縣，恃勢要賂，力抗不與。卒於官。

周正 徐端一作宗。

戴驪 驪字致遠，祁門人。繇鄉薦任。心誠守端，蒞政慈明，除避徭詭籍，〔四〕減餽遺，撤佛寺，作養濟院，立義塚。以憂去，民思之。後補堂邑。致仕，圖書敝衣數襲而已。

桂鎬 譚超

周季邦 季邦，江西人。繇進士任。廉明剛介，政先窮民，待士有禮。以直忤當道，調去。

右成化中任。

沈相 虞夔

右弘治中任。

黎民望 鄭宗仁

趙繼英 繼英，祥符人。繇進士任。清苦嚴毅，食惟齏菲。時鎮守以貢獻剝民，繼英除罷之。尋卒，乏殮，民爭賻其喪。

夏宗仁 邵裕

右正德中任。

夏玉麟 沈璧 胡賓 聞源 陳德

聞符 驗，黃巖人。繇進士。除御史，以亢直不容，出守常州。禁暴抑強，操持嚴潔，積忤當事，左遷是邑。從一僕至，風裁凜勵，力心恤民，開置號舍講堂，身臨講藝。毀尼寺，人其田贍士。條罷鐵冶，以息草寇。仕終廣西憲使。去之三十餘年，人思清德，卽講堂顙祀之。

賀涇

裴天祐 天祐，淮安人。以進士任。嘉靖初年，每里甲十年編役，最苦者曰斗級，曰庫子，曰夫保，往往傾人貲產。天祐下車問疾苦，立條十二事，嚴溢額，謹庫支，一時應役差離湯火，咸舉手曰：「真吾天也。」

劉伯全

胡汝礪 汝礪字直夫，泰和人。澣衣蔬食，愛恤小民，雅意學校，所聽斷得情卽釋去，士民誦之。陞太平判。

王原相 見岡縣知縣。

右嘉靖中任。

顧孟卿 孟卿，安福人。以舉人任。立心長厚，施政坦夷。

陸夢熊

右隆慶中任。

方相卿 喻效龍

劉文燁 文燁，丹陽人。繇舉人任。蒞官嚴威，置田課士。

鄭兆芝 兆芝，南海人。繇舉人任。當萬曆丁亥，署廨盡災，兆芝悉心經營。陞徽州判。

應明卿 見晉江知縣。

胡玠 玠，字元聘，休寧人。萬曆進士。精明敏妙，人來見者，經目輒能記識，異時舉姓名往事無爽，

民神明之。縣賦，枿楊不用，惟視掌縷指瞭，然隨納隨登，民益便焉。捐俸新饗宮，置田課士。歲旱，勸預立義倉，邑恃無恐。官至知府。

李中立 馮思曾 文立緒 陸世科 仙克謹

右萬曆中任。

佐貳、教官賢者附後

姚震 錢塘人。洪武中以貢士丞縣。明敏廉介，吏民信服。陞推官。

吳承顏 桐城人。萬曆中以選貢丞縣。有惠政。

鄭烈 正統中典史。從知府張瑛擒鄧茂七賊黨有功，陞本縣簿。

楊壽夫 宣德中教諭。有文行，用薦擢翰林編修。

包瑜 字希賢，莆田人。景泰、天順間任教諭。好古能文，致仕後，淮王聘之修書。親讀其像，有「咳唾古今，寤寐賢聖，傳蒐經獵，回瓢點詠」之語。

施仁 隆慶中教諭。見龍溪縉紳。

傅默 字石井，臨川人。嘉靖中訓導。生平仁孝，造士端方，以親老致仕。

### 甌寧縣

#### 宋

知縣事、丞、簿、尉、監合同場各一員。（五）

知縣

林積仁 見莆田縉紳。

右紹聖中任。

范塔 兄知南劍州。

林朝俊

右紹興中任。

朱況 況字伯荀，休寧人。登慶元二年第，知本縣。時財計甚乏，運鹽難辦，況措置先期，益額爲八縣最。守臣史彌堅特薦，有「朴忠許國」之褒。

右嘉寧中任。

崔發 任古 朱偉 王彬 富肅 朱瑤 魏彥林 陳端彥 薛琛 稽忻 劉元昇 趙伯光 黃瑜

張任 方伯達 李淙 李時中 葉箋 杜穎 潘景連 董康嗣 劉唯然 向濂 丁大聲 丁執倦 陳震見晉江縉紳。 劉三傑 趙汝汲趙一作劉。 鄧文蔚 唐士列 趙崇忞 朱祝 顏彥林 梁鑰 袁汝寬 余克濟 劉璉叔 鄭仲度 石孝廣 蹇森之 許鏞  
右年任無考。

丞、簿、尉賢者附後

陳鶴 宣和中任丞。見莆田縉紳。

陳謙 隆興中主簿。見仙游縉紳。

范機 乾道中主簿。見延平僑寓。

傅子雲 字季魯，金谿人。登陸象山門，答問如響，象山歎其爲天下英才。其學務明善知本，言行動中規矩。晚奉大對葛端獻洪，素加敬，期以首選，弗果。主甌寧簿，決訟必傅經義，人服其學。

皇朝

知縣、縣丞、主簿、典史各一員，儒學教諭一員，訓導二員，營頭巡檢司巡檢、稅課局大使、城西、葉坊二驛驛丞、河泊所河泊各一員。

知縣

展鑑

楊和 和，仁和人。有政聲。

李思中 思中，荆門人。繇監生任。慎刑均賦。以憂去，民思之。

王迪

右洪武中任。

黃參

右永樂中任。

章盛 齊端

右宣德中任。

焦從周 從周，興寧人。繇進士任。廉公有威，愛民如子。

右正統中任。

陳祚

右景泰中任。

喬銘 銘，趙城人。繇貢士任。廉誠剛介，歲饑，勞心賑恤，巡撫大臣課最八閩。成化中，朝勅旌

異。九載考績，卒於道。

林鴻

右成化中任。

陳英 英，海陽人。繇貢士任。當官廉公，不避權要。九載滿考，陞光祿署丞。

許胆 胆字景輝，開化人。繇進士任。秉公持廉，不事聲色，而紀綱清明。仕廣東僉事，逆瑾用事，

以疾乞歸。

右弘治中任。

胡璋 璋字資禮，增城人。敦尚風節，力行公道，訊鞠論報，不阿上官旨，桁楊弗試，獄無冤民。行時，百姓遮贈，一錢不受。

程律 魯奎 蔡長宜 徐錦

右正德中任。

朱鵬

余經 經，順德人。以給事中調漳浦丞。未一年，陞縣。好士愛民。卒於官。

鄒魯 陳珪 應鳴鳳

蔡金 金，梧州人。繇舉人任。愛民如子，不畏強禦，嚴拒餽遺，種園蔬自給。

葛理 王可立

徐文沔 文沔，開化人。嘉靖丁未進士。以養親赴部愆期，謫丞建陽，尋還本縣。以文學飾吏事，以撫字督催科，以詩書行法律。節冗費，拯困窮，抑豪右，守以廉靜，持以撝謙，稱一時循吏。

鍾沂 沂字宗魯，南昌人。文章學業，卓然時冠。其作縣也，無剥膚剥骨之威，問羊知馬之術，而政舉惠流，事事改觀，終太僕少卿。子允復，見晉江知縣。

黎復性

趙熙靖 熙靖，武進人。以進士任。見事明敏，綽有丰裁，尤注意戶口，常謂：「十年編徭，與其重役於一朝，孰若均輸於每歲；與其獨任於一人，孰若分派於各甲。」議上，未果行。其後，閩中一省而爲徭綱

四差，再約而爲條編一式，皆熙靖遺議也。

陳希文 希文，錢塘人。以進士任。溫粹謹飭，而執法如山，常曰：「耗頭革則稅斂易完，詞訟簡則刑罰自清。吾與民休息云爾。」一時稱安靜之吏。

李應蘭

右嘉靖中任。

羅徵竹 趙巖

右隆慶中任。

曾士彥 士彥，瀘州人。以進士任。嘉靖初，裴天祐知建安，免民編役之苦，民舉手稱天。士彥緣天祐意，力行條約，定爲官民一則，民頌美之，稱曰裴曾。擢人吏部，官至湖廣布政使。

吳禮嘉 顧允元

王玠 玠，清遠人。以進士任。居官和易。以養親，屢起不應。終光祿少卿。

鄧養 駱駘 曾易 應昌

右萬曆中任。

佐貳、教官賢者附後

蔡紹光 瀧水人。歲貢，萬曆中丞。有惠政。

戴委 字士雍，浮梁人。景泰中以進士任教諭。律已端嚴，施教有序。

林元棟 太平人。嘉靖中以漳平訓導陞本縣教諭。有學有守。

葉士雍 浮梁人。嘉靖中教諭。師範端方，捐俸勵士，鄰邑諸生多從之。

杜圻 洪武中訓導。見崇安縣志。

蕭璋 萬載人。嘉靖中訓導。以學行勵士。卒於官。

### 建陽縣

梁

令

江洪 濟陽人。善屬文，與吳均、柳渾同有時譽。後坐事死。

唐

令、丞、簿各一人，尉二人，經學博士、助教各一人。

令

蔡烜 弋陽人。昭宗時以刺史謫令，遂家崇安，蔡元定八世祖也。

丞

宋仕唐 字世卿，遂安人。元和中進士，丞本邑。公廉自守，遇事通解。愛邑山川風俗之美，病革，

囑內人曰：「我有遺愛在民，卽不諱，可立族於此。」子孫遂世居焉。

宋

知縣事、丞、簿、尉各一員，監麻沙鎮、麻沙寨巡檢各一員。

知縣

晏詹 田元瑜

杜杞 杞字偉長，無錫人。強敏有才。邑俗老而生子輒不舉，杞使保伍相察，犯者加罪，俗爲之易。

蔡黃裳見晉江縉紳。

右天禧中任。

盛約 蓋何 鄭剛 林續 陳謨 江錕 梁宗旦 陳琪 皇甫朝光 廖平 張好古

右年任無考。

陳覺民見仙游縉紳。

右熙寧中任。

蔡說 張夢臣 翁述 陳忱 范建侯 周需 丁懈 黃兌 林極 陳道本 黃無慝 楊拙見閩縣

縉紳。

右年任無考。

陳直方

右大觀中任。

辛況 李宋臣 阮駿見莆田縉紳。

右紹聖中任。

鄧時可 張憲武 陳魯詹(六) 黃邦光 丁昌 周順 鄭思誠 高公誕

右年任無考。

陳亞卿 梅敦禮 周宗元 韋能述 彭汝霖 傅賴

右紹興中任。

章三捷 李損一作賴

右隆興中任。

曹訓

蕭之敏 之敏字敏仲，九江人。廉靜易直，不務赫赫名。訪邑中先賢，得三御史焉：曰陳洙師道，曰陳師錫伯修，曰游酢定夫，慨然慕尚，爲肖像祠之學，榜曰三賢。之敏去縣數年，亦爲御史。後召爲國子祭酒，使湖南，卒。卒時，貧甚，無以家，建陽人咨嗟惻愴，謂：「吾蕭令之賢，真可進配三賢而無愧。」後令姚耆寅合而祠之，曰四賢。

朱邵 林震 王握

右乾道中任。

王中立 李彭年 陳樸

姚耆寅 耆寅，會稽人。以聖賢之學興士，斥金齋書，上自六經，下及訓、傳、史、記、子、集若干卷，充入學宮，世儒所誦科舉之業，一無所與。聞邑人稱前令蕭之敏之賢，歎曰：「嚮往舊矣。吾忝竊後塵，可但已。」肖之敏像，合祀於三賢之祠，榜曰四賢，請朱文公爲記。

黃謙

右淳熙中任。

陳子誨 李庚

程起宗 起宗任縣，寬易愛人，朱文公稱之。

李椿 張揆

右年任無考。

儲用 見晉江縉紳。

右慶元中任。

劉克莊 見莆田縉紳。

右寶慶中任。

黃千里 千里爲令，有興學功。後令趙與迥以縣學始於儲用，而成於千里，以並祀學舍。

趙與迥 見宗室。

右淳祐中任。

張以道 包榮父

右年任無考。

丞、簿、尉賢者附後

方伯騫 紹興中丞。見莆田縉紳。

陳德符 字伯厚，寧波人。淳祐中丞。朱文公有詩送之還鄉。

劉應李 咸淳中簿。見本縣續紳。

余大用 紹興中尉。廉介不苟，遇事敢前。

林彥常 乾道中尉。見長樂續紳。

元

達魯花赤、縣尹、主簿、縣尉、典史各一員。

縣尹

游欽 至元中尹。見崇安續紳。

陳天錫 至順中尹。見福寧續紳。

辛思謙 登進士，爲建陽尹。長儒術，勤吏治，興學校，廣生徒，輕刑薄賦，興利除害。

黃周 至正末任尹。見本縣續紳。

皇朝

知縣、縣丞、主簿、典史各一員，儒學教諭一員，訓導二員，建陽稅課局、後山稅課局大使各一員，建溪水驛驛丞一員，東峰馬驛驛丞一員，萬曆九年革。建陽遞運所大使一員，隆慶二年革。陰陽學訓術、醫學訓科、僧會司僧會各一員。

知縣

吳義 張南固 范子疇 徐原芳 郭伯泰見泉州同知。 宋天祐

陳敏 敏，永嘉人。繇舉人任。慎刑罰，均徭役，興學勸士，除弊恤民。歲歉，發廩勸濟。天旱齋禱，

一雨三日，歲以大稔。陞監察御史。

右洪武中任。

陳宗源 宗源，祁門人。爲本縣典史。蒞官九載，民服公正，相與白憲司，留之，遂擢知縣。

梁溥

右永樂中任。

徐鐸 鐸，饒州人。以御史出爲縣。勤於撫字，不善逢迎，興學勸士，邑人化之。

右洪熙中任。

張光啟 光啟，建昌人。鋤強去暴，篤意斯文，吏不敢欺，士心悅服。

右宣德中任。

何景春 景春，建昌人。宣德中丞。有爲善斷，豪強帖服。興學勸士，尤所留意。擢本縣知縣。秩滿去，民思之。

王原善 尹戴魯

右正統中任。

葉讓 一作榮。

龍輜 輜，曲江人。勸農興學，民甚安之。

宋烈

右景泰中任。

陳讓 傅璫 陳顯

右天順中任。

劉淵

項旻 旻字崇仁，瑞安人。少有奇氣，大究於學，侃侃論當世，若將追古人而及之。成化壬辰登進士，授本縣。新學舍，旌孝節，禮先賢，立義塚。政平訟簡，俗幾爲變。以外艱歸，民遮泣，像祀。

海澄 澄字靜之，瓊人。以進士任。崇重儒術，廣設義學，省賦清刑，無科斂迫呼之擾。去邑十里有登瀛橋，其圯已久，澄重建之，請其鄉丘文莊濬爲記。擢人爲御史。

汪律 律字用和，樂平人。以進士任。學問優贍，占對詳敏。以治行第一，擢御史。

右成化中任。

張津 見泉州知府。

金以能 金一作余。

周昶 區玉

右弘治中任。

謝誼 孫佐

戚雄 雄字世英，金華人。繇進士任。持己峻方，近民平易，鋤強扶善，遷學置田，公私常費一切省便。調繁南海令，尋擢御史。

陸秀

邵幽 幽字宗周，東陽人。以進上任。邑糧舊多被豪家飛詭，豪者不賦而田，貧戶無田而賦。幽立法清丈，准望原隰，格評肥磽，丘畝高下，莫不踐較。在任六年，崇實抑華，明德揭典，修軌辨物，樹惠伐

頑。擢人爲御史。

右正德中任。

項錫 錫字秉仁，嘉興人。大司馬襄毅公忠孫也。早以明經第進士。下車，愛民節用，有爭辯者，從容開諭，消其忿悁。集諸生於福山招提，請侍御朱泚、周亮爲之師。令耆老時宣聖訓大誥，以戒諭子孫。〔七〕遷刑部主事。

薛宗鎧 宗鎧字子修，海陽人。以進士令貴溪，調將樂。重厚簡默，廉介不苟。移知本縣。崇學校，獎節義，禁尚妖，嚴淹女，開陂渠，修橋道。遇歲歉，豁省全歲丁料，民甚德之。擢給事中。極論汪太宰儉倭。太宰數伺間，用微言激聖怒，遂下獄，杖八十。賦詩矢志，五日而亡。隆慶初贈光祿少卿。

呂文彥

朱默 默字時言，太倉人。以進士任。清廉好士，在任末期，政聲噴噴。修葺學廡，創講經堂及號房數十間，以居肄業之士。以憂去。

張謙 謙字子益，慈谿人。嘉靖壬辰進士。以刑部郎謫尉，陞任。剔政蠹，屏吏奸，抑豪強，正士習，爲一時賢令。

李東光 東光字晉卿，南昌人。以進士任。清操善政，歷歷有聲。

齊汝賢 余曠見僉事。張其協

馮繼科 繼科，番禺人。以舉人任。工辭賦，勤吏事，纂修邑乘，在任九年，循良著聲。

顧名儒 鄒可張 李開 孫滔

李思寅 思寅字子衷，潮陽人。以進士任。邑經兵燹後，民困徵輸，思寅白當道，釐革倍納之例。於凡圖賴、賭博、斷骨、賠田、教唆、健訟之風，悉行懲禁。有劇盜殺人攫金無忌，以方略捕治之。課士興行，教民行朱文公鄉約。在事六年，廉平節愛，發於誠心。擢刑部主事。

右嘉靖中任。

徐進階 進階，馬平人。以舉人任。承李令之後，寧靜寬和，顯若畫一。

右隆慶中任。

李增 朱貞泰

項應祥 應祥，遂昌人。以進士任二載，以艱去。邑民頌曰：「抱案吏立水，訴冤人向鏡。」後仕都御

史。

向必麟 崔子肖 吳天洪

趙子貞 子貞，無錫人。以舉人任。安靜坐理，有長厚之風。

魏時應 周士顯 葉大受 董暹

右萬曆中任。

佐貳、教官賢者附後

陸鑑 洪武中丞。見福州通判。

何景春 宣德中丞。見本縣知縣。

文河 嘉靖中丞。見甌寧知縣。

符爽 臨高人。萬曆中以貢士任丞。提身不苟，事上不阿，恒言：「余不負丞。」卒於官，邑人悼之。  
丘松 洪武中以監生任簿。爲政有方，吏民畏服。重建講堂齋舍，手書白鹿洞學規於明倫堂壁，以勉學者。

徐晬然 崑山人。萬曆二年以貢士任簿。廉勤仁恕，儒術飭吏，訟者顧質。陞中江知縣，去日，士民泣送。

陳宗源 永樂中任典史。見本邑令。

李學禮 歸善人。萬曆中以掾任典史。長於贊畫，清幹著聲。

王箴 長洲人。正統中以舉人任教諭。學博行修，師範端嚴，修飾建造，有勞於學宮。

蔣蒙 字山泉，瓊山人。嘉靖中以歲貢任教諭。居官節儉，日課諸生，謝絕贊幣。食僅脫粟，衣履敝裂，泊如也。間出俸錢，周窮乏，給喪葬。學舊有租田，掌教者自出人，蒙曰：「職專模範，可涉錢穀併贍夫倍例？」辭焉。與海忠介公同鄉，居常有韻頌意。任二載餘，卒。

鄧以誥 字汝欽，新建人。萬曆中以舉人署教諭。以立命之學訓諸生，移學宮以復文公之舊。

何喬遷 萬曆中任教諭。見我私志。

翁興賢 萬曆中訓導。見侯官縉紳。

### 崇安縣

南唐 崇安場

鍾譚

右周顯德中任。

宋

知縣事、丞、簿、尉、武夷驛驛丞各一員。

知縣

范雍 雍字伯純，河南人。以殿中丞知縣。治尚平恕，喜獎拔上類。累官尚書左丞，贈太子太師，謚忠獻。

右大中祥符中任。

趙抃 抃字閱道，衢州人。以著作郎知縣。重厚清修，喜怒靡形，爲政簡易，本於孝弟。畫之所爲，夜必焚香告天。嘗出勸課，見南郊土曠廢耕，詢其故，曰：「水莫之利。」抃相地鑿渠，設陳灣陂，引西郊水貫邑治達之。又就築隄達於星陽，敷溉不下數千畝。後累官參知政事，謚清獻，至今民呼所鑿陂曰清獻渠。有手植縣圃梅，邑人碑之，而復銘之曰：「召有棠，棠有栢，清獻梅，碑以石。」

右康定中任。

歐陽竦

右熙寧中任。

王當

右紹聖中任。

葉祖文

右崇寧中任。

陳難一作難政。

右政和中任。

翁谷見建安縉紳。

右宣和中任。

蔡傳一作傳素。

陳淑嘉 王純見閩縣縉紳。

婁壽 壽政暇喜爲歌詩，嘗題後圃浮香閣，有「飛雲過雨灑明霞」之句，人傳誦之。官至官師。

右紹興中任。

諸葛廷瑞見南安縉紳。

留正臣 王齊輿

右乾道中任。

詹宗誨 趙彥繩見宗室。

曾賀孫見晉江縉紳。

右淳熙中任。

賈損

右紹熙中任。

趙彥拯 楊補

右慶元中任。

林澧見仙游縉紳。傳壅見南安縉紳。趙必愿見宗室。

林士尹 士尹，温州人。以宣教郎知縣事。禁暴戢奸，政平訟理。遷知賀州。

趙崇萃見宗室。

右嘉定中任。

陸注 趙善郎見宗室。

右寶慶中任。

鄭思忱見安溪縉紳。廖視

右紹定中任。

章端子

右端平中任。

詹元輔 陳樵子 馮端榮見福清縉紳。

右淳祐中任。

趙時鏐 張嗣孫

右寶祐中任。

林天瑞 天瑞字子輯，温州人。治尚嚴明，蠲人戶助綱錢，給孤貧錢米。祀胡憲、胡寅、胡寵、胡勉之、蔡元定、劉子羽於學宮，增建古心堂於武夷精舍。

劉漢傳 漢傳字習甫，會稽人。禮士愛民，嚴於馭吏。重建廟學及先賢祠，置田立豐惠倉，修建橋

梁，開闢道路，築義阡，創養濟院，請撥舉子米以贍孤貧。人生祠之。

右景定中任。

丞、簿、尉賢者附後

翁邵 元豐中尉。見順昌縉紳。

朱敏修 紹興十一年尉。見閩縣縉紳。

胡權 字經仲。紹興十八年進士。調崇安尉，官至太常簿。通經有學，游其門者多至顯仕。

余發林 咸淳中尉。見古田縉紳。

元

縣尹

鄒伯顏 字從吉，高唐人。至元二年任尹。縣中稅糧合六千石，大姓有五十餘家，兼五千石；細民有四百餘家，合一千石。大家之田，連跨數都，而細民之糧，或僅升合，有司嘗以四百細民配五十大家之役，貧者受役旬日，而家已破。伯顏計糧受役，無令小民重困，繇是，崇安賦役之均，爲四方最。修復趙清獻所穿渠，水田常穰稔。御史、憲府咸舉其能，選調漳州路判官。

任德用 許州人。至元十四年從唆都入閩，充軍民達魯花赤，留鎮。時兵後，極力撫摩。軍還，俘掠甚衆，德用詣軍前釋歸附男女五百餘口。邑草寇騷動，率兵平之，民呼「任佛」。郡上其功，陞昭信校尉，領銀符，兼縣事。子孫遂世居焉。

楊靚 至元間尹。廉勤公謹，愛民禮士。同官有貪虐立威者，以德柔之，卒用斂改。先是，平黃寇

亂，邑民妻孥俘北甚衆。至是，廉得其處，列訴於覲，亟移所屬，咸得釋還。兵後，市井丘墟，招徠復舊，政平訟理，民咸稱之。

夾谷山壽 女真人。延祐四年任尹。修治學廡，時髦奮興。鑿夷梨嶺隘道，行人以爲坦途。

劉沅祖 字濟川。至治中任。先是，清獻陳灣陂多暴涼壞隄之患，沅祖於分流入陂之處設石閘，可啟閉，旱則納流，漲則拒之，民呼「濟川閘」。

彭好古 字德明，維揚人。泰定中任尹。每朔望及上旬暇日，輒率邑儒與吏詣學講經史。立惠民藥局，新廣福橋、廣惠倉，他諸多所興建。

彭廷堅 至正中尹。見副都元帥。

孔楷 字魯林，衍聖公洙之子。至正間任尹。以陳友定寇亂攻城，拒戰而死。二子克和、克遜繼卒官舍，道梗不能歸櫬，遂葬將村之游嶺，人籍焉。今縣界西有孔聖祠。

唐兀氏伯顏 大同人。至正末以省鎮撫調尹。理軍治民，叛亂自戢。國初徵至京師，以老乞歸，仍居崇安。清慎不改，老穉稱爲「故侯」。

周禮 至正中任簿。定六班役法，按籍品配，一夕畢事，不能高下，人服公敏。

### 皇朝

知縣、縣丞、主簿、典史各一員，儒學教諭一員，訓導二員，分水關巡檢、稅課局大使、長平水驛、大安驛、興田驛驛丞、河泊所河泊官各一員，崇安、大安二遞運所大使各一員，俱隆慶二年革。陰陽學訓術、醫學訓科、僧會司僧會各一員。

知縣

陳顥 徐得 劉伯益 夏得章 邵文昂

張子彬 子彬，吉水人。自孝廉舉。留意學校，吉水倪伯文、懷安陳思遠並遯經學，子彬延致兩人，造就學者。

曹端 端，華州人。繇監生。以常州同知左遷。廉勤當官，庶務畢舉。作二籍，書民善惡而懲勸之。政最諸縣。官至雲南布政使。

右洪武中任。

謝雅卿 趙麟

右永樂中任。

余岳 李偃

右宣德中任。

余懷

右正統中任。

姚宗顯

右景泰中任。

唐紀

張銳 銳字退之，江都人。以進士任。有智數，伸冤理抑，興利除弊。仕終副使。

王肅 余衍見本府同知。

熊瑞 瑞，廬陵人。以貢士任。政尚威嚴，鑿陂置倉，公私充羨。

右成化中任。

過鶴 鶴剛正有治才，善詩。

于廷春 鍾紹見長樂知縣。 沈球

右弘治中任。

高贊 王銓 沈鈺 張益 王和

右正德中任。

祝續 續字光祖，長洲人。祝允明之子也。以給事中左遷。爲政莊肅，吏民畏之。

潘昂 昂字勉夫，博羅人。以舉人任。文學過人，行事師古。興社學於四門，聚秀童擇師訓之，朔望令詣學宮從諸生後講《小學》，進退整肅。嚴於惡惡，竟罹妻菲，以憤去位。

馮仁馮 作馬。

呂光洵 光洵，新昌人。以進士任。志潔行方，才識敏練。在任六月，以艱去。後以右都御史督撫

雲南，戢沐國之橫。先後討平土苗李應陽、安國陽、鳳繼祖之亂。仕至南工部尚書。

邵德夫

郭瑞 瑞，大庾人。以監生任。爲政平易公直。去日，里胥獻金爲贖，笑却之，曰：「措大性成，不能復酸。」

董應翰 余成基 胡文翰

錢燁 燁，鄞人。以進士任。治尚嚴明，下不敢犯。

譽紹芳

吳承燾 承燾，吳江人。以進士知壽寧。操行清潔，撫字勤勞，調繁本縣。持廉當官，政不改舊。陞

吏部主事。

戴瑞 王葵 鄧復陽見海澄知縣。

右嘉靖中任。

虞守元

余乾貞 乾貞字秉智，遂安人。以進士任。居官簡重，請成城以備倭，崇遂號巖邑。召人爲御史。

右嘉靖中任。

鍾銳

梁鵬 鵬字冲宇，順德人。以進士任。政簡刑清，恤民禮士，堂署一聯云：「庫無耗頭，里無私派，鋪無當行，望鄉耆訪聞相告；吏怕沉案，差怕索錢，民怕健訟，期子姓敏德還淳。」陞戶部主事。歸家，饘粥靡餘，垣屋不治，編竹自蔽，足跡未嘗及戶外。

陳天寵 史弼 顧士琦 蔣一驄 虞大復 史孔吉

右萬曆中任。

佐貳、教官賢者附後

安處善 洪武初任丞。見仙游知縣。

陳讓 字克遜，錢塘人。宣德中丞。勤於贊佐，徵輸徭役，處置得宜。學校、祠廟、壇壝、譙樓，皆所修治。

葉成 建德人。正德間以監生任丞。質實近正，民情不枉。

袁大純 鄞人。嘉靖初以監生任丞。民樂和易。

方本寧 分水人。嘉靖中任丞。自持清謹，人無私干。

廖頤 新淦人。嘉靖中以監生任丞。獲盜，樹竿示衆，盜用惕息。卒於官。

王大儒 黟人。嘉靖中以掾任簿。嚴明敏達，上信下親。

胡綸 正德初教諭。見尤溪知縣。

王鉉 臨安人。正德中以舉人任教諭。剛果善談兵，寧庶人反，席文襄爲方伯，起義兵應王文成，檄鉉佐太守張文麟領前鋒兵，至弋陽，罪人已得。尋遷去。

鄧林梓 桂陽人。嘉靖中以監生任教諭。飭躬彝訓，善於作人。

彭汝賢 字希之，安福人。講學鄒文莊之門，嘉靖中以舉人任教諭。爲人恬訥，讀書盛寒暑不輟。與諸生辨難詩書，剖析如流，聞者喜得所宗。在學舍，粗衣淡食，免饑寒而已。後遷大理評事。

鄭夢資 嘉靖中任教諭。見邵武知縣。

張矩 字孟方。其先廣陵人。父伯巖，爲崇安五夫巡檢，結廬屏山北居焉，因與劉屏山家密邇，得諸賢遺書而讀之，遂通五經。揮筆爲文，敏直雄練，而作書諸體精絕。洪武三年，以當道薦，爲本學訓導。

學者多所造就，歌之曰：「前載後斌有美，孟方匹無數。」

俞朝文 新昌人。正德中以監生任訓導。有詩名。

華一作葉達 富陽人。嘉靖初以監生任訓導。令接之倨，遂棄官歸。

黃靖 蘭谿人。嘉靖中以監生任訓導。好學端行，士稱之。

施恩 貴池人。嘉靖中以監生任訓導。推誠待士，高年有守，士信服之。

徐沐 西安人。嘉靖末以歲貢任訓導。謙謹，不苟爲辭受。

〔校記〕

〔一〕「建寧府」下，各本原衍「下」字，據本書體例刪。又「建安縣 甌寧縣 建陽縣 崇安縣」十二字，各本原脫，據本書體例補。

〔二〕「重於名節」，各本原作「於重名節」，據文義改。

〔三〕「先王制爵」，各本原作「先生制爵」，據文義改。

〔四〕「除避儒諱籍」，各本原作「除避縣諱籍」，據文義改。

〔五〕「監合同場」，「八閩通志·秩官」作「監合場」。

〔六〕「陳魯齋」，「八閩通志·秩官」作「陳魯彥」。

〔七〕「以誠諭子孫」，各本原作「以誠諭孫子」，據文義改。

## 閩書卷之五十七

### 文蒞志

建寧府 浦城縣 政和縣 松溪縣 壽寧縣(一)

浦城縣

梁吳興縣

令

江淹 淹字文通，濟陽考城人。起家南徐州從事，轉奉朝請。宋建平王劉景素好士，淹隨景素在兗州。景素爲荊州，淹從之鎮。少帝卽位，多失德，景素專據上流，咸勸因此舉事，淹每從容諫。及景素鎮京口，淹又爲鎮軍參軍事，領南東海郡丞。景素與腹心日夜謀議，淹知禍機將發，贈詩十五首以諷，景素不晤，憑奴黜之爲建安吳興令。淹自序：「地在東南嶠外，閩越之舊境也。爰有碧水丹山，珍木靈草，皆淹平生所至愛，不覺行路之遠。山中無事，與道書爲偶，悠然獨往，或日夕忘歸。」放浪之際，頗著文章自娛，在邑三載，有《渡泉嶠》、《遷陽黃蘗山》諸詩，《草木頌》十五首。

唐

尉

文昭 昭字克明，衢州人。乾符中爲仙陽尉。時地曠人鮮，昭政敷惠洽，民爭來歸，遂成巨鎮。黃巢入寇，昭力禦之，民賴以安。卒，祠祀之。

南唐

楊澄 本縣徽之祖。附見徽之傳。

宋

知縣事、丞、簿、尉、臨江、遷陽二鎮監官、監稅務各一員。

知縣

趙谷

右皇祐中任。

李廣文 見古田縉紳。

周說 蘇曄 蘇一作葉 鄭禧

右年任無考。

辛次膺 見安撫使。

右建炎中任。

朱藻 藻，處州人。紹興進士。至縣，首延耆宿，周詢幽隱。約民墾荒田，滿三載乃徵。興學校，修夫子廟，政事親決之。公暇訓吏屬，讀書詩法律。居三載，戶稅倍增。陞江陵知府。

曾聿 何志正 傅演 劉昱 何洪 何一作向 均 潘莘 一作華 趙希曾 黃杞 見龍溪縉紳 孔履常

李知孝 知孝，上虞人。邑會瘴疫，親爲祈禳，舉境獲安。

吳美中 美中爲令，政通人和。卽舊治鼎新公廨，重建文宣王殿，群士肄業其中，請楊龜山爲記。

謝邦彥 邦彥至任，會邑旱，竭誠祈禱，投詩百丈山龍湫中，雨應時至。

右紹興中任。

李夷仲 張泳 趙善岫 吳憐 左嶼 孫慈明 吳煥 余閔 上官端義見邵武縉紳。 張叔振見樞寧

縉紳。

右年任無考。

曾慤 慤爲縣，建南浦橋，民不病涉。

右淳熙中任。

林子升 趙彥佩 王深仁 趙思蓮一作邁。 趙善邢 王鉛

鮑恭叔 恭叔，括蒼人。遷陽鎮有永和倉者，邑人提舉常平公事黃靜之所奏立，後以兵亂廢。恭叔

取靜之法復之，夏貸冬斂。以淳熙某年，社倉制勅從事請朱文公爲記。

趙師竦 趙師伯處(二) 曾丰 趙善傑 鍾大猷 孫端懿 錢謙光 陳志和 陳鑑 謝孫復 趙

彥庾 程源 王潭 鄧文舉 姚鑑 趙彥倪 宋植 蔡節 陳昉見本府知府。

鹿愿 卓樗 趙汝通 趙希鑣 羅端常 朱直清

右年任無考。

丞、簿、尉賢者附後

鄭思忱 紹定中丞。見安溪縉紳。

陳襄 乾道中任簿。見侯官縉紳。

任希夷 淳熙中簿。見邵武縉紳。

陳逢寅 寶慶中簿。見長樂縉紳。

元

葉景仁 至正中任尹。見松溪縉紳。

吳元芳 浙江人。至正中任尹。守己清廉，愛民下士。早歲親祈禱，甘雨隨應。

吳楚 字方叔，高安人。性狷介，博洽經史。至元間以功授四會尹，後更上杭、建寧、浦城。所至廉能，救荒禦患，活人數萬，閩人號曰吳廉訪，又曰生佛。

皇朝

知縣、縣丞、主簿、典史各一員，儒學教諭一員，訓導二員，益亭、高泉二巡檢司巡檢、稅課局大使、陰陽學訓術、醫學訓科、僧會司僧會各一員。

知縣

張鵬舉 鵬舉，鍾離人。端方公恕，愛民待士，學校、壇壝、廟宇、公署，多所創始。

宋性

張宗顏 宗顏，冠人。繇秀才任。公勤廉恕，吏不敢欺。開拓邑城，以廣民舍。

徐瓚 瓚，吳縣人。繇儒士任。學問優贍，持心公恕，先德後刑，吏民畏服。

史志可 志可，寧波人。行政寬和，加意興學禮士。

右洪武中任。

胡觀 陳潼一作儻。

右永樂中任。

周原慶 原慶字永新，麗水人。以人材任。公忠清介，圜圉空虛，陞刑部郎中。

右宣德中任。

張鏞 甘榮

何俊 俊字志高，金谿人。繇吏員丞縣。廉平果斷，處州盜屢侵縣境，俊築城塹，備器械，率民兵拒之，賊懼而退。既，奉檄往崇安犒迎王師，賊乘間攻燬縣治，俊聞亟奔回，賊竄去，還勦百餘。民白其功於鎮守藩臬，以轉聞於朝，擢本縣知縣。重修真文忠公西山精舍，擇其子孫之賢者奉祀事，請學士劉儼爲記。

右正統中任。

顧恒

右天順中任。

楊惇 惇字載之，六安人。繇進士任。通敏有才。縣有逋寇，時出爲傍邑害，巡撫張瑄檄惇搜捕，惇設法踪跡，得巢穴，悉擒之。以卓異舉，官至光祿少卿。

張昞

劉珩 珩字文鳴，上虞人。繇進士任。沈敏有割制，擒治梗化，奸豪皆俛首聽命。

許澄

右成化中任。

孫榮

鄧應仁 應仁字子榮，南海人。就經籍，有文名，以進士任。處賊竊發，躬自督戰，賊遁。後爲南安

守。

費琮 梁綱 陳理

右弘治中任。

何棐 棐字輔之，泰興人。治縣有聲，擢南御史。累南太僕寺少卿。

葉鵠

孫懋 懋字德大，慈谿人。繇進士任。巡洞源寇猖獗饒，信地方，邑與鄰近，懋於要害處築寨創隘，

申調軍民備禦。御史李如圭薦爲縣令第一，擢吏科給事中。官終應天府尹。

彭綱

右正德中任。

周南 余鏐見副使。 劉體元

陳思謙 思謙，揭陽人。以進士任。簡亢嚴重，安善鋤豪。浦俗尊尚浮屠，思謙毀其磬鉢，以鑄祭

器。民有「清如水，明如神」之歌。

謝瑜 瑜，上虞人。以進士任。修建社學，擇師訓誘，親詣試課，輒有獎賚，一時俊秀彬彬向學。  
邢埴 埴，當塗人。以舉人任。敦禮耆碩，洞悉民間利弊，約法不爽，捐俸修飾學宮。御史李鳳翔爲  
記其事。

俞中孚

盛周 周字文郁，秀水人。以進士任。政尚廉平，却餽遺，絕請託。坑場寇起，築木柵守禦，以不意  
出奇兵擒之。陞任，行李蕭然。

邵德 康詢

王大中 大中，太倉人。以舉人任。清慎寬平，終養致仕。

謝球 林萬春 胡應奎

右嘉靖中任。

潘玉潤 楊元善

右隆慶中任。

詹全覺 施廷相

褚國祥 國祥字徵興，武進人。以寧化縣調任。廉潔平易，而於豪猾不少假貸。縣有潘廣文應科  
者，持節堅苦，國祥時時造廬禮之。潘或出蔬食留款，促膝竟日。邑人知令能重士也。

任禧 兄侯官知縣。 李繼韶

朱道相 道相，萬安人。爲人爽介，庭無滯獄，亦無伏奸。調繁浙中縣。

鍾洪勳 王訓 梁槐

儲昌祚 昌祚，宜興人。以進士任。高亢不屑逢迎，坐堂上，吏抱牘不敢出。語片言剖斷，奸猾戢心，而士尤懷德焉。

黎民範 方道

右萬曆中任。

佐貳、教官賢者附後。

裴思明 淮安人。洪武中丞。禮士恤民，勤於政務，躬詣傍邑招復流移。

張玉成 廣濟人。洪武中丞。除弊讐奸，勤於撫字。

呂昭 字克明，崑山人。洪武中繇訓導丞縣。廉仁好士，培善鋤奸。陞知沁州。

何俊 正統中任丞。見本縣知縣。

丁可成 餘姚人。萬曆中以掾任丞。蒞事果斷，罷除武斷之爲民害者。以不善逢迎去官，人共惜之。

王檄 豐城人。萬曆中以選貢任簿。愛民好士，出納惟謹。視縣篆，賑窮周乏，民戴哺乳。

余永麟 鄞人。嘉靖中以舉人任教諭。沉潛篤學，嘗著《禮經衍義纂說》。周給寒生，尤所不靳。奔父喪，空輿跣歸，縣令憐其貧，厚贖之，悉却不受。終松江府同知。大學士文敏有子，其子也。

徐泳 宣城人。嘉靖中以舉人教諭。訓士先孝弟，譚經講藝，無所倦厭。擢國子博士。

區鶴鳴 萬曆中任教諭。見泉州教授。

政和縣

宋

知縣事、丞、簿、尉、監關隸鎮各一員。

關鎮尹

韓國昌 毛國華 卜早 飾成之 周公才 王瓘 張夢臣 劉諤 胡章 余煥

右年任無考。

知縣

李敏求

右政和中任

陳正敏 向子銓 林次阜 鄭公才 翁範 謝芳 林實 楊中 李圭 沈諫 陳璣 鄭思誠 方

深道 鄧琇

右年任無考。

張民彝 謝邦彥見浦城知縣。 何志正 劉晉 程燾 汪迢 吳申 趙左之 向億 周炤 韓康國

趙伯果 趙不愚 蔡顥 談莊 高志南 辛爽邦 林清卿 劉季裴

右紹興中任。

胡虞老 王昌崇 葉大芳一作坊。 趙載 呂章 陳仲諤 吳良驥 林叔垣 趙師琦 戴佑甫

蔡大中 黃東 李說仲 蕭忱 吳灼 馮堯寶 余大臨 陳戊 陳言應

右年任無考。

袁采 采字君載，信安人。持己廉謹，率物懇切，遇事教戒，惠澤及民。縣有小路數條通羅源、寧德海鄉，民利私鹽之賤，而官鹽自徵科抑雖銖兩無售者。采始爲落草私鹽之法，自買私鹽，分置數坊賣之，以給歲計。自此縣道稍可支吾，而州府漕司亦獲其助。所著有《政和雜志》、《縣令小錄》。先是，令樂清，著睦親、處己、治家之法各數十，名曰《袁氏世範》。累官學士。

右淳熙中任。

胡濟 章燾 趙善治一作浩 丁光遠 王褒 管浚 趙彥高 宋鈞 趙普那 李德祐 華筍  
米鈞 李銘 趙善鑒 吳季貞 劉塔 葉南夫 施季謙

右年任無考。

呂祖慤 祖慤，祖謙從兄弟也。爲縣廉正著稱。

右紹熙中任。

劉方慶一作劉慶 陳俞 柯洽 王節 陳裴 胡森 趙悉夫 黃榮 祝士奇 江公實 楊茂元  
朱衍 吳實卿 劉三畏 程頤 孔聖義 蔡庾 趙普夫

右年任無考。

徐應辰 應辰，處州人。作新久廢縣學，像設顯嚴，藻繪輝矣。東西爲齋四，以處生徒，稽糧儲之人以養之。真文忠公爲記。

右紹定中任。

趙崇常 張希文 黃燮 趙善逢 葉彥炳 商圩孫 柴祥 姚德輝  
右年任無考。

丞、簿、尉賢者附後

盧點 字師予。政和中簿。老儒博學，清謹有馴行。

朱松 政和中任尉。見尤溪簿。

元

達魯花赤一員。

馬忽速 色目人。任達魯花赤，廉善有聲。驗民產定賦九等，民甚便之。

真寶 任達魯花赤，見南平尹。

馬哈麻 爲本邑尉。法令公明，盜賊屏跡。夷兵入寇，率鄉兵拒戰，弗利，被執，瞋目罵賊，賊怒，縛諸都護橋柱，剖其腹，腸出委地，罵不絕聲。追贈關隸伯。

皇朝

知縣、縣丞、主簿、典史各一員，主簿，隆慶二年革。儒學教諭一員，訓導二員，隆慶二年革一員。赤巖巡

檢司巡檢、陰陽學訓術、醫學訓科、僧會司僧會各一員。

知縣

孫宏遠

李子春 子春，山東人。廉慎勤敏，惠愛在民。妻躬執爨，無異布衣。

吳朝宗

右洪武中任。

黃裳 裳字迪吉，番禺人。氣質粹和，學問瞻博。政暇，編摩縣志，縣中先輩之賢者四人：曰陳朝老，曰邵知柔，曰吳珍，曰余應裳，畫像而贊之。歲荒，勸富室發賑，秋成取息，民以不饑。

葉應祥 傅玉潤 趙克禮

張惠 惠字澤民，平南人。蒞官清謹，崇重學校，三日一課，士多造就。

右永樂中任。

黃斌 彭留 張煥

右宣德中任。

葉志高

江顯 顯字顯中，建昌人。下車首革里胥濫徵之弊。流民有以白金二百求私採銀礦者，顯拒却之。

歲歉，勸富民出粟賑饑。

顧讓

右正統中任。

王廷舉

右景泰中任。

靳學 劉經

右天順中任。

王鑑 吳理 陳綺 沈倫

右成化中任。

柴曦 曦字德輝，建德人。以監生任。均賦役，完城池，修學校，造橋梁，立關隘，葺舖舍。蒞政九載，邑事掣然。

徐克讓 洪貫 汪賢

右弘治中任。

熊道

張萱 萱字德輝，上海人。以進士任。均徭役，祛積弊，修城池，葺學宮，創養賢堂於文廟北。遷茶陵知州。

林離 謝溥 林桂森

右正德中任。

吳宣濟 潘邦相 鄧公度 胡宣 陳德文 陳朝元 俞時敬 高士楠

祝舜齡 舜齡，無錫人。以進士任。清廉慈愛，陞南戶主事。

周尚友 尚友，貴溪人。以舉人任。撫字安靜。縣被倭，督民堅守四旬，援兵不至，城陷。走入民舍，賊火民舍，死焉。賊退，縣人失令，謂令逃矣。頃之，得其所服羊裘一片及縣印，乃知令死也。而一家

皆爲賊所殺。贈寺丞。

鄧維修

右嘉靖中任。

陳一鰲 一鰲，合浦人。以歲貢任。清慎慈仁，士民德之。卒中讒言，以王官遷去。

張日採

右隆慶中任。

張應圖 應圖，高淳人。以歲貢任。有改造新城之功。

單文盛 文盛，臨川人。以舉人任。議條鞭，請免清丈，民受其賜。

章國舜 丁明佐

方圯 圯，南城人。以舉人任。平易慈祥，愛民厚土。陞嘉興判。

沈堃

胡濠 濠，南豐人。以舉人任。廉慎惠下。

車鳴時 鳴時，歸善人。以舉人任。有治體，議革爐場，民便之。陞州守。

何其義 其義，瓊山人。以進士任。當任廉恕議行，官民則。調上杭。

吳從善 楊起龍 陳仲麟

右萬曆中任。

佐貳、教官賢者附後

許穆 上饒人。洪武初以明經擢丞。秩滿，行李蕭然。民請曰：「公不能歸，佛字山有磁石，盍往取之？」初是，欲取磁石者，必致禱山神，見許則往，顧亦不能多。及穆往，未嘗謁神，觸手皆磁，吸針特利。持至京師，會大軍將下海，欲得指南甚急，遂獲厚惠。人謂廉報。

徐九經 貴溪人。嘉靖中以掾任丞。力贊知縣周尚友堅守禦倭，援絕城陷，與周同死。贈寺丞。

周體仁 永豐人。嘉靖中丞縣。愷悌慈祥，民感之。

扈子賢 梁山人。成化五年以掾任簿。蒞事廉勤，注意學校，講堂經閣葺理一新。時出燈油費助貧士。有盜二十餘人，捕獲不得，參議陳渤以屬子賢，數日得之。署建陽縣事。有里役豪無賴，欲以賂敗子賢，以計納金其行李中，將誣之。子賢探得，聞上官，竟抵豪罪。

郭斯室 字伯載，會稽人。永樂中典史。與知縣黃裳纂修邑志。邑人重其文學，稱為會稽先生。

鄭宗維 鄭一作葉。香山人。正統間以貢士任教諭。啟迪有方，多所造就。

濮智 字明用，武進人。成化中繇舉人任教諭。有聲。

姚堂 上虞人。成化中繇舉人任教諭。學博行方，士林欽服。

王汝績 金華人。幼砥行，通習群書。永樂辛丑進士，宣德中任訓導。九年，陞絳州知州，以惠政名於絳。

潘禧 字天錫，於潛人。天順末繇監生任訓導。身教正帥，九載一日。

張積 字惟善，黃巖人。弘治中訓導。學有淵源，訓迪不懈，士貧乏者，常資之。

徐鳴鸞 一作鑒。江山人。嘉靖中訓導。志高才贍，潛心學術。有《講餘集》一卷。

松溪縣

南唐

知鎮

余汝程 咸通中知鎮。見邵武縉紳。

宋

知縣事、丞、簿、尉各一員，梓亭寨巡檢一員。

知縣事南渡以前缺。

林敏元 吳處仁 吳方慶 石深道 林實 林隸 姜處厚 蔡通 周昇 何蘊 陳扁 張棟 陳  
執中一作剛 姚實 陳友信

右年任無考。

林穎

右宣和中任。

趙載 黃寅 婁澣 尤杲 俞冷 徐知柔 林俊卿 孫正之 沈惇之 黃日永一作王杲 劉兩鵬  
劉君房 周大老 張南金 閻人松 馮有年 葉守 吳良顯 趙汝音 陳濤 王元方 吳鏜 趙希价  
吳傑傑一作榮 林通 趙崇衡衡一作衡 何宗稷 趙彥蟠

右年任無考。

丞、簿、尉賢者附後

田克悉 字安叔。學問該博，以嘉定元年進士任簿。決疑獄，抑僥倖，節浮費，政績甚著。終知沔州。

元

達魯花赤、縣尹、主簿、縣尉、典史、儒學教諭各一員。

李榮實 汶上人。至大三年任尹。該博簡重，好禮有節操。邑民舊多詭寄田畝，以逃租稅，乘兵後悉去其籍。榮實以禮法勸誘之，皆自首實，不敢悖負。

阿思蘭 色目人。至正間任達魯花赤。撫民興學，戢盜剔蠹。時海內盜起，江閩皆被寇，本道大府屯重兵邵武鎮遏之，檄阿思蘭軍前聽調。阿思蘭行，縣尋爲土寇所據，亟以兵歸平之。浦城寇池元甫猖獗，衆近萬人，阿思蘭單騎往說，元甫迎降。大府因表元甫爲邑尹。思蘭察元甫跋扈未除，選兵爲備。會黃村寇作，元甫將爲之應，思蘭出伏市中邀殺之，殲其黨與。遣人間視黃村寇，則秣馬厲兵，且向我矣。復出不意，直抵巢穴，梟其賊首以歸。頃之，浦城餘寇池惠復劫衆叛，與甌寧餘寇相犄角。思蘭固提禦，募義勇，奮力急攻，亦就殄滅。

凌說 吳興人。至正間任尹。下車三日，卽以修學爲務，十旬而畢工。黃縉爲作《松溪修學記》，稱其新意雅才。

皇朝

知縣、丞、簿、典史各一員，教諭一員，訓導二員，二十四都、東關二巡檢司巡檢、稅課局大使、陰陽、

醫學、僧會司僧會各員。

知縣

常欽祖

李嘉 嘉，宣化人。繇監生任。廉慎有聲，百廢修治。陞御史。

梁楚材 周常 劉進 劉冲霄 高耿中 李景初 李宗中 敷季雅 韓敏 欽恭

右洪武中任。

曾惟忠 趙子述

周景辰 景辰字以行，松陽人。永樂中，學士王景彰薦人文淵閣纂修國史。竣事，出知是縣，吏民愛

之。

周思敬 鄒良見邵武知縣

右永樂中任。

曹遜 遜，彭澤人。以進士任。慈祥愷悌，民思慕之。

王傑

右宣德中任。

李堅

張紳 紳，於潛人。以監生任。有猷有爲，興學振廢，聲稱藉甚。

右正統中任。

張禎

右景泰中任。

楊觀 劉恒

右天順中任。

周吉昌 沈立見閩縣知縣。

歐陽麟 褚潭 海寬

右成化中任。

徐以貞 以貞，長山人。以進士任。事至立斷，胥吏縮手，奸民之衣食於縣者，相率避去。自浦城至松溪，崎嶇山溪凡二百餘里，爲行者病，以貞關治斃砌之。陞霸州知州。

姚電

胡克和 克和，寧都人。以舉人任。卒於官，有善政，民思之。

吳天祐 李環 袁挺

右弘治中任。

陳槐 槐字公輔，鄞人。以進士任。蒞事明治，手不停札。文章政事，一時推冠。時逆瑾用事，巨璫奉璽書至，諸令長畏懾鉅帑，獨槐不爲動。陞刑部主事。

黃仕 曹楫

閔魯 魯字宗道，南昌人。以舉人任。易廢寺田建學，學成而民不費。姚狀元濬爲記，稱其弛張有經，吏民胥頌。

右正德中任。

陳輔

黃金 金，休寧人。杜私謁，絕苞苴，遇事英發，區畫得宜。修城拓學，建分司，創書廨，復湛盧書院，倉庾橋梁之屬，莫不葺治。

浦礪 陳璇 詹曰貞

史起蟄 起蟄，江都人。以進士任。簡重平易，操守冰蘖。雅重學校，士風丕變。陞禮部主事。

楊誠一作誠 來端本 鮑宗沂 王賓 鄧應奎

右嘉靖中任。

萬鈞 蔣時拯

右隆慶中任。

戴鐘 陳惟奎 吳子理 姚應龍 蘇允芳 熊鳴夏 莊日強 譔士觀 陸象賢 呂維梗 華士鱗

容肖龍 劉一燦 蔣英

右萬曆中任。

佐貳、教官賢者附後

張維清 慈谿人。洪武中以孝廉任丞。勤政信民，能聲章徹。

李嘉 洪武中任丞。見本縣知縣。

范秉和 新建人。正統中丞。政有紀律，端謹急義。學校、壇壝、橋道、舖舍、廨宇之屬，洗舊增新，

民不知勞。

相儒 烏程人。正統中典史。見龍巖知縣。

莫源 錢塘人。宣德中以舉人任邑諭。經明學博，工詩善書畫。後爲御史。

洗文淵 弘治中邑諭。見南安知縣。

### 壽寧縣

#### 皇朝

知縣一員，丞一員，正德中革。簿一員，正德中革。典史一員，教諭一員，訓導二員，漁溪巡檢司巡檢、

陰陽訓術、醫學訓科、僧會司僧會各一員。

#### 知縣

陳醇 醇，廣昌人。一作桐廬人。爲政有聲，縣新開設，治所、學校，皆其創建。

右景泰中任。

謝俊 王肅 沈能

右天順中任。

鮑鳳 趙浩 郭清 陳庠 潘日厚 姚曷

右成化中任。

鄭鉉 鉉字廷器，慈谿人。弱冠領鄉薦。爲縣不尚刑威，以安利生民爲本，奸宄畏而良善悅，士類翕

興。縣惑堪輿之說，治繇旁門出，鉉慨然復之。教諭賈暹爲記。見建置。

謝恭 聶裕 桂金 吳廷瑄

右弘治中任。

尹袞 張咸 賴俊 王京

右正德中任。

錢亮 葉相 吳洙 陳津 熊治 張鶴年 陳廷傑 吳承燾見崇安知縣 葛山 章銳 羅獻臣

右嘉靖中任。

唐守文 梁元杲

右隆慶中任。

王棟 張光世 鄒須明 李應春 黃正物 戴鏗 翁尚功 湯鮑瑞

劉若侗 若侗，順德人。以鄉科。初除南安諭，陞本縣。秉心如水，案無留牘。士初見，若落穆，久

之孚挾。以失上官意，謫爲教育，拂衣去。邑民號泣奔走，呼爲劉青天。

霍騰蛟 騰蛟，南海人。以舉人任。廉不苟，寬不縱，子視民，而友視士。委署建安、甌寧、建陽三

縣，歷歷有聲。順昌妖人吳建鼓衆謀亂，時巡撫檄建、延二府往撫，衆相顧失色，騰蛟獨請行。單騎入壘，

留三日，諭以禍福，對曰：「極知明府厚意，事已至此，不得便已。願護明府還。」時賊中有謀害騰蛟者，建

曰：「寧殺我，毋殺仁父母也！」既歸，賊營中大相誅戮，官軍乘勢進殲之，屍蔽山谷。騰蛟設祭，泣曰：

「皆吾赤子，令聽吾言，何遽至是！」捐貲買山，募財瘞之。

張文龍 楊先春

右萬曆中任。

佐貳、教官賢者附後

賈進 上虞人。成化中任教諭。有才學，嘗與纂修閩志。雅懷林壑，棄官歸隱。

劉邦采 安福人。嘉靖中爲邑諸生，謁王文成講學。會秋當試，不往。督學趙淵檄下縣令召之，再請不可。淵促之，令屬丞與俱。至，以布衣人謁，淵亟起延之。自棘闈故事脫巾露頂，非待士體，以是不願入試。於是，御史儲良材令十三郡諸生俱著常衣入。遂中式，尋授本縣諭。與諸生講論，思苦造微，能以片語開人夙痼。後陞嘉興同知，棄官歸隱。其卒也，學者思泉先生。

## 延平府

### 五代

#### 刺史

陳誨 見建安縉紳。

#### 判官

董樞 樞，元氏人。爲周殿中侍御史、劍州判官。時李師之黨攻劍州，樞引兵擊敗之，招降數百人。宋乾德初遷主客員外郎，仕終判御史臺。

### 宋 南劍州

知州事一員，通判軍州事、軍事判官、軍事推官各一員，諸曹官錄事參軍、司理參軍、司戶參軍、司法參軍各一員，州學教授各一員。(三)

知州事

郭玘

右開寶間任。

吳遠

右雍熙間任。

吳鉉 魏拱 姚鉉

右咸平間任。

劉翼

右景德間任。

許田 陳絳 滕元錫 姚道古 楊庶 韓庶

右祥符間任。

江拯 王冕

右天禧間任。

田益 崔育材 劉滋見崇安縉紳。 曹修古見建安縉紳。 孫昱

右天聖間任。

張錫 沈厚載

右景祐間任。

楊壽 李祺

葛源 源字宗聖，鄞人。初知同安，通判建安，後知本州。有屬吏嘗隙於源，同進者因讒之，源不行，反以爲舉首，人服其量。後歷荆湖北路提刑。所至樂職嗜事，王荆公爲誌銘。

右慶曆間任。

蔡安晏 孫夷甫

葛宮 宮字公雅，江陰人。善屬文，舉進士。上《太平雅頌》十篇，真宗嘉之。歷知州事。土豪彭孫聚黨數百，憑山澤爲盜，宮遣沙縣許抗諭降之。並山溪多產銅銀，吏挾奸罔利，歲課不登。宮一變其法，羨餘六百萬。三司使聞於朝，論賞，宮曰：「天地所產，吾顧盜之，可爲功乎？」卒不言。仕終工部侍郎。

王稷

右皇祐間任。

劉均 石民英 劉純

右嘉祐間任。

吳天常 藍丞

右治平間任。

錢揆 郭倩 萬公儀

右熙寧間任。

程博文 博文字叔敏，樂平人。擢進士人仕。盛有政譽。王安石當國，問趙抃江南人物，抃以博文對，徑自開封府曹擢爲條例司。所上奏羊事，歲減費十八萬緡。出知南劍州。請於朝，以僧牒募人鑿治黯淡灘，自是少覆溺之患。妖氛起龍門，博文縱囚使擊賊自効。賊平，囚如期還。後積官至司農少卿，朔南運判。

吳荀

右元豐間任。

王兢

王汝舟 汝舟廉明不阿，興學獎士，賑恤孤貧，特有治聲。

祝綱

蕭伯儀 伯儀通敏廉明，治專愛民。訟至庭，曉以義理，多退聽者。僚屬有不法，反覆善諭之。時稱其德。

右元祐間任。

劉璣

右紹聖間任。

方叔元

右元符中任。

朱敏元

右建中靖國間任。

王仙猷

右崇寧間任。

黃秘

右大觀間任。

方醇道 魏喬 上官恢見邵武縉紳。

右政和間任。

李持正見莆田縉紳。 謝皓 連端夫 林邁見福清縉紳。 莊安常

右宣和間任。

徐行 鄭強 張翬見懷安縉紳。 吳巖夫 葉侔

右建炎間任。

向伯奮見建寧知軍。 林積見尤溪縉紳。 劉子翼見崇安縉紳。 周綰

曹樞 樞知州事，有善政，修學置田，教贍生徒。

上官悌見邵武縉紳。 王冕 王迎

李文淵 文淵政尚簡易，有可已者輒諭以義，使歸思之。獄無冤民。修學養士，創閣以藏御書。

路採 採知州事，嚴已愛民，重興學校，以循廉著稱。

鄭椿年見福清縉紳。 王榕 溫革見惠安縉紳。 董將 許興古

胡舜舉 舜舉清靜愷悌，吏不忍欺。置田學宮，充養士費。

鮑仔 王次山

范璿 璿字舜文，豐城人。政和末進士。知甌寧縣，平心率物，吏民愛之，列治狀上郡。太守魏缸以聞，召對便殿，何以得民，曰：「臣知爲陛下愛民耳。」徽宗悅，拜兵部員外郎。累遷金部、戶部、樞密院檢詳、尚書右司郎兼中書省檢正官。以與秦檜不合，出知南劍州。

右紹興間任。

賴紱見清流縉紳。 傅白強

右隆興間任。

翟紱 紱知州事，興利除害，獎勵士類，以善治稱。

王綱 綱知州事，政善民安，寇盜屏跡。公餘，詣學爲士子講說經義。

曾植見晉江縉紳。 周必大見文提刑。 劉敏求見晉江縉紳。

李庚 庚廉勤有爲。創叢塚掩骼埋胔，分男女，左右兩塔。造庵宇，使僧守之。

右乾道間任。

吳松年 陳安節 林栗見福清縉紳。 張次高見浦城縉紳。 沈維 趙善周 林淳 俞叔則 王楫

右淳熙間任。

呂行己 葉鎬 楊祐 徐閱一作閱。

右紹熙間任。

黃瀚 范節

徐誼 誼字伯恭，西安人。有善政。

陳景俊

右慶元間任。

真德秀 見建寧縉紳。

朱軾

葉筠 筠慈惠愛民。州俗，貧家生子多不舉，筠請立舉子倉，賑給之。

右嘉泰間任。

王宗孟 唐輅

右開禧間任。

余嶸 嶸字景瞻。性嚴介，遇事明敏果敢，是否立斷。野人有訟，則諭之若兒女。收斂鋒鏑，以立綱目，蚤夜勤思，俾就緒紀。郡儒楊時後寢微，至賣其宅，四世孫汝龍爭訴紛然，嶸曰：「宅既賣，不可徒取諸彼。郡有例券錢百萬餘，吾不受也，可贖宅歸，因其葺缺漏，立門巷。」更職汝龍學宮，以廩之。時有筆稿《史論》一編，嶸恐爲好事者奪去，乃肖時像於齋，并藏其書，歲遣官祭祠必出陳之。其治嫉惡如讐，樂道人善，桀驁屏氣，良民賴焉。

趙崇祉 見宗室。

劉允濟 允濟知州事，禁溺子不舉，舉者給粟賑貸，不則罪之。得羅從彥所著《遵堯錄》，以進之朝。

其狀曰：「臣聞言：盡忠而得列於後者，固先賢之素志；事若緩而有切於今者，亦治世所樂聞。山林之上，雖不急於功名，猷畝之中，未嘗忘夫君父。言不用世，事或遇時。司馬遷藏《史記》於名山，以俟後聖；孔安國得《尚書》於屋壁，悉上送官。人雖無速售之心，道豈有終窮之理。載念湮淪之斷簡，果逢熙洽之昌期。臣少挾數鉛，長游學校，久聞羅從彥爲閩名士，制行甚高，在徽廟朝居鄉授徒，守道尤篤。未得平生言之實，每識尊聞欽慕之懷。昨叨聖上之誤恩，來守延平之偏壘，始知從彥實爲郡人。問其世家，寥絕難跡；咨諸故老，搜索良勤。久而見《春秋》與《詩解》之累編，中乃有《聖宋遵堯錄》之八卷，親書楷筆，自爲叙文，大抵以我國家一祖開基，列聖繼統。綱正目舉，無漢唐雜霸之未醇；君聖臣賢，若舜禹遵堯而不變。備述太宗，凡邊防事機之重，盡守規模；復言仁祖，承封祀宮室之餘，益加恭儉。揄揚大憲，推本深仁，大而郊廟宮掖之嚴，次而朝廷郡國之政，或釋言以極發明之旨，或辨微以寓諷諫之誠。末陳元豐間改制之因，皆自王安石作俑之過。管心軌法，創爲功利之圖；章倡蔡隨，浸兆裔夷之侮。痛心疾首，杜門著書，在靖康丙午而已成，值金寇邊塵而莫上。八十九年孤憤之氣，鬱鬱未伸；四萬餘言剗切之文，彬彬可據。臣以是見從彥道術精粹，議論正平，雖然山澤之寒儒，蔚若臺閣之素抱，義由中激，言不詭隨。生同葵藿之所傾，歿與草木而俱腐，憤誠可憫，忠赤難磨。臣謹錄成書，繳進黼座，欲望萬機之暇，特加乙覽之勤。儻有合於宸衷，幸宣付於史館，仍乞睿慈賜謚，如近朝尹焞、邵雍之儔。庶幾天下歸心，希古者下惠。少連之舉，非特慰遺忠於泉壤，亦將興大道於人心。臣還觀從彥凡所立言，不愧今古，念無後嗣可續聲猷，所圖斯文遭遇於聖明，庶使其名流傳於永久。言誠狂瞽，罪分誅夷。所有羅從彥元撰《聖宋遵堯錄》八卷，謹繕寫成二冊，實封隨狀繳進。須至奏聞者，讀其文，蔚然可觀也。」允濟又念從彥無後，

荒墳可憫，比類嘉定申勅文，爲之修飾，量入官田，委人看守。仍牒州學，每歲展祀無闕。

#### 施械

留應祖 應祖知州事，廉慎有聲，月出公帑錢二十千，給生徒肄業之費。

朱端常 端常政尚寬和，而先德化，嘗創惠民倉以資歉歲。

#### 施械

林潔己 潔己強敏有才，置漏澤園，聽民從便安厝，戒火葬及委柩僧舍者。

陳必見莆田縉紳。 趙汝造見宗室。

陳求魯 求魯字質甫，樂清人。博涉群書，尤精於《易》。器度莊重，喜怒不形。登嘉定進士，簽判處州，倅臨安府。史彌遠欲害濟王，憚求魯在，乃出知南劍州。民相謂曰：「史相尚畏此人，況吾儕乎！」時劍民遭亂創殘，求魯爲奏蠲租稅。召爲司封員外郎，真德秀薦之，陞左正言，積階朝散大夫。按治不法，內外肅然。理廟郊祀，烈風迅雷擊壇上，百官披散，獨求魯與尚書杜範植立。上益重之。進大理卿，卒。

右嘉定間任。

傅康見泉州縉紳。 薛師旦

右寶慶間任。

趙尊夫見宗室。 陳韓見侯官縉紳。

黃埤 埤爲政，廉介自立，嚴而有則。汀寇丘文通會合晏頭陀寇將樂，埤挺身入壘，諭以禍福，群寇遂降。

右紹定間任。

董洪見晉江縉紳。

右端平間任。

徐元杰 元杰字伯玉，上饒人。自少力學，嘗從陳文蔚、真西山游。紹定五年，南省廷對皆第一。歷秘書正字，遷校書郎、兵部郎官，及治安吉州，皆以疾固辭。淳祐初，差知南劍州。會峽陽寇作，捕渠魁八人斬之，餘釋不問。已，乃修延平書院，會諸生親爲講說。有訟者，亦呼至書院，以理化誨，多感悅去。後歷國子祭酒。

右淳祐間任。

江萬頃 萬頃，都昌人。丞相萬里之弟。歷守大郡，以循良稱。及知州事，內寬外明，政教兼舉。首崇學校，增置田，以助廩餼。

朱仕弘 仕弘，固始人。宋末知州事。節制諸軍，時屬邑不靖，誓不妄殺，從容撫諭，脇從咸賴以全。已，扈從入海死焉，家留劍浦。

通判軍州事

鄭方

右皇祐中任。

晏琦 梅昌謨

李幾復 幾復字晞顏，臨川人。元豐八年進士，授歙州司戶，權休寧令，改通山。郡守楊繪稱其如古

循吏。久之，又知建昌縣。歲旱賑濟，犯風雪，驅馳村落，用什伍法計口給粟。改知崇陽，民祀之，以配前令張忠定。通判南劍州，知渠州，遂有休焉之志。每誦稽叔夜語曰：「但欲於陋巷教子孫，與親友說平生酒一盃，琴一曲，志意畢矣。」

陳彤

楊告 告字道之，綿竹人。通曉法律，不事苛刻，雖回利媒進，不失爲一時良吏。

右皇祐間任。

余象見仙游縉紳。

右治平間任。

劉若濟 掌之純 黃懋 葉秉奎 陳道夫 蔡倬 余日孜 林仲堪 王元鼎 呂叙 吳達見崇安

縉紳。

陳秉文 劉侯亞 黃騷見晉江縉紳。王徽 朱倬見閩縣縉紳。陳康侯 晏崇古 蔡域 孫祖善

縉紳。

王筠 鄭銳夫 李衡 王習 宋申 戴覲 薛銳 林宋可 陳敏行 沈作成 江自任 趙世夫

徐謙 趙師復

林湜 湜字正甫。其先長溪人，徙平陽。登紹興第，爲富陽尉，以功知晉江。時人造戰艦，當科民，湜不忍，欲投劾去。諸蕃寓居者義之，咸助其役，艦就而民不知。秩滿，民空城留之。通判本州，太守議官自賣酒，湜以病民阻之。太守乃自奏，朝廷視無湜署，下其奏，竟格。汀州賦稅無法，吏多自取，帥漕以委湜，約其輕費，歲省錢四萬以還民。紹熙元年遷監察御史，歷湖北路轉運副使，進直龍閣，致仕。時朱子以黨論斥，士諱其學，湜獨執弟子禮，每馳書問疑義。所著有《盤隱類稿》十卷。

林良 薛珪

董居安 居安判州多惠政。先是，物力錢州縣兩處科差，民不堪命，居安攝郡，盡爲釐革。民繪像祀之。

張次高見浦城縉紳。

姚仲欽 章子獲 李時中 龔椿 俞聞中 趙若怡

洪芹 芹字叔魯，适曾孫。自國子博士出倅南劍，累遷將作少監。理宗思得天下，備詞臣之選，丞相程允鳳言：「當今人材，無如芹者。」進兼翰林，權直秘書少監，終知寧國府。

曾潔 留碩 商逸卿 陳紳 袁子壽 黃棐 黃庶 詹大椿 陳垠 黃銖 祝祖仁 趙崇亢 鄭起沃 潘剛中 王孝遜 徐質夫 趙以夫見宗室。 余珪 趙時玠 林得中

右年任無考。

添差通判軍州事

趙勛之 蘇籀 趙不給 趙拱之 趙善美 趙善謐見宗室。 趙善詠 黃埈見泉州縉紳。 黃師參  
方演孫見莆田縉紳。 王伯大見福寧州縉紳。

右寶慶間任。

軍事判官

真德秀見浦城縉紳。

右慶元中任。

幕僚 教官賢者附後

林深之 熙寧中錄事參軍。見莆田縉紳。

謝如意 宣和中錄事參軍。見紹武縉紳。

陳師孟 紹興間教授。襟懷夷曠，飭勵以先諸生，嘗曰：「官以教名，不教則違名也；教不本身，則違教也。」郡稱賢師焉。

薛舜俞 □□□教授。〔四〕見同安縉紳。

張敦頤 紹興間教授。賦性精密，不妄嬉笑，讀書務明義理，士類翕然景從。

嚴有翼 紹興間教授。精學明理，搜數經典，講授生徒，意融而言徹，聞者爭聽，戶外屨滿。

黃樵 □□□中教授。〔五〕見漳州縉紳。

雷孝友 淳熙中教授。見三縉紳。〔六〕

楊宏中 開禧初教授。見侯官縉紳。

方大淙 見興化縉紳。

湯于 字升伯，安仁人。慶元二年甲科，教授南劍。日與諸生講論道義，辰人直舍，至晝漏盡乃歸。間造諸齋，從容咨叩，勉以進業。雖吏胥市人子，有可教者，亦取置黌舍，親爲授經。

傅烈 嘉泰中教授。見南安縉紳。

林公俊 紹定中任。博學善屬文，教人以誠篤爲本。

蔡念成 九江人。嘉定初長延平書院。學博而精，行誼明粹，學者倚爲斯文之楨。真德秀授長沙

帥，未上，來預講席，絃誦冠履，濟濟一時。

辛炳 任新豐場。見閩縣縉紳。

方偕 任碑場官。見興化縉紳。

元 延平路總管府

達魯花赤、總管、同知、判官、推官、經歷、知事、提控案牘、司獄、司丞、儒學教授、學正、學錄、蒙古學教授、醫學教授、陰陽學教授、府倉大使、副使、平準行用庫提領、大使、副使、織染局局使、副使、雜造局大使、副使各一員，惠民藥局提領、稅務提領、大使、副使、錄事司達魯花赤、錄事、判官、典史各一員。

趙鞏 縉雲人。至正間劍州路總管。時兵戈甫息，聲蘇瘵起，廉不撓，生聚三年，乃完城郭，創候館，建浮梁，興學校，簡職員，勵課業，民事修而士風振。歷汀、邵、漳、建、劍五路，賜爵蒙城郡侯，謚懋康。

吳文誼 至正間總管。見將樂縉紳。

文富 廬陵人，文天祥之孫。至正間守本路。博學能文，慷慨尚節義。重新學廟，獎勸士類，治多善政。

趙穆泰 字景春，蒙古人。以本路總管監南安縣。時當寇亂，調度轉輸，以給軍餉，勞來撫綏，以復流亡。又以政暇修舉學校，時稱良吏。

赤蓋 字顯忠，肅慎氏之裔。至大間同知。蒞政簡廉，尤重文教，士立碑於學。

項棟孫 字子華，麗水人。天曆中進士，授同知奉化縣事，調福州路推官，改莆田縣尹，轉知福清州。尋提舉泉州市舶司，累同知延平路總管府事。棟孫在福時，有海賈駕大舶市諸番，舶上列旗幟金鼓以備不虞，仇家誣其爲亂，廉訪使者簿錄其家，棟孫爲白之，活者數百人。有周生能烹煉金石，愚民無識，指爲周仙，藉是出入官署莫誰何。棟孫叱縛之，坐以罪，焚其書。在莆田時，縣人有忿爭，輒搥兒童吭斃之，持牒訴縣，多陷人於辟。棟孫登善文於堂，諭以父子天性，縣延數百言，皆相戒不敢犯。在泉州，適丁歲儉，道殣相望，防禦卒出掠鄉落，或至殺人。亟白守僕玉立，捐俸，倡大商人金易粟賑之。至癸巳，福安、羅源、古田諸縣，奸民林君祥等囂衆爲變，招江西妖人數萬圍福州。廉訪使郭興祖檄棟孫集泉州、興化二郡義兵爲援。棟孫部署有法，盜皆遁去。棟孫爲政簡易，一以愛民爲本，至忠義大節，持之益力。

烏古孫良楨 字幹卿。父澤，見廉訪。良楨，至治二年以廕補江陰州判官，調武義縣尹。有惠政，改漳州推官。平反疑獄，上言：「律，徒者不杖。今杖而又徒，非恤刑意，宜加徒減杖。」遂定爲令。移泉州，益以能稱。復轉延平判官，最。後以右司郎中遷福建廉訪，中道召還。官終中書右丞。良楨自左曹登政府，多所建白，罷福建、山東食鹽、瀕海被災園田稅，民皆德之。

董秀堅帖木兒 至正中總管。見莆田尹。

雷機 延祐中任總府知事，後任推官。見建安縉紳。

朱彬 至正中州知事。見崇安縉紳。

虞琦 至正中任知事。見南安縉紳。

王丙應 字南卿，鉛山人。元貞初教授。究學不倦，改先賢列祀祠，遷先師廟配享之位，陳免士人誤

差徭役，復豪僧侵占學田，多有成績。

郭圭 至正中學錄。所交皆當世名士，六籍百家，無不心究，而以濂洛諸儒爲宗，粹然一出於正。  
李珩 安仁人。繇薦舉授學錄。有至性，事親以孝聞。

〔校記〕

〔一〕「建寧府 浦城縣 政和縣 松溪縣 壽寧縣」十五字，各本原脫，據本書體例補。

〔二〕「趙師伯處」，《八閩通志·秩官》作「趙伯處」，當是。

〔三〕「各」字，當衍。

〔四〕「教授」上，各本原闕三字。

〔五〕「中教授」上，各本原闕二字，《八閩通志》作「紹熙」。

〔六〕「紹紳」上，各本原闕二字。

# 閩書卷之五十八

## 文蒞志

延平府(一) 南平縣 將樂縣 大田縣 沙縣 尤溪縣(二)

### 皇朝

知府、同知、通判、推官各一員，經歷司經歷、知事各一員，照磨所照磨、檢校各一員，儒學教授一員，訓導四員，司獄司司獄一員，稅課司大使一員，今革。劍浦、蟾峽二遞運所大使各一員，隆慶二年革。豐衍倉大使、副使各一員，劍浦驛驛丞、河泊所河泊各一員，陰陽學正術、醫學正科、僧綱司都綱、副都綱、道紀司都紀、副都紀各一員。

### 知府

周時中見鹽運副使。

唐鐸 鐸，虹人。太祖故人也。太祖稱其「交不知變色，口不出惡聲，淵德海涵，若儒無爲」。出知延平。政尚寬平，民懷其德。召爲殿中侍御史，官至兵部尚書。

胡子祺 子祺名壽昌，以字行。胡文穆廣之父，而宋忠簡公銓十世孫也。洪武二十年以文學應詔，

授御史。歷知延平。爲人外莊重不可犯，內寬然爲長者。至郡，察郡政有病民者悉去之。廳事側有淫祠，數爲妖，前知府徙舍避。子祺命毀之，更作居室其上。飭教勵士，以禮化民。尋卒官。

李顯 顯，樂平人。陞福建按察僉事，尋知延平。長於吏事，而寬厚廉明，傾身下士。卒官，吏民如喪慈母。

俞廷芳 廷芳，麗水人。政尚簡易，蠲役勸士。

申泰 泰字伯廣，無爲人。以歲薦知濮州，召爲刑部郎，出知縣。明嚴多幹才，鋤奸祛弊，禦災恤獄，士庶懷之，有「清同劍水」之譽。會人覲，他府有以贓犯者，密旨遍搜諸知府。至延平，僅得米三升、鈔二貫。考天下清廉第一，璽書褒嘉，賜表裏各一。

右洪武中任。

方偉

右永樂中任。

雷誠 誠字誠智，豐城人。登永樂進士，授行人，奉使稱職。九載秩滿，擢守延平。性廉介，不阿諂。政先撫字，植良善，抑強暴，興學校，修祠宇，聞譽燁然。

右宣德中任。

王吉 王彪

右正統中任。

程羽 饒桓

胡欽 欽，河間人。繇貢士任建安知縣。通敏廉能。沙尤寇作，大兵徵勦，欽給饋餉不絕，躬撫捕之。用薦陞知本府，以卓異賜誥勅。歷陝西布政使。

右景泰中任。

孟釗 釗，泌陽人。剛正廉明，不喜諛佞。汀寇起，官兵過延平，需餉甚嚴，釗調度有方，秋毫不取於民。

右天順中任。

鄭時 見福州知府。

馮孜 孜字師虞，南充人。舉天順進士。歷邵武知府。慎徵輸，平徭役，訟不淹繫，一訊而決。建陽賊嘯聚，恐密迤貽患，與衛指揮密謀發兵，募近民嚮導，直抵巢穴擒之，兩地皆賴以安。公暇手不釋卷，與郡鄉貢士甯堅纂修郡志，人稱雅贍。改知延平，治如邵武時。

盛顯 見御史。劉侃

王範 範字子儀，開州人。忠厚坦夷，恤民好士，郡中風俗利病罔不周知。每定徭役，手自品第，貧富適均。斷獄明允，情輕者即時決遣。官至湖廣布政使。

陳廷璉

夏英 英字育才，江西德化人。繇進士，歷南工部郎，出知本府。警敏質實，遇事迎斷，躬節以導民，禮賢下上若不及也。時有權貴鎮閩，徧索所部財物，大肆威虐。至延，英以郡小民貧爲辭。彼人欲辱之，屹不爲動。民見其受窘，群出衛之。彼人懼，不踰宿而去。以內艱歸。服闋，補知邵武。是爲弘治初

年。英採本朝祖宗行事切於初政者曰《法祖》，復採唐虞三代事切於初政者曰《師古》，合名之曰《蒞治典要》，以表聞。尋卒官。

右成化中任。

沈榮 榮字元節，平湖人。繇進士，歷知府。果毅明敏，問學博洽，清白嚴明，吏民懷畏。擢湖廣參政。

蘇章 章字文葺，餘干人。成化乙未進士，授兵部主事。以星變言事，謫判姚安，歷知延平。敦教化，均賦斂，勸耕桑，省刑罰。案上大書「忍」字，以自警。建寶章閣文廟東，創道南祠，合祀楊、羅、李三大儒，梓行其年譜、文集、問答諸書。漳平寇作，駐劄永安，設謀勦捕，賊不敢窺。方擢浙江參政，遽以疾卒。

孫衍 衍字世延，一字延之，華亭人。成化戊戌進士。知深、沔二州，並著聲績。弘治初，爲南京車駕郎中，裁抑中官橫索，因構大獄，卒不能浼。陞知延平府。修郡志，興吏治。有盜殺人劫財，縣誤以良民抵罪，衍潛訪得真盜，出良民於獄。一富室強毆人至死，將行賄圖免，衍捕正罪。嚴禁婚嫁論財，死付火化者。值夏旱，徒步行禱，已得雨矣，卻蓋雨中行者十餘里，因感疾卒。郡人哀之，立永慕祠，於七月誕日歲祀焉。子承恩，官至禮部尚書。

鄒虞

右弘治中任。

朱應登 應登，寶應人。年二十舉進士。時顧璘、劉麟、徐禎卿號江東三才，應登與之並奮，當事者

抑惡之，曰：「是賣平天冠者。」授南京戶部主事，歷本府知府。人意州郡應登所難，乃剗焚斷錯，享於其官，所養亦愈淵遠。仕終雲南參政。歸而益深律曆經史之學。

高壇 姜文魁

廖紀 紀字惟修，九江人。嚴明爲治，吏畏民服。末期憂去。

歐陽鐸 兄福州知府。金賢

右正德中任。

戴冠 冠字仲鶚，信陽州人。受業何景明，以詩名。正德間任戶部主事，言朝政三事，謫五羊驛丞。再起，歷延平知府。整肅勤勵，夙興秉燭治事。每朔望，五鼓詣文廟畢，蒞明倫堂進諸生講授，不習者□楚之。教講畢，陳課考驗，時謂政教兼舉。調知蘇州，官至廣東提學副使。

陳能 能字大用，華容人。以進士任。敏達瑰奇，惓惓造上。平尤溪巨寇有功，坐獲浮謗，陞參政未任，歸。

萬鑑 屠僑見左布政使。李翔 沈大楠

裴椿 椿承天人。端嚴誠實，有剗劇才，洞燭利弊，爲亟行罷。永安、將樂素多訟，逮至，立剖之，皆帖然。病劇，猶強起視事，卒官，士民弔哭如失父母。

馮岳 岳，慈谿人。以進士任。濬發智察，杜絕奸私，御史胥尤嚴。有納金魚腹中，密以囑吏，猝令剖魚，而金見。

范來賢 陳擢

沈鑒 鑒字大新，秀水人。初，以進士授興化推官。守吳達質訟，輒詘折巨室，以伸細民。豪民逆守指，因妄生事中巨室，巨室苦之。鑒時時爲調解。他日署邑事，直庫吏日具孟茗而已，至薄踈跋燭，諸凌雜一切，爲民惜費。後復來爲興化守，民聞舊使君至，皆鼓舞歡忭。亡何，以憂去。服闋，知延平。省坊里供應，積其餘以贍驛傳，散軍糧，親給視之，革舟梁稅什伍，理訟寡贖，征徭戒羨。雖貌質詞訥，莆、延兩郡稱賢守矣。

彭澄 澄，萬載人。英敏果斷，蒞政二年，風行惠流。以游言去，士民惜之。

姜南 南，仁和人。博學多文，堅強尚義，平生嗜書，老猶不倦。

周賢宣 見右布政使。

史桂芳 桂芳，鄱陽人。以進士任。清介有才，除吏弊，洞民隱。時倭奴猖獗，客兵絡繹，民不堪擾。桂芳下車，（三）禁戢晏然。蒞任旬日，忽聞訃音，老幼填巷之。

陸相儒 見副使。

右嘉靖中任。

李向陽 向陽，雅州人。以進士任。留心學校，加意窮民，訟至，隨時剖決。徭編因賦均平，七邑愛惠。（四）

林梓 梓，錢塘人。以進士任。剛介鎮靜，詞訟立剖，少事交接，以嚴御屬。後家居，清節著聞。

右隆慶中任。

管大勳 見左布政使。

易可久 黃兆隆

徐一唯 一唯，薪水人。以進士任。加意學校，有《禁治全山碑記》。

譚權 周保見運使。胡宗洙

聞金和 金和，餘姚人。以進士任。廉靜不擾，讞獄得情。歲甲午大侵，出帑金市外郡穀，計口授民。延故衝疲，節省驛站，裁抑過當，坐中嫉忌，調簡去。

陸志孝 徐震

陶拱聖 拱聖，南昌人。以舉人任。先爲漳州同知，苦節自持，饘粥蔬糲，恂然寒素。凡有措置，躬自綜覈。

薛藩 倪朝賓

右萬曆中任。

同知

楊理 黃斌 蔡忠

右洪武中任。

凌雲

右宣德中任。

黃孟端 孟端，嵎人。居官儉約。郡值寇亂，孟端署事，矢志固守，與城存亡。卒官，民哀之。

右正統中任。

任充一作允。

右景泰中任。

朱隆 程嵩

右天順中任。

莫震 震字廷威，吳江人。以進士授建寧通判，陞任。儒雅飭吏，廉平嚴肅。

王祺 劉瀚 陸盛

右成化中任。

鄭夔 王鐸

馬昇 昇字廷進，河源人。成化甲辰進士，授沙縣知縣，改建寧。建寧故無城，昇始成之。陞府同知。尤縣民有聚衆數千圖爲亂，昇單騎往諭，率解散。又有斂民田，構鐵冶罔利者，悉捕置法。陞潯州知府，以母老乞歸。

丁隆 隆字時雍，南昌人。性剛學博，成化戊戌進士，授太平令。民以「丁若水」頌之。弘治初，以御史出按湖藩，得罪權貴，謫判光州，累遷同知。沙寇作亂，隆率兵分討，不旬月底平。終官廣西副使。

虞球 球，崇仁人。先判辰州，有惠政，陞府同知。

右弘治中任。

計宗道 宗道字惟中，馬平人。舉鄉試第一，登弘治進士。知常熟，轉同知延平，仕終衡守。爲人棘棘，不能徇上。

胡軒 閻潔 萬廷彩 俞敬

右正德中任。

羅弼

陸深 深，上海人。以國子祭酒爲經筵講官。故事，經筵直講，先送講章內閣詳定，乃以講讀。深直講，其章爲內閣所改，講罷，面奏講義不洽，非臣舊撰，請後毋送內閣改定。世宗怒，調深外任，爲延平同知。守屠僑謂深出自講帷，不敢煩以郡務。深曰：「人臣事君，隨職効忠，敢以崇卑異意？」校閱簿書，鈎稽奸蠹，日有孜孜。暇集典常，論述二編，名《同異錄》。居三月，陞山西提學副使。以《同異錄》進御，表言：「臣深才拙器疎，力小圖大，狹陋漢唐之治，思致身唐虞。恭遇聖明，益思自奮，第媿不識獻納之宜，言出禍隨，動與罪會。陛下曲賜保全，尚與衣冠。昨自講筵出佐延郡，楊、羅、李、朱遺風猶在，臣在郡中，水上相宜，職務易稱，頗讀書。每見先儒議論有切大典禮、大政事者，手自割錄。未及三月，蒙恩超資，付臣學政，非臣捐糜所能報塞。臣比出舊編，粗加詮次，分爲上下，繕寫上陳。頗恨時日有限，文籍少隨，然哀多益寡之志終存，而萬折必東之性難改。儻蒙賜骸骨，少假歲時，當部分首尾，兼總條貫，勒成一家之言，庸爲萬幾之助。」書奏，上納之。深磊落瑰奇，嬉笑成文，論著之多，式憲當世。

湯文經

吳彥 彥，紹興人。以御史謫，旋陞延平同知。初至，進諸生講學不倦，視府篆，有訟立判，囹圄爲虛，館廨肅然。擢廣東僉事。

董嗎鳳 張真 張珪 蔡玘 余曠見僉事。 謝適然

曾子欽 子欽，泰和人。爲人持重，不苟嘖笑。署府事，明習律例，剖決無留。視水口鹽政，苞苴不

行。擢員外郎。

蔣時行 陳瀚

奚世亮 世亮字明仲，黃岡人。嘉靖丁未進士。以南戶部郎轉本府丞。時倭夷寇閩，或止其之任，世亮不可。單車行，日事禦寇。移攝興化府，倭夷至，圍興化踰月，與武帥分城守，冒矢石拒之。城陷，猶西南迎戰，身被數鎗死。居二月寇平，始得遺骸於員亭。事聞，贈右參議，蔭子，諭葬。

江漢

蕭端賁 端賁，潮人。內剛外和，政平守潔，嫉惡如讐，親賢不厭。

右嘉靖中任。

吳宗堯 宗堯，餘姚人。天性純孝，奉詔終養。

右隆慶中任。

楊叔京 鮑治 陳汝和 郭槃 萬廷相 顧起淹 梁淳 李泰亨

右萬曆中任。

通判

祈師賢 錢宗禮 戴貴 應琚

右洪武中任。

程昉

右宣德中任。

倪冕 李默 楊季琦

右正統中任。

宋璽 呂存禮

右天順中任。

陳裕 楊昊 張昱 朱珙 湯箴

右成化中任。

應元徵 見興化同知。 金瀾

羅環 環，新淦人。有吏才，事至刃解。劇賊犯會城，環被檄部兵，用計殄平，不費一鏃。有所營建，

工速就而民不罷。

右弘治中任。

沈濂 趙胤宗 杜煥 靳宗良

右正德中任。

余琛

吳爵 爵，遂溪人。以吏員歷判，督糧平概量，秋毫不取，清白著聞。

林元倫 元倫，台州人。慎重通敏，平尤溪盜有功。析置大田縣之議，實元倫發之。

李策 策，順德人。以謹愨稱，出納平允，奸偽莫售。

衛元確 張天衢

郭希顏 希顏，豐城人。以春坊中允謫任。郡有文信公祠，希顏捐俸置田祀之。後上書言事，伏誅。

王諫 龍登瀛 梁可大 謝承志 曹自重

右嘉靖中任。

丁一中見泉州同知。 陳藝 宋慶餘

右隆慶中任。

潘子奇 張程 黎嘉芝 譚大經 漆桂

趙公楷 公楷，無錫人。以選貢任。清介端方，革倉弊，餘米羨溢，以買官物，省坊里之費。

何其大 謝朝紀 徐應陽 江禮和 邵夢龍 吳稼議 常居安

右萬曆中任。

推官

郭永中

右洪武中任。

李秉 秉字執中，曹州人。宣德乙卯領鄉薦第一，丙辰登進士，授推官。為人剛直不阿，有兇豪害

民，官莫能禁，秉廉得捕治之，因被誣下獄。期年事白，兇豪伏法，其名遂起。仕終吏部尚書，為時名臣。

右正統中任。

家正家一作崇。 劉謙

右景泰中任。

黃永 葉雄

右天順中任。

高富 王瑀 陳燦 黃通

右成化中任。

王鐸 沈珪 李環

右弘治中任。

戴經 經字孟常，秀水人。成化丙午舉人，歷本府推官。執法，甘澹泊，未嘗以家自隨。轉九江，陞

泰安知州。

郭淮

鄧尚義 尚義字以正，郴州人。一作永興人。（五）白竹有風致，守清性敏，范官治獄，是非立見。當道才

之，令察他郡，莫不辦治。後陞吏部郎，轉南京太僕少卿。武宗日問左右：「白面郎中安在也？」

陳韶 韶，順德人。謹愨愛人，識能甄上。

田秋 秋字汝力，思南人。純篤持正，治獄不冤。在郡三載，以憂去。

右正德中任。

陳禹卿

徐階 階字子升，華亭人。嘉靖癸未進士及第第三人，授翰林編修。世廟欲釐正孔廟祀典，永嘉相

張孚敬緣上意，請抑絀王號，毀其像設。階條上三不可，五不必，坐出爲本郡推官。階自禁近外調，人謂爲第優游養重耳，階曰：「非王臣耶？盤根錯節，增益不淺。」既至，連攝郡事，拮据案牘，清宿繫三百人。更輸銀法，毋落猾胥手。毀淫祠，創社學，取鄉所教授鄧析書燔之，采宋大儒格言，諧叶韻語，俾稍習誦，俗翕然變。時大盜窟尤溪險，而四出剽郡邑，勢張甚。分巡諸僉事偶欲屬階捕，而難發言，階奮任之，乃致方略，懸賞格以授三老，旬日得酋首，併餘黨百二十人。滿三載，遷黃州同知。當發，其吏民以十家具酒道傍，灑泣稱觴，階爲人人酌，步行至舟，貽書謝父老，父老相率勒之石。諸生追送之境外。後官至大學士，謚文貞。

歐應期 胡椿 黃齊賢

楊樞 樞，華亭人。以舉人任。閩中饑，藩司議移延粟賑之，延軍民譴然不自定。樞力言方伯曰：「皆民也。延粟僅給境內，奈何罄此紓彼，延不民乎？」議乃罷。河南流民男女八十口入閩就食，分臬盡繫之，坐以盜。樞力爭，曰：「豈有携妻子爲盜者？」竟讞實，皆給之粥，乃遣出境。鞠獄平恕，常自勅口：「罪疑惟輕，刑故無小，執虛以應，吾何與焉！」終臨江府同知。

李珉 珉，縉雲人。以舉人任。有父訟子者，孫曲護其父，珉曰：「爾欲爲子，而不使父得子於父，何也？」二人相泣階下去。聚賢屯好訟，訪治訟師，訟爲頓滅。遷撫州別駕。

徐珪 施霖 江南 宋大年

右嘉靖中任。

陳懿德

右隆慶中任。

李一中 李嘉言 江文伯 姚一新 盧泮

羅心堯 心堯，德化人。以進士任。修書院，建社學，定錢法，立會課士，勒其所以區畫，石於儀門之外，以詔來者。

余焄 焄，遂安人。繇進士任。清儉侃直，郡治肅然。

楊文煥 馬壯行 徐久德 鄒維璉

右萬曆中任。

#### 首領、教官賢者附後

馬文饒 金華人。正統中經歷。廉明正直，勤恤爲先。陞高州府通判。

艾廉 長沙人。宣德中照磨。好讀書，以儒飭吏。陞資縣尹。

李挺 濟寧人。正統中教授，有文行。沙、尤寇攻掠郡邑，生徒遑遑圖竄匿，獨挺誦讀不輟。

張鳳陽 吉水人。嘉靖中以知縣政府學教授。稽古博學，動遵禮度，謹廟祭，釐樂舞，以勤誨士。

朱邦彥 字民章，永嘉人。嘉靖中教授。才行風操，卓然人上。

翁興賢 萬曆中教授。見侯官縣紳。

鄭克敬 洪武中訓導。見將樂縣紳。

陳神完 洪武中訓導。見長樂縣紳。

張霄 餘干人。萬曆中任訓導。每進諸生中有志者，示以心性之學。擢岷府教授。濱行遭疾，臨

終，肅正衣冠，屬其子以禮治殮。

### 南平縣

宋劍浦縣。舊志缺歷官姓名，今據所知，稍補次之。

知縣事、縣丞、主簿、尉、大曆巡檢各一員。

方士寧 慶曆中任。見莆田縣紳。

饒希說

劉炳 淳熙中任丞。見建陽縣紳。

元

達魯花赤、縣尹、主簿、縣尉、典史、大曆巡檢各一員，茶洋(六)王臺(七)站。

真寶 字朝用，蒙古人。繇崇安主簿擢政和達魯花赤。律已嚴而待物恕，凡閩中郡縣疑獄，行省必以屬之。廉訪使出巡建諸縣，至松溪輒返，曰：「不須往政和，真君在也。」改調南平，政和人集其政績，曰《泰和善政錄》。既至，南平民爲歌曰：「真彝齋，早不來，田東稼穡家棄孩。天之復，從民欲，彝齋下車悍吏逐，風雨適時歲成熟。」彝齋，真寶號也。後官至監察御史。

王益字(八)元貞中爲南平簿。持身廉潔，緣飭儒術。

### 皇朝

知縣、縣丞、主簿、典史各一員，儒學教諭一員，訓導二員，嶺峽巡檢、大曆巡檢各一員，西芹稅課局

大使一員，今革。茶洋、王臺、大橫三驛驛丞各一員，西芹河泊所河泊一員。今革。

### 知縣

劉居信 居信，揚州人。廉慎勤敏，撫恤凋瘵，凡百建置，具有條理，尤急於興學而振士。

右洪武中任。

朱孟常 孟常字守恒，餘姚人。洪武中鄉貢。縣逋漁課，久不能償，奏蠲之。江西民兵採木過縣，饑餓濱死，賑粟全活焉。時遣中官刻期督木至縣，期迫而木未集，榜笞苛急，民衆駭亂，孟常力爲安撫。夜有神見夢中官曰：「若第去，朱令在，何憂？」中官覺，悉以付孟常。孟常從容處之，事集而民不擾。

右永樂中任。

徐中 中，鄞人。慈惠廉明，笞楚不施。

胡濱 右正統中任。

胡清 劉銘

歐陽興 興，安福人。性行簡靜，先德化，後鞭笞。在任四載，力請致仕。

右景泰中任。

何韶

右天順中任。

王貫 貫，南海人。質直務德化，貧民逋租，規措爲償。有爭地交訟者，反覆開諭，使之感釋。蒞任未幾，治聲籍籍。俄以疾卒，民哀思之。

蘇昭 昭，宜都人。童稚時，日記千言。令南平，致仕。以厚德名其里。

方定 王佐 呂詵

右成化中任。

楊琦

陸嵩 嵩字如嵩，歸安人。以羅源知縣調南平。才敏守介，政務便民，申革祇候、庫子重役均派於僻縣。興學校，創齋號，以教士。政簡多暇，登高舒嘯，雅句傳流。值歲旱，偕守孫衍禱雨龍湫，雨至，徒步却蓋者十餘里，與衍同時感疾，卒。百姓合祀之永嘉祠。

王滢

江良貴 良貴字汝思，貴溪人。有才譔，政尚振作，內徙郡治於西關之外，以便守禦。召爲御史，民祠祀之。

右弘治中任。

魏朝端

鄭貴濂 貴濂字宗周，歸善人。講陳獻章之學，爲縣興利革弊，不務炫耀，人稱長者。仕終知趙州，所至有惠政。

劉繼善

右正德中任。

汪濬

任紀 紀，電白人。愷悌愛民，待士大夫有禮。

江廷舉 袁秦

伍偉 偉，漢陽人。樂易近民，鄉民有避役逃匿者，逮至不加鞭撻，溫言諭之，皆樂趨恐後。表貞婦墓，雪順昌冤民，人服政教焉。

徐臣

張燾 燾，南昌人。夷曠和易，諸務節省，刑罰不苛，有當道責備之者，燾曰：「寧吾去矣，不以百姓膏脂承上指。」政暇，吟咏自暢。作興士類，閱其文字，以決平生，莫不奇中。蒞任二載，深山窮谷，皆知慕學。擢鎮江通判。

葛山 蔡廷相 陳嘉謨

右嘉靖中任。

康求德 鄭用淵

右隆慶中任。

朱讓 邵齡一作齡

蘇恩 梁寵 姚應龍 張肖孫 戴九牧

符希曾 希曾字曰唯，感恩人。繇選貢任。廉守敏政，清審黃冊，豁丁均役，不避權要。

堵維垣 段然 熊承諒 閔址 陳夢麟 莫一魁 唐世熙 劉兆元

右萬曆中任。

佐貳、教職賢者附後

劉啤 萬州人。一作霞山人。天順中任丞。寬惠謙謹，創廟學，修壇壝，條畫有方，民不告病。在官六載，力請致仕。

楊忠 青州人。洪武間南平簿。廉靜質直，不苟爲同，清貧苦節，取高輿論。

姚泰 泰州人。天順中簿。廉介公平，徵科有常，愛民如子。滿去，行李蕭然。

覃彬 馬平人。弘治中簿。剛明果斷，任三年，乞休。

何鼎 鄞人。成化中教諭。懇勤訓迪，在任六年，卒。生徒哀慟，輓歸，數百里外奔送之。

黃淑 廬陵人。弘治中教諭。善啟迪，明義利，尤上於詩，與尹陸嵩倡和。後以憂去。

韓源 慈谿人。正德中教諭。端謹厚重，口不及利，而周諸生之急。陞南國子學正。

李曰芳 從化人。正德中教諭。文藻富贍，兼長草書。

張存誠 饒平人。嘉靖中教諭。質直無町畦，與諸生講誦，間有不率者，從容訓導之。人稱長者。

仕至知府。

夏汝礪 嘉靖中教諭。見福寧州。

海瑞 字汝賢，瓊州人。嘉靖中以舉人任教諭。廉勁子苦，清節名一時。其教士，揭申根剛者之辨，鄉愿忠信廉潔之似，占人不見諸侯之守，以砥礪之。參謁上官，執憲綱，抗禮不跪，長揖出。諸同官問諸上官，皆不悅，曰：「安所得筆架教官耶？」後聞其清節，皆轉相慕，加禮踰等。遷淳安令，入爲戶部主事。抗疏直言，下獄。累官南都御史。卒，贈太子少保，謚忠介。

鮑承堪 樂清人。嘉靖中教諭。有師嚴道尊之意。

黃榜 烏程人。萬曆間教諭。性至孝友，迎母官舍，每食，致甘脆，諸弟俱不異財。時當道李樂駐節於延，榜篤友也，絕無私交。在任三載，歸乞養，諸生眷眷有泣別者。

方夢龍 宣城人。隆慶間司訓。豪爽有文學，每月集課諸生。上官屢委署篆，毫無所染。歷湖州通判。

黃元采 萬曆中訓導。見寧德縉紳。

袁希白 萬曆中訓導。見福寧州縉紳。

### 將樂縣

五代 閩爲西鑪州。

### 刺史

郭顯忠 固始人。偽閩時爲鑪州刺史。政尚清簡，以德化民。凡喪不能舉者，捐俸賻之。歲歉，發廩急賑。卒，民祠之。

### 宋

知縣事、縣丞、主簿、尉各一員，萬安寨巡檢一員，主學一員。初無專官，以令佐兼，景定間始置。

上官基見邵武縉紳。

右嘉祐中任。

傅汶見仙游縉紳。

陳據 據字君益，鄆人。元祐三年進士。敏達仁恕，興學獎士。邑俗家舉一子，富室不過二子，餘悉棄之。據諭以天性，申以甲令，周之官錢，犯者窮治。自茲民無不舉子者，男以陳名，女以陳氏。遇歲凶，發粟賑貸，旱禱雨應。卒官，邑人祠之。部使者以請於朝，累錫廟額曰靈祐，曰旌福。皇朝，名祠「陳公」，以應秩祀。

右紹聖中任。

劉填 見建陽縉紳。

右紹熙中任。

方大琮 見莆田縉紳。

葉堯莫 見崇安縉紳。

右開禧中任。

翁永年 永一作大。

黃去疾 見邵武縉紳。

右咸淳中任。

丞、簿、尉賢者附後

趙善佐 見宗室。

張武 天聖中任簿。 見建安縉紳。

元

達魯花赤、縣尹、主簿、尉、典史各一員，萬安寨巡檢、三華水馬驛正提領、副提領、稅課局提領、大使、副使、萬安寨稅課局提領、大使、副使、陰陽學學正各一員，儒學教諭一員。

吳林清 任尹見本縣續紳。

### 皇朝

知縣、縣丞、主簿、典史各一員，儒學教諭一員，訓導二員，萬安寨巡檢、白蓮馬驛驛丞、三華水驛驛丞、廣豐倉大使各一員，稅課局大使、萬安寨稅課局大使、河泊所河泊各一員，今俱革。陰陽學訓術、醫學訓科、僧會司僧會、道會司道會各一員。

### 知縣

馮源被陳友定故將所害。

金子龍 田本 司明 申文彝

王克剛 克剛字如之，臨淄人。廉潔仁明，知間閭疾苦，吏不敢欺，民得盡力於農畝。

吳信 信，進賢人。公明廉慎，恕而且勤，凡事酌禮斷義，賦役均平，黠胥斂跡。

余瓚 楊文真一作貞。

右洪武中任。

金文呂 魏榮 蘇忠

右永樂中任。

周堂 楊旭 蔣珉 陳希哲 陶俊

右宣德中任。

金晟 蔣企 李鉉 范瑛

右正統中任。

鍾偉

右景泰中任。

呂錫

右天順中任。

姚增一作潛 鄭瑄 唐簡 廖璋

譚明 明字重麗，江西龍泉人。直諒寬簡，陽源、降蔭二都民不服徭役，親詣其地諭之禮法，莫不聽命。守禦所屯軍倍納屯糧，甚病，爲請上司用錢代米，軍民便之。

高鑑 金禎

右成化中任。

陳大經 大經字正之，上虞人。以進士任。縣有歲漕以給莆戍，莆又漕以給將樂，大經請各留餉其境。邑有巨峽，民橋其上，列屋櫛比。淫雨暴漲，民居且侵，橋亦垂危。大經禱神，水立退。歲大旱，禱又立應。邑人以爲神。卒官。

李熙 熙字師文，上元人。以進士任。廉勤果毅，不避權貴。立義倉，建浮橋，重祀典。在任六載，百廢具興。擢監察御史，以疏忤逆瑾，除籍。再起，陞江西按察副使。

何上麟 上麟字肇周，蒼梧人。自其家居，則以孝聞矣。及當官，廉明有爲，政知大體，先務育材，撫采邑志，百廢俱興。秩滿，擢刑部主事。

右弘治中任。

吳翔一作朔 彭期榮

汪憲 憲字尚鑒，黃巖人。以舉人任。存心廉直，政務大體。立社學，毀淫祠，增龜山祭田。鄰邑寇犯境，親往捍禦。邑民德之，製銀甲爲謝，却不受。甲尚留庫。以最陞寧州守。

顧昂 昂字仲先，吳江人。以進士任。邑半雜六伍，稱難治。昂至，申嚴約束，執鸞悍千戶某置之法，衆遂帖服。多采民間意指，釐弊定制，作爲賦書。時進青衿，與講明龜山正學，獎恤胥至。會省秋試，得賢獨多。仕終汝寧知府，本省提學副使。大典，其孫也。

右正德中任。

劉模 薛宗鑑見建陽知縣 毛仲通 成世安 謝德仁

鄧瀾 瀾，鄱陽人。以舉人任。坦夷寬簡，改建學宮，創修橋道，禱旱而甘雨降，祭河而風浪息。調縣山東。

劉一夔 陶秉禮

王鈴 鈴字子才，黃巖人。興化守弼之孫也。以進士令宜興，剛介忤當道，調是邑。至則揭五事自盟，行之如言，而約己節費先之。賄賂絕而健訟息，愛惡公而教化行。先後三爲縣，從惟小蒼頭，食惟齏粥，俸錢則歸以爲養。仕終按察僉事。引疾還，邑人指數廉令，至今稱王公也。

唐自化 自化字伯咸，華亭人。以進士任。剛果敏達，而敢采含光，恩威一出至誠。蒞政三年，吏弊清，民俗阜。擢監察御史。

張景星 俞一中 周冕 許試

右嘉靖中任。

錢鳳梧

劉興學 興學，海陽人。繇舉人。初署寧化教諭，有聲，陞知本縣。會十年籍賦之期，覈登耗，躬委瑣，振輸剔蠹，節齎甚多。豪右嚙不得逞，中以飛語，所部籍不及格，改調。行，士民惜之。

右隆慶中任。

陳本 戴相堯 黃仕禎 黃元春

林熙春 熙春，海陽人。以進士任。通才介節，刻《龜山全書》，集四禮，建八議，捐俸新學舍，置廢寺田爲諸生文會之需。擢戶科給事中，起爲戶部侍郎。

唐時佐 汪文璧

傅宗玘 宗泉，豐城人。以進士任。廉靜果斷，民苦平鋪新法，亟爲復舊。弭盜緝奸，至於夜戶不閉。召入爲御史。

應世科 劉紹先

右萬曆中任。

佐貳、教官賢者附後

張理 建昌人。精楷篆書。正統中，以賢良舉爲將樂丞。持身廉謹，蒞政平寬。

洪俊 慈溪人。嘉靖中任簿。廉靜寡慾。邑多虎患，又水衝壞橋道，俊奔虎椿橋。卒於官，知縣薛宗鑑檢其囊篋，蕭然，流涕大息。

楊載鳴 字虛卿，廬陵人。嘉靖戊戌進士，授潮、登州二郡推官，召人爲吏部，累文選郎。素忤嚴分宜相子，會行取天下官，載鳴所取適有以他事被參劾者，遂左遷將樂典史。居一歲，轉惠州推官。載鳴自將樂轉惠州，乘舟將赴任，至嶺峽，舟觸石壞，漂流五十里，舟人溺死，載鳴獨無恙。既免，著《嶺峽志》，載《謝城隍》、《祭役人》二文，題曰《困喻錄》。累官福建參政，方以名上聞，母喪。及除服，補河南，旋陞膳黃通政，卒。

蕭暘 字惟寅，萬安人。嘉靖中以舉人任教諭。方嚴好古，諄諄飭士以龜山之學。邑俗相沿火葬，且有久停喪者，白當道嚴禁之。有同官喪子，貧不克歸櫬，焚其骸，暘曰：「吾方易俗，而使寮采不能歸子？」遂捐俸助之。暘教邑，徐文貞階方左遷延平司理，亟稱其訓書可冠當世。久之，擢零陵知縣。

熊駿 字子才，安義人。嘉靖中教諭。爲人忠實，不苟取予。改建學宮，助以俸金。刻《我箴》、《五倫箴》、《古訓要略》、《讀書課程儀註》等書，遍示庠士。九載，陞沔陽州學正。

何大章 海陽人。嘉靖中以舉人任教諭。丰姿俊逸，師範莊嚴，兩典文場，多得奇士。官至御史。

張政熙 博羅人。嘉靖中舉人，任教諭。忠厚質樸，卻貧士贊，不能婚葬者，資之。捐俸貲，設喪殯而課士。陞陸川知縣。

劉三錫 嘉靖中教諭。兄永春知縣。

蔣全可 全州人。萬曆中以舉人署教諭。方正有範模。

龔一濂 萬曆中教諭。兄曾江縉紳。

黃元美 萬曆中教諭。見莆田縉紳。

林鴻 洪武初署訓導。見福清縉紳。

黃開 洪武中任訓導。見本縣縉紳。

劉季崇 南昌人。天順中以舉人署訓導。學識優裕，條教嚴明，恒分俸以周貧士。

朱導 山陰人。弘治間以舉人署訓導。博學敦行，以身帥人。士有貧乏，解推如不及。其女及笄，

治裝將字，見兄女貧，悉裝與之。士無識不識，稱賢師。

蕭松 嘉靖中訓導。見永安教諭。

黃自勉 萬曆中訓導。見南安縉紳。

## 大田縣

### 皇朝

知縣、主簿、典史各一員，儒學教諭、訓導各一員，花橋巡檢、桃源巡檢、陰陽學訓術、醫學訓科各一員。

### 知縣

唐文傑 文傑，桂林人。慈祥愷悌，不附權要。以聽調去，百姓沿途遮拜，泣戀不舍。

譚堯道 錢叙

謝廷訓 廷訓，會稽人。留心政務，果斷興革，刻作新編，以諭頑民，造稽弊冊，以清版籍。濬溪河，造舟楫，修城池，新橋梁。歷任八年，以秩滿去。

翟文祥

李偕 偕，上高人。方下車，逋盜爲亂，嚴治塹堡，鎮之以威。歷任三載，日食一蔬，俸資外分毫無擾。陞太僕寺丞，去日，民携金帛爲贈，和顏慰辭之。

錢祐

俞喬 喬，林寧人。知慮淵邃，廉公有威。山寇竊發，盡心防禦，邑以保全。卒官。

蘇黎庶 鄭元禮

右嘉靖中任。

李較 王世道

右隆慶中任。

諸大木 江柱 管穀 謝與思 龍德謙 丁鴻陽 張揆 李應斗 郭惟清 曾師世 段弘璧 傅

可教 劉惟棟

右萬曆中任。

教官賢者附後

莫士及 安定人。嘉靖中教諭。簡重寡默，樂易善誘。

沙縣

唐

曹朋 字仲益，固始人。中和中，以汀州司錄攝縣。乾符初，與崇安鎮將鄧光布協謀，徙縣治於沙坡。其子孫附籍於沙。

光布 字明遠，亦固始人。率衆禦黃巢，中流矢死，沙民立祠祀焉。

宋

知縣事、主簿、尉各一員，北鄉寨巡檢、浮流寨巡檢、監商稅務各一員。

知縣

洪唐 一作唐卿。

右慶曆中任。

杜京

右皇祐中任。

方希哲

右元祐中任。

謝璫 見邵武縉紳。

王璫 璫字元玉，明州人。以福建轉運司主管領縣事，歷歲最久，多善政。

右崇寧中任。

黃存道

右政和中任。

郭汝賢見建安縉紳。

葉光 光，處州人。以奉議郎知縣。政尚寬厚，嚴於釐奸除害。其去也，民祀之靈衛廟。

萬諤 諤字叔康，饒州人。廣寇犯閩境，破浮流，攻山寨，諤率巡檢吳鑄、尉陳永忠以鄉衆千餘迎拒之。賊望風退遁，追躡逾日，履險墮空。及卒，民特祀之。

右紹興中任。

林謙

宋南強 南強字子居，山東人，寓居紹興。知沙縣，專尚德化，勸農桑，興學校，繕修橋梁道路。幾一考，解官去，民立甘棠碑於縣東。南強受學朱文公，文公嘗貽之書，曰：「跼伏田間，聽於道塗與士友之言，只知政績之美。竊謂今之爲吏者，救過目前，不得一意撫摩之政久矣，乃知有執事出乎其間，民不告勞，官無廢事，是可尚也。」

蘇續見莆田縉紳。

右淳熙中任。

連三益見安溪縉紳。

右慶元中任。

徐銓

王潯 潯字景淵，台人。政尚寬簡，一意愛民，民祠之。

右開禧中任。

王洪之見建寧縉紳

劉簡

右紹定中任。

劉克剛見莆田縉紳

右嘉熙中任。

翁永年 段震干 池師曾

右淳祐中任。

徐銓孫

右寶慶中任。

丞、簿、尉、監務賢者附後

趙希俊 開禧中任丞。見宗室

劉純 紹定中任。見建陽縉紳

黎靖德 永嘉人。嘉祐中縣簿。清謹，善理冗劇，博學能文，纂集縣志。

許抗 宣和中縣尉。見轉運使

李綱 宣和初謫監沙縣稅務。見邵武縉紳

元

達魯花赤、縣尹、主簿、縣尉、典史各一員，北鄉寨巡檢、浮流寨巡檢、監商稅務、陰陽學學正、醫學醫正各一員，儒學教諭一員。

陳洪 至正間爲沙尹。廉明寬簡，訟牒紛紜，剖決無滯。進士曹道振作《平獄頌》美之。  
范文忠 字煥章，定海人。元末知沙縣。造義倉，築社壇，崇儒學。以年至，授牒歸。

### 皇朝

知縣、縣丞、主簿、典史各一員，儒學教諭一員，訓導二員，北鄉寨巡檢、浮流寨巡檢、河泊所河泊、  
稅課局大使各一員，今俱革。陰陽學訓術、醫學訓科、僧會司僧會、道會司道會各一員。

### 知縣

霍惟忠 楊遠山 劉文宣 雷振興

陳善 善，夏邑人。廉勤仁惠，捕滅馮谷堡寇黨。興禮重士，禁奸止暴，吏民悅服。

倪峻 峻字惟岳，無錫人。名有文行，在官禁淫祠，興學校，作新廳宇壇壝。郡五邑稅糧，先是悉從  
海道轉輸鎮東衛，山民不能舟，多致覆溺，責使重賠。峻奏改輸福州、延平二衛，民感其德。陞工科給事  
中。

許斌 席景先

右洪武中任。

鄭恕

周敞 敞，茂名人。能詩，有惠政。

程用常 史復 劉徽 施斌 吳昌

右永樂中任。

馮以行 謝瑤

右宣德中任。

葉臻 謝聰

右正統中任。(九)

余寬 寬任縣主簿，以鄧寇亂，擢知本縣。時兵燹之餘，田里丘墟，瘡痍呻吟，寬撫恤有方，凋瘵漸舒，百廢次舉。以勞卒，官民哀之。

黃謹(一〇) 謹繇舉人任。廉靖不擾，迎母祿養盡孝。母卒，治喪如古禮。

右景泰中任。

張茂 王宣

右天順中任。

王琳

張泰 泰字叔亨，順德人。成化丙戌進士。端謹樂易，政尚寬平，庭無滯事。暇輒至學宮，勵諸生課業，刻羅豫章、陳了齋二公遺書，以詔學者。歷戶部尚書。當劉瑾用事之日，嘗以南右都御史入賀，遺之上葛二端而已。

左聰

易賜 賜，廣昌人。以舉人任。節用愛人，廉於守己，鄉人賈沙者犯之，執法不貸。

郭禎 馬昇見本府同知。

右成化中任。

陳光泰 張仁

曹閔 閔字崇孝，上海人。公勤廉慎，恤衆濟貧，興學校，去淫祠，禁浮屠。擢南御史，民攀留累日，鄰邑民亦爭留之。正德初，極論宦官竊弄，下錦衣獄，被杖。瑾誅，復官。

丘世喬 世喬字民望，海陽人。任光澤縣，茂著能聲，部使者才之，調繁是縣。亡何卒。

夏輯 輯，高淳人。以舉人任。以忤逆瑾，免。瑾誅，起任曲江。

右弘治中任。

葉中聚 徐瓚 何亦尹 亦尹，番禺人。以舉人任。局度精明，濟之以剛，令行政舉，一邑肅然。性儉約自奉，未嘗濫費民財以取悅人。惟偽增戶口，頗爲民病。陞湖州府通判。

右正德中任。

蕭綽

鄧崇德 崇德字子修，高要人。早出陳白沙之門，廉介自持，慷慨有氣節。以舉人任縣。作十事諭民，不媿媿俗吏程度。鄉塾遠方來就教者，延見敬禮之。請督學使者廣弟子員額，沙學才爲盛。未幾，卒，士民聚哭之，私謚曰古廉先生。

黎文英

方紹魁 紹魁，番禺人。繇舉人。先任商河，調繁知沙縣。慈明亮達，不以俗吏縛束。政暇，登眺賦詩，或因而決事山中。具政大抵教民孝弟爲務，見率教者嘉樂之若子，有他犯者，或詭詞以欺，亦不虞其

詐也。間語人曰：「吾豈不知，欲此輩存此良心，知擴而充之耳。」邑二狐作妖，八虎爲患，紹魁禱神，皆致殲滅，人服異政。

周柏 楊翼

葉聯芳 聯芳，鄞縣人。以舉人任。平易鎮靜，有宜民之政。

熊勳

沈陽 陽，上海人。嘉靖庚戌進士。至官，見前令以累免者數人，疑沙難治，輒嚴繩之。踰數月，曰：「吾過矣！吾過矣！豈知此民心猶太古！」遂意撫字，吏重足立，而民若春煦。擢監察御史。

吳聰 俞侑 杜奎 石中美 顧楫

鄭時賢 時賢，徐聞人。以歲貢任。勤慎慈愛。未幾，憂去，民惜之。

右嘉靖中任。

劉應龍 吳忠

右隆慶中任。

黃翹

俞序 序，諸暨人。以恩貢人。平易愷悌，與民相安，雖被論去，送者遮道。

袁應文 應文，東莞人。以舉人任。始至，卽進父老於庭，詢所疾苦欲興革者，衆條以上，擇可行之。平田賦，清虛糧，改徙學宮，計擒臺溪盜。擢監察御史。

徐顯臣 盧堯典 吳道昭 楊逢春 李待問 來遇龍 余孝基

右萬曆中任。

佐貳、教官賢者附後

彭修 洪武中丞縣。政先愛民，自奉甚薄。陞監察御史。

林殷 黃巖人。正德中任丞。持廉執法。延貢鑄劍京師，不中式，責沙償之。殷言上官曰：「延有六邑，奈何責沙？」遂得分償。

張元珠 興寧人。繇監生。正德中任丞。邑舊有銀冶，巨鎔鎮閩，遣人啟之，元珠持不可。

謝銘 餘姚人。嘉靖中以掾任丞。勤政守法，下不擾民，上不忤長吏。在任十年，五攝縣篆，俱有聲稱。

張應樞 鄞人。萬曆中以貢授沙丞。一廉自牧，加意鹽政。兩署邑篆，一署尤溪、永安二邑，皆有治狀。陞上，猶知縣。

潘良 嘉興人。繇監生。天順中任簿。司邑稅，因貧富立遠近運法，民甚便之。

王麟 徐州人。繇吏員。成化中任典史。嚴於持法，豪猾凜然。歲癸卯大侵，召大姓諭之，封其餘廩，第民家爲三等，貿粟有差。壇壝祠宇在祀典者，悉加繕構。

湯恩 武進人。嘉靖中典史。持廉能幹，獲上得民。艱於息嗣，歎曰：「吾無子也，要錢何爲？但令沙民後世知有湯典史耳！」去，而民碑於雙鳳之閣。

張善教 瓊山人。永樂初教諭。學行粹潔，疑立師道。未踰年，士多感化。所游止之地，人以瓊臺、瓊谷名之。

何海 字朝宗，番禺人。弘治間教諭。持身端慎，敷教公勤，恩義洽於士心。

王時舉 東莞人。嘉靖中教諭，侃直善爲廉。

李邦光 嘉靖中教諭。見歸化知縣。

韓惟論 蕭山人。嘉靖中繇舉人任教諭。博學善屬文，以行誼最諸士，陞汶上知縣。

王龜年 吉水人。嘉靖間教諭。究析理學，士子翕宗。

卓紹統 惠州人。繇歲貢。隆慶中任教諭。與諸生立程課藝，捐俸供給。卒官。

江梅 臨川人。繇舉人。萬曆中任教諭。接士以禮，持身以正，時稱良師。陞永州府推官。

林順 海陽人。嘉靖中以貢任訓導。積學勵行，言恂恂不出口，至譚理析疑，纔若多輟。嘗曰：「吾

於四傳，甚有折衷，惜諸士無以《春秋》業者，莫發吾蘊也。」

張瓊瑤 瓊山人。繇歲貢，授浦城訓導。丁內艱，嘉靖中補任。剛正不阿，心口如一，士懷而憚之。

吳選 上高人。嘉靖中司訓。飲人以和，不言躬行，卓然造道君子也。

吳國用 嘉靖中訓導。見龍溪教諭。

徐一夔 隆慶中任訓導。見寧化教諭。

劉鈺 瓊山人。繇歲貢。隆慶中任訓導。謙恭朴茂，言行足述。去，而士思之。

徐大觀 西安人。萬曆中以貢任訓導。恭異質貞，循循善誘，著《訓導解》以勵士，申聖諭以化俗。

陞宣城教諭。

尤溪縣

宋

知縣事、尉各一員，教諭一員，英果寨巡檢一員。

知縣

宋咸見建陽縣志。

王廷彥 廷彥字英臣，廬陵人。敏政鋤強，縣人王象爲郡都吏，不輸官租，廷彥謁郡退，卽館呼象至，示以斷案，杖之，趨郡庭請罪。守蕭伯儀以是愈重焉。監司有疑獄，每委決於廷彥。漕使陳宗過境不人，留詩拏洋驛云：「畚田高下趁春耕，野水涓涓照眼明。莫道深山最深處，人人解說長官清。」

右元祐中任。

張溥 溥字道濟，開封人。決事如流，公餘惟親書史，嘗作孝欽、慈愛、謙遜、忠信、勤儉五善文以諭俗。

曾昇

右紹聖中任。

劉正見懷安縣志。

彭億見閩縣縣志。

蘇灝 林崑

右紹興中任。

石鎰見幹辦公事。

右乾道中任。

黃揆見永福縣志。

濮坦 坦知尤溪，廉明有吏才。值凋弊之餘，井井振刷，士民頌之。

右淳熙中任。

林行可 見閩縣縉紳。

右紹熙中任。

范漬 詹丙

右慶元中任。

李修

右嘉熙中任。

施漬

右淳祐中任。

黃巖孫 見惠安縉紳。

右咸淳中任。

丞、簿、尉、教官賢者附後

陳昭度 紹興中任簿。見莆田縉紳。

朱松 字喬年，婺源人。文公熹之父也。少有高節大志，爲文汪洋宏放，詩天然秀發。故慕賈長沙、陸宣公之爲人，復得聞楊龜山河雒之學，益自振勵。政和間，同上舍出身，授政和尉。爲文戒民曰：「下來閩中，聞閩不喜多子，以殺爲常，未嘗不惻然也。無故殺子孫，官法甚明，牽於昏俗，則雖有法，而不能

勝。夫法不能勝，何俟予言？然予聞吳道子畫酈都之變，都人不敢屠宰者累月。夫屠宰且可能，況天性乎！人固有不可法勝而可理論者。予言即未能使人聳然如見吳道子畫，然亦未敢厚誣斯人，懸斷其不可告也。他日有謂其子孫者曰：「活汝者，新安朱喬年。」或繇此歟？」父森，迎養官舍，卒，兵亂，不能歸櫬，葬縣之護國寺，賃居以守。服除，改尉尤溪。築一室，聚書其中，自知卞急害道，名齋曰韋，而文公實生焉。歷監泉州石井鎮稅。紹興四年中，累遷著作佐郎、尚書度支員外郎兼史館校勘，歷司勳、吏部兩曹，皆領史職如故。受知於丞相趙忠簡、張忠獻二公，未及用而去。秦檜以是忌之。而松方率同列極論和戎不便，檜益怒，出知饒州。未赴，乞祠。樂建州城南溪山之勝，築環溪精舍，寓居徜徉。卒，累贈通政大夫，諡獻靖。所著有《韋齋集》，學者稱韋齋先生。皇朝嘉靖間，從祀啟聖祠。

李廣文（一）〔二〕中任尉。（二）見古田縣紳。

趙龐夫 字耆父。〔一〕中任尉。（二）作尉廳題名，真文忠公爲記。

元

達魯花赤、縣尹、主簿、縣尉、典史各一員，儒學教諭一員，英果寨巡檢、高才坂寨巡檢、稅務大使各一員。

文殊海涯 字貫道，南昌人。至正間監縣。值寇難屢作，措置有方，平徭簡賦，戢奸抑強。有陳十軍、陳合二者，聚黨爲亂，捕巨魁置法，釋其餘。凡鄉社俱令立學，擇師以上教事。士民祠之。

金剛奴 至元間簿。廉慎有幹濟才，賑貸荒饑，扶良抑豪。政有不便，輒改爲之。

曲惠 字順卿，真定人。至正間尉。郡守鄭文瑞重其才，檄攝縣事，旬日問決滯訟六十餘件。黃巾

寇壓境，惠謂子師善曰：「臣死忠，子死孝，大節也。萬一不幸，吾父子當闔門殉節。」乃行保甲編伍法，發常平賑民，勸巨室出粟贍兵，倡首拒賊，邑賴以全。後承閩檄，率兵抵晉安，兵敗死賊，聞者痛之。

皇朝

知縣、縣丞、主簿、典史各一員，薄隆慶元年革。儒學教諭一員，訓導二員，高才坂巡檢、英果寨巡

檢、稅課局大使各一員，今俱革。陰陽學訓術、醫學訓科、僧會司僧會各一員。

知縣

薛昉 張可大見將樂縣紳。牛義 王諒

黃采 采字宗素，蘇州人。以御史改知。先是，縣用市民拘繫里胥以集事，采盡釋之，示以信義，事

集民安，逃亡皆復。復召爲御史。

右洪武中任。

汪誠 雷殷

右永樂中任。

施泰

右宣德中任。

蕭學敏

陳孝軻 孝軻任縣，當擾攘之後，能行勞來安集之政。時有貴勢，縣歲月給夫馬廩餼，孝軻悉裁革，

遂被其誣，父老冤之。

右正統中任。

杜宥 宥，括蒼人。兵燹之後，隱恤下民，官署學校，皆所創作。

右景泰中任。

周禧 禧，湖廣人。嚴毅勤恪，勾攝止賁里甲，不遺皂快。多事之後，節齋供億，上下孚之。有指揮某，巡他邑縱卒伍獵民，至尤，聞禧風介，秋毫不敢犯。

係珏 珏，鄞人。嚴勵果斷，尤喜勸勵學校。朔望中夜，正衣冠，禮先師，已，立諸生堂下，娓娓教之。

高璉 唐綸 簡文

戴諛 諛，會稽人。老成練達，諳識治體。

右成化中任。

方夔 夔，浙人。簡易不苛刻。

朱祚 祚，海鹽人。善飲酒。以嚴爲治，馬跡所到，市寂無譁。

方溥 溥字惟博，新城人。豈弟樂易，不求赫赫聲。民有冤，必與廷辯。訟至，諄諄省諭，不悛，乃置法。邑苦捕盜，磔之。鑿活水石亭，祠章齋，新城門樓櫓，諸所造作，民皆懽趨。終任不見惡聲厲色，人稱長者。

馮經

朱叔綸 叔綸，江陰人。一作山陰人。慈惻不苛，待士有禮，愛民誠而讞訟慎。

右弘治中任。

程英 諸弘濟

胡綸 綸，桂林人。以舉人任崇安教諭。左右圖書，寒暑不釋卷，言未嘗及利。陞本縣知縣。遇亢旱，晨夕率妻子拜庭中，徒跣出祈，雨隨注。以憂去，貧不能奔喪。

曾確 確字子魯，博羅人。以舉人任。用威濟恩，詰賊盜，毀淫祠，興學校，立義倉，斂散法，諸所行罷，務爲便利。陞湖州通判，致仕。嘉靖己丑，銓部集計吏延問遺逸，浙、廣藩臬交薦，起爲南刑部主事。後乞休家居，年八十卒。

右正德中任。

湯霖 李文充

潘龍 龍，南海人。慈仁儉約，平獄訟，均徭役，除冗差，民作《去冗錄》以紀後思。

朱衡 見提學副使。

朱拱 唐輝 楊應鸞 黃榕 吳琛

錢貞 貞，嘉善人。銳於恤民，勤於校士。

歐陽燭 徐鵬

戴朝恩 朝恩字東江，南海人。至官，會閩海多警，山寇竊發，朝恩嚴防守，增城堞，練卒伍，鍛戈矛，貯矢石，凡火炬、藥箭、渠答、銃砲之類，無不畢備。次年秋辛酉，叛兵結連山賊七千有奇，突至，隔溪薄城而攻。朝恩召鄉兵、獵戶，分布四門，自督防守三十餘日，寇潰圍去。居二日，母卒，朝恩繼之，蕭然歸櫬，士民哀悼。

劉應龍

葉楠，楠，保昌人。古心實政，惓惓無華。

右嘉靖中任。

曹傑然

顧乃猷，乃猷，嘉善人。懲奸去暴，禮賢下士。

趙佑卿，佑卿，蘭谿人。居官若家，愛民如子，定賦不擾，聽訟無冤。

右隆慶中任。

王雲漢，關志拯，張仕佐。

陸觀德，觀德，秀水人。勤儉恤民，寬和愛士。

蔣良鼎，見龍溪知縣。

黃思諫，思諫字忠所，南海人。以舉人任。居官不阿，馭下不刻。被讒棄去，士民如失怙恃。

葉廷祥

張陽春，陽春字文復，永嘉人。以進士任。豈弟精明，清白廉介。捐俸出贖鍰，改建學宮，庀材鳩工，往返拮据，如綜家事。他如議鹽禁，繕橋梁，賑窮乏，立義塚，惠政種種。卒官，無以殮，士民爭弔賻之，仍祠於學宮。

梁廷欽，廷欽，順德人。惓惓節愛。

黃如松，許堯紹

右萬曆中任。

佐貳、教官賢者附後

梁觀 增城人。永樂中任丞。廉直有才，寬簡不苛，一心愛民。

陳其誠 封川人。萬曆中任丞。明恕練達，視篆有恩。

林高 梧州人。萬曆中任丞。朴茂持已，平易近民。

張奉先 偃師人。洪武中簿。輕刑簡役，興學下士，吏不敢欺，士民仰若父母。

張敏 徐州人。正統間簿。沙寇羅不犯縣，率衆禦之。或告以賊勢猖獗，敏曰：「忍不救民？吾盡吾職，死無憾矣！」賊據險，敏先登與戰，兵少力疲，遂死焉。

林埜見南平縉紳。

李鉞 東莞人。正德間任建寧府訓導，陞本邑諭。斂輯士習，使就規矩。或有善，稱揚不置。爲人直諒有大度，嗜學執卷，無間寒暑。寡慾心齋，敝衣粗食晏如也。

丘振 南振人。（四）正德間教允庠。問學贍允，語口不妄，嚴待諸生，而恩意肫密。事母湯藥躬進，遇盜以身翼蔽，人稱孝子。

林咸 嘉靖中訓允溪。見惠安知縣。

黎桂 番禺人。嘉靖縣訓導。剛毅自居，嘉善談道，亶亶不倦。

陳仕淵 紹興人。永樂間巡檢。邑民吳十師寇德化諸縣，（五）仕淵與耆父葉文慎等率衆捕之。十師就戮，餘黨復起，勢張甚。力戰於羅畚場，死焉。

〔校記〕

〔一〕「延平府」下，各本原闕「下」字，據本書體例刪。又「南平縣 將樂縣 大田縣 沙縣 尤溪縣」十四字，各本原脫，據本

書體例補。

〔二〕「不習者」下，各本原闕一字。

〔三〕「芳」字，各本原脫，據文義補。

〔四〕「七邑受惠」，當作「七邑受惠」。

〔五〕「作」字，各本原脫，據本書體例補。

〔六〕「茶洋」，各本原作「恭洋」，據本書卷二十五、下文及《八閩通志·秩官》改。

〔七〕「茶洋、王臺二站」下，《八閩通志·秩官》有「職員未詳」四字。

〔八〕「王益字」，《八閩通志·秩官》作「王益子」。

〔九〕「正統」，各本原作「正德」，據上下文改。

〔一〇〕「謹」，下文及民國《沙縣志》作「謹」。

〔一一〕「李廣文」，《八閩通志·秩官》作「李文廣」。

〔一二〕「中任尉」上，各本兩處原闕二字。

〔十四〕「南振人」，據《明史·地理志》，當誤。民國《尤溪縣志》作「南城人」。

〔十五〕「諸」下，各本原衍「諸」字，據文義刪。

# 閩書卷之五十九

## 文蒞志

延平府 順昌縣 永安縣〔一〕

順昌縣〔二〕

## 五代

林揆 揆爲令，政尚簡易，民德之。

## 宋

知縣、丞、尉各一員，仁壽寨巡檢、監商稅務各一員。

丘與齡

右宋初任。

俞偉 偉字仲寬，四明人。宰順昌。作《戒殺子文》，召諸鄉父老爲人所信服者，列坐廡下，置醪醴，親酌而侑之，出其文，使歸勸鄉人無得殺子。歲月間，活者千計，人生子，多以「俞」爲小字者。嘗被差他郡，還邑，有小兒數百迎於郊。轉運判官曹輔上其事，朝廷嘉之，就改官，仍令再任。復爲立法，推行

路。在任兩考，木生連理，禾一莖十二穗，民歌頌焉。

右元祐中任。

吳審

右紹聖中任。

丘之立見建安縉紳。

趙公峴見宗室。

陳師立見莆田縉紳。

右政和中任。

王奎 奎字景文，四明人。政尚寬簡，鞭罰不事，民皆畏服。

詹好禮 吳達見崇安縉紳。

右紹興中任。

董居安見松溪縉紳。

右乾道中任。

丞、簿、尉、教官賢者附後

熊適 紹興初丞縣。見建陽縉紳。

許安仁 字仲山。少從蘇軾學詩，有聲。政和間授順昌尉，甚得士民之譽。

陳煥 紹興間尉。見建陽縉紳。

趙汝述 淳熙中尉縣。見宗室。

元

達魯花赤、縣尹、主簿、縣尉、典史、儒學教諭各一員。

劉思禮 字季和，高唐人。至順中爲達魯花赤。廉正嫉惡，有親屬爭財而訟者，諭之以理，遂悔悟息爭。江西民有造偽鈔者，事露，妄攀順民，縣吏乘之射利，作移文追捕。思禮一見印文，洞知其詐，人稱神君。

曾崇仁 字子元，蜀人。至正中爲達魯花赤。時公田最爲民病，崇仁因情立法，民樂輸而弊自除。歲饑，嚴禁私糶，令儲粟家與衆相假貸，價不翔而民無匱。崇祀興學，邑人碑頌。

皇朝

知縣、縣丞、主簿、典史各一員，儒學教諭一員，訓導二員，仁壽巡檢司巡檢一員，稅課局大使一員，今革。富屯驛驛丞、雙峰驛驛丞各一員，河泊所河泊官一員，今革。陰陽學訓術、醫學訓科、僧會司僧會、道會司道會各一員。

知縣

于守郎 一作守節。

張縉 縉字文錫，澤州人。公平廉恕，開渠引龍興巖水以灌民田，民名張公渠。

周政 政，館陶人。興學重農，吏不忍欺，民甚德之。

胡乾立 胡衆仲 一作中。

右洪武中任。

張登 登，濟南人。公勤廉仁，吏民畏服。末期，卒官，行裝空乏。

黃惠

右永樂中任。

陳添祐

右宣德中任。

高諒 趙彌昌

錢道寧 道寧，望江人。蒞事公勤，禦沙、尤二縣寇，保全一邑。造舟梁雙峰驛前以濟民，民德之。

右正統中任。

滕肅

右景泰中任。

宋璉

右天順中任。

張倬 范九德

康永韶見惠安知縣。

程楮 張乾 馮子昌

右成化中任。

費誠 倪鉞 李震

右弘治中任。

周遜 王佩

袁黜 黜字公珩，豐城人。弘治鄉舉，終宗人府經歷。清操篤行，終始不渝。

劉晟

馬性魯 性魯，溧陽人。以兵科給事中謫外，量移。更俗導民，禁巫風，開正學，民用大利。久之，遷尋甸太守。土酋安銳作亂，性魯撫之，方有成績，當事者督銳太急，性魯坐繫滇獄，死。性魯端方直毅，怒目而視金、張、許、史之徒，權奸擅命，鬱鬱抱孤憤以去。謫官之日，言笑于于爲得已。

右正德中任。

魏楷 周南 李鴻 梁大瑞 胡樸 朱愍

傅錠 錠，進賢人。存心愛民，剖決本情法。

李尚理

彭懋 懋，南昌人。寬厚敬慎，加意興學。陞武昌同知。

唐宇 余磐 秦秀民 項守安

右嘉靖中任。

蔣學益 王崇禮

右隆慶中任。

舒倅 王九臯

許公望 公望，揭陽人。以舉人任。刻意除奸，加惠學校。

項廣譽

孫朝宗 朝宗，嘉善人。以舉人任。恬澹愛民。

葉一材 一材，祁門人。以選貢任。蒞治精明，處人平恕。

唐卿 劉泰然

李樹敏 樹敏，臨川人。以舉人任。山寇吳建等以白蓮惑衆倡亂，樹敏晝夜設防，獲巨魁輒置之法。或有病其嫉惡太嚴者，竟以是掛議去。士民惜之，合順昌、建安、甌寧三邑並祠祀焉。

包大智 王繼美 楊卜韜

右萬曆中任。

佐貳、教官賢者附後

唐誠 海鹽人。宣德間爲簿。公勤廉潔，滿考，民上疏保留，擢本縣丞。

張綏 程鄉人。成化中教諭。學問優長，樂引士類。

尹時 字宜之，江西永寧人。弘治間教諭。學行修明，教條嚴整。

平士奇 萬州人。嘉靖間教諭。重厚端慤，教人以忠信爲主。濟貧生，修祭器。致仕去。

永安縣

皇朝

知縣、縣丞、主簿、典史各一員，丞今革。儒學教諭一員，訓導二員，安砂巡檢司巡檢、湖口巡檢司巡檢各一員，稅課局大使一員，今革。僧會司僧會、陰陽學訓術、醫學訓科各一員。

知縣

韓隆 隆字德崇，桐城人。景泰中初置永安縣，隆以國子生授官。築城建學，創公署，新祀典，除虎患，辨疑獄，息巨寇，造浮梁。民借留十二年，以疾卒官。

右景泰中任。

俞鼎 李濬

右天順中任。

劉忠器 施謙 沈復

鄧概 概，新淦人。公廉明斷，以十條約民。時鄧茂七寇亂，頑民襲其遺逆，概取其尤者懲之法。凡追逮，不遺公皂，以信牌令里胥傳置其家，捧牌自至，無敢後者。增修學舍，暇日集諸生講論。在任五年，事治民安。

潘彪 張珣

右成化中任。

錢昆 劉錦 梁世材 劉燦

右弘治中任。

周祥 孫肅

羅珊 珊，南海人。政先愛民，不畏強禦。總鎮移文欲開縣忠徯鄉礦人貢，迫脅甚急，珊抗止之，言縣舊無礦場，且今復有詔禁私採。以此大忤使者徐俊意。時俊蓋行賂得牒覓利，爲珊所沮，遂誣訐珊殺人。總鎮差官捕逮，且率黨攻縣門，禁辱備至。民洶洶曰：「使者貪利，執我宰，戕我衆，盍死之？」俄頃

畢集，往訴當道。珊聲益起，膺薦擢去。郡人御史胡瓊撰文立石於縣中。

右正德中任。

姚章 時錦 覃延璉

徐勳 勳，長洲人。清慎而才，察民欲惡，與爲興罷。監司賢其有龔渤海之風。卒官。

程僊 陳沂 裴建 詹玄相

姚仲韶 仲韶，茂名人。廉明飭法，盜賊屏跡，獄無冤民。卒官，士民絮泣。

郭仁 仁，長洲人。以監察御史建言，出知縣。公廉明敏，稽正飛詭田糧，疏汰里甲冗費。講學興教，敬賢禮士，輕賦省刑。建耕欄書院，祀先賢，重修邑乘。擢刑部主事。

劉本 陸策 胡价 歐陽弘 李大標 卓光謨

右嘉靖中任。

許培之

右隆慶中任。

徐輅 史重淵 傅本智 王廷繡 蘇民望

張守讓 守讓，番禺人。以舉人任。廉介簡直，撫字群氓，洗剔積蠹，講明鄉約，興復社學。陞人理寺評事。

黎儀 施恒言 余文中

右萬曆中任。

佐貳、教官賢者附後

鍾質 永豐人。成化間丞縣。篤實廉潔，政不便民，必以告令。玩法者逮至庭，語之曰：「吾或貴汝，長官難犯也。」在任六年，力請致仕，民欲留之，憮然曰：「吾何德與若，而若苦我。」竟得請。

辛紹佐 順德人。正德間教諭，有文學名。

蕭松 臨海人。嘉靖中繇將樂司訓陞諭。啟迪不倦，雖束修亦不苟受。永乏《禮經》，簡質敏者親爲指教。永土習禮，自松始也。

鍾謨 字近修，萍鄉人。隆慶中教諭。有宦蹟，仕終長史。

黃燧 揭陽人。萬曆中訓導。剛正不苟，立會課士，捐俸恤貧。兩署邑篆，毫無染。左遷去，士民勒珉繫思。

汀州府《汀州府志》第修至嘉靖初年，以後俱無續修，所錄一二，皆他訪得之。

長汀縣（三）

隋

穆肅 肅，江南人。刺汀州。政尚清明。秩滿之京，道經將樂溪，聞唐受隋禪，義不貳臣，躍出自溺。將樂人祀之。

唐

刺史、別駕、司馬、錄事參軍事、錄事、司倉參軍事、司戶參軍事、司田參軍事、司法參軍事、參軍事、文學、醫學博士各一員。

## 刺史

樊晃 晃爲刺史，表林披爲臨汀令。

右天寶中任。

陳劍 劍爲刺史。先是，郡治在新羅，凡兩遷，至東坊口。劍始至，聞鼓角聲，煙鬱不鬯，適年凶民疫，吏民進狀，請復遷治。劍擇地卧龍山之陽，曰白石村，請之朝，改築焉。

右大曆中任。

蔣防 防字子微，南興人。年十八，父令作《秋河賦》，援筆立就。長慶中，防以元稹、李紳薦，爲翰林院學士。李逢吉逐紳，出防爲本州刺史，改連州刺史，有惠政。

張又新 又新，深州人。元和中進士高第，歷左、右補闕。李逢吉用事，惡李紳，冀得其罪，求中朝兇果敢言者厚之，以危中紳。又新與拾遺李續、劉栖楚等爲逢吉搏吠，有虎「八關十六子」之目。敬宗立，紳坐貶端州司馬，而又新轉祠部員外郎。逢吉罷，領山南東道節度，表又新爲行軍司馬。坐用佞事，貶汀州刺史。

元自虛 自虛刺汀，張籍有詩送之曰：「曾成趙北歸朝計，因拜王門最好官。爲郡暫辭雙鳳闕，全家遠過九龍灘。」上郡日，部衆皆見有人年垂八十，自稱蕭老，家數口，在使君宅中累世，幸不占廳堂，言訖而沒。自後，凡有吉凶預報，無不應者。自虛不信，而家人夜見怪異，或人坐簷上，脚垂於地；或兩兩三三，空中而行；或抱嬰兒，問人乞食；或美人濃粧美服，月下言笑，多擲磚瓦。家人乃白自虛曰：「聞厨後空舍是神堂，前人皆香火事之，今不然，故妖怪如此。」自虛殊怒。一日，蕭老忽謁自虛云：「今當遠訪親舊，以數口爲託。」言訖而去。自虛以問吏，吏云：「嘗聞堂後枯樹有山魃。」自虛令積柴與樹齊，縱火焚之，聞樹中冤枉之聲不可聽。月餘，蕭老歸，綰素哀哭曰：「無何遠出，委妻孥於賊手。今四海之內，孑然一身，當令公知之耳。」乃於衣帶解一小合，大如彈丸，擲之於地，云：「速去，速去。」自

虛俯拾開之，見有一小虎，大纔如繩。自虛欲捉之，遂跳於地，已長數寸，蹶跳不已，俄成大虎，走入中門，其家大小百餘人盡爲所斃。虎亦不見，自虛亦一身而已。

右元和中任。

牛僧孺，會昌中與李宗閔並爲李德裕所怨，德裕求二人與劉從諫交通書疏，無所得，令孔目官鄭慶言從諫每得二人書疏，皆自焚毀。河南少尹呂述言僧孺聞劉積破，出聲歎恨。德裕奏之，武宗大怒，出僧孺太子少保、分司，宗閔漳州刺史。再貶僧孺汀州刺史，宗閔漳州長史。復貶僧孺循州長史，宗閔長流封州。據《通鑑》，二人之貶，在四年十月戊子，十一月再貶，則僧孺未嘗任汀州，宗閔未嘗任漳州也。

劉岐 岐刺汀，築子、羅二城，完陳劍所遷壁壘。

右大中中任。

孫瑄 瑄，懿宗時爲御史中丞。同昌公主薨，懿宗痛悼不已，殺翰林醫官廿餘人，收捕其親族三百餘人。中書侍郎、同平章事劉瞻上言：「奈何以達理知命之君，涉肆暴不明之謗？」又與京兆尹溫璋力諫。懿宗大怒，貶瞻康州刺史，璋振州司馬。瑄坐瞻所引用，貶汀州刺史。

右咸通中任。

鍾全慕 全慕，唐昭宗時爲刺史。王潮爲威武節度使，全慕與建州刺史徐歸範俱附潮。梁篡唐，封潮弟審知爲閩王。審知喜全慕騎勇有謀略，分汀使守之。

右景福中任。

鍾翽 翽，全慕孫。雄武有膂力，善騎射，繼全慕爲州都統使、刺史。審知卒，王氏子弟爭國，分守

建、汀，歸南唐，累官金紫光祿大夫、上柱國。卒，贈尚書令。

梁胤

右唐末任。

別駕

林披見莆田緒紳。

魏齊之

右天寶中任。

司馬

裴胄 胄字胤叔。擢明經，佐李抱玉鳳翔幕府，不得意，謝歸，更從宣歙觀察陳少游。抱玉怒，劾貶桐廬尉。時李栖筠觀察浙西，幕府皆一時高選，判官許鳴謙名知人，白栖筠，取胄爲支使。代宗惡宰相怙權，召栖筠爲御史大夫，且相之。栖筠引胄殿中侍御史，尤爲元載所惡。會栖筠卒，胄護喪歸雒陽，人爲危之，胄屹然不沮懣。少游復表爲淮南觀察判官。載誅，始拜刑部員外郎，遷宣州刺史。楊炎當國，爲元載復讐，窮撫所惡，會胄部人積胄雜奉爲贓，炎遣員寓蔓劾峭詆，貶汀州司馬。稍遷荆南節度使。卒，贈尚書右僕射，謚曰成。

右大曆中任。

陳執中見侯官緒紳。

右大中中任。

王延宗 王繼業 王延政 王延喜 許弘欽 許文績 緱進筠 包洪實 馬忠璉以上俱閩王氏所授刺

史。

宋

知州事、通判軍州事、軍事判官、軍事推官、錄事參軍、司理參軍、司戶參軍、司法參軍、州學教授、監都稅務各一員。

知州事

王嗣宗 嗣宗，汾州人。太宗遣武德卒潛察遠方事，有至汀者，嗣宗械送京師，因奏：「陛下不委任賢俊，猥信此輩爲耳目。」太宗怒，械嗣宗下吏，削秩。既，嘉之，時還其官。

右太平興國中任。

歐陽程

右咸平中任。

陳彥博

蕭律 律字調元，新喻人。景德二年賜明法及第，爲廣州司法。守汀，屬邑多嵐瘴，來官者不安，律奏遷州治於平曠。徙潤州，歷大理少卿、夔峽轉運使，終金部員外郎。

右景德中任。

趙遂良 胡咸秩

右大中祥符中任。

黃吉甫

右天聖中任。

余諤

右景祐中任。

陳文寶 黃若水 劉有方 余中

右嘉祐中任。

王彬 劉均 林東喬

右治平中任。

藍丞 周約 石民英 王稷 許富

右熙寧中任。

方嶠見興化縉紳。 唐誼 黃積 陳軒見建陽縉紳。

右元豐中任。

謝履見惠安縉紳。

蕭佐 佐，江右人。闢新庠序，斥公田，供廩餼，文風以盛。

董威 曾孝總

右元祐中任。

林可 黃彥臣見龍溪縉紳。

右紹聖中任。

陳粹見岡縣縉紳。

右元符中任。

章清

汪天任 天任字莘老，浮梁人。大觀進士，歷知汀州。時方行王安石《字說》，天任獨守《六經》不變。所著有《說語孟新意》。

右大觀中任。

謝訥 掌之純 上官復 詹時升見崇安縉紳。 王田

右政和中任。

李清 潘闢

右宣和中任。

蘇公才

右靖康中任。

王令溫 封賡 陳貞方

右建炎中任。

鄭強見侯官縉紳。 錢景賢 詹尚 袁思永 張憲武 梁宏祖 陳定國 高允文 吳順之

張昌 昌知本州，政尚寬和，民不忍犯，呼爲張佛子。

陳升

黃武 武到郡日，齊述據贛城以叛。增陴濬隍，備器械乘，將西向討之。述突圍去，不敢犯。

黃革 晏崇古

鍾鏜 鏜，銅陵人。其家十一世同居。鏜幼開悟如成人，宦游五十餘年，卒，無贏貲。

孫祖善 斛繼善

右紹興中任。

吳南老 南老知州事，修學宮，創學官廨廳，繕城壁，實倉廩。會葛畚有逋寇，縛致渠魁，餘黨潰散。

右隆興中任。

晁子健 韋能定 韓顯祖 謝知幾 趙公澣

右乾道中任。

呂翼之 趙不悞 汪睿 程大昌 兄建寧知府。

江璠 璠知州事。先是，州有銀冶，歲代建昌、臨川二郡輸銀六千兩，二郡歲償綿絹。後經兵火，綿絹不至，坑場停開，輸仍取民，璠疏陳其害，得減三之二焉。

呂大猷 趙汝劼 趙不戒 趙師德 宗嗣郎

祝懷 懷以朝奉郎知本州，除潼川府路提刑。隆興間，有獻羨餘緡錢六千貫，名無額上供，懷奏減四之一。

劉坦之

右淳熙中任。

趙善鑣 趙充夫見宗室。 朱端厚 吳誠務 趙伯檜

右紹熙中任。

陳曄 見侯官縉紳。 四橡 宋思遠

右慶元中任。

陳映 見侯官縉紳。 趙彥櫛 見宗室。 陳鑄

右嘉泰中任。

曾槃

右開禧中任。

鄒非熊 非熊以嘉定元年知本州，三年被旨，特留節制軍馬，提防鄰寇。四年除廣東提刑。

杜濬 濬，黃巖人，丞相範之子。以薦繇大理正知郡。省諸邑月解錢數十萬計，盡捐舊比之私得者，

代輸戶部，以寬民力。方三月，卒官。

趙不撫 鮑澣之 江端中

羅勳 勳知本州，政務不煩擾，民安樂之。去日，老幼遮留信宿。

陳模 傅康 見泉州縉紳。 趙密模 林岳 見侯官縉紳。 王杆 權攝。 見通判。

右嘉定中任。

李直柄 陳孝嚴 李華 見崇安縉紳。

右紹定中任。

張种 黃實

右端平中任。

戴挺 挺知州，卜學東射圃地，建六齋以教諸士。滿日，行囊枵然，有古廉吏風。

姚元特 元特爲郡，有功德，祠學宮。

右嘉熙中任。

劉璽

郭正己 正己爲郡。郡士試貢院者，舊令自納竹案，率喧呶亂序。正己置木榻以肅之。

黃炳 盧同父 李景勉

右淳祐中任。

羅必元 必元字亨父，進賢人。嘉定四年進士，歷調崇仁丞。真德秀人參大政，移書曰：「老醫常云：傷寒壞證，惟獨參湯可療。先生其今之參湯乎？」後通判贛州。賈似道總領京湖，剝剝至甚，必元疏劾之，爲似道所劾，改知汀州。必元學有淵源，見理甚明，風節甚高，人尊慕焉。

汪之林 之林字德仲，鄞人。尚書大猷族孫。言行淵懿，善尺牘，見後進稱道不倦。守汀歸里，以清約終。

周晉 朱詵

胡太初 太初以朝散大夫知州事。大修郡學，重建明倫致極堂，御書稽古閣。肇行鄉飲酒，增儲均濟倉錢米，以廣賑糴。廂、禁、寨、舖兵並增給衣糧，時閱射，自給賞犒。修築城壁，開浚濠池，平連城、寧

化兩縣劇寇。祠學宮。

丁權

右寶祐中任。

林瀛見德化縉紳。

右年任無考。

通判軍州事

朱敏功 李希孫 許噩 葉庭芳 楊良顯 李縑 王求 徐大方 張瑞 方士寧

右年任無考。

郭祥正 祥正字功父，當塗人。善爲詩，王安石稱其豪邁精絕，梅聖俞曰：「太白後身也。」熙寧間，仕至殿中丞、簽書保信軍節度判官。時安石用事，祥正奏乞天下大計專聽安石處畫，有異議者，雖大臣亦當屏黜。神宗覽而異之，一日，問安石曰：「卿識郭祥正乎？才似可用。」出其章示安石。安石耻爲小臣所薦，因極口陳其無行。祥正聞之，遂乞致仕，歸，號醉吟先生。李伯時爲之寫真，東坡作贊。時方強仕，諸公交薦於朝，尋得判汀。守陳軒每與聯轡郊行，觴咏酬酢，詩文流布，邦人傳美。

右元豐中任。

任某 熊浚明

右元符中任。

毛完 柯常

右崇寧中任。

商師雄 劉震 葛師望 方開之

右政和中任。

何正矩 陳時敏

右宣和中任。

吳必明 見崇安縉紳。

許端夫

右建炎中任。

程胎 趙不積 陳吉老 見莆陽縉紳。

湯時孫

唐浚

趙子璋

阮懌

陳亞卿

周闌

彭端

張通

向澈

邵得之 向士俊 殘忍專決。

王岡

右紹興中任。

鄧昌國

右降興中任。

孟鏗 季塹

韋韋一作常。啟必

熊取新

魏凍

右乾道中任。

呂濟 馮世顯

劉坦之

林栩

陳研

徐文善

游次公

林叔度

曾躍麟

躍麟字士龍，

南恩州人。

警敏通經史，淳熙中進士，授羅源簿。

設法弭盜，闔境以寧。

擢判

汀州，有政聲。學士李彥穎、少師陳俊卿尤器重之，薦拜監察御史。

右淳熙中任。

趙師璫見宗室 趙善晤 陳以

右紹熙中任。

林文仲 葉安行 虞大中見崇安縉紳

右慶元中任。

趙師實 實唐臣

右嘉泰中任。

林士衡 陳天宜 黃大全 江燮 樓燧 吳灝 劉繼祖 陳貴誠 方祖同

右嘉定中任。

韓休卿 錢元忠

右寶慶中任。

王杆 杆字元佐，無爲軍人。紹定初判汀州。時郡將陳孝嚴引外寇朱積寶兄弟爲腹心，仇視禁卒，黃寶等憤而叛。杆諭以禍福，不從。俄有欲殺孝嚴者，杆叱之曰：「先殺我！」衆感動，解去。孝嚴度不爲衆所容，因付郡章於杆。杆固辭弗獲，權攝州事，衆遂安。旣，積寶兄弟失勢，亦叛，嘯聚幾萬人，屢犯州域，杆指授方略，力捍禦之。民比屋祠杆曰權郡主生佛。

趙彥倪

右紹定中任。

趙性夫 楊紹綰

右端平中任。

孫叔諧 徐拭

右嘉熙中任。

鄭發 黃煥國 黃堅叟 孫基 單謂大 林光庭

右淳祐中任。

趙時海 陳樵子

王道翁 道翁以承議郎任，陳三修之文於郡守：一修芹泮，二修城壁，三修圖志。守如請，郡人美

之。

右寶祐中任。

軍事判官

鍾建侯

右建炎中任。

鄭碩 黃褒 朱松年 朱璟 張頤老 謝之才 蔡顯 張希祖 李櫛 盧臨

右紹興中任。

翁灌

右隆興中任。

陳誨 王貽訓 黃義孫 許聞禮 侯括

右乾道中任。

魏好問 黃東 姚錫 王似椿 余櫛

右淳熙中任。

魏逵 王昌期

右紹熙中任。

王嘉謀 趙善膠

右慶元中任。

林夔

右嘉泰中任。

趙希孝

右開禧中任。

徐蒙發 董鑑 林誠 史伯垕 趙戒夫 曾穎秀

右嘉定中任。

趙希文

右寶慶中任。

李宗啟 劉騏 江鏐

右紹定中任。

趙希澹 葉一新

右端平中任。

趙宗邵

右嘉熙中任。

虞應龍 連端慤 趙汝流 梁椿

右淳祐中任。

許必發 周順 鄒忠

右寶祐中任。

〔軍事推官〕

郭濤

右建炎中任。

謝仲元 蘇清 董天民 趙公健 張維 滕膺 張安孫 劉街 徐昂 趙彥齡

右紹興中任。

李宗說

右隆興中任。

蔣之才 尤昂 陳公紹

右乾道中任。

余致和 趙師炤 潘赫 韓鯨 趙師章 張無豫 陳嶧

右淳熙中任。

鄭誠

右紹熙中任。

曾績 元植

右慶元中任。

趙彥飭

右嘉泰中任。

沈壽 林大問 趙希館 見宗室。

右開禧中任。

馮碩 余經國 徐浩 見管江縉紳。 趙汝琬 鄭志學

右嘉定中任。

趙汝岳

右寶慶中任。

李昂英 見提舉。 李順甫 趙崇能

右紹定中任。

周仲舒

右端平中任。

趙鐵夫 林浩

右嘉熙中任。

鄭聰 趙汝耆 趙希治

右淳祐中任。

朱吉甫

右寶祐中任。

湯某 湯失其名。寧化人祀之，意其有功於寧化。

右年任無考。

### 幕僚、教育賢者附後

劉師尹 紹興中錄事參軍。見懷安縉紳。

黃樵仲 淳熙中錄事參軍。見漳州縉紳。

陳希造 錄事參軍。祀名宦。見莆田縉紳。

趙公迥 紹興中司戶參軍。見宗室。

趙希鎔 嘉定中司戶參軍。見宗室。

王晞亮 紹興中教授州學。見興化縣志。

李光 字泰發，上虞人。靖康中以侍御史極論蔡攸、朱勔，謫監汀州酒稅。

皇朝

知府、同知、通判各一員，正德五年添設捕盜通判一員，後革。推官一員，經歷司經歷、知事、照磨所照磨、檢校各一員，司獄司司獄、稅課司大使、預備倉大使、副使各一員，陰陽學正術、醫學正科、僧綱司都綱、副都綱、道紀司都紀、副都紀各一員。

知府

楊文 郭景華 李質 徐煜 楊大本 許某 王均保 陳升 張寬甫 何貴 李廣

右洪武中任。

徐遜

宋忠 忠，崇陽人。洪武間知清流縣，興學勸業，剔奸剷蠹。群盜嘯聚，抵巢曉諭，皆出降。以艱去，尋陞戶部員外郎。清流民思之，奏於朝，陞本州知府。郡中墮廢，百凡修舉。

右永樂中任。

劉燾 許敬軒 顧祥

陸徵 徵，華亭人。公勤有爲，優於幹濟，嚴課諸生，科不乏人。時衛所強悍，與通判吳瓊糾治之，莫不懾伏。

右正統中任。

俞憫

劉能 能知州。時沙縣賊首陳政景等，糾清流等縣強賊藍得隆等攻圍汀，能與推官王得仁潛邀其歸路，擒政景等八十四人，餘賊驚潰。事聞，命兵部論功陞賞。

舒瞳

右景泰中任。

李瓊 瓊，萬載人。繇舉人任教諭，陞翰林檢討，出知府事。首建邑學，決訟如神。雨暘愆期，躬身悃禱。上抗勝運，來蘇寇發，親詣巢穴，布誠心，陳利害，皆釋甲解散。秩滿卒官，民思之。

右天順中任。

張寧 寧字靖之，海鹽人。景泰五年進士，授禮科給事中。豐采著聲，與岳正齊名。爲李文達賢所抑，出知汀州。先教後刑，表節義，恤孤獨，禁游惰，境內利病，悉罷行之。亡何去，公卿交薦，不起。

王穩 黃存禮 李恒 徐瓚 戴信 黃埕

右成化中任。

吳文度 文度字憲之，故泉州人。父靖，登永樂十二年福建榜，歷官教諭，占籍江寧。文度以成化壬辰進士任龍泉知縣，陞南御史，擢守汀州。繩法飲廉，推誠布公，黎明出視事，民間有急，旦夕就理，誣枉立辯雪。訟者立庭下，出一言，摘發屏息，既得情，輒矜貸之。當道或以督責至者，斬斬剖析，吏民皆得帖席。且虛懷禮士，敬老恤才，雖與軍帥武人交處，笑語灑灑，搗訶叱咤之聲不聞於庭。合人名例錢，一置不取。徭人出沒爲患，設方略招致賦役，帖帖如居民。九載秩滿，汀人立祠勒石，祀而頌之。終南戶部尚書。

鮑愷

賀思聰 思聰字時敏，永年人。以進士，繇亳縣知縣陞光祿寺丞，歷官少卿。因事調陝西運鹽副使，以戶科給事中叢蘭等保舉，奉旨陞任。

蔡餘慶

夏英 英字育才，德化人。繇進士，歷工部郎，出知延平府。警敏質實，節儉導民，遇事明斷，禮賢下士，若不及也。時有權貴鎮閩，徧索所部財物，大肆凌虐。至延，英以郡小民貧爲辭。彼人欲辱之，民見守窘，群出衛護。彼人懼，不踰宿去。踰年，以艱歸。復除補本郡，尋卒官。

右弘治中任。

項經

黃明 明，華亭人。弘治癸丑進士。清介孝友，任滿，擢雲南副使。汀人紀政於碑。

黃瑄

唐淳 淳字文厚，臨桂人。正德四年，三省峒民謀充效逆，旣閱歲，流寇蜂起，樂安、南豐望風陷。賊乘勢進攻石城，尋破寧化，轉攻清流甚急。淳時同知汀州，領民兵三千人兼程趨縣，賊望風遁。勒兵西追，絕其北戶，遂以軍功陞任。汀人稱淳廉愛焉。

胥文相

右正德中任。

邵有道 有道，都昌人。廉正有爲，拓城浚濠，延邑人伍晏修葺郡志，興士而鼓舞之，治署學舍，煥然

一新。在官四年，甘露降府庭者再。

查仲道 仲道字文大，寧州人。生平剛介醇厚，不苟出片語。舉正德進士，除兵部主事。諫武廟南巡，被廷杖。嘉靖初，累官杭州知府。織造中官暴民，仲道及右使馬卿每阻抗之，爲所媒孽，與卿同時械捕至京，謫本省運同，轉知本府。有惠政。卒於官，民爲立祠。

馬某佚其名，見《萬廷言文集》。某通州人。法令簡約，不爲崖岸，一意與民休息。終日坐堂上清歌讀書，召士子讐教課業，澹然耳。榜於堂曰：「乾坤何事非吾事？堯舜之民卽此民。」其氣象端簡靜重，可想見也。

徐中行見按察使。

右嘉靖中任。

李自芳 自芳字毓和，江西東鄉人。繇進士，授建寧府教授。學問該博，朝夕談經。典試湖廣，所錄皆名士。歷知本郡。

姚之蘭 之蘭字汝芳，桐城人。萬曆辛丑進士。先任海澄縣，縣有禾平莊，賦歸於澄，而徵屬龍溪，催科者苦逋，待賦者苦稽。之蘭請併歸澄。鎮海衛倉舊倚辦於澄，民苦越舍輸將，之蘭請折色。九都田疇毗隣待潤，洿池有盧沈支河在上流，海潮不通。之蘭疏而泄之，田以有秋。民貨呂宋夷者，呂宋人惑訛言，大肆屠戮，之蘭開無遮會誦經薦之，遣人人呂宋，搜撈其暴骨，置之坎。陞任去，後爲汀州府知府，其治如海澄。子孫渠，進士，知晉江。

右萬曆中任。

同知

趙敏學 趙權 金誠 潘仁 王處善 朱寧

右洪武中任。

潘弘 姚訥

右永樂中任。

周誠 任艮 陳溢 周灝 閻芳 李滿 方瓚

右正統中任。

程熙 熙，徽州人。以舉人任。清修苦介，每行部諸郡，興學課士。紫雲臺有盜數千，往來劫掠，熙單騎抵營，曉以國法，皆解散。上杭患虎，禱神，尋遁。佐郡十一載，卒官。

陳鋹 劉安之 樊鯤 楊憲

右成化中任。

章頌 潘齡 黃冕

右弘治中任。

高公甲 唐淳見知府。

陳袞 袞，新城人。繇舉人，知儋州，陞任。勤政恤窮，澹薄剛方。

孫綱 賀位

右正德中任。

莫克肅 陳勉 毛公毅

右嘉靖中任。

通判

陳高 王彥誠 馮顯 李允 朱玷

右洪武中任。

吳禎

右永樂中任。

邛林 鮑鱗 吳璦 林曜一作朱曜 彭某 謝富 顧祥

右正統中任。

吳恒 李祺 徐榮 張忠

右成化中任。

王道 張穀 章惟 饒金 劉淵 吳杲 楊俊

右弘治中任。

戴旦 陳琚 劉袞 何金 侯仁 張廷組 陳龍 陳瑾

右正德中任。

毛公毅 楊大占

顧舜臣 舜臣字希仁，上虞人。以進士自州守遷署清流。當嘉靖兵燹之後，察戶口存亡，定糧賦虛

實，覈其重輕，徵一緩一。民出危就安，若納慈母之懷，去而頌碑之。

郭子進 子進，□□人。〔五〕繇□□判郡。〔六〕嘉靖三十八年，山賊溫祖突劫永定、泰寧、尤溪、歸化等縣，子進與永定知縣許文獻督兵勦平之，撫按官王詢、樊獻科上功狀，被賞。

柴鑣 鑣，臨海人。繇舉人，先任閩縣，改知永春。至則進父老詢利病，明獄平賦，剔蠹鋤奸。邑轉輸永寧軍，爲請改得輕折。桃源驛久廢，議者欲復之，力陳得寢。汀、廣流寇日逼近境，選練鄉兵，躬擐甲胄，自花石嶺追至小尤中團，凡十餘戰，寇黨殲焉。更建邑庠於白馬山，時聚諸生課督，境內淫祠悉改爲社學。延名儒修邑乘。百廢具興。六載，陞本府通判。

右嘉靖中任。

推官

陳某 趙某

右洪武中任。

吳豫

右永樂中任。

陳某 羅某 桑義 焦賢 淡瑞 沈南

王得仁 得仁，新建人。宣德間以掾任本州經歷。廉能勤恕。時衛官卒橫甚，笞殺府隸，得仁條奏置重典。中官至，索郡縣金千百，得仁揚言曰：「吾又且奏矣。」中官惕息去。所平反死戍獄者，屢密懷金玉爲謝，訶斥之。九載任滿，所屬軍民乞留，陞七品俸，復任二載，陞推官。鄧茂七反，遣其黨徐政景圍

汀，衆推得仁捍禦。得仁嚴城守，力請守發廩賑避寇民，乘不意開門奮擊，大破賊，執政景等械送京師。守將欲入山搜餘黨，得仁力爭，止無株連，辨釋俘獲四百餘人。賊黨攻寧化，復率兵往援，遇之歸化蓋洋，與戰，大敗之。追至大陂，斬首數百級，降其脅從二千，分隸諸軍。陰遣卒誘茂七親黨三十餘人，執之。謀大舉直擣其巢，因積勞兵事，犯厲氣，卒。汀人聞之，如喪父母，請於朝，立忠愛祠祀之。而歸化人卽所沒之地立廟，祀得仁。

右正統中任。

安盤 沃新 諸原恭 王燦 熊德 唐鏞

右成化中任。

涂琳 傅景良 徐楷 劉鉅 程材見清軍御史。

周元佐

右弘治中任。

莫仲銘 宋炫

右正德中任。

秦僎 劉梅

劉建 建字懋中，豐城人。嘉靖鄉舉，任推官。有「絕好官人」之謠。閩倭亂後，承檄巡行泉州，便宜賑恤，全活甚衆。

萬廷言 廷言字以忠，南昌人。嘉靖進士。自光祿丞謫汀州推官。治尚簡靜，與諸生講學問業。稍

遷同知廣平府，罷歸。

右嘉靖中任。

首領、教官賢者附後

王得仁 正統中任經歷。見推官。

周微 永康人。嘉靖末爲府照磨。溪南民恣睢，微奉檄詣壘，宣聖訓，行鄉約，諗衆曰：「吾察爾等罔匪良民，其作弗靖，夫豈性異，習使然耳？吾將牖爾性，更爾習，惟爾省。爾若於化，良民也，吾達於上，爾撫；爾弗若於化，卽爲大慙，吾達於上，爾勦。」衆聞，喁喁有含哀以訴者，有矢死不變者，有割髮斷指而思歸者。行之三年，溪南民爲立祠奉約，朔望肄之。

張文舉 會稽人。國初自鄉薦副榜授寧遠縣學，以科貢不及，改建寧府學訓導。誨訓諸生，一本忠信孝友，而於文藝精審，講究通貫。陞寧津教諭，擢汀州郡學教授。文學歷教三學，垂四十載，師道老而益嚴，勤而復篤。

黃約仲 正統中以翰林檢討出任教授。劉鉉送之詩：「之問有才曾奪錦，伏生雖老未忘書。」

張泮 鄞人。正德中以舉人授縣，奉母命辭，就學職。持身正大，教法詳明。以憂去。

李應選 歸善人。繇歲貢。隆慶五年自龍巖訓導任永定教諭，陞本府教授。倡率士風，敦尚廉耻，力行古道，雅稱師模。

長汀縣

唐

令、丞、主簿、尉各一員。

林披見莆田縉紳。

宋

知縣事、丞、主簿、尉各一員，古城寨巡檢司巡檢一員。

晏某見徐唐傳。

右嘉祐中任。

熊俊民

右元豐中任。

張景休 景休，泰和人。博學有才識，事母以孝聞。咸平進士，授南陽觀察判官。居官廉公，育才薦賢，手不釋卷。歷仕荆南、長汀、崇陽、清白、彌厲。

李存賢 吳賁

右元祐中任。

梅琬一作疏。

右紹聖中任。

楊拙見岡縣縉紳。

詹林

右政和中任。

黃渥 陳果 劉孔修

嚴褒

吳樞見建陽縉紳。

陳珪

余可義可一作亨。

劉昱

張搏

葉浩

方

子昂 陳夢遠 李宗望

右紹興中任。

蘇績 張希祖 余嶢 趙不寤

右乾道中任。

商侑 陳文康 黃如圭 劉適正 謝知任 趙汝堅

右淳熙中任。

薛元肅 王千秋

右紹熙中任。

趙不臨 謝邦憲

右慶元中任。

謝周卿 周卿爲縣，除諸鄉逃亡絕戶鹽，撥田附州學，創縣治社壇，楊萬里、周必大先後記其事。

李德祐

右嘉泰中任。

劉泳之

右開禧中任。

朱堂 連三益 錢厚 劉元英 黃晉 朱子恭

右嘉定中任。

趙汝汲

右寶慶中任。

宋慈 慈有繁劇才。紹定間，招捕使陳曄檄同監軍李革平汀寇，參贊居多，遂辟知縣。聽斷清明，境內大治。

朱起元

右端平中任。

陳顯伯 顯伯宰縣，有惠愛，增廣學舍，規錢以養士。

黃松 任鄧

右淳祐中任。

丞、簿、尉、教官賢者附後

劉叙 元符初丞縣。見清流知縣

卓庠 紹興間以丞攝連城縣事。時縣初創，庠揆方審勢，悉自授指，塵井塗徑，條理秩然。

趙時鉞 紹定中丞。見崇寧

張振古 清江人。淳熙間爲簿。剛正有守，郡督諸鄉稅急甚，振古憫小民困窮，戶多逃絕，請郡將寬之。郡將怒，欲譴責，振古卽納印去。

林之奇 紹興中尉縣。見侯官知縣

陳兢 字戒叔。紹興庚戌進士，有文名。初尉長汀，再授恩平、新興、三州教授。留正知贛州，辟注龍

南令，兼僉幕。有《周禮解》及雜文數卷。

皇朝

知縣、縣丞、主簿、典史各一員，儒學教諭、訓導各一員，古城寨巡檢司巡檢，臨汀、館前二驛驛丞各一員。

知縣

孫庸 陳伯正 游皓 邢惟一 楊景福 吳穎 郭聰 袁九齡 袁輯 凌銘秀 潘同 梁得善

右洪武中任。

符節 林森 劉通 姚調 李存

右永樂中任。

澹文昇 李求本 陳祖 陳宗周

右正統中任。

曹通

右景泰中任。

楊懋

右天順中任。

劉翔 吳潛 謝珪

右成化中任。

黃富 黃汝隆 毛彪

右弘治中任。

章某(七)

謝溥 溥字公濟，祁門人。以鄉薦任長汀。裁冗費，革例錢，事上官秉公抗論。王文成勸武平掛坑洞，檄溥給餉，有方。汀人祀之。

黃用直 用直潮陽人。廉守勤政，不縱不弛。

右正德中任。

蘇珩 李日芳

右嘉靖中任。

#### 教官賢者附後

陳宗敬 宣德中任教諭。上書言通鈔法：「戶部頒降榜文，不許阻滯鈔法，至今未通行。臣竊思，米布諸物，俱產民間，福建諸郡戶口鹽鈔折收糧米，鈔皆不用。以臣所見，宜有變通。如汀州府所積糧可存百餘年之用，汀州衛所積有十餘年之用，而每歲又收鹽糧，蓄積愈多。天下府州衛所大概相同。宜令有司軍衛扣算，倉糧有十年以上者，鹽糧盡令折鈔，歲徵秋糧亦折鈔三分。如此則鈔可通，糧不陳腐。」宣宗嘉納，命戶部行之。

#### 〔校記〕

〔一〕「永安縣」三字，各本原脫，據本書體例補。

〔二〕「順昌縣」三字，各本原脫，據本書體例補。

〔三〕「長汀縣」三字，各本原脫，據本書體例補。

〔四〕「軍機推官」，各本原作「軍馬推官」，據宋朝官制改。

〔五〕「人」下，各本原闕二字。

〔六〕「孫」下，各本原闕二字。

〔七〕「章某」，光緒《長汀縣志·職官》作「章侃」。

# 閩書卷之六十

## 文蒞志

汀州府 寧化縣 上杭縣 武平縣 清流縣 連城縣 歸化縣(二)

寧化縣(二)

唐

縣令、丞、主簿、尉各一員。

縣令無考。

尉

羊士諤 初爲宣歙巡官。永貞元年，以事至長安，遇王叔文用事，謬言其非，叔文欲斬之，韋執誼不可，貶寧化尉。

五代

鍾彥儔

右梁開平中任。

王雲 雲爲縣，徙黃連舊治於竹篠窩以當旺氣，至今尚仍舊址。

右唐同光中任。

宋

知縣事、丞、主簿、尉、安定、中定、南平、北安四寨巡檢各一員。

知縣事

高照

右熙寧中任。

江淵 吳開

右元豐中任。

危建侯 見邵武文苑。

右元祐中任。

鄒括 見泰寧緒紳。

施提 見建安緒紳。

右建炎中任。

周堯卿 堯卿字子俞，道州人。警悟強記，以學行名。天聖二年進士。提點刑獄楊紘人縣境，見被刑而耘者，詢之，具道故因，曰：「令不民欺，民實欺令，又何敢怨？」紘嘆而薦之。累官太常博士。范仲淹復薦之。始，堯卿年十二喪父，憂戚，見母則匿其情。及母喪，倚廬枕塊，慈烏啣土成隴。學長《毛詩》、

《左氏春秋》。

王炳彥 林寅

右紹興中任。

杜潮 趙伯虎

右淳熙中任。

陳梓見甌寧縉紳。 郭泰亨

常楫 楫字濟川，清江人。學極該博，爲文瑰奇贍縟。登乾道乙科，歷知寧化，倅房陵，遷宜州。所

至剖決無滯。

趙汝鑒

右嘉定中任。

黃徠 廖壽翁

右寶慶中任。

江亨 趙時館見宗室。

右紹定中任。

何建

右端平中任。

劉煥

右嘉熙中任。

李多 林雲 張燿 林顯

右淳祐中任。

徐極 林公玉

右寶祐中任。

丞、簿、尉賢者附後

米巨宏 紹定中任丞。見連城知縣。

林公邁 紹定中任尉。見福州縉紳。

皇朝

知縣、縣丞、主簿、添設巡捕主簿、弘治中華。典史各一員，儒學教諭一員，訓導二員，安遠寨巡檢司巡檢、石牛驛驛丞、陰陽學訓術、醫學訓科、僧會司僧會、道會司道會各一員。

知縣

蔣原議 張思誠 陳時 朱本清 朱仲原 丁受

右洪武中任。

梁瑤 瑤，化州人。以進上任。視民如子，蒞政數年，政修財阜。

右永樂中任。

徐得崇

右正統中任。

韋清 清，廣州人。以舉人任。清儉勤慎，植弱抑強。卒官，民哀慕之。

梁昂

右景泰中任。

李景孟

右天順中任。

陰煥 吳綱 徐蕃 鄭瑄 徐廷曜 陶溥

右成化中任。

葉時賢

沈蘭 蘭，山陰人。繇舉人任。崇重師儒，子育黎庶。

右弘治中任

余繡

周楹 楹，安福人。以舉人任。愛民親士。賊攻邑，身詣諭之。賊挾以去，不爲動，謹送之歸。臨

去，謂賊：「爾輩所虜，皆良家子女，無困之乎？」賊悉還焉。歸而繕城隍，固守禦，寇遂絕。

王裕 以墨去。 何鑑 吳希哲

右正德中任。

馬淑 淑，建德人。興學懲淫，士民愛戴。未竟其施而卒。

錢滔 陳政

莫大德 大德，馬平人。剛介有爲，惜以訟去。

張子龍 以墨去。 錢用 余桐 潘時宜 陳統 張洵 邵道南

陳添祥 添祥，□□人。(三)嘉靖四十年五月，賊來攻縣，擊敗之。次月閏五，賊復來，添祥謹防備，屢以大砲、佛郎機銃殲賊四門，復敗走之。

周坦 蒙士顏

右嘉靖中任。

杜桐 沈世卿

右隆慶中任。

何沆 褚國祥 鍾士弘 劉德卿 吳士奇 梁以禎 梁元禎 鄭繼緒 唐世濟

右萬曆中任。

佐貳、教官賢者附後

陳稜 巴人。正統中任丞。祀名宦，而逸其事。

榮清 東安人。洪武中典史。勤敏篤實，案牘一清。

景忠 通渭人。永樂中以舉人任典史。廉公愛民，守法不訛。

王雍 字熙仁，泰和人。正德中教諭。勤課士，遷學宮。

劉興學 隆慶中任教諭。見將樂知縣。

徐一夔 新昌人。爲縣訓導。敏達和易，上樂宗因。署沙篆，與民相安。陞寧化教諭。

### 上杭縣

宋

知縣事、丞、尉、梅溪寨巡檢各一員。

知縣事

周式 道州人，濂溪先生之伯。

右年任無考。

上官拯 見光澤縉紳。

右治平、熙寧中任。

廖揆

右建炎中任。

許顏 顏字彥回，襄邑人。進士。先爲深州教官，來令杭。盜入境，徙治村寺，旋得疾終，葬鍾寮

場。宋《夷堅志》：「顏夢往冥司，觀至三獄，一二爲輕故，其三爲細類。顏見其父安石於殿上，父曰：『汝作深州教官，安得用張某充學

職乎？』對曰：『一採其程文耳。』父取牘至，曰：『一張固試中，余受通判職。此人後盜用官錢，幾至累汝，幸汝不受賂，諱罰爲陰官。其十第

三獄，緋衣追送汝者，吾故人彭汝礪也。在世剛介廉直，但性太刻，故罰主此右伯坊，汝將與代矣。我亦無罪，因運江東日，怒執蓋卒，誤

拂幘頭杖其背，遂罪此二十劫。』及言蔡營齋聽宣度，積善福及二界。偶天敕赦三使至，乃天、地、水府三官，告安石將陞轉而脫，顏亦免細

類，而遷移故一等。此兩級相望，較五百劫，蓋大赦。雖時有不忠不孝不沽如朱溫輩，尚在十七獄中也。顏因問世人受何等最多，曰：「一吏舞文，僧破戒。」又問：「公囊擲地，而僧衣在架，何也？」曰：「如來衣，鬼所敬。僧雖獲譴，不敢輕也。汝還世，子先亡，其月盜入境，汝徙治村寺，旋得疾終矣。」後果如所夢。按：顏在杭治績無可考。其在深以不受賂，免五百劫，始清慎人也。

孫瑞 瑞首創學舍，給田養士，暇日蒞學講論經史，士風以振。

右紹興中任。

鄭稷 稷以治所非地，遷之郭坊。

陳朝章 朝章知縣，繼鄭稷後。先是，稷遷縣治郭坊，方經始，遽憂去。朝章區處分畫，塵井塗徑，具  
有條理。

右乾道中任。

任文茂 蕭輅

鮑粹然 粹然字淳父，龍泉人。以上風固陋，聘三山老儒職教導，士始知學。邑多劫人，率大家爲囊橐，粹然窮懲之。臬司辛棄疾委決疑獄，按閱得情，無冤死者。遇旱，禱輒應。會州久旱，父老白守曰：「當請鮑令。」許之。粹然來禱，雨立至，州人呼爲上杭雨。仕終朝散大夫。

右淳熙中任。

薛治 黃葵 黃沐之見前寧信州

右慶元中任。

陳沂

右開禧中任。

林半千 鄭必學 曹南老 趙彥挺見宗室。

右嘉定中任。

陳準

右寶慶中任。

趙時鉞見宗室。

右紹定中任。

方應祥

右端平中任。

謝觀國

右嘉熙中任。

余繼祖 趙希詭 王延慶 楊仁吉 潘景升

右淳祐中任。

李務行 務行知縣事，葺廟學，創朱、楊二先生祠於學西。

林似孫

鍾紹安 紹安，興國人。以進士任。從文天祥勤王，咸淳、德祐間誥旌。

右寶祐中任。

丞、簿、尉、教官賢者附後

何鎬 嘉定中任尉。見邵武縉紳。

郭顯 □□中任簿。〔四〕見浦城縉紳。

元

達魯花赤、縣尹、縣尉、典史、儒學教諭各一員。

鄭從吉 攝縣事。

吳楚 至元中尹。見浦城尹。

皇朝

知縣、縣丞、主簿、典史各一員，儒學教諭各一員，〔五〕平西、藍屋二驛驛丞、陰陽學訓術、醫學訓科、僧會司僧會、道會司道會各一員。

知縣

夏煜

劉亨 亨，鄭州人，或曰祁州人。以文學任。新學校，建壇壝、廨舍，招撫逃亡。五載去，民思之。

鄧致中 章貞 王彥良

秦斌 斌，桂州人。以舉人任。柔毅適宜，加意學校。以縣在僻隅，貨賄不集，爲五顯會招徠遠近商旅，有無貿遷，民以利用。

右洪武中任。

顧祥 祥，通州人。以進士任。崇儒愛士，撫弱抑強。常祿外一無所取。

劉紹 梁貞 沈新

張光啟 光啟，南城人。有《縣齋詩》：「十年俸廩支難盡，一井廉泉飲不乾。強項枯荷撐雨立，貞姿古柏入雲蟠。」誦其詩，知其人也。

右永樂中任。

劉伯蘊

右洪熙中任

姚秀林 胡泰 張琳

右宣德中任。

羅諶 熊琰

岑嵩 嵩，德慶州人。當寇亂之後，綏懷有方，流亡悉復。

右正統中任。

楊瑾 黃希禮

右景泰中任。

劉泓

右天順中任。

胡鉞 鉞，嵯縣人。清勤公正，不喜諛佞。時初調千戶所守御邑中，悍卒往往肆虐，鉞法繩之，軍民

舉安。

孫安 安，錢塘人。以進上任。愷悌慈祥，得居上之體。

蕭宏 宏，武岡人。以舉人任。剛勤易直，持身廉慎。

石塘

李曰思 曰思，弋陽人。以廉慈著聲。卒於官，民惜之。

張祐

右成化中任。

涂綬

高以政 以政，崑山人。政尚寬平，民庶樂業。

馬淳

右弘治中任。

陳思誠 謝浩 黎鐸

右正德中任。

王世熙

謝明 明，番禺人。以舉人任。廉慈著稱，里中小民無橫科繁費之苦。

黃鑾 馬節 劉存仁 伍籛

汪應奎 應奎，歙人。以舉人任。平易鯁直。有中之者，民群赴直指訟冤，賢聲益著。居八載，陞廣

州通判，囊蠹蕭然。

趙文同 文同，靖安人。以進士任。清惠見思。

朱世徽 李仁卿 余一貫 陳巽言

右嘉靖中任。

周裔登

右隆慶中任。

錢堯中

楊萬春 萬春字汝和，錢塘人。嘗兩割股奉親，爲人兢兢一介，期不愧古孝廉。杭志久闕，延福唐郭造卿建初修輯之。邑有疑獄，前令莫決者三年，萬春齋禱城隍，具得本情，杭人稱神君。

殷守善

右萬曆中任。

佐貳、教官賢者附後

潘義 餘姚人。永樂中以進士任丞。革弊興利，卒於官，民思之。

王獻臣 吳人。弘治中以御史謫丞。令行禁止，造文峰塔，建際留倉、城隍廟、橋梁、道路，百廢皆

舉。方修城隍廟，時屬癸亥夏五，是月中旬後不雨，民禱罔答，獻臣爲文告神：「曩者廟貌弗稱，恐民無畏忌，乃率耆舊，爰修祠典，將求利庇。今乃旱苦，豈獻臣之弗虔，抑神罔念與？請以五日爲期，雨且足，卽不日成廟，不，請罷。」如期雨，尚未足，乃再禱，霖三日，遂成廟。

楊宏 化州人。弘治中司教，有聲。

程邁 高明人。嘉靖中任邑諭。勤課士，慎束修，助貧生婚葬。

蕭祥庚 泰和人。嘉靖中以舉人授邑諭，敷教有聲。

林一道 泰順人。隆慶中邑諭。嘗署縣事三月餘，民翕稱之。

鄭佰 成化中訓導。兄寧德縣。

袁慶雲 零都人。弘治中分邑教，日以行誼進生徒。陳利弊六事於都御史韓邦問，邦問稱賞之。以

親老致仕，贛志稱孝焉。

### 武平縣

宋

知縣事、簿、尉、三摺溪、象洞二寨巡檢司巡檢各一員。

知縣事

王慈

右大中祥符中任。

翁仲通見崇安縉紳。

陳闡見仙游縉紳。

宋仕衡

右天禧中任。

陳居亮 吳群一作郡。

右嘉祐中任。

楊敦仁

右元符中任。

葉曾一作曾

江翎一作領

梁從義 梁仲衍

右崇寧中任。

陳某

右政和中任。

李綱 攝縣事。見邵武縉紳。

右宣和中任。

張元林 黃雷 上官寔 張安節 蔡顥 黃次元 王正國

右紹興中任。

趙賁 石應城 唐廷堅 湯說

右乾道中任。

程起宗 詹嶽 董文昌 王文若 葉謙之

右淳熙中任。

陳岫 周稷 陳絢

右紹熙中任。

趙汝慶

何自強 自強任官，廉潔愛民，有築城建門之功。

右慶元中任。

趙善緯 見宗室。

趙憐 王由之

右開禧中任。

趙孝通 趙汝琯

傅大聲 見仙游縉紳。

李文伯

趙師峙

黃襲甫

顏東老 兄永春縉紳。

右寶慶中任。

趙汝珣

右紹定中任。

趙汝譚

右端平中任。

田圭

右嘉熙中任。

黃應翁 林震

楊一夔

沈富求

右淳祐中任。

阮逢午

右寶祐中任。

朱搏

右開慶中任。

丞、簿、尉、教官賢者附後

上官損 嘉定中簿。兄邵武縉紳。

孫麟 □□中尉。(六)見轉連。

鍾茂福一作伯紹興中縣尉。隨令顏東老討賊，歿於師。

元

達魯花赤、縣尹、主簿、縣尉、典史、儒學教諭各一員。

縣尹

李實 實字伯美，汴人。平易近民。時邑制草創，學校頽圯，士倚席不講，實捐俸修葺，以作興之。

李伯英

皇朝

知縣 一員，縣丞 一員，革。添設巡捕主簿 一員，弘治九年革。典史 一員，儒學教諭 一員，訓導 二員，永

平、象洞、寨巡檢司巡檢、陰陽訓術、(七)醫學訓科、僧會司僧會、道會司道會各一員。

知縣

李燧 徐傑 呂祥 陳得貴

右洪武中任。

周能

右永樂中任。

方恢 余忠 朱誠 閻常

右宣德中任。

皇甫淵

右正統中任。

周希貴

右景泰中任。

袁旻 旻，豐城人。以監生任。重新學舍，跋元李實《修學記》之後，有足觀者，知其加意於興文也。

右天順中任。

劉哲

徐端 端，遂安人。當官勤慎，歲旱，露禱輒應。建通濟橋，遷學縣治西。與教諭王鑾纂修邑志，文

獻賴焉。

邵惟 陳增 李俊

右成化中任。

黃貫 王靖 陸忠 鄭賢

右弘治中任。

鄒大光 弘啟 黃章 周旋 羅奎 常德常一作韋 何泰

右正德中任。

蕭國遠 許喬

張策 策字獻可，臨桂人。以舉人任。爲政寬厚，究心民事，公餘輒聚士講授，縣鄉皆立社學，造就童俊，每出常格。年饑，處贖緩糴穀賑濟。開九龍陂灌田，創八隘樓防寇，撤新公署。在任四載，窮鄉善惡悉知姓名。當道交薦，行取，未赴部，卒。士民哀慕之。

鄧恕 恕，清江人。自監生任。以儉約倡上民，蔬食菜羹，不携妻子。胥隸有犯，輒嚴治之。武平謂其冰蘖之操，前令未有。然竟以是取戾，用罪誤落職。

孫勳 施懋 楊潔 陳恪

徐甫宰 甫宰字允平，山陰人。以舉人任。先是，閩沿海諸郡連被倭患，當事者多方徵斂，轉輸給軍。民既疲苦，乃縣官或借勢漁獵。其地界江、廣間，巨猾大盜之所盤窟，民不任苦，則悉趨而從之。自甫宰來，武平人誦之曰：「未有廉吏也，而又拊我疾苦，誘我禮義，寬我追呼，薄我笞楚，矜我冤枉，調停我徵斂，弛張我條格。吾屬遂可耕以食，誓相戒必無從江、廣徙。江、廣徒出犯吾境，吾屬共攻之。」於是，其勇悍者皆來爲令殺賊，歲獻功不下十數。甫宰善綜理，有才略，練兵勦賊，不獨其所治，時時見功鄰郡邑間。終廣東僉事。

右嘉靖中任。隆慶、萬曆缺。

佐貳、教官賢者附後

常希仁 沛人。嘉靖中任典史。勇略過人，時遇懸繩寇發，挺身入討，遂搗賊穴。陞縣簿，民碑頌之。  
周文 字顯謨，富陽人。永樂癸卯舉人，授武平教諭，遷御史，按廣東，有聲。嘗劾奏王振及學士倪謙。後督兵偕王驥征貴苗有功。

孫煌 餘姚人。嘉靖中歲貢。律己以法，待士有恩，因材勵掖，久而不倦，有過則引咎自責。以不善容悅，力求致仕。

袁邦行 字信叔，豐城人。嘉靖中以鄉貢任邑諭。學有淵源，士執經辨難，應酬不懈。尤甘淡泊，非義之餽，悉謝不受。遷平原令。

### 清流縣

宋

知縣事、丞、主簿、尉各一員，鐵石磯巡檢司巡檢一員。

知縣事

劉叙 叙，元符元年爲長汀丞，曾有旨創清流縣，辟爲令。官舍廩井，分畫營繕，俱有條法。  
右元符中任。

王端 作端。童諒 鄭思誠 張秀穎 曾造

右紹興中任。

黃藻 兄南平縣令。

右乾道中任。

吳松

右淳熙中任。

陳祖尹 吳輔之

右慶元中任。

郭泰亨

右嘉泰中任。

王洽

右開禧中任。

趙希本 何清 王徵 何汶 沈燧 劉惟允

在嘉定中任。

卓然

右寶慶中任。

黃應龍 江亨之 陳光人

右紹定中任。

王元瑞

右端平中任。

趙樞夫

右嘉熙中任。

林奕 趙必達 林昌泰 陳子淵

右淳祐中任。

陳子椿 林應龍 倪文

右寶祐中任。

丞、簿賢者附後

陳吉老 紹興間丞。見興化續紳。

蕭顗 □□間簿。(八)見浦城給紳。

### 皇朝

知縣、縣丞、主簿各一員，添設巡捕主簿一員，弘治九年革。鐵石巡檢司巡檢一員，九龍驛驛丞、陰陽學訓術、醫學訓科、僧會司僧會、道會司道會各一員。

### 知縣

朱仲恭 仲恭，興國人。縣當元季寇亂之餘，招徠流亡，勸課農桑，修學校，延明師訓士，政事卓然。

白仕英 于勉

蔡以謙 以謙，四川人。性質溫雅，操守廉介，勸民勉士，均賦稅，平刑獄，民懷之。

宋忠見本府知府。

右洪武中任。

朱以芳 宋宗顯

李庠 庠，西安人。以進士任。先是，縣燬於寇，庠至，新縣治，建學宮，定役法，嚴課試。蒞任凡十五年，始終如一。

右永樂中任。

周傑

康勉 勉，松江人。先任奉化教諭，以才行擢知縣事。仁勤當官，沒而行李蕭然，不能歸櫬。

呂鏞 鏞，蘄水人。宣德中鄉薦。鄧茂七寇境，盡方保障，招撫逃亡。未幾，賊衆二萬餘攻縣，鏞率民兵與戰，不敵，端坐抗罵，遂被賊解體。邑民卽其死處構草舍祀之。成化間予祠。嘉靖五年，提學邵銳建祠城中，曰忠節。

右正統中任。

江稷

吳中 中字時中，樂平人。以進士任。才優學瞻，遇事刃解，好士愛民，時稱愷悌。後歷布政使。

右景泰中任。

鄒震 劉繁

右天順中任。

周傑 慢神虐民，去官。

邢吳 吳，華亭人。以舉人任。居官治事，以愛人爲主。陞應天府治中。

謝富陽 以貪去。

凌宗 宗，山陰人。以進士任。興學重農，毀淫祠，崇正道。卒官，民哀慕之。

陳緣

右成化中任。

童冕 有才略，而性暴剛酷。

傅乾 以貪淫去。

余珙 作洪。

珙，饒平人。剛正廉介。毀淫祠，興學校。因抗章御史，勇退東歸。

右弘治中任。

陳瑱 林湜

諸文實

周和

李用

余漳 見建寧同知。

右正德中任。

陸任忠

詹玄相

喻韶

歐陽建

陳桂芳

劉子忠

子忠，安福人。

耿介不避權貴。

郭維翰

俞文明

文明，永豐人。

以舉人任。

嘉靖四十年，

流賊距城，

潛從東門

龍津入縣，

將過半橋，

人民驚

走。

劉貴

曹元卿 以貪去。

劉光奕

光奕，歸善人。

以舉人任。

爲人明察，

民不敢欺。

陞亳州知州。

右嘉靖中任。

桑大協

右隆慶中任。

王希敬 鄧邦髦 何孔陽 阮宋文

右萬曆中任。

佐貳、教官賢者附後

劉玄 宣城人。洪武中以秀才丞縣。廉慎愛民，長於立政。

王自永 南城人。宣德中以監生丞縣。修舉廢墜，廉介勤勞。卒，官、民思之。

胡晟 零都人。成化中以監生丞縣。愛民勤政，其得民心。

蕭楨 甘泉人。正德中以監生丞縣。剛廉愛民，鄰警報至，楨斷龍津、鳳翔二橋拒之。不數日，寇來

攻城，橋絕不能渡，邑以保全。卒，官、民思之。

袁必文 廣東人。永樂中任典史。沙寇陳添保犯境，民駭奔竄，必文獨守不去。賊至，被執，抗罵不已，遂遇害。民哀之。

方珏 鄱陽人。由進士。永樂中教諭。詞賦文章，有名於時，以去浮尚實爲弟子師。

潘龍 仙居人。弘治中以舉人任教諭。嚴肅正大，善於誘人。

鄭循 慈谿人。成化中訓導。明經善教，多所甄治。

陳晦光 天台人。以舉人司訓。博學明經，勤於施教。擢長汀諭，未任，卒。

劉滋 崇仁人。正德中司訓。持身正大，訓迪維嚴。

王輔 華亭人。正德中司訓。謙敬誠篤，勤教博學。滿去，書囊蕭然。

鄒某 失其名貫。正統十三年任鐵石巡檢。沙、尤寇熾，賊將陳正景擁衆進逼鐵石，執鄒以攻埠。知縣呂鏞提鄉兵赴其急，寡莫勝衆，鄒同死之。今配祀鏞祠。

連城縣

宋

知縣事、主簿、尉各一員，監商稅務、北園寨巡檢各一員。

知縣事

卓庠 攝縣事。兄長江縉紳。

石敦義 陳南復 馮輓 吳祐

丘欽若 欽若知縣未期，鄰寇竊發，經畫地勢，築城捍禦。

李昇見崇安縉紳。 謝龔

劉國瑞 國瑞知縣，建學舍，給官田贍士，士皆自奮發。

右紹興中任。

熊取義 周莘 黃中立 楊立中 王彤 常閭 潘安英 劉宗爽 安嗣宗 徐擇 劉燾見建寧縉紳。

李昌齡 黃華 詹廉能

右年任無考。

鄭康成(九)康一作江。

右慶元中任。

董與幾 劉晉 傅壘見泉州縉紳。 黃南一 趙汝樵 沈柔孫 孫若拙 林有宗 黃埤埤之侄。 陳

森 趙樞夫

右年任無考。

徐价

米巨宏 巨宏，紹定初以寧化丞攝縣。當寇亂之餘，創廨宇，修學宮，給田養士，定綱運額，立賣鹽法。郡守李華上其功，特改合人官，遷知縣事。

右紹定中任。

曾宗魯 饒子齊 李繼申 吳嗣明 羅應奇

右淳祐中任。

丁熙之 趙從璆

右年任無考。

徐公亮

右寶祐中任。

元

達魯花赤、縣尹、主簿、典史、儒學教諭各一員。

縣尹

質夫 失其姓。大德間，府學教授某志武平學，自言游宦臨江，見六邑之宰，唯質夫與武平李伯英不汙儒術。

皇朝

知縣一員，縣丞一員，主簿、添設巡捕主簿、典史各一員，儒學教諭一員，訓導二員，北團寨巡檢司巡檢、陰陽學訓術、醫學訓科、僧會司僧會、道會司道會各一員。

知縣

鄧昇 昇，南豐人。性嚴格，勤撫字。國初，邑治草創，凡廨舍、壇壝、祠宇建置一新。

黃福 劉重

劉雍 雍，平陽人。勤於政事，公暇讀書，首建學校。崇禮師儒，教民耕種。

丁良恭 王珏

孫騏 騏，海寧人。謙謹廉勤，尊禮賢士，招徠逋逃。自奉蔬食而已。卒官，民哀之。

右洪武中任。

馮志良 胡儒 葉普

馮源 源，仁和人。政治精明，廢墜修舉，尤以農桑、學校爲先。

右永樂中任。

周敬

吳衡 衡，山陰人。鋤奸抑強，勤撫字，興學校，尊師禮儒。公齋舍廨，多所修整。

周景辰 見松溪知縣。

右宣德中任。

陳翊 陳邦真

右正統中任。

葉思誠

王佐 佐，新城人。下車之初，值鄧茂七犯境，率民捍禦，心專力勁，邑賴以全。

李翰 方至 何熙 何俊 白良輔

右景泰中任。

凌友寬 梁濟 吳綱 張允 陳敏

右成化中任。

衛聰 陸平 關銓

王岐 岐字惟古，仁和人。端謹持重，仁惠及民。

孫暹 朱泉 葉魁

周纓 纓，道州人。清謹寬仁，敬老尊賢，撫字貧困。文章講論，作法諸生。正德初，見權奸柄用，嘆

曰：「豈行道時耶！」掛冠去。

右弘治中任。

蔣璣 璣字天器，平樂人。有治才節概。奉檄征勦大帽山，猝遇寇黃沙寨，不屈死。贈汀州同知，予廕立祠。

鄭信 王理

吳贊 贊，慶元人。朴簡端方，宰縣貞介自矢。甫一考，告歸，隱於龍山之下。右正德中任。

方進 張雲翰 何楷 王繼承 吳珊 祝熙 金榜 郭梅 陳其具 彭漢

梁以蘅 以蘅字仲房，新會人。以舉人任。革去里甲供具，聽訟常從寬減。吏胥有犯，毫不少貸。歲造版籍，里役有逃亡者，以富室補之，悉來復業。入覲，行李琴劍圖書而已。覲已乞歸，居家教授。

陶文淵 方極

許尚靜 尚靜，饒平人。以舉人任。警敏周詳，計勦流寇，民賴以安。陞南昌府同知。右嘉靖中任。

汪一伊

陳三俊 三俊，南海人。質直清正。

右隆慶中任。

郭鵬 劉夢賜

朱九卿 九卿，宿遷人。以恩貢任。肅清衙役，丈田得法。

李南翰

牛大緯 大緯，瓊山人。持正清平，愛民好士。

沈文薦 徐大化 李待問 傅坤 程三德

右萬曆中任。

佐貳、教官賢者附後

李翰 連州人。景泰四年任丞。崇師儒，興學校，立養濟院，修文川橋，惠濟在人，衆心信愛。

吳琬 字克成，長興人。成化中丞。敬老尊賢，愛民如子。興學校，修梁道。在官十年，終始一心。

王鍾岳 德慶人。正德中丞縣。時有寇擾，見邑城將圯，申請當道築之，捐俸爲倡，設酒肴延邑大夫

豪傑，與共成事。民賴保障。

許利 海陽人。永樂初主簿。公平勤慎，決壅如流。

李愈 餘干人。萬曆十三年任簿。敬士愛民，去後見思。

陳傳 海陽人。成化中教諭。立心正大，善於教人。甫三載，托疾去。

李彪 餘干人。弘治中教諭。嚴立教條，以身率人，諸生服之。

袁永德 東莞人。正德中以舉人任邑諭。心術公明，經史博洽，振舉學政，卓有可觀。

戴價 字育之，鄞人。以孝弟稱貢，授興化府訓導。躬身教，賑貧乏。嘉靖中陞邑諭。子鰲、鯨、鰲、

鰲，皆舉進士。鯨，終福建參議，治行有聞。

王廷掄 萬曆中任教諭。見晉江縉紳。

王學淵 電白人。初訓瓊山，聞父病，棄官歸省。當道檄，強就職。尋陞連城諭。待士正直溫厚，言動斌斌，可範可模。以憂去。

卜巽 會稽人。景泰中以舉人任訓導，分教有聲。

### 歸化縣

#### 皇朝

知縣、縣丞、主簿各一員，添設巡捕廳主簿一員，弘治九年。儒學教諭一員，訓導二員，夏陽巡檢司巡檢、明溪驛驛丞、陰陽學訓術、醫學訓科、僧會司僧會、道會司道會各一員。

#### 知縣

郭潤 潤，零陵人。至官，適始置縣，人民新附，潤計戶均賦，勸貸備荒。小民有玩法跳梁者，悉爲痛革。學舍既立，師儒未至，選俊秀補弟子員，聘清流舉人雷瑤攝教事，使人向學。三年卒官。

金玉 袁旻

賴永正 永正，贛人。清勤平易，尚經術，重農桑，革錢糧貼解之弊，更縣治就吉向，以免火患。有成化中任。

姜鳳 鳳，天台人。先任舒城教諭，善教著名，擢知本縣。爲政剛果，有古人風。遷知州。

吳世英

王鳳 鳳，新淦人。以舉人任。平易近民，區畫有方，縣治及諸公署火，鳳重建之，不費不勞。擢判

福州，未任，卒。

右弘治中任。

薛經

楊縉 縉，貴溪人。以舉人任。歸自國初滅陳友定，子城已夷，明溪失險，鄧茂七倡亂，民苦防禦，縉再城焉，歸人專祠祀之。祠燬者再，又與後令章宗實同祀，名楊章二公祠。

右正德中任。

邵欽 彭中 鄭璧 胡梅 王恩 張鵬 林思忠 王紳 吳文亨

李邦光 邦光，茂名人。以歲貢任沙縣教諭。飭修《樂》、《易》，陞歸化令，猶時時寄燈油資助諸生。其爲歸化，仁明廉恕，課士勸農，均徭役，節冗費。

陳衍

章宗實 宗實，常熟人。用舉人任。以平易寬簡得衆心。嘉靖末，廣寇流毒贛、汀間，圍歸一月，宗實率吏民乘城固守，竟不可下。圍解，未幾而宗實卒，邑人以與前令楊縉同祀。

曾遷 遷，博羅人。由舉人任。有才諳，悉民艱難，令行禁止，一時詞簡訟平，又篤於好古而收上。

右嘉靖中任。

筮文魁 宋堯徵

右隆慶中任。

趙宗典

賴聘 聘字朝寵，瑞金人。以恩貢任。時積寇鐵總竄匿歸境，聘擒獲之，具有成功。

杜克遜 蔣遵儒 宋惠

龐一夔 一夔，南海人。以舉人任。寬恤里甲，嚴馭吏胥，疏滯獄，剔蠹弊，奉法循理而民安之。至

禮書碩，振學校，尤爲惓惓。陞養利州知州。

許岸

陳大賢 大賢，山陰人。以舉人任。剛明清慎，侵漁奸宄咸置諸法，善民懷德，惡者畏威。

史載德 載德，潛山人。以舉人任。樂易練達，催科撫字，並行不擾。陞新化州知州。

洪都 陳文耀

陸永思 永思，歸安人。以舉人任。性度率真，以不善事上官，去。去日，兩袖清風。民攀轅卧轍，

如失慈父。

顧爾志 周憲章

右萬曆中任。

佐貳、教官賢者附後

趙智 江寧人。成化九年以舉人任教諭。丰度灑落，文詞閑雅。時縣治甫設，學舍始建，俊秀悉山

林子弟，鹵莽滅裂。智至，與司訓利元善首置科條，同心啟迪。始則教以進退揖遜，次則教以孝弟、忠信、禮義、廉耻之行，然後授經講讀，課試文藝，隨材獎誘。後以地方嵐瘴，家口歿疫，上狀乞歸。生徒保留，遂不果行。居五年致仕。

郭昇 字東旭，新建人。從王文成講學，嘉靖中任教諭，以禮讓導士。所著有《大學中庸問答》。

鄭維城 永豐人。萬曆中以舉人任教諭。善於鼓舞，珠玉傾吐，四座解頤。

鄭士奎 萬曆中教諭。見閩縣緒紳。

陳朝對 萬曆中教諭。見長樂緒紳。

宋常清 萬曆中教諭。見南靖緒紳。

利元善 成化中訓導。

劉應 龍陽人。萬曆中任訓導。襟懷高曠，不立城府。蒞任甫期，遽歿於官，士感傷之。

## 永定縣

### 皇朝

知縣、主簿各一員，添設巡捕主簿一員，弘治九年革。典史一員，儒學教諭一員，興化鄉、太平、三層

嶺三巡檢司巡檢、陰陽學訓術、醫學訓科、僧會司僧會、道會司道會各一員。

### 知縣

王環 環，新昌人。以舉人任。廉明果斷，當創縣之初，百務先庚，煥然改度。歷任六載，吏民悅服。

顏韶

右成化中任。

陳禮 禮字宗理，吳人。經學有師法，臨事簡敏，潔然不苟。

張縉 陳悅 宋澄 聞璇 楊宗 梁善 陳濟

右弘治中任。

曾顯 戴彝心 邢瑄

右正德中任。

劉文詔 文詔，安福人。以舉人任。操守清嚴。廣學舍，築抗陂，輕徭薄賦，弛禁緩刑，出粟賑饑，捐俸助喪。擒王蒲賊，服李占春之倡亂山背者。履任六年，解組勇退。

毛鳳 孫銛 唐燦 何文經

胡大武 大武，貴池人。以歲貢任。篤實和易，愛民如子。

莫維寶

羅世慶 世慶，吉水人。以舉人任。清慎多才，民懷吏畏。

洪良弼

許文獻 文獻字禮原，長洲人。以選貢任。耿介饒略，惜民財力不啻惜血手足。館遇賓客，供饌使者，罷其不可爲禮者，裁其禮所宜有而過於爲具者。永俗多以人命圖賴，文獻痛抑之，而人命訟絕。山賊溫祖突劫水定、泰寧、龍溪，歸化諸縣，與本府通判鄒子進勦平之。歲饑，移文求迪鄰縣，弗足，罄廩以賑。其爭獄出人與便宜救饑，觸忤上官，卒以理奪。上官或察或不察，獨臬帥王時槐雅重之，契若密友。去日，老稚泣思，以爲難乎繼也。初，文獻於贖緩之人，悉以實穀儲倉，制兵藏庫。未幾，地方寇擾，戰守有具，饟餉有資，饑民有恤。視篆郡丞黃震呂附碑嘆曰：「許令君，神人哉！不穀不兵，儲積空虛，今日永

定將誰教耶？」

周珊 龍堯達

右嘉靖中任。

陳翦 翦南昌人。以舉人任。朴性嚴守，民不見令。

謝良任

右隆慶中任。

何守成

右萬曆中任。

佐貳、教官賢者附後

張明賢 餘干人。成化中典史。勤謹和緩。

胡浩 黃陂人。成化中典史。質實謙和，優於贊政。

莫住 蒼梧人。嘉靖二十二年典史。蒞官勤勞。以逐鄧大摠賊，力戰死，祀名宦。

謝弼 安福人。成化十五年以舉人任教諭。興學著名。

廖觀海 海豐人。弘治三年以舉人任教諭。文行具足，一時稱經師，人師焉。

沈謨 南海人。嘉靖十一年以舉人任教諭。却餽賄貧，勤於課試，和氣春風，薰炙士類。

李應選 隆慶五年任教諭。見本府教授。

〔校記〕

〔一〕「上杭縣 武平縣 清流縣 連城縣 歸化縣」十五字，各本原脫，據本書體例補。

〔二〕「寧化縣」三字，各本原脫，據本書體例補。

〔三〕「人」上，各本原闕二字。康熙《寧化縣志·名宦》作「沂門」。

〔四〕「中任簿」上，各本原闕二字。

〔五〕「各」字，當衍。又，《八閩通志·秩官》記上杭縣明代儒學還有「訓導二員」。

〔六〕「中尉」上，各本原闕二字。

〔七〕「學」字，各本原脫，據明朝官制補。

〔八〕「問簿」上，各本原闕二字。

〔九〕「郭康成」，《八閩通志·秩官》作「郭康成」。

## 閩書卷之六十一

### 文蒞志

興化府 莆田縣(二)

宋興化軍

知軍事、通判、軍州判官各一員，錄事參軍、司理參軍、司法參軍兼司戶各一員，軍學教授一員，兵馬都監、兵馬押監添差各一員，東南第十將訓練官三員，迎仙寨巡檢、擊蓼巡檢、興福都巡檢使、興福二縣巡檢各一員，興福總捕官、興泉巡轄馬遞舖、稅務監官各一員，宗室、祠祿、添監七員，戚里添監不釐務、使臣正任釐務各一員，揀汰離軍大小使臣下班副尉、添監、嶽廟十五員，十三處戰功大小使臣添差不釐務四員，歸正官十六員，忠順官二十三員。

段鵬 鵬，京兆人。初知興化縣，教民以禮樂忠信，舊染一新，鄰郡皆望風向化。朝廷以莆、仙二邑來屬，署加著作郎，擢知軍。治遷莆，實鵬經始。

右太平興國中任。

夏侯偉 孫守質

右雍熙中任。

馮亮 駱寧

李及 及以大理寺丞知。清介簡嚴，喜慰薦下吏，道人之善。

右淳化中任。

嚴必強

右至道中任。

軒轅範 胡允升

右咸平中任。

文均 鄧九齡

右景德中任。

涂鯨 李鯨 馬莊 林殆庶見閩縣縉紳。

右祥符中任。

陳詢 姚拱

右天禧中任。

楊令問

右乾興中任。

陳潭 柳宏見崇安縉紳。 李餘慶 畢世長 曹修古見建安縉紳。

右天聖中任

崔正則 林升

汪隨 隨字仲方，西安人。有政聲。舊守黎州，有以夷獠將襲城告者，刻二至，隨方燕，飲酒自若，曰：「吾思彼必不犯，安知非出獵乎？」已果然。

錢尚 陳宗元 曹觀 陳執方

右康定中任。

俞希孟 潘衢 陳徽卿

右皇祐中任。

夏侯錫

右至和中任。

劉諤 諤知軍，大興水利，鑿太平陂以利民。

徐師閔 陳良 吳靚 盛獻甫 楊偓

右嘉祐中任。

趙植 南劍州通判權。 賈彤

右治平中任。

許當 見晉江縉紳。

徐邁 泉州通判權。

狄遵禮

陶舜卿 福州簽判權。

游烈

李川

右熙寧中任。

謝仲規 李勣福州府通判權。 謝履見惠安縉紳。 陸衍

右元豐中任。

里威 陳龍輔 謝履再任。 辛琮南劍州通判權。 許長卿漳州通判權。 狄明遠明遠爲郡，時郡中天慶觀雷擊

殿墮，鵲吻內得黑木板曰：「後八十年，狄覺奴來守此邦，重易殿守。」主者以聞，明遠視之，嘆曰：「吾小字也。吾猶未生，一何驗耶？」捐俸新之。

右元祐中任。

傅鎔 黃彥臣見龍溪縉紳。以知汀州事權。 樓常 饒方

右紹聖中任。

劉說

右元符中任。

鄧裴

右建中靖國中任。

周綽 郭重

右崇寧中任。

詹丕遠 朱敏功

右大觀中任。

張駕 黃畛 詹時升見建陽縉紳。

右政和中任。

張穆 廖剛見順昌縉紳。

江常

右宣和中任。

張讀見安溪縉紳。

右靖康中任。

史安民 張宗成一作臣。

許尹 尹字覺民，樂平人。政和進士。歷知興化、永、處、柳、邛五州，皆有善政，仕終司農卿。

右建炎中任。

段敏學 吳偉明見邵武縉紳。 仲安常 劉登 孫蓋 楊大任 范伯奮

汪待舉見漳浦縉紳。 待舉，西安人。前守隨曾孫歷守建昌、興化、括蒼，惟一篋藏衾服而已。知本

軍，夜宿外寢，五鼓輒興，煮粥瓦磚中，就燈下讀《中庸》一遍，乃出蒞事。有於以私者，曰：「某秉筆予奪，如見鬼神羅列在旁，何可私也？」以忤秦檜，黜知復州。不知孰是，姑兩存之。

王辟 章陸渙 黃豐見永春縉紳。 陳起 傅自得見晉江縉紳。 姚沆 樊光遠見提刑。 宋定國 韓

彬 吳大舉

右紹興中任。

劉道輞

張允蹈 允蹈以朝請大夫出知。先是，延、建、汀、邵山寇起，轉運使暫移本軍，苗米二萬五百石，輸

之會城，以佐軍興。已，遂成故事，名猶剩米。每鄰封寇報，郡輒騷屑。允蹈條狀於朝，詔蠲其半。

右隆興中任。

鐘離松 離松，淮東人。以朝請郎出知。退然自下，非緣劉削。治郡如治劇邑，窮日之力爲不足火繼之至。馭吏如馭馬，牧民如牧羊。前守張允蹈所蠲，猶剩米之半，松盡奏除焉。

傳自得以右奉議郎再知 何偁 薛居實

潘時 時字德鄜，金華人。至郡，究利病施置之方。爲科條屬吏簡易嚴密，無所偏倚。奏蠲虛增經制錢以萬餘，歲輸丁錢米千萬。歲旱饑，募客舟與錢博羅而寬其限，人莫喻意，糴者得以其間往返一再，然後及期，則糴價久已自平矣，人服其有謀。

右乾道中任。

姚康朝 康朝字廷賓，吳興人。以朝奉大夫知。爲政寬猛適宜，年登盜息。郡初無貢院，康朝相地軍治西爲之。

林榮見福清縣志

汪作礪 作礪，淳熙中知軍事。葺軍學。改建蘆浦斗，門溉田五百餘頃。

孫紹遠 林元仲 葛郭 朱端學

張淵 淵以朝請郎知郡。政先農事，創涵頭斗門，以蓄延壽諸水。

右淳熙中任。

趙彥勵見卷末

右紹熙中任。

陳衡見龍溪縉紳。

何紘 紘字文伯，永嘉人。下筆敏給，如風櫓陣馬。立政審先後，必使閭閻安集，奴隸走卒各得其所。雨暘祈禱，無不順應。

右慶元中任。

王居安見福州知州事。

右開禧中任。

林瑒見福清縉紳。

林玆 吳炎見邵武縉紳。

曾耆年

朱實之

詹延

一作詹義延。以福州倅攝。

陳與行

右嘉定中任。

王克恭見南安縉紳。

陳韓見侯官縉紳。

右寶慶中任。

林清之 趙汝固

曾用虎見晉江縉紳。

樓昉

右紹定中任。

楊夢信 夢信，廬陵人。繇國子監丞來知。豈弟坦夷，待僚屬如子弟，愛禮下士。郡舊有濠塘田以贍學廩，數沒於海水。郡人陳宓捐緡八十萬築內隄捍之。既謀築長圩以入於海，乃以塘田貸於富人。久之，田沒貸主，夢信出帑錢六十萬贖之。

范鎔 陳容見長樂縉紳。

右端平中任。

葉禾

張友 友，毗陵人。嗜學好修。謂莆地偏小，賦人不敵江浙一大戶，而魁人韻士居多，乃出金錢二十萬贍學費，割寺租三百餘斛充學廩，得錢二千緡，以修卜三齋。師生肖像祀之學宮。

陳仲植 項傳文

右嘉熙中任。

陳汶 王萬 趙子謹 林希逸見福清縉紳。

楊棟見安撫。

右淳祐中任。

宋遇 潘墀

右寶祐中任。

陳夢龍

右開慶中任。

曹怡老 徐直諒 祝穆見崇安縉紳。

右景定中任。

汪元春 元春字景新，奉化人。博涉群籍，尤長於詩，以宗學博上知。不携妻子，卻常例錢不受，而禁其官屬。每食蔬一，拌飯一盂。事至立決。大概宗教化，抑惡扶善。甫二月卒，士民巷哭，廟祀之，且醵金爲賻，其弟與子泣辭不受，衆因刻其祭誄哀詞雜著爲《遺愛錄》。

陳友宗 金雅翁 呂大奎見同安縉紳 翁巖壽

右咸淳中任。

陳文龍 陳瓚並見莆田縉紳

右景炎中任。

通判

章炳文 炳文以宣德郎任。興化軍置通判，自炳文始。判裁如流，無所凝滯。

張祖良

右崇寧中任。

陳裕

右大觀中任。

詹時升見建陽縉紳

謝黻見建寧縉紳

陳詳見晉江縉紳

余忱 林元定 潘闢 孔傳

右政和中任。

郭汝賢見浦城縉紳

章防 鮑輝

右宣和中任。

上官閔一作敏

右靖康中任。

黃懋 張矩 劉子輦見崇安縉紳

右建炎中任。

楊允 史興 余恂 王公孺 江安正 樊滋 劉正 趙紹之 馬壽生 莊革 趙子綸 鍾鏗 趙

不猷 謝師稷 潘文孝 曾忻

右紹興中任。

陳諤 盧方慶

右隆興中任。

葛延年 張公壽 廖過 周必達

右乾道中任。

趙善仁 周侗 呂大琮 趙師造 李琮 譚壽卿 董彬 徐衡

右淳熙中任。

郭昭子 薛舜庸 見同安縉紳。

右紹熙中任。

顏振仲 見龍溪縉紳。

王孝遵 孝遵以判軍攝郡。時郡學弟子員日衆，而歲屢不登，庖廩告匱，遵瞻以廢剝出。

右慶元中任。

羅知古 見晉江縉紳。

右開禧中任。

趙汝域見宗室。

右嘉定中任。

陳振孫

右寶慶中任。

趙汝璽 趙汝駟

右嘉定中任。

顏振鐸

右端平中任。

趙崇彪 趙時玠 江叔豫

右嘉熙中任。

吳騰 鄭子善

右淳祐中任。

江鏌 趙與霆 趙汝隸 呂大圭見南安縉紳。

右咸淳中任。

陳用虎

張日中 日中，南城人。起兵應文天祥於汀州，空坑之潰，死焉。

右景炎中任。

判官咸平以前無考。

晁真諒、陳甲並帶銜兼通判。咸平中任。

黃策 天聖中任。

萬濟 慶曆中任。

董威 元豐中任。

張當 元祐中任。

姚瑤 嘉定中任。

程必東、趙汝茂 紹定中任。

曹官、教官賢者附後

錄事參軍王顯世 咸淳中任。見南安縣志。

司理參軍黃洧 紹興中任。見甌寧縣志。

司法參軍趙汝舟 政和中任。見浦城縣志。魏必昌 嘉熙中任。見甌寧縣志。

司戶參軍魏公壽 紹興中任。見甌寧縣志。

徐士龍 永嘉人。紹興十九年任教授。改創軍學，廟東學西。

陸琰 乾道中教授。嘗爲《莆陽志》十卷，見《宋藝文志》。

俞來 淳祐中任教授。重修忠恕堂，建尊經閣。

元

總管府達魯花赤、總管、同知、判官、推官各一員，經歷司經歷、知事、提控案牘、照磨兼承發架閣各一員，錄事司達魯花赤、錄事、判官、典史各一員，儒學教授、學正、學錄、蒙古學教授、涵江書院山長各一員，醫學教授、陰陽學教授、司獄司司獄及丞、倉大使、副使、平準行用庫提領、大使、副使、織染局大使、副使各一員，雜造局大使、副使、惠民藥局提領、稅務提領、大使、副使各一員。

烏古孫澤 元初任興化路總管。見廉訪使。

郭朵兒 皇慶中任總管。見本路漕使。

張仲儀 燕人也。延祐二年爲總管。識達治體，操廉布誠，初總管郭朵兒創萬金斗門，遷秩而功未遂，仲儀益開山浚河，引繞郡城以北，重造通濟橋於木蘭陂，砌蘆浦、陳壩二斗門以殺水怒，甯人謂朵兒善創，仲儀善終。

林定老 字君則，麗水人。爲本路通判，有政績。

李約 字審初，廬陵人。至正中任總管府經歷，數惠民冤。仙游馬令虐甚，民陳一壺謀變，焚其官署，馬逃匿山澤中，府檄約往捕，民群縛一壺詣約，約得一壺，他無所問，縣境帖然。部使者檄約攝縣事，民言部使者願李公攝縣，不願易也，許之，民群迎約往縣。早，步禱龍湫，得雨而歸，召家人具湯沐正衣冠，曰：「日中吾逝矣！」時約所乘馬垂首下淚，若有悲思狀，遂與卒。一日，馬同其黨五人構城隍廟，恍惚見約據案坐，其色毅然，五人者驚怖趨出，皆暴死，馬亦爲盜所殺。

雷端智 毗陵人。起家進士，至順二年任知事。方嚴難犯，門無雜賓。時哈都爲總管，端智協心輔政，告部使者盡復學田。又築南箕埭，歲收租四百斛。一時學徒賴以資給。

雷拱、郭儻 至正中任教授。見長樂緒紳。

皇朝

知府、同知、通判、推官各一員，經歷司經歷、知事、照磨所照磨、檢校各一員，儒學教授一員，訓導四員，司獄司司獄、稅課司大使、雜造局大使、副使、大有倉大使、副使、平海倉副使、蕭陽驛驛丞、河泊所河泊官、陰陽學正術、醫學正科、僧綱司都綱、副都綱、道紀司都紀、副都紀各一員。

知府

蓋天麟 天麟爲郡，當天下初定之日，改置官署廨舍，修治廟學，雜采古昔儀禮，著令於禮官。齋舍、饌堂、祭器飭然一新。更政事，變風俗，功德在人矣。

吳夢辰

李椿 椿字崇義，榮澤人。仁恕簡易，與民休息。衛師增戍卒，請拓地益城，椿度賦受役，且發刑徒佐之，修治斗門陂堰費，一取諸樽節之贏，不以預筦庫。被疾卒，吏民聚哭，請葬郡治，夫人拜泣曰：「多謝三老長吏，如首丘何？」乃乞衣冠，葬於篠塘山之南。

邢敬 耿惟寧 宋麟 周文達 張仁 陳綱

徐濟 濟，蘇州人。寬厚長者，公清勤慎，加意無告之民。

於霖

右洪武中任。

周宗燧 宗燧字景琰，天台人。以行人知郡國。初軍衛勢重，衛帥率盱衡郡長吏，宗燧持廉禮壓

之。礦卒與小民爭道，卒毆民，宗燧輒快譴，卒帥數請不貴也。政暇，召諸生講論經史，或從士大夫廣倡，莆中名勝多所題詠。

#### 陳宗輝

李至剛，至剛，華亭人。繇禮部尚書左遷。度量寬洪，留意文史。時方清明，閭閻無事，稱卧治焉。

右永樂中任。

鍾旭 陳敬 余炅

右宣德中任。

陸孜 胡琛

右正統中任。

張瀾

右景泰中任。

潘本愚 本愚字克明，博羅人。以給事中知郡。值荒旱，爲民請減稅十之四，復陳民情十二事，並見施行郡中。富室出息併人質田，久之，賦寄空籍，官第按徵質田者爲代輸，而富室得幸免。本愚下令：「首服欺謾，半區悉没人之。」肅明公直，興學厚民，後改漳郡，亦以能稱。二載卒，二郡士民，咸傷悼之。

右天順中任。

岳正 正字季方，灤人。正統戊辰進士及第。天順初，以學士疏發曹欽、石亨，爲欽、亨所陷，坐謫戍。憲宗卽位，見擯李文達，出知郡。正博學高才，銳意天下事，自許無一世。至郡，鏟破條格，以豪傑之

意前百姓之用。興革創制，握民利而收之，若賈豎操奇贏，掾曹執工用者。巨室不便，有謗言。卽上官亦疑而跡之，顧正不人一錢也。爲文簡遠。善字學。方外度數，莫不窺考，繪刻悉臻其妙。時時好爲史起、郭璞之術，莆人至今號爲「岳仙」。所作小西湖，比於蘇堤、習池。所著《類博稿》，爲刻之郡齋。

蔣雲漢兄左布政。

潘琴 琴字舜絃，景寧人。學古篤自信，居官潔已，省繁去浮。民來訟，端坐不言，聽盡其說，一言折之，皆感服。市舶太監崔，下泉漳，過莆，琴徐徐出迎郊謁候，崔盛氣呵之。頃之，命校卒數十人來窘辱，琴引避而已。已，莆中庠士蕭弼甫、沈文瑩兩生，率諸生空學詣太監，無不願爲太守死者。太監氣索，第手麾之曰：「何與措大？」旦日，太監悄然去。人覲，乞休，作《招鶴詞》寓意，朝士大夫爭和之。年九十卒。文學藹德隱然，爲鄉邦尊重。

陳表

劉澄 澄字端本，四會人。登進士，歷戶部郎中。出守，以三事自勵，蔬食布衣，澹如也。應朝途卒，行李蕭然，人比之劉山陰、趙成都。

丁鏞 鏞字鳳儀，金陵人。自進士以南刑部郎出守。邑人陳熊故爲令，家居爲其怨家毒死。初不知人，熊家購首者百金。鄰人利金，誣熊弟。鏞急求而徐察之，得怨家伏辜。性嗜文學，耽詩愛山水。未久致仕。

右成化中任。

王弼 弼字存敬，黃巖人。形短無中人，而神觀英爽，孤脫凡累，隱然儒風。來爲郡，曰：「是故秉禮

之鄉，則盡出古意爲之。」律身必端，布令必信，制度必節，祀典必嚴，科貢必厚，郡孝節必舉以旌。或臨視其家，或設賓榻如陳蕃。孺子飲射，一宗儀禮，登降拜跪，盡日無惰容。凡郡中學校、壇宇、公廨、祠廟、陂塘、橋道之屬，無不修治，費出積餘，民無所與。利所宜興，無復遺後。事無輕重，皆能記其本末，吏不敢易置前後。及有所隱匿，隸卒傍立行杖而已。漳寇溫文進作亂，泉漳大擾，巡海副使司馬聖徵莆兵，弼不應，聖曰：「公奈何強以死罪負於身耶？」弼曰：「莆郡小民寡，且與寇鄰，儻徵丁壯以去，寇至孰守？夫失軍，死也；失土，亦死也。等死，死土可也。」聖壯其言爲罷。久之病作，士庶爭請醫乞靈。其卒也，士大夫肩摩視斂。靈車就道，執紼扶櫬，輒不能行，乃哭請衣冠葬於鍊塘山之南，與李守聯封。

陳効 効字志學，南陵人。任郡連歲大侵，案行阡陌廬舍，拊循臨問，請方伯周瑛、編修黃仲昭編《摩郡乘疏》，薦孝子劉閔於朝，大端在維風振教矣。

右弘治中任。

張寅 寅，蕭山人。成化二十三年進士，以刑部郎知郡，澄澹簡遠，灑然出凡格。吏事諳委，是是非非，物物無遁情，而不屑爲售奇。運察坐刑部，時忤劉瑾，解官去。瑾誅復起，至副都御史。復抗錢寧、江彬，罷。後仕至南京工部尚書。寅善詩，林貞肅稱其疏宕孤絕，如峻峰激流，讀之令人風融氣流，神爽飛越。

蒙惠 張琦見參政。馮馴見布政。

右正德中任。

朱衮 衮字朝章，上虞人。有詩材，且善書，每有謗論，多手判。其清標高潔，人莫敢干。第好以新

意紛行條約，林貞肅作《十嘆詩》諷之，袞即解綬去，貞肅以爲恨。

楊銓 銓字仲衡，豐城人。以御史出知郡，甫三月，憂去。爲人魁格宏敏，有達官答其里子，復裁牘訴郡，銓署牘云：「士夫業已信威，有司何可再譴？」終順天府尹。

葉觀 觀字國光，江都人。正德丁丑進士。狀貌豐偉，而器度明雅，用長者爲政。又緣飭以文學，嘗創四書院，簡庠彥橫經其中，莆士多習伏，毛二經，觀以所業《易》旨授之，治《易》者始稍稍起。郡民林貴壽百餘歲，觀造廬贈詩。歲時分俸延接高士方幾，詢之疾苦，適館授粲，月以爲常。擢湖廣副使。後復姓爲樓。

黃一道 一道字唯夫，揭陽人。正德辛巳進士。初之郡，會有監司行部，郊迎返，監司入閣者久之，一道輒令人扣扉請謁，監司亟遜謝也。御史使者視學明倫堂，有都指揮列席上坐，一道揖退之曰：「經生講業，非公所知。」嘗以公事之仙邑，邑有豪欲致太守其舍，請縉紳諸公爲之主，而不以語太守，第爲縉紳諸公未至豪舍，里許，豪出迎。一道曰：「何者？」曰：「請明府至民舍。」民舍，道傍也，縉紳諸大夫皆在。一道叱之曰：「咄！咱我耶？受汝咱，快汝橫耶？」械縛之，從間道返，報縉紳曰：「適繫奸民而忘與諸公約，太守歸矣。」一道雅好書，書學趙孟頫，嘗作書《大學》、《聖經》，勒明倫堂之扉，莆人稱其道占已，人觀，免歸。

許瑄 瑄字伯和，歙人。以進士任。持官廉正，督學使者校士峭刻，瑄數爲諸生請，諸生無不滿伏謝。期年，以憂去，往吊者數千人。

吳達 達字近光，新淦人。嘉靖八年進士。授兵部主事，以母老改南，疏魏國公翫法害民數事，魏國

坐奪職，怒達，拚鐵券殺之，達不爲動。出知興化。有御史行部，每杖人以絙束兩足，使伸股肘，杖其虛怯處，多絕肋死。達嘆曰：「御史寧能自持杖耶？」繫諸隸之桴而勅之曰：「好告而父若夫，不愛妻兒乎？有絕肋死者，命卒之時也。」他日，御史杖人，卒第用常法。御史怪卒而怒之。皆曰：「守有命，卒寧死求活妻若子矣。」御史詣學講經，故事：太守跪進茗，達平立而已。在官，隨二僮，囊篋不緘。常自卧內延見賓客。其決事如流水。或延問他疾苦，殊休暇。決已，莫不中情實。有死囚爭，傷無驗，達命燔水，不得納鹽，自臨濯骸，果得傷，且失二左肋，語囚曰：「毆者右手，人則左傷。隱傷失肋，非驗而何？」有自殺妻而誣其囚云耕田爭水被毆死，達閱獄，憶其時曰：「此歲霖雨彌月，安用爭水？」竟坐殺妻者。郡中惡少喜速訟，或投緇火燒人屋攫財，市中夜盜數起，達諜其姓名，置之法。公庭多暇時，時走學宮，爲諸生談經課文。秩滿，以母老請御史，得持牘如京，爲過家計，御史置不省。忽一日，令蒼頭負一簾先行，而單車已辦，父老數百人擁入郡齋，道狹不得行。後五年，擢四川按察副使，竟與蜀中使者語不合，投檄去。

周大禮 大禮字子和，崑山人。繼吳達爲守。溫亮不如也，而抗直相似。時郡中諸偷盜牛，而惡少屠沽陰爲根柢。大禮廉狀語之曰：「貴若與更始，三人吾禁，可自鳩也。」惡少屠沽私相謂：「府公謾耳。」已，有犯者囊頭繫趾，伏道左，與之期，期至，隸卒迫其妻兒鳩之，立絕也。於是數刀罷市，夜聚解去。旁郡聞之，皆怪其酷而心伏其能。會入覲，歲大侵，斗米過百錢，攝守者孱，民間亡賴紛聚，劫巨室困庾，以爛錢擲地去，攝守無所問。大禮覲竣，疾馳車還治，發帑錢數千緡，散諸閭右，令其分道乞糴。諸閭右爭出貨爲大禮分道糴。海舶先後至，命之曰汎舟。後擢海南憲副，轉河南參政。歸，邑人都御史林潤疏薦之。

沈鑒見延平太守。臧珊 董士弘

陸美中 美中惴惴安靜，民甚便之。

唐守勳 守勳字允懋，番禺人。嘉靖甲辰進士。知閩縣，舊例歲收綱銀，支給公費，不贍則預徵於民，民甚苦。守勳裁浮冗，節出人，積有餘羨，適值荒歉，民獲樂生。後以戶部郎擢本府知府卒。

陳瑞龍 瑞龍字體乾，潮陽人。守郡時，郡方被倭賊，屢傳城下。瑞龍令：「無論縉紳、齊民，家有丁徒力能勝兵者，悉籍記之，手編守牌。」又令：「城下游兵，分更傳箭。」晝坐藍輿察之，或徒步至，夜則秉燭爲微行，扶其失陣者。朱應春記其法甚詳也。已，母卒官舍，撫按曰：「兵革無避，禮也。公善爲城，守毋終制。」瑞龍墨衰視事，尋亦卒。

易道談兄副使。徐元氣

林有源 有源，潮陽人。樸茂溫恭，振作士氣，卒於官。人士嗟悼。

右隆慶中任。

呂一靜 陸通霄 李伯芳 錢順德

范梅 梅，豐城人。以進上任。沉毅有特操，愛民禮士。每蒞學進師生討論經旨，日惟率俗厚倫，培養氣節爲諄諄。民間爭訟，曲論和解，不解，乃聽之，顧弗徇也。念郡當漳、泉孔道，土瘠賦繁，申嚴郵禁，節縮郵金以千餘，卽以其金，備來歲郵費，無重煩民。上書於朝，欲復國初舊制：太守見監司，毋跪，第長揖。朝議不行。梅亦被劾去。

馬貫 陳王庭

李大欽 大欽字惟敬，浮梁人。以進士自南刑部郎任。方數月，尋以南察調。大欽爲郡，不久乃安靜，無所擾民，有所勾攝，第令鄉約長持符往，至則立訊之。行鄉飲酒禮，先日肅賓，惟謹屆期，威儀秩秩，橋門之內奕焉改觀。定課期，集諸生，親校之，文體爲一變。未究厥施，輿論惜焉。

李茂功 王嘉忠 馬夢吉

徐穆 穆，銅仁人。繇進士以南曹郎出守。潔己愛民，清淨不擾屬。歲旱，自携鹽脯，乘款段徧巡村落，賑恤災傷，修陂梁，議蠲貸，無不焦蒿，爲民請命。陞雲南副使，卒官。

右萬曆中任。

同知

李景齊 趙亨 劉昱 余原善 陳文璧 孫凱

徐則敬 則敬，池陽人。以監生任。有風節。

楊克儉

右洪武中任。

張旭升 旭升撫州人。以人材出身，性剛行廉。嘗被檄攝泉，除奸革弊，政治肅然。一夕，無疾卒。囊無餘資，泉人悲之。

程用常 張質 林越

右永樂中任。

姚訥 王震

劉忠 忠字良弼，京口人。繇舉人擢郡同知。時延、邵山寇大發，朝命粵西大將來征，道出郡中。征卒數人市魚烹之，剖腹見蛆，遂大譟，執市魚者白帥云：「蠱也。」帥不辨，輒欲行軍法。忠排轅門語曰：「此魚腹中所產。」急取啗之，帥悟，市魚人叩頭謝曰：「公人稍後，民頸殊矣！」

右正統中任。

高行 一作宏。

右景泰中任。

吳亮

右天順中任。

習襄 孫蘭 桂籍

右成化中任。

朱海 海，錢塘人。其貳郡時，法度寬縱，奸宄迭興。有二三盜魁，結惡少橫行，少不可意，輒歐擊幾死，夜則部黨四出，蹈瑕候間，空人室以去，里人莫誰何。海捕置獄，杖殺之，上民爲文稱賀，空市而至。

應元徵 元徵字敬之，象山人。文學著聲，以舉人累任國子學錄。上幸太學，進講《大學》。平天下章，拜錦衣白金之賜，出判延平，築沙、尤二城，陞興化貳守。

談經

右弘治中任。

曹樸 李大紀

右正德中任。

李縉 傅朝 李翔

譚鏜 鏜，秀水人，或曰桐鄉人。以鄉舉任。善聲律，樂游山水間。行書短牘，具有趣致。任泉州推官，有惠政，擢郡同知，好校次諸生。接縉紳士，簡易無時態。竟去官。

朱繼忠 繼忠字以誠，樂平人。嘉靖丙戌進士，授南兵部主事，改刑部員外，擢通政司參議。世宗奇其狀偉聲洪，駕幸承天，扈從，還朝賜宴頒賞。尋以事左遷浙江市舶提舉，轉本郡同知。以清操聞，陞廣東僉事。

周錡 王炯 吳元璧

江以潮 以潮，貴溪人。以左遷至。不吐茹，上下便安。

聞人德行 文大才 皇甫濂 李時芳 孫坊 區元晉

右嘉靖中任。

錢穀

右隆慶中任。

唐執中 朱繼文 姚一新 關學尹 楊汝濬 徐希明 羅應辰 夏久安 汪懋功

右萬曆中任。

通判

尉遲閏 遲閏，鞏昌人。勸農桑，興學政，以公勤清白著稱。嘗被檄覆勘漳、泉戶口田糧，審覈有條，

不煩而理。

曹大德 何文會 龍光正 任剛

孫畋 畋，鹽城人。繇刑部主事調。以寬撫民，催科有期，吏胥伏奸。編排驛傳，最稱均平。

右洪武中任。

嚴成 朱璧

董彬 彬字文質，廣平人。繇太學生任。莆人之田，倚木蘭陂爲命，彬至，父老言陂壞，彬單車往相，

得其狀，涸海爲堰，盡發故址，重築以板，附上以石，乘板縱橫，布置積疊而上，陂成而莆中南北洋爲桑麻沃壤。

張鉉 惠芾 熊綸

右永樂中任。

陳恭 恭字孟起，鄞人。以舉人判府，陞工部郎，超拜大理寺少卿。正統、景泰間，爲工部尚書，節費

飭材，百度維熙。

丘彥庸

右宣德中任。

陳廣 施斌 章盛

右正統中任。

傅冕 郝鐙

右景泰中任。

丁泰 泰，海州人。以戶部主事調至。以風力聞。

李直 薛偉。

右天順中任。

趙仁 章哲 周正

右成化中任。

周纓 吳珍 談經 楊緯 曾師孔

右弘治中任。

汪鳳朝 姜榮 張傑 吳聰 張瑜 張秉綱 方位 劉縉

右正德中任。

何晉 王萬年 施繼祖 胡廷玉 陳大韶 張鉞 來日升 陳廷舉 李邦光

右嘉靖中任。

劉邦傑 邦傑，安福人。繇歲貢任。有操行。亡何，投劾去。

朱彩 鄧邦基

右隆慶中任。

彭應乾 許培之 殷三聘 陳紀 陳誥 賀表 閔繼德

董稜 稜，瓊州人。以選貢任。官邸一僕自隨。徵收倉糧，必躬閱量。銓曹其牘曰：「一塵不染。」

事足稱。」擢粵西州守。

程樂道 吳廷彥 夏世隆 湯塾 唐芳

右萬曆中任。

推官

楊某 張政 褚仲良 姜名

右洪武中任。

姜繼善 蔡真 楊徵 丁某 牧義

右永樂中任。

吳思亮一作諒 呂克忠 劉希陽

右正統中任。

劉組一作緩 陳宏

右景泰中任。

徐文昌

右天順中任。

薛偉 李俊 張訓 鄭變

馮卓 卓龍泉人。以選貢任。白哲修髯，仁恕持大體。

右成化中任。

翁理 理，饒平人。有中官鎮守過郡，携二白鶴以行，鶴頸懸牌，市犬逐斃之，鎮守以屬理判曰：「鶴雖懸牌，犬不識字，禽獸相殘，於人何與？」人服其不撓。

詹瓘 羅鳳

右弘治中任。

沈欽

鄭宣 宣字士達。剛明通練。爲御史，以忤逆瑾謫官。有善政。

傅朝 朱鼎 潘銳

右正德中任。

汪居安 鍾善經 郭繁 陳儒 沈鑒見延平太守。

雷禮 禮字必進，豐城人。爲郡推，博雅夷直。有不可，剴然相救，戒諸所勾稽，陽參陰校，以伍相物。其讞獄不用挺而服。部使者以質禮，禮曰：「如以挺，卽誣下官爲盜，敢不承乎？」時時獎引庠彥，解經評文。嘗署篆仙邑，期會稀簡，數休吏歸，爲笑樂而已。累官工部尚書，念莆不置，有來治莆者，俱語以柑循之方，郡中七嘗爲其佐吏者，口薦剴稱惟恐後。平生明習典故，所著有《國朝大政紀》。

章櫟

李遇春 遇春，常熟人。長厚謹重，文毋害，署郡符，侃直自將。

龍遂 張淵

孫佳 佳，餘姚人。謹厚侃直，嘗捐俸置學田，以贍寒士。

劉鳳 喻顯科 周希旦

右嘉靖中任。

邵城

右隆慶中任。

陳濂

何鑣 鑣，常熟人。愛民禮士，卒官。

馬伯瞻

祝致和 致和字達卿，龍游人。以進士任。風采屹然，訊鞠精察。三署郡篆，再署邑篆，郡下不得名一錢，事以大治。諸豪猾及博徒、偷兒，悉廉知其主名，按籍可論，而又不斤斤用擿發自見。擢刑部主事。

宋應和 游廷用

馬天錦 天錦，湖廣人。清操有文學。

莊則孝

係養正 養正字聖功，吳江人。以進士任。精聽斷，訊獄得情。嘗設善惡二籍，朔望令保甲條報民間事，備書其上，亡得謾語溷乃公。異時，有告發者，取籍視之，只知其人本末。攝邑時，適奉恩詔蠲足年賦額十之一，吏具牒概徵，叱曰：「墮天子德意，令百姓困，誅求爾輩，罪足贖耶？」竟如詔書。亡何，卒官，人咸惜焉。

殷宗器 晏日啟

右萬曆中任。

首領、教官賢者附後

蕭振謀 隆慶中教授，有志行。

盧雄 沛人。隆慶中教授，持論高而自守介。陞主官。

林敦忠 萬曆中教授。見晉江縉紳。

方樸、顧文、陳觀、余師孔、陳賢 俱洪武中訓導。樸，見興化縉紳。文、觀、師孔、賢，並見莆田縉紳。

戴價 嘉靖中任訓導。見連城教諭。

莆田縣

唐

令、丞、主簿各一人，尉二人，經學博士、助教各一人。

令

陳邁 本縣嫡祖。

右武德中任。

某隱之 陸珩

右貞元中任。

孔仲良 仲良，宣聖四十一代孫也。以鄉貢明經。貞元、泰和間，歷全椒尉、青陽丞，至莆田令，卒官。因家縣之涵頭鎮。子幼夏，淳熙間預鄉書。

右寶曆中任。

甄宿

右大中中任。

李丹 唐宗室蔡王裔八代孫。仕虢州刺史，貶莆田令。以全州刺史召還，方被命，卒，遂家於莆。曾孫欣，見續紳。

右咸通中任。

宋

知縣事、丞、主簿、尉各一員，監涵頭鹽倉一員，兼煙火公事紹興間置催煎官一員。淳熙間省。

知縣事

留居道 以泉州招討使來知縣事。

右建隆中任。

黃禹錫 見惠安紹紳。黃觀禹錫子。

右太平興國中任。

薛奎 奎字宿藝，絳州人。爲人剛決持重。以大理丞知莆田，請蠲南閩時鹹魚、蒲草等稅。後入參

大政。卒謚簡肅。

右雍熙中任。

梁象

右咸平中任。

嚴己

右天熙中任。

張緯

右慶曆中任。

游醅

右崇寧中任。

黃遠

右政和中任。

王保隆

見晉江縉紳

呂之材

右宣和中任。

張溥

見邵武治軍事

傅丑

高維正

元伯涇

顏思魯

見龍溪縉紳

黃庚

岳鐸

右紹興中任。

林介

林雷龍見仙游縉紳

右乾道中任。

邵景之

見古田縉紳

廖德明

見順昌縉紳

張少英

右淳熙中任。

孫叔謹見龍溪縉紳。

右嘉定中任。

鄒應博

右紹定中任。

林仲默

右淳祐中任。

彭畊道 陳洪見南安縉紳。

右嘉熙中任。

陳憫

右咸淳中任。

吳寅

右年任無考。

丞、簿、尉、教職賢者附後

陳祐 宣和中簿。見侯官縉紳。

林之奇 紹興中簿。見侯官縉紳。

陳世德 淳熙中簿。見惠安縉紳。

高禾 淳熙中尉。見晉江續紳。

陳仲微 字致廣，高安人。慶元五年進士，調尉，攝縣事。歲大侵，軍卒挾饑民亂，仲微僇首謀，籍閉糴，抑強糴，一境以肅。有寓公薦仲微當路，而密以其牘授之，宋仕宦家居者曰寓公。仲微不開，緘而藏之。

踰年，其家負官租，逮其僕，寓公有怨言，仲微取其牘還之，封緘如故。囊山浮屠與郡學爭水利，久不決，仲微按法治浮屠，寺鐘旦夕撞擊，他日，仲微適過寺，其徒莫省爲仲微也，仲微見鐘，書嘆曰：「吾何心哉？吾何心哉？」質明，其僧無疾而死。後歷官殿中侍御史。益王卽位海上，拜吏部尚書給事中，後走入安南，卒。仲微汪猷六經，披獵百家，自號遂初，門人稱文溪先生。（二）

黃敏 字彥材，江陰人。正統中經歷。廉正自持，人不敢干。承檄卽鹽筴驗丁，論賦貧富適均。莆丞葉叔文者，能吏也，有治水功，第其爲人深中，排上制下，郡守陳敬至爲叔文陷去，敏以事直械繫之，叔文因論敏，敏直，叔文坐除名。邑人林岳紀其事。

歐陽寧 吉水人。天順中經歷。興化民數最少，而貢獻供億，與福州、建寧諸大府一例科徵，寧請減之，雖不能盡如其言，亦自足省舊。

何滔 字允濟，新淦人。有治才，郡所轄兩縣有疑獄難事，上官必屬滔。嘗署永福縣，郡吏之欲漁獵於民者不敢肆，郡僚之欲巧取於民者不得逞。改署仙游，知前政用度太多，痛縮浮費，均賦役，信期會，禁奸戢盜，期年刑簡訟衰。

丁繼宗 蘇州人。洪武中知事，清勤明敏，未嘗阿意隱容，約民以信，不事鞭朴。卒官，民哀悼之。嘗題瑞龍院，詩曰：「有爲天理在，無欲道心明。」

吳源 洪武中教授。見莆田緒紳。

蔡宗克 字希淵，山陰人。以正德丁丑進士請爲郡教授。初至，力復古道。與諸生講解，輒以所授王成之學爲先。御史周鵬行縣謁廟，故事：御史廟謁，學官率弟子員長跪櫺星門南。宗克領諸生旁立，而自稍磬折須過，御史坐車中目攝之。御史聽講明倫堂，宗克稱究書狀。復長揖，仍請遵令甲，得陪講席。御史曰：「豎儒胡省令甲事宗克？」退卽以散服辭廟去。後爲四川督學使，復與御史不合，自免。(三)

陳字 任尉。見侯官緒紳。

祝洙 任涵江書院山長。見崇安緒紳。

元

達魯花赤、縣尹、主簿、縣尉、典史、儒學教諭各一員。

項棣孫 □□中任尹。(四)見延平路同知總管。

董秀熙帖木兒 順德人。至正中任尹。科率有限，不妄取民。

雷拱 至正中任尉。見建安緒紳。

### 皇朝

知縣、縣丞、主簿、典史各一員，儒學教諭一員，訓導二員，迎仙、冲沁、小嶼、吉了、青山、嵌頭六巡檢司巡檢、稅課局大使、莆禧倉副使、涵頭、莆禧、黃石三河泊所河泊各一員。

知縣

任益 益，頓丘人。持身廉潔，爲政寬平。

董仁仲 仁仲，金華人。公勤廉慎，鞭朴不施。卒官，不能歸，士民相與營葬於西劉山之原。

王文焯

右洪武中任。

曾子唯 羅某

右永樂中任。

朱性實

右洪熙中任。

許英 徐大安 劉玘

右正統中任。

陳統 李景孟

右景泰中任。

王常 常字大經，東鄉人。正統十三年進士，除御史，巡居庸關，城永安以衛諸陵，葺要害備警。復

巡南畿，誅鋤奸惡，風裁凜然。以言事左遷，書聯解柱云：「牧民猶帶舊風霜。」常妻黎，通書史，語常曰：

「『風霜』，御史職也。君今出牧，請易曰『無事』。」常忻然改焉。

右天順中任。

張肅 王玉 葉琛

洪遠 遠字克毅，歙人。成化戊戌進士，授知本縣。抑胥吏，革宿弊。莆地海賊時發，巡海憲臣懼損兵，僉民壯代之，遠力言不可。久旱誠禱，澍雨輒應。期月，政聲流聞。聞喪，即日就道，郡守爲給路費，士民攀擁遮道，後爲南京右都御史。莆人林有年以御史言事，忤旨逮獄，遠助之月俸，率臺中救之。終南工部尚書。

林世遠 世遠字思紹，四會人。博洽經史，長詞詠。登成化辛丑進士，歷莆田、蕪湖、魏縣，擢監察御史，出守蘇州，所至有聲。

盧俊

右成化中任。

李福 鄭綸 周尚文

吳遠 遠字惟明，徽人。以進士任。歲侵多盜，課農桑，固封守，振民之急，盜悉爲良。暇程試弟子，親爲授業。凡學舍、橋梁、郵館皆治。以母憂去。仕終黎平知府。謝政歸，寒素如未第時。徽守鄭玉，莆人也，數就其家問候，執弟子禮曰：「爲莆人報公。」

右弘治中任。

周任 任，江山人。弘治乙丑進士，預修《孝廟實錄》。逆瑾用事，誘以殊擢，不聽，出補莆田令。陞刑部主事。武宗南巡，陸震以直諫下獄，抗疏救之，出守梧州任。平生師友，盡一時名士，如章楓山、王陽明、夏敦夫、魏莊渠。講明理學，務求真是，直欲追聖賢而後已。

周廣見按察使。

歐陽嵩

雷應龍 應龍字孟升，金陵人。沉毅淵涵，風裁凜凜。視事甫再月，會郡守馮馴至，馮亦練習文法，士庶旁睨異同，覩成敗，乃相得甚歡，因爲之謠曰：「太守疾如馬，邑令迅如雷。」蓋並稱之也。有鬻子輸稅者，見之，潸然出奉贖還，痛自咎曰：「乃公拙政，令民至此！」在官三年，雨暘時若，夜靡不扃。六年，田器不歸，桑門無齋醮，旁邑諸良令偶以使者符勾稽至，輒咄咄受成去，曰：「無向雷門持布鼓也。」七年，召人爲御史。

右正德中任。

胡道芳 趙葉

王鉅 鉅，新安人。長於史材，操筆著論，殊有奇趣。以驚失郡丞歡，卒用轆轤。

陶謨 謨字大顯，嘉興人。白皙長髯，清雅閑澹。嘗出，憩郵亭，會盛暑，亭卒進瓜果豆湯，謨曰：「吾性耐暑渴，飲清泉而已。」又一日，出宿田家，田父爭治供張，謨召讓里胥曰：「此屬暴露田間，乃令其出帷帳氈毼，是指黔婁爲程鄭也，吾卧帖席耶？」御史李元陽行部至，捕猾若干人，謨跡其尤者一二以復，餘悉封還之。督學江以達，年少負材藻，校上以復古文詞爲先，齒稍長，輒坐「無奇」黜。謨力言：「士久牽註疏，一旦望其作秦漢語，卽茂才異等亦難之。」於是得免。除籍者百餘人，追呼無符，鞭朴不事。每坐夕堂，輒手疏其髯，移時退。郡守吳達曰：「吾三日不見陶令，幾成輕薄守矣！」其相引重如此。以最徵人爲御史。

林冕 劉宦

李天榮 天榮，豐城人。平易近民。期會之法，上下便安。

許爚 何惟慤 賀邦泰

莫天賦 天賦字子翼，海康人。時莆中倭，瘡痍甫起，民竄食殊方，天賦撫字招徠，皆爭負携還。方賊屯城中，時諸惡少匿山谷間，攫金褫衣，卽里閭熟識者亦公持其物去。後事定，郡付幕官跡其人，因之株連纍繫。天賦密白郡守易道談，勝諭諸村落：「非郡邑堂上符牒至者，衆輒縛詣府。」且手自書牒，顯責諸幕官，諸幕官斂手相誠也。天賦見一時諸生衣襜褕短衣，輒予之冠服。見田父苦無耕具，輒給之牛種。訟免緩罰，罪汰胥靡，不遜古循吏矣。三年擢南刑部主事。

徐執策 執策，餘姚人。凜凜持法，操勵尤嚴，繼莫天賦之後。人爲之語曰：「難教明月莫去，却喜清風徐來。」

右嘉靖中任。

祝世喬

孫謀 謀，泗人。百姓爲之謠曰：「昔有海康，今有泗上。」海康者，莫天賦也。

右隆慶中任。

葉承遇 承遇字思章，永嘉人。以進士任。慈易寬厚，務爲休息。巧摘鷹擊，非其好也。邑田舊分官民，直則官重而民輕，鬻者往往謁官爲民，利厚直而存餘糧於戶，積久難償，卽逃徙去。承遇欲均田爲一，而私念浮糧亡可攤。會奉命履畝，卽以丈出餘田折補其額。於是，一則法行，閭閻便之。先是，編派里甲，多右巨室而役貧民，承遇悉與更定，於豪貴人無所恕。治邑幾六年，未嘗妄撻一人，輕市一縑，堂簾空垂，內人告乏，弗恤也。旣滿秩，藩司檄留完逋毋徑行，民聞爭先輸負。旣至，授御史，莆人久久談葉公。

均役均田事，時時出涕也。

林國鎔

孫繼有 繼有，餘姚人。以進士任。治才敏給，剖決如流，嘗微行鈎察，盡知民間銖兩事。嘗寇曾廷邦等謀爲變，以計擒之。月立會課者再，身親評騭。士亦爭趨其門。擢南刑主事，建言罷歸。

嚴廷儀 張聯奎 蔡善繼

何南金 南金，泰興人。以進士任。倜儻有文才，邑中佳勝，皆屬題詠。嘗修江口橋，除官路，入疆闢治。有《悲華館集》。

李時榮 時榮，上海人。矢志貞潔，操行端方，不激不隨，卓然三代遺直也。

郭如閻

右萬曆中任。

佐貳、教官賢者附後

葉焱 某人。洪武中丞縣。嘗改造東山石涵，以平茅汝直之訟。

胡克恭 洪武中丞。兒永福知縣。

葉叔文 湖州人。正統中丞縣。居官識體，每日公堂發放，必請長官先。長官曰：「公第言之。」言已，復請，長官曰：「公言盡之矣，復何言哉？」終日夜冠未嘗去體，胥人不及其親。先是，董倅所築木蘭陂至是壞，郡檄移叔文往視，叔文曰：「葉公初修陂，聞以板傅土，以石傅板，陂所以壞也。築上下堰，涵溪海二流，剔板出之，板杙人地深九尺，廣視舊加丈有二尺，乃布石其上，石口吻相饒，凡三十二門，每門

用舊法，伐石爲榑，附建立砥柱，壓以鉅石，內疊長石以接水，外疊長石以送水，陂立水中，屹如長防然。又南北洋、溝漚、洋城、林墩、蘆浦諸斗門咸以次重新。莆人論修治木蘭陂功，以董倬、葉丞爲最。五被經歷黃敏按治坐失官。語在敏傳。

江宇 豐城人。成化中丞。醇謹愛民。

葉奇蘭 慈谿人。萬曆中丞。小心謹畏。卒於官，囊篋蕭然。

郭真 杭州人。洪武中簿。重厚質直，節用愛人。時拓郡城，太守李椿檄真董役，處之有方，民不知勞。又立東山水則，郡人吳源有記。

丘斌 主縣簿。以清謹稱。

陳有孚 主縣簿。亦以清介名。

汝良 湖廣人。嘉靖中任典史。山寇猝至，良督兵往捕，奮勇射賊一人，爲流矢所中，昇抵舍絕。後以死節疏聞。

潘矯 山陰人。任典史。清慎愛民，嘗值歲浸，招集餓者粥之。及歸，行李蕭然。

戴魁 貴縣人。天順中，自南安訓導陞任教諭。端方該博，訓迪不倦。

王翥 字九達，泰和人。文端貞公五世孫也。少游王文成之門。嘉靖中授邑學諭。督學朱衡，與翥同郡，雅宗其學，乃開講堂於鳳山、梅峰、水南、涵江，令翥剖折奧趣，常至丙夜。持論宗良知，而其獨造不背格物。於時墨守波流之上曠然一變。久之，以病卒。上相與私謚曰貞穆先生。

朱袞 隆慶中任教諭。清雅多文。

林喬木 萬曆中任教諭。見晉江縉紳。

林圭 洪武中任訓導。見莆田縉紳。

朱自强 字體乾，遂昌人。博學好古。嘉靖中以貢任訓導，飭躬却餽。不二年，謝病歸。

盧堯佐 東陽人。嘉靖中訓導。郡中倭，堯佐與城守，城陷死之。

何廷望 三水人。爲邑訓導。提躬醇約，敷教詳明，束修之遺，概不肯受。

鄧圖南 三水人。萬曆中任訓導。神懷挺率，加意課士，士皆領其教，贊幣有無不問也。

吳葛 寧國人。萬曆中訓導。抱冲懷饒，賞鑒衡文程上，不爽毫末。

林致信 萬曆中任訓導。清慎提躬，善鑒士類。

羅天與 萬曆中訓導。持守無瑕，學問有餘，不媿多士矜式。

#### 〔校記〕

〔一〕「莆田縣」三字，各本原脫，據本書體例補。

〔二〕「寺鐘日夕撞擊」至「門人稱文溪先生」段，各本原錯簡於下文《蔡克傳》「宗克稱充書狀」下，據文義移。又「寺鐘日夕撞

擊」上，各本原衍「浮屠」二字，據文義刪。

〔三〕「復長攝」至「自免」段，各本原錯簡於本卷興化府「首領，教官暨耆附後」次行，據文義移。

〔四〕「中江」上，各本原闕二字。

〔五〕「蔡承爲最」，各本原作「蔡承爲最」，據文義改。

閩書卷之六十二

文蒞志

興化府 仙游縣 興化故縣〔一〕

仙游縣〔二〕

五代

令

賈郁見侯官縉紳。

右偽閩龍啟中任。

宋

知縣、丞、簿、尉各一員。

知縣

翁處厚

右建隆中任。

羊志寧

右咸平中任。

孫敏

右天禧中任。

孫譔 孫起

右天聖中任。

趙時

右明道中任。

皇甫當

右景祐中任。

劉德正 林杞

吳丕顯

陳佩

右慶曆中任。

許抗見轉運使。

閻仲甫

右嘉祐中任。

范褒 李晉賢

右治平中任。

林濟

右熙寧中任。

李適 陳幾

右元豐中任。

鄭造

右元祐中任。

蔡彰

右紹聖中任。

黃兌

右元符中任。

錢聞 傅共

右崇寧中任。

孫球 翁待舉見詔安縉紳。

劉丕顯

右宣和中任。

葉搏 詹叔迴 徐畢

黃沂 梁宗範 李敏求 鮑琚 曾履 潘堪 林大受 陳局 謝天民見建

安縉紳。 鄭昭叔見寧德縉紳。

陳致一 周椿年見浦城縉紳。 趙不敏見宗室。

右紹興中任。

趙公綱見宗室。 鄭公弼 林栩 黃嚴卿 陳昭嗣 劉公度

右乾道中任。

陳景肅 高禾見晉江縉紳。

陳接 趙公綬

右淳熙中任。

鄭肇之 呂祖平 高之美

右慶元中任。

陳嘉

右開禧中任。

徐棟 樊泰之 葉文炳見建安縉紳。

施伯狸

許伯詡見同安縉紳。

趙澆夫

邢興祖

劉端成

右嘉定中任。

周晉卿

右寶慶中任。

黃登

右紹定中任。

林首善

右端平中任。

姚遇 黃清叟

右嘉熙中任。

蔡次傳見晉江綰紳。

胡元袞

林詡

趙時鑄

王稼

翁永年

右淳祐中任。

趙崇遷

趙與泌

朱溶

右寶祐中任。

鄧桂發

傅極

趙必燧

趙時憲

右景定中任。

蔡孟容

黃壽

黃溶

黃烈

梁國材

陳攄

陳繼祖

右任年無考。

丞、簿、尉賢者附後

林瓌

紹熙中任丞。

見福清綰紳。

王光大

〔一〕中任丞。〔二〕見閩縣綰紳。

段全

咸淳中任尉。

見晉江綰紳。

凌景陽

天聖中爲縣尉。

嘗郊行，蔡忠惠襄與其弟高，年方髫髻，從

道上旁立須過，景陽見其風期

幼度，問爲田家子，因令道上携至官廨，授以經學，親爲講解。秩滿去，復屬太守置之郡學。人稱倫鑒。

譙令憲

淳熙中尉。

見福建通判。

莊夢說

嘉定中尉。

見晉江綰紳。

黃巖孫

寶祐中尉。

見惠安綰紳。

元

達魯花赤、縣尹、主簿、尉、典史各一員，儒學教諭一員。

### 皇朝

知縣、縣丞、主簿、典史各一員，丞、簿正統二年革。教諭一員，訓導二員，正統二年省一員。楓亭驛驛丞、陰陽學訓術、醫學訓科、僧會司僧會、道會司道會各一員。

### 知縣

周從善 岳仲芳

顧思敬 思敬通曉世故，鼎新學政、廨宇、壇場。歲歉，罄私囊易穀出賑。

### 文維

安處善 處善，猗氏人。洪武初，以儒士任崇安丞，蒞政勤敏，多所修造，陞本縣知縣。

羅伯溫 張溥

右洪武中任。

李明 李弼

右永樂中任。

張俊

王彝 彝字友倫，四明人。以掾人官，令縣。時政煩賦重，民多亡命。彝以身當上司督責，徐爲措置舉借，以代輸納，然後招集墾荒，以備蓄積，奏蠲歲編。吉了弓兵之役，民免蹈海死亡。疏割莆地五理之

附楓亭驛者，以蘇驛困。編修林文稱其操如冰雪，明如蒼龜，愛民如子，治官如家，處同僚如兄弟，視吏胥如子侄。時內臣多奉命下驛，迓送無停，且有分外需，彝卽近驛人家，閉戶偃木於地，笞之且滿百，俾人應杖叫號，若爲追併夫價者，號不勝楚。內臣問故，則以答之，急諭止去。官府差來使，多需索里甲財賄，名「草履錢」，彝命多織草履懸庭下，來者一履與之，自是縣庭無使跡。卒官，民哀慕之。

右宣德中任。

丘孟真 楊信 宋華

右正統中任。

劉泰 龍禧

右景泰中任。

孫廣 趙鸞

右天順中任。

張勝 黃璨 彭昭

右成化中任。

廖某 陳文

萬璉 璉字廷器，宣城人。繇監生。有守有爲。卒官，民哀之。

張仁 蔣閑 溫璿

右弘治中任。

葉鑑

范珪 珪字自珍，豐城人。繇舉人。扶弱抑強，民困賴甦。

林汝常

右正德中任。

蕭弘魯 弘魯字晉明，廬陵人。嘗受學王陽明，而友舒梓溪。視事之初，卽注嚮庠序，創書院，置學田。再歲，山寇猝至，調畫戰守，賊從間道去。從征兵戍持刀兵入市，鬪且攫市物，弘魯悉置之法，籍其甚者請磔之。擢儋州知州。

劉進修 黃宸 洪晟 周希程 周文 王鏤

潘忠 忠，松江人。本江左巨族，除令時，兄恩方官南尚書，民患其難事，胥掾覬可欺，庠序又疑其有貴家習氣，而忠鞠躬澹泊，精明蒞事。嘗署篆於莆，訟簡期寬，且數往來不煩里旅，至於莆、仙爭令。擢南大理評事。

文濟武

陳大有 大有，南海人。蒞任旬餘，倭方破莆，乘勝以四千餘人從寧海間道薄城下，西鄉叛民附之，環城三匝。大有諭衆曰：「吾誓與此城存亡，敢遁者斬於是！」賑貧窮，分部伍，携二家僮宿城南樓，晝不傳餐，夜不帖席，時時戎服單騎，或徒步繞陴飭守，外則重修土城，環以木柵，簡閱精銳，爲游兵巡邏城下，賊來令堅劄土城內，左右協擊之，城上佐以矢石間繩，死士乘其怠，斫其營。創流星飛鈎之制，而賊之竹牌雲梯轉爲所絀，最後謀知賊造呂公車，大車以來，度所必歷處，遣人瘞礮，插樁或暗洞土穴，車至輒齟齬。

摧敵。其他所有長技，輒隨方破壞，前後相持五十餘日。亡何，戚將軍繼光提大兵至，殺賊逐之，仙邑竟全。兩臺交疏其嬰城死守功，仙人爲《保障殊勳錄》紀之。

右嘉靖中任。

關玉成 玉成，廣東人。事母至孝，俸外一毫不取，以草法、詩名自喜。

張昂

右隆慶中任。

胡朝賓

朱一化 一化，鄞人。以貢任。寬和惠厚，不擾於民。

徐公利

周鐸 鐸，南昌人。修廢舉墜，不避權勢，悉力爲民。

徐廷綬 袁世科 何維翰 游瑚 顏佐 賀世達 徐觀復

右萬曆中任。

丞、簿、典史、教官賢者附後

蘇廖鎔 雷州人。正德中任典史。癸未，寇先薄仙邑，輕蔑山城，有一酋立幟溪傍，入溪浴，鎔走奪之，擲巨石中酋顛，酋浮水遁，繇是率兵往禦，皆不敢近。鎔每出捕寇，穿草屨，上下山若蜚，雖健卒莫躡也。人觀，卒京。喪還，士民哀誄，立碑像祀。

陳賢 隆慶中任尉，有守城功。

張侗 字愿夫，南昌人。宣德中教諭。按學制嚴約條，據經課業，以身先士，坐起飲食俱有法度，時誨諸生曰：「古謂學校，禮義相先之地，上游其間，皆當以禮義廉耻爲心。實行不修，不名爲士。」

侯摺 字尚震。正統間以鄉薦任教諭。狷介不附貴達，篤行至孝，人稱誠齋先生。

韋煥 常熟人。嘉靖中任教諭。捐俸修樂器、祭器，重新文廟及明倫堂、門廡、齋舍。

林挺春 嘉靖中任教諭。見南靖知縣。

賴光 萬曆中任教諭。捐俸修學。

黃猷 宣德中邑訓導。見莆田縉紳。

何元達 字靜夫，順德人。嘉靖中以舉人任訓導。勤於訓迪。陞永康知縣。

興化故縣 正統十二年革，附見於此。

## 宋

知縣、簿、尉各一員。

知縣

段鵬 見本州知軍。太平興國中任。孫逢吉 見福州知州。雍熙中任。劉文義 端拱中任。杜徵用 魏文德 淳化

中任。侯德照 至道中任。田芳 咸平中任。張奉 王芳明 景德中任。王易簡 吳世範 李周明 胡辟

劉輅 大中祥符中任。趙崧 大禧中任。楊思齊 乾興中任。查適 侯延之 張定 天聖中任。陳助 朱安 景祐中

任。何述 康定中任。王昂

許世昌 世昌，無考。元豐中，令梅澤作《壁記》謂：自太平以來至今，歷百餘年，臨是邦者，僅見許世昌、張彥博二公。彥博，見後。

李域 慶曆中任。

袁立 皇祐中任。

李仙芝 至和中任。

張彥博 彥博字文叔，蔡州人。以進士除令。捕治僧寺之久連結爲奸黨者，風威有聞。古田縣劇賊皆遁跡去。調黃陂令。終袁州軍事判官。彥博少力學，折節交賢士大夫，而喜趨人急，其於文章尤喜作歌詩，有集四十卷。

盛考甫 王溫故

陳介 嘉祐中任。

張銘

徐大亮 治平中任。

李適

李驛

朱敏元

馬蒙叟 熙寧中任。

蒙叟，治邑有聲。

梅澤

邊慕賢 元豐中任。

吳千

林鐸 一作鵬。元祐中任。

龍治邑有聲。

陳需

毛原 紹聖中任。

朱棻 建中靖國中任。

上官植

黃願 見龍溪緒紳。

丁澥 崇寧中任。

陳誥

鄒宣

項世昌 蔡鞏 大觀中任。

蔡亢

黃琮 見莆田緒紳。

黃惟深

楊汝賢

陳武祖

卓特立

游其藩 政和中

任。

何兌

路舜中 宣和中任。

鄭紹 靖康中任。

郭中行

柯孟宗

施禹行 建炎中任。

詹卓然

崔璘

周

次中

丘鐸

鐸，温州人。

鄭樵 作《生祠記》：

「君之澤如洪流行地中，在川盈川，在澤盈澤。談君之美，如

觀溟渤，自津者知津，繇涖者知涖。南逮漳江之南，北逮甌越之北，談及君者，莫不以手加額。政滿將去，民奔走立祠，貌者四出，意謂君之聞望名字，必書青史，君之行事，勸民心膺，口口盛傳，無有紀極。惟君

之面，老壯幸及知，後來者無繇識，作此祠所以識君眉宇也。烏乎！百代之下，其或虐政橫出，荼毒斯民，相携而無赴告者，見君之貌，庶或蘇焉。」

曹勳 勳字上達，江寧人。能守前政。興化賢尹前稱許，張，後稱曹、丘。

江珩 葉拒 黃逸見晉江縉紳。 潘商老 張昉 陸楠見侯官縉紳。並紹興中任。 何叔達 王瀛 任文

茂 張鈞 林外見晉江縉紳。 劉讓乾道中任。 余善述 余席珍 邵景之 符庶 閻涓 王子陽 譙令

憲見運判。

梁錄 淳熙中任。 錄字廷堅，縉雲人。廉明公直，馭吏嚴而撫民愛。縣解發官錢入郡，例數保甲，勞擾

特甚，錄處之有道，民爭趨之，遂爲成式。

黃瑾 紹興中任。 張擇 林振見福清縉紳。慶元中任。 何時中 嘉泰中任。 王克 陳嘉 劉政忠 開禧中任。

翁琛 陳希黯 趙彥仞 李仲連 陳大容 趙絳夫 鄭清卿 嘉定中任。 周果實 慶中任。 黃復 見永福縉

紳。 林公慶 趙宗藩 陳遠 紹定中任。

丞、簿、尉賢者附後

顏師魯 紹興中簿。 見龍溪縉紳。

孫昭先 淳熙中任簿。 抗直著聞。民有冤枉，率自列於郡，願求直於昭先。

葛元樵 紹興中任尉。 時黃逸知縣事，有賢名，元樵與主簿顏師魯協力贊之，邑以稱治。

胡大正 嘉泰中尉。 見崇安縉紳。

周端常 廣信人。端平中尉。作大隱樓於尉廳而記之曰：「動作順適而存養靜寧，外服官府而中懷

丘壑，是則智慮徹而出處之節自明，道義重而去就之念自輕。」

元

達魯花赤、縣尹、主簿、尉、典史、儒學教諭各一員。

蔡真 延祐中任尹。士民刻石頌之曰：「游洋山水高且清，蔡侯作宰稱神明。不貪以昧如壺冰，不反以側如衡平。田野以闢學校興，盜賊以息獄訟清。棹楔謂何先民旌？義廩謂何窮餓矜？磨崖有石我鐫銘，彼來嗣者監典刑。」

吳厚 字德載，九江人。泰定中任尹。民碑頌之曰：「邑有賢尹，前蔡後吳。蔡侯去我有大夫，大夫去我繼誰歟？」

葉衡 字仲輿，德興人。後至元間任尹。勾追不遺人而責里正，催科不淫罰而責限期，捕盜徒強橫，與偽楮奸詐，及霸行其里者。秩滿去，民碑頌之。

宋熹 字仕明。後至元中任尹。仁誠威愛，人碑頌之。

趙文煥 字有章，武邑人。至正中任簿。恤民隱，察獄情，勤事興學，懲奸息盜，一時政化大行，獄囚空虛。

皇朝

知縣

胡希哲 任榮祖 謝昇 洪武中任。

吳旭旦 旭旦，臨川人。以進上任。時歲歉政煩，區畫有方。尤敦學校之教，不踰年，化行政舉。

楊武並永樂中任。武曲沃人。以監生任。治用公簡。邑糧歲輸於平海，舟楫不通，民甚病之，武陳其利病，遂得輸郡。

劉泰正統中任。

丞、簿、典史賢者附後

祝芳年 玉山人。廉謹寬恕，一時稱賢佐。

## 邵武府

唐

黃連鎮將

謝望 上官泊見本府介翰

昭武鎮將

廖懋 劍川人。卒官。宋時見靈弭災，郡廟祀之。

刺史

李乾佑 陳巖見君長

熊博見建陽翁紳

右唐末任。

宋初屬建州，設戍將。太平興國四年爲邵武軍，名卜州。

知軍事、通判、軍事判官、錄事參軍、司理參軍、司法參軍、軍學教授、監稅各一員。

知軍事

張度 度首創軍治，有治蹟。

右太平興國中任。

陳從易 兄齊江縉紳。

石中立 中立字表臣，洛陽人。知軍事。後拜參知政事。謚文定。

右淳化中任。

蘇爲 爲知軍事，政尚清簡，在郡多所題詠。後袁穀爲守，讀其詩，贊曰：「手掬樵溪塵可濯，恨無雄筆繼蘇爲。」

右祥符中任。

劉若虛 見閩縣縉紳。

右天禧中任。

曹修睦 見建安縉紳。

田京 京字簡之，鹿邑人。舉進士。起家蜀州司法參軍。夏守贊、夏竦軍事，會遣翰林學士趙宗懿即軍中間攻守孰便，衆欲大舉人討，京持論不合，大將任福果敗。夏竦素不悅京，坐是改廬州，徙知邵武軍，仕終右諫議大夫。京喜議論，通兵法、曆算、雜家之術，爲人倜儻，尚氣節。

滕宗諒 宗諒字子京，河南人。與范仲淹同舉進士，仲淹數稱其才。以泰州推官召試學士院，改大理寺丞，知當塗、邵武二縣，復知軍州事，仕終知蘇州。爲人尚氣倜儻，自任好施予。及卒，無餘財。所蒞

官，喜建學，而在湖州最盛，有諫疏二十餘篇。

右天聖中任。

吳師服見甌寧縉紳。宋咸見建陽縉紳。

右慶曆中任。

張華

張師中師中字吉老。政尚簡要。

高某

右嘉祐中任。

吳夢得

右治平中任。

陳汝奭見晉江縉紳。周約

右熙寧中任。

張德源

袁穀穀字容直，鄞人。嘉祐六年進士，少以詞賦得名。初，尉建安，治獄盡情。薦知邵武，條鹽法利害，奏減其課，郡人祀之。穀嘗有詩「滄浪不須濯，纓上本無塵」，其清可想云。

右元豐中任。

方澤

右元祐中任。

李端夫 崔國寅

右元符中任。

林豫見仙游縉紳。

右大觀中任。

楊準

右政和中任。

吳必明見崇安縉紳。

右建炎中任。

洪清臣見福寧縉紳。

趙子木 子木蒞任時，與上官倍、魏玘同時，倍守延平，玘守建安，並以剛介著聞，人號「鐵鑄脚三刺史」。

汪安止

王洋 洋字元渤，楚州人。有吏才。俗生子多不舉，洋奏立舉子倉，凡貧民當產給以錢米。民有袁氏，夫死，投牒乞他適，洋見衰經之下，紅裳微露，且無戚容，命械繫之，一掠而服，果毒死其夫，徙問如初，遂決之。

田伯強 徐端修 李恂見龍溪縉紳。

右紹興中任。

侯彥繩

張溥 溥，龍泉人。紹興進士。知莆田縣，後擢邵武。陛對，論忠順官廩給之患，孝宗然之。歷福

建參議，未赴，卒。

楊解 解，淳熙中任。朱文公嘗涉其境，謂解之政事可觀，士民交口誦之，乃文學士，非俗吏也。

趙師龍 黃維之見永春縉紳。

右淳熙中任。

陳接 右紹熙中任。

高子津 趙不謫 葉棠見仙游縉紳。 趙公迴見宗正。

右慶元中任。

張翬 翬知軍，時金人遣使約歸附，翬立斬之，人壯其勇。

李聞之 聞之，開封人。有治績。

陳一新見永春縉紳。

芮立言 立言知軍，清廉明決。

右嘉泰中任。

田澹

右開禧中任。

陳彭壽 彭壽，天台人。廉介明勁，鋤擊橫暴，撫摩惠養，不遺餘力，郡人祠之大乾廟之右廡。

趙時通見宗室。

趙崇度 姜注

徐範見侯官縉紳。

陳燦見福寧縉紳。

右嘉定中任。

蔡開一作開。 開，崇德人，政尚寬和。

余觀國 趙時館見宗室。

右寶慶中任。

史宣之 周肆 劉必端

王遂 遂字去非，一字穎叔，金壇人。嘉泰進士。紹定間，寧化賊殘建、泰二邑，勢且及郡。遂來知軍，道江山、浦城，遇郡中避地人遺之金，使爲歸資。未至郡，失守矣，露居野次，握拳轉戰，誅劬竹洞渠魁，餘醜或僇或降。方發兵致討下閭賊之拒命者，尋以言者罷。後歷知建、泉二州。仕終權工部尚書。

趙以夫見宗室。

右紹定中任。

王楚見建寧知府。 李伯玉見轉運使。

右端平中任。(四)

葉宗見建陽縉紳。 劉克遜 王邁俱見莆田縉紳。

方岳 岳有德政，尤著詩名。

葉彥炳

右淳祐中任。

張紘 翁丹山 方演孫見莆田縉紳。

右寶祐中任。

方澄孫見莆田縉紳。 錢謙孫

右景定中任。

林德經見長樂縉紳。 師得遇 廖邦傑見順昌縉紳。

右咸淳中任。

黎靖德 黃師雍

右德祐中任。

趙時賞見宗室。

右景炎中任。

林磐見龍溪縉紳。 李恂 張玄 鄭事道 高公巖 劉浩

右年任無考。

通判

林元

右元符中任。

王允恭

右淳熙中任。

葉介 介字方叔，武義人。淳熙八年進士。來通判邵武軍，泉南海寇猖獗，郡偶缺守，尚書黃公度帥閩，委攝政事。介至，召軍將密授方略，擒滅之。所著有《中庸講義》、《正江詩稿》、《表啟雜文》十卷。

施寅

右嘉定中任。

趙紡夫見宗宰。

王埜見建寧知府。

右紹定中任。

宋慈

右嘉熙中任。

錢謙孫

右景定中任。

宋秉孫見建安縉紳。

右咸淳中任。

陳夢觀 毛炳 李宗之見莆田縉紳。

右年任無考。

判官

黃衡

右建炎中任。

陳宗禮 宗禮字立之。少貧力學，袁甫爲江東提點刑獄，宗禮往問學焉。淳祐四年舉進士。調邵武軍判官。度宗朝累官簽書樞密院事，兼權參知政事。疏奏國所以立曰：「天命人心，因其警而加敬畏，天命未有不可回也。因其未墜而加綏定，人心未嘗不可回也。」卒官。贈開府儀同三司、盱江郡侯，謚文定。

右淳祐中任。

推官

謝燾 見建安縉紳。

右紹聖中任。

參軍、教授賢者附後

司戶參軍林冲之，元符中任。

李丑父，端平中任。俱見莆田縉紳。

劉坪，□□中任。（五）見建安縉紳。

司法參軍龔茂良，紹興中任。

見莆田縉紳。

陳之茂 紹興間軍學教授。郡罹兵燹，有撤學以爲史舍者，之茂請部使者給以漕臺鹽運，而一新

之。

葉儀鳳 紹興中任軍教授。見三縉紳。（八）

宋藻 紹興中任軍教授。見莆田縉紳。

徐元德 永嘉人。淳熙中任軍教授。闢講堂東，創李忠定祠，朱文公爲記，雅稱重之。

戴復古 字式之，天台人。紹定中任軍學教授。有學行，工詩。與郡人嚴粲、嚴羽相善，有《別邵武諸故人詩》：「白髮亂紛紛，鄉心逐海雲。此行堪一哭，無復見諸君。老馬尋歸路，孤鴻戀舊群。酒闌何處笛，今夜不堪聞！」

方澄係 淳祐中任教授。見莆田續紳。

元 初爲軍，後爲路，後爲總管府。

達魯花赤、總管、同知、判官、推官各一員，經歷司經歷、知事、提控案牘、司獄司司獄丞各一員，儒學教授、學錄各一員，樵溪、雲巖二書院山長各一員，富有、行用二庫提領、大使、副使各一員，蒙古學必闡赤、教授各一員，醫學教授、學正、醫工、提領所提領、副提領、稅務、提領、副使各一員，僧綱司僧錄、僧判、知事各一員，提控案牘二員，道錄司道錄、道判、知事各一員，提控案牘二員。

曲出 維揚人。儉朴寬仁，清心寡慾。爲政不擾，僚屬化之。汀寇犯境，賴其保捍。

吳按攤不花 三華人。以宣慰元帥守邵武路。至正間爲監郡，時淮汝盜起，延蔓江西，閩中大震，建寧盜遂致宜黃、新城，叛黨陷建、泰，猝至邵武，據其城，煽誘村市無賴，旬日衆至數萬，標掠順昌，將樂間，按攤不花方奉省檄募兵以援浙江，有卒三千，與弟子戀佐定首禿、千戶魏淳帥之進討，殲賊數千於順昌，復其縣。宣闡因命專意克復。賊聞按攤不花且至，柵拒水口。按攤不花分兵繇南岸以濟，自領兵從富屯還，噉賊鋒，奪其舟，遂拔水柵，俘斬數千，進逼城下。賊復擁衆數萬自該嶺薄城，按攤不花身先士卒，踣其兵，追斬殆盡。賊餘黨狙惡嗜亂，從容應機，悉掃蕩之。

廉忱 延祐間任總管。崇飾學政，有政聲。

西達 字善卿，濮人。任總管，廉靜簡質。

萬不花 至元中任同知。建樵溪書院，請行省注山長以誨生徒。

吳克忠 按攤不花之兄。至正間，以宣慰元帥同守邵武路。修學政，周匱乏，均酒酤賦，建至正橋。

蕭寅 字允欽，吉州人。陳有定授爲本路同知。有定用法過嚴，寅輒營解。嘗行兵八山谷，被賊圍，賊首二人持刀直刺，忽呼其衆曰：「且止！吾父蕭公也，嘗有德於我。」相與羅拜去。經建寧、光澤，道中有七人執兵前跪曰：「生我者公，今經吾里，敢以百金爲獻。」其人各言姓名，寅慰諭，却其獻。洪武元年，有定死，寅以親老辭不仕。

劉泰亨 至正間任推官。時汀寇嘯聚，泰亨署府事，撫輯賑濟，募民捍禦，境內以安。

揭祐民 廣昌人。泰定中，本軍經歷。性抗直，不蔽人善惡。時太守桀驁，祐民直躬待之。程鉅夫稱其「不爲威誚，不爲利誘。或出或處，任其自然」。後寓居本軍，因家焉。北游燕趙，東浮遼海，凡所經行，必有吟詠。

郭瑛 爲邵武經歷。置惠老慈濟堂於城西，以居窮民，買田贍之。又買山爲義塚，以葬貧人，若其後者。

### 皇朝

知府、同知、通判、推官各一員，儒學教授一員，訓導二員，經歷司經歷、知事、照磨所照磨、檢校各一員，司獄司司獄、稅課局大使、常豐倉大使、陰陽學正術、醫學正科、僧綱司僧綱、道紀司道紀各一員。

知府

周時中見轉運副使。

張文昱 文昱字克敏，應天府人。廉介愛民，善詩文。後擢刑部侍郎。

徐濟 濟，蘇州人。公勤儉約。善楷書。

右洪武中任。

葉仲賢 趙麟

劉仕傳 仕傳字習之，南海人。永樂初以學行舉，授兵科給事中。屢言邊事，文皇嘉之，授陝西布政司左參議，轉授本府。公勤廉慎，興學造士。他蹟亦多。

丁原振

右永樂中任。

劉復 復，南昌人。博學能文，政尚簡靜。

右宣德中任。

徐述

楊衡 衡，岢嵐州人。以監生任。沙寇鄧茂七作亂，衡選民兵協武臣守禦。賊衆一日奄至城南陔嶺，衡堅壁清野，戒嚴以待。民避賊附城者，武臣不納，衡急下令啟鑰悉縱之人。時大軍經邵武，部校需索甚峻，衡以時艱民困正色拒之。繼而建、泰二邑爲賊焚蕩，賊逼，衡以事已不報，爲監軍大臣所讓，而前索賄部校因投其誣，遂被箠毒，憤恨死。柩還，郡人爭舁至郡齋，朝夕哭奠，如喪考妣。

右正統中任。

甘瑛 瑛字宗華，豐城人。宣德進士。知漳州府，興學舉廢。時軍衛勢橫，年例開於有司，暴取無厭，瑛奏革之。海門山民慣爲海盜，奏俾內徙，給以廢寺田。以憂去。鎮守侍郎薛希璉奏其有治劇才，奪情起知邵武郡。當寇亂，悉心撫戢，出入山澤，冒瘴乞歸。成化改元，詔進階。瑛孝友端介，始終一節，物論重之。

王庭

右景泰中任。

何友 季亨 盛頤見御史。

右天順中任。

馮孜見延平知府。

劉元 元字仁甫，仁壽人。天順進士，歷知本府。剛介嚴正，不事煩苛，廉不近名，儉不廢禮，愛民之誠，表裏如一。福州府以所隸白沙諸驛供需不敷，奏割邵賦稅益之，元謂：「本郡山多田少，人民易動難安，所屬僅足支境內四驛之費。」事遂寢。樵川驛馬，五日一驗，以肥瘠行賞罰，鋪陳責其謹，蓋藏時躬點視，省費尤多。政暇校閱諸生課文，勸懲之，有疑義，躬爲講解。馮守舊修郡志，損益焉。嘗建郡學，大成殿、蒙谷、臺溪二精舍及通泰橋，增建預備倉、養濟院，居屋費皆出自規措。又以豐年計畫勸尚義之家積穀數萬備賑，歲歉民賴以活。他諸蒞官處事，莫不根經據史。

潘洪 洪，宿遷人。繇進士任。質朴淳厚，廉介有守。

右成化中任。

孫蕃 蕃字景昌，江都人。以徽州府知府改任。潔己愛民，歸裝蕭然。

王儼 夏英見延平知府。

右弘治中任。

廬濬 王璟 葛浩

張羽 羽字鳳舉，揚州人。以進士歷御史，出知府事。興學勸農，表鄉賢，復射圃，新禮器，毀淫祠，改書院，築溪壩，鬻諸倉米以備荒歉。軍卒弗靖，鎮之威德。朔望視學，懲逸獎勤，講論終日，每月九試。士如場屋，親爲改正文字。擢河南副使。羽好善惡惡，節用愛民，敬上好士，出於本心，而清戒之操，鬼神可質。

潘旦 旦，婺源人。弘治乙丑進士，歷戶部郎中，擢守漳郡。郡故多海寇，出沒洪洋絕嶼間。然非本土豪黠陰爲主，亦莫得肆。旦廉知其姓名，置之法。丁艱服除，守邵武時，裁抑鎮守，市舶二中官之橫括民財者，痛懲株連牽繫之訟，以變其俗。後仕南兵部侍郎。

右正德中任。

史紳

丘民範 民範字汝中，貴溪人。嘉靖癸未進士。歷南兵部郎。任時，郡政頗弛，豪族陵縱，民範猛糾之，有令不飭，黜以懲貪。清驛傳之費，以其羨補民之代輸魚課者，給粥孤老，贍養有方。郡人稱其仁而不懦，明而不察。

孫裕

王鈞 王鈞，奉化人。到郡，僅一蒼頭自隨。目有異質，自堂皇迄譙樓外，皆燭照，莫能秘其私。有璫道經邵武，前途索供具甚苦，鈞知其將至，遣人往諭曰：「太守僅飲樵川水耳，不得爲境內累也。」竟敢而過焉。諸生姓名，貯之案頭，間召之，稽其看書作文，爲之剖疑點竄。

李翔 邢址 王炳 廖天明 羅時霖

彭應麟 應麟字允禎，華亭人。以南刑部郎出知郡。鋤豪翼脆，敦實左華，戢鹽商，處客兵，外禦倭寇，內制山賊，綱修畢舉。以病瘁歸。應麟爲諸生時，友人蒼頭持蓋觸而作折二齒，友人方駭，責蒼頭，麟曰：「吾自不慎。」赴試南都，館人有少婦，盛飾挑應麟，應麟罵却之，明日徙館以避，人稱德器。

邵德久 德久，餘姚人。繇舉人，以工部員外擢至。革里甲繁徵，節庫役冗費。流賊攻城，親集義兵，調遣沿城巡督，不避矢石，城光、泰二縣，建西北萬年橋，續具可書。

王守充 守充，歸善人。繇進士任。清介謙和，人人樂盡，而干冒者自知漸沮。

吳國倫 國倫字明卿，興國州人。嘉靖己酉湖廣鄉試第一，明年成進士，授中書舍人，選補兵科給事中。與李攀龍、王世貞、宗臣、梁有譽、徐中行共修文會，稱六才子。兵部郎楊繼盛以論分宜相戮死。國倫倡衆賻送，爲分宜所劾，坐他事謫江西按察知事，量移南康，歸德二府推官，居二歲棄去。分宜敗，卽家起建寧府同知，稍遷知邵武。國倫在建寧，清戎戢奸，以弭倭亂。在邵武，香寮賊烽望郡境豕突，稱兵備之，賊聞遂不果西。仕終河南左參政。爲人器識高峻，不能迎合，而閎誼坦懷，未嘗矯飾。其爲丞若守。宗臣、徐中行，亦來閩中，閩人以爲一方星聚。

右嘉靖中任。

俞汝器 金九齡 賴嘉謨

右隆慶中任。

王澤 岳鍾英

鄭宣化 宣化，應天人。繇進士知本府。蒞官三載，清慎如一，苟可惠民，悉心爲之。死之日，士民爲罷業，表祠口真清。

司馬祉 祉，會稽人。繇進士知本府。愷悌廉平，政先文教。以不欺訓士，以家範訓俗。遇亢旱，躬自步祈，澍雨立應。虎噬人，爲文告神，虎尋斃。人稱異政矣。

周裔登

孫成泰 成泰，平湖人。繇進士知本府。廉潔肅清，官屬畏憚。蒞任時，正值大饑，先賑後請。民有甘心，富家脅其平糴者，成泰預知嚴禁，貧富俱安。任半年，議調，士民赴京保留，至中途，已調知蘇州府矣。

李之用

瞿汝稷 汝稷字元立，常熟人。任子。自黃州守移至。甫下車，撫鎮檄於郡，欲有所求取，詞又倨。汝稷諍之，却使不得，遂投牒徑歸。復起知辰州，以病足，朝命加太僕寺少卿致仕。汝稷精禪理，凡宮觀釋道俱識其名。身不勝衣，而其浩然之氣，皦然之守，有一介不取，千萬人必往之勢。

閻士選 嚴澂 周之基 吳益 陶人群

右萬曆中任。

同知

尹勗見漳州知府。

單肅 肅，永平人。廉能果斷，吏民敬服。

侯澄 黃憲

右洪武中任。

察文質

右洪熙中任。

宋貴

右宣德中任。

聶用乂 用乂，豐城人。以御史來爲同知。公平廉介，撫民有方。

顧旻

右正統中任。

林遠 王琳

右天順中任。

王佐 佐字汝學，臨高人。師事丘濬，弱冠登正統丁卯鄉薦。游太學，爲祭酒，吳節、司業閻禹錫稱譽。成化初，授高州同知，佐都御史韓雍征蠻有功，改邵武。屬泰寧盜發，僉事章懋檄佐行縣，召集父老

間賊動靜及撫勦之宜。佐至縣，得賊形勢，報懋曰：「賊雖衆，初合未固，誘而離之，易潰耳。急之則必聚而拒我。」遂遣人諭降，其脇從賊果散去。懋同官有邀功者，譖懋於御史，因自請捕，及至，賊已平，乃械佐所招降者以獻，悉戮之。懋耻與爭，而佐亦絕口不言。九載，改臨江府。久之，致仕。佐博學多識，精心力踐，所至清操遺愛，而不能隨時俯仰，浮沉三郡二十餘年，不進一秩。所著《集六經》。年八十五卒。

劉志誠

右成化中任。

王綱 廖正 張榮 陳寶 潘溫

陸勉 勉字懋昭，江陰人。繇舉人任。在官廉勤，立通融均一法，計十年，丁糧裒多益寡，以定徭役，編曰《平定冊》。有《泣苗詩》、《教民文》、《勸吏圖》傳於郡。擢南刑部員外。

右弘治中任。

徐鑑 李大紀 王偉 江璫

鄒武 武字靖之，常熟人。以舉人任。苦節清修。當道蒞郡清軍，各縣里長多捏同姓詭名圖足額，及拘丁起解，則空名耳，武以身力爭，悉從除豁。他諸條約出教，具切政體，民傳誦之。遷南部員外。

右正德中任。

黃鵬 曹贊 徐廷傑 孫雲 曹金

諸變 變字子相，餘姚人。嘉靖乙未進士，除兵部主事。以簡伉忤本兵巡邊大僚，竟爲所中，謫茶陵同知，量移潮州通判，陞邵武同知。寬簡馭下，勤於勸學，氓士胥懷。變素深經學，脫略自喜，恬於華寵。

家居惟授徒給生計。有自閩來依止者，館穀之不靳也。後客嚴陵，大醉殷礴，游於桐江之淵，鼃噬其陰以死。

翁學淵 周瑚 錢楞 黃時康 唐金 鍾道

右嘉靖中任。

黃爽 包禮芳 樂頌

右隆慶中任。

蔣輝 輝，全州人。繇舉人同知本府。萬曆初，清丈田畝，輝度山田之峻隘者，條議免丈，郡人賴之。

習孔教 孔教，廬陵人。隆慶戊辰進士，官翰林檢討。沉毅方正，爲時相所擠，謫泉郡推。衙齋蕭然，床帳履襪皆在廳事側。召諸生年少者聚而課藝，所賞拔皆爲名選。還丞郡，時相敗，召還，歷南京禮部侍郎。

范鐘 蔡萬里 況于梧 梁煥

鍾萬春 萬春，清遠人。繇舉人同知本府。清敏有吏才，鹽弊奸藪，悉心清革，商人碑之。

張堯行

馮運升 運升，臨安人。繇舉人同知。政尚寬平，首敦文教。

萬尚烈 尚烈，新建人。繇舉人同知本府。學問淵深，心術正大。民間有訟，嘉與和息，奸弊肅清，市廛不擾。至地方有當興創者，悉力爲之。

右萬曆中任。

通判

章文旭 文旭，武進人。廉潔有幹材。承兵燹之餘，學校、廨舍、橋梁多所修創。

張幹 幹，祥符人。性篤孝。爲政有方。廉潔之操，始終如一。

右洪武中任。

王禮 禮，固始人。洪武中以監生授北平按察副使。建文時坐事，降邵武通判，有善政。永樂初，召拜戶部侍郎。

右建文中任。

沈某

右永樂中任。

王某

右宣德中任。

董仲 郭和

右正統中任。

蔡禮 周復

右景泰中任。

姜昱

右天順中任。

徐有學

洪瑛 瑛，淳安人。廉潔耿介。

劉貫 崔鐸 萬理

右成化中任。

鄒冕 湯珍 龐經 楊剛

右弘治中任。

陳言 馮希哲 李華

右正德中任。

舒瑞 林瓚 戴靜夫 胡擇 耿富 朱應雲 王朝璉 薛鏜 錢一溥 龍潢 杜守經 劉宅夏

李春和 孫坊

右嘉靖中任。

鄭忭 熊瀚

右隆慶中任。

方維藩 陳力 王以萃 李逢 胡志忠 欽止善 吳一旭 祝汝元 蕭宗元 蔣時諧 柳國禎

季齊芳 陳希文 張應棟 夏世隆

右萬曆中任。

推官

常理 理，湘陰人。存心廉恕，用刑不濫，獄無滯囚，亦精於詩。

鄭侃 侃，平陽人。廉明果斷，決獄平允。

右洪武中任。

趙某

右永樂中任。

邵昇

右宣德中任。

吳緝 吳容

右正統中任。

馬某

右景泰中任。

周仲斌 仲斌，宜春人。誠信孚感，刑不妄施。

右天順中任。

葉嫻

廖鐸 鐸，宜黃人。操守廉謹，有幹濟才。先是，郡理刑者，大率隨事決遣，不立案牘。健訟者坐得展轉論訴。鐸無巨細，籍記之。嘗奉檄往贛峽勸借商錢備賑濟，法不苟而公用饒，部使稱能。

徐璞 吳經 符驥

右成化中任。

孫明 朱瑤 孫潤 朱彩

右弘治中任。

郝冕 王簡 高璉 張源道

右正德中任。

王欽

吳預 預，東莞人。以舉人任。倜儻廉潔，作士氣，清獄訟者。邵武縣事。釐宿弊，節民財。終南戶

部員外。

楊茂深 丁洪華 周譚述 高尚義 桂穀 李得春 王鳴臣 吳梁 王洙

右嘉靖中任。

戴汝恩 吳譽聞

右隆慶中任。

胡相 伍伯椿 楊應試

濮應瑞 應瑞，華亭人。以貢授司理本郡。節操廉謹，有「寧玉碎無瓦全」之語。以公務卒建陽，官

邸蕭然，士民悲涕。

高維崧 萬煜 喬惟槐 趙賢意 朱履儀 楊春茂

右萬曆中任。

幕僚、教官賢者附後

邵思憲 蘭谿人。□□中任本府知事。(△)敬慎小心，迥出流輩，有所承委，勤惰有稽，無虛冒，亦無點染。

李春 正統中檢校。蒞任時，沙寇鄧茂七亂。一日，其黨人寇至城南陔嶺，郡守楊衡命春率民兵出戰，春親冒矢石，爲士卒先，連發輒中，賊遂退却。

林必忠 洪武中爲郡學教授。念學宮湫隘，請省府闢之，遂以樵溪書院建焉。

程儔 樂平人。洪武中任郡學教授。撤三皇廟材，建大成殿，購民地拓治明倫堂、先賢祠，一新之。

楊昇 錢塘人。永樂中任教授。善於誘掖，作人爲多。

方嵩 咸寧人。永樂中以進士任教授。條約嚴明，不率者畏威改行，時稱郡博之最。嘗兩司江西文衡，及預修《永樂大典》。

陳巽 繁昌人。永樂中教授。待上有恩義，人樂從之。

崔盛 字志瑤，清江人。景泰中教授。條教嚴明，修廟學，建泮橋。

張濟 字公濟，華亭人。天順中教授。每以忠義廉耻激勸諸生。郡祀李綱，出濟奏請。

周衡 字道通，宜興人。嘉靖中以舉人任教授。學先踐修，講明性理，使樵士嚮方，舉行冠、射三禮，以變舊俗。擢唐府紀善。

盛儼 於潛人。萬曆中以歲貢任教授。儀表端方，力挽頹習。

教授周維洪，萬曆中任。見崇安縉紳。

陳桂芳，萬曆中任。見寧德縉紳。

李文輝，化州人。永樂中訓導。勤於誨人，多所造就。

王弁，南城人。景泰中訓導。性本豪宕，濟以沉潛。講授之暇，習靜觀書。諸生有餉遺，悉却去。

程燭，玉山人。萬曆中以貢任訓導。誘掖後學，講說不倦。擢國子學錄。

林興祖，字伯禎，潮州人。舉孝廉。建文中任邵武倉大使，郡中歲饑，時尚書夏原吉巡福建，得便宜行事。郡集其屬曰：「孰能詣巡撫求賑者？」興祖請行。既上謁，夏覽牒，未有言，興祖懇懇言民命危急狀，義形於色，夏遂檄郡發廩，所活數萬口，郡守丁原振薦之，陞常塗知縣。終交趾參議。

#### 〔校記〕

〔一〕「興化故縣」四字，各本原脫，據本書體例補。

〔二〕「仙游縣」三字，各本原脫，據本書體例補。

〔三〕「中任丞」上，各本原闕二字。

〔四〕「趙以大」至「右端平中任」段，各本復只，今刪所衍。

〔五〕「中任」上，各本原闕二字。

〔六〕「見」下，各本原闕二字。

〔七〕「作」，疑爲「作」字。

〔八〕「中任本府知事」上，各本原闕二字。

閩書卷之六十三

文蒞志

邵武府 邵武縣 光澤縣 泰寧縣 建寧縣〔一〕

邵武縣〔二〕

宋

知縣事、丞、主簿、尉各一員。

陳執古見建州通判。

張仕遜 仕遜字順之，光化軍人。淳化中進士。爲郎鄉簿，歷知邵武，以慈愛得民。縣旱，去蓋步禱於歐陽太守廟，霽足始歸。廟蓋去城過一舍許。嘗手植海棠，因以名亭。邑人封植，比之蔽芾。累遷同中書門下事，以太尉致仕。卒謚文懿。民爲立祠「大乾廟」。

右景德中任。

王裕民 鄭事道

右元祐中任。

曾昇

右元符中任。

解致君

右政和中任。

曾受 宋棐見莆田縉紳。

張注 葉遂

右紹興中任。

陳元平 元平字熙初。性英邁強毅，立言必信。習熟民情軍政，雖老吏宿將不能難之。尤向慕儒術，甚爲黃勉齋所稱評。

陳孔碩見侯官縉紳。

右紹熙中任。

史定之

右慶元中任。

謝憫 王埜見本知軍。

劉純見建陽縉紳。

右紹定中任。

高斯衍 陳蕃 朱子廣

右淳祐中任。

張德一作湘。

右咸淳中任。

丞、簿、尉賢者附後

謝源 字資深，臨川人。淳熙中丞縣。靜重有守。其先丞南昌，帥守急聚斂，源獨無所屈，嘗歎曰：「逼貧民以奉上官，弗忍爲也。」至邵武，當路多知其賢，而常平使者朱若水尤敬重之。卒於官。朱文公銘其墓。

蔡充 字公度，南城人。天聖中縣尉。好自潔清，衣冠容貌，平居肅然。臨事沉默慎靜，人以廉節目之。

縣尉鍾幹譽，大觀中任。

見建安縣志。

劉彝，嘉熙中任。

見閩縣志。

元

達魯花赤、縣尹、主簿、縣尉、典史各一員，楊坊、拿口二商稅務務使、副使，水口、楊坊、拿口同巡四寨巡檢、樵川、林墩、拿口三站提領、副提領、僧錄司都綱、道錄司威儀各一員。

張祥 字彥禎，真定人。以至正二年進上任縣尹。胸襟洞然，冰蘗自尚，與監邑安答兒禿編籍徭役，積弊悉祛。

耶律惟一 字用中，許文正高弟也。至正間達魯花赤。興學獎士。

王應祚

泰定二年任縣。

見晉江縣志。

陸文英

構李人。

至正間縣尹。

政浹民和。

作新廟學。

孔公俊

字師道，曲阜人。

宣聖五十三代孫。

至正間任。

邑新被寇，存恤勞徠，惠化兼施。嘗曰：

「民萌逆節，繇教養無道。」乃輕徭薄賦，愛重民力。大修學宮以作士。

傅士謙 臨川人。至正間任尹。當兵革之餘，悉意撫綏，尤以興學化民爲務。未期月，流竄歸，呻吟息，廩有新居，公無逋稅。

游欽 至正元年任簿。見崇安縉紳。

### 皇朝

知縣、縣丞、主簿、典史各一員。儒學教諭一員，訓導二員。水口巡檢司巡檢一員。楊坊稅課局大使、拿口稅課局大使各一員。俱革。樵川、拿口、林墩三驛驛丞各一員。林墩，萬曆十年革。河泊所河泊官一員。

### 知縣

水甦民 甦民，無錫人。廉明慈愛，爲政有方。

劉某 詹得銘

夏祥鳳 祥鳳，嘉興人。以文章治行稱。嘗曰：「廉者，士人大節。官不能廉，大節虧矣。雖有政事，足尚哉？」代去，囊篋蕭然。

莊九疇 九疇，寧波人。廉勤公正，愛民好士。善楷書，尤長於詩。

右洪武中任。

### 蔣忠

李復觀 復觀，饒州人。以文學飭吏事，不假鞭朴，民信服之。

右永樂中任。

鄒良，良，樂安人。永樂乙未進士。知松溪、邵武兩縣。性鯁介，不避權貴，聲隱隱動八閩。秩滿，邑人上疏乞留。進通判，秩仍知縣。擢守衢州。

右宣德中任。

顏宗

右正統中任。

同蠡，蠡，交趾人。廉慎愛民，鯁直不阿。

右景泰中任。

李仁，童廣

右天順中任。

王拯，拯，東莞人。繇鄉貢任。爲人穎悟強記，吏民有事於縣者，一見輒記姓名。公廉淡素，尤慎興作。縣廳敝，節積俸金三百餘兩，以付耆民曰：「儲此，俟歲豐新之。」尋以憂去。

王濟，秦淳

右成化中任。

費琮，吳策

高遷，高遷侵漁官庫銀五百餘兩，他所得賂以千數。巡按監察御史嘗薦之，或先期准其考績。邵武府通判湯珍心不平，又以遷將慢之，奏發其事，并誣及都御史洪鍾、副使章斌、僉事王寅等，命給事中熊偉等來按，奏擬遷「監守自盜」，追贓，發原籍爲民。珍諫奏十人以

上，革職冠帶閑住，下刑部擬，請如所擬。孝宗以還侵盜官錢，索取賄賂數多，難處以常例，并其家屬發廣東海南衛充軍。

姜桂 桂，安仁人。由進士任。公正慈祥，清苦一節。鎮守府嘗檄取白礬，力爲辭免，密戶賴之。

馮晃

右弘治中任。

胡濬 王鑾 蕭泮 唐鳳

右正德中任。

蕭起鳳

曹察 察，无錫人。以進士任。接引人才，聿興蒙教，痛斥僧巫，均一冊籍，祛除奸巨，情聽訟獄，約省驛費，端崇俗紀，弛張有道，如植私家。民作懷棠祠祀之。

葉朴 謝廷訓 王訓 係鈞 夏惟寧 林有望 錢于鄰 黃夢說

右嘉靖中任。

鄭夢賚 夢賚，番禺人。嘉靖末以舉人任崇安教諭。勤學恤士，言動謙雅。遷邵武尹。

郭鵬

右隆慶中任。

張邦仁 黃門 趙璧

江鴻慶 鴻慶，貴溪人。以貢士任。才識精明，覽牘無煩再目，折獄片言而已。

王應昌 應昌，嵯縣人。敦尚風節。邑大旱，素衣冠，遍禱名山，甘澍霑足。其禁輕生，革都總，抑土

豪，徵收不取秤頭，民至今頌之。

右萬曆中任。

佐貳、教官賢者附後

傅礪 錢塘人。永樂中丞縣。兄建寧知縣。

鄭鑾 縉雲人。貢士。弘治中丞縣。嘗督黃冊，能絕飛詭，以三則編徭壯。賑貧士，尊學官。九年考績謝歸，民老幼涕泣不忍舍。

李幼滋 字元樹，應城人。嘉靖中爲禮科右給事中，以拂權貴意謫丞邵武。仕終工部尚書。性度端嚴，持法重禮。

潘日升 嘉靖中邵武教諭。得王文成良知之學，善發其旨。明道覺人，每以身先。嘗著《人倫四箴》，俾諸生朝夕諷誦。

袁若璣 宜春人。萬曆中邑諭。博雅長詞賦。捐俸供課，寒暑不輟，貧生多待舉火者。

光澤縣

宋

知縣事、丞、主簿、尉各一員，監稅務一員。

知縣事

王垂象

右祥符中任。

崔修

右景祐中任。

尹洙 洙字師魯。歷知光澤，仕至起居舍人直龍圖閣，坐貶崇信節度副使，徙監均州酒稅。歐陽公志其墓：「師魯，河南人，姓尹氏，諱洙，然天下之上，識與不識，皆稱之曰『師魯』。蓋其名重當世，而世之知師魯者，或推其文學，或高其議論，或多其材能。至其忠義之節，處窮達，臨禍福，(三)無愧於古君子，則天下之稱『師魯』者，未必盡知之。師魯爲文章，簡而有法，博學彊記，通知今古，長於《春秋》。其與人言，是是非非，務窮盡道理乃已，不爲苟止而妄隨，而人亦罕能過也。遇事無難易，勇於敢爲，其所以見稱於世者，亦所以取嫉於人，故卒窮以死。」按洙字光澤，出《宋史傳》，而歐陽公墓志云：「邵武軍判官」，兩存之。

右康定中任。

許良輔

右嘉祐中任。

范迪簡

右治平中任。

上官均 見邵武縉紳。

右熙寧中任。

江道 道，陳留人。嘗定經界，於民無擾。

王以詠見建安縉紳。 魏閔

右元祐中任。

趙士畋

右政和中任。

張碩 碩爲令，勤恤民隱，賑濟尤最。

趙不困 王聿求

張訢 訢，毗陵人。嘗做社倉法，立倉境內，以濟市里之民無蓋藏者，及中下之家生子不舉者。又附

倉列屋，以待行旅病無所歸者，法甚精善，朱文公爲記。

右紹熙中任。

趙善珏見宗室。 周仲明

徐杰 陳觀奕

右嘉定中任。

丞、簿、尉賢者附後

王介雍 紹定中任丞。見閩縣縉紳。

熊以寧 淳熙中任簿。見建陽縉紳。

張彥清 紹熙中任簿。見浦城縉紳。

包恢 嘉定中任簿。見轉運判官。

諸葛琰 嘉定中任尉。見南安縉紳。

元

達魯花赤、縣尹、主簿、縣尉、典史各一員、儒學教諭一員、大寺寨巡檢、止馬商稅務務使、副使、杭州、杉關二站提領、副提領、僧錄司都綱、道錄司威儀各一員。

縣尹

沈該 至治中尹。有惠政。

況達 字府吾，(四)廬江人。泰定中任。起家爲掾，嚴明能恕。下車之日，富強民素爲長吏信從畏憚者，一不聽人謁，獨延見諸生，與之講學。訟者在庭，一見得情偽，其負者故可立決也。達曰：「吾非不能立決，立決則傷而親戚間里之情矣。」輒教令退思之。嘗有兄弟爭田，達曰：「吾視若貌非不恭友者。」授以「伐木」之詩，身爲諷詠解說，使日誦於學，未踰月皆感泣求解。邑南三里有雲巖書院。宋李方子講學故處也。達日退食，卽其處理泉石，斬荆棘，徘徊詠歎，若將見其人，得其遺文數篇，出與學者誦之。

朱萬初 江西人。至正間尹。政浹民和，境內寧謐。

皇朝

知縣、縣丞、主簿、典史各一員，儒學教諭一員，訓導二員，大寺寨巡檢司巡檢、稅課局大使、杭州、杉關二驛驛丞各一員，河泊所河泊官、陰陽訓術、醫學訓科、僧會司僧會各一員。

知縣

劉克明 盧克閭

林孔孫 孔孫，山東人。至任，興學校，崇教化，課農桑，修廢墜，政平訟理，民賴以安。

姚伯和

右洪武中任。

曾成烈 馬伯 朱幹

右永樂中任。

陳度

右宣德中任。

盛墳 墳，錢塘人。爲政得體，吏民懷之。

徐晉

右正統中任。

李綱 龐敬 趙昶

右景泰中任。

屈伸 侯驥 陳紀

何昌言 昌言，建德人。居官清慎。嘗增建儒學舍宇及創建預備新倉。

劉俊 俊字君佐，深州人。繇監察御史左遷。廉明剛果，以戢奸植善爲首務。毀淫祠，禁師巫。凡

境內庵院之私創者，悉撤其材植，以葺學宮壇壝。人立祠祀之。

右成化中任。

魏默 默字本純，新建人。孝友志學。繇舉人知是縣。剛明幹濟，請託不行，銳然以興學變俗爲己任，冠服文物一新於時。又嘗延禮閩士之有文行者，以課其邑俊秀，暇則爲之講說經義，聲譽不懈。後家居，足不履城府。所著有《介菴小草》。子榮，見左布政。

岳山 李麟 丘世喬見沙縣知縣。章侃

王儼 儼字子敬，江都人。以進士任。簡訥不苟交與，篤學好修，公平清慎，深得民心。造就人才，政教兼舉。仕終岳州太守。

右弘治中任。

余崇鳳

鍾華 華字美彰，順德人。以舉人任。政教得民，嘗修邑志，祀名宦祠。

徐泰

右正德中任。

賴暹

曾忬 忬字汝誠，泰和人。以進士任。一新泮宮。改婺源。擢給事中。

李玠 玠，豐城人。以恩生任。有廉能之能。

廖廷臣 盧金潤 鄒高紀 穆向縞 蕭廷相 徐恒錫 張大會

吳國器 國器，崇義人。縣舊無城郭，嘉靖庚申間山寇竊發，據西關外，擄掠一空。迄寇平，國器承檄董造，民方被寇，復有城役，不無怨咨。於今怨消而利永矣。

黃楷

右嘉靖中任。

朱明臣 廬大元 土世祥 潘侃

右隆慶中任。

姜桂芳 桂芳，新建人。以選貢任。資身簡約，不妄費民間財力。隨朝人役恃其効勞，還縣恣肆，立驅逐之。

林樹薰 樹薰，朝陽人。以恩貢任。學故有田，後皆改廢。樹薰初至，捐贖鍰爲月試需。既，又捐助貧生。久之，有謀鬻寺田者，樹薰不許，請上官改田於學，邑士受賜。

劉一中 一中，興國人。以恩貢任。前令林樹薰改寺田爲學田，謀鬻者尚垂涎之，一中廉出治罪，田復歸學，士亦頌焉。

陳廷謨 毛志添

陳宗諫 宗諫，東鄉人。以選貢任。慈祥清潔，禦水救荒，口碑載道。離任之日，士民涕泣以從。

程寰 寰字仲輔，歙人。繇進士任。醇衷潔守。見民椎魯少文，則立義學以訓童蒙，立章相會以課子弟。見民鮮蓋藏，則立義倉，勸民輸穀，以備賑濟。其他，建橋梁，行鄉約。以才調新建縣。

李際熙 際熙，義烏人。繇舉人任。簡易爲政，不費民財，作興士類，嚴捕盜法，境以絕盜。

施良猷 羅希尹

汪正誼 汪正誼，安居人。繇舉人任。心坦政平，建學宮，修橋梁，百廢具舉。右萬曆中任。

佐貳、教職賢者附後

蔡大政 蘄水人。萬曆中任丞事。識大體，不苟取財，民德之。

歐陽勛 順德人。萬曆中主簿。錚錚爲廉，有譽於邑。

陳子良 永樂間教諭。見邵武縉紳。

尹安 字仕安，上饒人。宣德初以進士掌教事。剛介慎默，勤於訓誨。

段永 字仕悠，餘干人。永樂二年進士。宣德中任教諭。好古守禮，條教嚴明，人雅敬之。

陸廷玉 仁和人。弘治中任教諭。立教有方，士心感服。

車錡 萬曆初任教諭。見將樂縉紳。

張承憲 鄞人。萬曆中任教諭。律身無所詭隨，課士必兼通論策，使之博今古，通時務。

林松聲 萬曆中任教諭。見漳平縉紳。

鄒啟 字迪善，廬陵人。洪武末任訓導。恭謹篤實，勤於啟誨。

朱徽 字文徽，新城人。宣德初訓導。有文學，善書。頂修邑志。

吳經 字天常，海陽人。弘治中以舉人任訓導。勤於誨人，多所造就。

潘祥 字元貞，南海人。弘治中以舉人任訓導。重默有守，可以矯俗。博學多能，可以淑士。士感

慕之。

王謙光 會同人。萬曆中任訓導。稟性寬平，綽有古風。

### 泰寧縣

#### 五代歸化鎮

#### 鎮將

鄒勇夫 勇夫，固始人。隨王潮入閩。審知王閩，勇夫爲僕射，與審知陳說大義，勸其奉梁正朔。時南唐有吞閩之意，歸化鎮適當要衝，審知遣勇夫鎮遏之。至，則藁蕪亘野，煙火僅百家，勇夫招集流亡，葺理宅舍，民襁負至。五代干戈相尋，是邑獨不被兵。人物蕃阜，田野墾闢，勇夫之力也。子相因家焉。

#### 宋

知縣事、丞、主簿、尉各一員，監稅務一員。

呂贊 贊，藍田人，大防之父也。治尚簡靜，政不繁苛。

陳師立 范振

右紹興中任。

黃琮 見莆田縣紳。

章元振 見永安縣紳。

周居權 居權知泰寧，俗生子不舉者，爲文勸戒之，民多感從。

姚遇

林育 育沉靜寡慾，政績有聲。

吳達見崇安縉紳。 徐壽見建安縉紳。

吳昇 昇用儒術飭吏事。

趙時鎔見宗室。

江鈿 鈿知泰寧，時值寇亂，率兵討平之。

江燧見崇安縉紳。 鄭振甫

右紹定中任。

師顯行

余炳 炳，紹興人。初爲建寧尉，歲己丑汀寇壓境，令佐皆宵遁，炳獨護縣事，親率士卒，首挫賊鋒，用能繫一邑遺黎之望以待王師。後以功進秩知本縣。

右淳祐中任。

丞、簿、尉賢者附後

謝綽中 紹興中任簿。見政和縉紳。

趙良淳 字景程，汝愚曾孫。從雙峰饒魯學，知立身大節。咸淳中以薦爲泰寧主簿。耻事下謁，浮沉冗官二十餘年，咸淳末改安吉州。凡固城，良淳力守。兵潰，奮筆書几曰：「寧爲宋朝鬼，莫作虜廷臣。」投繯而死。

元

達魯花赤、縣尹、主簿、縣尉、典史各一員，儒學教諭一員，商稅務務使、副使、僧錄司都綱、道錄司

威儀各一員。

張理 理字仲純，清江人。少刻勵讀書，長從杜本於武夷。舉茂材異等，授泰寧儒學教諭，勉齋書院山長。進福建儒學提舉。有《易象圖說》，貢師泰序其書以傳。

皇朝

知縣、縣丞、主簿、典史各一員，儒學教諭一員，訓導二員，陰陽學訓術、醫學訓科、僧會司僧會各一員。

知縣

陳搆 搆，金谿人。蒞任時，承兵亂之餘，披荆蕪，集流散，興學校，課農桑，鋤強暴，不期年百廢具舉。

步能 何天

衢□定<sup>(五)</sup> 定字伯安，高昌人。尚行實，敦風化，作士氣。凡公署、學倉、壇壝，多所修建。親課阡陌，野無曠土。力去軍屯之擾，遷廣德同知。致仕歸，過泰寧，父老遮道挽留，順樂山水，因家焉。其歿也，邑民爲營葬。

陳若虛 王允茂 龔才善 劉仲實 張仲達

王可宗 可宗，溧陽人。莊重廉介，均賦薄斂，得爲政之體。

右洪武中任。

萬文昭 于壽實 吳志盛

張淵 淵，華亭人。倜儻廉潔，勤於撫字。邑自元末以來，學宮廢弛，淵銳意作興，多所造就。民有訟者，從容開諭，使其自息。

夏時敏 金鼎

周英 英字子傑，合浦人。愛民訓士，政尚寬平。

右永樂中任。

張泉

右洪熙中任。

王定

右宣德中任

陳大倫 洪鏞

右正統中任。

顧珣 袁景

右景泰中任

張恒 胡玻

右天順中任。

侯驥

徐琛 琛，吳江人。廉謹慈惠，克修簠簋。

邵正

范瀚 瀚，鄞縣人。縣監生任。時稱其有才幹。

陳瑞

奚銘 銘，宛平人。以進士歷御史，左遷來縣，治尚簡靜。

右成化中任。

夏彝 呂瓚 李南 梁德宏 瞿鵬

右弘治中任。

汪集 李成 沈文源

戴啤 啤，番禺人。縣舉人。崇教清獄，申免雜徭，民賴之至今。

右正德中任。

朱珪

鄭時舉 時舉，新會人。省各官薪水之夫，免里甲供辦之費，繕治橋道，不勞民力。

許仕經 裴建 汪志英 陸奎章 汪汝德 陳學可

陳學乾 學乾，揭陽人。縣舉人。勤於撫字。歸篋，圖書而已。

陳大就

熊早 早，豐城人。縣舉人。明敏清勤，以艱當去，泰適被兵當道，奪情調度，民賴以安。

劉澤

熊鶚 鶚，南昌人。繇舉人任。不事煩苛，有建城功。

謝恩

右嘉靖中任。

黃夢龍 夢龍，番禺人。繇舉人任。長才有雅操，竟十月人覲。以艱歸。

魏存仁 江文武

右隆慶中任。

李椿 馬天鎔

劉鍾 鍾，南海人。繇舉人任。扶弱惜窶，然矯枉或過，坐得罪提問，泰民走訴於朝，得復官。

李九標 萬廷相 楊夢玄 丘鴻漸 譚公佐 包斌

譚際可 際可，仁化人。繇貢士。却餽肅吏，愛民如乳哺。

滕養志 養志，溧阳人。繇舉人任。邑中盜賊圖賴屏跡，積逋盡輸。創修二橋，爲泰永利。

錢吾德 吾德，嘉善人。繇舉人任。夙負聲詞場，吏畏民安。

吳楨 童大成 胡維翰 方一敬 吳伯升

右萬曆中任。

教職賢者附後

何恕 南城人。宣德中以舉人任教諭。教法嚴明，勤於訓誨，士心悅服。

李卓 泰和人。正統中以儒士任教諭。講解詳明，訓誨勤篤。卒官，士友哀慕之。

朱瑛 鎮海衛人。萬曆中以舉人任教諭。樂易坦夷，不右奸徒，而左諸生，人爭思之。官至運同。魏鳴朝 龍巖人。萬曆中以舉人任教諭。敷教以寬稱，近時賢師之最。

彭文貞 洪武中訓導。見沙縣。

王義 字大節，臨川人。父學敏，第永樂間進士，拜監察御史，忤權臣，謫戍遼東，卒。義奔途扶輓歸葬，以孝行聞。成化中繇貢授邑訓導。每日正衣冠坐齋中，隨諸生材質高下授之學。講經至有要義，必懇懇爲言，欲其體諸身而見於行，不徒爲科舉之舉而已也。會副都御史滕昭來閩察吏，先遣人歷郡邑密訪其人，因而索賂。義不之禮，遂入謗坐黜。諸生嘆泣不已，義處之泰然。

建寧縣

五代黃連鎮

鎮將

謝望 謝彥斌望子。俱見本縣弁輪。

梁

章闡 與兄纂、弟叡並知名。爲建寧縣。平生仕宦得俸百餘萬，悉委伯父處分。鄉里宗事之。位通直郎。

唐

陳巖見君長

宋

知縣事、丞、主簿、尉各一員，西安巡檢司巡檢一員。

知縣事

葛佑

右天聖中任。

王永壽 永壽爲縣，有能聲。

右皇祐中任。

李山甫 山甫，南城人。遷建學校，擇士充弟子員，勸督之，儒風以盛。

右嘉祐中任。

王述

右治平中任。

高正卿 正卿，高密人。有治才。

右元豐中任。

謝潛 見長汀縉紳。

張達觀 見寧化縉紳。

吳播 見南平縉紳。

黃唐祐 唐祐，江夏人。時方衰亂，撫摩鎮定，邑民按堵。嘗創建廟學。

右紹興中任。

林宗顯 見長樂縉紳。

右乾道中任。

江默見崇安縉紳。

趙師棠 師棠，汴人。首闢學宮，市民地以益之，後守漢陽。

趙時館見宗室。

右慶元中任。

錢衢 衢字守道，錢塘人。以敬事神，以誠蒞民，增修學校，士風不振。後陞守郴州。

鄭繼道

右開禧中任。

林孝聞見崇清縉紳。

趙時侑 丘鱗見連城縉紳。

右嘉定中任。

孫巨源

右寶慶中任。

趙紡夫見宗室。

右紹定中任。

祝沂 吳七德

右嘉熙中任。

林公珙見福清縉紳。

廖邦傑見順昌縉紳。

連端愨 林俊

右淳祐中任。

林經德 林潮係見閩縣縉紳。

右寶祐中任。

馬世穎 宋秉孫見建安縉紳。 林大博

右景定中任。

程夢桂 見建安縉紳。 陳炤

右咸淳中任。

丞、簿、尉賢者附後

上官拯 至和中任丞。 見邵武縉紳。

謝公旦 紹定中任丞。 見福建轉運司。

段震午 字能可，漢陽人。淳祐中任丞。振舉廢滯，遺愛在民，亦以文學稱。

章公弼 餘干人。紹聖初舉進士，授邑簿。聞朝廷廢劉摯、范純仁，託疾不起。母丁母憂，廬墓三

年。宣和間爲禮部侍郎，以疾歸。

陳雲 開禧中任簿。 見崇安縉紳。

余炳 紹定中任尉。 見泰寧文苑。

洪天驥 淳祐中任尉。 見泉州縉紳。

趙繹夫 〔 〕中任尉。〔六〕見宗室。

陳王度 □□中任尉。(七)剛介嫉吏。

熊源 □□中任尉。(八)

張榮國 □□中任尉。(九)以文章課士。

洪振龍 景泰中任尉。見陶縣縉紳。

元

達魯花赤、縣尹、主簿、縣尉、典史各一員，儒學教諭一員，西安寨巡檢、商稅務務使、副使、僧錄司都綱、道錄司威儀各一員。

縣尹

朱文霆 至治中任。見莆田縉紳。

吳楚 至元中任尹。見浦城文苑。

徐賜 任西安巡檢。見順昌關柝。

皇朝

知縣、縣丞、主簿、典史各一員，儒學教諭一員，訓導一員，西安巡檢司巡檢一員，陰陽學訓術、醫學訓科、僧會司僧會各一員。

知縣

程思道 董煥

李協中 協中，臨潁人。撫字有方，斷決明敏，庭無留訟，人不敢欺。

畢原 原，江浦人。敬神愛民，甚得政體。

崔仕昭 仕昭爲政有聲。

胡日新 楊廷佐 蕭道昭 彭日新 劉宗貴 王思禮

右洪武中任。

趙伯閏

劉士傑 士傑，蒲縣人。一口濱州。均賦愛民，剛毅廉介，無所阿附。

劉進 進，青邑人。一口靖海。興學勸農，尚廉耻，不任刑罰。

郭仲璉

右永樂中任。

溫恭

右宣德中任。

傅礪 礪，錢塘人。清廉能幹，人不敢輕至其門。

龔儀 呂泰 齊原銘

汪榮 榮，歙人。沙寇殘毀治邑，民亦有從賊者，榮撫綏復業。

右正統中任。

金瑄 瑄，山陰人。清心寡慾，政績著聞。

右景泰中任。

周忠

右天順中任。

林儉

謝雍 雍，揭陽人。繇舉人。廉能有爲，吏民憚服。

費琦 方崇

右成化中任。

馬昇 昇，延平府同知。

陳質 李橫 李雍

右弘治中任

吳盈

楊修 修，無錫人。以舉人任。時遭寇亂，撫集離散，民稍復業。一載以憂去。

周選 周必復

右正德中任。

王心

江一桂 一桂，婺源人。以舉人任。制黠胥，剷秕政，構書院，置學田，有師帥父母之稱。民建祠，以

與宋令趙紡夫並祀。終廣西副使。

吳彥良 梁隨 朱良訓

何孟倫 孟倫，新會人。以進士任。清屯軍，均丁糧，置學田以贍貧儒，時彙考以造士類。建名宦鄉

賢祠引泮池西人之水，以杜火災。改巡司以防盜賊。禁墟市假借抑勒，一蔬一菜，價值毫不侵民。終南部主事。

童珂

趙銳 銳，桐城人。以舉人任。時邵武令欲移夫征於本邑，銳爭之得止。

孫大學 吳金 查天民 皮志文

右嘉靖中任。

應乾

右隆慶中任。

關玉成 梁英

梁應球 應球，番禺人。以舉人任。才超識敏，洞灼奸蠹，能使人，威重於大府。

葛繼宋

郭有春 有春，南昌人。以舉人任。愷悌公廉，恤民愛士，以不善事上官去。邑人作遺愛祠，合祀四賢令，曰馬昇，曰江一桂，曰何孟倫，而一有春也。

張功庭

宋九儀 九儀，萬載人。繇選貢任。搜除盜賊，萑苻屏息。

葉夢熊 倪壯猷 區元望 華士蟬 項應瑞 王良臣 丘生亮 胡士龍

右萬曆中任。

丞、尉、教官賢者附後

范錦 烏程人。繇監生丞縣。耿介廉明，以不阿忤當道，拂衣歸。

傅恭 分宜人。正統中簿。宅心溫厚，勤於職業。沙寇犯境，民多被脅從，丞史皆遁去，恭獨挺身率民兵悉力保障，以利害反覆諭民，民鮮從亂者。

丁暹 涇縣人。景泰中簿。老成多識，剛果有爲，植善抑強，修廢舉墜，滿考致仕。

馬驥 溧陽人。洪武中邑諭。有文行。

張惟康 洪武中邑諭。見晉江縉紳。

丁瑄東 歸善人。洪武中邑諭。善教嚴規。

陳激衷 字元成，南海人。嘉靖中以舉人任教諭。首以「弟子人則孝」一章開諭諸士。朔望習冠、射二禮，束修餽遺皆却不受，倚御聶豹聘爲五經書院長。平生行不疾趨，立不跛倚，目不旁視，口不談是非，無疾言遽色，愛好人倫，自甘貧賤。尤精音律，截竹削桐，皆能成聲，雅歌若出金石。還國子助教。

朱甫 崇德人。嘉靖中任教諭。方正不阿。邑掾有於衙齋睥睨者，縛之廡楹，人爲肅然。

沈大禮 秀水人。嘉靖中任教諭。律己端方，喜怒不形。陞荊州府教諭。

楊廷器 萬曆中任邑教諭。見寧化。

浦照 嘉興人。萬曆中任教諭。愛上疏財，不立城府。去之日，諸生攀送，依依不舍。

黃煜 黃陂人。洪武中任邑訓導。有學行。

李菑 新城人。洪武中任教諭。勤於教誨，稱良師儒。

趙輔 樂平人。景泰中邑諭。善於誘掖，士樂從之。

許繕 臨清州人。嘉靖中任巡檢。慷慨好義，有膽力。二十年，汀寇剽掠黑原保，繕夜半聞警，進披其鋒，追至境外之塘坊。賊伏猝起，從兵皆遁，繕陷潭中死之。賊解其屍，懸於林木，民哀而祀之。

## 漳州府

### 唐漳浦郡

刺史一員，別駕一員，司馬一員，錄事參軍一員，錄事一員，司倉參軍事一員，司戶參軍事一員，司田參軍事一員，司法參軍事一員，參軍事二員，文學一員，醫學博士一員。

### 刺史

柳少安 少安以秋官員外郎出知。精天文地理，謂龍溪可建州治，自少安發之。徵赴司勳。右建中中任。

韓泰 泰字安平。初爲戶部郎中，以附王叔文，貶虔州司馬。歷漳刺史，悉心爲治，官吏懲懼，百姓安寧。韓文公刺潮之日，界壤相接，見泰政事，自謂不如。及刺袁，舉以自代。

李之行 之行唐宗室。歐陽詹《送楊據往謁》稱之行「天枝之英，金鏡之明，盛物之量，秤物之衡」，人可知也。

張登 登性剛潔介特。始以巾褐就辟，歷衛佐、廷尉、平監察御史，改河南府士曹掾，遷殿中侍御史、漳州刺史。居七年，坐公累受劾，吏議侵誣，感疾卒。登長於小賦，氣宏而密，間不容髮，有織成隱起結綵

蹙金之狀。權德輿序其文，以公幹、景陽比之。

右貞元中任。

陸員外佚其名。

員外赴郡，郎士元送以詩，有「含香臺上栢，剖竹海邊州。今朝永嘉路，重見謝公

游」之句。

張九佚其名。

九赴郡時，顧況贈以詩，有「促膝墜簪珥，闌幌夏琳球。短題自茲簡，華篇詎能酬」之

句。

呂某佚其名。

某與白居易游，其刺漳也，居易作詩送之。

右元和中任。

林簡言兄福清縉紳。

張怡 怡爲郡，李群玉贈之詩，有「井田異政光蠻竹，符節深恩隔瘴雲。已見嘉祥生北戶，嘗嫌夷貊

蠹南薰」之句。

右大中中任。

王諷 諷自吏部侍郎謫守郡。到州二日，訪大師義中於三平山中，談禪論《易》，深相印可。

崔袞 袞爲刺史，有麻衣黎瓘者，南海狂士也，來過漳，袞禮遇之。瓘頻於席上喧酗，爲押衙王嗣所

惡。鄉飲之日，諸賓悉赴客司，獨不召瓘，瓘作《翻韻詩》贈崔，使君坐中皆大笑，崔使馳騎逐之。其詩

曰：「慣向溪邊折楊柳，因循行客到州漳。無端偶觸王衙押，不得今朝看飲鄉。」讀瓘詩，亦見袞之容人禮

士也。其後秩滿迢還，道逢張瓘，瓘贈之詩，有「在郡多殊稱」之句。

黃碣見閩縣弁翰。

右咸通中任。

南唐

刺史

張清溪

董思安 思安身長九尺，勇冠一時。朱文進殺閩主曦而篡之，署其黨黃紹頗爲泉州刺史，時審知子延政亦僭號建州，思安因與留從効、王忠順合謀興復，王昏殺紹頗，立延政從子繼勳爲刺史。其後，南唐兵攻建州，思安與忠順領兵赴難，戰數不利。或說二人以去就計，思安曰：「吾輩世爲王氏臣，危而去之，天下有容我者乎？」衆感其言，無有叛者。城陷，忠順力戰死之，思安全衆奔歸泉州。後南唐以爲漳州刺史，從効弟從願爲副使，酖殺思安，自領州事。

宋 漳州

知州事、通判軍州事、軍事判官、軍事推官各一員，諸曹官錄事參軍、司理參軍、司戶參軍、司法參軍各一員，州學教授一員，本州武官兵馬都監一員，兵馬監押二員，監都稅務一員。

知州事

陳文顥附見君長志。

劉援 于翊

右太平興國中任。

張徹

右雍熙中任。

邵某

右至道中任。

司空坦 石某

右咸平中任。

王言徹見晉江縉紳。

右景德中任。

召成範 舒雄 王冕 劉有方

右大中祥符中任。

劉滋 吳耀卿

右天禧中任。

劉起

右乾興中任。

章迪 劉有政 林休復

右天聖中任。

陳永錫 方慎從見莆田縉紳。

右明道中任。

劉適

右景祐中任。

丁誦

右康定中任。

蕭裡 凌景陽見仙游尉。

右慶曆中任。

方慎從復任。 杜彬 章柬之。

右皇祐中任。

許巽見興化縉紳。 向綜 鄭偕 葛閱 陳侁

右嘉祐中任。

郭永

右治平中任。

臧論道 宋宜見同安縉紳。 許當見晉江縉紳。 馬淵 鄭蒨

右熙寧中任。

陳洌 黃稹

右元豐中任。

楊孝孺 魯孝綽見晉江縉紳。 蔡立 范峒

右元祐中任。

徐師貢 楊嘉言

右紹聖中任。

王譔 王嘉言 陳次升見興化縉紳。

右崇寧中任。

方穀 陳知先

右大觀中任。

江準 宋觀 李院

右政和中任。

陳顯仁 胡惕見惠安縉紳。 李康 方翼 余潤

右宣和中任。

陳公格

綦密禮 密禮字叔厚，北海人。以徽猷閣直學士知。屬有巨寇起建州，聲撼鄰境，密禮牧民御衆，一如常日，訖以無事。爲人篤意經術，博覽強記，直道自任，才高氣剛。仕終寶文直學士、知紹興府。卒，進爵高密侯。

右建炎中任。

黎確 吳次賓 王辟章 陳國瑞 馬騭 廖剛見延平縉紳。 胡銓見建寧文苑。 李彌遜見連江裔派。

韓品 李莊 張成大

劉才邵 才邵字美中，廬陵人。中宏詞科。親老，居閑十年。廖剛薦之，累遷中書舍人兼權直學士院。紹興十六年，爲時宰所忌，出知漳州。建郡，治道院城東，鑿渠十有四，爲閘與陡門以瀦以泄，灌田數千頃。仕至權吏部尚書，加顯謨閣直學士。才邵氣和貌恭，方權臣用事之日，雍容遜避，以保名節。所著《槧溪居士集》行世。

王謨 鄧邦寧見邵武縉紳。

溫革 陸渙 趙叔潒 陳康 侯趙 逢汝舟 王晞亮見莆田縉紳。

右紹興中任。

林孝澤見莆田縉紳。

右隆興中任。

黃瑀見閩縣縉紳。 趙不溢 高禹 劉度

何侑 侑字德器，龍泉人。以大理寺丞出知。嘗謂：官無閑劇，要以公勤廉正爲主。人仕二十餘年，多著蹟。用嘗作《天爵銘》、《吏治戒》并《歎習》一篇，皆中薄俗之病。

陳俊卿見莆田縉紳。

右乾道中任。

劉敏求見晉江縉紳。 趙公綱見宗室。 林椿 劉敦義 陳仲諤 何萬

黃啟宗 啟宗以朝請郎知。清廉律己，撫字有勞。秩滿，詔書嘉勞，除秘閣修撰使。再任，續除廣南東路提舉。

林元伸 傅伯壽見晉江縉紳 王晞亮復任。

右淳熙中任。

朱熹見建陽縉紳 鄧驛見沙縣縉紳 陳守

右紹熙中任。

趙伯遇見宗室 傅伯成 陳樸並見晉江縉紳。

右慶元中任。

方銓 俞亨宗見大田縉紳。

右嘉宗中任。

毛密 林行知

右開禧中任。

薛揚祖 錢密 趙汝謙見宗室 莊夏見永春縉紳 胡資

張聲道 聲道鋤治奸胥，聽訟無時，至輒審遣。

葉元汴 傅壘見晉江縉紳。

鄭昉 昉至，建新郡學。

危積 積字逢吉，臨川人。登進士。博極群書，洪邁稱其文踔厲雅健。宗伯倪思薦之曰：「得此一士，可以報國。」累屯田司郎官。上言國家治亂之故，忤用事者，出知漳州。漳俗親死不葬，往往攢寄僧刹。積營高燥地爲義塚，三約期責之葬其無主名。若有主名而力弗給者，官爲葬之。郡西北隅臨漳臺，

可煩一州之勝，積作龍江書院，橫經講說，士類歆動。經總制無名錢，雖經前守趙汝諧奏去五之二，民尚以爲厲，積悉疏罷之。

右嘉定中任。

方淙 淙增闢貢院。

右寶慶中任。

趙伯駿

江模 模築州石城。

李勳 見建安縉紳。

右紹定中任。

趙以夫 見宗室。

鄭寅 見永福縉紳。

劉克莊 見莆田縉紳。

右端平中任。

李韶 見連江縉紳。

張燁 張作李。

徐栗

右嘉熙中任。

黃朴

方來 來字齊英，永嘉人。累官權兵部侍郎，以親老乞外。知漳州，行鄉飲禮，闢南街，置東西備安

庫，建道源堂，祀朱文公，以北溪陳淳配。景定初，除寶章閣待制。

王僕

章大任 大任，金華人。興利除害，知無不爲，崇重學校，獎勵諸生。

劉克莊再任。

右淳祐中任。

方應發見莆田縉紳。 文及翁

右咸淳中任。

通判軍州事

李幹 劉亦 林杞

右慶曆中任。

李平 王浹

右皇祐中任。

鄭惇仁

右至和中任。

劉勳 李之翰

右嘉祐中任。

張知常 安保衡

右治平中任。

鄭蒨 石選 張知古 張植 石百能 柯述見南安縉紳。

李宣叔 宣叔倅州，王安石送之詩，有「君能喜節行，文藝又該博。超然萬里去，識者爲不樂」之句。

右熙寧中任。

蘇子元 俞括 楊注

右元豐中任。

鄧甯見沙縣縉紳。 陳粹 許長卿

右元祐中任。

周明之 方穀

右紹聖中任。

周兌

右元符中任。

石亞

右建中靖國中任。

朱寔見興化縉紳。

右崇寧中任。

黃因

右大觀中任。

華鎮 陳高 林元定

右政和中任。

陳驥 蔡亢 黃琮見莆田縣紳。

右宣和中任。

林卽

右靖康中任。

顧端禮

右建炎中任。

李長民 顧丙 趙不棄 梅充實 宗庠 趙恂 高棐 吳昭 侯文仲 林安宅 方暘 趙勛之

朱定國 蘇文瓘 辛敦 傅自強 李閔之

右紹興中任。

趙不敵見宗室。

右隆興中任。

陳文中 余邦式 趙伯琛 朱麟

右乾道中任。

陳嶧 孟鑄 祝鏐 趙蘊 李訖見晉江僑寓。 陳仲珪 陳芷

右淳熙中任。

高伉 朱曾 黃巖卿

右紹熙中任。

丘微之 陸侃 方壽曾

右慶元中任。

劉渠 留筠

右嘉泰中任。

張大任

右開禧中任。

林寅

黃之傳

林潛

謝斐伯

陳瑩

董履道

董一作黃

鄭渙

渙任郡判，代去，父老攀留，解佩以別。今郡中有留珮亭。

曾治鳳 見晉江續紳。

許經

右嘉定中任。

黃官

右寶慶中任。

王必正 見尤溪續紳。

鄭棐

林有宗

錢相

郭子力

見仙游續紳。

右紹定中任。

頂博文

陳夢章

右端平中任。

沈昌言 趙彥巖

右嘉熙中任。

謝溥 湛籲 皇甫鑑 薛季良 黃堅叟 王震定 卓得慶見莆田縉紳。

右淳祐中任。

添差通判軍州事

鄭璵

右紹興中任。

石起宗見泉州縉紳。 趙不龐 趙伯瑱

右淳熙中任

張斗南

右慶元中任。

趙師懿

右開禧中任。

方灼 方淙

右嘉定中任。

楊垓仲

右寶慶中任。

王萬

右紹定中任。

王邁

右端平中任。

臧元曾 薛嶸

右嘉熙中任。

鄭涇甫 徐明叔 王南一 見同安縉紳。

右淳祐中任。

### 軍事判官

謝徽 見晉江縉紳。

右祥符中任。

蔡襄 見仙游縉紳。

右天聖中任。

王世衡 李珏 何致遠 黃景淵 葉觀 蔣介卿 趙彥邁 陳愿 吳澄 郎凱 趙善燧 陳乘之

吳良顯 周武孫 趙汝琇 陳夢昇 趙必逮 趙希融

右年任無考。

### 軍事推官

王渥 張世賢 葉瑞 游玠 吳昺 余伯寬 黃大中 蕭舜咨 何圭 林宜季 黃桂 張翀 湯  
諶 趙與蕃 鄭縝 趙涇夫 薛易年 方東起 陳雲老 朱承祖 趙希文 高濤 游清夫 趙必洪  
陳豹孫

右年任無考。

彭汝礪 汝礪字器資，鄱陽人。治平二年舉進士第一。歷漳州軍事推官。有能名。王安石見其所  
著詩義，薦補國子直講。

右熙寧中任。

參軍、教官賢者附後

錄事參軍林枏，□□中任。(一〇) 黃鍾，乾道中任。並見莆田縉紳。 趙師慮見宗室。

司理參軍趙善綽。見宗室。 方杰，□□中任。(一一)見莆田縉紳。 陸夢立，咸淳中任。見本縣縉紳。

司戶參軍蔡次傳 寶慶中任。見晉江縉紳。

司法參軍趙偕夫 嘉定中任。見宗室。

工曹陳可大 政和中任。見仙游縉紳。

郡教授陳知柔，□□中任。(一二)見永春縉紳。 劉洵直，紹興中任。見莆田縉紳。 葉儀鳳，紹興中任，

復州學侵田。 敖陶孫，嘉定中任。見福清縉紳。 陳光大，淳祐中任，復學侵地。 趙崇玘，淳祐中任。  
見宗室。

元總官府

達魯花赤、總管、同知、判官、推官各一員，經歷司經歷、知事、提控案牘、照磨兼承發架閣、錄事司、達魯花赤錄事、判官、典史、本路儒學教授、學正、學錄、蒙古教授、書院山長、醫學教授、陰陽教授各一員，司獄司司獄及丞、府倉大使、副使、雜造局大使、副使各一員，惠民藥局提領一員，稅務提領、大使、副使各一員。

要忽難 至元中爲達魯花赤。築漳城，漳人賴保障。

金瑛 至元初爲總管。淳厚廉勤，吏不敢欺，在任百廢俱舉。

張泉逸 延祐間總管。寬以恤民，嚴以馭吏，作興學校，漳人翕化。

鄒伯顏 至元中判官。見崇安文蒞。

烏古孫良楨 至治中推官。見延平判官。

羅良 至正中總管。見汀州弁翰。

陳君用 至元中同知。見漳浦弁翰。

迭里彌實 西域人，字子初，合魯溫，蓋其氏也。少以良家子宿衛，忠勤畏慎，爲衆所推。及長，屢欲薦用之，輒以母老辭。母沒服除，年已四十矣，猶杜門無仕進意。東宮素知其賢，命中書奏官之，擢浙江行省宣政院崇教，累轉奉議大夫、福建行省理問與平章政事。燕赤不花同赴任，時巨盜據省治，不得入。迭里彌實爲平章畫策，募民兵環攻之，盜出戰，輒敗。度其勢蹙，撤城東圍，使得奔。盜競出，卽勒兵殲之，遂復省治。時至正二十二年也。尋轉漳州路，達魯花赤屬兵燹之餘，撫凋瘵，繩豪獮，詢庶政之利病而興革之。皇朝洪武元年，天兵下閩諸郡，守臣相率迎王師，迭里彌實嘆曰：「吾有死而已！」俄報招

諭使者至，吏白當郊迎，送理彌實曰：「第往，吾出矣！」朝服焚香，北面再拜曰：「臣四十始仕，不數年致位二千石，國恩厚已！今力不能禦，義不忍降，惟以死報！」遂引斧斫印，刺血書笏曰「太元臣子」，就坐拔佩刀自刎。既死，猶按膝據坐，挺然如生。民間送理彌實死，走哭庭下，其聲振地，共斂葬之東門外。高皇帝方崇獎忠節之士，廟余闕安慶，而送理彌實之死，有司不以聞，故褒贈不及。建文初，戶部尚書夏原吉始刻石以表其墓。成化己丑春，何喬新復命修之，作祠曰表忠。

〔校記〕

〔一〕「光澤縣 泰寧縣 建寧縣」九字，各本原脫，據本書體例補。

〔二〕「邵武縣」三字，各本原脫，據本書體例補。

〔三〕「禍福」，各本原作「禍禍」，據文義改。

〔四〕「府」，疑作「肩」。

〔五〕「定」上，各本原闕一字。

〔六〕〔七〕〔八〕〔九〕「中任尉」上，各本原闕二字。

〔一〇〕〔一一〕〔一二〕「中任」上，各本原闕二字。

## 閩書卷之六十四

### 文蒞志

漳州府 龍溪縣 漳浦縣(一)

#### 皇朝

知府一員，同知二員，通判二員，正德五年添設捕盜通判一員，後革。推官一員，經歷司經歷、知事、照磨所照磨、檢校各一員，司獄司司獄一員，儒學教授一員，訓導四員，陰陽學正術、醫學正科、稅課司大使、雜造局大使、副使各一員，僧綱司都綱、道紀司都紀、常平倉大使、副使各一員，丹霞驛驛丞一員。

#### 知府

尹歸 歸，淮安人。洪武初同知邵武。廉謹公勤，吏民敬愛。陞漳州守。按尹歸，見《邵武志》。而漳志第載「君助」二字，註云「失其姓」，蓋「字聯書致傳說」。

潘琳 琳字師道，維揚人。以人才薦。自南昌改知郡，作新郡治，課農獎士，寬嚴當可，問學政事，中外推先。

#### 許榮

白壽 壽、嶧縣人。以監生擢。剛介廉平，治本簡要，修學校，增廣生員，文物一新。

徐恭 恭字克敬，永豐人。以賢良方正薦署五軍都督府，斷事推讞稱旨，擢知漳州。長於吏事，迎刃而解。龍巖縣叛賊魁黨皆已就戮，官軍繁累其男女三百餘人，送府請置獄，恭謂：「非不孥，意以聞。」詔釋之。龍溪縣赤嶺寺旁有毒氣中人，鄉人歲時賽神多致喧闐，恭率吏卒責神殃民狀，繫像擲江，翌日雷震，有巨蟒死焉，害遂絕。

胡添錫

王仲謙 仲謙知漳州，廉謹自持，崇獎士類，爲政有方，訟亦清簡。

錢古訓 古訓，餘姚人。洪武甲戌進士。以文章飭吏，表旌忠孝，激勵風俗，甚有聲稱。

李晟

右洪武中任。

薛某 葉亨

段文通 文通持身廉謹，有惠在民。境內祀典最加崇重。奏設南靖縣小溪、和溪、寒瀾三巡檢司，以

衛城社。

右宣德中任。

甘瑛 見邵武知府。

李春 春興學愛民，百廢具舉。

右正統中任。

馬嗣宗

謝騫 騫，當塗人。正統乙丑進士，歷監察御史，政尚嚴明。月港、海滄諸處居民多貨番，日善盜，竊編甲置總，聯屬人戶，約五日齋牌赴府點驗，近海遠式大船悉令毀之，度可五尺、六尺，烙以官印，許朝出暮歸，不歸者甲總以告，不告連坐之，一時盜息民安。

右景泰中任。

周天民 童信童一作薰。

右天順中任。

潘本愚 見興化知府。

王文 文，潞州人。以舉人任。行不飾詐，廉不沽名，郡人陰受其福。

張瓚 瓚字德潤，番禺人。天順丁丑進士。成化十年知郡，庭有大烏集樹，舉首丈餘，人以爲異。瓚引弓射中之。是年秋，山水大發，人民漂溺，瓚具船張筏，多方救援，先發賑賑濟，而後上聞，遂奏減六縣租。又以漳士專業《易》，延莆田鄭思亨授以《尚書》，後多成就。上民立《去思碑》。子詡，最知名。

姜諒 諒字用貞，嘉興人。天順甲申進士。以南刑部出知。值歲歉，海盜蜂起，發賑賑乏，招賊黨數十人，其弗率者，簡練丁壯，授以方略，擒其魁，餘黨悉散。築堤捍潮，濬塘置倉，以備旱溢。禁佛齋，作義塚，立鄉約，建祠祀。高東溪、陳北溪爲文以表達監郡之忠義。顧都司之保障，出榜文數十條，勸諭範防。張御史稷按閩，報命考諒，有「盜化民安」語。大學士李東陽問稷曰：「化，易言哉？」稷曰：「漳人有某某者，家爲盜，姜守撫諭之，遂感化，某有所試之也。」成化甲辰覲歸，乞終養。漳民懇請，不赴。弘治辛

亥，漳守關耆老數輩請之朝，庚申又請，皆不果赴。家居廿年，白處嚴甚，齒德並尊，屹然鄉望。謝文肅鐸與善，稱其廉介之節，終始一致。

劉瀚 瀚，吳江人。天順丁丑進士，愛民禮士，廉以律己，嚴以馭吏。

鄭文 文字載道，南海人。成化丙戌進士。歷監察御史，覈帑通州，劾戚畹培剋，謫黃巖令。擢淮安同知，丁艱，起知大名，改漳州。居官廉明剛果，吏胥無所用奸。民多通夷，緣而劫掠，文嚴禁之，鮮敢犯者。卒官。

右成化中任。

汪鳳 鳳字天瑞，弋陽人。成化乙未進士。知漳州，時境內盜起，鳳不過家赴任，引兵蹙之。在官數年，恪恭祀事，誘迪生徒。訟不決者，命耆老雜議，必盡其情。有以事不見直，誣奏及守，復下郡理，鳳殊無辭齡，平心折之。擢貴州左參政，未任，卒。鳳宏濶淳厚，爲文汪洋渾樸，尤知當代典故。四子僕、俊、偉、佃，皆登進士，而俊爲禮部尚書，佃見本省僉事。

彭桓 桓，吉水人。弘治庚戌進士，歷禮部郎。明敏嚴毅，人不敢犯。初下車，有豪爲民患，立置之死，物情欣快。修南橋，重學校，考課諸生，公平不爽。丁艱去，民懷之。

羅列 見梅建參政。

右弘治中任。

陳洪謨 洪謨字宗禹，武陵人。弘治丙辰進士，起家部郎。擢守漳時，年三十有七，郡人以自郎署出，又少年，頗易之，洪謨虚心諏訪，旬日間，得蠹民老吏二人，置之法，遂大驚服。郡有巨寇林廣周，負

海嘯聚，設策盡平之。取《呂氏鄉約》諭民，以止浮屠囂訟之風。廟學樂器久壞，求泗濱浮磬，請神樂觀知音羽士，選俊民百餘肄習，仍刻《大成樂譜》傳焉。適琉球使者過漳，聞而來觀，皆合掌捧歎。一日習儀開元寺，見寺後有朱文公祠，已敝壞，祠後有峰，僧廬其下，而額匾仍舊，爲芝山書院，遂逐僧出，祀文公其中，以陳北溪、黃勉齋、蔡九峰爲配。又遴選庠生數十人，延請莆田方伯周瑛，及其子會魁大謨，爲之師友。郡志自文公纂修之後，久未有續，并請周瑛修纂之。守漳之三年，海濱居民見有大鳥飛過，遺一尾水邊，長七八尺，五采炫煥，詫爲鳳毛，拾以獻，洪謨置庫中，略不爲異。後鎮守太監遣人來取，洪謨曰：「久焚矣。」赴部考察，大爲楊公一清、石公瑤所知，陞江西參政，仕至兵部左侍郎。

潘旦見邵武知府

鍾湘 湘字用秀，興國州人。弘治壬戌進士，以戶部歷郎中出知南靖。賊詹師富等聚衆劫掠，震動三省。朝命合殲之。臺官之長，奉檄督重兵屯漳，芻粟費日不下數百金，悍卒不可法御，湘區畫誓戒，率死士搗巢穴縛首惡，諸脅從者給牛粟遣之，賊皆感泣，不戰而巢遂空。海寇聞之，亦皆就降。復奏立平和縣爲久計。以靖寇功進階三品，食參政俸。歲饑，賑濟有方，活人數萬。忽嬰疾篤，庫有羨餘數千，署印僚欲割而私之。湘曰：「君以此污，吾九泉之下亦不相放！」悉籍之。擢廣東參政，未行，卒，漳人像祀焉。

右正德中任。

張鵬 鵬，洪雅人。弘治乙丑進士。以御史陞任。明敏英發，激奸振滯。撤新治堂，有靈石裂決，漲木千章，來會城下，漳人詫爲神相。在任年餘，以才見忌，暴病卒，人惜之。

詹瑩見福州府。

陸金 金，吳江人。正德丁丑進士，歷工部郎中。初至，計擒妖賊，人偉其功。後家居貧甚，足占守矣。

孫裕 裕，鄞人。嘉靖丙戌進士，以大理寺正出知。剛毅有爲，計擒劇寇。

顧四科 四科字齊賢。嘉靖壬辰進士。平易簡靜，桤楊不試，未嘗妄罰人一物。民有親戚相訟者，以理遣之。服毒圖賴者，重反坐禁。时有「七不肯，七不曾」之謠。

盧璧 璧字國賢，盱眙人。嘉靖戊戌進士。行鄉約，興祀典，修祠廟，續郡志，嚴明廉潔。雖盛暑，公座不廢衣冠，聽訟親自裁決，杜絕請囑，不避權貴。獎進孤寒，所取多名士。士大夫有行誼者，雖卑秩，事三倍恭。

李僑

曹三暘 三暘，宜興人。嘉靖甲辰進士。廉靜寬和，聽訟必本人情，推法意。值兵興後，清尺籍，革詭冒，實備固圉，四境帖然。歷刑部侍郎。

李光宸

桂嘉孝 嘉孝，成都人。以進士任。寬恕廉潔。饒寇犯郊，創守城器具，建敵樓，備夜宿，郡賴以全。擢閩浙鹽運使。

唐九德見福省副使。

右嘉靖中任。

葛綸 綸以進士任。誠朴剛方。在任一年，因事忤上官，託疾去，百姓思之。

羅青霄 青霄，忠州人。嘉靖壬戌進士。自兵部郎任。抗爽自喜，兩造當庭，剛果立斷。茸郡志，修文廟及朱文公祠，創天寶學田以贍士，築八卦樓郡城東，用發地勝。增建敵臺，作四門月城固守圉。以月港寇亂，因通販禁嚴，請當道弛之。軍餉故有額，自汪中丞加派丁四米八，民間重困，議徵減半，遂得爲例。又建議除客兵，練土著等一十八事，駁見之行。以挂議致仕去。

右隆慶中任。

劉志業 陸從平 曹銑 周鐸

李載陽 載陽，蘄州人。萬曆丁丑進士。以南御史來守郡。精敏強幹，吏民畏服。加意學校，請復科舉舊額。郡中饑，勸糴有法。浙兵夜譁，廉渠魁，置之法，餘悉警服。

李日文 楊維嶽 韓擢 方學龍 閔夢得 袁業泗  
右萬曆中任。

同知

侯淵

劉夢從 夢從，南昌人。從高皇帝起義兵有功，官同知漳州。歸田麻城，遂爲麻城人。莊襄、天和，其後裔。

梁玉 玉，監利人。以賢良方正任。廉介勤勞，用征倭勞疾卒，貧不能歸，龍溪尹劉孟雍葬之名第山，寓籍焉。

右洪武中任。

夏振 振，南昌人。重厚廉明，士民愛慕。

右永樂中任。

金勉 王琰 李恕 張堦 閻鰲 傅佐 章俊

胡珉 珉，廬州人。忠厚老成，立政清簡

右正統中任。

蔣濬 濬字希舜，新會人。正統甲子鄉薦。積學能文，慈祥愷悌，學士丘濬亟稱之。成化初，知晉江，明清勤慎，政務利民。獄非重犯，悉縱遣之。以其鄉穀種予民，教之播耕，民名稻曰「蔣家稻」。秩滿遷郡同知，蒞政如爲縣時。

吳黼 黼，華亭人。以進士任。廉而有爲，愛民禮士。

何璧光

右成化中任。

謝珪 張翻 馮逾 汪中

右弘治中任。

許肅

程寬 寬字栗夫，歙人。領鄉薦，歷知四縣，皆有治聲。遷建寧府通判，部使者察其寬廉，檄主海口鹽政，期年國課贏衍。有大家相構作亂，寬畫方略，討平之。改本府同知，清儉無擾，以忤逆瑾歸。

鍾芳 芳字仲寶，瓊山人。正德戊辰進士。以翰林編修改寧國推官，遷本郡同知。學博而精，教民勸士，折節爲恭讓。官至戶部侍郎。

#### 上官崇

陳昊賢 昊賢字乾及，番禺人。弘治鄉薦。以臨江判，擢郡同知。宸濠稱亂，徵兵協討。上官徽、昊賢行，襁負就道，人皆壯之。

右正德中任。

徐倫 張遠 謝絃 楊麟 閔日

包梧 梧字于水，鄞人。嘉靖壬午鄉薦。設奇釣致，捕繫瀕海盜，不遺餘力，百姓畏之，號曰包虎。爲文奇詭雄俊，自成一家，有《白庄集》。

龍遂 遂，永新人。嘉靖乙未進士。選刑科給事中，因忤分宜相，外謫稍遷漳貳守。端方耿介，以廉吏聞。

#### 劉志學

許鑰 鑰，錢塘人。嘉靖辛丑進士。篤實愷悌，刻醫書以濟民。

吳邦寧 張牧

劉宗寅 宗寅，萬安人。溫恭練達，署府縣皆以操持見稱。奉檄按八郡賦，弊革事舉，陞武定知府。鄒士元 士元，徐聞人。以監生任本府推官。才識明爽，幹辦勤勞，撫處月港頑民，會勦饒寇張璉，皆有功，陞任海防。本府添設海防同知，自士元始。歷本省鹽運司同知，領管海防，以才留也。

葉世德 世德字有懷，樂清人。居家孝友，嘉靖甲子鄉薦，初授廣昌令，冰蘖自矢，轉本府同知。府有番舶之稅，世德力革夙弊，謝絕餽遺。

右嘉靖中任。

龔芝

李畿嗣 畿嗣，蘄水人。嘉靖壬戌進士，繇繕部外調，稍遷爲郡丞。溫和通敏，署郡半載，遇事若不經意，乃疑訟滯獄，堆案盈几，一目輒數行，下片言立折。與諸屬約，徵諭訟獄，雖事峻程嚴，但文牒催督而已。終不遣吏卒至縣。歷廣東副使。

羅拱辰 拱辰，馬平人。時郡守羅青霄議建敵臺以備敵，卽城垣創威鎮閣，以興文事。知拱辰有精思，悉委成焉。閣踞城垣，因濠爲基，全孤峻。拱辰取纆梗縛，臺式樓櫓雉堞，儼然而具，較量木人地若干尺，四維支柱層疊若魏凌雲臺，銖兩悉稱也。其後郡屢遭颶風地震之患，所在傾圮，而臺閣巋然。漳人皆稱羅公非獨廉，且能也。倅工般巧，若天授焉。

殷康

右隆慶中任。

沈植

朱一松 一松，寧國人。直亮洞爽，雖遭挫謫，不改其度。

周裔登 沈銳

姚應龍 應龍，慈谿人。繇舉人任。銳意興革，綽有石畫。發帑金儲海庾，繕築各汛營堡，酌修造以

飭戰艦，精檢閱以清尺伍。負海雉苻暴客無得竊發如平時。至其揮霍磊落，每與僚友縉紳登臨名勝，卽席賦詩，翩翩質有其文焉。

鄭堯章 堯章，東莞人。繇舉人任。居官清約，五載一致，而寬仁樂易，未嘗以喜怒輕答筆人，謹事上官，然亦當禮而止。擢刑部員外郎。

王應乾 霍奎 舒九思 羅萬里 羅良信 陶拱聖見延平知府。

杜獻璠

沈有嚴 有嚴字士莊，宣城人。先爲福州通判，陞本府同知，廉明不苟，吏民畏服。

龔朝典 盧崇勳

右萬曆中任。

通判

王禕 禕字子充，義烏人。嗜學，博通群書，以元儒見太祖，官起居注。出同知南康，未幾召還，議卽位禮，忤旨，出判漳。禕在漳，疏言：「人君祈天永命，在於修德。而修德之要有二，曰『忠厚以存心，寬大以爲政』。凡數百言，深見嘉納。嘗作《漳南十詠》，紀載風土，漳人傳之。其十詠詩曰：『漳水南邊郡，閩鄉到此窮。地偏冬小雪，海近夜多風。百粵山川屬，三吳景物同。昔賢遺化在，千載紫陽翁。』其二：『此地多煙瘴，時清喜漸除。阻山猶賊盜，並海盡鹽魚。田稻春秋種，園薑伏臘需。不才叨郡倅，廩祿頗贏餘。』其三：『奢競仍民俗，纖華亦土工。盃盤簫鼓裏，燈火綺羅中。茉莉頭圍白，檳榔口嚼紅。良宵上元節，紈扇已搖風。』其四：『近歲兵戎後，民風亦稍衰。番船收港人，畚酒入城遲。綠暗桃榔樹，青懸橄欖

枝。薰風荔子熟，舊數老楊妃。」其五：「可是閩南微，陽多氣候先。麥收正月盡，茶摘上元前。綠筍供春饌，黃蕉入夏筵。南風吾所適，久住亦相便。」其六：「文物如鄒魯，斯言信不誣。科名唐進士，道學宋先儒。祠宇依山曲，遺書布海隅。風流今孰繼？林子亦其徒。」其七：「是處方言別，漳南覺更强。兒童皆喚『团』，男女總稱『儂』。不雨猶穿屐，因暄盡佩香。人人才子紫，都爲嚼檳榔。」其八：「山秀英靈聚，溪清爽氣開。水晶疑石髓，月彩耀珠胎。珉紫裁爲硯，犀花解作盃。最憐沙上草，顏色在根荄。」其九：「試上南樓望，羈愁覺易消。兩溪遙合港，大海暗通潮。白露垂青野，丹霞映碧霄。夢神曾獻吉，日暮不堪拾。」其十：「郡署經年久，吾來爲一新。重門森畫戟，別駕儼朱輪。榕葉軒陰晚，梅花閣氣春。祇憐去國遠，爲政愧能循。」裨居漳一年，召修《元史》。後奉使雲南，爲元脫脫所殺。贈學士，謚忠文。

右洪武中任。

郭肫 肫，涇陽人。秉心公勤，民蒙其惠。

梁定玉 定玉，茂名人。居官知大體，催辦公務，不擾而集。

右永樂中任。

關諒 彭道初 沃能

右宣德中任。

孫桂 一作桂。

高曇 曇字景雲，無錫人。繇國子生任。鄧茂七構亂，府使曇督餉，賊欲掠其芻糧，以刃脅之，曇厲聲曰：「賊也，上勞王師，下毒黎庶，亡無日矣。敢肆猖狂殺父母耶？」賊怒，竟殺之。

劉敏學

右景泰中任。

李鉉

右天順中任。

謝諒 諒，安福人。廉介有爲，行所無事，去後見思。

袁釗

右成化中任。

岳鎮

梁紉 紉，崑山人。以舉人任。賊溫文進叛，率兵隨副使司馬堊置搗巢穴，賊恃藥弩，紉以布帳收

之，卒平賊。

劉英 周諤

右弘治中任。

羅甫 甫，永豐人。以舉人任。催科不擾，關節不行。卒官。

阮芳 龔震 李一寧 杜昂 葉燁

聶仕 仕字本學，清江人。以舉人任。廉介自持，平海上劇寇，所獲金帛悉籍於官。視郡篆，反風滅

火，禱雨濟旱，以父喪感疾卒。漳人思其廉惠，祀之。

潘文明 文明，揭陽人。以舉人任。廉明有聲，加意犴狴。時叛囚遮殺有司，相戒勿犯潘府倅。人

而已。

右正德中任。

施福 福，歸安人。以監生任。繼聶仕之後。民爲謠曰：「聶公清人骨，施公直如佛。」

陸璫 向榮 吳邦祐 閔曾 陳必升 陳賢 史鵬 陳岳 張价 梁峻 周南 陳涑 王澄 蒙

佾 周如山 金擡

陸體仁 體仁，蘭谿人。以蔭授官。愷悌清潔，署龍溪、漳浦二縣。聽訟明敏，關節不到，一菜不取

諸民。

翁燦 謝承志

黃元恭 元恭，鄞人。沈靜寡欲，政簡民安。未半載，憂去。

吳守貞 劉策 汪烜 俞仲岳 汪銓 唐大輅 呂充 周耿 王銑 劉漢 劉守陳

右嘉靖中任。

吳用章 用章，廬陵人。繇舉人任。才具宏廓，文學優良。職專督儲。往追輸者，浮費倍正額，用章

掃而更之。時征海寇，軍務旁午，餽餉咸應期輸辦，以得成功。嘗署龍溪、漳浦二邑，公廉明決，暇日課教

諸生，所得士後多顯者。

右隆慶中任。

曹澤 澤，婺源人。繇舉人任。司郡儲，滌弊蠹，絕苞苴，有貧難，雪冤滯。三年清白一節。卒官，貧

無以殮，與隸編民咸賻助焉。

王新民 黃在素 尹禮繼

蘇光漢 光漢，順德人。以舉人任惠安知縣。簡厚沈密，植紀維風，不翹翹邀能異之名，而實釀安靜和平之福。陞本府通判。

王遵路 謝朝聘 馬基 彭創基 王美韶 劉伯輝 章某 梁維梓 俞咨益 羅文安 李應聘

李概 陳欽福 甯珣 鍾顯 張道傳 呂繼梗

右萬曆中任。

推官

朱德銘

右洪武中任。

戴宗輔 宗輔，海陽人。以舉人任。詳刑折弊，人心悅服。

右永樂中任。

潘隆

右正統中任。

黃性 吳性 周輝

右景泰中任。

鄧紀

右天順中任。

江白 王經 張德 廣簡 程謨宵 張新 陳經

右成化中任。

孟武齡 馮賢 林鶴

右弘治中任。

嚴績 許廷用

胡寧道 寧道，江陰人。繇舉人任。公明廉介，理刑詳慎。

右正德中任。

周文光

黃直 直字以方，金谿人。嘉靖癸未進士。署縣漳浦，大興學舍，每與諸生講論，日中乃退。後署長

泰，治亦如之。直居官，必行其志，得失不以動心。遭讒逮獄，怡然誦咏。事白一邑，士民贈之金，悉委修

學。已入京，改判沔陽，未行，復用直諫謫戍。隆慶初，贈太僕寺少卿。

董世康 毛繁 郭嘉賀 張治道 陳信 李日森 李文翰 鄧士元見本府同知。 劉思聰

右嘉靖中任。

梁大中

尹瑾 瑾，東莞人。隆慶辛未進士。明敏仁恕。民以訟至，宛轉開譬，令悔服。獄有枉濫，輒爲平

反。郡邑質成，咸乞尹公，至所當坐，雖受榜笞，不恨衙舍。命蒼頭關畦蒔蔬。出俸錢易鹽米。嘗署郡兼

攝諸館，及署龍溪事，事大治。政暇召諸生教督之，得快士喜動顏色，雖童孺以執經至，訓誨亦如之。擢

給事中，陞南太僕寺少卿，遇漳人北上者，必問舊士民何似，漳士民思慕焉。

右隆慶中任。

丁此呂 此呂字右武，新建人。萬曆五年進士。明敏精嚴，至任之初，文牒叢委，此呂日坐堂決判，居數日一空，吏隸傍立若木偶。爲人磊落意氣，盡友天下士。召爲御史，疏論南京考官試目媚竈，爲當事者所不悅，出爲浙江僉事，竟爲忌者所中，坐黜，時論枉之。

蕭應科 龍文明 王大益 王世仁 張南種 張應奎 蕭基

右萬曆中任。

幕僚、教官賢者附後

方佐 字用輔，鄞人。宋莆人方軫之後也。永樂戊子貢上春官，卒業大學。預修《大典》，書成授漳州府檢校，以才見稱。後爲南康同知，用楊文貞公士奇薦，超陞廣州知府，人以比古龔黃之流。

曾瑤 永豐人。正德七年，以掾任都事，署龍溪縣事，得人心。

周期亨 西安人。嘉靖中以掾任知事，署平和縣。饒寇張璉攻城，期亨與典史談蘊領鄉兵戰城下，賊少平和，期亨鼓行甚銳，賊驚謂有大兵至，蘊摩衆疾擊之，多所擒獲。

陳思賢 茂名人。洪武中教授。以忠孝禮義帥士，每部使至，隨例參謁畢，必進問聖躬安否。成祖靖難詔至，召生徒伍性原、陳應宗、林珏、鄒君默、曾廷瑞、呂賢六人於明倫堂，相與慟哭口：「明倫之義，正在今日。」因卽堂爲舊君位，哭臨如禮，被繫人京，而六人皆死。

胡浩 正德中以舉人任教授。親爲諸生講解，寒暑無間。

陳九霄 番禺人。嘉靖中以舉人任教授。節介寬和，取與有道。卒官。

黃澐 字元浩，潮陽人。景泰中舉人。授沅州學正，改萬州，貶漳州訓導，卒於漳。澐少時，父客死，葬不能歸骨。歲時薦奠，輒西向哀絕。及長，母沒，遂走歸父骨，人稱其孝。其卒也，漳人士哀慕之。

譚文昇 石城人。弘治間訓導。待諸生有恩。

陳仕通 曲江人。嘉靖中以監生司訓。輕財好義，愛人以德。

胡鈞 新喻人。嘉靖中以監生司訓。篤實善教，待士有恩。陞諭常山。

廖文衡 龍陽人。嘉靖中以歲貢司訓。學問該洽，教規嚴整。陞泰寧教諭。

胡宗華、郭惠 □□中任訓導。(一)並兄龍溪縉紳。

陳一愚 萬曆中任訓導。兄岡縣。

劉縉 永新人。萬曆中訓導。忠厚勤篤，有古文名。

### 龍溪縣

#### 唐

令、丞、主簿、尉各一人。

#### 令

席宏

右景龍中任。

宋

知縣事、丞、主簿、尉各一員，儒學學正、學錄、直學各一員，學諭四員。

知縣事

張慶 餘孫 及起祀

右大中祥符中任。

楚繼芳 王袞

右天禧中任。

謝徽兄晉江緒紳。 王昌符

右天聖中任。

邵峻 孟化成

右景祐中任。

樂富國

右寶元中任。

梅佐 張繹

右慶曆中任。

馬隨 范宗言

右皇祐中任。

劉爾

右至和中任。

許儀 劉孝廉

右嘉祐中任。

閻維

右治平中任。

古宗說 李上儼 張紀 鄧甯

右熙寧中任。

王晦 蔡均

右元豐中任。

林樟 夏臻 上官衍

右元祐中任。

許穀

右紹聖中任。

方醇道

右元符中任。

吳下

右建中靖國中任。

李庚

右崇寧中任。

崔國鎮

右大觀中任。

林迪見莆田縉紳

陳律

右政和中任。

鄭雄聲 張濬 曾履

右宣和中任。

杞開

右建炎中任。

潘湛 劉綱 許彝 陳孝則 陳積中 高維寧 陸竑 辛永世 王康德 王維則 陸俱 石如璫

右紹興中任。

鄧森

右隆興中任。

劉公持 馮陶叔 郭彌大

右乾道中任。

劉希旦 楊嘉積 趙侯夫 陽易 林世用 趙不病 翁德廣見甌寧縉紳。

右淳熙中任。

王褒

右紹熙中任。

段碩輔 李鼎 劉褒

右慶元中任。

陳光祖

右嘉泰中任。

傅伯瑞

右開禧中任。

林大章 陳上會 方祖同 陳嘉 李宗達 鄭慶孫 江叔豫

右嘉定中任。

林及之

右寶慶中任。

傅天驥見南安縉紳。 蘇應衡

右紹定中任。

趙絳夫

右端平中任。

黃師雍

右嘉熙中任。

陳駿之 趙時儁 潘津 黃端叟 陳子實見本縣縉紳。

右淳祐中任。

丞、簿、尉教職賢者附後

儲惇叔 崇寧中丞。見晉江縉紳。

王濟 字巨川。政和初，補龍溪簿。時調福建，輸鶴翎爲箭羽，鶴非漳產，而督責甚急，一羽至數百錢，濟諭民取鶴翎以代，仍驛奏其事，詔從之，且令旁郡悉如濟請。汀州以銀冶搆訟，十年不決，逮獄數百人，轉運使命濟鞠之，數日盡得其情，坐者數人而已。

卓先 淳熙中簿。見莆田縉紳。

楊宏才 紹興中尉。見晉江縉紳。

李次辰 紹興中尉。見莆田縉紳。

諸葛廷瑞 紹興中尉。見南安縉紳。

元

達魯花赤、縣尹、主簿、縣尉、典史各一員，儒學教諭、訓導各一員。

唐大年 以行省知事攝龍溪尹。布德肩鉅，吏不敢欺，民遵其令。

鄧朝陽 龍溪縣尹。政先興利除害，教民擇學行士爲鄉師。

皇朝

知縣、縣丞、主簿、典史各一員，儒學教諭一員，訓導二員。

知縣

張可大見將樂縉紳。楊保誠 劉憲 方以銘

劉孟雍 孟雍，南昌人。釐革宿弊，吏畏民服。遷祁州知州，縣民奏留，得旨再任。

高輝

右洪武中任。

施誠 徐某 俞某 相儒

趙季通 季通字師道，天台人。繇教官知永豐縣，歷龍溪縣，寬厚愛民。與修《洪武實錄》。累擢博士司業。與司業董子莊同被選爲趙府左右長史，親藩輔導之良，一時以二人爲極選。

右永樂中任。

沈庸

右宣德中任。

顧鴻

右正統中任。

黃霆 梁滿

右景泰中任。

周琳

右天順中任。

張寧 林璞 朱琳 倫善

李榮 榮字廷信，蒼梧人。以進士任。有綜理才。陞瓊州府同知。

右成化中任。

凌鳳

李景芳 景芳，宜山人。以舉人任。廉潔慈直，用度博節。調海豐令。

姚鵬 鵬，崇德人。明敏才幹。以艱去，民思之。

右弘治中任。

劉英 汪泰 史立誠 曾鵬見副使。

黎良 良字以時，蒼梧人。以舉人任。聰敏博學，居家孝友，卒之日，殯殮不能自給。

右正德中任。

羅胤元 俞璉 劉天授見按察使。 王鑄 李成寅

林松 松，揭陽人。以進士任。作興學校。陞南戶部主事。

王相 蔡亨嘉 朱褒 張宰 羅煥章

右嘉靖中任。

鄭用夏 李聯芳

右隆慶中任。

范鳴謙 鳴謙字貞夫，江陰人。隆慶五年進士。明敏果斷，勤恤民隱，飭兵防，作士氣。縣有浮糧千六百石，久爲民累。鳴謙以泥泊之田攤補之，補懸之外，尚有餘額，龍人百餘年疾苦，朝若失，士民碑頌焉。

褚棟

沈昌期 昌期，太倉人。萬曆十年進士。平輸民賦，不人收頭之手。官徵寺田以備軍餉，毋令寺僧得藉口軍爲奸利。愛人禮士，雖兒童走卒，咸得歡喜。擢吏部主事。後奉旨謫潮陽尉，道龍溪，士民攀留遮道。

王士昌

蔣良鼎 良鼎，武進人。繇進士授尤溪知縣，愛民興士，慎催科，革鹽冶，僉鹽戶，散社倉，編保甲講約。調繁長泰，至則曰：「此與治尤異，乃以公嚴爲理。」或言其執，曰：「子之執也，乃所以爲通也。」其課最諸生輒言當以天下第一等事自任。旋調繁本縣，繼以憂歸，囊橐蕭然。

蔡承甲 陸崇禮 呂純如 袁業泗 陳于京 計元勛 吳奕

右萬曆中任。

佐貳、教職賢者附後

劉伯翼 永寧人。永樂中丞。均賦役，省徵科，施爲有方，操持無失。

趙善端 新會人。弘治中以監生丞縣。事上不諂，持廉居寬，人稱良吏。

黃文煜 羅定人。萬曆中以歲貢任丞，有清聲。

陳思謨 萬曆中任簿。見永福知縣。

曾瓊 廣東長樂人。成化中以貢士任學諭。狷介獨持，寬嚴相劑，以馴行推鄉里。

黃學裘 字繼甫，從化人。正德中以舉人任學諭。待士有恩意，以德行文藝示賞罰。未久，卒官。士思之。

吳國用 星子人。繇歲貢。嘉靖中，授沙縣訓導，陞本縣教諭。真誠篤行，口無偽言，時稱長者。

關文英 南海人。以監生。正德中司訓。學識閎深，口不及利。

王憲春 臨川人。嘉靖中繇歲貢任訓導。以講學訓諸生。遷永安教諭。

朱顏 宣德中任濠門巡檢。竭力奉公，有守有爲。討獲逃軍百十三人。事聞，上曰：「巡檢以訐奸爲職，盡心如此！其陞縣丞，以勵來者。」

### 漳浦縣

唐懷恩縣

令、丞、主簿、尉各一人。

令

李圭

右景龍中任。

周漢傑兄龍溪周正物傳。

右元和中任。

尉

鍾紹京 贛人。開元初，以善書直鳳閣。討韋氏有功，夜拜中書侍郎、參知政事。明日，進中書令、越國公。後與劉幽求俱以怨望得罪，再貶懷恩尉。開元十五年，復其官，至太子詹事。壽八十卒。紹京嗜書畫，如王、褚真迹，三藏家至數十百卷，與幽求等乘時取功名如反掌，亦奇男子也。

宋

知縣事、丞、主簿各一員，尉二員，儒學學正、學錄、直學各一員，學諭四員，監商稅務二員，巡檢二員。

知縣事

吳世範 世範，連州人。咸平進士。有善政，署上考，詔書褒美。後繇太子中舍遷殿中丞。

陳坦然 坦然，梧州人。博學善屬詞，膽氣弘壯，臨機權變迭出。景德中舉進士，未第歸。值宜州兵殺守帥，脅判官盧成均以叛，擁衆數千人攻象州。坦然以成均同郡，單騎行賊圍，射書帳下，爲陳禍福，成均遂自投順。復諭平容境賊。事聞，朝命本郡敦遣赴闕，與官，仍賜錦袍銀帶，悉讓不受，願回前恩，以就殿試。後自餘杭簿，擢令漳浦。再以吏推，佐桂州幕。復有諭降叛卒功，仕至太子贊善大夫中丞。

右天聖中任。

呂璫見晉江縉紳。

右景祐中任。

李錫 黃安國 施珪 高公極 錢大榮 林聘 王谷

陳貫通 貫通遷學，建縣治。

陳致一

右紹聖中任。

張大卞

右重和中任。

歐陽直卿見莆田縉紳。

右紹興中任。

吳自得 黃輒 余嶢 連洞

右年任無考。

薛世清

右乾道中任。

傅漢 陳士英 王普 王惟深王作黃。 李誼 趙師讜 王侃見南安縉紳。 傅希龍見仙游縉紳。 柯

知彰見南安縉紳。 陳公紹 許仲容

右年任無考。

葉才老

右慶元中任。

黃自求

沈造 造字次仲，縉雲人。海寇將入境，聞造政聲，悉引去。

陳舜申 見連江縉紳。 李欽止 高稷 趙崇祉。

右年任無考。

歐陽廣

右嘉定中任。

趙師縉 師縉，不知何許人。先是，學宮災，師縉至，易方重建，以應堪輿。是年，應薦者八人。邑郭

西有古陂，受西來諸山水，闕久枯落，闢而治之，沿陂爲堤，立斗門以資蓄洩，度陂之廣可五百一十五丈，

溉民田難頃計。

右紹定中任。

鬲若楫 林若谷 呂克道 陳洽 姚有容 潘頓 趙善書 蕭郊 鄭勺 陳祖奭 陳森 趙崇秘

黃林發 趙與濟

右年任無考。

楊浩然 林宜高 林稽道

右淳祐中任。

丞、簿、尉賢者附後

周申 紹興間尉南詔。建丹詔書院，爲講堂齋舍，立聖像其中，而爲之銘。

雷覺民 紹聖中任尉。見建安縣志。

魏郁 建炎中任尉。見南平縣志。

元

達魯花赤、縣尹、主簿、縣尉、典史、儒學教諭、訓導各一員，巡檢、務大使、副使各二員，站提領正、副各一員。

達魯花赤

買撒都剌 至正十五年爲達魯花赤。廉勤愛民。時縣無堅城，賊至輒棄遁，買撒都剌石砌之，邑賴全安。

皇朝

知縣、縣丞、主簿、典史各一員，儒學教諭一員，訓導二員，陰陽學訓術、醫學訓科各一員，僧會司僧會、道會司道會各一員，古雷巡檢司巡檢、後葛巡檢司巡檢、青山巡檢司巡檢、盤陀嶺巡檢司巡檢、陸鰲倉副使各一員，臨漳驛驛丞、雲霄驛驛丞各一員。

知縣

張理 理字玉文，鄱陽人。元末，蕲黃盜饒州，理徙避之臨川，與其弟瑑，出家財起義兵，爲元破賊。

辛丑，天兵取九江，理知天命有在，往贊其守臣王溥，以全城內附，擢知黟縣。秩滿改漳浦。縣舊有汀、漳

屯田萬戶府，及入職方，徵屯田軍赴京師，萬戶吳世策遂叛。理集民兵攻世策，戮之，具上，奏免屯軍徵。海寇林仲明、鄭君長等先後爲亂，雖經剪除，巨魁未得，理悉用謀致之，磔裂以殉。土豪羅、季二族，黨與甚衆，持官府短長，遠徙之。府知事孫希慎，常有求弗獲，及以墨敗，誣及理，刑曹逮理。既得釋，卒京師。理與宋學士濂善，爲人意氣自豪，醉墨淋漓，有鸞翔鳳翥之勢。居官之日，命子負販自給，歿而橐無一錢焉。

焦惟敬 葉宗廣 李賢 孟美

右洪武中任。

梁碩 碩，吉水人。繇進士任。愛民禮士，公暇講學，以淑生徒。

右永樂中任。

羅盛 陳紀

右正統中任。

莫輝

林瑛 瑛，歷城人。以監生任。當兵燹之後，民不聊生，頑梗自恣。瑛問疾苦，休息之，犯輒不貸。

淡薄簡重，僚屬清肅。

蘇通

右景泰中任。

錢璣 閔乾

右天順中任。

俞濟 濟政務大體，安靜寬恕。

劉璧 璧字次璋，廬陵人。以進士擢御史，出知縣事。疏通明敏，境內無冤，旁邑有持不平請質者，咸得其理。興學校，立社倉，較量隱田，履畝定則，蠲水者勘豁其租，民深德之。陞桂林知府。

邵有良 金弘 汪瑾

右成化中任。

王臣 臣字獻可，安福人。以監生任。搏擊有爲，作《諭民善俗條》，頒行坊里。決東南陂障數十，以疏潞河渠。

吳雲 李洪 梁璫

右弘治中任。

胥文相 文相字士衡，巴陵人。以進士任。邑苦劇蝗，文相引慝修備，蝗悉赴海，歲以大熟。金谿有礦，歲久脉漸微，採取不允，額賦轉重，文相奏罷之。

梁世祥 劉桐 何炯 林汝松

右正德中任。

周仲 仲字南仲，吉水人。以舉人任。疏通敏決，吏民畏服。

鄭禧 禧字宗慶，縉雲人。以舉人任。故浙東名士。與惠安張襄惠相好，好論天下事，謂今人事不足法，當法古人；古人不能盡法，當法其心；心誠於義，而識見才猷，率爲義行矣。邑析置十之四爲詔安

縣，而徭役猶兼任如故，禧言上官，得條減四十，餘徭不事。其爲政，以愛養民力，變化風俗，敦節行，崇名教爲急。其和惠，纖悉皆思有以及人，是非可否，務求自信，不爲曲從苟止，取媚悅上下。陞安慶府判。

文宗顏

韓昌爵 昌爵，江津人。以舉人任。廉正豈弟。卒官。

康恕 戴慶鍾 黎文煥

慎蒙 蒙字子正，歸安人。中形，胡髯髯半侵面。與語天下事，慷慨激烈，若無當其意者。其爲縣，明察強斷，所彈擊不避貴顯。居間路絕，有盜負山海而窟者，諸好黠亡命多歸之，常出攻剽聚落，蒙擇邑下豪膽武陰重不泄者十餘曹，俾僞與盜通，佐之攻剽，密報，蒙部勁卒攻之。所遣豪從中應急擊，縛其巨酋三十六人，餘無脫者。威行邑中，道不拾遺。徵拜南御史，以論擊胡宗憲，爲所陷，逮下獄。會宗憲亦坐，逮事乃釋。歸家，益讀書，多所纂輯，曰：「吾老死是間，足矣！」

劉欽命 欽命，廬陵人。以舉人任。時倭寇犯境，民多棄城，欽命砌以大石，增卑培薄，工垂就而寇至，復值暴雨，雉堞多壞，設法立柵禦之，且戰且築，令富民分粥饑民，以消內叛，寇聞其威惠，引去。陞均州知州，以不阿中貴人，爲所中，械繫赴京，事白謫判。楊公博聞其善守漳浦城，奏調大同以捍虜。

鄧惟修 龍雨 徐學孟 姚東陽

右嘉靖中任。

係玆

許試 試，祁門人。以舉人任。豈弟愛民，清介不阿。陞王官去，贖緩數百封置庫中。士民高之。

右隆慶中任。

房寰

朱廷益 廷益字汝虞，嘉興人。萬曆丁丑進士。性資沈鷖，不苟言笑。以文學飾吏，諸所紛更，一切謝絕。邑鹽利實異他境，先是，議召商，前令房寰既已寢息，奸民度不得售，更爲謬巧，喧運司，至欲藉鹽船出港行權，廷益曰：「此前令房君所拔除也。」亟上其牘，議爲中輟。戊寅、己卯，頻年大侵，發倉粥餓，全活萬計。兩臺下諸縣式之，後考績列其事，科臣指爲沽名，見謫。後至大官。

王命爵 鄭一鵬

楊材 材字樗散，懷寧人。以進士任。沈涵恬澹，惓惓化導。歲歉，親履村落，覈給貧民，全活甚衆。召爲吏部郎。

王猷

王應舉 應舉字弘選，南海人。萬曆甲辰進士。善治盜，得盜必告之曰：「速改步。吾釋汝，有敢保任者乎？」曰「有」，則與偕來。其不敢任者，曰：「能自保乎？」曰「能」，則皆去。爲吾再得者，狗食汝骨矣！盜若再得，並與保任人重加拷掠，錮禁之，盜喀喀庾死。人曰：「岐海之濱，探赤白丸無時，非王君，孰使夜戶不閉哉？」應舉既警異淹暢，又素風映帶，樂與名流酬往。其造士興文爲加意。擢刑部郎。卒年僅三十有六。

汪泗論 區龍楨

右萬曆中任。

佐貳、教職賢者附後

羅毅 南昌人。弘治中，以吏員丞。以廉能稱。沒於官，民共惜之。

紀鏞 永豐人。正德中以吏員任丞。廣寇滋蔓，保大帽山自固，御史知鏞膽略，使率兵與戰。鏞深入攻圍，斬首數十級。賊大潰，乘勝抵巢穴，馬驚墜陷坑谷中，被殺無全膚。事聞，贈漳浦知縣，予蔭。

余經 嘉靖中任丞。見臨寧知縣。

童久仁 貴溪人。嘉靖中繇知印任丞。催科不擾，廉介自持。

王蘭 丹徒人。嘉靖中以吏員任丞。和易練達，煮粥賑饑，全活甚衆。

程石琮 南城人。永樂中任簿。以廉能稱。

朱召 常熟人。嘉靖中繇監生任簿。有才有守，署漳平，創修縣志，知府盧璧爲序。

饒晟 金谿人。嘉靖中以吏員任典史。謙厚簡默，有儒風。在任六年，自持清苦。

程孟千 開化人。正統中以舉人教諭。課生徒，矚貧士。後家於浦。其子貴，領福建鄉薦。

徐禎 香山人。弘治中以舉人任教諭。沈潛端重，訓迪有方。卒官。

林瓚 弘治中教諭。見泉州教授。

方星 字文奎，祁門人。嘉靖中教諭。精治《春秋》。督學邵銳，令以《春秋》教士。出其門者多登科

第。

李君英 吉水人。永樂中司訓。有文名，善教迪。

吳綸 電白人。弘治中以舉人任訓導。學有本源。每論至忠孝大義，擊節不已，率身先士。士推學

行節概焉。

吳俊 澄邁人。正德間司訓、陞教諭。言寡行方，善於鑑別。

龍巖縣

宋

知縣事、丞、主簿、尉各一員，儒學學正、學錄、直學各一員，學諭四員。

知縣事

李拱辰

右元祐中任。

蔡彤

右紹聖中任。

石復

右大觀中任。

陳子輝

右政和中任。

李宗回 林鼎

右乾道中任。

陳煥 張熊

右淳熙中任。

陳祐之

右紹熙中任。

楊中立見晉江縉紳。

吳珏見興化縉紳。

林介卿見晉江縉紳。

傅伯崧

右嘉泰中任。

趙汝勉

右開禧中任。

方世功

右嘉定中任。

趙善芷 莊夢說 趙性夫

右紹定中任。

林子陽 陳椿壽

右嘉熙中任。

魏德閏 俞林 傅知柔見仙游縉紳。 陳英 陳斗應 趙宗揆 陳通事 趙榮 劉璫

右淳祐中任。

丞、簿、尉賢者附後

劉璧 紹熙間任縣尉。嘗申議經界法。

元

達魯花赤、縣尹、主簿、尉、典史、儒學教諭、訓導各一員。

縣尹

趙璉 朱鍵并見莆田續紳。

黃佐才 不知何許人。至元間，以尉從陳君用襲殺南勝賊李志甫，奮力鏖戰，賊怒之，其妻子四十餘口皆被害。事聞，贈尹。

皇朝

知縣、縣丞、典史各一員，儒學教諭一員，訓導二員，陰陽學訓術、醫學訓科、僧會司僧會、道會司道會各一員。

知縣

趙榮祖 榮祖，淮安人。以都督府掾任。幹濟通敏，政務安民。卒官。子孫家焉。

劉文彧 鄭俊 吳子昇

右洪武中任。

陳思敬 程鵬 吳栗 董訥 徐拱辰

吳慶 慶，蘭谿人。以歲貢任。剛明廉潔，令行禁止。以憂去。

右永樂中任。

胡晟 晟，龍川人。以舉人任。葺理廟學，塑聖賢像，修龍津橋，有治績。

右宣德中任。

相儒 儒，烏程人。居官清慎，有政績。以事左遷松溪典史，松溪人稱之。

楊綸 林傑 陳希 詹堅

右正統中任。

唐謙 謙，興安人。以歲貢任。公勤廉謹，有撫捕寇盜功。

右景泰中任。

呂慶 唐慶

李吳 吳字用寬，巴陵人。以舉人任。居官，愛民為主。男女有愆期者，助其婚嫁；逋稅不能完者，

佐之輸納，生徒賢者，知優禮焉。秩滿，部使上績，詔書旌異。

王遂 作遂。 王欽

右天順中任。

張綱 韋濟見福州同知。

陶博 博字約之，□□人。（四）以明經知龍巖。剴斷明允。城土庠薄，甃爲堅壁。倚雨而澍。邑人

歌焉。

伍星奎 星奎，合浦人。以舉人任。剛介廉勁，以不善逢迎去官。士民惜之。

右成化中任。

李俊

陳熙 熙字士勛，慈谿人。弘治庚戌進士。文章政事多足稱述。每部使行縣，見縣事皆理，隔宿即去。秩滿，陞御史。

楊胤昌 黃廷圭 翁文茂

右弘治中任。

黃源 余成 黃元 林桂森

朱賓 賓，景寧人。以歲貢任。有惠政。

謝思木 思木，未陽人。以舉人任。嚴毅廉明，政清訟理。邑中建置，無不飭修。邑有稅契銀且千，盡數申請用以糴穀備賑。卒有。邑人思之。

右正德中任。

蔡思義 陳瀛 秦吉 胡寅命 申道 謝南

胡景華 景華，上虞人。以舉人任。清介著稱。

張思獻 汪九思

湯相 相字子華，歸善人。以舉人任。寬仁有容，靜密多大慮，以大道教民。嘉靖季，閩有倭警，群兵相挺起，廣中寇合永定諸寇來攻巖邑，既失利去，邑中群兵乘勢剽掠，亡慮百千。相次第討之，其始誅黃世廣，次誅饒弘嵩，又次誅謝顯，又次殲廖選，最後平。呂細、黃世廣、饒弘嵩、謝顯，故群盜也，會巡撫中丞許諸盜自新，於是始聽撫，而盜如故。廖選者，以捕盜立有微功，負其驍武，不爲公家用，已去爲盜。

魁，陰遣其子侄爲寇，而收其女子金帛自利，有衆千餘，時有征討，檄其兵以助，以茲浸驕，又以其巢介漳、巖間，愈驚桀。相密遣人誘選出，而選咫尺不肯離巢穴。呂細者，永定人，始名滿，以劫盜繫獄亡命。黃世廣、饒弘嵩皆其役屬，先後劫掠鄉邑數十發，最後劫江西禍尤慘。廣寇與永寇合衆攻巖城，細實引之。相先後或誘或討，具有成功。

劉源湧

朱繼志

右嘉靖中任。

陳大清 陳懋芳

右隆慶中任。

黎紹詵 馬章 曹胤儒 吳守忠 胡其久 陳在廷 關沛 蔣以述 紀三才 彭大魁 章大中

徐振潛

右萬曆中任。

佐貳、教職賢者附後

周尚文 香山人。洪武乙丑進士。任本縣丞。公勤廉潔。凡期會，不失信於民。禁止里甲供給，不妄動夫役。縣廬戶有鐵課六萬餘斤，苦於遠運，尚文申准折鈔，民便之。召爲御史。坐事謫訓象衛。

伍倫 平樂人。成化中以歲貢任丞。實心爲民，處事有法。

黃鈞 臨桂人。宣德中以監生任簿。嘗申改鎮海倉糧納常平倉，民立石頌之。

林濟民 字廷泰，海陽人。弱冠時，母病篤，強命娶婦，入門而母卒，哀毀踰禮，葬，廬於墓，服闋始合。登鄉邦稱之。領成化丙午鄉薦，授本縣諭。以身率人，陞贛榆知縣。

賀一弘 大埔人。嘉靖間舉人，任教諭。溫雅灑落，教學俱優。陞平鄉知縣。

甯寬 東莞人。成化中舉人。司訓。以身立教，士多成就。陞橫州知州。

周隆 賓州人。正德中以監生任司訓。行己端莊，事親以孝聞。

黃綿 豐城人。嘉靖中以監生任訓導。正己率人，待諸生有恩禮。

黃琥 信宜人。嘉靖中自監生任司訓。謙厚清雅，捐俸以助貧生。

潘游 新興人。嘉靖中以歲貢任司訓。居官潔修嚴肅。

#### 〔校記〕

〔一〕「龍溪縣 漳浦縣」六字，各本原脫，據本書體例補。

〔二〕「中任訓導」上，各本原闕二字。

〔三〕「如王、褚真迹」，各本原作「如王、儲真迹」，據文義改。

〔四〕「人」上，各本原闕二字。

## 閩書卷之六十五

### 文蒞志

漳州府 南靖縣 漳平縣 長泰縣 平和縣 詔安縣 海澄縣 寧洋縣(一)

### 南靖縣(二)

元

達魯花赤、縣尹、主簿、縣尉、典史、儒學教諭、訓導各一員，監稅務官、陰陽學、醫學學正各一員。  
扈海 字巨源，衛輝人。至正間爲縣尹，畚寇煽亂，夜入解，海罵曰：「尹承上命，父母汝也。汝欲殺父母邪？」賊駭散。在任，興學校，均徭役，撫字勤勞，政清訟簡。

韓景晦 至正中縣尹。徙縣治雙溪，改南勝爲南靖，完城堡以募居民，興學校以勵風俗，政平訟簡，民思之。

### 皇朝

知縣、縣丞、主簿、典史各一員，儒學教諭、訓導各一員，陰陽學訓術、醫學訓科、僧會司僧會、道會司道會各一員。

知縣

楊通 通，綏寧人。均平賦役，興起學校，毀淫祠以創公廨，不派取於民。

薛預

右洪武中任。

何友恭 鄧敵

右永樂中任。

范達 莫圭

右宣德中任。

林廷真 廷真，象山人。暴怒不形，不避權貴。

盧立 傅平 朱珩

右正統中任。

陳上名 士名字孟聲，無錫人。正統末，鄧寇亂，邑里殘破。刑部尚書薛希璉巡撫八閩，奏乞練達老成宜爲令者，分布各縣。會上名以貴州衛知事考績京師，吏部以聞，命乘傳往。時公私廬舍焚燬，百姓流離。上名招輯賑濟，不三四年，官有廨，民有家，學舍有絃誦，縣復厥初。滿九年，致仕。

右景泰中任。

余迪

右天順中任。

張文盛 曾玘 鮑靖

張本 本，餘千人。以舉人任。愛民如子，不立刑具。上杭溪南寇至，本團集民快，拊募畚客，以阨險隘，賊不敢犯。丁外艱去。

包燦 張鵬舉 馬遂

右成化中任。

吳賢 賢，馬平人。以舉人任。溫文進之亂，邑人震恐，賢備器械，練兵快爲防守，賊聞皆引去。

王日昭 姚明 葛銳

右弘治中任。

徐恂 恂字信夫，嘉定人。繇舉人先知嵎縣，有聲，調任。學守兩優，奸弊斷絕。山寇橫縱，民心驚擾，恂親部兵快，齎糧餉，以遏賊鋒，賊聞有備，不敢入境。

趙麟 施祥

右正德中任。

傅銓 銓，羅源人。以舉人自翰林出宰。明敏多善政，以法繩不逞。事無巨細，苟民所安，汲汲爲之。不能貶介徇物。有中以奇禍者，誦《雋不疑傳》而笑曰：「世當有能諒我，人何尤焉？」卽日解所綰印。幅巾，游三山，登窮劣峰，玩天風海濤，歌《楚辭》，以鐵如意擊石，亂以商聲，林木震響，識者異之。於是，閩名士，如林禮部貞夫、隱君子潘積中輩，皆就問德考業，發爲歌詩，翰墨流布遠邇。御史施山、按察謝汝儀、郡守陸金皆知銓爲端士，其誣始白，人咸勸銓循例就列，竟拂衣去。

何正 楊浩 唐俶

丁玘 玘字中介，丹陽人。以選貢任。裁省浮費，食用衣服極其儉朴。政暇詣學，與諸生講論。選民間俊秀子弟教之小學，延名士爲師。歲饑，發粟賑民，捐俸爲粥，全活甚衆。子一中，見泉州同知。

王濟

郭大鯤 大鯤字時化，海陽人。以進士任。廉以律己，明以察奸，興學造士，鋤暴抑強。上司能之，委督八縣黃冊，矢心勤事，以勞卒。邑人哀之焉。

吳汝賢 胡希周 譚世美

殷伯固 伯固，博羅人。以舉人任。愛民惜費，作興學校，增置號舍。勸借大戶，以賑饑民。嚴禁圖賴，以安良善。饒賊張璉倡亂，本縣永豐民相煽起，聚衆八百餘人，直逼縣城，伯固單騎出諭，稿以牛酒，悉遁去。嘉靖二十九年冬，饒賊突至，率衆固守，次日復來，親督鄉兵出戰，斬首數級，皆遁去。以調去任，賊始陷城。復改泉州府學教授。

林挺春 挺春字少和，順德人。以舉人教諭山游。有守有爲。出合得田租，散予諸生，且以具籩豆禮器，遷知南靖。兵燹後，官寺里屋一空，挺春芟穢掩骼，倚茅聽政。已，潦水至，城郭蕩析，乘桴露處，乃遷於大帽山下邑焉。招流移，撫凋瘵，邑以大治。陞雷益州知州。

右嘉靖中任。

曾琳 見泉州府通判。

右隆慶中任。

張澄 朱袞 李大欽 葉化機 歐陽潢 吳仲文 鄔廷相

陳宗愈 宗愈有遷復舊邑功。

陳治策 湯九經 沈大德 倪承課

右萬曆中任。

佐貳、教官賢者附後

劉深 洪武末任典史。練達堅定，撫字勤勞，陞宜興知縣。

李孜 保昌人。景泰間以舉人任教諭。文學優長，多所成就，屢典文衡，有聲。

陳徵 黃巖人。弘治中以舉人任教諭。輕財好義，飭學政，以課生徒。

張詵 海豐人。嘉靖中以舉人任教諭。祀名宦。

羅本德 南海人。嘉靖中以舉人任教諭。教崇正學。未久卒官。士子哀慕之。

張大行 順德人。嘉靖中以舉人任教諭。忠厚謹慎。捐俸建卧碑，鑄祭器。不受貧生禮節。卒

官。士人哀之。

周儒 崇仁人。正德中繇監生司訓。待士有恩，接人以禮。

陳樂 萬曆中署教諭。見岡縣縉紳。

長泰縣

宋

知縣事、丞、主簿、尉各一員，儒學學正、學錄、直學各一員，學諭四員，監商稅務一員，泰安寨官一員，監造押錄一員。

### 知縣事

翁某

洪仁瑾 仁瑾，吳人。進士。以大理評事調任。陞潮州通判，民表留之，復以通判署縣事。卒於官，貧不能歸，遂葬焉。

右乾興中任。

胡某 蔡處冲一作中。宋元慶 宋壽 徐文侃 丁日觀 焦餘慶 王儼 宋玄 蒯令圖 竇文

傑 劉慶之 范和寧 張廷驥 連運 郭震 寇寧 汪隨 阮若孝 楊允懷 王某 王楷

右任年無考。

黃穎見蕭田縉紳。

右元祐中任。

張序 張知常

右嘉祐中任。

裴令 孫田圭一作奎。方浹 張某 楊縉一作潛。

右任年無考。

吳臧一作臧。臧嘗建雙清亭，有詩。

右紹聖中任。

張澤 鄭叔明 許原 陳輯 林開 晏隅 林昌符 孫齊 鄭适 鍾昇 鄭永 韓常卿 吳季述

吳一作呂。

陳圻 楊偶 林詵 倪權 蘇樞

右年任無考。

王朝俊

右政和中任。

蔡元璋

右宣和中任。

林炳 李莫 陸竑 陳倬然 趙崇秘

右紹興中任。

王振 陳葵陳一作陸 滕京 朱明作 李觀 朱慥 徐琰 卓彌彰 李願學 蔡綱 余致和 陳

安卿 鄭賜 方昕 鄭栗 陳大亨

右年任無考。

王孝恭 王萬章 丘微之

右淳熙中任。

黃師厚 趙師旂 李志甫志一作忠

右慶元中任。

吳炎吳一作目。

右嘉泰中任。

楊霓 王自強 黃孟永 余克濟 黃儀之

右嘉定中任。

黃淳 繆某 徐璣見商派。

右寶慶中任。

陳子木 陳純仁

右紹定中任。

鄭師申

右端平中任。

趙與坦

右淳祐中任。

王序見晉江續紳。

陳春伯 春伯在任，搗殺寇酋，保全城池。

右咸淳中任。

丞、簿、尉賢者附後

方王 淳熙中任主簿。見莆田續紳。

元

達魯花赤、縣尹、主簿、尉、典史各一員，儒學教諭、訓導各一員，監稅務官、武勝場大使、陰陽、醫學、學正各一員。

蔡淳 至正五年攝尹。見漳浦弁輪。

忽都火者 始繇却契丹進身，歷任古田簿、閩藩斷事經歷，至正己亥攝縣事，明年爲真。廉介精明，不避權幸，鋤強梗，植善良，工役以時，百廢俱舉。

余良甫 盧琦贈詩：「令尹余良甫，應勞撫字心。野人爭賣劍，山縣但聞琴。」

陳文積 至正間主簿。見福寧緒紳。

皇朝

知縣、縣丞、主簿、典史各一員，儒學教諭一員，訓導二員，陰陽學訓術一員，醫學訓科、僧會司僧會、道會司道會各一員，巡檢司巡檢、稅課司大使各一員。

知縣

鄧清 清，陵州人。繇儒上薦知。均徭役，清詞訟，省刑罰，時稅斂，革奸弊，撫字安靜。歲旱，禱雨輒應。蒞政三年，凋瘵以蘇，流移以復。

張壽

張從道 從道，解州人。以進士任。持己端莊，蒞政嚴明。崇獎學校，勸課農桑，陂塘衝壞，以時修築。朔望入學講課。雖盛暑不去公服，燕居亦無褻慢之氣。

阮思聰 思聰，海寧人。以方正舉。恪直廉明，抑強扶弱，尊賢勸善，賦均訟簡。

右洪武中任。

蔣如環

趙瑤 瑤，華亭人。以國子生任。剛毅有爲，事無停滯，差役不及貧戶，逃竄相率復業。

陳愚 愚，上高人。初以人材授驛丞，陞任。平易公忠，民有訟者，理解之。凡爲難事，先爲處置均平，然後下令，莫不樂趨。

金仲經

右永樂中任。

劉奎 奎，博羅人。繇國子生知。疏治陂塘溝洫，招回逃亡民戶，均平賠贖浮糧。奏立巡檢於朝天嶺以禦盜。在任九年，虎不害人，嘉禾一莖三穗。秩滿，民相率借留。陞秩，仍掌縣事。再歷三考，凡二十一年，乃歸。

右宣德中任。

曹忠 羅縋

右正統中任。

高翥 裴顯

右景泰中任。

朱景雲

右天順中任。

簡爽

陳良 良，會昌人。繇監生任。清慎公勤，鞭朴不施。躬巡阡陌，勸課農桑，惰者召而諭以衣食利害之源，無農具種子者籍姓名補助之，民有爭訟，詳其曲直，無所壓抑。夜則巡行坊衢，緝訪諸盜，貧者有資，而奸無所容。秩滿，歸家。及卒，百姓聞之，哀慕不已。

劉鐸 鐸字振文，麗水人。繇國子生任。廉明練達，治尚寬簡，每朔望，矢神受事。歷任九載，政舉民安。

李通

右成化中任。

莫卿 李昕 洪福

右弘治中任。

葉洪 一作進。

趙珮 珮字鳴玉，嘉興人。繇監生任。課民耕讀，勉以勤儉。及期人覲，百姓醵金爲贖，峻却不納。及再任，以老乞歸，百姓復醵金倍前，拒之如故，衆爲立却金亭，以比懸魚之節。

朱紘 紘字廷和，無錫人。弘治壬戌進士。自御史左遷。清廉公正，剔弊舉廢，均徭備賑，恤孤育材，創築縣城，保障有賴。陞知州。

右正德中任。

歐典 典，平樂人。繇舉人任。賊犯洋山，率兵戰長埔坂，敗之。

王璣 璣，建德人。繇舉人任。學術醞藉，每爲諸生講說，縷析條分，脈絡通貫，聽者充然。兼習爲吏，法比詳明。

鄭經正 周文進 沈渭

王用文 用文，建德人。繇選貢任。每祭祀，竭誠致齋，牲牷簋豆必務豐潔，自行禮至終事，無敢有惰。強敏善記，百姓以事至前，經目輒不忘。在任三年，未嘗遣一人下鄉。去日，囊橐如洗。

張傑夫 傑夫，新會人。繇進士任。莊敬自持，尊賢禮士。邑有豪民謀據城爲不軌，嚴爲警備，皆鳥獸散。

蕭廷宣 廷宣，廬陵人。繇舉人任。時倭寇輒張，城垣卑薄，廷宣增賦授工堅築之。踰年，寇至，率諸生王得麟、王守惇、張鴻鰲、盧穎、林梧等，督民登陴，灰灑之，礮擊之，石壓之，劍刺之，弩射之，防守內外，捍禦萬方，所殺傷以數百。賊引勾引者數人責而尸之曰：「此中真勍敵！名爲弱，誑我來耶？」賊退，債帥擁兵至，百姓怨其不援，而兵士所過擄掠，閉城拒之。廷宣復與諸生登城，責數帥。帥大恨，言上官，廷宣幾不免，而王得麟死杖下，其餘皆落士籍。邑人盧岐疑爲作《己未墨守》，而嘆之曰：「自古忠臣義士出，身徇公家急，不蒙瓜衍之賞，而被杜郵之禍，覺其實事，猶咨嗟歎息，而況親見之者乎！」

易貞 黎兆鵬

右嘉靖中任。

唐珊

侯嘉祐 嘉祐，橫州人。繇舉人任。臨民惠愛，雖盛怒，答不滿十。俸外一無取。縣費舊多取辦於民，當役者至鬻產不給。嘉祐痛革之，爭訟者原民之情，釋瑕寬誤。萬曆初，邑大旱，拜起烈日中，致羸以疾，乞歸。臺司勉留不起。死日，橐中俸金數鋌而已。士民哭泣，莫祭建祠祀之。初，嘉祐因歲旱穀貴，欲效古社倉法，便宜斂散，乃出俸金二十兩糴穀爲士民先，及歿，士民悉賣所糴以資歸櫬，側室三人泣辭不受，曰：「敢負我公救荒意？」士民乃悉以爲祠資。

右隆慶中任。

張應 丁鄭佐

方應時 應時字以中，遂安人。繇舉人任。識敏有治才，發奸摘伏，愛民禮士。每朔望次日，集諸生督課之，爲供筆札，治飲食，次第甲乙之。會上官下鬻書院，邑紫陽祠以名書院亦在鬻中，應時力爭不可。遷肇慶同知。

李思成 歐陽勁

李學詩 學詩，融人。以選貢任。爲政平易無擾，方正，不可干以私。自俸外，未嘗妄取民。適奸徒結黨謀不軌，學詩緝知，掩捕械繫送府。當道者不卽置法，遣歸就國。踰年，因殺獄卒，突人衙中，砍傷學詩，幾斃，遂致政歸。百姓感學詩恩，而傷其遭於變也。

蔣良鼎 見龍溪知縣。

盧洪遠 管橘 祝國泰 陸卽登

右萬曆中任。

佐貳、教職賢者附後

陳炳 杭州人。洪武初舉經學。任本縣丞，通《易》、《書》二經。與諸生講論，多所啟益。時抽軍丁，民多懼匿，炳處之至公，人服不擾。

葛仲經 金谿人。洪武中以通經秀才任丞。精勤職業，修舉廢墜，僚屬協衷，吏民畏服。

王本 蘇州人。洪武中以人材任丞。公平勤職。

黃信 南直隸人。永樂間以人材任丞。清勤公直，有法有恩，懲惡勸善，施舍不吝。未半載，卒官，邑人傷之。

驍元善 鄞人。洪武十三年以孝弟力田任簿。廉直勤政，凡事衷己，吏卒莫之敢欺。

章參 平陽人。洪武丁丑自國子生任教諭。以古人自期，教先忠信，闢齋堂，創書院，立學田，以教養諸生。

李邦祥 字兆卿，高要人。正德中以舉人任教諭。爲吳廷舉所器重。仕終常州通判。

錢象乾 東莞人。正德中以歲貢任司訓，謙厚勤敏，與諸生講論，探討本原，咸獲其益。

翁萬化 揭陽人。嘉靖中以選貢任訓導。雍容恬退，訓諸生，恩義兼盡。年方力強，懇求致仕，人高之。

謝明德 嘉靖中以舉人任訓導。見平和知縣。

## 漳平縣

## 皇朝

知縣、主簿、典史、儒學教諭、訓導各一員，陰陽學訓術、醫學訓科、僧會司僧會、道會司道會各一員。

知縣

李仁本

右洪武中任。

張文盛

右正統中任。

陳栗 栗，南昌人。以舉人任。時初立縣，事胥民獷，栗明敏廉慎，撫民如子，創治建學，列街坊，編均徭，秩然就緒。在任五年，以內艱去。

王璵一作憲 陳倫一作綸

李斌 斌，建昌人。以舉人任。明敏能斷。

余蒙 李讓 高魁

右成化中任。

梁金 薛說

右弘治中任。

吳照 照，鄞人。以舉人任。慈愛廉慎，不善承奉。調任去，民思之。

汪淳 淳，武昌人。以舉人任。剛敏有爲，縣事修舉。武平寇逼邑急，淳持弓躍馬，先鄉兵蹙之，擒

斬數十，寇遁去。

徐鳳岐 鳳岐武義人。有能聲。

陳應龍

右正德中任。

施信 王椿

陳世俊 世俊，揭陽人。以舉人任。廉潔慈祥，省刑薄斂。

樊伯勳 秦文昂

陳泗 泗，永康人。以監生任。剔繁苛，省財用。亡何卒。

黨傳 鄒伯貞 桂懋實 曾應璫

劉鑄 鑄，宣城人。以選貢任。蒞政清勤，在任九載，終始一致。

趙子彬 梁喬幹

魏文瑞 文瑞字麟卿，桂林人。以舉人任。歲旱，給粥賑饑，全活甚衆。嘉靖四十三年，流寇攻縣，竭力保障。後奉檄會勦賊首楊一蘇、阿普等，以援兵不至遇害。事聞，詔贈光祿少卿，立勸忠祠，賜春秋二祭，蔭一子。

曾迪 陳豫章

右嘉靖中任。

章述

右隆慶中任。

盧彥 朱世盛 吳中英 黃樛 紀僑 王之垣 施孔儉 劉懷望 陳所志 傅文勛  
右萬曆中任。

佐貳、教職賢者附後

林世光 博羅人。成化中以舉人任教諭。學規嚴整，士風一變。

黃國賢 萬曆中任教諭。見晉江縉紳。

梁緯 新昌人。嘉靖中以監生任訓導，狷介有守。

林元棟 太平人。嘉靖中任訓導。見甌寧教諭。

平和縣

皇朝

知縣、典史各一員，儒學教諭一員，陰陽學訓術、醫學訓科、僧會司僧會、道會司道會各一員。

知縣

羅幹 幹字子立，永豐人。文毅公倫之子。正德中以舉人任寧德知縣。剛毅敢爲，政先教化。朔望謁廟畢，進諸生，講心得之學，仍往社學校飭生徒。在任三載，久而不倦，時稱有父風。平和初建，調知本邑，當百度未飭之時，悉心經理，不逾月卒官。

章煥

右正德中任。

張鏞

王祿 祿字汝學，新城人。以舉人任。時邑尚草創，祿損上益下，治邑如家。在任五年，庶事畢舉。嘗獻議大禮，及請立皇儲。以與時不合，棄官歸養。

黃端 劉信 方彭

莫如勤 如勤，靈山人。勵志苦學，以國子生家居。嘉靖十二年，賊越靈山城，劫縣庫，殺百戶邵經，如勤請兵躡其後，盡擒獲之，遂以功授平和知縣。

王試 陳中立

謝明德 明德字明之，瑞州人。講王新建之學。嘉靖辛卯，舉高第。明年，署教長興。有以偽學中者，左遷長泰訓導。久之，擢令平和。秉廉慈，除苛令，議賑貸，禁服毒，捕宿惡。擒翁、陳二酋肆於市。鄰邑詔安白葉峒，自正德時憑險負固，三省莫誰何，明德上狀請討之，檄暮下而朝誓師，分道深入，賊皆驚潰，擒陳、劉二酋及餘黨數百人，覆其穴，漳、汀、潮、贛四郡歡呼相慶，督撫臺史交薦，謂得異擢，僅還潮州通判。而先是，給事中奉使勘海寇，事連漳守盧璧。璧，賢守也。明德奮身援解，盧藉以免，給事中噤之於臺史，論罷，明德曰：「長吏冤白，予貶死無恨矣。」

趙進 王之澤

姜遂初 遂初，臨川人。以舉人任。潔己愛民。饒賊掠近縣城，遂初晝治兵，夜嚴防，染瘴卒官，士民惜之。

陳一儲 蔡希齊

右嘉靖中任。

盧煥 陸宏

右隆慶中任。

楊守一 守一，泰和人。繇舉人任。沉毅明敏，訊決如流。崇學校，課諸生。廉巨猾爲民害者，置之  
法。遷別駕。

孫汝達 王佐 郭夢鯉 朱大謙 湖伍 匡世 鄧筠 李概 丘惟峻 黃應明 藍士龍 李一鳳

右萬曆中任。

佐貳、教職賢者附後

談蘊 新會人。嘉靖中任典史。見本府知事胡期亨傳中。

黃持衡 字平叔，番禺人。嘉靖間以舉人任教諭。闡明經學，耳提面命。月常數試，與同筆硯。尤  
以禮義自檢。官至同知。

### 詔安縣

#### 皇朝

知縣、主簿、典史各一員，儒學教諭、訓導各一員，陰陽學訓術、醫學訓科、僧會司僧會、道會司道會  
各一員。

知縣

何春 零都人。以舉人任。講學王文成之門。爲政不拘拘簿領間。政暇，詣明倫堂，與諸生講論，示以趨向。教民行鄉約，習文公家禮，毀淫祠。改含山知縣。

吳桂 尤敷

廖遲 遲，高安人。繇舉人任。著有《四禮圖》。

潘九思 九思，新淦人。以海豐教諭陞任。有惠政，秋毫不取。告病歸，百姓涕泣而別。

季尚理 邵道南

龔有成 有成，嘉定人。繇舉人任。時值倭、饒二寇發，土寇乘之大肆劫掠，有成繕浚壕，經營防禦，前後勦滅溪東小篆諸賊，具著勞績。調龍南縣，尋陞贛州同知。

梁士楚 見僉事。 麥天惠

右嘉靖中任。

鄧璿

潘鏊 鏊，婺源人。繇舉人任。行鄉約，申保甲，以德禮化人。

陳素蘊 素蘊，徐聞人。繇舉人任。明敏有爲。卒官，人惜之。

右隆慶中任。

詹位 葉文煥 鄧如昌 鄧于蕃 張大器 司廷侍 蔡宗堯 劉祖泗 夏宏程 景伊 許欽文

黎天祚 林懋晉 鄭化麟 車登雲

右萬曆中任。

佐貳、教官賢者附後

曾簡 吉水人。嘉靖間以貢任教諭。清介慕古，勤以訓士，厚以恤貧，力求致仕。

趙鑄 上高人。嘉靖中以舉人任教諭。德性剛方，訓迪勤敏。陞太僕寺丞。

王世祥 全州人。嘉靖中以舉人任教諭。有學行。陞石屏知州。

王瑞麟 金華人。隆慶中以貢任教諭。教規嚴整。

賈崧 金華人。嘉靖中訓導。賦性峭峻，詩翰清美。分教十年，繩墨飭士。

陳德用 增城人。嘉靖中以歲貢任訓導。持己清介，教規嚴謹。

海澄縣

皇朝

知縣、縣丞、典史各一員，儒學教諭、訓導各一員，陰陽學訓術、醫學訓科、僧會司僧會、道會司道會各一員。

知縣

鄧復陽 復陽，番禺人。先以舉人任崇安知縣。有鋤奸之才，循舊改創，快服民心。時邑治新置，加

五品服調任。

李霽 王穀

右隆慶中任。

周祚 祚字以延，蘄州人。有惠政。

瞿寅 杜如桂 周炳 楊繼時 毛鳳鳴

龍國祿 國祿，南寧人。以進士任。刻意爲廉，稅璫到縣，國祿多爲柵隘而低小之，使不得高車多騎從，曰：「海濱防盜，不得不爾。」璫自此不復來縣。

姚之蘭 見汀州文苑 俞思冲 毛尚忠 陶鎔

右萬曆中任。

教官賢者附後

林敦忠 萬曆間教諭。 見晉江縉紳。

寧洋縣

皇朝

知縣、典史各一員，儒學教諭、訓導各一員，陰陽學訓術、醫學訓科、僧會司僧會、道會司道會各一員。

知縣

董良佐 良佐，玉山人。以舉人任。儉朴有守，愛民惜費。邑值新設城郭，宮室未備，良佐與教諭利灌等，歷山躋嶺，採取木石，構造學宮、公署。教民行鄉約，與士子講王文成學。陞鬱林知州。

柳如梁

右隆慶中任。

鄧于蕃 楊繼時

陳潛

陳德言

王澄

宋煉

陳煥

黃夢鴻

李栻

向德象

鄒啟元

右萬曆中任。

教官賢者附後

利灌 博羅人。嘉靖中教諭。見寧德訓導。

〔校記〕

〔一〕「漳平縣 長泰縣 平和縣 詔安縣 海澄縣 寧洋縣」十八字，各本原脫，據本書體例補。

〔二〕「南靖縣」三字，各本原脫，據本書體例補。

## 閩書卷之六十六

### 文蒞志

福寧州 福安縣 寧德縣

五代周置巡檢。

許光大 光大爲沿海都巡檢，江寇至硯江，持短兵奮戰，謂鄉人曰：「勝則江水清，負則江水赤。」旣沒於陳，江水如血者三日，屍隨潮歸，鄉人卽地祀焉。

宋長溪縣

令、丞、簿、尉、儒學教諭各一員。

令

方廷範

右宋初任。

杜樞

右慶曆中任。

周尹 李廷龍

右嘉祐中任。

馬康侯

右元祐中任。

蔣濬

右政和中任。

潘中見浦城縉紳。

右靖康中任。

熊浚明

右紹聖中任。

歐陽大卿 葉安節

右大觀中任。

劉既濟

右淳熙中任。

黃龜朋見邵武縉紳。

楊士豁見寧德縉紳。

方之泰見莆田縉紳。

姚迥

右嘉泰中任

朱儼

右開禧中任。

劉顯

劉鎮 鎮字方叔，樂清人。屢更州縣，皆有治績。明敏之才，吏不能欺，爲王十朋所薦。

楊志 見龍溪緒紳。 蔡顯 江潤祖

右嘉定中任。

范夔

右寶慶中任。

孫有 一作祐。

右紹定中任。

袁正規

右端平中任。

黃恪 見延平緒紳。

鮑遜 遜字克順，平陽人。淳祐元年以進上任。嚴明剛正，斷獄，民自以不冤。帥幕增軍期船額，爲民爭之，被讒得譴，士民挽留者千數戶，設天燈爲禱，卒不免。士民刊其善政與所獲罪者訴於朝，復起爲司農丞。

右淳祐中任。

毛誠之

右嘉定中任。

丞、簿、尉賢者附後

丞蕭山見沙縣縉紳。

主簿姚東見龍溪縉紳。

尉蔡高見仙游縉紳。

黃琮見莆田縉紳。

趙時煥見晉江縉紳。

張次高見浦城縉紳。

元福寧州

達魯花赤、尹、監州兼勸農事、同知、判官、儒學教授各一員。

張伯顏 字正卿，吳江人。至順元年知州。均賦役，革冗濫，禁侵漁，杜請謁。清剛之操，始終如

一。

王伯顏 字伯敬，霑化人，家烏程。身長八尺，美儀度，儻有大志。至正中，爲信州路推官。用薦者以朝列大夫尹福寧，甚有政績，陞福建都轉運副使。將行，會紅巾賊警報，州民擁馬首拜且泣曰：「賊且至，公，吾父母，忍捨我群詣廉訪使？」乞留。已，賊果至，伯顏壘四門，募訓練，諭鄉民，團結自相保。頃之，賊分道人，伯顏以千戶嚴伯顏、不赤花、州人前長秦主簿陳文質守西門，自率中子相引兵至楊梅嶺，與戰，敗之。已，賊大集，還守州治，遣州人巡檢阮宗澤禦南道。宗澤遇賊於古城，戰敗死之。居數日，嚴與不赤花、陳文質開西門遁去，賊突入，伯顏奮身力戰，俄而馬中流矢，遂逸北門，被執。賊曰：「公廉能素著，吾屈。公仍尹此州。」伯顏曰：「受命守州，義當殺賊。今有死耳，寧從爾耶？」賊強之跪，伯顏曰：「此膝可斷，不跪賊也。」賊怒毆之，伯顏嚼舌噴血賊面，大罵曰：「殺即殺，何毆爲？殺我可也，慎勿殺吾。」

民。」會賊執監州至，責之曰：「汝何得與州尹同拒我？」監州口噤不能對，伯顏又大罵：「起兵實我，非監州。且吾滅賊耳，何云拒耶？生不能殺爾，死而爲神殺爾必矣。」賊愈怒，遂遇害，神色不變，立而受刃，頸斷湧白液如乳，體尚不仆，時年六十矣，數日面色如生。民老稚號哭，晝夜不絕。賊亦悔之，尋有毒蜂如雲屯聚賊庭，民請葬伯顏屍，屍葬，蜂散，而賊中時時見伯顏引兵入州治，賊酋無疾自斃。伯顏死，相亦被執，賊欲官之，相曰：「汝逆君又弑吾父，天不共戴，而尚官耶？」亦死之。相妻潘，亦被執，賊酋欲亂之，潘以新產，告召醫來，潘哭曰：「吾失所天，死固其所，苟念我大官，幸以死藥進。」醫不忍，趨出。閉口絕食，及二幼女皆死焉。福寧人各爲具棺葬之，仍殯伯顏柩於東郭佛祠。明年，賊再燔祠，伯顏之僕奔告其長子楨於烏程，負遺骸歸。初，伯顏死時，賊覩其時時引兵出人也。明年，有僧林德成者，起兵討賊，望空呼曰：「王州尹率陰兵助我。」時賊正祠神，覩紅衣軍來，以爲帥康，迎之無有也，四面皆青衣宵軍，賊大敗，斬酋江二蠻，福寧遂平。連率吳克忠以聞，贈嘉議大夫、濟南路總管、上輕車都尉，追封太原郡侯。越六年，行部御史余闕令廟祀之。楨，襲父爵，除紹興路總管，張士誠陷郡，亦不屈死焉。

吉兒迪矢里 至元九年任縣尹。留心民事，諭民揖讓，爭訟頓息。

#### 判官

張立贊 至正中任。賊寇州治，死之。

#### 學正

陳天錫 林洪並見本州縉紳。

#### 皇朝

初爲縣，設知縣一員，丞、簿、典史各一員，教諭一員，訓導二員，陰陽訓術一員。成化九年，陞爲州，設知州一員，同知一員，判官一員，吏目一員，儒學學正一員，訓導三員，清灣巡檢、大貧營巡檢、柘洋巡檢一員，蘆門巡檢、高羅巡檢一員，延亭巡檢各一員，（二）河泊稅課局大使、廣寧倉大使、大金倉副使、陰陽典術、醫學、典科各一員。

知縣

郭徵 趙仲明（一作名）

龍存仁 存仁字淑心，湖廣人。繇監生任。修廢墜，恤孤寡，興學校，祛民害，理冤獄，均賦役，政治一新。

尹昌隆 昌隆字彥謙，太和人。舉應天鄉試第一，會試第二，進士及第，翰林編修，改御史。三十三年，地震，疏斥權貴，調知福寧縣。清勤自勵，科差驗丁產而高下之，吏不得售奸。公暇，召諸生講課。改北平按察司知事。永樂初，進右春坊中允，漢庶人惡之，出爲禮部主事，尚書呂震忌其剛果，誣與谷庶人逆謀，籍其家。其後，震臨死時呼服謝罪，若田蚡之於魏其、灌夫矣。

右洪武中任。

鄭不己 陳思恭 秦服

右永樂中任。

錢宥 婁有賢

右宣德中任。

項智 智字伯仁，西安人。修學校，均徭役。有爭訟者，每令退省，以發其良心，民訟爲息。

劉淵

右正統中任。

朝廷芳 廷芳字子蘭，東莞人。繇監生任。廉慎恤民，加意學校。人覲卒，民懷之。

辜志

右景泰中任。

賀敬

右天順中任。

易珪 岳俊

右成化中任。

知州

劉象 象字有儀，安福人。是時，縣復爲州，象改建州堂，修治廨舍，勤政惠民，百廢具舉。以憊雨勞瘁，卒於官。

張遜 見福州文苑。

郭祥鵬 祥鵬，泰和人。以進上任。持廉秉公。歷官參政。

孫徑 沈巽 甘瑩

右成化中任。

柏昂 周鑑 沈英 胡璉 俞文煥

右弘治中任。

李時 時，東莞人。以舉人任。正德戊辰入覲，逆瑾先期嚇諸藩省賄，視省大小爲差，閩當贖金三萬，憲長科本州千，時不與，憲長啣之。及清軍，道以多得軍丁爲功，民懼哭求救，時入爲解於憲長，憲長雖啣，而事竟寢。

萬廷彩 廷彩字文明，武寧人。以舉人任。精勤釐弊，門絕私謁，在官五載，窮鄉民情，無不周知。官至浙江參政。

歐陽嵩 嵩字汝中，泰和人。進士。剛正不屈，吏憚威明。開城東南河，溉田數千頃。復置田建河資倉，以資後人疏濬。

顧欽 欽，常熟人。一日，口視事，有鴉千餘鳴噪牆宇，麾之不去，俄有數鴉頭墮庭中，顧忽頭痛暴死。

黃應期

右正德中任。

張儒卿 姜芳 周珙

謝廷舉 廷舉字孟賢，郴州人。以舉人任。州派銀三千餘供三山驛，力爲上官爭，不能得，則草奏疏萬言，欲上聞，因得減半。既去數年，上官復取盈，民思廷舉矣。

王廷幹 程默 黃良材

孫勳 勳，南海人。以舉人任。時海寇披猖，新設軍門治兵行部至州，州故不習見軍門，皆惶恐重

足，而任軍門者又責供張治辦，勦直用卑遜免。州民日擁勦輿出入，軍門竟出境，閭閻無毫髮騷擾。擢常德府同知。

鄭瑄

鍾一元 一元，秀水人。以進士任。州西郭無城，一元營築六百餘丈爲保障，甫竣工，倭賊至，民殊賴之。

何察

柴應賓 應賓，鄞人。以舉人任。州方倭警，一有事，卽橫派里甲，強索鋪戶，吏緣爲奸，應賓一洗其弊。女牆久圯，僱工甫就，倭忽至，城賴以完。卒官。

惠及民

夏汝礪 汝礪，融縣人。嘉靖初，爲南平教諭。待士以誠，賢愚僉益。擢知南安縣。縣故無城，前一年爲倭所掠，汝礪集民城之，計田出直，計丁出夫，三不二載工完。未幾，土寇褚鐸作亂，率衆攻城，堅不可入，因督兵挫之九日山下。秩滿，擢福寧州知州，復培州城之雉堞，州賴以固。

蔡顯節

右嘉靖中任。

陸萬垓 見按察。

右隆慶中任。

劉介齡 介齡，南海人。以進士任。廉潔高簡。時議增游兵，欲於正米外加徵兵餉，介齡歎曰：「民

力竭矣。鄰郡有驛傳之費，吾州嘗助之，今吾州有師旅之役，盍還我驛傳爲兵餉？」事遂寢。

薛道生

羅文靖 文靖字伯獻。南昌人。爲泉州司理。泉有大姓被誣死罪，文靖廉枉，立剖之。遷福寧知州，瀕行，大姓懷金爲贖，峻却焉，隨之境外，文靖曰：「理枉，職也。不任受德，而任受金？」及爲州，常餽，常例不一至門，事從寬處，罪從未減。福寧人稱文靖之爲政也，廉以紀之，仁以經之。還太平府同知。

祝永壽 高汝梅 史起欽 錢上鰲 洪翼聖

右萬曆中任。

丞、簿、同、判、教官賢者附後

郭惇 字元厚，絳人。洪武中丞。廉勤著聲。坐公事去，民惜之。

張翀 陽城人。成化中任州同知。謹慎平易。卒於官。

馬迪 字惠吉，仁和人。成化中以監生任州同知。清慎敏捷，修舉廢墜。善詩書篆，所至留題。

趙廷松 字子俊，樂清人。嘉靖中以刑部主事議大禮，被廷杖，謫州同知。革奸弊，修學校，均賦役。鄙民爭利，爲規諷之訶化之。有盜當論死，重賂所親，張筵緩頰，廷松蹴食几，趣成獄。柘洋流賊劫掠，領軍追捕，賊勢熾，我軍奔北，廷松挺身前曰：「寧殺我，毋傷軍士。」賊皆竄去。次年，徵寧德賊，復遁。歷山西左布政。

項喬 任同知。見福省文苑。

劉復芳 宣城人。嘉靖中繇監生任州同知。有故人子弟以事求理，曰：「縱公，亦私也。」屏不治。踰年，人覲，行李蕭然。吏部嘉其廉，爲改清秩，不就，去。

黃晟 字以明，石首人。成化中任判官。敏幹剛果。州有建造，晟任其勞。

李長 字復之，縉雲人。正德中以給事謫判。嚴介廉明，人不敢干。署福安，俗多聽其教者，咸願退釋。有武斷者，峻法繩之。卒於官。

保齊 通州人。以監生爲曲江令。正德中謫判州。廉直著聞。

姜勳 海門人。嘉靖中。（三）有廉介聲。

鎮丙 咸寧人。萬曆中任吏目。有清守。卒官。市民贖錢爲贖曰：「乃公生時未嘗取我行市一物也。」

程奎 字文昭，婺源人。宣德六年教諭。學優行粹，明師道，振士風。

丘秉中 字希堯，南海人。成化十一年以舉人署學正。嚴條教，勤課業。時新建州學，纂州志四卷。

閔鶚 字廷舉，浮梁人。弘治十年以舉人署學正。嚴於教士，士多有成。署州正，雪死冤百餘。

陳德鳴 字顯道，泰和人。正德二年以舉人署學正。模範端整，恩意周至，上交不諂，時人稱之。歷監察御史。

許士經 南海人。嘉靖中任學正。待士有恩，禮輯楊龜山以來至朱子門人，刻曰《道南觀感錄》，又刻《陸梭山家訓》，頒示諸生。

王良俊 錢塘人。嘉靖二十年以舉人任學正。儀度整飭，談說德業，以勸諸士。陞大寧令，行橐蕭然。

車錡 萬曆八年任學正。見將樂縉紳。

楊蒼 字汝松，廬江人。弘治中任訓導。沉靜溫恭，執事有恪，從官二僕而已。

黃璫 字廷重，浮梁人。正德二年以監生司訓。訓迪不倦，時誘其鈍而不能，而責其敏而無功者。有當道蒞州，上元張燈宴屬僚，璫辭不赴。

汪如玉 字德溫，休寧人。居家孝友。嘉靖中授訓導。却饋周上。

章文粹 涇人。嘉靖中以貢訓導。問學淵邃，善於說《詩》。值倭警，屬司城人開城門，人避賊之衆。倭來攻城萬數，州守病，屬文粹視事，綜畫有方。未幾，覲歸，諸奔送數十里。

鮑愷 餘姚人。嘉靖中任清灣巡檢。通《易參同》，悟真旨。其甥方巡閩至大安，檄州往見，愷不行，州強之一見，面謫其黠，艱然歸。

羅仲楫 豐城人。嘉靖中倉大使。却斗子贄。斗子以酒饌饋其子，子亦不受。甌寧令符驗，廉正士也，爲州庠時，每舉羅與州守較清濁而低昂之。

### 福安縣

宋

令、丞、簿、尉各一員。

令

蘇士穆

右紹定中任。

鄭黼 黼字文甫。淳祐五年知縣。時縣始置，綿蕞爲治，黼經畫邑居設施，政令井井有條，而民不知勞。去，邑人垂涕送之。

林子勳 子勳字翼之，永康人。時踵鄭黼之後，經畫縣治，益有成績。居官以廉謹聞。

右淳熙中任。

薛正己 王庚錫

右年任無考。

陳著 著字子微，奉化人。登文天祥榜進士。相國吳潛等薦其才於朝，賈似道諷其及門，著曰：「寧不登朝，不爲此態。」遂出，授福寧令，改知嵎縣。既還，代者至曰：「何以處我？」著曰：「義利明而取予當，教化先而獄賦後，識大體而用小心，愛細民而公巨室，如是而已。」累官監察御史，知台州。

右咸淳中任。

尉賢者附後

詹栗 嘉熙中任尉。見崇安縉紳。

元

達魯花赤、尹、丞、簿、尉、教諭、訓導、白石巡檢司巡檢、陰陽訓術、醫學訓科各一員。

忙夕兀 回回人。皇慶中尹州。廉潔正大以律身，孝弟忠信以導民。

高琛 燕山人。至順初尹州。剛毅正直，表孝弟，興庠序，鋤強植善，厚本抑末。

林天賜 至正中尹州。值大饑，盜賊丘寧十等恣行劫掠，天賜置酒招寧十，醉而殺之。

胡璉 字公器，懷孟人。至大間簿。持身廉謹，以德化民。

### 皇朝

知縣一員，縣丞、典史各一員，教諭、訓導。(四)

### 知縣

崔孚 葉禮 李讓

右洪武中任。

黃理 理字子溫，歙人。禮上愛民，政平訟簡，有公勤之譽。

鄭齊 齊，江山人。興學校，均徭役，恤鰥寡，濟以廉勤。

周南 李思明

右永樂中任。

陳庸 史昇 徐進

右宣德中任。

沈鑄 葉誠忠

右正統中任。

孟充 陳謨

右天順中任。

陳震 郭綱

劉順 順字惟理。有盜藏金者，誣守藏卒。順至，疑之，訊得其情，遣人至盜家，以水灌地，果得金，藏卒乃免。

馬時中 時中字希德，潮陽人。政尚簡要，勸農桑，興學校，具有成績。

駱善 張灝

右成化中任。

王矚 矚字明卿，山陰人。愛民禮上，釐弊政，正風俗。

程玉 孫經 杜淮

右弘治中任。

沈愚 梁昱

劉鑄 鑄，安仁人。愛民敬士，譖訴不行。爲政三年，不見怒色。

於震 震字孔安，餘姚人。縣頻遭火，爲文禱城隍，浚鳳池淤以制之。簡默公勤，抑強扶弱。竟以狷介去，上論惜焉。

韓洲 洲，蕭山人。剛介公勤，興學恤民，九年一致。

右正德中任。

唐仕 仕，歙人。以鄉薦任縣。葺學宮，銷玄武銅象，鑄文廟禮器，廢白蓮禪堂爲書院射圃，時從諸生講學序賢。禁民巫覡，創醫學藥局以治病。賑饑，已責與民。順流行之三年，風俗爲革。遷景州守，以親老免歸。

李謨

陳泗 泗，永康人。摘奸鋤強。每食，祇薯一豆，人呼「薯公」。

曾暉 馬瑋 文尚

高灌 東陽人。平易近民，恭敬禮士。

笄佩 張邦傑 吳深 李尚德 盧仲佃見晉江知縣 黎永清

李有朋 有朋，東陽人。約已裕民，孜孜不倦。白石司夫向爲縣民之厲，悉心計處，民賴以甦。

右嘉靖中任。

謝 楓

右隆慶中任。

鮑治 楊維誠 徐廷蘭 汪美 袁曾

楊繼時 繼時，錢塘人。縣方被水，革浮節費，廣儲積，重學校，闢泮宮。未幾，憂去。

梁煥 陸以載

右萬曆中任。

丞、簿、尉、教官賢者附後

胡晨 字克興，英山人。正統末丞。時鄧茂七倡亂，愚民乘機掠縣境，晨備禦有方。景泰初，民饑，晨立券貸富家。不足，乃盡借際留倉米賑之。同官欲候中請，晨曰：「民死矣！誓不相累。」遂開倉以賑民。

趙璉 字宗商。成化五年丞。時大風傷稼，繼以水患，民大饑，璉不待請，以倉儲餘糧，量口給食，勸富民出穀濟之。

章弘信 會稽人。由知印丞。隆慶初夏，倭寇村落，督兵生擒十八，馘五級，皆遁去。

陸鵬 慈谿人。嘉靖中任典史。捐俸造橋亭，提兵勦倭。

楊榮 字世資，崇仁人。正德中爲教諭。非公事，未嘗至縣堂。卒，上哀之。

袁埴 字邦器，豐城人。嘉靖中以舉人署教諭。月輒率諸生行冠、婚、射禮，口不言利。

程箕 績溪人。嘉靖中教諭。嚴立教條，學政一新。明年，倭人寇，箕守西門，督兵力戰死之。

李希賢 弘治中訓導。循循誘士，在任八年，始終如一。

劉曇 字汝霖，浮梁人。正德中訓導。端重嚴績，善屬文，士愛而敬之。

繆冕 字希周，分水人。嘉靖中訓導。撰師聖賢，克己私，戒嗜欲，務謙勤。四詩梓授諸生，曰：「某無以教，願諸君體之。」督學督所司舉惡，冕曰：「古人謂『平原自無不敢罔人塞咎』。」竟受罰。陞皇子諭，未赴卒。

謝君錫 海陽人。嘉靖丙辰任訓導。不妄言笑，苟取予。越三年，爲州人守西門，拒倭二日，流矢貫面，強忍不退，俄城陷，還學着公服，觸文廟死。

寧德縣

宋

令、丞、簿、尉、教諭各一員。

令

宋

裴見莆田縉紳

儲惇叙見晉江縉紳

鄧邦寧

右靖康中任。

應惠

趙誼之 誼之字宗盛。建炎四年以奉議郎令。焚膏聽斷，獄無冤抑，吏不能欺。歲饑，勸富民出粟

賑貸。暇則行鄉飲禮，以興孝弟之教。邑有群不逞爲民害，誼之嚴戢，乃陰謀爲變，設方略捕殺之。

右建炎中任。

劉領 阮圭 龔時可 李汾 謝袞 曹績 張孝勵 王習 段彥弼彥，作衍。 徐任 廖邦彥 陳

澤 李植 劉上龍

右紹興中任。

蔡鳳

右隆興中任。

顏師魯見福州縉紳

徐盤 方洗

右乾道中任。

趙善悉見宗正。

虞寅 趙伯璋 張宗文 余有徽 鄧仲倚

右淳熙中任。

毛嘉會

右紹熙中任。

謝雱 趙善新 周居信

右慶元中任。

鄭革 陳汝益

右嘉泰中任。

趙善封見宗室。

右開禧中任。

周茂良 王克恭兄南安給事 郭伯良 王必成 鍾彌高 高漑

右嘉定中任。

陳璉

右寶慶中任。

黃憲 錢沆 徐栻

右紹定中任。

趙希啟 聶世美

右嘉熙中任。

陸鎮 龔鎮

李澤民 澤民，淳熙八年令。政平訟簡，民安其業。首新廟學，創先賢祠。築東湖陂，號「李公堤」。

徐夢發 見浦城續紳。

右淳祐中任。

留祐 黃流

右寶祐中任。

趙汝堞 陳浪孫

右景定中任。

趙希沸 芮居仁

右咸淳中任。

丞、簿、尉、教官賢者附後

楊士齡 開禧中丞縣。 見晉江續紳。

葉衡 字夢錫，金華人。紹興中任簿，攝尉。獲鹽寇。改於潛令。官至宰相。史稱「衡才智有餘，一時之選也」。

陸游 □□中任簿。(五)見提舉常平。

盧應時 紹興中任簿。見惠安縉紳。

曹輔 崇寧中任尉。見沙縣縉紳。

劉曄 乾道中教諭。作新廟學，易民地拓大之。

元

達魯花赤、尹、丞、簿、尉、教諭各一員。

徐賜見順昌縉紳。 孫駮見本縣縉紳。

盧琦 至正中任尹。見惠安。

皇朝

知縣、縣丞、主簿、典史各一員，教諭、訓導各一員，東洋麻嶺巡檢司巡檢一員，河泊所河泊、陰陽訓術、醫學訓科各一員。

王子京

王溥 溥字孟周。建學校，禮師儒，重農務本，公勤著稱。

朱政 政字文政，望江人。有爲有守，民懷德惠。

陸仲蔚

關可誠 可誠字思誠，歸善人。由御史調任。愛民禮士，守己奉公。擢湖廣僉事。

唐伯鑑

右洪武中任。

賈得善 得善字求之，蕭山人。明敏有抑縱，人稱善治。

姚某 李某

右永樂中任。

張初 初字達本，安吉人。仁明公恕，百姓宜之。

右宣德中任。

詹應 應字以誠，金谿人。作興學校，吏畏懷。

許希顏 希顏字本愚，懷慶人。紀綱嚴明，仁威並著。

鮑玄璵 董景鳳 裴高

右正統中任。

鄭文睿

右景泰中任。

周匯 周鍾

右天順中任。

胡箴 江偉 王緬

鄭鎔 鎔字貴之，慈谿人。以舉人授上杭訓導，擢來任縣。清謹仁明，百度振舉，崇重學校，培養士

右成化中任。

愈黼 甘思 召藥和 蔡齊宸 應高

右弘治中任。

熊种 种，新昌人。倜儻有爲。

龔穎 見安溪知縣。

羅幹 見平和縣知縣。

桂宗美

右正德中任。

周銑

葉稠 稠字桂芳，南昌人。以舉人任。表率孝友行誼之民，毀淫祠十餘所。堅陳石堂書院，給田祭享。聽斷明決，鄰有疑獄，當道多屬之，自携蔬糗往聽，絲粟無擾。罰贖俱令人穀，歲饑賴全活。

程世鵬 舒文奎 劉僑 方寬 李裕

夏寶 寶，南城人。以舉人任。一力自隨，寒暑兩衣，幾更不易。聽訟立剖，贖緩悉入公帑。公退，吟咏灌園。擢判常州。

李堯卿 堯卿，番禺人。以舉人任。政平訟簡，民安其業。倭犯城，單弱無援，堯卿與參將王夢麟敵血盟衆，賊有張車登陴者，堯卿手刃其六七，有進逃遁之策者，立叱斬之，併攻三日，城陷死之。贈太僕丞，蔭一子。

林時芳 時芳，潮陽人。以舉人任。時邑方苦倭，州里爲墟，民匿山谷不返。卽返，夜驚復潛遁，時芳多方招集綏撫流散，至於刑誣賴、弛鹽禁、戮假倭、平鄰猾。創殘之後，能使道不拾遺，民心快焉。

右嘉靖中任。

胡師

右隆慶中任。

韓紹見長泰縣知縣。

鄭彭齡

高愈謙

徐文翰

舒應元

黃試

施夢麟

區日振

曾曜

李時榮

曾受益

右萬曆中任。

丞、簿、尉、教官賢者附後

顏清 字汝揚，廣東人。正統間以掾任丞。守潔，不畏權勢，威信大行。時銀場開辦，按臣中官、藩臬府屬、監課軍戍，往來文移絡繹，接應如流。會鄧茂七亂，其黨徧掠鄉村。清率民兵焚其寨，殲賊三百，餘黨遁去。卒於官。

潘貴 字叔貴，永康人。景泰間丞。慈下和衆，綜理周密。

周和 正德間丞。見清流知縣。

李詔 字應魁，南豐人。正德中丞縣。捐俸貲建尊經閣、名宦鄉賢二祠，設趙公渡亭，廂砌城垣百餘丈。歸休十年，猶遣人橐金爲修葺尊經閣資，置祭器尊彝於學宮。

江鎔 字玉輝，金谿人。弘治間簿。清潔有威，政事修舉。應詔陳言，皆切時政。

劉定資 字天賦，邵陽人。嘉靖中任簿。剛直老成。致仕去。

胡文 星子人。嘉靖中簿。誠朴平易。卒於官。

黃明 字思誠，進賢人。永樂中任典史。操行端潔，處事公勤。

鄭嘉祥 字應麟，南海人。正德中典史。在任六載，始終一致。以剛直不協僚友，致仕去。

戴本 字彝倫，江西德化人。永樂十五年。以舉人任教諭。有文學，孝友節義，孜孜教人。

林約仲 名組，以字行，平陽人。宣德中繇舉人任教諭修學宮，講堂、齋室，擇民間子弟使就學，明經術，嚴條約，以教之。

陳震 字起東，長洲人。成化五年以舉人任教諭。善古文詞，尤長於詩，吳文定稱其詩有王、岑、高、劉之風。林莊敏在北臺，爲寧德擇師，請銓曹授之。

王鑾 字節之，浮梁人。正德中以舉人任教諭。時學燬教荒，鑾舉廢墜，飾聖賢像，新科貢版，甄別試士，貧者給以資餉，死無歸者殮而賻之。攝邑政，革樣米，禁海船泊稅之弊。寧德人稱賢師，必曰王浮梁。

陳大期 字世望，饒平人。嘉靖八年以舉人署教諭。蚤從魏莊渠學。恒與諸生歌詩誦書，會文肄時以陶成德器。

蔡智 字尚鑑，黃巖人。宣德中以舉人司訓。約束諸士，隨才程督。夙興端坐，比曉升堂，教誨懇至。退齋，手不釋卷。

董秀 正統中訓導。見閩縣縉紳。

伍充 高要人。嘉靖中任訓導。剛直嚴教。

閔文振 浮梁人。嘉靖中訓導。博雅能文，持身嚴謹。

利灌見寧洋教諭。博羅人。嘉靖中訓導。持身端慎，無惰容苟言。日用不自給，而加意貧生，周其尤急者。同官胡有疾，子不在側，終日省候；其卒也，殯之，而歸其櫬。陞寧洋教諭，歷兩府教授。

何子曰：予志文蒞，令長以下，蓋採諸郡縣記乘；若夫兩臺藩臬，其官則尊，其任或久或近不同，非若郡縣親且切，聞見寥寥也。予所爲志，蓋採諸傳、狀、墓誌流傳人間者，會粹良苦已。夫士服采亮王，誰甘汶汶哉？得予志而讀之，煌煌乎國家賢才之盛，布列中外，海內泰寧者，此矣。

贊曰：簪笏紫朱，旌節旗幢，黃綬紺綸，孰匪代工？平則枕奠，亂則鼎扛，嘉譽令問，口載皓龐，書屏賜璽，天門上班，前後相望，殿我大邦。

〔校記〕

〔一〕「各」字，當衍。

〔二〕「計子出夫」，各本原作「計下出夫」，據文義改。

〔三〕「嘉靖中」下，當有脫文。

〔四〕「訓導」下，當有脫文。

〔五〕「中任簿」上，各本原闕二字。本句據陸游《渭南文集》卷一《雲門壽聖院記》，當作「紹興二十七年任簿」。

